

Namo tassa bhagavato arahato sammāsambuddhassa

Vinayapiṭake

Mahāvaggapāḷi

1. Mahākhandhako

1. Bodhikathā

1. [udā. 1 ādayo] Tena samayena buddho bhagavā uruvelāyaṃ viharati najjā nerañjarāya tīre bodhirukkhamūle paṭhamābhisambuddho. Atha kho bhagavā bodhirukkhamūle sattāhaṃ ekapallaṅkena nisīdi vimuttisukhapāṭisaṃvedī [vimuttisukhaṃ paṭisaṃvedī (ka.)]. Atha kho bhagavā rattiyā paṭhamamaṃ yāmaṃ paṭiccasamuppādaṃ anulomapaṭilomaṃ manasākāsi – “avijjāpaccayā saṅkhārā, saṅkhārapaccayā viññāṇaṃ, viññāṇapaccayā nāmarūpaṃ, nāmarūpapaccayā saḷāyatanaṃ, saḷāyatanaṃ paccayā phasso, phassapaccayā vedanā, vedanāpaccayā taṇhā, taṇhāpaccayā upādānaṃ, upādānapaccayā bhavo, bhavapaccayā jāti, jātipaccayā jarāmaraṇaṃ sokaparidevadukkhadomanassupāyāsā sambhavanti – evametassa kevalassa dukkhakkhandhassa samudayo hoti. “Avijjāyatveva asesavirāganirodhā saṅkhāranirodho, saṅkhāranirodhā viññāṇanirodho, viññāṇanirodhā nāmarūpanirodho, nāmarūpanirodhā saḷāyatanaṃ, saḷāyatanaṃ paccayā phassaṃ, phassaṃ paccayā vedanā, vedanā paccayā taṇhā, taṇhā paccayā upādānaṃ, upādānaṃ paccayā bhavaṃ, bhavaṃ paccayā jāti, jāti paccayā jarāmaraṇaṃ sokaparidevadukkhadomanassupāyāsā nirujjhanti – evametassa kevalassa dukkhakkhandhassa nirodho hoti”’ti.

Atha kho bhagavā etamatthaṃ veditvā tāyaṃ velāyaṃ imaṃ udānaṃ udānesi –

“Yadā have pātubhavanti dhammā;
Ātāpino jhāyato brāhmaṇassa;
Athassa kaṅkhā vapayanti sabbā;
Yato pajānāti sahetudhamma”’nti.

2. [udā. 2] Atha kho bhagavā rattiyā majjhimaṃ yāmaṃ paṭiccasamuppādaṃ anulomapaṭilomaṃ manasākāsi – “avijjāpaccayā saṅkhārā, saṅkhārapaccayā viññāṇaṃ, viññāṇapaccayā nāmarūpaṃ...pe... evametassa kevalassa dukkhakkhandhassa samudayo hoti...pe... nirodho hoti”’ti.

Atha kho bhagavā etamatthaṃ veditvā tāyaṃ velāyaṃ imaṃ udānaṃ udānesi –

“Yadā have pātubhavanti dhammā;
Ātāpino jhāyato brāhmaṇassa;
Athassa kaṅkhā vapayanti sabbā;
Yato khayamaṃ paccayānaṃ avedī”’ti.

3. [udā. 3] Atha kho bhagavā rattiyā pacchimaṃ yāmaṃ paṭiccasamuppādaṃ anulomapaṭilomaṃ manasākāsi – “avijjāpaccayā saṅkhārā, saṅkhārapaccayā viññāṇaṃ, viññāṇapaccayā nāmarūpaṃ...pe... evametassa kevalassa dukkhakkhandhassa samudayo hoti...pe... nirodho hoti”’ti.

Atha kho bhagavā etamatthaṃ veditvā tāyaṃ velāyaṃ imaṃ udānaṃ udānesi –

“Yadā have pātubhavanti dhammā;
 Ātāpino jhāyato brāhmaṇassa;
 Vidhūpayam tiṭṭhati mārasenam;
 Sūriyova [suriyova (sī. syā. kaṃ.)] obhāsaya mantalikkha”nti.

Bodhikathā niṭṭhitā.

2. Ajapālakathā

4. [udā. 4] Atha kho bhagavā sattāhassa accayena tamhā samādhimhā vuṭṭhahitvā bodhirukkhamulā yena ajapālanigrodho tenupasaṅkami, upasaṅkamitvā ajapālanigrodhamūle sattāham ekapallaṅkena nisīdi vimuttisukhapaṭisaṃvedī. Atha kho aññataro huṃhuṅkajātiko brāhmaṇo yena bhagavā tenupasaṅkami. Upasaṅkamitvā bhagavatā saddhiṃ sammodi. Sammodanīyaṃ katham saraṇīyaṃ vītisāretvā ekamantaṃ aṭṭhāsi. Ekamantaṃ ṭhito kho so brāhmaṇo bhagavantam etadavoca – “kittāvatā nu kho, bho gotama, brāhmaṇo hoti, katame ca pana brāhmaṇakaraṇā [brāhmaṇakārakā (ka.) brāhmaṇakarāṇā (?)] dhammā”ti? Atha kho bhagavā etamattham viditvā tāyaṃ velāyaṃ imaṃ udānaṃ udānesi –

[netti. 103] Yo brāhmaṇo bāhitapāpadhammo;
 Nihūṃhuṅko nikkasāvo yatatto;
 Vedantaḡ vusitabrahmacariyo;
 Dhammena so brahmavādaṃ vadeyya;
 Yassussadā natthi kuhiṅci loke”ti.

Ajapālakathā niṭṭhitā.

3. Mucalindakathā

5. [udā. 11] Atha kho bhagavā sattāhassa accayena tamhā samādhimhā vuṭṭhahitvā ajapālanigrodhamulā yena mucalindo tenupasaṅkami, upasaṅkamitvā mucalindamūle sattāham ekapallaṅkena nisīdi vimuttisukhapaṭisaṃvedī. Tena kho pana samayena mahā akālamegho udapādi, sattāhavaddalikā sītavātaduddinī. Atha kho mucalindo nāgarājā sakabhavanā nikkhamitvā bhagavato kāyaṃ sattakkhattuṃ bhogehi parikkhipitvā uparimuddhani mahantaṃ phaṇaṃ karitvā aṭṭhāsi – “mā bhagavantam sītaṃ, mā bhagavantam uṇhaṃ, mā bhagavantam ḡaṃsamakasavātātapasarīsapasamphasso”ti [...siriṃ sapa... (sī. syā. kaṃ.)]. Atha kho mucalindo nāgarājā sattāhassa accayena viddham vīgatavalāhakaṃ devaṃ viditvā bhagavato kāyā bhoge viniveṭhetvā sakavaṇṇaṃ paṭisaṃharitvā māṇavakavaṇṇaṃ abhinimminitvā bhagavato purato aṭṭhāsi pañjaliko bhagavantam namassamāno. Atha kho bhagavā etamattham viditvā tāyaṃ velāyaṃ imaṃ udānaṃ udānesi –

[kathā. 338 kathāvatthupāliyaṃpi] “Sukho viveko tuṭṭhassa, sutadhammassa passato;
 Abyāpajjaṃ sukhaṃ loke, pāṇabhūtesu saṃyamo.

[kathā. 338 kathāvatthupāliyaṃpi] “Sukhā virāgatā loke, kāmānaṃ samatikkamo;
 Asmimānassa yo vinayo, etaṃ ve paramaṃ sukha”nti.

Mucalindakathā niṭṭhitā.

4. Rājāyatanakathā

6. Atha kho bhagavā sattāhassa accayena tamhā samādhimhā vuṭṭhahitvā mucalindamulā yena

rājāyatanam tenupasaṅkami, upasaṅkamitvā rājāyatanamūle sattāham ekapallaṅkena nisīdi vimuttisukhapatisaṃvedī. Tena kho pana samayena tapussa [tapassu (sī.)] bhallikā vāṇijā ukkalā taṃ desaṃ addhānamaggappaṭipannā honti. Atha kho tapussabhallikānaṃ vāṇijānaṃ ñāṭisālohitā devatā tapussabhallike vāṇije etadavoca – “ayaṃ, mārisā, bhagavā rājāyatanamūle viharatī paṭhamābhisambuddho; gacchatha taṃ bhagavantaṃ manthena ca madhupiṇḍikāya ca patimānetha; taṃ vo bhavissati dīgharattaṃ hitāya sukhāyā”ti. Atha kho tapussabhallikā vāṇijā manthañca madhupiṇḍikañca ādāya yena bhagavā tenupasaṅkamimsu, upasaṅkamitvā bhagavantaṃ abhivādetvā ekamantaṃ aṭṭhaṃsu. Ekamantaṃ ṭhitā kho tapussabhallikā vāṇijā bhagavantaṃ etadavocum – “paṭiggaṇhātu no, bhante, bhagavā manthañca madhupiṇḍikañca, yaṃ amhākaṃ assa dīgharattaṃ hitāya sukhāyā”ti. Atha kho bhagavato etadahosi – “na kho tathāgatā hatthesu paṭiggaṇhanti. Kimhi nu kho ahaṃ paṭiggaṇheyyaṃ manthañca madhupiṇḍikañcā”ti? Atha kho cattāro mahārājāno bhagavato cetasā cetoparivittakamaññāya catuddisā cattāro selamaye patte bhagavato upanāmesum – “idha, bhante, bhagavā paṭiggaṇhātu manthañca madhupiṇḍikañcā”ti. Paṭiggahesi bhagavā paccagge selamaye patte manthañca madhupiṇḍikañca, paṭiggahetvā paribhuñji. Atha kho tapussabhallikā vāṇijā bhagavantaṃ onītapattapāṇiṃ viditvā bhagavato pādesu sirasā nipatitvā bhagavantaṃ (onītapattapāṇiṃ viditvā bhagavato pādesu sirasā nipatitvā bhagavantaṃ) [() sī. syā. potthakesu natthi] etadavocum – “ete mayā, bhante, bhagavantaṃ saraṇaṃ gacchāma dhammañca, upāsake no bhagavā dhāretu ajjatagge paṇupete saraṇaṃ gate”ti. Te ca loke paṭhamaṃ upāsakā ahesum dnevācikā.

Rājāyatanakathā niṭṭhitā.

5. Brahmāyācanakathā

7. [ayaṃ brahmāyācanakathā dī. ni. 2.64 ādayo; ma. ni. 1.281 ādayo; ma. ni. 2.336 ādayo; saṃ. ni. 1.172 ādayo] Atha kho bhagavā sattāhassa accayena tamhā samādhimhā vuṭṭhahitvā rājāyatanamūlā yena ajapālanigrodho tenupasaṅkami. Tatra sudam bhagavā ajapālanigrodhamūle viharatī. Atha kho bhagavato rahogatassa paṭisallīnassa evaṃ cetaso parivittakko udapādi – “adhigato kho myāyaṃ dhammo gambhīro duddaso duranubodho santo paṇīto atakkāvacarō nipuṇo paṇḍitavedaniyo. Ālayarāmā kho panāyaṃ pajā ālayaratā ālayasammuditā. Ālayarāmāya kho pana pajāya ālayaratāya ālayasammuditāya duddasaṃ idam ṭhānaṃ yadidaṃ idappaccayatāpaaccasamuppādo; idampi kho ṭhānaṃ sududdasaṃ yadidaṃ sabbasaṅkhārasamatho sabbūpadhipaṭṭinissaggo taṇhākkhāyo virāgo nirodho nibbānaṃ. Ahañceva kho pana dhammaṃ deseyyaṃ, pare ca me na ājāneyyūṃ, so mamassa kilamatho, sā mamassa vihesā”ti. Apissu bhagavantaṃ imā anacchariyā gāthāyo paṭibhaṃsu pubbe assutapubbā –

“Kicchena me adhigataṃ, halaṃ dāni pakāsituṃ;
Rāgadosaparetehi, nāyaṃ dhammo susambudho.

“Paṭisotagāmiṃ nipuṇaṃ, gambhīraṃ duddasaṃ aṇuṃ;
Rāgarattā na dakkhanti, tamokhandhena āvuṭṭā [āvaṭṭā (sī.)]”ti.

Iti ha bhagavato paṭisañcikkhato appossukkatāya cittaṃ namati, no dhammadesanāya.

8. Atha kho brahmuno sahampatissa bhagavato cetasā cetoparivittakamaññāya etadahosi – “nassati vata bho loko, vinassati vata bho loko, yatra hi nāma tathāgatassa arahato sammāsambuddhassa appossukkatāya cittaṃ namati [namissati (?)], no dhammadesanāyā”ti. Atha kho brahmā sahampati – seyyathāpi nāma balavā puriso samiñjitaṃ vā bāhaṃ pasāreyya, pasāritaṃ vā bāhaṃ samiñjeyya evameva – brahmaloke antarahito bhagavato purato pāturahosi. Atha kho brahmā sahampati ekaṃsaṃ uttarāsaṅgaṃ karitvā dakkhiṇajāṇumaṇḍalaṃ pathaviyaṃ nihantvā yena bhagavā tenañjaliṃ paṇāmetvā bhagavantaṃ etadavoca – “desetu, bhante, bhagavā dhammaṃ, desetu sugato dhammaṃ. Santi sattā apparajakkhājātikā, assavanatā dhammassa parihāyanti, bhavissanti dhammassa aññātāro”ti. Idamavoca

brahmā sahampati, idaṃ vatvāna athāparam etadavoca –

“Pāturahosi magadhesu pubbe;
Dhammo asuddho samalehi cintito;
Apāpuretaṃ [avāpuretaṃ (sī.)] amatassa dvāraṃ;
Suṇantu dhammaṃ vimalenānubuddhaṃ.

“Sele yathā pabbatamuddhaniṭṭhito;
Yathāpi passe janataṃ samantato;
Tathūpamaṃ dhammamayaṃ sumedha;
Pāsādamāruya samantacakkhu;
Sokāvatiṇṇaṃ janatamapetasoko;
Avekkhassu jātijarābhībhūtaṃ.

“Uṭṭhehi vīra vijitasāṅgāma;
Sattavāha aṇaṇa [anaṇa (ka.)] vicara loke;
Desassu [desetu (ka.)] bhagavā dhammaṃ;
Aññātāro bhavissanti”ti.

[[] sī. syā. potthakesu natthi, mūlapaṇṇāsakesu pāsārāsisutthe brahmayācanā sakim yeva āgatā]
[Evaṃ vutte bhagavā brahmānaṃ sahampatiṃ etadavoca – “mayhampi kho, brahme, etadahosi –
‘adhigato kho myāyaṃ dhammo gambhīro duddaso duranubodho santo paṇīto atakkāvacarō nipuṇo
paṇḍitavedaniyo. Ālayarāmā kho panāyaṃ pajā ālayaratā ālayasammuditā. Ālayarāmāya kho pana
pajāya ālayaratāya ālayasammuditāya duddasaṃ idaṃ thānaṃ yadidaṃ
idappaccayatāpaṭiccasamuppādo; idampi kho thānaṃ sududdasaṃ yadidaṃ sabbasaṅkhārasamatho
sabbūpadhipaṭinissaggo taṇhākkhayo virāgo nirodho nibbānaṃ. Ahañceva kho pana dhammaṃ
deseyyaṃ, pare ca me na ājāneyyūṃ, so mamaṃ kilamatho, sā mamaṃ vihesā”ti. Apissu maṃ,
brahme, imā anacchariyā gāthāyo paṭibhaṃsu pubbe assutapubbā –

‘Kicchena me adhigataṃ, halaṃ dāni pakāsituṃ;
Rāgadosaparetehi, nāyaṃ dhammo susambudho.

‘Paṭisotagāmiṃ nipuṇaṃ, gambhīraṃ duddasaṃ aṇuṃ;
Rāgarattā na dakkhanti, tamokhandhena āvuṭā”ti.

Iti me, brahme, paṭisañcikkhato appossukkatāya cittaṃ namati no dhammadesanāyā”ti.

Dutiyampi kho brahmā sahampati bhagavantaṃ etadavoca – “desetu, bhante, bhagavā dhammaṃ,
desetu sugato dhammaṃ; santi sattā apparajakkhajātikā, assavanatā dhammassa parihāyanti, bhavissanti
dhammassa aññātāro”ti. Idamavoca brahmā sahampati, idaṃ vatvāna athāparam etadavoca –

“Pāturahosi magadhesu pubbe;
Dhammo asuddho samalehi cintito;
Apāpuretaṃ amatassa dvāraṃ;
Suṇantu dhammaṃ vimalenānubuddhaṃ.

“Sele yathā pabbatamuddhaniṭṭhito;
Yathāpi passe janataṃ samantato;
Tathūpamaṃ dhammamayaṃ sumedha;
Pāsādamāruya samantacakkhu;
Sokāvatiṇṇaṃ janatamapetasoko;

Avekkhassu jātijarābhībhūtaṃ.

“Uṭṭhehi vīra vijitasāṅgāma;
Sattavāha aṇaṇa vicara loke;
Desassu bhagavā dhammaṃ;
Aññātāro bhavissantī”ti.

Dutiyampi kho bhagavā brahmānaṃ sahampatiṃ etadavoca – “mayhampi kho, brahme, etadahosi – ‘adhigato kho myāyaṃ dhammo gambhīro duddaso duranubodho santo paṇīto atakkāvacaro nipuṇo paṇḍitavedanīyo. Ālayarāmā kho paṇāyaṃ pajā ālayaratā ālayasammuditā. Ālayarāmāya kho pana pajāya ālayaratāya ālayasammuditāya duddasaṃ idaṃ thānaṃ yadidaṃ idappaccayatāpaṭiccasamuppādo; idampi kho thānaṃ sududdasaṃ yadidaṃ sabbasaṅkhārasamatho sabbūpadhipaṭinissaggo taṇhākkhayo virāgo nirodho nibbānaṃ. Ahañceva kho pana dhammaṃ deseyyaṃ, pare ca me na ājāneyyuaṃ, so mamaṃsa kilamatho, sā mamaṃsa vihesā”ti. Apissu maṃ, brahme, imā anacchariyā gāthāyo paṭibhaṃsu pubbe assutapubbā –

‘Kicchena me adhigataṃ, halaṃ dāni pakāsitaṃ;
Rāgadosaparetehi, nāyaṃ dhammo susambudho.

‘Paṭisotagāmiṃ nipuṇaṃ, gambhīraṃ duddasaṃ aṇuṃ;
Rāgarattā na dakkhanti, tamokhandhena āvuṭṭā”ti.

Itiha me, brahme, paṭisañcikkhato appossukkatāya cittaṃ namati, no dhammadesanāyā”ti.

Tatiyampi kho brahmā sahampati bhagavantaṃ etadavoca – “desetu, bhante, bhagavā dhammaṃ, desetu sugato dhammaṃ. Santi sattā apparajakkhajātikā, assavanatā dhammassa parihāyanti, bhavissantī dhammassa aññātāro”ti. Idamavoca brahmā sahampati, idaṃ vatvāna athāparaṃ etadavoca –

“Pāturahosi magadhesu pubbe;
Dhammo asuddho samalehi cintito;
Apāpuretaṃ amatassa dvāraṃ;
Suṇantu dhammaṃ vimalenānubuddhaṃ.

“Sele yathā pabbatamuddhaniṭṭhito;
Yathāpi passe janataṃ samantato;
Tathūpamaṃ dhammamayaṃ sumedha;
Pāsādamāruyaṃ samantacakkhu;
Sokāvatiṇṇaṃ janatamapetasoko;
Avekkhassu jātijarābhībhūtaṃ.

“Uṭṭhehi vīra vijitasāṅgāma;
Sattavāha aṇaṇa vicara loke;
Desassu bhagavā dhammaṃ;
Aññātāro bhavissantī”ti.

9. Atha kho bhagavā brahmuno ca ajjhesanaṃ viditvā sattesu ca kāruññataṃ paṭicca buddhacakkhunā lokaṃ volokesi. Addasā kho bhagavā buddhacakkhunā lokaṃ volokento satte apparajakkhe mahārajakkhe tikkhindriye mudindriye svākāre dvākāre suviññāpaye duviññāpaye, appekacce paralokavajjabhayadassāvīne [dassāvīno (sī. syā. kaṃ.)] viharante, appekacce na paralokavajjabhayadassāvīne viharante. Seyyathāpi nāma uppaliniyaṃ vā paduminiyaṃ vā puṇḍarīkiniyaṃ vā appekaccāni uppalāni vā padumāni vā puṇḍarīkāni vā uduke jātāni uduke

saṃvaḍḍhāni udakānuggatāni anto nimuggaposīni, appekaccāni uppalāni vā padumāni vā puṇḍarīkāni vā uduke jātāni uduke saṃvaḍḍhāni samodakam ʔhitāni, appekaccāni uppalāni vā padumāni vā puṇḍarīkāni vā uduke jātāni uduke saṃvaḍḍhāni udakam accuggamma ʔhitāni [tiṭṭhanti (sī. syā.)] anupalittāni udakena, evamevaṃ bhagavā buddhacakkhunā lokam volokento addasa satte apparajakkhe mahārajakkhe tikkhindriye mudindriye svākāre dvākāre suviññāpaye duviññāpaye, appekacce paralokavajjabhayadassāvīne viharante, appekacce na paralokavajjabhayadassāvīne viharante; disvāna brahmānam saḥampatiṃ gāthāya paccabhāsi –

“Apārutā tesam amatassa dvārā;
Ye sotavanto pamuñcantu saddham;
Vihimsasaññī paguṇam na bhāsim;
Dhammam paṇītam manujesu brahme”ti.

Atha kho brahmā saḥampati “katāvakāso khomhi bhagavatā dhammadesanāyā”ti bhagavantam abhivādetvā padakkhiṇam katvā tatthevantaradhāyi.

Brahmayācanakathā niṭṭhitā.

6. Pañcavaggiyakathā

10. [ma. ni. 1.284 ādayo; ma. ni. 2.339 ādayo] Atha kho bhagavato etadahosi – “kassa nu kho aham paṭhamam dhammam deseyyam? Ko imam dhammam khippameva ājānissatī”ti? Atha kho bhagavato etadahosi – “ayam kho ālāro kālāmo paṇḍito byatto medhāvī dīgharattam apparajakkhajātiko; yaṃnūnāham ālārassa kālāmassa paṭhamam dhammam deseyyam, so imam dhammam khippameva ājānissatī”ti. Atha kho antarahitā devatā bhagavato ārocesi – “sattāhakālaṅkato, bhante, ālāro kālāmo”ti. Bhagavatopi kho ñāṇam udapādi – “sattāhakālaṅkato ālāro kālāmo”ti. Atha kho bhagavato etadahosi – “mahājāniyo kho ālāro kālāmo; sace hi so imam dhammam suṇeyya, khippameva ājāneyyā”ti. Atha kho bhagavato etadahosi – “kassa nu kho aham paṭhamam dhammam deseyyam? Ko imam dhammam khippameva ājānissatī”ti? Atha kho bhagavato etadahosi – “ayam kho udako [uddako (sī. syā.)] rāmaputto paṇḍito byatto medhāvī dīgharattam apparajakkhajātiko; yaṃnūnāham udakassa rāmaputtassa paṭhamam dhammam deseyyam, so imam dhammam khippameva ājānissatī”ti. Atha kho antarahitā devatā bhagavato ārocesi – “abhidosakālaṅkato, bhante, udako rāmaputto”ti. Bhagavatopi kho ñāṇam udapādi – “abhidosakālaṅkato udako rāmaputto”ti. Atha kho bhagavato etadahosi – “mahājāniyo kho udako rāmaputto; sace hi so imam dhammam suṇeyya, khippameva ājāneyyā”ti

Atha kho bhagavato etadahosi – “kassa nu kho aham paṭhamam dhammam deseyyam? Ko imam dhammam khippameva ājānissatī”ti? Atha kho bhagavato etadahosi – “bahukārā kho me pañcavaggiyā bhikkhū, ye maṃ padhānapahitattam upatṭhahimsu; yaṃnūnāham pañcavaggiyānam bhikkhūnam paṭhamam dhammam deseyya”nti. Atha kho bhagavato etadahosi – “kham nu kho etarahi pañcavaggiyā bhikkhū viharantī”ti? Addasā kho bhagavā dībbena cakkhunā visuddhena atikkantamānusakena pañcavaggiye bhikkhū bārāṇasiyam viharante isipātane migadāye. Atha kho bhagavā uruvelāyam yathābhirantam viharitvā yena bārāṇasī tena cārikam pakkāmi.

11. Addasā kho upako ājīvako bhagavantam antarā ca gayam antarā ca bodhim addhānamaggappaṭipannaṃ, disvāna bhagavantam etadavoca – “vippasannāni kho te, āvuso, indriyāni, parisuddho chavivaṇṇo pariyodāto. Kamsi tvam, āvuso, uddissa pabbajito? Ko vā te satthā? Kassa vā tvam dhammam rocesi”ti? Evam vutte bhagavā upakam ājīvakam gāthāhi ajjhabhāsi –

[dha. pa. 353; kathā. 405] “Sabbābhibhū sabbavidūhamasmi,
Sabbesu dhammesu anūpalitto;

Sabbañjaho tañhākkhaye vimutto,
Sayam abhiññāya kamuddiseyyam.

[mi. pa. 4.5.11 milindapañhepi; kathā. 405] “Na me ācariyo atthi, sadiso me na vijjati;
Sadevakasmiṃ lokasmiṃ, natthi me paṭipuggalo.

[kathā. 405 kathāvattthupāḷiyampi] “Ahañhi arahā loke, aham satthā anuttaro;
Ekomhi sammāsambuddho, sītībhūtosmi nibbuto.

[kathā. 405 kathāvattthupāḷiyampi] “Dhammacakkaṃ pavattetuṃ, gacchāmi kāsinam puram;
Andhībhūtasmiṃ lokasmiṃ, āhañchaṃ [āhaññim (ka.)] amatadundubhi”nti.

Yathā kho tvam, āvuso, paṭijānāsi, arahasi anantajinoti.

[kathā. 405 kathāvattthupāḷiyampi] “Mādisā ve jinā honti, ye pattā āsavakkhayaṃ;
Jitā me pāpakā dhammā, tasmāhamupaka [tasmāhamupakā (sī.)] jino”ti.

Evam vutte upako ājīvako hupeyyapāvusoti [huveyyapāvuso (sī.) huveyyāvuso (syā.)] vatvā sīsam
okampetvā ummaggaṃ gahetvā pakkāmi.

12. Atha kho bhagavā anupubbena cārikaṃ caramāno yena bārāṇasī isipatanam migadāyo, yena pañcavaggiyā bhikkhū tenupasaṅkami. Addasaṃsu kho pañcavaggiyā bhikkhū bhagavantam dūratova āgacchantam; disvāna aññamaññaṃ katikaṃ [idaṃ padaṃ kesuci natthi] sañthapesuṃ – “ayam, āvuso, samaṇo gotamo āgacchati, bāhulliko padhānavibbhanto āvatto bāhullāya. So neva abhivādetabbo, na paccuṭṭhātabbo, nāssa pattacīvaram paṭiggahetabbaṃ; api ca kho āsanam ṭhapetabbaṃ, sace so ākaṅkhissati nisīdissati”ti. Yathā yathā kho bhagavā pañcavaggiye bhikkhū upasaṅkamati, tathā tathā [tathā tathā te (sī. syā.)] pañcavaggiyā bhikkhū nāsakkhimsu sakāya katikāya sañthātuṃ. Asañthahantā bhagavantam paccuggantvā eko bhagavato pattacīvaram paṭiggahesi, eko āsanam paññapesi, eko pādodakaṃ, eko pādapīṭhaṃ, eko pādakaṭhalikaṃ upanikkhipi. Nisīdi bhagavā paññatte āsane; nisajja kho bhagavā pāde pakkhālesi. Apissu [api ca kho (pāsarāsisuttha)] bhagavantam nāmena ca āvusovādena ca samudācaranti. Evam vutte bhagavā pañcavaggiye bhikkhū etadavoca – “mā, bhikkhave, tathāgataṃ nāmena ca āvusovādena ca samudācaratha [samudācarittha (sī. syā.)]. Araham, bhikkhave, tathāgato sammāsambuddho, odahatha, bhikkhave, sotam, amatamadhigataṃ, ahamanusāsāmi, aham dhammaṃ desemi. Yathānusiṭṭham tathā paṭipajjamānā [yathānusiṭṭham paṭipajjamānā (syā.)] nacirasseva – yassatthāya kulaputtā sammadeva agārasmā anagāriyam pabbajanti tadanuttaram – brahmacariyapariyosānam diṭṭheva dhamme sayam abhiññā sacchikatvā upasampajja viharissathā”ti. Evam vutte pañcavaggiyā bhikkhū bhagavantam etadavocuṃ – “tāyapi kho tvam, āvuso gotama, iriyāya [cariyāya (syā.)], tāya paṭipadāya, tāya dukkarakārikāya nevajjhagā uttari manussadhammā [uttarimanussadhammaṃ (syā. ka.)] alamariyaññadassanavisesam, kiṃ pana tvam etarahi, bāhulliko padhānavibbhanto āvatto bāhullāya, adhigamissasi uttari manussadhammā alamariyaññadassanavisesa”nti? Evam vutte bhagavā pañcavaggiye bhikkhū etadavoca – “na, bhikkhave, tathāgato bāhulliko, na padhānavibbhanto, na āvatto bāhullāya; araham, bhikkhave, tathāgato sammāsambuddho. Odahatha, bhikkhave, sotam, amatamadhigataṃ, ahamanusāsāmi, aham dhammaṃ desemi. Yathānusiṭṭham tathā paṭipajjamānā nacirasseva – yassatthāya kulaputtā sammadeva agārasmā anagāriyam pabbajanti tadanuttaram – brahmacariyapariyosānam diṭṭhevadhamme sayam abhiññā sacchikatvā upasampajja viharissathā”ti. Dutiyampi kho pañcavaggiyā bhikkhū bhagavantam etadavocuṃ...pe.... Dutiyampi kho bhagavā pañcavaggiye bhikkhū etadavoca...pe.... Tatiyampi kho pañcavaggiyā bhikkhū bhagavantam etadavocuṃ – “tāyapi kho tvam, āvuso gotama, iriyāya, tāya paṭipadāya, tāya dukkarakārikāya nevajjhagā uttari manussadhammā alamariyaññadassanavisesam, kiṃ pana tvam etarahi, bāhulliko padhānavibbhanto āvatto bāhullāya, adhigamissasi uttari manussadhammā alamariyaññadassanavisesa”nti? Evam vutte bhagavā pañcavaggiye bhikkhū etadavoca – “abhiññātha

me no tumhe, bhikkhave, ito pubbe evarūpaṃ pabhāvitameta’’nti [bhāsitametanti (sī. syā. ka.) [ṭikāyo oloketabbā](#)]?’ ‘‘Nohetaṃ, bhante’’. Arahaṃ, bhikkhave, tathāgato sammāsambuddho, odahatha, bhikkhave, sotaṃ, amatamadhigataṃ, ahamanusāsāmi, ahaṃ dhammaṃ desemi. Yathānusiṭṭhaṃ tathā paṭipajjamānā nacirasseva – yassathāya kulaputtā sammadeva agārasmā anagāriyaṃ pabbajanti tadanuttaraṃbrahmacariyapariyosānaṃ diṭṭhevadhamme sayāṃ abhiññā sacchikatvā upasampajja viharissathāti. Asakkhi kho bhagavā pañcavaggiye bhikkhū saññāpetuṃ. Atha kho pañcavaggiyā bhikkhū bhagavantaṃ sussūsiṃsu, sotaṃ odahiṃsu, aññā cittaṃ upaṭṭhāpesuṃ.

13. Atha kho bhagavā pañcavaggiye bhikkhū āmantesi –

‘‘[[sam. ni. 5.1081 ādayo](#)] Dveme, bhikkhave, antā pabbajitena na sevitabbā. Katame dve [[idam padadvayaṃ sī. syā. potthakesu natthi](#)]?’ Yo cāyaṃ kāmesu kāmasukhallikānuyogo hīno gammo pothujjaniko anariyo anattasamhito, yo cāyaṃ attakilamathānuyogo dukkho anariyo anattasamhito. Ete kho, bhikkhave, ubho ante anupagamma, majjhimā paṭipadā tathāgatena abhisambuddhā, cakkhukaraṇī ñāṇakaraṇī upasamāya abhiññāya sambodhāya nibbānāya saṃvattati. Katamā ca sā, bhikkhave, majjhimā paṭipadā tathāgatena abhisambuddhā, cakkhukaraṇī ñāṇakaraṇī upasamāya abhiññāya sambodhāya nibbānāya saṃvattati? Ayameva ariyo aṭṭhaṅgiko maggo, seyyathidaṃ – sammādiṭṭhi, sammāsaṅkappo, sammāvācā, sammākammanto, sammāājīvo, sammāvāyāmo, sammāsati, sammāsamādhī. Ayaṃ kho sā, bhikkhave, majjhimā paṭipadā tathāgatena abhisambuddhā, cakkhukaraṇī ñāṇakaraṇī upasamāya abhiññāya sambodhāya nibbānāya saṃvattati.

14. ‘‘Idaṃ kho pana, bhikkhave, dukkhaṃ ariyasaccaṃ. Jātipi dukkhā, jarāpi dukkhā, byādhipi dukkho, maraṇampi dukkhaṃ, appiyehi sampayogo dukkho, piyehi vippayogo dukkho, yampicchaṃ na labhati tampi dukkhaṃ. Saṃkhittena, pañcupādānakkhandhā [[pañcupādānakkhandhāpi \(ka\)](#)] dukkhā. ‘‘Idaṃ kho pana, bhikkhave, dukkhasamudayaṃ [[ettha ‘‘idam dukkhaṃ ariyasaccanti ādīsu dukkhasamudayo dukkhanirodhoti vattabbe dukkhasamudayaṃ dukkhanirodhanti līngavipallāso tato’’ti paṭisambhidāmaggaṭṭhakathāyaṃ vuttaṃ. visuddhimaggaṭṭikāyaṃ pana uppādo bhayantipāṭhavaṇṇanāyaṃ ‘‘satipi dvinnaṃ padānaṃ samānādhikaraṇabhāve līngabhedo gahito, yathā dukkhasamudayo ariyasacca’’nti vuttaṃ. tesu dukkhasamudayo ariyasacca’’nti sakalīṅgikapāṭho ‘‘dukkhanirodhagāminī paṭipadā ariyasacca’’nti pālīyā sameti.\] ariyasaccaṃ – yāyaṃ taṇhā ponobbhavikā \[\[ponobbhavikā \\(ka.\\)\]\(#\)\] nandīrāgasahagatā \[\[nandīrāgasahagatā \\(sī. syā.\\)\]\(#\)\] tatrataṭṭhābhīnandinī, seyyathidaṃ – kāmataṇhā, bhavataṇhā, vibhavataṇhā.](#)

‘‘Idaṃ kho pana, bhikkhave, dukkhanirodhaṃ ariyasaccaṃ – yo tassā yeva taṇhāya asesavīrāganīrodho, cāgo, paṭinissaggo, mutti, anālayo. ‘‘Idaṃ kho pana, bhikkhave, dukkhanirodhagāminī paṭipadā ariyasaccaṃ – ayameva ariyo aṭṭhaṅgiko maggo, seyyathidaṃ – sammādiṭṭhi, sammāsaṅkappo, sammāvācā, sammākammanto, sammāājīvo, sammāvāyāmo, sammāsati, sammāsamādhī.

15. ‘‘Idaṃ dukkhaṃ ariyasaccanti me, bhikkhave, pubbe ananussutesu dhammesu cakkhuṃ udapādi, ñāṇaṃ udapādi, paññā udapādi, vijjā udapādi, āloko udapādi. Taṃ kho panidaṃ dukkhaṃ ariyasaccaṃ pariññeyyanti me, bhikkhave, pubbe ananussutesu dhammesu cakkhuṃ udapādi, ñāṇaṃ udapādi, paññā udapādi, vijjā udapādi, āloko udapādi. Taṃ kho panidaṃ dukkhaṃ ariyasaccaṃ pariññātanti me, bhikkhave, pubbe ananussutesu dhammesu cakkhuṃ udapādi, ñāṇaṃ udapādi, paññā udapādi, vijjā udapādi, āloko udapādi.

‘‘Idaṃ dukkhasamudayaṃ ariyasaccanti me, bhikkhave, pubbe ananussutesu dhammesu cakkhuṃ udapādi, ñāṇaṃ udapādi, paññā udapādi, vijjā udapādi, āloko udapādi. Taṃ kho panidaṃ dukkhasamudayaṃ ariyasaccaṃ pahātabbanti me, bhikkhave, pubbe ananussutesu dhammesu cakkhuṃ udapādi, ñāṇaṃ udapādi, paññā udapādi, vijjā udapādi, āloko udapādi. Taṃ kho panidaṃ dukkhasamudayaṃ ariyasaccaṃ pahīnanti me, bhikkhave, pubbe ananussutesu dhammesu cakkhuṃ

udapādi, ñāṇaṃ udapādi, paññā udapādi, vijjā udapādi, āloko udapādi.

“Idaṃ dukkhanirodhaṃ ariyasaccanti me, bhikkhave, pubbe ananussutesu dhammesu cakkhuṃ udapādi, ñāṇaṃ udapādi, paññā udapādi, vijjā udapādi, āloko udapādi. Taṃ kho panidaṃ dukkhanirodhaṃ ariyasaccaṃ sacchikātabbanti me, bhikkhave, pubbe ananussutesu dhammesu cakkhuṃ udapādi, ñāṇaṃ udapādi, paññā udapādi, vijjā udapādi, āloko udapādi. Taṃ kho panidaṃ dukkhanirodhaṃ ariyasaccaṃ sacchikatanti me, bhikkhave, pubbe ananussutesu dhammesu cakkhuṃ udapādi, ñāṇaṃ udapādi, paññā udapādi, vijjā udapādi, āloko udapādi.

“Idaṃ dukkhanirodhagāminī paṭipadā ariyasaccanti me, bhikkhave, pubbe ananussutesu dhammesu cakkhuṃ udapādi, ñāṇaṃ udapādi, paññā udapādi, vijjā udapādi, āloko udapādi. Taṃ kho panidaṃ dukkhanirodhagāminī paṭipadā ariyasaccaṃ bhāvetabbanti me, bhikkhave, pubbe ananussutesu dhammesu cakkhuṃ udapādi, ñāṇaṃ udapādi, paññā udapādi, vijjā udapādi, āloko udapādi. Taṃ kho panidaṃ dukkhanirodhagāminī paṭipadā ariyasaccaṃ bhāvitanti me, bhikkhave, pubbe ananussutesu dhammesu cakkhuṃ udapādi, ñāṇaṃ udapādi, paññā udapādi, vijjā udapādi, āloko udapādi.

16. “Yāvakaṭvaṇṇa me, bhikkhave, imesu catūsu ariyasaccesu evaṃ tiparivaṭṭaṃ dvādasākāraṃ yathābhūtaṃ ñāṇadassanaṃ na suvisuddhaṃ ahoṣi, neva tāvāhaṃ, bhikkhave, sadevake loke samārake sabrahmake sassamaṇabrāhmaṇiyā pajāya sadevamanussāya anuttaraṃ sammāsambodhiṃ abhisambuddhoti paccaññāsim. Yato ca kho me, bhikkhave, imesu catūsu ariyasaccesu evaṃ tiparivaṭṭaṃ dvādasākāraṃ yathābhūtaṃ ñāṇadassanaṃ suvisuddhaṃ ahoṣi, athāhaṃ, bhikkhave, sadevake loke samārake sabrahmake sassamaṇabrāhmaṇiyā pajāya sadevamanussāya anuttaraṃ sammāsambodhiṃ abhisambuddhoti [[abhisambuddho \(sī. syā.\)](#)] paccaññāsim. Nāṇaṇṇa pana me dassanaṃ udapādi – akuppā me vimutti, ayamantimā jāti, natthi dāni punabbhavo”ti. Idamavoca bhagavā attamanā pañcavaggiyā bhikkhū bhagavato bhāsitaṃ abhinanduntī [[idamavoca...pe... abhinanduntivākyam sī. syā. potthakesu natthi](#)].

Imasmiṇṇa pana veyyākaraṇasmiṃ bhaññamāne āyasmato koṇḍaññaṃ virajaṃ vītamalaṃ dhammacakkhuṃ udapādi – “yaṃ kiñci samudayadhammaṃ sabbaṃ taṃ nirodhadhamma”ntī.

17. Pavattite ca pana bhagavatā dhammacakke, bhummā devā saddamanussāvesuṃ – “etaṃ bhagavatā bārāṇasiyaṃ isipatane migadāye anuttaraṃ dhammacakkaṃ pavattitaṃ, appaṭivattiyaṃ samaṇena vā brāhmaṇena vā devena vā mārena vā brahmunā vā kenaci vā lokasmi”ntī. Bhummānaṃ devānaṃ saddaṃ sutvā cātumahārājikā devā saddamanussāvesuṃ...pe... cātumahārājikānaṃ devānaṃ saddaṃ sutvā tāvatimsā devā...pe... yāmā devā...pe... tusitā devā...pe... nimmānaratī devā...pe... paranimmitavasavattī devā...pe... brahmakāyikā devā saddamanussāvesuṃ – “etaṃ bhagavatā bārāṇasiyaṃ isipatane migadāye anuttaraṃ dhammacakkaṃ pavattitaṃ appaṭivattiyaṃ samaṇena vā brāhmaṇena vā devena vā mārena vā brahmunā vā kenaci vā lokasmi”ntī. Itiha, tena khaṇena, tena layena [[tena layenāti padadvayaṃ sī. syā. potthakesu natthi](#)] tena muhuttana yāva brahmalokā saddo abhuggacchi. Ayaṇṇa dasasahassilokadhātu saṃkampi sampakampi sampavedhi; appamaṇo ca uḷāro obhāso loke pāturahosi, atikkamma devānaṃ devānubhāvaṃ. Atha kho bhagavā imaṃ udānaṃ udānesi – “aññāsi vata, bho koṇḍañño, aññāsi vata bho koṇḍañño”ti. Iti hidaṃ āyasmato koṇḍaññaṃ ‘aññāsikoṇḍañño’ tveva nāmaṃ ahoṣi.

18. Atha kho āyasmā aññāsikoṇḍañño diṭṭhadhammo pattadhammo vidadadhammo pariyoḡāḷhadhammo tiṇṇavicikiccho vigatakathaṃkatho vesārajappatto aparappaccayo satthusāsane bhagavantaṃ etadavoca – “labheyyāhaṃ, bhante, bhagavato santike pabbajjaṃ, labheyyaṃ upasampada”ntī. “Ehi bhikkhū”ti bhagavā avoca – “svākkhāto dhammo, cara brahmacariyaṃ sammā dukkhassa antakiriyaṃ”ti. Sāva tassa āyasmato upasampadā ahoṣi.

19. Atha kho bhagavā tadavasese bhikkhū dhammiyā kathāya ovadi anusāsi. Atha kho āyasmato ca

vappassa āyasmato ca bhaddiyassa bhagavatā dhammiyā kathāya ovadiyamānānaṃ anusāsiyamānānaṃ virajaṃ vītamalaṃ dhammacakkuṃ udapādi – yaṃ kiñci samudayadhammaṃ, sabbaṃ taṃ nirodhadhammanti.

Te diṭṭhadhammā pattadhammā veditadhammā pariyogāḷhadhammā tiṇṇavicikicchā vigatakathaṃkathā vesārajappattā aparappaccayā satthusāsane bhagavantaṃ etadavocuṃ – ‘‘labheyyāma mayaṃ, bhante, bhagavato santike pabbajjaṃ, labheyyāma upasampada’’nti. ‘‘Etha bhikkhavo’’ti bhagavā avoca – ‘‘svākkhāto dhammo, caratha brahmacariyaṃ sammā dukkhassa antakiriya’’ti. Sāva tesāṃ āyasmantānaṃ upasampadā ahoṣi.

Atha kho bhagavā tadavasese bhikkhū nīhārabhatto dhammiyā kathāya ovadi anusāsi. Yaṃ tayo bhikkhū piṇḍāya caritvā āharanti, tena chabbaggo yāpeti. Atha kho āyasmato ca mahānāmassa āyasmato ca assajissa bhagavatā dhammiyā kathāya ovadiyamānānaṃ anusāsiyamānānaṃ virajaṃ vītamalaṃ dhammacakkuṃ udapādi – yaṃ kiñci samudayadhammaṃ, sabbaṃ taṃ nirodhadhammanti. Te diṭṭhadhammā pattadhammā veditadhammā pariyogāḷhadhammā tiṇṇavicikicchā vigatakathaṃkathā vesārajappattā aparappaccayā satthusāsane bhagavantaṃ etadavocuṃ – ‘‘labheyyāma mayaṃ, bhante, bhagavato santike pabbajjaṃ, labheyyāma upasampada’’nti. ‘‘Etha bhikkhavo’’ti bhagavā avoca – ‘‘svākkhāto dhammo, caratha brahmacariyaṃ sammā dukkhassa antakiriya’’ti. Sāva tesāṃ āyasmantānaṃ upasampadā ahoṣi.

20. Atha kho bhagavā pañcavaggiye bhikkhū āmantesi –

[saṃ. ni. 3.59 ādayo] ‘‘Rūpaṃ, bhikkhave, anattā. Rūpaṃca hidaṃ, bhikkhave, attā abhaviṣsa, nayidaṃ rūpaṃ ābādhāya saṃvatteyya, labbheṭṭha ca rūpe – ‘evaṃ me rūpaṃ hotu, evaṃ me rūpaṃ mā ahoṣi’’ti. Yasmā ca kho, bhikkhave, rūpaṃ anattā, tasmā rūpaṃ ābādhāya saṃvattati, na ca labbhati rūpe – ‘evaṃ me rūpaṃ hotu, evaṃ me rūpaṃ mā ahoṣi’’ti. Vedanā, anattā. Vedanā ca hidaṃ, bhikkhave, attā abhaviṣsa, nayidaṃ vedanā ābādhāya saṃvatteyya, labbheṭṭha ca vedanāya – ‘evaṃ me vedanā hotu, evaṃ me vedanā mā ahoṣi’’ti. Yasmā ca kho, bhikkhave, vedanā anattā, tasmā vedanā ābādhāya saṃvattati, na ca labbhati vedanāya – ‘evaṃ me vedanā hotu, evaṃ me vedanā mā ahoṣi’’ti. Saññā, anattā. Saññā ca hidaṃ, bhikkhave, attā abhaviṣsa, nayidaṃ saññā ābādhāya saṃvatteyya, labbheṭṭha ca saññāya – ‘evaṃ me saññā hotu, evaṃ me saññā mā ahoṣi’’ti. Yasmā ca kho, bhikkhave, saññā anattā, tasmā saññā ābādhāya saṃvattati, na ca labbhati saññāya – ‘evaṃ me saññā hotu, evaṃ me saññā mā ahoṣi’’ti. Saṅkhārā, anattā. Saṅkhārā ca hidaṃ, bhikkhave, attā abhaviṣsaṃsu, nayidaṃ [nayime (ka.)] saṅkhārā ābādhāya saṃvatteyyuṃ, labbheṭṭha ca saṅkhāresu – ‘evaṃ me saṅkhārā hontu, evaṃ me saṅkhārā mā ahesu’’nti. Yasmā ca kho, bhikkhave, saṅkhārā anattā, tasmā saṅkhārā ābādhāya saṃvattanti, na ca labbhati saṅkhāresu – ‘evaṃ me saṅkhārā hontu, evaṃ me saṅkhārā mā ahesu’’nti. Viññāṇaṃ, anattā. Viññāṇaṃca hidaṃ, bhikkhave, attā abhaviṣsa, nayidaṃ viññāṇaṃ ābādhāya saṃvatteyya, labbheṭṭha ca viññāṇe – ‘evaṃ me viññāṇaṃ hotu, evaṃ me viññāṇaṃ mā ahoṣi’’ti. Yasmā ca kho, bhikkhave, viññāṇaṃ anattā, tasmā viññāṇaṃ ābādhāya saṃvattati, na ca labbhati viññāṇe – ‘evaṃ me viññāṇaṃ hotu, evaṃ me viññāṇaṃ mā ahoṣi’’ti.

21. ‘‘Taṃ kiṃ maññatha, bhikkhave, rūpaṃ niccaṃ vā aniccaṃ vāti? Aniccaṃ, bhante. Yaṃ pañāniccaṃ dukkhaṃ vā taṃ sukhaṃ vāti? Dukkhaṃ, bhante. Yaṃ pañāniccaṃ dukkhaṃ vipariṇāmadhammaṃ, kallaṃ nu taṃ samanupassituṃ – etaṃ mama, esoḥamasmi, eso me attāti? No hetāṃ, bhante. Vedanā niccā vā aniccā vāti? Aniccā, bhante. Yaṃ pañāniccaṃ dukkhaṃ vā taṃ sukhaṃ vāti? Dukkhaṃ, bhante. Yaṃ pañāniccaṃ dukkhaṃ vipariṇāmadhammaṃ, kallaṃ nu taṃ samanupassituṃ – etaṃ mama, esoḥamasmi, eso me attāti? No hetāṃ, bhante. Saññā niccā vā aniccā vāti? Aniccā, bhante. Yaṃ pañāniccaṃ dukkhaṃ vā taṃ sukhaṃ vāti? Dukkhaṃ, bhante. Yaṃ pañāniccaṃ dukkhaṃ vipariṇāmadhammaṃ, kallaṃ nu taṃ samanupassituṃ – etaṃ mama, esoḥamasmi, eso me attāti? No hetāṃ, bhante. Saṅkhārā niccā vā aniccā vāti? Aniccā, bhante. Yaṃ pañāniccaṃ, dukkhaṃ vā taṃ sukhaṃ vāti? Dukkhaṃ, bhante. Yaṃ pañāniccaṃ dukkhaṃ

vipariṇāmadhammaṃ, kallaṃ nu taṃ samanupassituṃ – etaṃ mama, esohamasmi, eso me attāti? No hetam, bhante. Viññānaṃ niccaṃ vā aniccaṃ vāti? Aniccaṃ, bhante. Yaṃ panāniccaṃ, dukkhaṃ vā taṃ sukhaṃ vāti? Dukkhaṃ, bhante. Yaṃ panāniccaṃ dukkhaṃ vipariṇāmadhammaṃ, kallaṃ nu taṃ samanupassituṃ – etaṃ mama, esohamasmi, eso me attāti? No hetam, bhante.

22. “Tasmātiha, bhikkhave, yaṃ kiñci rūpaṃ atītānāgatapaccuppannaṃ ajjhattaṃ vā bahiddhā vā oḷārikaṃ vā sukhumaṃ vā hīnaṃ vā paṇītaṃ vā yaṃ dūre [yaṃ dūre vā (syā.)] santike vā, sabbam rūpaṃ – netam mama, nesohamasmi, na meso attāti – evametam yathābhūtaṃ sammappaññāya daṭṭhabbam. Yā kāci vedanā atītānāgatapaccuppannā ajjhattaṃ vā bahiddhā vā oḷārikā vā sukhumā vā hīnā vā paṇītā vā yā dūre santike vā, sabbā vedanā – netam mama, nesohamasmi, na meso attāti – evametam yathābhūtaṃ sammappaññāya daṭṭhabbam. Yā kāci saññā atītānāgatapaccuppannā ajjhattaṃ vā bahiddhā vā oḷārikā vā sukhumā vā hīnā vā paṇītā vā yā dūre santike vā, sabbā saññā – netam mama, nesohamasmi, na meso attāti – evametam yathābhūtaṃ sammappaññāya daṭṭhabbam. Ye keci saṅkhārā atītānāgatapaccuppannā ajjhattaṃ vā bahiddhā vā oḷārikā vā sukhumā vā hīnā vā paṇītā vā ye dūre santike vā, sabbe saṅkhārā – netam mama, nesohamasmi, na meso attāti – evametam yathābhūtaṃ sammappaññāya daṭṭhabbam. Yaṃ kiñci viññānaṃ atītānāgatapaccuppannaṃ ajjhattaṃ vā bahiddhā vā oḷārikaṃ vā sukhumaṃ vā hīnaṃ vā paṇītaṃ vā yaṃ dūre santike vā, sabbam viññānaṃ – netam mama, nesohamasmi, na meso attāti – evametam yathābhūtaṃ sammappaññāya daṭṭhabbam.

23. “Evaṃ passaṃ, bhikkhave, sutavā ariyasāvako rūpasmimpi nibbindati, vedanāyapi nibbindati, saññāyapi nibbindati, saṅkhāresupi nibbindati, viññānasmimpi nibbindati; nibbindam virajjati; virāgā vimuccati; vimuttasmiṃ vimuttamiti ñānaṃ hoti, ‘khīṇā jāti, vusitam brahmacariyaṃ, kataṃ karaṇiyaṃ, nāparaṃ itthattāyā’ ti pajānāti” ti.

24. Idamavoca bhagavā. Attamanā pañcavaggiyā bhikkhū bhagavato bhāsitaṃ abhinanduntī [abhinandum (syā.)]. Imasmiñca pana veyyākaraṇasmiṃ bhaññamāne pañcavaggiyānaṃ bhikkhūnaṃ anupādāya āsavehi cittāni vimuccimṃsu. Tena kho pana samayena cha loke arahanto hontī.

Pañcavaggiyakathā niṭṭhitā.

Paṭhamabhānavāro.

7. Pabbajjākathā

25. Tena kho pana samayena bārāṇasiyaṃ yaso nāma kulaputto seṭṭhiputto sukhumālo hoti. Tassa tayo pāsādā hontī – eko hemantiko, eko gimhiko, eko vassiko. So vassike pāsāde cattāro māse [vassike pāsāde vassike cattāro māse (sī.)] nippurisehi tūriyehi paricārayamāno na heṭṭhāpāsādaṃ orohati. Atha kho yasassa kulaputtassa pañcahi kāmaguṇehi samappitassa samaṅgībhūtassa paricārayamānassa paṭikacceva [paṭigacceva (sī.)] niddā okkami, pariyanassapi niddā okkami, sabbarattiyō ca telapadīpo jhāyati. Atha kho yaso kulaputto paṭikacceva pabujjhivā addasa sakaṃ pariyaṇaṃ supantaṃ – aññissā kacche vīṇaṃ, aññissā kaṇṭhe mudinṃgaṃ, aññissā kacche āḷambaraṃ, aññaṃ vikesikaṃ, aññaṃ vikkheḷikaṃ, aññaṃ vippalapantiyo, hatthappattaṃ susānaṃ maññe. Disvānassa ādīnava pāturahosi, nibbidāya cittaṃ saṅghāsi. Atha kho yaso kulaputto udānaṃ udānesi – “upaddutaṃ vata bho, upassaṭṭhaṃ vata bho” ti.

Atha kho yaso kulaputto suvaṇṇapādukāyo ārohitvā yena nivesanadvāraṃ tenupasaṅkama. Amanussā dvāraṃ vivariṃsu – mā yasassa kulaputtassa koci antarāyamakāsi agārasmā anagāriyaṃ pabbajjāyāti. Atha kho yaso kulaputto yena nagaradvāraṃ tenupasaṅkama. Amanussā dvāraṃ vivariṃsu – mā yasassa kulaputtassa koci antarāyamakāsi agārasmā anagāriyaṃ pabbajjāyāti. Atha kho yaso kulaputto yena isipatanaṃ migadāyo tenupasaṅkama.

26. Tena kho pana samayena bhagavā rattiyā paccūsasamayam paccuṭṭhāya ajjhokāse caṅkamati. Addasā kho bhagavā yasaṃ kulaputtam dūratova āgacchantam, disvāna caṅkamā orohitvā paññatte āsane nisīdi. Atha kho yaso kulaputto bhagavato avidūre udānaṃ udānesi – ‘‘upaddutam vata bho, upassaṭṭham vata bho’’ti. Atha kho bhagavā yasaṃ kulaputtam etadavoca – ‘‘idaṃ kho, yasa, anupaddutam, idaṃ anupassaṭṭham. Ehi yasa, nisīda, dhammam te desessāmī’’ti. Atha kho yaso kulaputto – idaṃ kira anupaddutam, idaṃ anupassaṭṭhanti haṭṭho udaggo suvaṇṇapādukāhi orohitvā yena bhagavā tenupasaṅkami, upasaṅkamtivā bhagavantam abhivādetvā ekamantam nisīdi. Ekamantam nisinnassa kho yasassa kulaputtassa bhagavā anupubbim katham katesi, seyyathidaṃ – dānakatham sīlakatham saggakatham, kāmānaṃ ādīnavam okāram saṅkilesam, nekkhamme ānisaṃsam pakāsesi. Yadā bhagavā aññāsi yasaṃ kulaputtam kallacittam, muducittam, vinīvaraṇacittam, udaggacittam, pasannacittam, atha yā buddhānaṃ sāmukkaṃsikā dhammadesanā tam pakāsesi – dukkham, samudayam, nirodham, maggam. Seyyathāpi nāma suddham vattham apagatakālakam sammadeva rajanam paṭiggaṇheyya, evameva yasassa kulaputtassa tasmimyeva āsane virajam vītamalam dhammacakkhum udapādi – yam kiñci samudayadhammam, sabbam tam nirodhadhammanti.

27. Atha kho yasassa kulaputtassa mātā pāsādam abhiruhitvā yasaṃ kulaputtam apassantī yena seṭṭhi gahapati tenupasaṅkami, upasaṅkamtivā seṭṭhim gahapatim etadavoca – ‘‘putto te, gahapati, yaso na dissati’’ti. Atha kho seṭṭhi gahapati catuddisā assadūte uyyojtvā sāmamyeva yena isipatanam migadāyo tenupasaṅkami. Addasā kho seṭṭhi gahapati suvaṇṇapādukānam nikkhepam, disvāna tamyeva anugamāsi [anugamā (sī. syā.)]. Addasā kho bhagavā seṭṭhim gahapatim dūratova āgacchantam, disvāna bhagavato etadahosi – ‘‘yamnūnāham tathārūpam iddhābhisaṅkhāram abhisaṅkhareyyam yathā seṭṭhi gahapati idha nisinno idha nisinnam yasaṃ kulaputtam na passeyyā’’ti. Atha kho bhagavā tathārūpam iddhābhisaṅkhāram abhisaṅkharesī. Atha kho seṭṭhi gahapati yena bhagavā tenupasaṅkami, upasaṅkamtivā bhagavantam etadavoca – ‘‘api, bhante, bhagavā yasaṃ kulaputtam passeyyā’’ti? Tena hi, gahapati, nisīda, appeva nāma idha nisinno idha nisinnam yasaṃ kulaputtam passeyyāsīti. Atha kho seṭṭhi gahapati – idheva kirāham nisinno idha nisinnam yasaṃ kulaputtam passissāmīti haṭṭho udaggo bhagavantam abhivādetvā ekamantam nisīdi. Ekamantam nisinnassa kho seṭṭhissa gahapatissa bhagavā anupubbim katham katesi, seyyathidaṃ – dānakatham sīlakatham saggakatham, kāmānaṃ ādīnavam okāram saṅkilesam, nekkhamme ānisaṃsam pakāsesi. Yadā bhagavā aññāsi seṭṭhim gahapatim kallacittam, muducittam, vinīvaraṇacittam, udaggacittam, pasannacittam, atha yā buddhānaṃ sāmukkaṃsikā dhammadesanā, tam pakāsesi – dukkham, samudayam, nirodham, maggam. Seyyathāpi nāma suddham vattham apagatakālakam sammadeva rajanam paṭiggaṇheyya evameva seṭṭhissa gahapatissa tasmimyeva āsane virajam vītamalam dhammacakkhum udapādi – yam kiñci samudayadhammam, sabbam tam nirodhadhammanti. Atha kho seṭṭhi gahapati diṭṭhadhammo pattadhammo vīditadhammo pariyogāhadhammo tiṇṇavicikiccho vigatakathamkatho vesārajappatto aparappaccayo satthusāsane bhagavantam etadavoca – ‘‘abhikkantam, bhante, abhikkantam, bhante, seyyathāpi, bhante, nikkujjitam [nikujjitam (ka.)] vā ukkujjeyya, paṭicchannam vā vivareyya, mūlhasa vā maggam ācikkheyya, andhakāre vā telapajjotam dhāreyya – cakkhumanto rūpāni dakkhantīti – evamevam bhagavatā anekapariyāyena dhammo pakāsito. Esāham, bhante, bhagavantam saraṇam gacchāmi, dhammañca, bhikkhusaṅghañca. Upāsakam maṃ bhagavā dhāretu ajjatagge paṇupetaṃ saraṇam gata’’nti. Sova loke paṭhamam upāsako ahoṣi tevāciko.

28. Atha kho yasassa kulaputtassa pituno dhamme desiyamāne yathādiṭṭham yathāviditam bhūmim paccavekkhantassa anupādāya āsavehi cittam vimucci. Atha kho bhagavato etadahosi – ‘‘yasassa kho kulaputtassa pituno dhamme desiyamāne yathādiṭṭham yathāviditam bhūmim paccavekkhantassa anupādāya āsavehi cittam vimuttam. Abhabbo kho yaso kulaputto hīnāyāvattitvā kāme paribhuñjitum, seyyathāpi pubbe agārikabhūto; yamnūnāham tam iddhābhisaṅkhāram paṭippassambheyya’’nti. Atha kho bhagavā tam iddhābhisaṅkhāram paṭippassambhesi. Addasā kho seṭṭhi gahapati yasaṃ kulaputtam nisinnam, disvāna yasaṃ kulaputtam etadavoca – ‘‘mātā te tāta, yasa, parideva [paridevī (ka.)] sokasamāpannā, dehi mātuyā jīvita’’nti. Atha kho yaso kulaputto bhagavantam ullokesi. Atha kho bhagavā seṭṭhim gahapatim etadavoca – ‘‘tam kiṃ maññasi, gahapati, yassa sekkhena ñāṇena sekkhena

dassanena dhammo diṭṭho vidito seyyathāpi tayā? Tassa yathādiṭṭhaṃ yathāviditaṃ bhūmiṃ paccavekkhantassa anupādāya āsavehi cittaṃ vimuttaṃ. Bhabbo nu kho so, gahapati, hīnāyāvattitvā kāme paribhuñjituṃ seyyathāpi pubbe agārikabhūto’’ti? ‘‘No hetamaṃ, bhante’’. ‘‘Yasassa kho, gahapati, kulaputtassa sekkhena nāṇena sekkhena dassanena dhammo diṭṭho vidito seyyathāpi tayā. Tassa yathādiṭṭhaṃ yathāviditaṃ bhūmiṃ paccavekkhantassa anupādāya āsavehi cittaṃ vimuttaṃ. Abhabbo kho, gahapati, yaso kulaputto hīnāyāvattitvā kāme paribhuñjituṃ seyyathāpi pubbe agārikabhūto’’ti. ‘‘Lābhā, bhante, yasassa kulaputtassa, suladdhaṃ, bhante, yasassa kulaputtassa, yathā yasassa kulaputtassa anupādāya āsavehi cittaṃ vimuttaṃ. Adhivāsetu me, bhante, bhagavā ajjatanāya bhattaṃ yasena kulaputtena pacchāsamaṇeṇā’’ti. Adhivāsesi bhagavā tuṅhībhāvena. Atha kho seṭṭhi gahapati bhagavato adhivāsaṃ viditvā uṭṭhāyāsanā bhagavantaṃ abhivādetvā padakkhiṇaṃ katvā pakkāmi. Atha kho yaso kulaputto acirapakkante seṭṭhimhi gahapatimhi bhagavantaṃ etadavoca – ‘‘labheyyāhaṃ, bhante, bhagavato santike pabbajjaṃ, labheyyaṃ upasampada’’nti. ‘‘Ehi bhikkhū’’ti bhagavā avoca – ‘‘svākkhāto dhammo, cara brahmacariyaṃ sammā dukkhasa antakiriya’’ti. Sāva tassa āyasmato upasampadā ahoṣi. Tena kho pana samayena satta loke arahanto honti.

Yasassa pabbajjā niṭṭhitā.

29. Atha kho bhagavā pubbaṅhasamayaṃ nivāsetvā pattacīvaramādāya āyasmatā yasena pacchāsamaṇeṇa yena seṭṭhissa gahapatissa nivesanaṃ tenupasaṅkami, upasaṅkamitvā paññatte āsane nisīdi. Atha kho āyasmato yasassa mātā ca purāṇadutiyaikā ca yena bhagavā tenupasaṅkamimṃsu, upasaṅkamitvā bhagavantaṃ abhivādetvā ekamantaṃ nisīdimṃsu. Tāsaṃ bhagavā anupubbimṃ kathaṃ katesi, seyyathidaṃ – dānakathaṃ sīlakathaṃ saggakathaṃ, kāmānaṃ ādīnavaṃ okāraṃ saṃkilesaṃ, nekkhamme ānisaṃsaṃ pakāsesi. Yadā tā bhagavā aññāsi kallacittā, muducittā, vinīvaraṇacittā, udaggacittā, pasannacittā, atha yā buddhānaṃ sāmukkaṃsikaṃ dhammadesanā taṃ pakāsesi – dukkhaṃ, samudayaṃ, nirodhaṃ, maggaṃ. Seyyathāpi nāma suddhaṃ vatthaṃ apagatakālakāṃ sammadeva rajanaṃ paṭiggaṇheyya, evameva tāsaṃ tasmimīyeva āsane virajaṃ vītamaṃ dhammacakkhū udapādi – yaṃ kiñci samudayadhammaṃ, sabbaṃ taṃ nirodhadhammanti. Tā diṭṭhadhammā pattadhammā vidadhammā pariyoḡāhadhammā tiṇṇavicikicchā vigatakathaṃkathā vesārajjappattā aparappaccayā satthusāsane bhagavantaṃ etadavocaṃ – ‘‘abhikkantaṃ, bhante, bhikkantaṃ, bhante... pe... etā mayaṃ, bhante, bhagavantaṃ saraṇaṃ gacchāma, dhammaṃca, bhikkhusaṅghaṃca. Upāsikāyo no bhagavā dhāretu ajjatagge paṇupetā saraṇaṃ gatā’’ti. Tā ca loke paṭhamā upāsikā ahesuṃ tevācika.

Atha kho āyasmato yasassa mātā ca pitā ca purāṇadutiyaikā ca bhagavantaṃca āyasmantaṃca yasaṃ paññitena khādanīyena bhojanīyena sahatthā santappetvā sampavāretvā, bhagavantaṃ bhuttāviṃ onītapattapaṇiṃ, ekamantaṃ nisīdimṃsu. Atha kho bhagavā āyasmato yasassa mātaraṃca pitaraṃca purāṇadutiyaikāca dhammiyā kathāya sandassetvā samādapetvā samuttejetvā sampahaṃsetvā uṭṭhāyāsanā pakkāmi.

30. Assosū kho āyasmato yasassa cattāro gihisahāyakaṃ bārāṇasiyaṃ seṭṭhānuseṭṭhīnaṃ kulānaṃ puttā – vimalo, subāhu, puṇṇaji, gavampati – yaso kira kulaputto kesamassuṃ ohāretvā kāsāyāni vatthāni acchādetvā agārasmā anagāriyaṃ pabbajitoti. Sutvāna nesamaṃ etadahosi – ‘‘na hi nūna so orako dhammavinayo, na sā orakā pabbajjā, yattha yaso kulaputto kesamassuṃ ohāretvā kāsāyāni vatthāni acchādetvā agārasmā anagāriyaṃ pabbajito’’ti. Te [te cattāro janā (ka.)] yenāyasmā yaso tenupasaṅkamimṃsu, upasaṅkamitvā āyasmantaṃ yasaṃ abhivādetvā ekamantaṃ aṭṭhaṃsu. Atha kho āyasmā yaso te cattāro gihisahāyake ādāya yena bhagavā tenupasaṅkami, upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinna kho āyasmā yaso bhagavantaṃ etadavoca – ‘‘ime me, bhante, cattāro gihisahāyakaṃ bārāṇasiyaṃ seṭṭhānuseṭṭhīnaṃ kulānaṃ puttā – vimalo, subāhu, puṇṇaji, gavampati. Ime [ime cattāro (ka.)] bhagavā ovadatu anusāsātū’’ti. Tesamaṃ bhagavā anupubbimṃ kathaṃ katesi, seyyathidaṃ – dānakathaṃ sīlakathaṃ saggakathaṃ kāmānaṃ ādīnavaṃ okāraṃ saṃkilesaṃ nekkhamme ānisaṃsaṃ pakāsesi, yadā te bhagavā aññāsi kallacitte muducitte vinīvaraṇacitte udaggacitte pasannacitte, atha yā buddhānaṃ sāmukkaṃsikaṃ dhammadesanā, taṃ

pakāsesi dukkhaṃ samudayaṃ nirodhaṃ maggaṃ, seyyathāpi nāma suddhaṃ vatthaṃ apagatakāḷakaṃ sammadeva rajanaṃ paṭiggaṇheyya, evameva tesam tasmimyeva āsane virajaṃ vītamalaṃ dhammacakkuṃ udapādi “yaṃ kiñci samudayadhammaṃ, sabbaṃ taṃ nirodhadhamma” nti. Te diṭṭhadhammā pattadhammā veditadhammā pariyogāḷhadhammā tiṇṇavicikicchā vigatakathaṃkathā vesārajappattā aparappaccayā satthusāsane bhagavantaṃ etadavocuṃ – “labheyyāma mayaṃ, bhante, bhagavato santike pabbajjaṃ, labheyyāma upasampada” nti. “Etha bhikkhavo” ti bhagavā avoca – “svākkhāto dhammo, caratha brahmacariyaṃ sammā dukkhassa antakiriyaṃ” ti. Sāva tesam āyasmantānaṃ upasampadā ahoṣi. Atha kho bhagavā te bhikkhū dhammiyā kathāya ovadi anusāsi. Tesam bhagavatā dhammiyā kathāya ovadiyamānānaṃ anusāsiyamānānaṃ anupādāya āsavehi cittaṇi vimuccimṣu. Tena kho pana samayena ekādasa loke arahanto honti.

Catugihisahāyakapabbajjā niṭṭhitā.

31. Assosum kho āyasmato yasassa paññāsamattā gihisahāyakā jānapadā pubbānupubbakānaṃ kulānaṃ puttā – yaso kira kulaputto kesamassuṃ ohāretvā kāsāyāni vatthāni acchādetvā agārasmā anagāriyaṃ pabbajjito. Sutvāna nesaṃ etadahosi – “na hi nūna so orako dhammavinayo, na sā orakā pabbajjā, yatha yaso kulaputto kesamassuṃ ohāretvā kāsāyāni vatthāni acchādetvā agārasmā anagāriyaṃ pabbajjito” ti. Te yenāyasmā yaso tenupasaṅkamimṣu, upasaṅkamitvā āyasmantaṃ yasaṃ abhivādetvā ekamantaṃ aṭṭhaṃsu. Atha kho āyasmā yaso te paññāsamatte gihisahāyake ādāya yena bhagavā tenupasaṅkami, upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinna kho āyasmā yaso bhagavantaṃ etadavoca – “ime me, bhante, paññāsamattā gihisahāyakā jānapadā pubbānupubbakānaṃ kulānaṃ puttā. Ime bhagavā ovadatu anusāsātū” ti. Tesam bhagavā anupubbim kathaṃ kathesi, seyyathidaṃ – dānakathaṃ silakathaṃ saggakathaṃ kāmānaṃ ādīnavaṃ okāraṃ saṃkilesaṃ nekkhamme ānisaṃsaṃ pakāsesi. Yadā te bhagavā aññāsi kallacitte muducitte vinīvaraṇacitte udaggacitte pasannacitte, atha yā buddhānaṃ sāmukkaṃsikā dhammadesanā, taṃ pakāsesi dukkhaṃ samudayaṃ nirodhaṃ maggaṃ, seyyathāpi nāma suddhaṃ vatthaṃ apagatakāḷakaṃ sammadeva rajanaṃ paṭiggaṇheyya, evameva tesam tasmimyeva āsane virajaṃ vītamalaṃ dhammacakkuṃ udapādi yaṃ kiñci samudayadhammaṃ, sabbaṃ taṃ nirodhadhammanti. Te diṭṭhadhammā pattadhammā veditadhammā pariyogāḷhadhammā tiṇṇavicikicchā vigatakathaṃkathā vesārajappattā aparappaccayā satthusāsane bhagavantaṃ etadavocuṃ – “labheyyāma mayaṃ, bhante, bhagavato santike pabbajjaṃ, labheyyāma upasampada” nti. “Etha bhikkhavo” ti bhagavā avoca – “svākkhāto dhammo, caratha brahmacariyaṃ sammā dukkhassa antakiriyaṃ” ti. Sāva tesam āyasmantānaṃ upasampadā ahoṣi. Atha kho bhagavā te bhikkhū dhammiyā kathāya ovadi anusāsi. Tesam bhagavatā dhammiyā kathāya ovadiyamānānaṃ anusāsiyamānānaṃ anupādāya āsavehi cittaṇi vimuccimṣu. Tena kho pana samayena ekasatṭhi loke arahanto honti.

Paññāsiyahāyakapabbajjā niṭṭhitā.

Niṭṭhitā ca pabbajjākathā.

8. Mārahathā

32. Atha kho bhagavā te bhikkhū āmantesi [sam. ni. 1.141 mārasamyuttepi] – “muttāhaṃ, bhikkhave, sabbapāsehi, ye dibbā ye ca mānūsā. Tumhepi, bhikkhave, muttā sabbapāsehi, ye dibbā ye ca mānūsā. Caratha, bhikkhave, cārikaṃ bahujanahitāya bahujanasukhāya lokānukampāya atthāya hitāya sukhāya devamanussānaṃ. Mā ekena dve agamittha. Desetha, bhikkhave, dhammaṃ ādikalyāṇaṃ majjhekalyāṇaṃ pariyosānakalyāṇaṃ sātthaṃ sabyañjanaṃ kevalaparipuṇṇaṃ parisuddhaṃ brahmacariyaṃ pakāsetha. Santi sattā apparajakkhājātikā, assavanatā dhammassa parihāyanti, bhavissanti dhammassa aññātāro. Ahampi, bhikkhave, yena uruvelā senānigamo tenupasaṅkamissāmi dhammadesanāyā” ti.

33. Atha kho māro pāpimā yena bhagavā tenupasaṅkami, upasaṅkamtivā bhagavantam gāthāya ajjhabhāsi –

“Baddhosi sabbapāsehi, ye dibbā ye ca mānūsā;
Mahābandhanabaddhosi, na me samaṇa mokkhasī”’ti.

“Muttāham [muttoham (sī. syā.)] sabbapāsehi, ye dibbā ye ca mānūsā;
Mahābandhanamuttomhi, nihato tvamasī antakāti.

[saṃ. ni. 1.151 mārasaṃyuttepi] “Antalikkhacaro pāso, yvāyaṃ carati mānaso;
Tena taṃ bādhayissāmi, na me samaṇa mokkhasīti.

[saṃ. ni. 1.1151 mārasaṃyuttepi] “Rūpā saddā rasā gandhā, phoṭṭhabbā ca manoramā;
Ettha me vigato chando, nihato tvamasī antakā”’ti.

Atha kho māro pāpimā – jānāti maṃ bhagavā, jānāti maṃ sugatoti dukkhī dummano

Tatthevantaradhāyīti.

Mārakathā niṭṭhitā.

9. Pabbajjūpasampadākathā

34. Tena kho pana samayena bhikkhū nānādisā nānājanapadā pabbajjāpekkhe ca upasampadāpekkhe ca ānenti – bhagavā ne pabbājessati upasampādessatīti. Tattha bhikkhū ceva kilamanti pabbajjāpekkhā ca upasampadāpekkhā ca. Atha kho bhagavato rahogatassa paṭisallīnassa evaṃ cetaso parivītakko udapādi – “etarahi kho bhikkhū nānādisā nānājanapadā pabbajjāpekkhe ca upasampadāpekkhe ca ānenti – bhagavā ne pabbājessati upasampādessatīti. Tattha bhikkhū ceva kilamanti pabbajjāpekkhā ca upasampadāpekkhā ca. Yaṃnūnāhaṃ bhikkhūnaṃ anujāneyyaṃ – tumheva dāni, bhikkhave, tāsu tāsu disāsu tesu tesu janapadesu pabbājetha upasampādeṭhā”’ti. Atha kho bhagavā sāyanhasamayam paṭisallānā vuṭṭhito etasmiṃ nidāne etasmiṃ pakaraṇe dhammiṃ katham katvā bhikkhū āmantesi – “idha mayhaṃ, bhikkhave, rahogatassa paṭisallīnassa evaṃ cetaso parivītakko udapādi – ‘etarahi kho bhikkhū nānādisā nānājanapadā pabbajjāpekkhe ca upasampadāpekkhe ca ānenti bhagavā ne pabbājessati upasampādessatīti, tattha bhikkhū ceva kilamanti pabbajjāpekkhā ca upasampadāpekkhā ca, yaṃnūnāhaṃ bhikkhūnaṃ anujāneyyaṃ tumheva dāni, bhikkhave, tāsu tāsu disāsu tesu tesu janapadesu pabbājetha upasampādeṭhā”’ti, anujānāmi, bhikkhave, tumheva dāni tāsu tāsu disāsu tesu tesu janapadesu pabbājetha upasampādeṭha. Evañca pana, bhikkhave, pabbājetabbo upasampādetabbo –

Paṭhamaṃ kesamassuṃ ohārāpetvā [ohāretvā (ka.)], kāsāyāni vatthāni acchādāpetvā, ekaṃsam uttarāsaṅgaṃ kārāpetvā, bhikkhūnaṃ pāde vandāpetvā, ukkuṭikaṃ nisīdāpetvā, añjaliṃ paggaṇhāpetvā, evaṃ vadehīti vattabbo – buddhaṃ saraṇaṃ gacchāmi, dhammaṃ saraṇaṃ gacchāmi, saṅghaṃ saraṇaṃ gacchāmi; dutiyampi buddhaṃ saraṇaṃ gacchāmi, dhammaṃ saraṇaṃ gacchāmi, dutiyampi saṅghaṃ saraṇaṃ gacchāmi; tatiyampi buddhaṃ saraṇaṃ gacchāmi, tatiyampi dhammaṃ saraṇaṃ gacchāmi, tatiyampi saṅghaṃ saraṇaṃ gacchāmi”’ti. “Anujānāmi, bhikkhave, imehi tīhi saraṇagamanehi pabbajjaṃ upasampada”’nti.

Tīhi saraṇagamanehi upasampadākathā niṭṭhitā.

10. Dutiyamārakathā

35. Atha kho bhagavā vassaṃvuttho [vassaṃvuttho (sī.)] bhikkhū āmantesi [sam. ni. 1.155] – “mayhaṃ kho, bhikkhave, yoniso manasikārā yoniso sammappadhānā anuttarā vimutti anuppattā, anuttarā vimutti sacchikatā. Tumhepi, bhikkhave, yoniso manasikārā yoniso sammappadhānā anuttaram vimuttiṃ anupāpuṇātha, anuttaram vimuttiṃ sacchikarothā”ti. Atha kho māro pāpimā yena bhagavā tenupasaṅkami, upasaṅkamtivā bhagavantam gāthāya ajjhabhāsi –

“Baddhosi mārapāsehi, ye dibbā ye ca mānūsā;
Mahābandhanabaddhosi [mārabandhanabaddhosi (sī. syā.)], na me samaṇa mokkhasī”ti.

“Muttāhaṃ mārapāsehi, ye dibbā ye ca mānūsā;
Mahābandhanamuttomhi [mārabandhanamuttomhi (sī. syā.)], nihato tvamasi antakā”ti.

Atha kho māro pāpimā – jānāti maṃ bhagavā, jānāti maṃ sugatoti dukkhī dummano

Tatthevantaradhāyi.

Dutiyamārakathā niṭṭhitā.

11. Bhaddavaggiyavatthu

36. Atha kho bhagavā bārāṇasiyaṃ yathābhirantaṃ viharitvā yena uruvelā tena cārikaṃ pakkāmi. Atha kho bhagavā maggā okkamma yena aññataro vanasaṅḍo tenupasaṅkami, upasaṅkamtivā taṃ vanasaṅḍam ajjhogāhetvā aññatarasmiṃ rukkhamūle nisīdi. Tena kho pana samayena tiṃsamattā bhaddavaggiyā sahāyakā sapajāpatikā tasmim vanasaṅḍe paricārenti. Ekassa pajāpati nāhosi; tassa atthāya vesī ānītā ahoṣi. Atha kho sā vesī tesu pamattesu paricārentesu bhaṅḍam ādāya palāyittha. Atha kho te sahāyakā sahāyakassa veyyāvaccam karontā, taṃ itthim gavesantā, taṃ vanasaṅḍam āhiṇḍantā addasaṃsu bhagavantam aññatarasmiṃ rukkhamūle nisinnaṃ. Disvāna yena bhagavā tenupasaṅkamisū, upasaṅkamtivā bhagavantam etadavocum – “api, bhante, bhagavā ekaṃ itthim passeyyā”ti? “Kiṃ pana vo, kumārā, itthiyā”ti? “Idha mayaṃ, bhante, tiṃsamattā bhaddavaggiyā sahāyakā sapajāpatikā imasmim vanasaṅḍe paricārimhā. Ekassa pajāpati nāhosi; tassa atthāya vesī ānītā ahoṣi. Atha kho sā, bhante, vesī amhesu pamattesu paricārentesu bhaṅḍam ādāya palāyittha. Te mayaṃ, bhante, sahāyakā sahāyakassa veyyāvaccam karontā, taṃ itthim gavesantā, imaṃ vanasaṅḍam āhiṇḍamā”ti. “Taṃ kiṃ maññatha vo, kumārā, katamaṃ nu kho tumhākaṃ varam – yaṃ vā tumhe itthim gaveseyyātha, yaṃ vā attānaṃ gaveseyyāthā”ti? “Etadeva, bhante, amhākaṃ varam yaṃ mayaṃ attānaṃ gaveseyyāma”ti. “Tena hi vo, kumārā, nisīdatha, dhammaṃ vo desessāmī”ti. “Evaṃ, bhante”ti kho te bhaddavaggiyā sahāyakā bhagavantam abhivādetvā ekamantaṃ nisīdimisū. Tesam bhagavā anupubbim katham katesi, seyyathidaṃ – dānakatham sīlakatham saggakatham kāmānaṃ ādīnavam okāram saṃkilesam nekkhamme ānisaṃsam pakāsesi, yadā te bhagavā aññāsi kallacitte muducitte vinīvaraṇacitte udaggacitte pasannacitte, atha yā buddhānaṃ sāmukkaṃsika dhammadesanā, taṃ pakāsesi dukkham samudayaṃ nirodham maggam, seyyathāpi nāma suddham vattham apagatakālakam sammadeva rajanaṃ paṭiggaṇheyya, evameva tesam tasmimyeva āsane virajam vītamalam dhammacakkhum udapādi “yaṃ kiñci samudayadhammaṃ, sabbam taṃ nirodhadhamma”nti. Te diṭṭhadhammā pattadhammā veditadhammā pariyogāḷhadhammā tiṇṇavicikicchā vigatakathamkathā vesārajappattā aparappaccayā satthusāsane bhagavantam etadavocum – “labheyāma mayaṃ, bhante, bhagavato santike pabbajam, labheyāma upasampada”nti. “Etha bhikkhavo”ti bhagavā avoca – “svākkhāto dhammo, caratha brahmacariyaṃ sammā dukkhassa antakiriya”ti. Sāva tesam āyasmantānaṃ upasampadā ahoṣi.

Bhaddavaggiyasahāyakānaṃ vatthu niṭṭhitam.

Dutiyabhāṇavāro.

12. Uruvelapāṭihāriyakathā

37. Atha kho bhagavā anupubbena cārikam caramāno yena uruvelā tadavasari. Tena kho pana samayena uruvelāyaṃ tayo jaṭilā paṭivasanti – uruvelakassapo, nadīkassapo, gayākassapoti. Tesu uruvelakassapo jaṭilo pañcannaṃ jaṭilasatānaṃ nāyako hoti, vināyako aggo pamukho pāmokkko. Nadīkassapo jaṭilo tiṇṇaṃ jaṭilasatānaṃ nāyako hoti, vināyako aggo pamukho pāmokkko. Gayākassapo jaṭilo dvinnāṃ jaṭilasatānaṃ nāyako hoti, vināyako aggo pamukho pāmokkko. Atha kho bhagavā yena uruvelakassapassa jaṭilassa assamo tenupasaṅkami, upasaṅkamitvā uruvelakassapaṃ jaṭilaṃ etadavoca – “sace te, kassapa, agaru, vaseyyāma ekarattaṃ agyāgāre”ti? “Na kho me, mahāsamaṇa, garu, caṇḍettha nāgarājā iddhimā āsiviso ghoraviso, so taṃ mā viheṭhesi”ti. Dutiyampi kho bhagavā uruvelakassapaṃ jaṭilaṃ etadavoca – “sace te, kassapa, agaru, vaseyyāma ekarattaṃ agyāgāre”ti? “Na kho me, mahāsamaṇa, garu, caṇḍettha nāgarājā iddhimā āsiviso ghoraviso, so taṃ mā viheṭhesi”ti. Tatiyampi kho bhagavā uruvelakassapaṃ jaṭilaṃ etadavoca – “sace te, kassapa, agaru, vaseyyāma ekarattaṃ agyāgāre”ti? “Na kho me, mahāsamaṇa, garu, caṇḍettha nāgarājā iddhimā āsiviso ghoraviso, so taṃ mā viheṭhesi”ti. “Appeva maṃ na viheṭheyya, iṅgha tvaṃ, kassapa, anujānāhi agyāgāra”nti. “Vihara, mahāsamaṇa, yathāsukha”nti. Atha kho bhagavā agyāgāraṃ pavisitvā tiṇsanthāraṃ paññāpetvā nisīdi pallaṅkaṃ ābhujitvā ujum kāyaṃ pañidhāya parimukhaṃ satim upaṭṭhapetvā.

38. Addasā kho so nāgo bhagavantaṃ pavitṭhaṃ, disvāna dummano [dukkhī dummano (sī. syā.)] padhūpāyi [pakhūpāsi (ka.)]. Atha kho bhagavato etadahosi – “yaṃnūnāhaṃ imassa nāgassa anupahacca chaviṅca cammaṅca maṃsaṅca nhāruṅca aṭṭhiṅca aṭṭhimiṅjaṅca tejasā tejaṃ pariyādiyeyya”nti. Atha kho bhagavā tathārūpaṃ iddhābhisaṅkhāraṃ abhisaṅkharitvā padhūpāyi. Atha kho so nāgo makkhaṃ asahamāno pajjali. Bhagavāpi tejodhātum samāpajjitvā pajjali. Ubhinnaṃ sajotibhūtānaṃ agyāgāraṃ ādittaṃ viya hoti sampajjalitaṃ sajotibhūtaṃ. Atha kho te jaṭilā agyāgāraṃ parivāretvā evamāhaṃsu – “abhirūpo vata bho mahāsamaṇo nāgena viheṭhiyati”ti. Atha kho bhagavā tassā rattiyā accayena tassa nāgassa anupahacca chaviṅca cammaṅca maṃsaṅca nhāruṅca aṭṭhiṅca aṭṭhimiṅjaṅca tejasā tejaṃ pariyāditvā patte pakkhipitvā uruvelakassapassa jaṭilassa dassesi – “ayaṃ te, kassapa, nāgo pariyādinno [pariyādiṇṇo (ka.)] assa tejasā tejo”ti. Atha kho uruvelakassapassa jaṭilassa etadahosi – “mahiddhiko kho mahāsamaṇo mahānubhāvo, yatra hi nāma caṇḍassa nāgarājassa iddhimato āsivisassa ghoravisassa tejasā tejaṃ pariyādiyissati, natveva ca kho arahā yathā aha”nti.

39. Nerañjarāyaṃ bhagavā, uruvelakassapaṃ jaṭilaṃ avoca;
“Sace te kassapa agaru, viharemu añaṅho aggisālamhī”ti [aggisaraṇamhīti (sī. syā.)].

“Na kho me mahāsamaṇa garu;
Phāsukāmovā taṃ nivāremi;
Caṇḍettha nāgarājā;
Iddhimā āsiviso ghoraviso;
So taṃ mā viheṭhesi”ti.

“Appeva maṃ na viheṭheyya;
Iṅgha tvaṃ kassapa anujānāhi agyāgāra”nti;
Dinnanti naṃ viditvā;
Abhīto [asambhīto (sī.)] pāvīsi bhayamatīto.

Disvā isiṃ pavitṭhaṃ, ahināgo dummano padhūpāyi;
Sumanamaso adhimano [avimano (katthaci), navimano (syā.)], manussanāgopi tattha padhūpāyi.

Makkhaṅca asahamāno, ahināgo pāvakova pajjali;
Tejodhātusu kusalo, manussanāgopi tattha pajjali.

Ubhinnaṃ sajotibhūtānaṃ;
 Agyāgāraṃ ādittaṃ hoti sampajjalitaṃ sajotibhūtaṃ;
 Udicchare jaṭilā;
 “Abhirūpo vata bho mahāsamaṇo;
 Nāgena viheṭṭhiyatī”’ti bhaṇanti.

Atha tassā rattiyā [atha rattiyā (sī. syā.)] accayena;
 Hatā nāgassa acciyo honti [ahināgassa acciyo na honti (sī. syā.)];
 Iddhimato pana ṭhitā [iddhimato panuṭṭhitā (sī.)];
 Anekavaṇṇā acciyo honti.

Nīlā atha lohitikā;
 Mañjiṭṭhā pītakā phalikavaṇṇāyo;
 Aṅgīrasassa kāye;
 Anekavaṇṇā acciyo honti.

Pattamhi odahitvā;
 Ahināgaṃ brāhmaṇassa dassesi;
 “Ayaṃ te kassapa nāgo;
 Pariyādinno assa tejasā tejo”’ti.

Atha kho uruvelakassapo jaṭilo bhagavato iminā iddhipāṭihāriyena abhippasanno bhagavantaṃ etadavoca – “idheva, mahāsamaṇa, vihara, ahaṃ te [te upaṭṭhāmi (itipi)] dhuvabhattenā”’ti.

Paṭhamaṃ pāṭihāriyaṃ.

40. Atha kho bhagavā uruvelakassapassa jaṭilassa assamassa avidūre aññatarasmiṃ vanasaṇḍe vihāsi. Atha kho cattāro mahārājāno abhikkantāya rattiyā abhikkantavaṇṇā kevalakappaṃ vanasaṇḍaṃ obhāsetvā yena bhagavā tenupasaṅkamiṃsu, upasaṅkamitvā bhagavantaṃ abhivādetvā catuddisā aṭṭhaṃsu seyyathāpi mahantā aggikkhandhā. Atha kho uruvelakassapo jaṭilo tassā rattiyā accayena yena bhagavā tenupasaṅkami, upasaṅkamitvā bhagavantaṃ etadavoca – “kālo, mahāsamaṇa, niṭṭhitaṃ bhattaṃ. Ke nu kho te, mahāsamaṇa, abhikkantāya rattiyā abhikkantavaṇṇā kevalakappaṃ vanasaṇḍaṃ obhāsetvā yena tvaṃ tenupasaṅkamiṃsu, upasaṅkamitvā taṃ abhivādetvā catuddisā aṭṭhaṃsu “seyyathāpi mahantā aggikkhandhā”’ti. “Ete kho, kassapa, cattāro mahārājāno yenāhaṃ tenupasaṅkamiṃsu dhammassavanāyā”’ti. Atha kho uruvelakassapassa jaṭilassa etadahosi – “mahiddhiko kho mahāsamaṇo mahānubhāvo, yatra hi nāma cattāropi mahārājāno upasaṅkamissanti dhammassavanāya, na tveva ca kho arahā yathā aha”’nti. Atha kho bhagavā uruvelakassapassa jaṭilassa bhattaṃ bhuñjivā tasmimpeva vanasaṇḍe vihāsi.

Dutiyāṃ pāṭihāriyaṃ.

41. Atha kho sakko devānamindo abhikkantāya rattiyā abhikkantavaṇṇo kevalakappaṃ vanasaṇḍaṃ obhāsetvā yena bhagavā tenupasaṅkami, upasaṅkamitvā bhagavantaṃ abhivādetvā ekamantaṃ aṭṭhāsi seyyathāpi mahāaggikkhandho, purimāhi vaṇṇanibhāhi abhikkantataro ca paṇītataro ca. Atha kho uruvelakassapo jaṭilo tassā rattiyā accayena yena bhagavā tenupasaṅkami, upasaṅkamitvā bhagavantaṃ etadavoca – “kālo, mahāsamaṇa, niṭṭhitaṃ bhattaṃ. Ko nu kho so, mahāsamaṇa, abhikkantāya rattiyā abhikkantavaṇṇo kevalakappaṃ vanasaṇḍaṃ obhāsetvā yena tvaṃ tenupasaṅkami, upasaṅkamitvā taṃ abhivādetvā ekamantaṃ aṭṭhāsi seyyathāpi mahāaggikkhandho, purimāhi vaṇṇanibhāhi abhikkantataro ca paṇītataro cā”’ti? “Eso kho, kassapa, sakko devānamindo yenāhaṃ tenupasaṅkami dhammassavanāyā”’ti. Atha kho uruvelakassapassa jaṭilassa etadahosi – “mahiddhiko kho mahāsamaṇo mahānubhāvo, yatra hi nāma sakkopi devānamindo upasaṅkamissati

dhammassavanāya, na tveva ca kho arahā yathā aha’’nti. Atha kho bhagavā uruvelakassapassa jaṭilassa bhattaṃ bhuñjitvā tasmimyeva vanasaṇḍe vihāsi.

Tatiyaṃ pāṭihāriyaṃ.

42. Atha kho brahmā sahampati abhikkantāya rattiyā abhikkantavaṇṇo kevalakappaṃ vanasaṇḍaṃ obhāsetvā yena bhagavā tenupasaṅkami, upasaṅkamitvā bhagavantaṃ abhivādetvā ekamantaṃ aṭṭhāsi seyyathāpi mahāaggikkhandho, purimāhi vaṇṇanibhāhi abhikkantataro ca paṇītataro ca. Atha kho uruvelakassapo jaṭilo tassā rattiyā accayena yena bhagavā tenupasaṅkami, upasaṅkamitvā bhagavantaṃ etadavoca – ‘‘kālo, mahāsamaṇa, niṭṭhitaṃ bhattaṃ. Ko nu kho so, mahāsamaṇa, abhikkantāya rattiyā abhikkantavaṇṇo kevalakappaṃ vanasaṇḍaṃ obhāsetvā yena tvaṃ tenupasaṅkami, upasaṅkamitvā taṃ abhivādetvā ekamantaṃ aṭṭhāsi seyyathāpi mahāaggikkhandho, purimāhi vaṇṇanibhāhi abhikkantataro ca paṇītataro ca’’ti? ‘‘Eso kho, kassapa, brahmā sahampati yenāhaṃ tenupasaṅkami dhammassavanāyā’’ti. Atha kho uruvelakassapassa jaṭilassa etadahosi – ‘‘mahiddhiko kho mahāsamaṇo mahānubhāvo, yatra hi nāma brahmāpi sahampati upasaṅkamissati dhammassavanāya, na tveva ca kho arahā yathā aha’’nti. Atha kho bhagavā uruvelakassapassa jaṭilassa bhattaṃ bhuñjitvā tasmimyeva vanasaṇḍe vihāsi.

Catutthaṃ pāṭihāriyaṃ.

43. Tena kho pana samayena uruvelakassapassa jaṭilassa mahāyaṇṇo paccupaṭṭhito hoti, kevalakappā ca aṅgamagadhā pahūtaṃ khādanīyaṃ bhojanīyaṃ ādāya abhikkamitukāmā honti. Atha kho uruvelakassapassa jaṭilassa etadahosi – ‘‘etarahi kho me mahāyaṇṇo paccupaṭṭhito, kevalakappā ca aṅgamagadhā pahūtaṃ khādanīyaṃ bhojanīyaṃ ādāya abhikkamissanti. Sace mahāsamaṇo mahājanakāye iddhipāṭihāriyaṃ karissati, mahāsamaṇassa lābhasakkāro abhivaḍḍhissati, mama lābhasakkāro parihāyissati. Aho nūna mahāsamaṇo svātanāya nāgaccheyyā’’ti. Atha kho bhagavā uruvelakassapassa jaṭilassa cetasā cetoparivittakamaññāya uttarakuruṃ gantvā tato piṇḍapātaṃ āharitvā anotattadahe paribhuñjitvā tattheva divāvihāraṃ akāsi. Atha kho uruvelakassapo jaṭilo tassā rattiyā accayena yena bhagavā tenupasaṅkami, upasaṅkamitvā bhagavantaṃ etadavoca – ‘‘kālo, mahāsamaṇa, niṭṭhitaṃ bhattaṃ. Kiṃ nu kho, mahāsamaṇa, hiyyo nāgamāsi? Api ca mayaṃ taṃ sarāma – kiṃ nu kho mahāsamaṇo nāgacchatīti? Khādanīyassa ca bhojanīyassa ca te paṭivīso [paṭivimso (sī.), paṭiviso (syā.)] ṭhapito’’ti. Nanu te, kassapa, etadahosi – ‘‘etarahi kho me mahāyaṇṇo paccupaṭṭhito, kevalakappā ca aṅgamagadhā pahūtaṃ khādanīyaṃ bhojanīyaṃ ādāya abhikkamissanti, sace mahāsamaṇo mahājanakāye iddhipāṭihāriyaṃ karissati, mahāsamaṇassa lābhasakkāro abhivaḍḍhissati, mama lābhasakkāro parihāyissati, aho nūna mahāsamaṇo svātanāya nāgaccheyyā’’ti. So kho ahaṃ, kassapa, tava cetasā cetoparivittakkaṃ aññāya uttarakuruṃ gantvā tato piṇḍapātaṃ āharitvā anotattadahe paribhuñjitvā tattheva divāvihāraṃ akāsi’’nti. Atha kho uruvelakassapassa jaṭilassa etadahosi – ‘‘mahiddhiko kho mahāsamaṇo mahānubhāvo, yatra hi nāma cetasāpi cittaṃ pajānissati, na tveva ca kho arahā yathā aha’’nti. Atha kho bhagavā uruvelakassapassa jaṭilassa bhattaṃ bhuñjitvā tasmimyeva vanasaṇḍe vihāsi.

Pañcamaṃ pāṭihāriyaṃ.

44. Tena kho pana samayena bhagavato paṃsukūlaṃ uppannaṃ hoti. Atha kho bhagavato etadahosi – ‘‘kattha nu kho ahaṃ paṃsukūlaṃ dhoveyya’’nti? Atha kho sakko devānamindo bhagavato cetasā cetoparivittakamaññāya pāṇinā pokkharāṇiṃ khaṇitvā bhagavantaṃ etadavoca – ‘‘idha, bhante, bhagavā paṃsukūlaṃ dhovatū’’ti. Atha kho bhagavato etadahosi – ‘‘kimhi nu kho ahaṃ paṃsukūlaṃ parimaddeyya’’nti? Atha kho sakko devānamindo bhagavato cetasā cetoparivittakamaññāya mahatiṃ silaṃ upanikkhipi – idha, bhante, bhagavā paṃsukūlaṃ parimaddatūti. Atha kho bhagavato etadahosi – ‘‘kimhi nu kho ahaṃ [ahaṃ paṃsukūlaṃ (ka.)] ālambitvā uttareyya’’nti? Atha kho kakudhe adhvathā devatā bhagavato cetasā cetoparivittakamaññāya sākhaṃ onāmesi – idha, bhante, bhagavā ālambitvā

uttaratūti. Atha kho bhagavato etadahosi – “kimhi nu kho ahaṃ paṃsukūlaṃ vissajjeyya”nti? Atha kho sakko devānamindo bhagavato cetasā cetoparivitakkamaññāya mahatiṃ silaṃ upanikkhipi – idha, bhante, bhagavā paṃsukūlaṃ vissajjetūti. Atha kho uruvelakassapo jaṭilo tassā rattiyā accayena yena bhagavā tenupasaṅkami, upasaṅkamitvā bhagavantam etadavoca – “kālo, mahāsamaṇa, niṭṭhitaṃ bhattaṃ. Kiṃ nu kho, mahāsamaṇa, nāyaṃ pubbe idha pokkharāṇī, sāyaṃ idha pokkharāṇī. Nayimā silā pubbe upanikkhittā. Kenimā silā upanikkhittā? Nayimassa kakudhassa pubbe sākā onatā, sāyaṃ sākā onatā”ti. Idha me, kassapa, paṃsukūlaṃ uppannaṃ ahosi. Tassa mayhaṃ, kassapa, etadahosi – “kattha nu kho ahaṃ paṃsukūlaṃ dhoveyya”nti? Atha kho, kassapa, sakko devānamindo mama cetasā cetoparivitakkamaññāya pāṇinā pokkharāṇiṃ khaṇitvā maṃ etadavoca – “idha, bhante, bhagavā paṃsukūlaṃ dhovatū”ti. Sāyaṃ kassapa amanussena pāṇinā khaṇitā pokkharāṇī. Tassa mayhaṃ, kassapa, etadahosi – “kimhi nu kho ahaṃ paṃsukūlaṃ parimaddeyya”nti? Atha kho, kassapa, sakko devānamindo mama cetasā cetoparivitakkamaññāya mahatiṃ silaṃ upanikkhipi – “idha, bhante, bhagavā paṃsukūlaṃ parimaddatū”ti. Sāyaṃ kassapa amanussena upanikkhittā silā. Tassa mayhaṃ, kassapa, etadahosi – “kimhi nu kho ahaṃ ālambitvā uttareyya”nti? Atha kho, kassapa, kakudhe adhivatthā devatā ja mama cetasā cetoparivitakkamaññāya sākhaṃ onāmesi – “idha, bhante, bhagavā ālambitvā uttarajitū”ti. Svāyaṃ āharahattho kakudho. Tassa mayhaṃ, kassapa, etadahosi – “kimhi nu kho ahaṃ paṃsukūlaṃ vissajjeyya”nti? Atha kho, kassapa, sakko devānamindo mama cetasā cetoparivitakkamaññāya mahatiṃ silaṃ upanikkhipi – “idha, bhante, bhagavā paṃsukūlaṃ vissajjetū”ti. Sāyaṃ kassapa amanussena upanikkhittā silāti. Atha kho uruvelakassapassa jaṭilassa etadahosi – “mahiddhiko kho mahāsamaṇo mahānubhāvo, yatra hi nāma sakkopi devānamindo veyyāvaccam karissati, na tveva ca kho arahā yathā aha”nti. Atha kho bhagavā uruvelakassapassa jaṭilassa bhattaṃ bhuñjitvā tasmīyeva vanasaṇḍe vihāsi.

Atha kho uruvelakassapo jaṭilo tassā rattiyā accayena yena bhagavā tenupasaṅkami, upasaṅkamitvā bhagavato kālaṃ ārocesi – “kālo, mahāsamaṇa, niṭṭhitaṃ bhatta”nti. “Gaccha tvaṃ, kassapa, āyāma”nti uruvelakassapaṃ jaṭilaṃ uyyojetvā yāya jambuyā ‘jambudīpo’ paññāyati, tato phalaṃ gahetvā paṭhamataram āgantvā agyāgāre nisīdi. Addasā kho uruvelakassapo jaṭilo bhagavantam agyāgāre nisinnaṃ, disvāna bhagavantam etadavoca – “katamena tvaṃ, mahāsamaṇa, maggena āgato? Ahaṃ tayā paṭhamataram pakkanto, so tvaṃ paṭhamataram āgantvā agyāgāre nisinno”ti. “Idhāhaṃ, kassapa, taṃ uyyojetvā yāya jambuyā ‘jambudīpo’ paññāyati, tato phalaṃ gahetvā paṭhamataram āgantvā agyāgāre nisinno. Idaṃ kho, kassapa, jambuphalaṃ vaṇṇasampannaṃ gandhasampannaṃ rasasampannaṃ. Sace ākaṅkhasi paribhuñjā”ti. “Alaṃ, mahāsamaṇa, tvaṃyeva taṃ arahasi, tvaṃyeva taṃ [tvaṃyevetaṃ āharasi, tvaṃyevetaṃ (sī. syā.)] paribhuñjāhi”ti. Atha kho uruvelakassapassa jaṭilassa etadahosi – “mahiddhiko kho mahāsamaṇo mahānubhāvo, yatra hi nāma maṃ paṭhamataram uyyojetvā yāya jambuyā ‘jambudīpo’ paññāyati, tato phalaṃ gahetvā paṭhamataram āgantvā agyāgāre nisīdissati, na tveva ca kho arahā yathā aha”nti. Atha kho bhagavā uruvelakassapassa jaṭilassa bhattaṃ bhuñjitvā tasmīyeva vanasaṇḍe vihāsi.

45. Atha kho uruvelakassapo jaṭilo tassā rattiyā accayena yena bhagavā tenupasaṅkami, upasaṅkamitvā bhagavato kālaṃ ārocesi – “kālo, mahāsamaṇa, niṭṭhitaṃ bhatta”nti. Gaccha tvaṃ, kassapa, āyāmahanti uruvelakassapaṃ jaṭilaṃ uyyojetvā yāya jambuyā ‘jambudīpo’ paññāyati, tassā avidūre ambo...pe... tassā avidūre āmalakī...pe... tassā avidūre harītakī...pe... tāvatimsaṃ gantvā pāricchattakapupphaṃ gahetvā paṭhamataram āgantvā agyāgāre nisīdi. Addasā kho uruvelakassapo jaṭilo bhagavantam agyāgāre nisinnaṃ, disvāna bhagavantam etadavoca – “katamena tvaṃ, mahāsamaṇa, maggena āgato? Ahaṃ tayā paṭhamataram pakkanto, so tvaṃ paṭhamataram āgantvā agyāgāre nisinno”ti. “Idhāhaṃ, kassapa, taṃ uyyojetvā tāvatimsaṃ gantvā pāricchattakapupphaṃ gahetvā paṭhamataram āgantvā agyāgāre nisinno. Idaṃ kho, kassapa, pāricchattakapupphaṃ vaṇṇasampannaṃ gandhasampannaṃ [sugandhikaṃ (ka.)]. (Sace ākaṅkhasi gaṇhā”ti. “Alaṃ, mahāsamaṇa, tvaṃyeva taṃ arahasi, tvaṃyeva taṃ gaṇhā”ti) [() sī. syā. potthakesu natthi]. Atha kho uruvelakassapassa jaṭilassa etadahosi – “mahiddhiko kho mahāsamaṇo mahānubhāvo, yatra hi nāma maṃ paṭhamataram uyyojetvā tāvatimsaṃ gantvā pāricchattakapupphaṃ gahetvā paṭhamataram āgantvā agyāgāre

nisīdissati, na tveva ca kho arahā yathā aha”nti.

46. Tena kho pana samayena te jaṭilā aggim paricaritukāmā na sakkonti kaṭṭhāni phāletuṃ. Atha kho tesam jaṭilānaṃ etadahosi – “nissamsayaṃ kho mahāsamaṇassa iddhānubhāvo, yathā mayaṃ na sakkoma kaṭṭhāni phāletu”nti. Atha kho bhagavā uruvelakassapaṃ jaṭilaṃ etadavoca – “phāliyantū, kassapa, kaṭṭhāni”ti. “Phāliyantū, mahāsamaṇā”ti. Sakideva pañca kaṭṭhasatāni phāliyaṃsu. Atha kho uruvelakassapaṃ jaṭilassa etadahosi – “mahiddhiko kho mahāsamaṇo mahānubhāvo, yatra hi nāma kaṭṭhānipi phāliyaṃssanti, na tveva ca kho arahā yathā aha”nti.

47. Tena kho pana samayena te jaṭilā aggim paricaritukāmā na sakkonti aggim ujjāletuṃ [jāletuṃ (sī.), ujjalituṃ (ka.)]. Atha kho tesam jaṭilānaṃ etadahosi – “nissamsayaṃ kho mahāsamaṇassa iddhānubhāvo, yathā mayaṃ na sakkoma aggim ujjāletu”nti. Atha kho bhagavā uruvelakassapaṃ jaṭilaṃ etadavoca – “ujjaliyantū, kassapa, aggī”ti. “Ujjaliyantū, mahāsamaṇā”ti. Sakideva pañca aggisatāni ujjaliyaṃsu. Atha kho uruvelakassapaṃ jaṭilassa etadahosi – “mahiddhiko kho mahāsamaṇo mahānubhāvo, yatra hi nāma aggīpi ujjaliyaṃssanti, na tveva ca kho arahā yathā aha”nti.

48. Tena kho pana samayena te jaṭilā aggim paricaritvā na sakkonti aggim vijjhāpetuṃ. Atha kho tesam jaṭilānaṃ etadahosi – “nissamsayaṃ kho mahāsamaṇassa iddhānubhāvo, yathā mayaṃ na sakkoma aggim vijjhāpetu”nti. Atha kho bhagavā uruvelakassapaṃ jaṭilaṃ etadavoca – “vijjhāyantū, kassapa, aggī”ti. “Vijjhāyantū, mahāsamaṇā”ti. Sakideva pañca aggisatāni vijjhāyaṃsu. Atha kho uruvelakassapaṃ jaṭilassa etadahosi – “mahiddhiko kho mahāsamaṇo mahānubhāvo, yatra hi nāma aggīpi vijjhāyaṃssanti, na tveva ca kho arahā yathā aha”nti.

49. Tena kho pana samayena te jaṭilā sītāsu hemantikāsu rattīsu antarattakāsu himapātasamaye najjā nerañjarāya ummujjantipi, nimujjantipi, ummujjananimujjanampi karonti. Atha kho bhagavā pañcamattāni mandāmukhisatāni abhinimmini, yattha te jaṭilā uttaritvā visibbesuṃ. Atha kho tesam jaṭilānaṃ etadahosi – “nissamsayaṃ kho mahāsamaṇassa iddhānubhāvo, yathayimā mandāmukhiyo nimmitā”ti. Atha kho uruvelakassapaṃ jaṭilassa etadahosi – “mahiddhiko kho mahāsamaṇo mahānubhāvo, yatra hi nāma tāva bahū mandāmukhiyopi abhinimminissati, na tveva ca kho arahā yathā aha”nti.

50. Tena kho pana samayena mahā akālamegho pāvassi, mahā udakavāhako sañjāyī. Yasmiṃ padese bhagavā viharati, so padeso udakena na otthaṭo [udakena otthaṭo (sī. syā.)] hoti. Atha kho bhagavato etadahosi – “yaṃnūnāhaṃ samantā udakaṃ ussāretvā majjhe reṇuhatāya bhūmiyā caṅkameyya”nti. Atha kho bhagavā samantā udakaṃ ussāretvā majjhe reṇuhatāya bhūmiyā caṅkami. Atha kho uruvelakassapo jaṭilo – māheva kho mahāsamaṇo udakena vūlho ahoṣīti nāvāya sambahulehi jaṭilehi saddhiṃ yasmiṃ padese bhagavā viharati taṃ padesaṃ agamāsi. Addasā kho uruvelakassapo jaṭilo bhagavantam samantā udakaṃ ussāretvā majjhe reṇuhatāya bhūmiyā caṅkamantaṃ, disvāna bhagavantam etadavoca – “idaṃ nu tvaṃ, mahāsamaṇā”ti? “Ayamahamasmi [āma ahamasmi (syā.)], kassapā”ti bhagavā vehāsaṃ abbhuggantvā nāvāya paccuṭṭhāsi. Atha kho uruvelakassapaṃ jaṭilassa etadahosi – “mahiddhiko kho mahāsamaṇo mahānubhāvo, yatra hi nāma udakampi na pavāhissati [nappasahissati (sī.)], na tveva ca kho arahā yathā aha”nti.

51. Atha kho bhagavato etadahosi – “cirampi kho imassa moghapurisassa evaṃ bhavissati – ‘mahiddhiko kho mahāsamaṇo mahānubhāvo, na tveva ca kho arahā yathā aha’nti; yaṃnūnāhaṃ imaṃ jaṭilaṃ saṃvejeyya”nti. Atha kho bhagavā uruvelakassapaṃ jaṭilaṃ etadavoca – “neva ca kho tvaṃ, kassapa, arahā, nāpi arahattamaggasamāpanno. Sāpi te paṭipadā natthi, yāya tvaṃ arahā vā assasi, arahattamaggaṃ vā samāpanno”ti. Atha kho uruvelakassapo jaṭilo bhagavato pādesu sirasā nipatitvā bhagavantam etadavoca – “labheyyāhaṃ, bhante, bhagavato santike pabbajjaṃ, labheyyaṃ upasampada”nti. Tvaṃ khosi, kassapa, pañcannaṃ jaṭilasatānaṃ nāyako vināyako aggo pamukho pāmokkho. Tepi tāva apalokehi, yathā te maññissanti tathā te karissanti. Atha kho uruvelakassapo jaṭilo

yena te jaṭilā tenupasaṅkami, upasaṅkamitvā te jaṭile etadavoca – “icchāmaṃ, bho, mahāsamaṇe brahmacariyaṃ caritvaṃ, yathā bhavanto maññanti tathā karontū”ti. “Cirapaṭikā mayāṃ, bho, mahāsamaṇe abhippasannā, sace bhavaṃ, mahāsamaṇe brahmacariyaṃ carissati, sabbeva mayāṃ mahāsamaṇe brahmacariyaṃ carissāma”ti. Atha kho te jaṭilā kesamissaṃ jaṭamissaṃ khārikājamissaṃ aggihutamissaṃ uduke pavāhetvā yena bhagavā tenupasaṅkamissaṃ, upasaṅkamitvā bhagavato pādesu sirasā nipatitvā bhagavantaṃ etadavocumaṃ – “labheyyāma mayāṃ, bhante, bhagavato santike pabbajjāṃ, labheyyāma upasampada”nti. “Etha bhikkhavo”ti bhagavā avoca – “svākkhāto dhammo, caratha brahmacariyaṃ sammā dukkhassa antakiriyaṃ”ti. Sāva tesāṃ āyasmantānaṃ upasampadā ahoṣi.

52. Addasā kho nadikassapo jaṭilo kesamissaṃ jaṭamissaṃ khārikājamissaṃ aggihutamissaṃ uduke vuyhamāne, disvānassa etadahosi – “māheva me bhātuno upasaggo ahoṣi”ti. Jaṭile pāhesi – gacchatha me bhātaraṃ jānāthāti. Sāmañca tīhi jaṭilasatehi saddhiṃ yenāyasmā uruvelakassapo tenupasaṅkami, upasaṅkamitvā āyasmantaṃ uruvelakassapaṃ etadavoca – “idaṃ nu kho, kassapa, seyyo”ti? “Āmāvuso, idaṃ seyyo”ti. Atha kho te jaṭilā kesamissaṃ jaṭamissaṃ khārikājamissaṃ aggihutamissaṃ uduke pavāhetvā yena bhagavā tenupasaṅkamissaṃ, upasaṅkamitvā bhagavato pādesu sirasā nipatitvā bhagavantaṃ etadavocumaṃ – “labheyyāma mayāṃ, bhante, bhagavato santike pabbajjāṃ, labheyyāma upasampada”nti. “Etha bhikkhavo”ti bhagavā avoca – “svākkhāto dhammo, caratha brahmacariyaṃ sammā dukkhassa antakiriyaṃ”ti. Sāva tesāṃ āyasmantānaṃ upasampadā ahoṣi.

53. Addasā kho gayākassapo jaṭilo kesamissaṃ jaṭamissaṃ khārikājamissaṃ aggihutamissaṃ uduke vuyhamāne, disvānassa etadahosi – “māheva me bhātūnaṃ upasaggo ahoṣi”ti. Jaṭile pāhesi – gacchatha me bhātaro jānāthāti. Sāmañca dvīhi jaṭilasatehi saddhiṃ yenāyasmā uruvelakassapo tenupasaṅkami, upasaṅkamitvā āyasmantaṃ uruvelakassapaṃ etadavoca – “idaṃ nu kho, kassapa, seyyo”ti? “Āmāvuso, idaṃ seyyo”ti. Atha kho te jaṭilā kesamissaṃ jaṭamissaṃ khārikājamissaṃ aggihutamissaṃ uduke pavāhetvā yena bhagavā tenupasaṅkamissaṃ, upasaṅkamitvā bhagavato pādesu sirasā nipatitvā bhagavantaṃ etadavocumaṃ – “labheyyāma mayāṃ, bhante, bhagavato santike pabbajjāṃ, labheyyāma upasampada”nti. “Etha bhikkhavo”ti bhagavā avoca – “svākkhāto dhammo, caratha brahmacariyaṃ sammā dukkhassa antakiriyaṃ”ti. Sāva tesāṃ āyasmantānaṃ upasampadā ahoṣi.

Bhagavato adhiṭṭhānena pañca kaṭṭhasatāni na phāliyaṃsu, phāliyaṃsu; aggī na ujjaliyaṃsu, ujjaliyaṃsu; na vijjhāyaṃsu, vijjhāyaṃsu; pañcamandāmukhisatāni abhinimmini. Etena nayena aḍḍhuḍḍhapāṭihāriyasahassāni honti.

54. Atha kho bhagavā uruvelāyaṃ yathābhirantaṃ viharitvā yena gayāsīsaṃ tena pakkāmi mahatā bhikkhusaṅghena saddhiṃ bhikkhusahassena sabbeheva purāṇajaṭilehi. Tatra sudaṃ bhagavā gayāyaṃ viharati gayāsīse saddhiṃ bhikkhusahassena. Tatra kho bhagavā bhikkhū āmantesi –

[sam. ni. 4.29] “Sabbāṃ, bhikkhave, ādittaṃ. Kiñca, bhikkhave, sabbāṃ ādittaṃ? Cakkhu ādittaṃ, rūpā ādittā, cakkhuviññāṇaṃ ādittaṃ, cakkhusamphasso āditto, yamidaṃ cakkhusamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi ādittaṃ. Kena ādittaṃ? Rāgagginā dosagginā mohagginā ādittaṃ, jātiyā jarāya maraṇena sokehi paridevehi dukkhehi domanassehi upāyāsehi ādittanti vadāmi. Sotaṃ ādittaṃ, saddā ādittā, sotaviññāṇaṃ ādittaṃ, sotasamphasso āditto, yamidaṃ sotasamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi ādittaṃ. Kena ādittaṃ? Rāgagginā dosagginā mohagginā ādittaṃ, jātiyā jarāya maraṇena sokehi paridevehi dukkhehi domanassehi upāyāsehi ādittanti vadāmi. Ghānaṃ ādittaṃ, gandhā ādittā, ghānaviññāṇaṃ ādittaṃ, ghānasamphasso āditto, yamidaṃ ghānasamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi ādittaṃ. Kena ādittaṃ? Rāgagginā dosagginā mohagginā ādittaṃ, jātiyā jarāya maraṇena sokehi paridevehi dukkhehi domanassehi upāyāsehi ādittanti vadāmi. Jivhā ādittā, rasā ādittā, jivhāviññāṇaṃ ādittaṃ, jivhāsamphasso āditto, yamidaṃ jivhāsamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi ādittaṃ. Kena ādittaṃ? Rāgagginā dosagginā mohagginā ādittaṃ, jātiyā

jarāya maraṇena sokehi paridevehi dukkhehi domanassehi upāyāsehi ādittanti vadāmi. Kāyo āditto, phoṭṭhabbā ādittā, kāyaviññāṇaṃ ādittaṃ kāyasamphasso āditto, yamidaṃ kāyasamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi ādittaṃ. Kena ādittaṃ? Rāgagginā dosagginā mohagginā ādittaṃ, jātiyā jarāya maraṇena sokehi paridevehi dukkhehi domanassehi upāyāsehi ādittanti vadāmi. Mano āditto, dhammā ādittā, manoviññāṇaṃ ādittaṃ manosamphasso āditto, yamidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tampi ādittaṃ. Kena ādittaṃ? Rāgagginā dosagginā mohagginā ādittaṃ, jātiyā jarāya maraṇena sokehi paridevehi dukkhehi domanassehi upāyāsehi ādittanti vadāmi.

“Evaṃ passaṃ, bhikkhave, sutavā ariyasāvako cakkhusmimpi nibbindati, rūpesupi nibbindati, cakkhuviññāṇepi nibbindati, cakkhusamphassepi nibbindati, yamidaṃ cakkhusamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā, tasmimpi nibbindati. Sotasmimpi nibbindati, saddesupi nibbindati...pe... ghānasmimpi nibbindati, gandhesupi nibbindati...pe... jivhāyapi nibbindati, rasesupi nibbindati...pe... kāyasmimpi nibbindati, phoṭṭhabbesupi nibbindati...pe... manasmimpi nibbindati, dhammesupi nibbindati, manoviññāṇepi nibbindati, manosamphassepi nibbindati, yamidaṃ manosamphassapaccayā uppajjati vedayitaṃ sukhaṃ vā dukkhaṃ vā adukkhamasukhaṃ vā tasmimpi nibbindati, nibbindaṃ virajjati, virāgā vimuccati, vimuttasmiṃ vimuttamiti ñāṇaṃ hoti. Khīṇā jāti, vusitaṃ brahmacariyaṃ, kataṃ karaṇīyaṃ, nāparaṃ itthattāyāti pajānāti”ti.

Imasmiṃca pana veyyākaraṇasmiṃ bhaññamāne tassa bhikkhusahassassa anupādāya āsavehi cittāni vimuccimṃsu.

Ādittapariyāyasuttaṃ niṭṭhitaṃ.

Uruvelapāṭihāriyaṃ tatiyabhāṇavāro niṭṭhito.

13. Bimbisārasamāgamakathā

55. Atha kho bhagavā gayāsīse yathābhirantaṃ viharitvā yena rājagahaṃ tena cārikaṃ pakkāmi, mahatā bhikkhusaṅghena saddhiṃ bhikkhusahassena sabbeheva purāṇajaṭilehi. Atha kho bhagavā anupubbena cārikaṃ caramāno yena rājagahaṃ tadavasari. Tatra sudaṃ bhagavā rājagahe viharati laṭṭhivane [laṭṭhivanuyyāne (syā.)] suppatiṭṭhe cetiye. Assosi kho rājā māgadho seniyo bimbisāro – samaṇo khalu bho gotamo sakyaputto sakyakulā pabbajito rājagahaṃ anupatto rājagahe viharati laṭṭhivane suppatiṭṭhe cetiye. Taṃ kho pana bhagavantaṃ [bhavantam (ka.)] gotamaṃ evaṃ kalyāṇo kittisaddo abbhuggato – itipi so bhagavā arahaṃ sammāsambuddho vijjācaraṇasampanno sugato lokavidū anuttaro purisadammasārathī satthā devamanussānaṃ buddho bhagavā [bhagavāti (ka.)]. So imaṃ lokaṃ sadevakaṃ samāraṃ sabrahmakam sassaṃābrāhmaṇiṃ pajam sadevamanussaṃ sayam abhiññā sacchikatvā pavedeti. So dhammaṃ deseti ādikalyāṇaṃ majjhekalyāṇaṃ pariyoṣānakalyāṇaṃ sātthaṃ sabyañjanaṃ kevalaparipuṇṇaṃ parisuddhaṃ brahmacariyaṃ pakāseti. Sādhu kho pana tathārūpānaṃ arahataṃ dassanaṃ hotīti.

Atha kho rājā māgadho seniyo bimbisāro dvādasanahutehi [dvādasaniyutehi (yojanā)] māgadhikehi brāhmaṇagahapatikehi parivuto yena bhagavā tenupasaṅkami, upasaṅkamitvā bhagavantaṃ abhivādetvā ekamantaṃ nisīdi. Tepi kho dvādasanahutā māgadhikā brāhmaṇagahapatikā appekacce bhagavantaṃ abhivādetvā ekamantaṃ nisīdimṃsu, appekacce bhagavatā saddhiṃ sammodimṃsu, sammodaniyaṃ kathaṃ saraṇīyaṃ vītisāretvā ekamantaṃ nisīdimṃsu, appekacce yena bhagavā tenañjaliṃ paṇāmetvā ekamantaṃ nisīdimṃsu, appekacce bhagavato santike nāmagottaṃ sāvetvā ekamantaṃ nisīdimṃsu, appekacce tuṅhībhūtā ekamantaṃ nisīdimṃsu. Atha kho tesam dvādasanahutānaṃ [dvādasaniyutānaṃ (yojanā)] māgadhikānaṃ brāhmaṇagahapatikānaṃ etadahosi – ‘kiṃ nu kho mahāsamaṇo uruvelakassape brahmacariyaṃ carati, udāhu uruvelakassapo mahāsamaṇe brahmacariyaṃ caratī’ti?

Atha kho bhagavā tesam dvādasanahutānaṃ māgadhikānaṃ brāhmaṇagahapatikānaṃ cetasā cetoparivitakkamaññāya āyasmantaṃ uruvelakassapaṃ gāthāya ajjhabhāsi –

“Kimeva disvā uruvelavāsi, pahāsi aggim̐ kisakovadāno;
Pucchāmi taṃ kassapa, etamatthaṃ kathaṃ pahīnaṃ tava aggihuttanti.

“Rūpe ca sadde ca atho rase ca;
Kāmitthiyo cābhivadanti yaññā;
Etaṃ malanti upadhīsu ñatvā;
Tasmā na yiṭṭhe na hute arañjinti.

“Ettheva te mano na ramittha (kassapāti bhagavā);
Rūpesu saddesu atho rasesu;
Atha ko carahi devamanussaloke;
Rato mano kassapa, brūhi metanti.

“Disvā padaṃ santamanūpadhīkaṃ;
Akiñcanaṃ kāmabhava asattaṃ;
Anaññathābhāvimanaññaneyyaṃ;
Tasmā na yiṭṭhe na hute arañji’nti.

56. Atha kho āyasmā uruvelakassapo uṭṭhāyāsanā ekamsaṃ uttarāsaṅgaṃ karitvā bhagavato pādesu sirasā nipatitvā bhagavantaṃ etadavoca – “satthā me, bhante, bhagavā, sāvako hamasmi; satthā me, bhante, bhagavā, sāvako hamasmi”’ti. Atha kho tesam dvādasanahutānaṃ māgadhikānaṃ brāhmaṇagahapatikānaṃ etadahosi – “uruvelakassapo mahāsamaṇe brahmacariyaṃ caratī”’ti. Atha kho bhagavā tesam dvādasanahutānaṃ māgadhikānaṃ brāhmaṇagahapatikānaṃ cetasā cetoparivitakkamaññāya anupubbiṃ kathaṃ kathesi, seyyathidaṃ – dānakathaṃ sīlakathaṃ saggakathaṃ kāmānaṃ ādīnavaṃ okāraṃ saṃkilesaṃ nekkhamme ānisaṃsaṃ pakāsesi. Yadā te bhagavā aññāsi kallacitte muducitte vinīvaraṇacitte udaggacitte pasannacitte, atha yā buddhānaṃ sāmukkaṃsika dhammadesanā, taṃ pakāsesi – dukkhaṃ, samudayaṃ, nirodhaṃ, maggaṃ. Seyyathāpi nāma suddhaṃ vatthaṃ apagatakalākaṃ sammadeva rajanaṃ paṭiggaṇheyya, evameva ekādasanahutānaṃ māgadhikānaṃ brāhmaṇagahapatikānaṃ bimbisārappamukhānaṃ tasmiṃ yeva āsane virajaṃ vītamalaṃ dhammacakkhuṃ udapādi – yaṃ kiñci samudayadhammaṃ, sabbaṃ taṃ nirodhadhammanti. Ekanahutaṃ upāsakattaṃ paṭivedesi.

57. Atha kho rājā māgadho seniyo bimbisāro diṭṭhadhammo pattadhammo vidadhammo pariyoḅhaḍhammo tiṇṇavicikiccho vigatakathaṃkatho vesārājappatto aparappaccayo satthusāsane bhagavantaṃ etadavoca – “pubbe me, bhante, kumārassa sato pañca assāsakā ahesuṃ, te me etarahi samiddhā. Pubbe me, bhante, kumārassa sato etadahosi – ‘aho vata maṃ rajje abhisiñceyyu’nti, ayaṃ kho me, bhante, paṭhamo assāsako ahosi, so me etarahi samiddho. ‘Tassa ca me vijitaṃ arahaṃ sammāsambuddho okkameyyā’ti, ayaṃ kho me, bhante, dutiyo assāsako ahosi, so me etarahi samiddho. ‘Tañcāhaṃ bhagavantaṃ payirupāseyya’nti, ayaṃ kho me, bhante, tatiyo assāsako ahosi, so me etarahi samiddho. ‘So ca me bhagavā dhammaṃ deseyyā’ti, ayaṃ kho me, bhante, catuttho assāsako ahosi, so me etarahi samiddho. ‘Tassa cāhaṃ bhagavato dhammaṃ ājāneyya’nti, ayaṃ kho me, bhante, pañcamaṃ assāsako ahosi, so me etarahi samiddho. Pubbe me, bhante, kumārassa sato ime pañca assāsakā ahesuṃ, te me etarahi samiddhā. Abhikkantaṃ, bhante, abhikkantaṃ, bhante, seyyathāpi, bhante, nikkujjitaṃ vā ukkujjeyya, paṭicchannaṃ vā vivareyya, mūlhasa vā maggaṃ ācikkheyya, andhakāre vā telapajjotaṃ dhāreyya cakkhumanto rūpāni dakkhantīti – evamevaṃ bhagavatā anekapariyāyena dhammo pakāsito. Esāhaṃ, bhante, bhagavantaṃ saraṇaṃ gacchāmi, dhammañca, bhikkhusaṅghañca. Upāsakaṃ maṃ [maṃ bhante (ka.)], bhagavā dhāretu ajjatagge paṇupetaṃ saraṇaṃ gataṃ, adhivāsetu ca me, bhante, bhagavā, svātanāya bhattaṃ saddhiṃ bhikkhusaṅghena”’ti. Adhivāsesi bhagavā tuṅhībhāvena. Atha kho

rājā māgadho seniyo bimbisāro bhagavato adhvāsanaṃ viditvā utṭhāyāsanaṃ bhagavantam abhivādetvā padakkhiṇaṃ katvā pakkāmi. Atha kho rājā māgadho seniyo bimbisāro tassā rattiyā accayena paṇītaṃ khādanīyaṃ bhojanīyaṃ paṭiyādāpetvā bhagavato kālaṃ ārocāpesi – “kālo, bhante, niṭṭhitaṃ bhatta”nti.

58. Atha kho bhagavā pubbaṅhasamayaṃ nivāsetvā pattacīvaramādāya rājagahaṃ pāvīsi mahatā bhikkhusaṅghena saddhiṃ bhikkhusahassena sabbeheva purāṇajaṭilehi. Tena kho pana samayena sakko devānamindo māṇavakavaṇṇaṃ abhinimminivā buddhappamukhassa bhikkhusaṅghassa purato purato gacchati imā gāthāyo gāyamāno –

“Danto dantehi saha purāṇajaṭilehi, vippamutto vippamuttehi;
Siṅgīnikkhasavaṇṇo, rājagahaṃ pāvīsi bhagavā.

“Mutto muttehi saha purāṇajaṭilehi, vippamutto vippamuttehi;
Siṅgīnikkhasavaṇṇo, rājagahaṃ pāvīsi bhagavā.

“Tiṇṇo tiṇṇehi saha purāṇajaṭilehi;
Vippamutto vippamuttehi;
Siṅgīnikkhasuvaṇṇo;
Rājagahaṃ pāvīsi bhagavā.

“Santo santehi saha purāṇajaṭilehi;
Vippamutto vippamuttehi;
Siṅgīnikkhasavaṇṇo;
Rājagahaṃ pāvīsi bhagavā.

“Dasavāso dasabalo, dasadhammavidū dasabhi cupeto;
So dasasataparivāro [parivārako (ka.)] rājagahaṃ, pāvīsi bhagavā”ti.

Manussā sakkaṃ devānamindaṃ passitvā evamāhaṃsu – “abhirūpo vatāyaṃ māṇavako, dassanīyo vatāyaṃ māṇavako, pāsādiko vatāyaṃ māṇavako. Kassa nu kho ayaṃ māṇavako”ti? Evaṃ vutte sakko devānamindo te manusse gāthāya ajjhabhāsi –

“Yo dhīro sabbadhi danto, suddho appaṭipuggalo;
Arahaṃ sugato loke, tassāhaṃ paricārako”ti.

59. Atha kho bhagavā yena rañño māgadhasa seniyassa bimbisārassa nivesanaṃ tenupasaṅkamaṃ, upasaṅkamtivā paññatte āsane nisīdi saddhiṃ bhikkhusaṅghena. Atha kho rājā māgadho seniyo bimbisāro buddhappamukhaṃ bhikkhusaṅghaṃ paṇītena khādanīyena bhojanīyena sahatthā santappetvā sampavāretvā bhagavantam bhuttāviṃ onītapattapāṇiṃ ekamantaṃ nisīdi. Ekamantaṃ nisinnassa kho rañño māgadhasa seniyassa bimbisārassa etadahosi [cūḷava. 307] – “kattha nu kho bhagavā vihareyya? Yaṃ assa gāmato neva avidūre na accāsanne, gamanāgamanasampannaṃ, atthikānaṃ atthikānaṃ manussānaṃ abhikkamanīyaṃ, divā appākiṇṇaṃ [appakiṇṇaṃ (sī. syā.), abbhokiṇṇaṃ (ka.)], rattim appasaddaṃ appanigghosaṃ vijanavātaṃ, manussarāhasseyyakaṃ, paṭisallānasārappa”nti. Atha kho rañño māgadhasa seniyassa bimbisārassa etadahosi – “idaṃ kho amhākaṃ veḷuvanaṃ uyyānaṃ gāmato neva avidūre na accāsanne gamanāgamanasampannaṃ atthikānaṃ atthikānaṃ manussānaṃ abhikkamanīyaṃ divā appākiṇṇaṃ rattim appasaddaṃ appanigghosaṃ vijanavātaṃ manussarāhasseyyakaṃ paṭisallānasārappaṃ. Yaṃnūnāhaṃ veḷuvanaṃ uyyānaṃ buddhappamukhassa bhikkhusaṅghassa dadeyya”nti. Atha kho rājā māgadho seniyo bimbisāro sovaṇṇamayaṃ bhīnkāraṃ gahetvā bhagavato oṇjesi – “etāhaṃ, bhante, veḷuvanaṃ uyyānaṃ buddhappamukhassa bhikkhusaṅghassa dammi”ti. Paṭiggahesi bhagavā ārāmaṃ. Atha kho bhagavā rājānaṃ māgadham

seniyaṃ bimbisāraṃ dhammiyā kathāya sandassetvā samādapetvā samuttejetvā sampahaṃsetvā utthāyāsanaṃ pakkāmi. Atha kho bhagavā etasmiṃ nidāne etasmiṃ pakaraṇe dhammiṃ kathāṃ katvā bhikkhū āmantesi – “anujānāmi, bhikkhave, ārama”nti.

Bimbisārasamāgamakathā niṭṭhitā.

14. Sāriputtamoggallānapabbajjākathā

60. Tena kho pana samayena sañcayo [sañjayo (sī. syā.)] paribbājako rājagahe paṭivasati mahatiyā paribbājakaparisiyā saddhiṃ aḍḍhateyyehi paribbājakasatehi. Tena kho pana samayena sāriputtamoggallānā sañcaye paribbājake brahmacariyaṃ caranti. Tehi katikā katā hoti – yo paṭhamam amataṃ adhigacchati, so itarassa ārocetūti. Atha kho āyasmā assaji pubbaṅhasamayaṃ nivāsetvā pattacīvaramādāya rājagahaṃ piṇḍāya pāvisi pāsādikena abhikkantena paṭikkantena ālokiteṇa vilokiteṇa samiñjiteṇa pasāriteṇa, okkhittacakkhu iriyāpathasampanno. Addasā kho sāriputto paribbājako āyasmantaṃ assajim rājagahe piṇḍāya carantaṃ pāsādikena abhikkantena paṭikkantena ālokiteṇa vilokiteṇa samiñjiteṇa pasāriteṇa okkhittacakkhuṃ iriyāpathasampannaṃ. Disvānassa etadahosi – “ye vata loke arahanto vā arahattamaggaṃ vā samāpannā, ayaṃ tesam bhikkhu aññataro. Yaṃnūnāhaṃ imaṃ bhikkhuṃ upasaṅkamitvā puccheyyaṃ – ‘kaṃsi tvaṃ, āvuso, uddissa pabbajito, ko vā te satthā, kassa vā tvaṃ dhammaṃ rocesi’”ti? Atha kho sāriputtassa paribbājakassa etadahosi – “akālo kho imaṃ bhikkhuṃ pucchitum, antaraghamaṃ pavittho piṇḍāya carati. Yaṃnūnāhaṃ imaṃ bhikkhuṃ piṭṭhito piṭṭhito anubandheyyaṃ, atthikehi upaññātaṃ magga”nti. Atha kho āyasmā assaji rājagahe piṇḍāya caritvā piṇḍapātaṃ ādāya paṭikkami. Atha kho sāriputtopi paribbājako yenāyasmā assaji tenupasaṅkami, upasaṅkamitvā āyasmatā assajinā saddhiṃ sammodi, sammodaniyaṃ kathāṃ sāraṇiyaṃ vītisāretvā ekamantaṃ aṭṭhāsi. Ekamantaṃ ṭhito kho sāriputto paribbājako āyasmantaṃ assajim etadavoca – “vipasannāni kho te, āvuso, indriyāni, parisuddho chavivaṇṇo pariyodāto. Kaṃsi tvaṃ, āvuso, uddissa pabbajito, ko vā te satthā, kassa vā tvaṃ dhammaṃ rocesi”ti? “Atthāvuso, mahāsamaṇo sakyaputto sakyakulā pabbajito, tāhaṃ bhagavantaṃ uddissa pabbajito, so ca me bhagavā satthā, tassa cāhaṃ bhagavato dhammaṃ rocemī”ti. “Kiṃvādī panāyasmato satthā, kimakkhāyī”ti? “Ahaṃ kho, āvuso, navo acirapabbajito, adhunāgato imaṃ dhammavinayaṃ, na tāhaṃ sakkomi vitthārena dhammaṃ desetum, api ca te samkhittena atthaṃ vakkhāmī”ti. Atha kho sāriputto paribbājako āyasmantaṃ assajim etadavoca – “hotu, āvuso –

“Appaṃ vā bahuṃ vā bhāsassu, atthaṃyeva me brūhi;
Attheneva me attho, kiṃ kāhasi byañjanaṃ bahu”nti.

Atha kho āyasmā assaji sāriputtassa paribbājakassa imaṃ dhammapariyāyaṃ abhāsi –

[apa. 1.1.286 therāpadānepi] “Ye dhammā hetuppabhavā, tesam hetum tathāgato āha;
Tesaṇca yo nirodho, evaṃvādī mahāsamaṇo”nti.

Atha kho sāriputtassa paribbājakassa imaṃ dhammapariyāyaṃ sutvā virajaṃ vītamalaṃ dhammacakkhuṃ udapādi – “yaṃ kiñci samudayadhammaṃ, sabbaṃ taṃ nirodhadhamma”nti.

[apa. 1.1.289 therāpadānepi] Eseva dhammo yadi tāvadeva, paccabyattha padamasokaṃ;
Adiṭṭhaṃ abhātītaṃ, bahuṃkehi kappanahutehīti.

61. Atha kho sāriputto paribbājako yena moggallāno paribbājako tenupasaṅkami. Addasā kho moggallāno paribbājako sāriputtaṃ paribbājakaṃ dūrato vā āgacchantaṃ, disvāna sāriputtaṃ paribbājakaṃ etadavoca – “vipasannāni kho te, āvuso, indriyāni, parisuddho chavivaṇṇo pariyodāto. Kacci nu tvaṃ, āvuso, amataṃ adhigato”ti? “Āmāvuso, amataṃ adhigato”ti. “Yathākathaṃ pana tvaṃ, āvuso, amataṃ adhigato”ti? “Idhāhaṃ, āvuso, addasaṃ assajim bhikkhuṃ rājagahe piṇḍāya

carantaṃ pāsādikena abhikkantena paṭikkantena ālokitena vilokitena samiñjitena pasāritena okkhittacakkhuṃ iriyāpathasampannaṃ. Disvāna me etadahosi – ‘ye vata loke arahanto vā arahattamaggaṃ vā samāpannā, ayaṃ tesāṃ bhikkhu aññataro. Yaṃnūnāhaṃ imaṃ bhikkhuṃ upasaṅkamitvā puccheyyaṃ – kaṃsi tvaṃ, āvuso uddissa pabbajito, ko vā te satthā, kassa vā tvaṃ dhammaṃ rocesi’”ti. Tassa mayhaṃ, āvuso, etadahosi – “akālo kho imaṃ bhikkhuṃ pucchitūṃ antaragharaṃ pavittūṃ piṇḍāya carati, yaṃnūnāhaṃ imaṃ bhikkhuṃ piṭṭhito piṭṭhito anubandheyyaṃ atthikehi upaññātaṃ magga’”nti. Atha kho, āvuso, assaji bhikkhu rājagahe piṇḍāya caritvā piṇḍapātaṃ ādāya paṭikkami. Atha khvāhaṃ, āvuso, yena assaji bhikkhu tenupasaṅkamim, upasaṅkamitvā assajinā bhikkhunā saddhim sammodim, sammodaniyaṃ kathaṃ sāraṇiyaṃ vītisāretvā ekamantaṃ atṭhāsim. Ekamantaṃ ṭhito kho ahaṃ, āvuso, assajim bhikkhuṃ etadavocaṃ – “vipassannāni kho te, āvuso, indriyāni, parisuddho chavivaṇṇo pariyodāto. ‘Kaṃsi tvaṃ, āvuso, uddissa pabbajito, ko vā te satthā, kassa vā tvaṃ dhammaṃ rocesi’”ti? ‘Atthāvuso, mahāsamaṇo sakyaputto sakyakulā pabbajito, tāhaṃ bhagavantaṃ uddissa pabbajito, so ca me bhagavā satthā, tassa cāhaṃ bhagavato dhammaṃ rocemī’”ti. ‘Kiṃvādī panāyasmato satthā kimakkhāyī’”ti. ‘Ahaṃ kho, āvuso, navo acirapabbajito adhunāgato imaṃ dhammavinayaṃ, na tāhaṃ sakkomi vitthārena dhammaṃ desetūṃ, api ca te saṃkhittena atthaṃ vakkhāmī’”ti. Atha khvāhaṃ, āvuso, assajim bhikkhuṃ etadavocaṃ – “hotu, āvuso,

Appaṃ vā bahuṃ vā bhāsassu, atthaṃyeva me brūhi;
Attheneva me attho, kiṃ kāhasi byañjanaṃ bahu’”nti.

Atha kho, āvuso, assaji bhikkhu imaṃ dhammapariyāyaṃ abhāsi –

“Ye dhammā hetuppabhavā, tesāṃ hetuṃ tathāgato āha;
Tesaṅca yo nirodho, evaṃvādī mahāsamaṇo’”ti.

Atha kho moggallānassa paribbājakassa imaṃ dhammapariyāyaṃ sutvā virajaṃ vītamalaṃ dhammacakkhuṃ udapādi – yaṃ kiñci samudayadhammaṃ, sabbaṃ taṃ nirodhadhammanti.

Eseva dhammo yadi tāvadeva, paccabyattha padamasokaṃ;
Adiṭṭhaṃ abbatātaṃ, bahukehi kappanahutehīti.

62. Atha kho moggallāno paribbājako sārīputtaṃ paribbājakaṃ etadavoca “gacchāma mayaṃ, āvuso, bhagavato santike, so no bhagavā satthā””ti. “Imāni kho, āvuso, aḍḍhateyyāni paribbājakasatāni amhe nissāya amhe sampassantā idha viharanti, tepi tāva apalokema [apalokāma (ka)]. Yathā te maññissanti, tathā te karissanti””ti. Atha kho sārīputtamoggallānā yena te paribbājakaṃ tenupasaṅkamimsu, upasaṅkamitvā te paribbājake etadavocaṃ – “gacchāma mayaṃ, āvuso, bhagavato santike, so no bhagavā satthā””ti. “Mayaṃ āyasmante nissāya āyasmante sampassantā idha viharāma, sace āyasmantā mahāsamaṇe brahmacariyaṃ carissanti, sabbeva mayaṃ mahāsamaṇe brahmacariyaṃ carissāmā””ti. Atha kho sārīputtamoggallānā yena sañcayo paribbājako tenupasaṅkamimsu, upasaṅkamitvā sañcayaṃ paribbājakaṃ etadavocaṃ – “gacchāma mayaṃ, āvuso, bhagavato santike, so no bhagavā satthā””ti. “Alaṃ, āvuso, mā agamittha, sabbeva tayo imaṃ gaṇaṃ pariharissāmā””ti. Dutiyampi kho...pe... tatiyampi kho sārīputtamoggallānā sañcayaṃ paribbājakaṃ etadavocaṃ – “gacchāma mayaṃ, āvuso, bhagavato santike, so no bhagavā satthā””ti. “Alaṃ, āvuso, mā agamittha, sabbeva tayo imaṃ gaṇaṃ pariharissāmā””ti. Atha kho sārīputtamoggallānā tāni aḍḍhateyyāni paribbājakasatāni ādāya yena veḷuvanaṃ tenupasaṅkamimsu. Sañcayassa pana paribbājakassa tattheva uṇhaṃ lohitaṃ mukhato uggañchi.

Addasā kho bhagavā [bhagavāte (ka)] sārīputtamoggallāne dūratova āgacchante, disvāna bhikkhū āmantesi – “ete, bhikkhave, dve saḥāyakā āgacchanti, kolito upatisso ca. Etaṃ me sāvakayugaṃ bhavissati aggaṃ bhaddayuga””nti.

Gambhīre ñāṇavisaye, anuttare upadhisaṅkhaye;
Vimutte appatte veḷuvanaṃ, atha ne satthā byākāsi.

Ete dve saḥāyakā, āgacchanti kolito upatisso ca;
Etaṃ me sāvakayugaṃ, bhavissati aggamaṃ bhaddayuganti.

Atha kho sārīputtamoggallānā yena bhagavā tenupasaṅkamiṃsu, upasaṅkamitvā

Bhagavato pādesu siraṣā nipatitvā bhagavantaṃ etadavocumaṃ – “labheyyāma mayaṃ, bhante, bhagavato santike pabbajjaṃ, labheyyāma upasampada”nti. “Etha bhikkhavo”ti bhagavā avoca – “svākkhāto dhammo, caratha brahmacariyaṃ sammā dukkhassa antakiriyaṃ”ti. Sāva tesamaṃ āyasmantānaṃ upasampadā ahoṣi.

Abhiññātānaṃ pabbajjā

63. Tena kho pana samayena abhiññātā abhiññātā māgadhikā kulaputtā bhagavati brahmacariyaṃ caranti. Manussa ujjhāyanti khiyyanti vipācenti – aputtakatāya paṭipanna samaṇo gotamo, vedhabyāya paṭipanna samaṇo gotamo, kulupacchedāya paṭipanna samaṇo gotamo, idāni anena jaṭilasahassaṃ pabbājitaṃ, imāni ca aḍḍhateyyāni paribbājakasatāni saṅcayāni [saṅjeyyāni (sī.), saṅjayāni (syā.)] pabbājitaṃ. Ime ca abhiññātā abhiññātā māgadhikā kulaputtā samaṇe gotame brahmacariyaṃ carantīti. Apissu bhikkhū disvā imāya gāthāya codenti –

“Āgato kho mahāsamaṇo, māgadhānaṃ giribbajamaṃ;
Sabbe saṅcaye netvāna [saṅjeyyake netvā (sī.)], kaṃsu dāni nayissatī”ti.

Assosumaṃ kho bhikkhū tesamaṃ manussānaṃ ujjhāyantānaṃ khiyyantānaṃ vipācentānaṃ. Atha kho te bhikkhū bhagavato etamatthaṃ ārocesumaṃ...pe... na, bhikkhave, so saddo ciraṃ bhavissati, sattāhameva bhavissati, sattāhassa accayena antaradhāyissati. Tena hi, bhikkhave, ye tumhe imāya gāthāya codenti –

“Āgato kho mahāsamaṇo, māgadhānaṃ giribbajamaṃ;
Sabbe saṅcaye netvāna, kaṃsu dāni nayissatī”ti.

Te tumhe imāya gāthāya paṭicodetha –

“Nayanti ve mahāvīrā, saddhammena tathāgatā;
Dhammena nayamānānaṃ [nīyamānānaṃ (ka.)], kā usūyā [ussuyā (ka.)] vijānata”nti.

Tena kho pana samayena manussā bhikkhū disvā imāya gāthāya codenti –

“Āgato kho mahāsamaṇo, māgadhānaṃ giribbajamaṃ;
Sabbe saṅcaye netvāna, kaṃsu dāni nayissatī”ti.

Bhikkhū te manusse imāya gāthāya paṭicodenti –

“Nayanti ve mahāvīrā, saddhammena tathāgatā;
Dhammena nayamānānaṃ, kā usūyā vijānata”nti.

Manussā dhammena kira samaṇā sakyaputtiyā nenti no adhammenāti sattāhameva so saddo ahoṣi, sattāhassa accayena antaradhāyī.

Sāriputtamoggallānapabbajjākathā niṭṭhitā.

Catutthabhāṇavāro niṭṭhito.

15. Upajjhāyavattakathā

64. Tena kho pana samayena bhikkhū anupajjhāyakā anācariyakā [idam padam sī. syā. potthakesu natthi] anovadiyamānā ananusāsīyamānā dunnivatthā duppārutā anākappasampannā piṇḍāya caranti; manussānaṃ [te manussānaṃ (ka.)] bhuñjamānānaṃ uparibhojanepi uttiṭṭhapattaṃ upanāmenti, uparikhādanīyepi uttiṭṭhapattaṃ upanāmenti, uparisāyanīyepi uttiṭṭhapattaṃ upanāmenti, uparipānīyepi uttiṭṭhapattaṃ upanāmenti; sāmaṃ sūpampi odanampi viññāpetvā bhuñjanti; bhattagepi uccāsaddā mahāsaddā viharanti. Manussā ujjhāyanti khiyyanti vipācenti – ‘‘kathañhi nāma samaṇā sakyaputtiyā dunnivatthā duppārutā anākappasampannā piṇḍāya carissanti; manussānaṃ bhuñjamānānaṃ, uparibhojanepi uttiṭṭhapattaṃ upanāmessanti, uparikhādanīyepi uttiṭṭhapattaṃ upanāmessanti, uparisāyanīyepi uttiṭṭhapattaṃ upanāmessanti, uparipānīyepi uttiṭṭhapattaṃ upanāmessanti; sāmaṃ sūpampi odanampi viññāpetvā bhuñjissanti; bhattagepi uccāsaddā mahāsaddā viharissanti seyyathāpi brāhmaṇā brāhmaṇabhojane’’ti.

Assosum kho bhikkhū tesam manussānaṃ ujjhāyantānaṃ khiyyantānaṃ vipācentānaṃ. Ye te bhikkhū appicchā santuṭṭhā lajjino kukkuccakā sikkhākāmā, te ujjhāyanti khiyyanti vipācenti – ‘‘kathañhi nāma bhikkhū dunnivatthā duppārutā anākappasampannā piṇḍāya carissanti; manussānaṃ bhuñjamānānaṃ, uparibhojanepi uttiṭṭhapattaṃ upanāmessanti, uparikhādanīyepi uttiṭṭhapattaṃ upanāmessanti, uparisāyanīyepi uttiṭṭhapattaṃ upanāmessanti, uparipānīyepi uttiṭṭhapattaṃ upanāmessanti; sāmaṃ sūpampi odanampi viññāpetvā bhuñjissanti; bhattagepi uccāsaddā mahāsaddā viharissanti’’ti. Atha kho te bhikkhū...pe... bhagavato etamatthaṃ ārocesum.

Atha kho bhagavā etasmim nidāne etasmim pakaraṇe bhikkhusaṅghaṃ sannipātāpetvā bhikkhū paṭipucchi – ‘‘saccaṃ kira, bhikkhave, bhikkhū dunnivatthā duppārutā anākappasampannā piṇḍāya caranti, manussānaṃ bhuñjamānānaṃ upari bhojanepi uttiṭṭhapattaṃ upanāmenti, uparikhādanīyepi uttiṭṭhapattaṃ upanāmenti, uparisāyanīyepi uttiṭṭhapattaṃ upanāmenti, uparipānīyepi uttiṭṭhapattaṃ upanāmenti, sāmaṃ sūpampi odanampi viññāpetvā bhuñjanti, bhattagepi uccāsaddā mahāsaddā viharanti’’ti? ‘‘Saccaṃ bhagavā’’ti. Vigarahi buddho bhagavā – ‘‘ananucchavikaṃ, bhikkhave, tesam moghapurisānaṃ ananulomikaṃ appatirūpaṃ assāmaṇakaṃ akappiyaṃ akaraṇīyaṃ. Kathañhi nāma te, bhikkhave, moghapurisā dunnivatthā duppārutā anākappasampannā piṇḍāya carissanti, manussānaṃ bhuñjamānānaṃ uparibhojanepi uttiṭṭhapattaṃ upanāmessanti, uparikhādanīyepi uttiṭṭhapattaṃ upanāmessanti, uparisāyanīyepi uttiṭṭhapattaṃ upanāmessanti, uparipānīyepi uttiṭṭhapattaṃ upanāmessanti, sāmaṃ sūpampi odanampi viññāpetvā bhuñjissanti, bhattagepi uccāsaddā mahāsaddā viharissanti. Netam, bhikkhave, appasannānaṃ vā pasādāya, pasannānaṃ vā bhiyyobhāvāya. Atha khvetam, bhikkhave, appasannānañceva appasādāya, pasannānañca ekaccānaṃ aññathattāyā’’ti. Atha kho bhagavā te bhikkhū anekapariyāyena vigarahitvā dubbharatāya dupposatāya mahicchātāya asantuṭṭhitāya [asantuṭṭhiyā (sī.), asantuṭṭhatāya (syā)] saṅgaṇikāya kosajjassa avaṇṇaṃ bhāsivā anekapariyāyena subharatāya suposatāya appicchassa santuṭṭhassa sallekhasa dhutassa pāsādikassa apacayassa vīriyārambhassa [viriyārambhassa (sī. syā.)] vaṇṇaṃ bhāsivā bhikkhūnaṃ tadanucchavikaṃ tadanulomikaṃ dhammiṃ kathaṃ katvā bhikkhū āmantesi –

65. ‘‘Anujānāmi, bhikkhave, upajjhāyaṃ. Upajjhāyo, bhikkhave, saddhivihārikamhi puttacittaṃ upaṭṭhapessati, saddhivihāriko upajjhāyamhi pitucittaṃ upaṭṭhapessati. Evaṃ te aññamaññaṃ sagāravā sappatissā sabhāgavuttino viharantā imasmim dhammavināyā vuddhim virulhim vepullaṃ āpajjissanti. Evañca pana, bhikkhave, upajjhāyo gahetabbo – ekaṃsaṃ uttarāsaṅgaṃ karitvā pāde vanditvā ukkuṭikaṃ nisīditvā añjaliṃ paggahetvā evamassa vacanīyo – ‘upajjhāyo me, bhante, hohi; upajjhāyo me, bhante, hohi; upajjhāyo me, bhante, hohi’’ti. Sāhūti vā lahūti vā opāyikanti vā patirūpanti vā

pāsādikena sampādehīti vā kāyena viññāpeti, vācāya viññāpeti, kāyena vācāya [na vācāya (ka.)] viññāpeti, gahito hoti upajjhāyo; na kāyena viññāpeti, na vācāya viññāpeti, na kāyena vācāya viññāpeti, na gahito hoti upajjhāyo.

66. [cūlava. 376 ādayo] “Saddhivihārikena, bhikkhave, upajjhāyamhi sammā vattitabbaṃ. Tatrāyaṃ sammāvattanā –

“Kālasseva vuṭṭhāya upāhanā omuñcitvā ekaṃsaṃ uttarāsaṅgaṃ karitvā dantakaṭṭhaṃ dātabbaṃ, mukhodakaṃ dātabbaṃ, āsanaṃ paññāpetabbaṃ. Sace yāgu hoti, bhājanaṃ dhovitvā yāgu upanāmetabbā. Yāguṃ pītassa udakaṃ datvā bhājanaṃ paṭiggahetvā nīcaṃ katvā sādhuṃ appaṭighaṃsantena dhovitvā paṭisāmetabbaṃ. Upajjhāyamhi vuṭṭhite āsanaṃ uddharitabbaṃ. Sace so deso uklāpo hoti, so deso sammajjitabbo.

“Sace upajjhāyo gāmaṃ pavisitukāmo hoti, nivāsaṃ dātabbaṃ, paṭinivāsaṃ paṭiggahetabbaṃ, kāyabandhanaṃ dātabbaṃ, sagaṇaṃ katvā saṅghāṭiyo dātabbā, dhovitvā patto sodako [saudako (ka.)] dātabbo. Sace upajjhāyo pacchāsamaṇaṃ ākaṅkhati, timaṇḍalaṃ paṭicchādentena parimaṇḍalaṃ nivāsetvā kāyabandhanaṃ bandhitvā sagaṇaṃ katvā saṅghāṭiyo pārūpitvā gaṇṭhikaṃ paṭimuñcitvā dhovitvā pattaṃ gahetvā upajjhāyassa pacchāsamaṇena hotabbaṃ. Nātidūre gantabbaṃ, nāccāsanne gantabbaṃ, pattapariyāpannaṃ paṭiggahetabbaṃ. Na upajjhāyassa bhaṇamānassa antarantārā kathā opātetabbā. Upajjhāyo āpattisāmantā bhaṇamāno nivāretabbo.

“Nivattantena paṭhamataraṃ āgantvā āsanaṃ paññāpetabbaṃ, pādodakaṃ pādapīṭhaṃ pādakathalikaṃ upanikkhipitabbaṃ, paccuggantvā pattacīvaraṃ paṭiggahetabbaṃ, paṭinivāsaṃ dātabbaṃ, nivāsaṃ paṭiggahetabbaṃ. Sace cīvaraṃ sinnaṃ hoti, muhuttaṃ uṇhe otāpetabbaṃ, na ca uṇhe cīvaraṃ nidahitabbaṃ; cīvaraṃ saṅgharitabbaṃ, cīvaraṃ saṅgharantena caturaṅgulaṃ kaṇṇaṃ ussāretvā cīvaraṃ saṅgharitabbaṃ – mā majjhe bhaṅgo ahoṣīti. Obhoge kāyabandhanaṃ kātabbaṃ.

“Sace piṇḍapāto hoti, upajjhāyo ca bhuñjitukāmo hoti, udakaṃ datvā piṇḍapāto upanāmetabbo. Upajjhāyo pānīyena pucchitabbo. Bhuttāvissa udakaṃ datvā pattaṃ paṭiggahetvā nīcaṃ katvā sādhuṃ appaṭighaṃsantena dhovitvā vodakaṃ katvā muhuttaṃ uṇhe otāpetabbo, na ca uṇhe patto nidahitabbo. Pattacīvaraṃ nikkhipitabbaṃ. Pattaṃ nikkhipantena ekena hatthena pattaṃ gahetvā ekena hatthena heṭṭhāmañcaṃ vā heṭṭhāpīṭhaṃ vā parāmasitvā patto nikkhipitabbo. Na ca anantarāhitāya bhūmiyā patto nikkhipitabbo. Cīvaraṃ nikkhipantena ekena hatthena cīvaraṃ gahetvā ekena hatthena cīvaravaṃsaṃ vā cīvararajjuṃ vā pamajjitvā pārato antaṃ orato bhogaṃ katvā cīvaraṃ nikkhipitabbaṃ. Upajjhāyamhi vuṭṭhite āsanaṃ uddharitabbaṃ, pādodakaṃ pādapīṭhaṃ pādakathalikaṃ paṭisāmetabbaṃ. Sace so deso uklāpo hoti, so deso sammajjitabbo.

“Sace upajjhāyo nahāyitukāmo hoti, nahānaṃ paṭiyādetabbaṃ. Sace sītena attho hoti, sītaṃ paṭiyādetabbaṃ. Sace uṇhena attho hoti, uṇhaṃ paṭiyādetabbaṃ.

“Sace upajjhāyo jantāgharaṃ pavisitukāmo hoti, cuṇṇaṃ sannetabbaṃ, mattikā temetabbā, jantāgharapīṭhaṃ ādāya upajjhāyassa piṭṭhito piṭṭhito gantvā jantāgharapīṭhaṃ datvā cīvaraṃ paṭiggahetvā ekamantaṃ nikkhipitabbaṃ, cuṇṇaṃ dātabbaṃ, mattikā dātabbā. Sace ussahati, jantāgharaṃ pavisitabbaṃ. Jantāgharaṃ pavisantena mattikāya mukhaṃ makkhetvā purato ca pacchato ca paṭicchādetvā jantāgharaṃ pavisitabbaṃ. Na there bhikkhū anupakhajja nisīditabbaṃ. Na navā bhikkhū āsanaṃ paṭibāhitabbā. Jantāghare upajjhāyassa parikammaṃ kātabbaṃ. Jantāgharā nikkhamantena jantāgharapīṭhaṃ ādāya purato ca pacchato ca paṭicchādetvā jantāgharā nikkhamitabbaṃ.

“Udakepi upajjhāyassa parikammaṃ kātabbaṃ. Nahātena paṭhamataraṃ uttaritvā attano gattaṃ vodakaṃ katvā nivāsetvā upajjhāyassa gattato udakaṃ pamajjitabbaṃ, nivāsaṃ dātabbaṃ, saṅghāṭi

dātabbā, jantāgharapīṭhaṃ ādāya paṭhamataram āgantvā āsanam paññapetabbam, pādodakam pādapīṭhaṃ pādakathalikaṃ upanikkhipitabbam, upajjhāyo pānīyena pucchitabbo. Sace uddisāpetukāmo hoti, uddisitabbo. Sace paripucchitukāmo hoti, paripucchitabbo.

“Yasmiṃ vihāre upajjhāyo viharati, sace so vihāro uklāpo hoti, sace ussahati, sodhetabbo. Vihāram sodhenta paṭhamam pattacīvaram nīharitvā ekamantaṃ nikkhipitabbam. Nisīdanapaccattharaṇam nīharitvā ekamantaṃ nikkhipitabbam. Bhisibibbohanam [bhisibimbohanam (sī. syā.)] nīharitvā ekamantaṃ nikkhipitabbam. Mañco nīcam katvā sādhuṃ appaṭighamsantena, asaṅghaṭṭentena kavāṭapīṭhaṃ, nīharitvā ekamantaṃ nikkhipitabbo. Pīṭhaṃ nīcam katvā sādhuṃ appaṭighamsantena, asaṅghaṭṭentena kavāṭapīṭhaṃ, nīharitvā ekamantaṃ nikkhipitabbam. Mañcapaṭipādakā nīharitvā ekamantaṃ nikkhipitabbā. Kheḷamallako nīharitvā ekamantaṃ nikkhipitabbo. Apassenaphalakaṃ nīharitvā ekamantaṃ nikkhipitabbam. Bhūmattharaṇam yathāpaññattaṃ sallakkhetvā nīharitvā ekamantaṃ nikkhipitabbam. Sace vihāre santānakaṃ hoti, ullokā paṭhamam ohāretabbam, ālokasandhikaṇṇabhāgā pamajjitabbā. Sace gerukaparikkamakātā bhitti kaṇṇakitā hoti, coḷakaṃ temetvā pīletvā pamajjitabbā. Sace kāḷavaṇṇakātā bhūmi kaṇṇakitā hoti, coḷakaṃ temetvā pīletvā pamajjitabbā. Sace akātā hoti bhūmi, udakena paripphosivā sammajjitabbā – mā vihāro rajena uhaññīti. Saṅkāram vicinitvā ekamantaṃ chaḍḍetabbam.

“Bhūmattharaṇam oṭāpetvā sodhetvā papphoṭevā atiharitvā yathāpaññattaṃ paññapetabbam. Mañcapaṭipādakā oṭāpetvā pamajjitvā atiharitvā yathāṭhāne ṭhapetabbā. Mañco oṭāpetvā sodhetvā papphoṭevā nīcam katvā sādhuṃ appaṭighamsantena, asaṅghaṭṭentena kavāṭapīṭhaṃ, atiharitvā yathāpaññattaṃ paññapetabbo. Pīṭhaṃ oṭāpetvā sodhetvā papphoṭevā nīcam katvā sādhuṃ appaṭighamsantena, asaṅghaṭṭentena kavāṭapīṭhaṃ, atiharitvā yathāpaññattaṃ paññapetabbam. Bhisibibbohanam oṭāpetvā sodhetvā papphoṭevā atiharitvā yathāpaññattaṃ paññapetabbam. Nisīdanapaccattharaṇam oṭāpetvā sodhetvā papphoṭevā atiharitvā yathāpaññattaṃ paññapetabbam. Kheḷamallako oṭāpetvā pamajjitvā atiharitvā yathāṭhāne ṭhapetabbo. Apassenaphalakaṃ oṭāpetvā pamajjitvā atiharitvā yathāṭhāne ṭhapetabbam. Pattacīvaram nikkhipitabbam. Pattaṃ nikkhipantena ekena hatthena pattaṃ gahetvā ekena hatthena heṭṭhāmañcam vā heṭṭhāpīṭhaṃ vā parāmasitvā patto nikkhipitabbo. Na ca anantarāhitāya bhūmiyā patto nikkhipitabbo. Cīvaram nikkhipantena ekena hatthena cīvaram gahetvā ekena hatthena cīvaravaṇṇam vā cīvararajjūṃ vā pamajjitvā pārato antam orato bhogaṃ katvā cīvaram nikkhipitabbam.

“Sace puratthimā sarajā vātā vāyanti, puratthimā vātapānā thaketabbā. Sace pacchimā sarajā vātā vāyanti, pacchimā vātapānā thaketabbā. Sace uttarā sarajā vātā vāyanti, uttarā vātapānā thaketabbā. Sace dakkhiṇā sarajā vātā vāyanti, dakkhiṇā vātapānā thaketabbā. Sace sītākālo hoti, divā vātapānā vivaritabbā, rattim thaketabbā. Sace uṇhakālo hoti, divā vātapānā thaketabbā, rattim vivaritabbā.

“Sace pariveṇam uklāpaṃ hoti, pariveṇam sammajjitabbam. Sace koṭṭhako uklāpo hoti, koṭṭhako sammajjitabbo. Sace upaṭṭhānasālā uklāpā hoti, upaṭṭhānasālā sammajjitabbā. Sace aggisālā uklāpā hoti, aggisālā sammajjitabbā. Sace vaccakuṭi uklāpā hoti, vaccakuṭi sammajjitabbā. Sace pānīyam na hoti, pānīyam upaṭṭhāpetabbam. Sace paribhojanīyam na hoti, paribhojanīyam upaṭṭhāpetabbam. Sace ācamanakumbhiyā udakaṃ na hoti, ācamanakumbhiyā udakaṃ āsiñcitabbam.

“Sace upajjhāyassa anabhirati uppannā hoti, saddhivihārikena vūpakāsetabbo, vūpakāsāpetabbo, dhammakathā vāssa kātabbā. Sace upajjhāyassa kukkuccaṃ uppannam hoti, saddhivihārikena vinodetabbam, vinodāpetabbam, dhammakathā vāssa kātabbā. Sace upajjhāyassa ditṭhigataṃ uppannam hoti, saddhivihārikena vivecetabbam, vivecāpetabbam, dhammakathā vāssa kātabbā. Sace upajjhāyo garudhammaṃ ajjhāpanno hoti parivāsāraho, saddhivihārikena ussukkaṃ kātabbā – kinti nu kho saṅgho upajjhāyassa parivāsam dadeyyāti. Sace upajjhāyo mūlāya paṭikassanāraho hoti, saddhivihārikena ussukkaṃ kātabbā – kinti nu kho saṅgho upajjhāyam mūlāya paṭikasseyyāti. Sace upajjhāyo mānattāraho hoti, saddhivihārikena ussukkaṃ kātabbā – kinti nu kho saṅgho upajjhāyassa

mānattaṃ dadeyyāti. Sace upajjhāyo abbhānāraho hoti, saddhivihārikena ussukkaṃ kātappaṃ – kinti nu kho saṅgho upajjhāyaṃ abbheyyāti. Sace saṅgho upajjhāyassa kammaṃ kattukāmo hoti tajjanīyaṃ vā niyassaṃ [nyasaṃ (ka.)] vā pabbājanīyaṃ vā paṭisāraṇīyaṃ vā ukkhepanīyaṃ vā, saddhivihārikena ussukkaṃ kātappaṃ – kinti nu kho saṅgho upajjhāyassa kammaṃ na kareyya lahukāya vā pariṇāmeyyāti. Kataṃ vā panassa hoti saṅghena kammaṃ tajjanīyaṃ vā niyassaṃ vā pabbājanīyaṃ vā paṭisāraṇīyaṃ vā ukkhepanīyaṃ vā, saddhivihārikena ussukkaṃ kātappaṃ – kinti nu kho upajjhāyo sammā vatteyya, lomamaṃ pāteyya, netthāraṃ vatteyya, saṅgho taṃ kammaṃ paṭippassambheyyāti.

“Sace upajjhāyassa cīvaraṃ dhovitaṃ hoti, saddhivihārikena dhovitaṃ, ussukkaṃ vā kātappaṃ – kinti nu kho upajjhāyassa cīvaraṃ dhoviyethāti. Sace upajjhāyassa cīvaraṃ kātappaṃ hoti, saddhivihārikena kātappaṃ, ussukkaṃ vā kātappaṃ – kinti nu kho upajjhāyassa cīvaraṃ kariyethāti. Sace upajjhāyassa rajanaṃ pacitaṃ hoti, saddhivihārikena pacitaṃ, ussukkaṃ vā kātappaṃ – kinti nu kho upajjhāyassa rajanaṃ paciyyethāti. Sace upajjhāyassa cīvaraṃ rajitaṃ [rajetaṃ (sī. syā.)] hoti, saddhivihārikena rajitaṃ, ussukkaṃ vā kātappaṃ – kinti nu kho upajjhāyassa cīvaraṃ rajiyethāti. Cīvaraṃ rajantena [rajentena (sī. syā.)] sādhuṃ samparivattakaṃ samparivattakaṃ rajitaṃ, na ca acchinne theve pakkamitaṃ.

“Na upajjhāyaṃ anāpucchā ekaccassa patto dātabbo, na ekaccassa patto paṭiggahetabbo; na ekaccassa cīvaraṃ dātabbaṃ, na ekaccassa cīvaraṃ paṭiggahetabbaṃ; na ekaccassa parikkhāro dātabbo, na ekaccassa parikkhāro paṭiggahetabbo; na ekaccassa kesā chedetabbā [chettabbā (sī.), cheditabbā (ka.)], na ekaccassa kesā chedāpetabbā; na ekaccassa parikkammaṃ kātappaṃ, na ekaccassa parikkammaṃ kārapetaṃ; na ekaccassa veyyāvacco [veyyāvaccam (katthaci)] kātabbo, na ekaccassa veyyāvacco kārapetabbo; na ekaccassa pacchāsamaṇena hotabbaṃ, na ekacco pacchāsamaṇo ādātabbo; na ekaccassa piṇḍapāto nīharitabbo, na ekaccassa piṇḍapāto nīharāpetabbo; na upajjhāyaṃ anāpucchā gāmo pavisitabbo; na susānaṃ gantabbaṃ; na disā pakkamitabbā. Sace upajjhāyo gilāno hoti, yāvajīvaṃ upaṭṭhātabbo; vuṭṭhānamassa āgametabbā”nti.

Upajjhāyavattaṃ niṭṭhitaṃ.

16. Saddhivihārikavattakathā

67. [cūlava. 378 ādayo] “Upajjhāyena, bhikkhave, saddhivihārikamhi sammā vattitaṃ. Tatrāyaṃ sammāvattanā –

“Upajjhāyena, bhikkhave, saddhivihāriko saṅghetabbo anuggahetabbo uddesena paripucchāya ovādena anusāsanīyā. Sace upajjhāyassa patto hoti, saddhivihārikassa patto na hoti, upajjhāyena saddhivihārikassa patto dātabbo, ussukkaṃ vā kātappaṃ – kinti nu kho saddhivihārikassa patto uppajjiyyethāti. Sace upajjhāyassa cīvaraṃ hoti, saddhivihārikassa cīvaraṃ na hoti, upajjhāyena saddhivihārikassa cīvaraṃ dātabbaṃ, ussukkaṃ vā kātappaṃ – kinti nu kho saddhivihārikassa cīvaraṃ uppajjiyyethāti. Sace upajjhāyassa parikkhāro hoti, saddhivihārikassa parikkhāro na hoti, upajjhāyena saddhivihārikassa parikkhāro dātabbo, ussukkaṃ vā kātappaṃ – kinti nu kho saddhivihārikassa parikkhāro uppajjiyyethāti.

“Sace saddhivihāriko gilāno hoti, kālasseva utṭhāya dantakaṭṭhaṃ dātabbaṃ, mukhodakaṃ dātabbaṃ, āsanaṃ paññāpetabbaṃ. Sace yāgu hoti, bhājanaṃ dhovivā yāgu upanāmetabbā. Yāguṃ pītassa udakaṃ datvā bhājanaṃ paṭiggahetvā nīcaṃ katvā sādhuṃ appaṭighamsantena dhovivā paṭisāmetabbaṃ. Saddhivihārikamhi vuṭṭhite āsanaṃ uddharitaṃ. Sace so deso uklāpo hoti, so deso sammajjitabbo.

“Sace saddhivihāriko gāmaṃ pavisitukāmo hoti, nivāsanaṃ dātabbaṃ, paṭinivāsanaṃ paṭiggahetabbaṃ, kāyabandhanaṃ dātabbaṃ, saṅghaṃ katvā saṅghāṭīyo dātabbā, dhovivā patto sodako

dātabbo. Ettāvatā nivattissatīti āsanam paññapetabbam, pādodakam pādapītham pādakathalikam upanikkhipitabbam, paccuggantvā pattacīvaram paṭiggahetabbam, paṭinivāsanam dātabbam, nivāsanam paṭiggahetabbam. Sace cīvaram sinnam hoti, muhuttam uñhe otāpetabbam, na ca uñhe cīvaram nidahitabbam; cīvaram saṅgharītabbam, cīvaram saṅgharantena caturaṅgulaṃ kaṇṇam ussāretvā cīvaram saṅgharītabbam – mā majjhe bhaṅgo ahoṣīti. Obhoge kāyabandhanam kātabbam.

“Sace piṇḍapāto hoti, saddhivihāriko ca bhuñjitukāmo hoti, udakam datvā piṇḍapāto upanāmetabbo. Saddhivihāriko pānīyena pucchitabbo. Bhuttāvissa udakam datvā pattam paṭiggahetvā nīcam katvā sādhuṃ appaṭighamsantena dhovītvā vodakam katvā muhuttam uñhe otāpetabbo, na ca uñhe patto nidahitabbo. Pattacīvaram nikkhipitabbam. Pattam nikkhipantena ekena hatthena pattam gahetvā ekena hatthena heṭṭhāmañcam vā heṭṭhāpītham vā parāmasitvā patto nikkhipitabbo. Na ca anantarhitāya bhūmiyā patto nikkhipitabbo. Cīvaram nikkhipantena ekena hatthena cīvaram gahetvā ekena hatthena cīvaravamsam vā cīvararajjum vā pamajjitvā pārato antam orato bhogam katvā cīvaram nikkhipitabbam. Saddhivihārikamhi vuṭṭhite āsanam uddharitabbam, pādodakam pādapītham pādakathalikam paṭisāmetabbam. Sace so deso uklāpo hoti, so deso sammajjitabbo.

“Sace saddhivihāriko nahāyitukāmo hoti, nahānam paṭiyādetabbam. Sace sītena attho hoti, sītam paṭiyādetabbam. Sace uñhena attho hoti, uñham paṭiyādetabbam.

“Sace saddhivihāriko jantāgharam pavisitukāmo hoti, cuṇṇam sannetabbam, mattikā temetabbā, jantāgharapītham ādāya gantvā jantāgharapītham datvā cīvaram paṭiggahetvā ekamantaṃ nikkhipitabbam, cuṇṇam dātabbam, mattikā dātabbā. Sace ussahati, jantāgharam pavisitabbam. Jantāgharam pavisantena mattikāya mukham makkhetvā purato ca pacchato ca paṭicchādetvā jantāgharam pavisitabbam. Na there bhikkhū anupakhajja nisīditabbam. Na navā bhikkhū āsanena paṭibāhitabbā. Jantāghare saddhivihārikassa parikammaṃ kātabbam. Jantāgharā nikkhamantena jantāgharapītham ādāya purato ca pacchato ca paṭicchādetvā jantāgharā nikkhamitabbam.

“Udakepi saddhivihārikassa parikammaṃ kātabbam. Nahātena paṭhamataram uttaritvā attano gattam vodakam katvā nivāsetvā saddhivihārikassa gattato udakam pamajjitabbam, nivāsanam dātabbam, saṅghāti dātabbā. Jantāgharapītham ādāya paṭhamataram āgantvā āsanam paññapetabbam, pādodakam pādapītham pādakathalikam upanikkhipitabbam. Saddhivihāriko pānīyena pucchitabbo.

“Yasmiṃ vihāre saddhivihāriko viharati, sace so vihāro uklāpo hoti, sace ussahati, sodhetabbo. Vihāram sodhentena paṭhamam pattacīvaram nīharitvā ekamantaṃ nikkhipitabbam; nisīdanapaccattharaṇam nīharitvā ekamantaṃ nikkhipitabbam; bhisibibbohanaṃ nīharitvā ekamantaṃ nikkhipitabbam; mañco nīcam katvā sādhuṃ appaṭighamsantena, asaṅghaṭṭentena kavāṭapītham, nīharitvā ekamantaṃ nikkhipitabbo; pītham nīcam katvā sādhuṃ appaṭighamsantena asaṅghaṭṭentena kavāṭapītham nīharitvā ekamantaṃ nikkhipitabbam; mañcapaṭipādakā nīharitvā ekamantaṃ nikkhipitabbā; kheḷamallako nīharitvā ekamantaṃ nikkhipitabbo; apassenaphalakaṃ nīharitvā ekamantaṃ nikkhipitabbam; bhūmattharaṇam yathāpaññattaṃ sallakkhetvā nīharitvā ekamantaṃ nikkhipitabbam. Sace vihāre santānakaṃ hoti, ullokā paṭhamam ohāretabbam, ālokasandhikaṇṇabhāgā pamajjitabbā. Sace gerukaparikkamakā bhitti kaṇṇakitā hoti, coḷakaṃ temetvā pīletvā pamajjitabbā. Sace kāḷavaṇṇakatā bhūmi kaṇṇakitā hoti, coḷakaṃ temetvā pīletvā pamajjitabbā. Sace akatā hoti bhūmi, udakena pariṃphosivā sammajjitabbā – mā vihāro rajena uhaññīti. Sankāram vicinitvā ekamantaṃ chaḍḍetabbam.

“Bhūmattharaṇam otāpetvā sodhetvā papphoṭetvā atiharitvā yathāpaññattaṃ paññapetabbam. Mañcapaṭipādakā otāpetvā pamajjitvā atiharitvā yathāṭhāne ṭhapetabbā. Mañco otāpetvā sodhetvā papphoṭetvā nīcam katvā sādhuṃ appaṭighamsantena, asaṅghaṭṭentena kavāṭapītham, atiharitvā yathāpaññattaṃ paññapetabbo. Pītham otāpetvā sodhetvā papphoṭetvā nīcam katvā sādhuṃ appaṭighamsantena, asaṅghaṭṭentena kavāṭapītham, atiharitvā yathāpaññattaṃ paññapetabbam.

Bhisibibbohanam otāpetvā sodhetvā papphoṭetvā atiharitvā yathāpaññattam paññapetabbam. Nisīdanapaccattharaṇam otāpetvā sodhetvā papphoṭetvā atiharitvā yathāpaññattam paññapetabbam. Kheḷamallako otāpetvā pamajjitvā atiharitvā yathāṭhāne ṭhapetabbo. Apassenaphalakaṃ otāpetvā pamajjitvā atiharitvā yathāṭhāne ṭhapetabbam. Pattacīvaram nikkhipitabbam. Pattaṃ nikkhipantena ekena hatthena pattaṃ gahetvā ekena hatthena heṭṭhāmañcaṃ vā heṭṭhāpīṭhaṃ vā parāmasitvā patto nikkhipitabbo. Na ca anantarāhitāya bhūmiyā patto nikkhipitabbo. Cīvaram nikkhipantena ekena hatthena cīvaram gahetvā ekena hatthena cīvaravaṃsaṃ vā cīvararajjuṃ vā pamajjitvā pārato antam orato bhogaṃ katvā cīvaram nikkhipitabbam.

“Sace puratthimā sarajā vātā vāyanti, puratthimā vātapānā thaketabbā. Sace pacchimā sarajā vātā vāyanti, pacchimā vātapānā thaketabbā. Sace uttarā sarajā vātā vāyanti, uttarā vātapānā thaketabbā. Sace dakkhiṇā sarajā vātā vāyanti, dakkhiṇā vātapānā thaketabbā. Sace sītakālo hoti, divā vātapānā vivaritabbā, rattim thaketabbā. Sace uṇhakālo hoti, divā vātapānā thaketabbā, rattim vivaritabbā.

“Sace pariveṇam uklāpaṃ hoti, pariveṇam sammajjitabbam. Sace koṭṭhako uklāpo hoti, koṭṭhako sammajjitabbo. Sace upatṭhānasālā uklāpā hoti, upatṭhānasālā sammajjitabbā. Sace aggisālā uklāpā hoti, aggisālā sammajjitabbā. Sace vaccakuṭi uklāpā hoti, vaccakuṭi sammajjitabbā. Sace pānīyaṃ na hoti, pānīyaṃ upatṭhāpetabbam. Sace paribhojanīyaṃ na hoti, paribhojanīyaṃ upatṭhāpetabbam. Sace ācamanakumbhiyā udakaṃ na hoti, ācamanakumbhiyā udakaṃ āsiñcitabbam.

“Sace saddhivihārikassa anabhirati uppannā hoti, upajjhāyena vūpakāsetabbo, vūpakāsāpetabbo, dhammakathā vāssa kātabbā. Sace saddhivihārikassa kukkucam uppannam hoti, upajjhāyena vinodetabbam, vinodāpetabbam, dhammakathā vāssa kātabbā. Sace saddhivihārikassa diṭṭhigataṃ uppannam hoti, upajjhāyena vivecetabbam, vivecāpetabbam, dhammakathā vāssa kātabbā. Sace saddhivihāriko garudhammaṃ ajjhāpanno hoti parivāsāraho, upajjhāyena ussukkaṃ kātabbam – kinti nu kho saṅgho saddhivihārikassa parivāsaṃ dadeyyāti. Sace saddhivihāriko mūlāya paṭikassanāraho hoti, upajjhāyena ussukkaṃ kātabbam – kinti nu kho saṅgho saddhivihārikaṃ mūlāya paṭikasseyyāti. Sace saddhivihāriko mānattāraho hoti, upajjhāyena ussukkaṃ kātabbam – kinti nu kho saṅgho saddhivihārikassa mānattam dadeyyāti. Sace saddhivihāriko abbhānāraho hoti, upajjhāyena ussukkaṃ kātabbam – kinti nu kho saṅgho saddhivihārikaṃ abhēyyāti. Sace saṅgho saddhivihārikassa kammaṃ kattukāmo hoti, tajjanīyaṃ vā niyassaṃ vā pabbājanīyaṃ vā paṭisāraṇīyaṃ vā ukkhepanīyaṃ vā, upajjhāyena ussukkaṃ kātabbam – kinti nu kho saṅgho saddhivihārikassa kammaṃ na kareyya, lahukāya vā pariṇāmeyyāti. Kataṃ vā panassa hoti saṅghena kammaṃ, tajjanīyaṃ vā niyassaṃ vā pabbājanīyaṃ vā paṭisāraṇīyaṃ vā ukkhepanīyaṃ vā, upajjhāyena ussukkaṃ kātabbam – kinti nu kho saddhivihāriko sammā vatteyya, lomaṃ pāteyya, netthāraṃ vatteyya, saṅgho taṃ kammaṃ paṭippassambheyyāti.

“Sace saddhivihārikassa cīvaram dhovitabbam hoti, upajjhāyena ācikkhitabbam evaṃ dhoveyyāsīti, ussukkaṃ vā kātabbam – kinti nu kho saddhivihārikassa cīvaram dhoviyethāti. Sace saddhivihārikassa cīvaram kātabbam hoti, upajjhāyena ācikkhitabbam evaṃ kareyyāsīti, ussukkaṃ vā kātabbam – kinti nu kho saddhivihārikassa cīvaram kariyethāti. Sace saddhivihārikassa rajanaṃ pacitabbam hoti, upajjhāyena ācikkhitabbam evaṃ pacyeyyāsīti, ussukkaṃ vā kātabbam – kinti nu kho saddhivihārikassa rajanaṃ paciethāti. Sace saddhivihārikassa cīvaram rajitabbam hoti, upajjhāyena ācikkhitabbam, evaṃ rajeyyāsīti, ussukkaṃ vā kātabbam – kinti nu kho saddhivihārikassa cīvaram rajiyethāti. Cīvaram rajantena sādhukaṃ samparivattakaṃ samparivattakaṃ rajitabbam. Na ca acchinne theve pakkamitabbam. Sace saddhivihāriko gilāno hoti, yāvajīvaṃ upatṭhātabbo, vuṭṭhānamassa āgametabba”nti.

Saddhivihārikavattaṃ niṭṭhitam.

17. Paṇāmitakathā

68. Tena kho pana samayena saddhivihārikā upajjhāyesu na sammā vattanti. Ye te bhikkhū appicchā...pe... te ujjhāyanti khiyyanti vipācenti – “kathañhi nāma saddhivihārikā upajjhāyesu na sammā vattissantī”ti. Atha kho te bhikkhū bhagavato etamatthaṃ ārocesuṃ...pe... saccaṃ kira, bhikkhave, saddhivihārikā upajjhāyesu na sammā vattantīti? Saccaṃ bhagavāti. Vigarahi buddho bhagavā...pe... kathañhi nāma, bhikkhave, saddhivihārikā upajjhāyesu na sammā vattissantīti...pe... vigarahitvā...pe... dhammiṃ kathaṃ katvā bhikkhū āmantesi – “na, bhikkhave, saddhivihārikena upajjhāyamhi na sammā vattitabbaṃ. Yo na sammā vatteyya, āpatti dukkaṭassā”ti. Neva sammā vattanti. Bhagavato etamatthaṃ ārocesuṃ. Anujānāmi, bhikkhave, asammāvattantaṃ paṇāmetuṃ. Evañca pana, bhikkhave, paṇāmetabbo – “paṇāmemi ta”nti vā, “māyidha paṭikkamī”ti vā, “nīhara te pattacīvara”nti vā, “nāhaṃ tayā upaṭṭhātabbo”ti vā, kāyena viññāpeti, vācāya viññāpeti, kāyena vācāya viññāpeti, paṇāmito hoti saddhivihāriko; na kāyena viññāpeti, na vācāya viññāpeti, na kāyena vācāya viññāpeti, na paṇāmito hoti saddhivihārikoti.

Tena kho pana samayena saddhivihārikā paṇāmitā na khamāpentī. Bhagavato etamatthaṃ ārocesuṃ. Anujānāmi, bhikkhave, khamāpetunti. Neva khamāpentī. Bhagavato etamatthaṃ ārocesuṃ. Na, bhikkhave, paṇāmitena na khamāpetabbo. Yo na khamāpeyya, āpatti dukkaṭassāti.

Tena kho pana samayena upajjhāyā khamāpiyamānā na khamanti. Bhagavato etamatthaṃ ārocesuṃ. Anujānāmi, bhikkhave, khamitunti. Neva khamanti. Saddhivihārikā pakkamantipi vibbhamantipi titthiyesupi saṅkamanti. Bhagavato etamatthaṃ ārocesuṃ. Na, bhikkhave, khamāpiyamānena na khamitabbaṃ. Yo na khameyya, āpatti dukkaṭassāti.

Tena kho pana samayena upajjhāyā sammāvattantaṃ paṇāmenti, asammāvattantaṃ na paṇāmenti. Bhagavato etamatthaṃ ārocesuṃ. Na, bhikkhave, sammāvattantaṃ paṇāmetabbo. Yo paṇāmeyya, āpatti dukkaṭassa. Na ca, bhikkhave, asammāvattantaṃ na paṇāmetabbo. Yo na paṇāmeyya, āpatti dukkaṭassāti.

“Pañcahi, bhikkhave, aṅgehi samannāgato saddhivihāriko paṇāmetabbo. Upajjhāyamhi nādhimattaṃ pemaṃ hoti, nādhimatto pasādo hoti, nādhimattā hirī hoti, nādhimatto gāravo hoti, nādhimattā bhāvanā hoti – imehi kho, bhikkhave, pañcahaṅgehi samannāgato saddhivihāriko paṇāmetabbo.

“Pañcahi, bhikkhave, aṅgehi samannāgato saddhivihāriko na paṇāmetabbo. Upajjhāyamhi adhimattaṃ pemaṃ hoti, adhimatto pasādo hoti, adhimattā hirī hoti, adhimatto gāravo hoti, adhimattā bhāvanā hoti – imehi kho, bhikkhave, pañcahaṅgehi samannāgato saddhivihāriko na paṇāmetabbo.

“Pañcahi, bhikkhave, aṅgehi samannāgato saddhivihāriko alaṃ paṇāmetuṃ. Upajjhāyamhi nādhimattaṃ pemaṃ hoti, nādhimatto pasādo hoti, nādhimattā hirī hoti, nādhimatto gāravo hoti, nādhimattā bhāvanā hoti – imehi kho, bhikkhave, pañcahaṅgehi samannāgato saddhivihāriko alaṃ paṇāmetuṃ.

“Pañcahi, bhikkhave, aṅgehi samannāgato saddhivihāriko nālaṃ paṇāmetuṃ. Upajjhāyamhi adhimattaṃ pemaṃ hoti, adhimatto pasādo hoti, adhimattā hirī hoti, adhimatto gāravo hoti, adhimattā bhāvanā hoti – imehi kho, bhikkhave, pañcahaṅgehi samannāgato saddhivihāriko nālaṃ paṇāmetuṃ.

“Pañcahi, bhikkhave, aṅgehi samannāgataṃ saddhivihārikaṃ appaṇāmento upajjhāyo sātisāro hoti, paṇāmento anatisāro hoti. Upajjhāyamhi nādhimattaṃ pemaṃ hoti, nādhimatto pasādo hoti, nādhimattā hirī hoti, nādhimatto gāravo hoti, nādhimattā bhāvanā hoti – imehi kho, bhikkhave, pañcahaṅgehi samannāgataṃ saddhivihārikaṃ appaṇāmento upajjhāyo sātisāro hoti, paṇāmento anatisāro hoti.

“Pañcahi, bhikkhave, aṅgehi samannāgataṃ saddhivihārikaṃ paṇāmento upajjhāyo sātisāro hoti, appaṇāmento anatisāro hoti. Upajjhāyamhi adhimattaṃ pemaṃ hoti, adhimatto pasādo hoti, adhimattā

hirī hoti, adhimatto gāravo hoti, adhimattā bhāvanā hoti – imehi kho, bhikkhave, pañcahaṅgehi samannāgataṃ saddhivihārikaṃ paṇāmento upajjhāyo sātisāro hoti, appaṇāmento anatisāro hoti”ti.

69. Tena kho pana samayena aññataro brāhmaṇo bhikkhū upasaṅkamitvā pabbajjaṃ yāci. Taṃ bhikkhū na icchimsu pabbājetuṃ. So bhikkhūsu pabbajjaṃ alabhamāno kiso ahosi lūkho dubbaṇṇo uppaṇḍuppaṇḍukajāto dhamanisanthatagatto. Addasā kho bhagavā taṃ brāhmaṇaṃ kisaṃ lūkhaṃ dubbaṇṇaṃ uppaṇḍuppaṇḍukajātaṃ dhamanisanthatagattaṃ, disvāna bhikkhū āmantesi – “kiṃ nu kho so, bhikkhave, brāhmaṇo kiso lūkho dubbaṇṇo uppaṇḍuppaṇḍukajāto dhamanisanthatagatto”ti? Eso, bhante, brāhmaṇo bhikkhū upasaṅkamitvā pabbajjaṃ yāci. Taṃ bhikkhū na icchimsu pabbājetuṃ. So bhikkhūsu pabbajjaṃ alabhamāno kiso lūkho dubbaṇṇo uppaṇḍuppaṇḍukajāto dhamanisanthatagattoti. Atha kho bhagavā bhikkhū āmantesi – “ko nu kho, bhikkhave, tassa brāhmaṇassa adhikāraṃ sarasī”ti? Evaṃ vutte āyasmā sārīputto bhagavantaṃ etadavoca – “ahaṃ kho, bhante, tassa brāhmaṇassa adhikāraṃ sarāmī”ti. “Kiṃ pana tvaṃ, sārīputta, tassa brāhmaṇassa adhikāraṃ sarasī”ti? “Idha me, bhante, so brāhmaṇo rājagahe piṇḍāya carantassa kaṭacchubhikkhaṃ dāpesi. Imaṃ kho ahaṃ, bhante, tassa brāhmaṇassa adhikāraṃ sarāmī”ti. “Sādhu sādhu, sārīputta, katañño hi, sārīputta, sappurisā katavedino. Tena hi tvaṃ, sārīputta, taṃ brāhmaṇaṃ pabbājehi upasampādehi”ti. “Kathāhaṃ, bhante, taṃ brāhmaṇaṃ pabbājemi upasampādemī”ti? Atha kho bhagavā etasmiṃ nidāne etasmiṃ pakaraṇe dhammiṃ kathaṃ katvā bhikkhū āmantesi – yā sā, bhikkhave, mayā tīhi saraṇagamanehi upasampadā anuññātā, taṃ ajjatagge paṭikkhipāmi. Anujānāmi, bhikkhave, ñatticatutthena kammaṇa upasampādetuṃ [upasampadaṃ (sī. syā.)]. Evañca pana, bhikkhave, upasampādetabbo. Byattena bhikkhunā paṭibalena saṅgho ñāpetabbo –

70. “Suṇātu me, bhante, saṅgho. Ayaṃ itthannāmo itthannāmassa āyasmato upasampadāpekkho. Yadi saṅghassa pattakallaṃ, saṅgho itthannāmaṃ upasampādeyya itthannāmena upajjhāyena. Esā ñatti.

“Suṇātu me, bhante, saṅgho. Ayaṃ itthannāmo itthannāmassa āyasmato upasampadāpekkho. Saṅgho itthannāmaṃ upasampādeti itthannāmena upajjhāyena. Yassāyasmato khamatī itthannāmassa upasampadā itthannāmena upajjhāyena, so tuṅhassa; yassa nakkhamatī, so bhāseyya.

“Dutiyampi etamatthaṃ vadāmi – suṇātu me, bhante, saṅgho. Ayaṃ itthannāmo itthannāmassa āyasmato upasampadāpekkho. Saṅgho itthannāmaṃ upasampādeti itthannāmena upajjhāyena. Yassāyasmato khamatī itthannāmassa upasampadā itthannāmena upajjhāyena, so tuṅhassa; yassa nakkhamatī, so bhāseyya.

“Tatīyampi etamatthaṃ vadāmi – suṇātu me, bhante, saṅgho. Ayaṃ itthannāmo itthannāmassa āyasmato upasampadāpekkho. Saṅgho itthannāmaṃ upasampādeti itthannāmena upajjhāyena. Yassāyasmato khamatī itthannāmassa upasampadā itthannāmena upajjhāyena, so tuṅhassa; yassa nakkhamatī, so bhāseyya.

“Upasampanno saṅghena itthannāmo itthannāmena upajjhāyena. Khamatī saṅghassa, tasmā tuṅhī, evametaṃ dhārayāmi”ti.

71. Tena kho pana samayena aññataro bhikkhu upasampannasamanantarā anācāraṃ ācarati. Bhikkhū evamāhaṃsu – “māvuso, evarūpaṃ akāsi, netam kappatī”ti. So evamāha – “nevāhaṃ āyasmante yāciṃ upasampādettha manti. Kissa maṃ tumhe ayācitā upasampādithā”ti? Bhagavato etamatthaṃ ārocesuṃ. Na, bhikkhave, ayācitena upasampādetabbo. Yo upasampādeyya, āpatti dukkaṭassa. Anujānāmi, bhikkhave, yācitena upasampādetuṃ. Evañca pana, bhikkhave, yācitabbo. Tena upasampadāpekkhena saṅghaṃ upasaṅkamitvā ekaṃsaṃ uttarāsaṅgaṃ karitvā bhikkhūnaṃ pāde vanditvā ukkuṭikaṃ nisīditvā añjaliṃ paggahetvā evamassa vacanīyo – “saṅghaṃ, bhante, upasampadaṃ yācāmi, ullumpatu maṃ, bhante, saṅgho anukampaṃ upādāyā”ti. Dutiyampi yācitabbo. Tatīyampi yācitabbo. Byattena bhikkhunā paṭibalena saṅgho ñāpetabbo –

72. “Suṇātu me, bhante, saṅgho. Ayaṃ itthannāmo itthannāmassa āyasmato upasampadāpekkho. Itthannāmo saṅghaṃ upasampadaṃ yācati itthannāmena upajjhāyena. Yadi saṅghassa pattakallaṃ, saṅgho itthannāmaṃ upasampādeyya itthannāmena upajjhāyena. Esā ñatti.

“Suṇātu me, bhante, saṅgho. Ayaṃ itthannāmo itthannāmassa āyasmato upasampadāpekkho. Itthannāmo saṅghaṃ upasampadaṃ yācati itthannāmena upajjhāyena. Saṅgho itthannāmaṃ upasampādeti itthannāmena upajjhāyena. Yassāyasmato khamati itthannāmassa upasampadā itthannāmena upajjhāyena, so tuṅhassa; yassa nakkhamati, so bhāseyya.

“Dutiyampi etamatthaṃ vadāmi...pe... tatiyampi etamatthaṃ vadāmi...pe....

“Upasampanno saṅghena itthannāmo itthannāmena upajjhāyena. Khamati saṅghassa, tasmā tuṅhī, evametaṃ dhārayāmi”’ti.

73. Tena kho pana samayena rājagahe paṇītānaṃ bhattānaṃ bhattapaṭipāṭi aṭṭhitā [adhiṭṭhitā (ka.)] hoti. Atha kho aññatarassa brāhmaṇassa etadahosi – “ime kho samaṇā sakyaputtiyā sukhasilā sukhasamācārā, subhojanāni bhuñjitvā nivātesu sayanesu sayanti. Yaṃnūnāhaṃ samaṇesu sakyaputtiyesu pabbajeyya”’nti. Atha kho so brāhmaṇo bhikkhū upasaṅkamtivā pabbajjaṃ yāci. Taṃ bhikkhū pabbājesuṃ upasampādesuṃ. Tasmim̐ pabbajite bhattapaṭipāṭi khīyittha. Bhikkhū evamāhaṃsu – “ehi dāni, āvuso, piṇḍāya carissāmā”’ti. So evamāha – “nāhaṃ, āvuso, etaṃkāraṇā pabbajito piṇḍāya carissāmīti. Sace me dassatha bhuñjissāmi, no ce me dassatha vibbhamissāmī”’ti. “Kiṃ pana tvam, āvuso, udarassa kāraṇā pabbajito”’ti? “Evamāvuso”’ti. Ye te bhikkhū appicchā...pe... te ujjhāyanti khiyyanti vipācenti – kathaṅhi nāma bhikkhu evaṃ svākkhāte dhammavinaye udarassa kāraṇā pabbajissatīti. Te bhikkhū bhagavato etamatthaṃ ārocesuṃ...pe... saccam̐ kira tvam, bhikkhu, udarassa kāraṇā pabbajitoti? Saccam̐ bhagavāti. Vigarahi buddho bhagavā...pe... “kathaṅhi nāma tvam, moghapurisa, evaṃ svākkhāte dhammavinaye udarassa kāraṇā pabbajissasi. Netam̐, moghapurisa, appasannānaṃ vā pasādāya pasannānaṃ vā bhīyyobhāvāya”’...pe... vīgarahitvā...pe... dhammim̐ kathaṃ katvā bhikkhū āmantesi – “anujānāmi, bhikkhave, upasampādentena cattāro nissaye ācikkhituṃ – piṇḍiyālopabhojanaṃ nissāya pabbajjā, tattha te yāvajīvaṃ ussāho karaṇīyo; atirekalābho – saṅghabhattam̐, uddesabhattam̐, nimantanam̐, salākabhattam̐, pakkhikam̐, uposathikam̐, pāṭipadikam̐. Paṃsukūlacīvaram̐ nissāya pabbajjā, tattha te yāvajīvaṃ ussāho karaṇīyo; atirekalābho – khomam̐, kappāsikam̐, koseyyam̐, kambalam̐, sānam̐, bhaṅgam̐. Rukkhamūlasenāsanam̐ nissāya pabbajjā, tattha te yāvajīvaṃ ussāho karaṇīyo; atirekalābho – vihāro, aḍḍhayogo, pāsādo, hammiyam̐, guhā. Pūtimuttabhesajjam̐ nissāya pabbajjā, tattha te yāvajīvaṃ ussāho karaṇīyo; atirekalābho – sappi, navanītam̐, telam̐, madhu, phāṇita”’nti.

Paṇāmitakathā niṭṭhitā.

Upajjhāyavattabhāṇavāro niṭṭhito pañcamo.

Pañcamabhāṇavāro

18. Ācariyavattakathā

74. Tena kho pana samayena aññataro māṇavako bhikkhū upasaṅkamtivā pabbajjaṃ yāci. Tassa bhikkhū paṭikacceva nissaye ācikkhimsu. So evamāha – “sace me, bhante, pabbajite nissaye ācikkheyyātha, abhirameyyāmaham̐ [abhirameyyaṅcāham̐ (sī.), abhirameyyam̐ svāham̐ (ka.)]. Na dānāhaṃ, bhante, pabbajissāmi; jegucchā me nissayā paṭikūlā”’ti. Bhagavato etamatthaṃ ārocesuṃ. Na, bhikkhave, paṭikacceva nissayā ācikkhitabbā. Yo ācikkheyya, āpatti dukkaṭassa. Anujānāmi, bhikkhave, upasampannasamanantarā nissaye ācikkhitunti.

Tena kho pana samayena bhikkhū duvaggenapi tivaggenapi gaṇena upasampādentī. Bhagavato etamatthaṃ ārocesuṃ. Na, bhikkhave, ūnadasavaggena gaṇena upasampādetabbo. Yo upasampādeyya, āpatti dukkaṭassa. Anujānāmi, bhikkhave, dasavaggena vā atirekadasavaggena vā gaṇena upasampādetunti.

75. Tena kho pana samayena bhikkhū ekavassāpi duvassāpi saddhivihārikāṃ upasampādentī. Āyasmāpi upaseno vaṅgantaputto ekavasso saddhivihārikāṃ upasampādesi. So vassamvuṭṭho duvasso ekavassam saddhivihārikāṃ ādāya yena bhagavā tenupasaṅkami, upasaṅkamtīvā bhagavantam abhivādetvā ekamantaṃ nisīdi. Āciṅṇam kho panetaṃ buddhānaṃ bhagavantānaṃ āgantukehi bhikkhūhi saddhiṃ paṭisammōdituṃ. Atha kho bhagavā āyasmantaṃ upasenaṃ vaṅgantaputtaṃ etadavoca – ‘‘kacci, bhikkhu, khamanīyaṃ, kacci yāpanīyaṃ, kacci tvam appakilamathena addhānaṃ āgato’’ti? ‘‘Khamanīyaṃ, bhagavā, yāpanīyaṃ, bhagavā. Appakilamathena mayaṃ, bhante, addhānaṃ āgato’’ti. Jānantāpi tathāgatā pucchanti, jānantāpi na pucchanti, kālaṃ viditvā pucchanti, kālaṃ viditvā na pucchanti; atthasaṃhitam tathāgatā pucchanti; no anattasaṃhitam. Anattasaṃhite setughāto tathāgatānaṃ. Dvīhi ākārehi buddhā bhagavanto bhikkhū paṭipucchanti – dhammaṃ vā desessāma, sāvakanāṃ vā sikkhāpadaṃ paññāpessāmāti. Atha kho bhagavā āyasmantaṃ upasenaṃ vaṅgantaputtaṃ etadavoca – ‘‘kativassosi tvam, bhikkhū’’ti? ‘‘Duvassohaṃ, bhagavā’’ti. ‘‘Ayaṃ pana bhikkhu kativasso’’ti? ‘‘Ekavasso, bhagavā’’ti. ‘‘Kiṃ tāyaṃ bhikkhu hotī’’ti? ‘‘Saddhivihāriko me, bhagavā’’ti. Vigarahi buddho bhagavā – ‘‘ananucchavikaṃ, moghapurisa, ananulomikaṃ appatirūpaṃ assāmaṇakaṃ akappiyaṃ akaraṇīyaṃ. Kathaṅhi nāma tvam, moghapurisa, aññehi ovadiyo anusāsiyo aññaṃ ovaditūṃ anusāsitūṃ maññissasi. Atilahuṃ kho tvam, moghapurisa, bāhullāya āvatto, yadidaṃ gaṇabandhikaṃ. Netam, moghapurisa, appasannānaṃ vā pasādāya pasannānaṃ vā bhiyyobhāvāya’’...pe... vigarahitvā... pe... dhammiṃ kathaṃ katvā bhikkhū āmantesi – ‘‘na, bhikkhave, ūnadasavassena upasampādetabbo. Yo upasampādeyya, āpatti dukkaṭassa. Anujānāmi, bhikkhave, dasavassena vā atirekadasavassena vā upasampādetu’’nti.

76. Tena kho pana samayena bhikkhū – dasavassamhā dasavassamhāti – bālā abyattā upasampādentī. Dissanti upajjhāyā bālā, saddhivihārikā paṇḍitā. Dissanti upajjhāyā abyattā, saddhivihārikā byattā. Dissanti upajjhāyā appassutā, saddhivihārikā bahussutā. Dissanti upajjhāyā duppañña, saddhivihārikā paññavanto. Aññataropi aññatitthiyapubbo upajjhāyena sahadhammikaṃ vuccamāno upajjhāyassa vādaṃ āropetvā tamyeva titthāyatanaṃ saṅkami. Ye te bhikkhū appicchā... pe... te ujjhāyanti khiyyanti vipācenti – kathaṅhi nāma bhikkhū – dasavassamhā dasavassamhāti – bālā abyattā upasampādessanti. Dissanti upajjhāyā bālā saddhivihārikā paṇḍitā, dissanti upajjhāyā abyattā saddhivihārikā byattā, dissanti upajjhāyā appassutā saddhivihārikā bahussutā, dissanti upajjhāyā duppañña, saddhivihārikā paññavantoti. Atha kho te bhikkhū bhagavato etamatthaṃ ārocesuṃ. ‘‘Saccam kira, bhikkhave, bhikkhū – dasavassamhā dasavassamhāti – bālā abyattā upasampādentī. Dissanti upajjhāyā bālā, saddhivihārikā paṇḍitā, dissanti upajjhāyā abyattā saddhivihārikā byattā, dissanti upajjhāyā appassutā, saddhivihārikā bahussutā, dissanti upajjhāyā duppañña, saddhivihārikā paññavanto’’ti? ‘‘Saccam, bhagavā’’ti. Vigarahi buddho bhagavā...pe... kathaṅhi nāma te, bhikkhave, moghapurisa – dasavassamhā dasavassamhāti – bālā abyattā upasampādessanti. Dissanti upajjhāyā bālā, saddhivihārikā paṇḍitā, dissanti upajjhāyā abyattā saddhivihārikā byattā, dissanti upajjhāyā appassutā, saddhivihārikā bahussutā, dissanti upajjhāyā duppañña, saddhivihārikā paññavanto. Netam, bhikkhave, appasannānaṃ vā pasādāya...pe... vigarahitvā...pe... dhammiṃ kathaṃ katvā bhikkhū āmantesi – ‘‘na, bhikkhave, bālāna abyattena upasampādetabbo. Yo upasampādeyya, āpatti dukkaṭassa. Anujānāmi, bhikkhave, byattena bhikkhunā paṭibālāna dasavassena vā atirekadasavassena vā upasampādetu’’nti.

77. Tena kho pana samayena bhikkhū upajjhāyesu pakkantesupi vibbhantesupi kālaṅkatesupi pakkhasaṅkantesupi anācariyakā anovadiyamānā ananusāsiyamānā dunnivatthā duppārutā anākkappasampannā piṇḍāya caranti, manussānaṃ bhuñjamānānaṃ uparibhojanepi uttiṭṭhapattaṃ upanāmenti, uparikhādanīyepi – uparisāyanīyepi – uparipānīyepi uttiṭṭhapattaṃ upanāmenti; sāmam sūpampi odanampi viññāpetvā bhuñjanti; bhattagepi uccāsaddā mahāsaddā viharanti. Manussā

ujjhāyanti khiyyanti vipācenti – “kathañhi nāma samaṇā sakyaputtiyā dunnivatthā duppārutā anākapasampannā piṇḍāya carissanti; manussānaṃ bhuñjamānānaṃ uparibhojanepi uttiṭṭhapattaṃ upanāmessanti, uparikhādanīyepi – upariśāyanīyepi – uparipānīyepi uttiṭṭhapattaṃ upanāmessanti; sāmaṃ sūpampi odanampi viññāpetvā bhuñjissanti; bhattagepi uccāsaddā mahāsaddā viharissanti, seyyathāpi brāhmaṇā brāhmaṇabhojane”ti. Assosum kho bhikkhū tesam manussānaṃ ujjhāyantānaṃ khiyyantānaṃ vipācentānaṃ ...pe... atha kho te bhikkhū bhagavato etamatthaṃ ārocesum. Saccam kira, bhikkhave...pe... saccam, bhagavāti...pe... vigarahitvā dhammiṃ kathaṃ katvā bhikkhū āmantesi –

“Anujānāmi, bhikkhave, ācariyaṃ. Ācariyo, bhikkhave, antevāsikamhi puttacittaṃ upaṭṭhāpessati, antevāsiko ācariyamhi pitucittaṃ upaṭṭhāpessati. Evaṃ te aññaṃaññaṃ sagāravā sappatissā sabhāgavuttino viharantā imasmiṃ dhammavinaye vuddhiṃ viruḷhiṃ vepullaṃ āpajjissanti. Anujānāmi, bhikkhave, dasavassaṃ nissāya vatthum, dasavassena nissayaṃ dātuṃ. Evañca pana, bhikkhave, ācariyo gahetabbo. Ekaṃsaṃ uttarāsaṅgaṃ karitvā pāde vanditvā ukkuṭikaṃ nisīditvā añjaliṃ paggahetvā evamassa vacanīyo – ‘ācariyo me, bhante, hohi, āyasmato nissāya vacchāmi; ācariyo me, bhante, hohi, āyasmato nissāya vacchāmi; ācariyo me, bhante, hohi, āyasmato nissāya vacchāmī’ti. ‘Sāhūti’ vā ‘lahūti’ vā ‘opāyika’nti vā ‘patirūpa’nti vā ‘pāsādikena sampādehi’ti vā kāyena viññāpeti, vācāya viññāpeti, kāyena vācāya viññāpeti, gahito hoti ācariyo; na kāyena viññāpeti, na vācāya viññāpeti, na kāyena vācāya viññāpeti, na gahito hoti ācariyo.

78. [cūlava. 380 ādayo] “Antevāsikena, bhikkhave, ācariyamhi sammā vattitabbaṃ. Tatrāyaṃ sammāvattanā –

“Kālasseva utthāya upāhanaṃ omuñcitvā ekaṃsaṃ uttarāsaṅgaṃ karitvā dantakaṭṭhaṃ dātabbaṃ, mukhodakaṃ dātabbaṃ, āsanaṃ paññāpetabbaṃ. Sace yāgu hoti, bhājanaṃ dhovitvā yāgu upanāmetabbā. Yāguṃ pītassa udakaṃ datvā bhājanaṃ paṭiggahetvā nīcaṃ katvā sādhuṃkaṃ appaṭighamsantena dhovitvā paṭisāmetabbaṃ. Ācariyamhi vuṭṭhite āsanaṃ uddharitabbaṃ. Sace so deso uklāpo hoti, so deso sammajjitabbo.

“Sace ācariyo gāmaṃ pavisitukāmo hoti, nivāsanaṃ dātabbaṃ, paṭinivāsanaṃ paṭiggahetabbaṃ, kāyabandhanaṃ dātabbaṃ, sakuṇaṃ katvā saṅghāṭiyo dātabbā, dhovitvā patto sodako dātabbo. Sace ācariyo pacchāsamaṇaṃ ākankhati, timaṇḍalaṃ paṭicchādentena parimaṇḍalaṃ nivāsetvā kāyabandhanaṃ bandhitvā sakuṇaṃ katvā saṅghāṭiyo pārupitvā gaṇṭhikaṃ paṭimuñcitvā dhovitvā pattaṃ gahetvā ācariyassa pacchāsamaṇena hotabbaṃ. Nātidūre gantabbaṃ, nāccāsanne gantabbaṃ, pattapariyāpannaṃ paṭiggahetabbaṃ. Na ācariyassa bhaṇamānassa antarantarā kathā opātetabbā. Ācariyo āpattisāmantā bhaṇamāno nivāretabbo.

“Nivattantena paṭhamataraṃ āgantvā āsanaṃ paññāpetabbaṃ, pādodakaṃ pādapīṭhaṃ pādakathalikaṃ upanikkhipitabbaṃ, paccuggantvā pattacīvaraṃ paṭiggahetabbaṃ, paṭinivāsanaṃ dātabbaṃ, nivāsanaṃ paṭiggahetabbaṃ. Sace cīvaraṃ sinnaṃ hoti, muhuttaṃ uñhe otāpetabbaṃ, na ca uñhe cīvaraṃ nidahitabbaṃ. Cīvaraṃ saṅgharitabbaṃ. Cīvaraṃ saṅgharantena caturaṅgulaṃ kaṇṇaṃ ussāretvā cīvaraṃ saṅgharitabbaṃ – mā majjhe bhaṅgo ahoṣīti. Obhoge kāyabandhanaṃ kātabbaṃ.

“Sace piṇḍapāto hoti, ācariyo ca bhuñjitukāmo hoti, udakaṃ datvā piṇḍapāto upanāmetabbo. Ācariyo pānīyena pucchitabbo. Bhuttāvissa udakaṃ datvā pattaṃ paṭiggahetvā nīcaṃ katvā sādhuṃkaṃ appaṭighamsantena dhovitvā vodakaṃ katvā muhuttaṃ uñhe otāpetabbo, na ca uñhe patto nidahitabbo. Pattacīvaraṃ nikkhipitabbaṃ. Pattaṃ nikkhipantena ekena hatthena pattaṃ gahetvā ekena hatthena heṭṭhāmañcaṃ vā heṭṭhāpīṭhaṃ vā parāmasitvā patto nikkhipitabbo. Na ca anantarahitāya bhūmiyā patto nikkhipitabbo. Cīvaraṃ nikkhipantena ekena hatthena cīvaraṃ gahetvā ekena hatthena cīvaravaṃsaṃ vā cīvararajjuṃ vā pamajjitvā pārato antaṃ orato bhogaṃ katvā cīvaraṃ nikkhipitabbaṃ. Ācariyamhi vuṭṭhite āsanaṃ uddharitabbaṃ, pādodakaṃ pādapīṭhaṃ pādakathalikaṃ paṭisāmetabbaṃ. Sace so deso uklāpo hoti, so deso sammajjitabbo.

“Sace ācariyo nahāyitukāmo hoti, nahānaṃ paṭiyādetabbaṃ. Sace sītena attho hoti, sītaṃ paṭiyādetabbaṃ. Sace uṇhena attho hoti, uṇhaṃ paṭiyādetabbaṃ.

“Sace ācariyo jantāgharaṃ pavisitukāmo hoti, cuṇṇaṃ sannetabbaṃ, mattikā temetabbā, jantāgharapīṭhaṃ ādāya ācariyassa piṭṭhito piṭṭhito gantvā jantāgharapīṭhaṃ datvā cīvaraṃ paṭiggahetvā ekamantaṃ nikkhipitabbaṃ, cuṇṇaṃ dātabbaṃ, mattikā dātabbā. Sace ussahati, jantāgharaṃ pavisitabbaṃ. Jantāgharaṃ pavisantena mattikāya mukhaṃ makkhetvā purato ca pacchato ca paṭicchādetvā jantāgharaṃ pavisitabbaṃ. Na there bhikkhū anupakhajja nisīditabbaṃ. Na navā bhikkhū āsanena paṭibāhitabbā. Jantāghare ācariyassa parikammaṃ kāttabbaṃ. Jantāgharā nikkhamantena jantāgharapīṭhaṃ ādāya purato ca pacchato ca paṭicchādetvā jantāgharā nikkhamitabbaṃ.

“Udakepi ācariyassa parikammaṃ kāttabbaṃ. Nahātena paṭhamataraṃ uttaritvā attano gattaṃ vodakaṃ katvā nivāsetvā ācariyassa gattato udakaṃ pamajjitabbaṃ, nivāsaṇaṃ dātabbaṃ, saṅghāṭi dātabbā, jantāgharapīṭhaṃ ādāya paṭhamataraṃ āgantvā āsaṇaṃ paññāpetabbaṃ, pādodakaṃ pādapīṭhaṃ pādakathalikaṃ upanikkhipitabbaṃ. Ācariyo pānīyena pucchitabbo. Sace uddisāpetukāmo hoti, uddisāpetabbo. Sace paripucchitukāmo hoti, paripucchitabbo.

“Yasmiṃ vihāre ācariyo viharati, sace so vihāro uklāpo hoti, sace ussahati, sodhetabbo. Vihāraṃ sodhentena paṭhamaṃ pattacīvaraṃ nīharitvā ekamantaṃ nikkhipitabbaṃ; nisīdanapaccattharaṇaṃ nīharitvā ekamantaṃ nikkhipitabbaṃ; bhisibibbohanaṃ nīharitvā ekamantaṃ nikkhipitabbaṃ; mañco nīcaṃ katvā sādhukaṃ appaṭighaṃsantena, asaṅghaṭṭentena kavāṭapīṭhaṃ, nīharitvā ekamantaṃ nikkhipitabbo; pīṭhaṃ nīcaṃ katvā sādhukaṃ appaṭighaṃsantena, asaṅghaṭṭentena kavāṭapīṭhaṃ, nīharitvā ekamantaṃ nikkhipitabbaṃ; mañcapaṭipādakā nīharitvā ekamantaṃ nikkhipitabbā; khelamallako nīharitvā ekamantaṃ nikkhipitabbo; apassenaphalakaṃ nīharitvā ekamantaṃ nikkhipitabbaṃ; bhūmattharaṇaṃ yathāpaññattaṃ sallakkhetvā nīharitvā ekamantaṃ nikkhipitabbaṃ. Sace vihāre santānakaṃ hoti, ullokā paṭhamaṃ ohāretabbaṃ, ālokaśandhikaṇṇabhāgā pamajjitabbā. Sace gerukaparikkamakatā bhitti kaṇṇakitā hoti, coḷakaṃ temetvā pīletvā pamajjitabbā. Sace kāḷavaṇṇakatā bhūmi kaṇṇakitā hoti, coḷakaṃ temetvā pīletvā pamajjitabbā. Sace akatā hoti bhūmi, udakena paripphosivā sammajjitabbā – mā vihāro rajena uhaññīti. Saṅkāraṃ vicinitvā ekamantaṃ chaḍḍetabbaṃ.

“Bhūmattharaṇaṃ otāpetvā sodhetvā papphoṭetvā atiharitvā yathāpaññattaṃ paññāpetabbaṃ. Mañcapaṭipādakā otāpetvā pamajjitvā atiharitvā yathāṭhāne ṭhapetabbā. Mañco otāpetvā sodhetvā papphoṭetvā nīcaṃ katvā sādhukaṃ appaṭighaṃsantena, asaṅghaṭṭentena kavāṭapīṭhaṃ, atiharitvā yathāpaññattaṃ paññāpetabbo. Pīṭhaṃ otāpetvā sodhetvā papphoṭetvā nīcaṃ katvā sādhukaṃ appaṭighaṃsantena, asaṅghaṭṭentena kavāṭapīṭhaṃ, atiharitvā yathāpaññattaṃ paññāpetabbaṃ. Bhisibibbohanaṃ otāpetvā sodhetvā papphoṭetvā atiharitvā yathāpaññattaṃ paññāpetabbaṃ. Nisīdanapaccattharaṇaṃ otāpetvā sodhetvā papphoṭetvā atiharitvā yathāpaññattaṃ paññāpetabbaṃ. Khelamallako otāpetvā pamajjitvā atiharitvā yathāṭhāne ṭhapetabbo. Apassenaphalakaṃ otāpetvā pamajjitvā atiharitvā yathāṭhāne ṭhapetabbaṃ. Pattacīvaraṃ nikkhipitabbaṃ. Pattaṃ nikkhipantena ekena hatthena pattaṃ gahetvā ekena hatthena heṭṭhāmañcaṃ vā heṭṭhāpīṭhaṃ vā parāmasivā patto nikkhipitabbo. Na ca anantarahitāya bhūmiyā patto nikkhipitabbo. Cīvaraṃ nikkhipantena ekena hatthena cīvaraṃ gahetvā ekena hatthena cīvaravaṃsaṃ vā cīvararajjuṃ vā pamajjitvā pārato antaṃ orato bhogaṃ katvā cīvaraṃ nikkhipitabbaṃ.

“Sace puratthimā sarajā vātā vāyanti, puratthimā vātapānā thaketabbā. Sace pacchimā sarajā vātā vāyanti, pacchimā vātapānā thaketabbā. Sace uttarā sarajā vātā vāyanti, uttarā vātapānā thaketabbā. Sace dakkhiṇā sarajā vātā vāyanti, dakkhiṇā vātapānā thaketabbā. Sace sītakālo hoti, divā vātapānā vivaritabbā, rattim thaketabbā. Sace uṇhakālo hoti, divā vātapānā thaketabbā, rattim vivaritabbā.

“Sace pariveṇaṃ uklāpaṃ hoti, pariveṇaṃ sammajjitabbaṃ. Sace koṭṭhako uklāpo hoti, koṭṭhako

sammajjitabbo. Sace upaṭṭhānasālā uklāpā hoti, upaṭṭhānasālā sammajjitabbā. Sace aggisālā uklāpā hoti, aggisālā sammajjitabbā. Sace vaccakuṭi uklāpā hoti, vaccakuṭi sammajjitabbā. Sace pānīyaṃ na hoti, pānīyaṃ upaṭṭhāpetabbaṃ. Sace paribhojanīyaṃ na hoti, paribhojanīyaṃ upaṭṭhāpetabbaṃ. Sace ācamanakumbhiyaṃ udakaṃ na hoti, ācamanakumbhiyā udakaṃ āsiñcitabbaṃ.

“Sace ācariyassa anabhirati uppannā hoti, antevāsikena vūpakāsetabbo, vūpakāsāpetabbo, dhammakathā vāssa kātabbā. Sace ācariyassa kukkuccaṃ uppannaṃ hoti, antevāsikena vinodetabbaṃ, vinodāpetabbaṃ, dhammakathā vāssa kātabbā. Sace ācariyassa diṭṭhigataṃ uppannaṃ hoti, antevāsikena vivecetabbaṃ, vivecāpetabbaṃ, dhammakathā vāssa kātabbā. Sace ācariyo garudhammaṃ ajjhāpanno hoti parivāsāraho, antevāsikena ussukkaṃ kātabbaṃ – kinti nu kho saṅgho ācariyassa parivāsaṃ dadeyyāti. Sace ācariyo mūlāya paṭikassanāraho hoti, antevāsikena ussukkaṃ kātabbaṃ – kinti nu kho saṅgho ācariyaṃ mūlāya paṭikasseyyāti. Sace ācariyo mānattāraho hoti, antevāsikena ussukkaṃ kātabbaṃ – kinti nu kho saṅgho ācariyassa mānattaṃ dadeyyāti. Sace ācariyo abbhānāraho hoti, antevāsikena ussukkaṃ kātabbaṃ – kinti nu kho saṅgho ācariyaṃ abbhēyyāti. Sace saṅgho ācariyassa kammaṃ kattukāmo hoti, tajjanīyaṃ vā niyassaṃ vā pabbājanīyaṃ vā paṭisāraṇīyaṃ vā ukkhepanīyaṃ vā, antevāsikena ussukkaṃ kātabbaṃ – kinti nu kho saṅgho ācariyassa kammaṃ na kareyya, lahukāya vā pariṇāmeyyāti. Kataṃ vā panassa hoti saṅghena kammaṃ, tajjanīyaṃ vā niyassaṃ vā pabbājanīyaṃ vā paṭisāraṇīyaṃ vā ukkhepanīyaṃ vā, antevāsikena ussukkaṃ kātabbaṃ – kinti nu kho ācariyo sammā vatteyya, lomaṃ pāteyya, netthāraṃ vatteyya, saṅgho taṃ kammaṃ paṭippassambheyyāti.

“Sace ācariyassa cīvaraṃ dhovitabbaṃ hoti, antevāsikena dhovitabbaṃ, ussukkaṃ vā kātabbaṃ – kinti nu kho ācariyassa cīvaraṃ dhoviyethāti. Sace ācariyassa cīvaraṃ kātabbaṃ hoti, antevāsikena kātabbaṃ, ussukkaṃ vā kātabbaṃ – kinti nu kho ācariyassa cīvaraṃ kariyethāti. Sace ācariyassa rajanaṃ pacitabbaṃ hoti, antevāsikena pacitabbaṃ, ussukkaṃ vā kātabbaṃ – kinti nu kho ācariyassa rajanaṃ paciyethāti. Sace ācariyassa cīvaraṃ rajitabbaṃ hoti, antevāsikena rajitabbaṃ, ussukkaṃ vā kātabbaṃ – kinti nu kho ācariyassa cīvaraṃ rajiyethāti. Cīvaraṃ rajantena sādhuṃ samparivattakaṃ samparivattakaṃ rajitabbaṃ, na ca acchinne theve pakkamitabbaṃ.

“Na ācariyaṃ anāpucchā ekaccassa patto dātabbo, na ekaccassa patto paṭiggahetabbo; na ekaccassa cīvaraṃ dātabbaṃ; na ekaccassa cīvaraṃ paṭiggahetabbaṃ; na ekaccassa parikkhāro dātabbo; na ekaccassa parikkhāro paṭiggahetabbo; na ekaccassa kesā chedetabbā; na ekaccena kesā chedāpetabbā; na ekaccassa parikkammaṃ kātabbaṃ; na ekaccena parikkammaṃ kārapetabbaṃ; na ekaccassa veyyāvacco kātabbo; na ekaccena veyyāvacco kārapetabbo; na ekaccassa pacchāsamaṇena hotabbaṃ; na ekacco pacchāsamaṇo ādātabbo; na ekaccassa piṇḍapāto nīharitabbo; na ekaccena piṇḍapāto nīharāpetabbo. Na ācariyaṃ anāpucchā gāmo pavisitabbo, na susānaṃ gantabbaṃ, na disā pakkamitabbā. Sace ācariyo gilāno hoti, yāvajīvaṃ upaṭṭhātabbo, vuṭṭhānamassa āgametabba’’nti.

Ācariyavattaṃ niṭṭhitam.

19. Antevāsikavattakathā

79. [cūḷava. 381-382] “Ācariyena, bhikkhave, antevāsikamhi sammā vattitabbaṃ. Tatrāyaṃ sammāvattanā –

“Ācariyena, bhikkhave, antevāsiko saṅghetabbo anuggahetabbo uddesena paripucchāya ovādena anusāsaniyā. Sace ācariyassa patto hoti, antevāsikassa patto na hoti, ācariyena antevāsikassa patto dātabbo, ussukkaṃ vā kātabbaṃ – kinti nu kho antevāsikassa patto uppajjiyethāti. Sace ācariyassa cīvaraṃ hoti, antevāsikassa cīvaraṃ na hoti, ācariyena antevāsikassa cīvaraṃ dātabbaṃ, ussukkaṃ vā kātabbaṃ – kinti nu kho antevāsikassa cīvaraṃ uppajjiyethāti. Sace ācariyassa parikkhāro hoti, antevāsikassa parikkhāro na hoti, ācariyena antevāsikassa parikkhāro dātabbo, ussukkaṃ vā kātabbaṃ – kinti nu kho antevāsikassa parikkhāro uppajjiyethāti.

“Sace antevāsiko gilāno hoti, kālasseva uṭṭhāya dantakaṭṭham dātabbam, mukhodakam dātabbam, āsanam paññapetabbam. Sace yāgu hoti, bhājanam dhovitvā yāgu upanāmetabbā. Yāguṃ pītassa udakam datvā bhājanam paṭiggahetvā nīcam katvā sādhuḥkam appaṭighamsantena dhovitvā paṭisāmetabbam. Antevāsikamhi vuṭṭhite āsanam uddharitabbam. Sace so deso uklāpo hoti, so deso sammajjitabbo.

“Sace antevāsiko gāmam pavisitukāmo hoti, nivāsanam dātabbam, paṭinivāsanam paṭiggahetabbam, kāyabandhanam dātabbam, saguṇam katvā saṅghāṭṭiyo dātabbā, dhovitvā patto sodako dātabbo.

“Ettāvatā nivattissatīti āsanam paññapetabbam, pādodakam pādapīṭham pādakathalikam upanikkhipitabbam, paccuggantvā pattacīvaram paṭiggahetabbam, paṭinivāsanam dātabbam, nivāsanam paṭiggahetabbam. Sace cīvaram sinnam hoti, muhuttaṃ uṇhe otāpetabbam, na ca uṇhe cīvaram nidahitabbam. Cīvaram saṅgharitabbam. Cīvaram saṅgharantena caturaṅgulaṃ kaṇṇam ussāretvā cīvaram saṅgharitabbam – mā majjhe bhaṅgo ahoṣīti. Obhoge kāyabandhanam kātabbam.

“Sace piṇḍapāto hoti, antevāsiko ca bhuñjitukāmo hoti, udakam datvā piṇḍapāto upanāmetabbo. Antevāsiko pānīyena pucchitabbo. Bhuttāvissa udakam datvā pattam paṭiggahetvā nīcam katvā sādhuḥkam appaṭighamsantena dhovitvā vodakam katvā muhuttaṃ uṇhe otāpetabbo, na ca uṇhe patto nidahitabbo. Pattacīvaram nikkhipitabbam. Pattam nikkhipantena ekena hatthena pattam gahetvā ekena hatthena heṭṭhāmañcam vā heṭṭhāpīṭham vā parāmasitvā patto nikkhipitabbo. Na ca anantarahitāya bhūmiyā patto nikkhipitabbo. Cīvaram nikkhipantena ekena hatthena cīvaram gahetvā ekena hatthena cīvaravaṃsam vā cīvararajjuṃ vā pamajjitvā pārato antam orato bhogaṃ katvā cīvaram nikkhipitabbam. Antevāsikamhi vuṭṭhite āsanam uddharitabbam, pādodakam pādapīṭham pādakathalikam paṭisāmetabbam. Sace so deso uklāpo hoti, so deso sammajjitabbo.

“Sace antevāsiko nahāyitukāmo hoti, nahānam paṭiyādetabbam. Sace sītena attho hoti, sītam paṭiyādetabbam. Sace uṇhena attho hoti, uṇham paṭiyādetabbam.

“Sace antevāsiko jantāgharam pavisitukāmo hoti, cuṇṇam sannetabbam, mattikā temetabbā, jantāgharapīṭham ādāya gantvā jantāgharapīṭham datvā cīvaram paṭiggahetvā ekamantaṃ nikkhipitabbam, cuṇṇam dātabbam, mattikā dātabbā. Sace ussahati, jantāgharam pavisitabbam. Jantāgharam pavisantena mattikāya mukham makkhetvā purato ca pacchato ca paṭicchādetvā jantāgharam pavisitabbam. Na ca there bhikkhū anupakhajja nisīditabbam, na navā bhikkhū āsanena paṭibāhitabbā. Jantāghare antevāsikassa parikammaṃ kātabbam. Jantāgharā nikkhamantena jantāgharapīṭham ādāya purato ca pacchato ca paṭicchādetvā jantāgharā nikkhamitabbam.

“Udakepi antevāsikassa parikammaṃ kātabbam. Nahātena paṭhamataram uttaritvā attano gattam vodakam katvā nivāsetvā antevāsikassa gattato udakam pamajjitabbam, nivāsanam dātabbam, saṅghāṭṭiyo dātabbā, jantāgharapīṭham ādāya paṭhamataram āgantvā āsanam paññapetabbam, pādodakam pādapīṭham pādakathalikam upanikkhipitabbam. Antevāsiko pānīyena pucchitabbo.

“Yasmiṃ vihāre antevāsiko viharati, sace so vihāro uklāpo hoti, sace ussahati, sodhetabbo. Vihāram sodhentena paṭhamam pattacīvaram nīharitvā ekamantaṃ nikkhipitabbam; nisīdanapaccattharaṇam nīharitvā ekamantaṃ nikkhipitabbam; bhisibibbohanam nīharitvā ekamantaṃ nikkhipitabbam; mañco nīcam katvā sādhuḥkam appaṭighamsantena, asaṅghaṭṭentena kavāṭapīṭham, nīharitvā ekamantaṃ nikkhipitabbo; pīṭham nīcam katvā sādhuḥkam appaṭighamsantena, asaṅghaṭṭentena kavāṭapīṭham, nīharitvā ekamantaṃ nikkhipitabbam; mañcapaṭipādakā nīharitvā ekamantaṃ nikkhipitabbā; khelamallako nīharitvā ekamantaṃ nikkhipitabbo; apassenaphalakam nīharitvā ekamantaṃ nikkhipitabbam; bhūmattharaṇam yathāpaññattaṃ sallakkhetvā nīharitvā ekamantaṃ nikkhipitabbam. Sace vihāre santānakam hoti, ullokā paṭhamam otāretabbam, ālokasandhikaṇṇabhāgā

pamajjitabbā. Sace gerukaparikkammakatā bhitti kaṇṇakitā hoti, coḷakaṃ temetvā pīletvā pamajjitabbā. Sace kāḷavaṇṇakatā bhūmi kaṇṇakitā hoti, coḷakaṃ temetvā pīletvā pamajjitabbā. Sace akatā hoti bhūmi, udakena parippphosivā sammajjitabbā – mā vihāro rajena uhaññīti. Saṅkāraṃ vicinitvā ekamantaṃ chaḍḍetabbāṃ.

“Bhūmattharaṇaṃ otāpetvā sodhetvā papphoṭetvā atiharitvā yathāpaññattaṃ paññapetabbāṃ. Mañcapaṭipādakā otāpetvā pamajjitvā atiharitvā yathāṭhāne ṭhapetabbā. Mañco otāpetvā sodhetvā papphoṭetvā nīcaṃ katvā sādhukaṃ appaṭiḡhaṃsantena, asaṅghaṭṭentena kavāṭapiṭṭhaṃ, atiharitvā yathāpaññattaṃ paññapetabbo. Pīṭhaṃ otāpetvā sodhetvā papphoṭetvā nīcaṃ katvā sādhukaṃ appaṭiḡhaṃsantena, asaṅghaṭṭentena kavāṭapiṭṭhaṃ, atiharitvā yathāpaññattaṃ paññapetabbāṃ. Bhisibibbohanaṃ otāpetvā sodhetvā papphoṭetvā atiharitvā yathāpaññattaṃ paññapetabbāṃ. Nisīdanapaccattharaṇaṃ otāpetvā sodhetvā papphoṭetvā atiharitvā yathāpaññattaṃ paññapetabbāṃ. Kheḷamallako otāpetvā pamajjitvā atiharitvā yathāṭhāne ṭhapetabbo. Apassenaphalakaṃ otāpetvā pamajjitvā atiharitvā yathāṭhāne ṭhapetabbāṃ. Pattacīvaraṃ nikkhipitabbāṃ. Pattaṃ nikkhipantena ekena hatthena pattaṃ gahetvā ekena hatthena heṭṭhāmañcaṃ vā heṭṭhāpīṭhaṃ vā parāmasitvā patto nikkhipitabbo. Na ca anantarāhitāya bhūmiyā patto nikkhipitabbo. Cīvaraṃ nikkhipantena ekena hatthena cīvaraṃ gahetvā ekena hatthena cīvaravaṃsaṃ vā cīvararajjuṃ vā pamajjitvā pārato antaṃ orato bhogaṃ katvā cīvaraṃ nikkhipitabbāṃ.

“Sace puratthimā sarajā vātā vāyanti, puratthimā vātapānā thaketabbā. Sace pacchimā sarajā vātā vāyanti, pacchimā vātapānā thaketabbā. Sace uttarā sarajā vātā vāyanti, uttarā vātapānā thaketabbā. Sace dakkhiṇā sarajā vātā vāyanti, dakkhiṇā vātapānā thaketabbā. Sace sītakālo hoti, divā vātapānā vivaritabbā, rattim thaketabbā. Sace uṇhakālo hoti, divā vātapānā thaketabbā, rattim vivaritabbā.

“Sace pariveṇaṃ uklāpaṃ hoti, pariveṇaṃ sammajjitabbāṃ. Sace koṭṭhako uklāpo hoti, koṭṭhako sammajjitabbo. Sace upaṭṭhānasālā uklāpā hoti, upaṭṭhānasālā sammajjitabbā. Sace aggisālā uklāpā hoti, aggisālā sammajjitabbā. Sace vaccakuṭi uklāpā hoti, vaccakuṭi sammajjitabbā. Sace pānīyaṃ na hoti, pānīyaṃ upaṭṭhāpetabbāṃ. Sace paribhojanīyaṃ na hoti, paribhojanīyaṃ upaṭṭhāpetabbāṃ. Sace ācāmanakumbhiyā udakaṃ na hoti, ācāmanakumbhiyā udakaṃ āsiñcitabbāṃ.

“Sace antevāsikassa anabhirati uppannā hoti, ācariyena vūpakāsetabbo, vūpakāsāpetabbo, dhammakathā vāssa kātabbā. Sace antevāsikassa kukkuccaṃ uppannaṃ hoti, ācariyena vinodetabbāṃ, vinodāpetabbāṃ, dhammakathā vāssa kātabbā. Sace antevāsikassa diṭṭhigataṃ uppannaṃ hoti, ācariyena vivecetabbāṃ, vivecāpetabbāṃ, dhammakathā vāssa kātabbā. Sace antevāsiko garudhammaṃ ajjhāpanno hoti parivāsāraho, ācariyena ussukkaṃ kātabbaṃ – kinti nu kho saṅgho, antevāsikassa parivāsaṃ dadeyyāti. Sace antevāsiko mūlāya paṭikassanāraho hoti, ācariyena ussukkaṃ kātabbaṃ – kinti nu kho saṅgho antevāsikaṃ mūlāya paṭikasseyyāti. Sace antevāsiko mānattāraho hoti, ācariyena ussukkaṃ kātabbaṃ – kinti nu kho saṅgho antevāsikassa mānattaṃ dadeyyāti. Sace antevāsiko abbhānāraho hoti, ācariyena ussukkaṃ kātabbaṃ – kinti nu kho saṅgho antevāsikaṃ abhēyyāti. Sace saṅgho antevāsikassa kammaṃ kattukāmo hoti, tajjanīyaṃ vā niyassaṃ vā pabbājanīyaṃ vā paṭisāraṇīyaṃ vā ukkhepanīyaṃ vā, ācariyena ussukkaṃ kātabbaṃ – kinti nu kho saṅgho antevāsikassa kammaṃ na kareyya, lahukāya vā pariṇāmeyyāti. Kataṃ vā panassa hoti saṅghena kammaṃ, tajjanīyaṃ vā niyassaṃ vā pabbājanīyaṃ vā paṭisāraṇīyaṃ vā ukkhepanīyaṃ vā, ācariyena ussukkaṃ kātabbaṃ – kinti nu kho antevāsiko sammā vatteyya, lomāṃ pāteyya, netthāraṃ vatteyya, saṅgho taṃ kammaṃ paṭippassambheyyāti.

“Sace antevāsikassa cīvaraṃ dhovitabbāṃ hoti, ācariyena ācikkhitabbāṃ – ‘evaṃ dhoveyyāsī’ti, ussukkaṃ vā kātabbaṃ – kinti nu kho antevāsikassa cīvaraṃ dhoviyethāti. Sace antevāsikassa cīvaraṃ kātabbaṃ hoti, ācariyena ācikkhitabbāṃ – ‘evaṃ kareyyāsī’ti, ussukkaṃ vā kātabbaṃ – kinti nu kho antevāsikassa cīvaraṃ kariyethāti. Sace antevāsikassa rajanaṃ pacitabbāṃ hoti, ācariyena ācikkhitabbāṃ – ‘evaṃ paceyyāsī’ti, ussukkaṃ vā kātabbaṃ – kinti nu kho antevāsikassa rajanaṃ

paciyethāti. Sace antevāsikassa cīvaram rajitabbaṃ hoti, ācariyena ācikkhitabbaṃ – ‘evaṃ rajeyyāsī’ ti, ussukkaṃ vā kātabbaṃ – kinti nu kho antevāsikassa cīvaram rajiyethāti. Cīvaram rajantena sādhukaṃ samparivattakaṃ samparivattakaṃ rajitabbaṃ, na ca acchinne theve pakkamitabbaṃ. Sace antevāsiko gilāno hoti, yāvajīvaṃ upaṭṭhātabbo, vuṭṭhānamassa āgametabba’ nti.

Antevāsikavattaṃ niṭṭhitam.

Chaṭṭhabhāṇavāro.

20. Paṇāmanā khamāpanā

80. Tena kho pana samayena antevāsikā ācariyesu na sammā vattanti...pe... bhagavato etamatthaṃ ārocesuṃ...pe... na, bhikkhave, antevāsikena ācariyamhi na sammā vattitabbaṃ. Yo na sammā vatteyya, āpatti dukkaṭassāti. Neva sammā vattanti. Bhagavato etamatthaṃ ārocesuṃ...pe... anujānāmi, bhikkhave, asammāvattantaṃ paṇāmetuṃ. Evañca pana, bhikkhave, paṇāmetabbo – paṇāmemi tanti vā, māyidha paṭikkamīti vā, nīhara te pattacīvaranti vā, nāhaṃ tayā upaṭṭhātabboti vā. Kāyena viññāpeti, vācāya viññāpeti, kāyena vācāya viññāpeti, paṇāmito hoti antevāsiko; na kāyena viññāpeti, na vācāya viññāpeti, na kāyena vācāya viññāpeti, na paṇāmito hoti antevāsikoti.

Tena kho pana samayena antevāsikā paṇāmitā na khamāpeti. Bhagavato etamatthaṃ ārocesuṃ. Anujānāmi, bhikkhave, khamāpetunti. Neva khamāpeti. Bhagavato etamatthaṃ ārocesuṃ. Na, bhikkhave, paṇāmitena na khamāpetabbo. Yo na khamāpeyya, āpatti dukkaṭassāti.

Tena kho pana samayena ācariyā khamāpiyamānā na khamanti. Bhagavato etamatthaṃ ārocesuṃ. Anujānāmi, bhikkhave, khamitunti. Neva khamanti. Antevāsikā pakkamantipi vibbhamantipi titthiyesupi saṅkamanti. Bhagavato etamatthaṃ ārocesuṃ. Na, bhikkhave, khamāpiyamānena na khamitabbaṃ. Yo na khameyya, āpatti dukkaṭassāti.

Tena kho pana samayena ācariyā sammāvattantaṃ paṇāmenti, asammāvattantaṃ na paṇāmenti. Bhagavato etamatthaṃ ārocesuṃ. Na, bhikkhave, sammāvattanto paṇāmetabbo. Yo paṇāmeyya, āpatti dukkaṭassa. Na ca, bhikkhave, asammāvattanto na paṇāmetabbo. Yo na paṇāmeyya, āpatti dukkaṭassa.

81. “Pañcahi, bhikkhave, aṅgehi samannāgato antevāsiko paṇāmetabbo. Ācariyamhi nādhimattaṃ pemaṃ hoti, nādhimatto pasādo hoti, nādhimattā hirī hoti, nādhimatto gāravo hoti, nādhimattā bhāvanā hoti – imehi kho, bhikkhave, pañcahaṅgehi samannāgato antevāsiko paṇāmetabbo.

“Pañcahi, bhikkhave, aṅgehi samannāgato antevāsiko na paṇāmetabbo. Ācariyamhi adhimattaṃ pemaṃ hoti, adhimatto pasādo hoti, adhimattā hirī hoti, adhimatto gāravo hoti, adhimattā bhāvanā hoti – imehi kho, bhikkhave, pañcahaṅgehi samannāgato antevāsiko na paṇāmetabbo.

“Pañcahi, bhikkhave, aṅgehi samannāgato antevāsiko alaṃ paṇāmetuṃ. Ācariyamhi nādhimattaṃ pemaṃ hoti, nādhimatto pasādo hoti, nādhimattā hirī hoti, nādhimatto gāravo hoti, nādhimattā bhāvanā hoti – imehi kho, bhikkhave, pañcahaṅgehi samannāgato antevāsiko alaṃ paṇāmetuṃ.

“Pañcahi, bhikkhave, aṅgehi samannāgato antevāsiko nālaṃ paṇāmetuṃ. Ācariyamhi adhimattaṃ pemaṃ hoti, adhimatto pasādo hoti, adhimattā hirī hoti, adhimatto gāravo hoti, adhimattā bhāvanā hoti – imehi kho, bhikkhave, pañcahaṅgehi samannāgato antevāsiko nālaṃ paṇāmetuṃ.

“Pañcahi, bhikkhave, aṅgehi samannāgataṃ antevāsikaṃ appaṇāmento ācariyo sātisāro hoti, paṇāmento anatisāro hoti. Ācariyamhi nādhimattaṃ pemaṃ hoti, nādhimatto pasādo hoti, nādhimattā hirī hoti, nādhimatto gāravo hoti, nādhimattā bhāvanā hoti – imehi kho, bhikkhave, pañcahaṅgehi

samannāgataṃ antevāsikaṃ appaṇāmento ācariyo sātisāro hoti, paṇāmento anatisāro hoti.

“Pañcahi, bhikkhave, aṅgehi samannāgataṃ antevāsikaṃ paṇāmento ācariyo sātisāro hoti, appaṇāmento anatisāro hoti. Ācariyamhi adhimattaṃ pemaṃ hoti, adhimatto pasādo hoti, adhimattā hiri hoti, adhimatto gāravo hoti, adhimattā bhāvanā hoti – imehi kho, bhikkhave, pañcahaṅgehi samannāgataṃ antevāsikaṃ paṇāmento ācariyo sātisāro hoti, appaṇāmento anatisāro hoti”’ti.

Paṇāmanā khamāpanā niṭṭhitā.

21. Bālaabyattavattu

82. Tena kho pana samayena bhikkhū, dasavassamhā dasavassamhāti, bālā abyattā nissayaṃ denti. Dissanti ācariyā bālā, antevāsikā paṇḍitā. Dissanti ācariyā abyattā, antevāsikā byattā. Dissanti ācariyā appassutā, antevāsikā bahussutā. Dissanti ācariyā duppaññā, antevāsikā paññavanto. Ye te bhikkhū appicchā...pe... te ujjhāyanti khiyyanti vipācenti – “kathañhi nāma bhikkhū, dasavassamhā dasavassamhāti, bālā abyattā nissayaṃ dassanti. Dissanti ācariyā bālā antevāsikā paṇḍitā, dissanti ācariyā abyattā antevāsikā byattā, dissanti ācariyā appassutā antevāsikā bahussutā, dissanti ācariyā duppaññā antevāsikā paññavanto”’ti. Atha kho te bhikkhū bhagavato etamattaṃ ārocesuṃ...pe... saccam kira, bhikkhave, bhikkhū, dasavassamhā dasavassamhāti, bālā abyattā nissayaṃ denti...pe... saccam, bhagavāti. Vigarahi buddho bhagavā...pe... vigarahitvā...pe... dhammiṃ kathaṃ katvā bhikkhū āmantesi – “na, bhikkhave, bālena abyattena nissayo dātabbo. Yo dadeyya, āpatti dukkaṭassa. Anujānāmi, bhikkhave, byattena bhikkhunā paṭibaleṇa dasavassena vā atirekadasavassena vā nissayaṃ dātu”’nti.

Bālaabyattavattu niṭṭhitam.

22. Nissayaapaṭippassaddhikathā

83. Tena kho pana samayena bhikkhū ācariyupajjhāyesu pakkantesupi vibbhantesupi kālaṅkatesupi pakkhasaṅkantesupi nissayaapaṭippassaddhiyo na jānanti. Bhagavato etamattaṃ ārocesuṃ.

“Pañcimā, bhikkhave, nissayaapaṭippassaddhiyo upajjhāyamhā – upajjhāyo pakkanto vā hoti, vibbhanto vā, kālaṅkato vā, pakkhasaṅkanto vā, āṇattiyeva pañcamī. Imā kho, bhikkhave, pañca nissayaapaṭippassaddhiyo upajjhāyamhā.

“Chayimā, bhikkhave, nissayaapaṭippassaddhiyo ācariyamhā – ācariyo pakkanto vā hoti, vibbhanto vā, kālaṅkato vā, pakkhasaṅkanto vā, āṇattiyeva pañcamī, upajjhāyena vā samodhānagato hoti. Imā kho, bhikkhave, cha nissayaapaṭippassaddhiyo ācariyamhā”’.

Nissayaapaṭippassaddhikathā niṭṭhitā.

23. Upasampādetabbapañcakaṃ

84. “Pañcahi, bhikkhave, aṅgehi samannāgatena bhikkhunā na upasampādetabbam, na nissayo dātabbo, na sāmaṇero upaṭṭhāpetabbo. Na asekkhena [na asekkhena (ka.)] sīlakkhandhena samannāgato hoti, na asekkhena samādhikkhandhena samannāgato hoti, na asekkhena paññākkhandhena samannāgato hoti, na asekkhena vimuttikkhandhena samannāgato hoti, na asekkhena vimuttiñāḍadassanakhandhena samannāgato hoti – imehi kho, bhikkhave, pañcahaṅgehi samannāgatena bhikkhunā na upasampādetabbam, na nissayo dātabbo, na sāmaṇero upaṭṭhāpetabbo.

“Pañcahi, bhikkhave, aṅgehi samannāgatena bhikkhunā upasampādetabbam, nissayo dātabbo,

sāmaṇero upaṭṭhāpetabbo. Asekkhena sīlakkhandhena samannāgato hoti, asekkhena samādhikkhandhena samannāgato hoti, asekkhena paññākkhandhena samannāgato hoti, asekkhena vimuttikkhandhena samannāgato hoti, asekkhena vimuttiñāṇadassanakkhandhena samannāgato hoti – imehi kho, bhikkhave, pañcahaṅgehi samannāgatena bhikkhunā upasampādetabbaṃ, nissayo dātabbo, sāmaṇero upaṭṭhāpetabbo.

“Aparehipi, bhikkhave, pañcahaṅgehi samannāgatena bhikkhunā na upasampādetabbaṃ, na nissayo dātabbo, na sāmaṇero upaṭṭhāpetabbo. Attanā na asekkhena sīlakkhandhena samannāgato hoti, na paraṃ asekkhe sīlakkhandhe samādapetā; attanā na asekkhena samādhikkhandhena samannāgato hoti, na paraṃ asekkhe samādhikkhandhe samādapetā; attanā na asekkhena paññākkhandhena samannāgato hoti, na paraṃ asekkhe paññākkhandhe samādapetā; attanā na asekkhena vimuttikkhandhena samannāgato hoti, na paraṃ asekkhe vimuttikkhandhe samādapetā; attanā na asekkhena vimuttiñāṇadassanakkhandhena samannāgato hoti, na paraṃ asekkhe vimuttiñāṇadassanakkhandhe samādapetā – imehi kho, bhikkhave, pañcahaṅgehi samannāgatena bhikkhunā na upasampādetabbaṃ, na nissayo dātabbo, na sāmaṇero upaṭṭhāpetabbo.

“Pañcahi, bhikkhave, aṅgehi samannāgatena bhikkhunā upasampādetabbaṃ, nissayo dātabbo, sāmaṇero upaṭṭhāpetabbo. Attanā asekkhena sīlakkhandhena samannāgato hoti, paraṃ asekkhe sīlakkhandhe samādapetā; attanā asekkhena samādhikkhandhena samannāgato hoti, paraṃ asekkhe samādhikkhandhe samādapetā; attanā asekkhena paññākkhandhena samannāgato hoti, paraṃ asekkhe paññākkhandhe samādapetā; attanā asekkhena vimuttikkhandhena samannāgato hoti, paraṃ asekkhe vimuttikkhandhe samādapetā; attanā asekkhena vimuttiñāṇadassanakkhandhena samannāgato hoti, paraṃ asekkhe vimuttiñāṇadassanakkhandhe samādapetā – imehi kho, bhikkhave, pañcahaṅgehi samannāgatena bhikkhunā upasampādetabbaṃ, nissayo dātabbo, sāmaṇero upaṭṭhāpetabbo.

“Aparehipi, bhikkhave, pañcahaṅgehi samannāgatena bhikkhunā na upasampādetabbaṃ, na nissayo dātabbo, na sāmaṇero upaṭṭhāpetabbo. Assaddho hoti, ahiriko hoti, anottappī hoti, kusīto hoti, muṭṭhassati hoti – imehi kho, bhikkhave, pañcahaṅgehi samannāgatena bhikkhunā na upasampādetabbaṃ, na nissayo dātabbo, na sāmaṇero upaṭṭhāpetabbo.

“Pañcahi, bhikkhave, aṅgehi samannāgatena bhikkhunā upasampādetabbaṃ, nissayo dātabbo, sāmaṇero upaṭṭhāpetabbo. Saddho hoti, hirimā hoti, ottappī hoti, āradhaviṛiyo hoti, upaṭṭhitassati hoti – imehi kho, bhikkhave, pañcahaṅgehi samannāgatena bhikkhunā upasampādetabbaṃ, nissayo dātabbo, sāmaṇero upaṭṭhāpetabbo.

“Aparehipi, bhikkhave, pañcahaṅgehi samannāgatena bhikkhunā na upasampādetabbaṃ, na nissayo dātabbo, na sāmaṇero upaṭṭhāpetabbo. Adhisīle sīlavipanno hoti, ajjhācāre ācāravipanno hoti, atidiṭṭhiyā diṭṭhivipanno hoti, appassuto hoti, duppañño hoti – imehi kho, bhikkhave, pañcahaṅgehi samannāgatena bhikkhunā na upasampādetabbaṃ, na nissayo dātabbo, na sāmaṇero upaṭṭhāpetabbo.

“Pañcahi, bhikkhave, aṅgehi samannāgatena bhikkhunā upasampādetabbaṃ, nissayo dātabbo, sāmaṇero upaṭṭhāpetabbo. Na adhisīle sīlavipanno hoti, na ajjhācāre ācāravipanno hoti, na atidiṭṭhiyā diṭṭhivipanno hoti, bahussuto hoti, paññavā hoti – imehi kho, bhikkhave, pañcahaṅgehi samannāgatena bhikkhunā upasampādetabbaṃ, nissayo dātabbo, sāmaṇero upaṭṭhāpetabbo.

“Aparehipi, bhikkhave, pañcahaṅgehi samannāgatena bhikkhunā na upasampādetabbaṃ, na nissayo dātabbo, na sāmaṇero upaṭṭhāpetabbo. Na paṭibalo hoti antevāsīṃ vā saddhivihāriṃ vā gilānaṃ upaṭṭhātuṃ vā upaṭṭhāpetuṃ vā, anabhirataṃ [anabhiratiṃ (syā.), uppannaṃ anabhiratiṃ (ka.)] vūpakāsetuṃ vā vūpakāsāpetuṃ vā, uppannaṃ kukkuccaṃ dhammato vinodetuṃ [vinodetuṃ vā vinodāpetuṃ vā (sabbattha, vimativinodanī ṭikā oloketabbā)] āpattiṃ na jānāti, āpattiyā vuṭṭhānaṃ na jānāti – imehi kho, bhikkhave, pañcahaṅgehi samannāgatena bhikkhunā na upasampādetabbaṃ, na

nissayo dātabbo, na sāmaṇero upaṭṭhāpetabbo.

“Pañcahi, bhikkhave, aṅgehi samannāgatena bhikkhunā upasampādetabbaṃ, nissayo dātabbo, sāmaṇero upaṭṭhāpetabbo. Paṭibalo hoti antevāsiṃ vā saddhivihāriṃ vā gilānaṃ upaṭṭhātuṃ vā upaṭṭhāpetuṃ vā, anabhirataṃ vūpakāsetuṃ vā vūpakāsāpetuṃ vā, uppannaṃ kukkucçaṃ dhammato vinodetuṃ āpattiṃ jānāti, āpattiyā vuṭṭhānaṃ jānāti – imehi kho, bhikkhave, pañcahaṅgehi samannāgatena bhikkhunā upasampādetabbaṃ, nissayo dātabbo, sāmaṇero upaṭṭhāpetabbo.

“Aparehipi, bhikkhave, pañcahaṅgehi samannāgatena bhikkhunā na upasampādetabbaṃ, na nissayo dātabbo, na sāmaṇero upaṭṭhāpetabbo. Na paṭibalo hoti antevāsiṃ vā saddhivihāriṃ vā abhisamācārikāya sikkhāya sikkhāpetuṃ, ādibrahmacariyakāya sikkhāya vinetuṃ, abhidhamme vinetuṃ, abhivinaye vinetuṃ, uppannaṃ diṭṭhigataṃ dhammato vivecetū – imehi kho, bhikkhave, pañcahaṅgehi samannāgatena bhikkhunā na upasampādetabbaṃ, na nissayo dātabbo, na sāmaṇero upaṭṭhāpetabbo.

“Pañcahi, bhikkhave, aṅgehi samannāgatena bhikkhunā upasampādetabbaṃ, nissayo dātabbo, sāmaṇero upaṭṭhāpetabbo. Paṭibalo hoti antevāsiṃ vā saddhivihāriṃ vā abhisamācārikāya sikkhāya sikkhāpetuṃ, ādibrahmacariyakāya sikkhāya vinetuṃ, abhidhamme vinetuṃ, abhivinaye vinetuṃ, uppannaṃ diṭṭhigataṃ dhammato vivecetū – imehi kho, bhikkhave, pañcahaṅgehi samannāgatena bhikkhunā upasampādetabbaṃ, nissayo dātabbo, sāmaṇero upaṭṭhāpetabbo.

“Aparehipi, bhikkhave, pañcahaṅgehi samannāgatena bhikkhunā na upasampādetabbaṃ, na nissayo dātabbo, na sāmaṇero upaṭṭhāpetabbo. Āpattiṃ na jānāti, anāpattiṃ na jānāti, lahukaṃ āpattiṃ na jānāti, garukaṃ āpattiṃ na jānāti, ubhayāni kho panassa pātimokkhāni vitthārena na svāgatāni honti na suvibhattāni na suppvattīni na suvnicchitāni suttaso anubyañjanaso – imehi kho, bhikkhave, pañcahaṅgehi samannāgatena bhikkhunā na upasampādetabbaṃ, na nissayo dātabbo, na sāmaṇero upaṭṭhāpetabbo.

“Pañcahi, bhikkhave, aṅgehi samannāgatena bhikkhunā upasampādetabbaṃ, nissayo dātabbo, sāmaṇero upaṭṭhāpetabbo. Āpattiṃ jānāti, anāpattiṃ jānāti, lahukaṃ āpattiṃ jānāti, garukaṃ āpattiṃ jānāti, ubhayāni kho panassa pātimokkhāni vitthārena svāgatāni honti suvibhattāni suppvattīni suvnicchitāni suttaso anubyañjanaso – imehi kho, bhikkhave, pañcahaṅgehi samannāgatena bhikkhunā upasampādetabbaṃ, nissayo dātabbo, sāmaṇero upaṭṭhāpetabbo.

“Aparehipi, bhikkhave, pañcahaṅgehi samannāgatena bhikkhunā na upasampādetabbaṃ, na nissayo dātabbo, na sāmaṇero upaṭṭhāpetabbo. Āpattiṃ na jānāti, anāpattiṃ na jānāti, lahukaṃ āpattiṃ na jānāti, garukaṃ āpattiṃ na jānāti, ūnadasavasso hoti – imehi kho, bhikkhave, pañcahaṅgehi samannāgatena bhikkhunā na upasampādetabbaṃ, na nissayo dātabbo, na sāmaṇero upaṭṭhāpetabbo.

“Pañcahi, bhikkhave, aṅgehi samannāgatena bhikkhunā upasampādetabbaṃ, nissayo dātabbo, sāmaṇero upaṭṭhāpetabbo. Āpattiṃ jānāti, anāpattiṃ jānāti, lahukaṃ āpattiṃ jānāti, garukaṃ āpattiṃ jānāti, dasavasso vā hoti atirekadasavasso vā – imehi kho, bhikkhave, pañcahaṅgehi samannāgatena bhikkhunā upasampādetabbaṃ, nissayo dātabbo, sāmaṇero upaṭṭhāpetabbo”’ti.

Upasampādetabbapañcakaṃ niṭṭhitam.

24. Upasampādetabbachakkaṃ

85. “Chahi, bhikkhave, aṅgehi samannāgatena bhikkhunā na upasampādetabbaṃ, na nissayo dātabbo, na sāmaṇero upaṭṭhāpetabbo. Na asekkhena sīlakkhandhena samannāgato hoti, na asekkhena samādhiikkhandhena samannāgato hoti, na asekkhena paññākkhandhena samannāgato hoti, na asekkhena

vimuttikkhandhena samannāgato hoti, na asekkhena vimuttiñāṇadassanakkhandhena samannāgato hoti, ūnadasavasso hoti – imehi kho, bhikkhave, chahaṅgehi samannāgatena bhikkhunā na upasampādetabbaṃ, na nissayo dātabbo, na sāmaṇero upaṭṭhāpetabbo.

“Chahi, bhikkhave, aṅgehi samannāgatena bhikkhunā upasampādetabbaṃ, nissayo dātabbo, sāmaṇero upaṭṭhāpetabbo. Asekkhena sīlakkhandhena samannāgato hoti, asekkhena samādhikkhandhena samannāgato hoti, asekkhena paññākkhandhena samannāgato hoti, asekkhena vimuttikkhandhena samannāgato hoti, asekkhena vimuttiñāṇadassanakkhandhena samannāgato hoti, dasavasso vā hoti atirekadasavasso vā – imehi kho, bhikkhave, chahaṅgehi samannāgatena bhikkhunā upasampādetabbaṃ, nissayo dātabbo, sāmaṇero upaṭṭhāpetabbo.

“Aparehipi, bhikkhave, chahaṅgehi samannāgatena bhikkhunā na upasampādetabbaṃ, na nissayo dātabbo, na sāmaṇero upaṭṭhāpetabbo. Attanā na asekkhena sīlakkhandhena samannāgato hoti, na paraṃ asekkhe sīlakkhandhe samādapetā; attanā na asekkhena samādhikkhandhena samannāgato hoti, na paraṃ asekkhe samādhikkhandhe samādapetā; attanā na asekkhena paññākkhandhena samannāgato hoti, na paraṃ asekkhe paññākkhandhe samādapetā; attanā na asekkhena vimuttikkhandhena samannāgato hoti, na paraṃ asekkhe vimuttikkhandhe samādapetā; attanā na asekkhena vimuttiñāṇadassanakkhandhena samannāgato hoti, na paraṃ asekkhe vimuttiñāṇadassanakkhandhe samādapetā; ūnadasavasso hoti – imehi kho, bhikkhave, chahaṅgehi samannāgatena bhikkhunā na upasampādetabbaṃ, na nissayo dātabbo, na sāmaṇero upaṭṭhāpetabbo.

“Chahi, bhikkhave, aṅgehi samannāgatena bhikkhunā upasampādetabbaṃ, nissayo dātabbo, sāmaṇero upaṭṭhāpetabbo. Attanā asekkhena sīlakkhandhena samannāgato hoti, paraṃ asekkhe sīlakkhandhe samādapetā attanā asekkhena samādhikkhandhena samannāgato hoti, paraṃ asekkhe samādhikkhandhe samādapetā. Attanā asekkhena paññākkhandhena samannāgato hoti, paraṃ asekkhe paññākkhandhe samādapetā. Attanā asekkhena vimuttikkhandhena samannāgato hoti, paraṃ asekkhe vimuttikkhandhe samādapetā. Attanā asekkhena vimuttiñāṇadassanakkhandhena samannāgato hoti, paraṃ asekkhe vimuttiñāṇadassanakkhandhe samādapetā; dasavasso vā hoti atirekadasavasso vā – imehi kho, bhikkhave, chahaṅgehi samannāgatena bhikkhunā upasampādetabbaṃ, nissayo dātabbo, sāmaṇero upaṭṭhāpetabbo.

“Aparehipi, bhikkhave, chahaṅgehi samannāgatena bhikkhunā na upasampādetabbaṃ, na nissayo dātabbo, na sāmaṇero upaṭṭhāpetabbo. Assaddho hoti, ahiriko hoti, anottappī hoti, kusīto hoti, muṭṭhassati hoti, ūnadasavasso hoti – imehi kho, bhikkhave, chahaṅgehi samannāgatena bhikkhunā na upasampādetabbaṃ, na nissayo dātabbo, na sāmaṇero upaṭṭhāpetabbo.

“Chahi, bhikkhave, aṅgehi samannāgatena bhikkhunā upasampādetabbaṃ, nissayo dātabbo, sāmaṇero upaṭṭhāpetabbo. Saddho hoti, hirimā hoti, ottappī hoti, āradhāvīriyo hoti, upaṭṭhitassati hoti, dasavasso vā hoti atirekadasavasso vā – imehi kho, bhikkhave, chahaṅgehi samannāgatena bhikkhunā upasampādetabbaṃ, nissayo dātabbo, sāmaṇero upaṭṭhāpetabbo.

“Aparehipi, bhikkhave, chahaṅgehi samannāgatena bhikkhunā na upasampādetabbaṃ, na nissayo dātabbo, na sāmaṇero upaṭṭhāpetabbo. Adhisīle sīlavipanno hoti, ajjhācāre ācāravipanno hoti, atidiṭṭhiyā diṭṭhivipanno hoti, appassuto hoti, duppañño hoti, ūnadasavasso hoti – imehi kho, bhikkhave, chahaṅgehi samannāgatena bhikkhunā na upasampādetabbaṃ, na nissayo dātabbo, na sāmaṇero upaṭṭhāpetabbo.

“Chahi, bhikkhave, aṅgehi samannāgatena bhikkhunā upasampādetabbaṃ, nissayo dātabbo, sāmaṇero upaṭṭhāpetabbo. Na adhisīle sīlavipanno hoti, na ajjhācāre ācāravipanno hoti, na atidiṭṭhiyā diṭṭhivipanno hoti, bahussuto hoti, paññavā hoti, dasavasso vā hoti atirekadasavasso vā – imehi kho, bhikkhave, chahaṅgehi samannāgatena bhikkhunā upasampādetabbaṃ, nissayo dātabbo, sāmaṇero

upaṭṭhāpetabbo.

“Aparehipi, bhikkhave, chahaṅgehi samannāgatena bhikkhunā na upasampādetabbaṃ, na nissayo dātabbo, na sāmaṇero upaṭṭhāpetabbo. Na paṭibalo hoti antevāsiṃ vā saddhivihāriṃ vā gilānaṃ upaṭṭhātuṃ vā upaṭṭhāpetuṃ vā, anabhirataṃ vūpakāsetuṃ vā vūpakāsāpetuṃ vā, uppannaṃ kukkucçaṃ dhammato vinodetuṃ, āpattiṃ na jānāti, āpattiyā vuṭṭhānaṃ na jānāti, ūnadasavasso hoti – imehi kho, bhikkhave, chahaṅgehi samannāgatena bhikkhunā na upasampādetabbaṃ, na nissayo dātabbo, na sāmaṇero upaṭṭhāpetabbo.

“Chahi, bhikkhave, aṅgehi samannāgatena bhikkhunā upasampādetabbaṃ, nissayo dātabbo, sāmaṇero upaṭṭhāpetabbo. Paṭibalo hoti antevāsiṃ vā saddhivihāriṃ vā gilānaṃ upaṭṭhātuṃ vā upaṭṭhāpetuṃ vā, anabhirataṃ vūpakāsetuṃ vā vūpakāsāpetuṃ vā, uppannaṃ kukkucçaṃ dhammato vinodetuṃ, āpattiṃ jānāti, āpattiyā vuṭṭhānaṃ jānāti, dasavasso vā hoti atirekadasavasso vā – imehi kho, bhikkhave, chahaṅgehi samannāgatena bhikkhunā upasampādetabbaṃ, nissayo dātabbo, sāmaṇero upaṭṭhāpetabbo.

“Aparehipi, bhikkhave, chahaṅgehi samannāgatena bhikkhunā na upasampādetabbaṃ, na nissayo dātabbo, na sāmaṇero upaṭṭhāpetabbo. Na paṭibalo hoti antevāsiṃ vā saddhivihāriṃ vā abhisamācārikāya sikkhāya sikkhāpetuṃ, ādibrahmacariyakāya sikkhāya vinetuṃ, abhidhamme vinetuṃ, abhivinaye vinetuṃ, uppannaṃ diṭṭhigataṃ dhammato vivecetū, ūnadasavasso hoti – imehi kho, bhikkhave, chahaṅgehi samannāgatena bhikkhunā na upasampādetabbaṃ, na nissayo dātabbo, na sāmaṇero upaṭṭhāpetabbo.

“Chahi, bhikkhave, aṅgehi samannāgatena bhikkhunā upasampādetabbaṃ, nissayo dātabbo, sāmaṇero upaṭṭhāpetabbo. Paṭibalo hoti antevāsiṃ vā saddhivihāriṃ vā abhisamācārikāya sikkhāya sikkhāpetuṃ ādibrahmacariyakāya sikkhāya vinetuṃ, abhidhamme vinetuṃ, abhivinaye vinetuṃ, uppannaṃ diṭṭhigataṃ dhammato vivecetū, dasavasso vā hoti atirekadasavasso vā – imehi kho, bhikkhave, chahaṅgehi samannāgatena bhikkhunā upasampādetabbaṃ, nissayo dātabbo, sāmaṇero upaṭṭhāpetabbo.

“Aparehipi, bhikkhave, chahaṅgehi samannāgatena bhikkhunā na upasampādetabbaṃ, na nissayo dātabbo, na sāmaṇero upaṭṭhāpetabbo. Āpattiṃ na jānāti, anāpattiṃ na jānāti, lahukaṃ āpattiṃ na jānāti, garukaṃ āpattiṃ na jānāti, ubhayāni kho panassa pātimokkhāni vitthārena na svāgatāni honti na suvibhattāni na suppvattīni na suvinicchitāni suttaso anubyañjanaso, ūnadasavasso hoti – imehi kho, bhikkhave, chahaṅgehi samannāgatena bhikkhunā na upasampādetabbaṃ, na nissayo dātabbo, na sāmaṇero upaṭṭhāpetabbo.

“Chahi, bhikkhave, aṅgehi samannāgatena bhikkhunā upasampādetabbaṃ, nissayo dātabbo, sāmaṇero upaṭṭhāpetabbo. Āpattiṃ jānāti, anāpattiṃ jānāti, lahukaṃ āpattiṃ jānāti, garukaṃ āpattiṃ jānāti, ubhayāni kho panassa pātimokkhāni vitthārena svāgatāni honti suvibhattāni suppvattīni suvinicchitāni suttaso anubyañjanaso, dasavasso vā hoti atirekadasavasso vā – imehi kho, bhikkhave, chahaṅgehi samannāgatena bhikkhunā upasampādetabbaṃ, nissayo dātabbo, sāmaṇero upaṭṭhāpetabbo”ti.

Upasampādetabbachakkaṃ niṭṭhitam.

25. Aññatitthiyapubbakathā

86. Tena kho pana samayena yo so aññatitthiyapubbo [yo so pasuraparibbājako aññatitthiyapubbo (ka.)] pajjhāyena sahadhammikaṃ vuccamāno upajjhāyassa vādaṃ āropetvā taṃyeva titthāyatanam saṅkami. So puna paccāgantvā bhikkhū upasampadam yāci. Bhikkhū bhagavato etamattham ārocesuṃ.

Yo so, bhikkhave, aññatitthiyapubbo upajjhāyena sahadhammikaṃ vuccamāno upajjhāyassa vādaṃ āropetvā taṃyeva titthāyatanam saṅkanto, so āgato na upasampādetabbo. Yo so, bhikkhave, aññopi aññatitthiyapubbo imasmiṃ dhammavinaye ākaṅkhati pabbajjam, ākaṅkhati upasampadam, tassa cattāro māse parivāso dātabbo. Evañca pana, bhikkhave, dātabbo – paṭhamaṃ kesamassuṃ ohārāpetvā kāsāyāni vatthāni acchādāpetvā ekaṃsaṃ uttarāsaṅgaṃ kārāpetvā bhikkhūnaṃ pāde vandāpetvā ukkuṭikaṃ nisīdāpetvā añjaliṃ paggaṇhāpetvā evaṃ vadehīti vattabbo – “buddhaṃ saraṇaṃ gacchāmi, dhammaṃ saraṇaṃ gacchāmi, saṅghaṃ saraṇaṃ gacchāmi; dutiyampi buddhaṃ saraṇaṃ gacchāmi, dutiyampi dhammaṃ saraṇaṃ gacchāmi, dutiyampi saṅghaṃ saraṇaṃ gacchāmi; tatiyampi buddhaṃ saraṇaṃ gacchāmi, tatiyampi dhammaṃ saraṇaṃ gacchāmi, tatiyampi saṅghaṃ saraṇaṃ gacchāmi”ti.

Tena, bhikkhave, aññatitthiyapubbena saṅghaṃ upasaṅkamtivā ekaṃsaṃ uttarāsaṅgaṃ karitvā bhikkhūnaṃ pāde vanditvā ukkuṭikaṃ nisīditvā añjaliṃ paggaṇhetvā evamassa vacanīyo – “ahaṃ, bhante, aññatitthiyapubbo imasmiṃ dhammavinaye ākaṅkhāmi upasampadam. Sohaṃ, bhante, saṅghaṃ cattāro māse parivāsaṃ yācāmi”ti. Dutiyampi yācitabbo. Tatiyampi yācitabbo. Byattena bhikkhūnā paṭibalena saṅgho ñāpetabbo –

“Suṇātu me, bhante, saṅgho. Ayaṃ itthannāmo aññatitthiyapubbo imasmiṃ dhammavinaye ākaṅkhati upasampadam. So saṅghaṃ cattāro māse parivāsaṃ yācati. Yadi saṅghassa pattakallaṃ saṅgho itthannāmassa aññatitthiyapubbassa cattāro māse parivāsaṃ dadeyya. Esā ñatti.

“Suṇātu me, bhante, saṅgho. Ayaṃ itthannāmo aññatitthiyapubbo imasmiṃ dhammavinaye ākaṅkhati upasampadam. So saṅghaṃ cattāro māse parivāsaṃ yācati. Saṅgho itthannāmassa aññatitthiyapubbassa cattāro māse parivāsaṃ deti. Yassāyasmato khamati itthannāmassa aññatitthiyapubbassa cattāro māse parivāsassa dānaṃ, so tuṅhassa; yassa nakkhamati, so bhāseyya.

“Dinno saṅghena itthannāmassa aññatitthiyapubbassa cattāro māse parivāso. Khamati saṅghassa, tasmā tuṅhī, evametam dhārayāmi”ti.

87. “Evaṃ kho, bhikkhave, aññatitthiyapubbo anārādhako hoti, evaṃ anārādhako. Kathañca, bhikkhave, aññatitthiyapubbo anārādhako hoti? Idha, bhikkhave, aññatitthiyapubbo atikālena gāmaṃ pavisati, atidivā paṭikkamati. Evampi, bhikkhave, aññatitthiyapubbo anārādhako hoti.

“Puna caparaṃ, bhikkhave, aññatitthiyapubbo vesiyāgocaro vā hoti, vidhavāgocaro vā hoti, thullakumārikāgocaro vā hoti, paṇḍakagocaro vā hoti, bhikkhunigocaro vā hoti. Evampi, bhikkhave, aññatitthiyapubbo anārādhako hoti.

“Puna caparaṃ, bhikkhave, aññatitthiyapubbo yāni tāni sabrahmacārīnaṃ uccāvacaṇi karaṇīyāni, tattha na dakkho hoti, na analaso, na tatrūpāyāya vīmaṃsāya samannāgato, na alaṃ kātum, na alaṃ saṃvidhātum. Evampi, bhikkhave, aññatitthiyapubbo anārādhako hoti.

“Puna caparaṃ, bhikkhave, aññatitthiyapubbo na tibbacchando hoti uddese, paripucchāya, adhisīle, adhicitte, adhipaññāya. Evampi, bhikkhave, aññatitthiyapubbo anārādhako hoti.

“Puna caparaṃ, bhikkhave, aññatitthiyapubbo yassa titthāyatanā saṅkanto hoti, tassa satthuno tassa diṭṭhiyā tassa khantiyā tassa ruciyā tassa ādāyassa avaṇṇe bhaññamāne kupito hoti anattamano anabhiraddho, buddhassa vā dhammassa vā saṅghassa vā avaṇṇe bhaññamāne attamano hoti udaggo abhiraddho. Yassa vā pana titthāyatanā saṅkanto hoti, tassa satthuno tassa diṭṭhiyā tassa khantiyā tassa ruciyā tassa ādāyassa vaṇṇe bhaññamāne attamano hoti udaggo abhiraddho, buddhassa vā dhammassa vā saṅghassa vā vaṇṇe bhaññamāne kupito hoti anattamano anabhiraddho. Idam, bhikkhave, saṅghātanikaṃ aññatitthiyapubbassa anārādhaniyasmim. Evampi kho, bhikkhave, aññatitthiyapubbo anārādhako hoti. Evaṃ anārādhako kho, bhikkhave, aññatitthiyapubbo āgato na upasampādetabbo.

“Kathañca, bhikkhave, aññatitthiyapubbo ārādhako hoti? Idha, bhikkhave, aññatitthiyapubbo nātikālena gāmaṃ pavisati nātidivā paṭikkamati. Evampi, bhikkhave, aññatitthiyapubbo ārādhako hoti.

“Puna caparaṃ, bhikkhave, aññatitthiyapubbo na vesiyāgocaro hoti, na vidhavāgocaro hoti, na thullakumārikāgocaro hoti, na paṇḍakagocaro hoti, na bhikkhunigocaro hoti. Evampi, bhikkhave, aññatitthiyapubbo ārādhako hoti.

“Puna caparaṃ, bhikkhave, aññatitthiyapubbo yāni tāni sabrahmacārīnaṃ uccāvacāni karaṇīyāni, tattha dakkho hoti, analaso, tatrūpāyāya vīmaṃsāya samannāgato, alaṃ kātuṃ, alaṃ saṃvidhātuṃ. Evampi, bhikkhave, aññatitthiyapubbo ārādhako hoti.

“Puna caparaṃ, bhikkhave, aññatitthiyapubbo tibbacchando hoti uddese, paripucchāya, adhisīle, adhicitte, adhipaññāya. Evampi, bhikkhave, aññatitthiyapubbo ārādhako hoti.

“Puna caparaṃ, bhikkhave, aññatitthiyapubbo yassa titthāyatanā saṅkanto hoti, tassa sathuno tassa diṭṭhiyā tassa khantiyā tassa ruciyā tassa ādāyassa avaṇṇe bhaññamāne attamano hoti udaggo abhiraddho, buddhassa vā dhammassa vā saṅghassa vā avaṇṇe bhaññamāne kupīto hoti anattamano anabhiraddho. Yassa vā pana titthāyatanā saṅkanto hoti, tassa sathuno tassa diṭṭhiyā tassa khantiyā tassa ruciyā tassa ādāyassa vaṇṇe bhaññamāne kupīto hoti anattamano anabhiraddho, buddhassa vā dhammassa vā saṅghassa vā vaṇṇe bhaññamāne attamano hoti udaggo abhiraddho. Idam, bhikkhave, saṅghātanikaṃ aññatitthiyapubbassa ārādhaniyasmim. Evampi kho, bhikkhave, aññatitthiyapubbo ārādhako hoti. Evaṃ ārādhako kho, bhikkhave, aññatitthiyapubbo āgato upasampādetabbo.

“Sace, bhikkhave, aññatitthiyapubbo naggo āgacchati, upajjhāyamūlakaṃ cīvaraṃ pariyesitabbaṃ. Sace acchinnakeso āgacchati, saṅgho apaloketabbo bhaṇḍukammāya. Ye te, bhikkhave, aggikā jaṭṭilakā, te āgatā upasampādetabbā, na tesam parivāso dātabbo. Taṃ kissa hetu? Kammavādino ete, bhikkhave, kiriyavādino. Sace, bhikkhave, jātiyā sākiyo aññatitthiyapubbo āgacchati, so āgato upasampādetabbo, na tassa parivāso dātabbo. Imāhaṃ, bhikkhave, ñātīnaṃ āveṇikaṃ parihāraṃ dammi”ti.

Aññatitthiyapubbakathā niṭṭhitā.

Sattamabhāṇavāro.

26. Pañcābādhavattu

88. Tena kho pana samayena magadhesu pañca ābādhā ussannā honti – kuṭṭham, gaṇḍo, kilāso, soso, apamāro. Manussā pañcahi ābādhehi phuṭṭhā jīvakaṃ komārabhaccaṃ upasaṅkamitvā evaṃ vadanti – “sādhu no, ācariya, tikicchāhī”ti. “Ahaṃ khvayyo, bahukicco bahukaraṇīyo; rājā ca me māgadho seniyo bimbisāro upaṭṭhātabbo itthāgārañca buddhappamukho ca bhikkhusaṅgho; nāhaṃ sakkomi tikicchitu”nti. “Sabbam sāpateyyaṅca te, ācariya, hotu; mayaṅca te dāsā; sādhu, no, ācariya, tikicchāhī”ti. “Ahaṃ khvayyo, bahukicco bahukaraṇīyo rājā ca me māgadho seniyo bimbisāro upaṭṭhātabbo itthāgārañca buddhappamukho ca bhikkhusaṅgho; nāhaṃ sakkomi tikicchitu”nti. Atha kho tesam manussānaṃ etadahosi – “ime kho samaṇā sakyaputtiyā sukhasīlā sukhasamācārā, subhojanāni bhunṅitvā nivātesu sayanesu sayanti. Yaṃnūna mayaṃ samaṇesu sakyaputtiyesu pabbajeyyāma. Tattha bhikkhū ceva upaṭṭhahissanti, jīvako ca komārabhacco tikicchissati”ti. Atha kho te manussā bhikkhū upasaṅkamitvā pabbajjaṃ yāciṃsu. Te bhikkhū pabbājesuṃ, upasampādesuṃ. Te bhikkhū ceva upaṭṭhahiṃsu jīvako ca komārabhacco tikicchi. Tena kho pana samayena bhikkhū bahū gilāne bhikkhū upaṭṭhahantā yācanabahulā viññattibahulā viharanti – gilānabhattaṃ detha, gilānupaṭṭhākabhattaṃ detha, gilānabhesajjaṃ dethāti. Jivakopi komārabhacco bahū gilāne bhikkhū tikicchanto aññataraṃ rājakkiccam parihāpesi.

89. Aññataropi puriso pañcahi ābādhehi phuṭṭho jīvakaṃ komārabhaccaṃ upasaṅkamtivā etadavoca – “sādhu maṃ, ācariya, tikicchāhī”ti. “Ahaṃ khvayyo, bahukicco, bahukaraṇīyo, rājā ca me māgadho seniyo bimbisāro upaṭṭhātabbo itthāgāraṇca buddhappamukho ca bhikkhusaṅgho; nāhaṃ sakkomi tikicchitu”nti. “Sabbam sāpateyyaṇca te, ācariya, hotu, ahaṇca te dāso; sādhu maṃ, ācariya, tikicchāhī”ti. “Ahaṃ khvayyo, bahukicco bahukaraṇīyo, rājā ca me māgadho seniyo bimbisāro upaṭṭhātabbo itthāgāraṇca buddhappamukho ca bhikkhusaṅgho, nāhaṃ sakkomi tikicchitu”nti. Atha kho tassa purisassa etadahosi – “ime kho samaṇā sakyaputtīyā sukhasīlā sukhasamācārā, subhojanāni bhujjivā nivātesu sayanesu sayanti. Yaṃnūnāhaṃ samaṇesu sakyaputtīyesu pabbajeyyaṃ. Tattha bhikkhū ceva upaṭṭhahissanti, jīvako ca komārabhacco tikicchissati. Somhi [sohaṃ (bahūsu, vimativinodaniṭṭikā oloketabbā)] arogo vibbhamissāmi”ti. Atha kho so puriso bhikkhu upasaṅkamtivā pabbajjaṃ yāci. Taṃ bhikkhū pabbājesuṃ, upasampādesuṃ. Taṃ bhikkhū ceva upaṭṭhahimsu, jīvako ca komārabhacco tikicchi. So arogo vibbhami. Addasā kho jīvako komārabhacco taṃ purisaṃ vibbhantaṃ, disvāna taṃ purisaṃ etadavoca – “nanu tvam, ayyo, bhikkhūsu pabbajito aho”ti? “Evaṃ, ācariyā”ti. “Kissa pana tvam, ayyo, evarūpamakāsi”ti? Atha kho so puriso jīvakassa komārabhaccassa etamatthaṃ ārocesi. Jīvako komārabhacco ujjhāyati khiyyati vipāceti – “kathaṇhi nāma bhaddantā [bhaddantā (ka.)] pañcahi ābādhehi phuṭṭhaṃ pabbājessanti”ti. Atha kho jīvako komārabhacco yena bhagavā tenupasaṅkami, upasaṅkamtivā bhagavantaṃ abhivādetvā ekamantaṃ nisīdi. Ekamantaṃ nisinna kho jīvako komārabhacco bhagavantaṃ etadavoca – “sādhu, bhante, ayyā pañcahi ābādhehi phuṭṭhaṃ na pabbājeyyu”nti. Atha kho bhagavā jīvakaṃ komārabhaccaṃ dhammiyā kathāya sandassesī samādapesī samuttejesī sampahaṃsesī. Atha kho jīvako komārabhacco bhagavatā dhammiyā kathāya sandassito samādapito samuttejito sampahaṃsito utthāyāsanaṃ bhagavantaṃ abhivādetvā padakkhiṇaṃ katvā pakkāmi. Atha kho bhagavā etasmiṃ nidāne etasmiṃ pakaraṇe dhammiṃ kathaṃ katvā bhikkhū āmantesī – “na, bhikkhave, pañcahi ābādhehi phuṭṭho pabbājetabbo. Yo pabbājeyya, āpatti dukkaṭassa”ti.

Pañcābādhavatthu niṭṭhitaṃ.

27. Rājabhāṭavatthu

90. Tena kho pana samayena rañño māgadhasa seniyassa bimbisārassa paccanto kupito hoti. Atha kho rājā māgadho seniyo bimbisāro senānāyake mahāmatte āṇāpesī – “gacchatha, bhāṇe, paccantaṃ uccinathā”ti. “Evaṃ, devā”ti kho senānāyakā mahāmattā rañño māgadhasa seniyassa bimbisārassa paccassosuṃ. Atha kho abhiññātānaṃ abhiññātānaṃ yodhānaṃ etadahosi – “mayaṃ kho yuddhābhinandino gacchantā pāpaṇca karoma, bahuṇca apuññaṃ pasavāma. Kena nu kho mayaṃ upāyena pāpā ca virameyyāma kalyāṇaṇca kareyyāma”ti? Atha kho tesam yodhānaṃ etadahosi – “ime kho samaṇā sakyaputtīyā dhammacārino samacārino brahmacārino saccavādino sīlavanto kalyāṇadhammā. Sace kho mayaṃ samaṇesu sakyaputtīyesu pabbajeyyāma, evaṃ mayaṃ pāpā ca virameyyāma kalyāṇaṇca kareyyāma”ti. Atha kho te yodhā bhikkhū upasaṅkamtivā pabbajjaṃ yāciṃsu. Te bhikkhū pabbājesuṃ, upasampādesuṃ. Senānāyakā mahāmattā rājabhāṭe pucchīsu – “kiṃ nu kho, bhāṇe, itthannāmo ca itthannāmo ca yodhā na dissanti”ti? “Itthannāmo ca itthannāmo ca, sāmi, yodhā bhikkhūsu pabbajitā”ti. Senānāyakā mahāmattā ujjhāyanti khiyyanti vipācenti – “kathaṇhi nāma samaṇā sakyaputtīyā rājabhāṭaṃ pabbājessanti”ti. Senānāyakā mahāmattā rañño māgadhasa seniyassa bimbisārassa etamatthaṃ ārocesuṃ. Atha kho rājā māgadho seniyo bimbisāro vohārike mahāmatte pucchi – “yo, bhāṇe, rājabhāṭaṃ pabbājeti, kiṃ so pasavati”ti? “Upajjhāyassa, deva, sīsaṃ chetabbaṃ, anussāvakassa [anusāvakassa (ka.)] jivhā uddharitabbā, gaṇassa upaḍḍhaphāsukā bhañjitabbā”ti. Atha kho rājā māgadho seniyo bimbisāro yena bhagavā tenupasaṅkami, upasaṅkamtivā bhagavantaṃ abhivādetvā ekamantaṃ nisīdi. Ekamantaṃ nisinna kho rājā māgadho seniyo bimbisāro bhagavantaṃ etadavoca – “santi, bhante, rājāno assaddhā appasannā. Te appamattakenapi bhikkhū viheṭheyyaṃ. Sādhu, bhante, ayyā rājabhāṭaṃ na pabbājeyyu”nti. Atha kho bhagavā rājānaṃ māgadhaṃ seniyaṃ bimbisāraṃ dhammiyā kathāya sandassesī samādapesī samuttejesī sampahaṃsesī. Atha kho rājā māgadho seniyo bimbisāro bhagavatā dhammiyā kathāya sandassito samādapito samuttejito

sampahaṃsito uṭṭhāyāsanā bhagavantam abhivādetvā padakkhiṇam katvā pakkāmi. Atha kho bhagavā etasmiṃ nidāne etasmiṃ pakaraṇe dhammiṃ katham katvā bhikkhū āmantesi – “na, bhikkhave, rājabhaṭo pabbājetabbo. Yo pabbājeyya, āpatti dukkaṭassā”ti.

Rājabhaṭavattu niṭṭhitam.

28. Aṅgulimālacoravatthu

91. Tena kho pana samayena coro aṅgulimālo bhikkhūsu pabbajito hoti. Manussā passitvā ubbijjantipi, uttasantipi, palāyantipi, aññenapi gacchanti, aññenapi mukham karonti, dvārampi thakenti. Manussā ujjhāyanti khiyyanti vipācenti – “kathañhi nāma samaṇā sakyaputtiyā dhajabandham coram pabbājessantī”ti. Assosum kho bhikkhū tesam manussānam ujjhāyantānam khiyyantānam vipācentānam. Atha kho te bhikkhū bhagavato etamattham ārocesum...pe... na, bhikkhave, dhajabandho coro pabbājetabbo. Yo pabbājeyya, āpatti dukkaṭassāti.

Aṅgulimālacoravatthu niṭṭhitam.

29. Kārabhedakacoravatthu

92. Tena kho pana samayena raññā māgadhena seniyena bimbisārena anuññātam hoti – “ye samaṇesu sakyaputtiyesu pabbajanti, na te labbhā kiñci kātum; svākkhāto dhammo, carantu brahmacariyam sammā dukkhassa antakiriyyāyā”ti. Tena kho pana samayena aññataro puriso corikam katvā kārāya baddho hoti. So kāram bhinditvā palāyitvā bhikkhūsu pabbajito hoti. Manussā passitvā evamāhaṃsu – “ayaṃ so kārabhedako coro. Handa, naṃ nemā”ti. Ekacce evamāhaṃsu – “māyyo, evaṃ avacuttha. Anuññātam raññā māgadhena seniyena bimbisārena – “ye samaṇesu sakyaputtiyesu pabbajanti, na te labbhā kiñci kātum; svākkhāto dhammo, carantu brahmacariyam sammā dukkhassa antakiriyyāyā”ti. Manussā ujjhāyanti khiyyanti vipācenti – “abhayūvarā ime samaṇā sakyaputtiyā, nayime labbhā kiñci kātum. Kathañhi nāma samaṇā sakyaputtiyā kārabhedakam coram pabbājessantī”ti. Bhagavato etamattham ārocesum. Na, bhikkhave, kārabhedako coro pabbājetabbo. Yo pabbājeyya, āpatti dukkaṭassāti.

Kārabhedakacoravatthu niṭṭhitam.

30. Likhitakacoravatthu

93. Tena kho pana samayena aññataro puriso corikam katvā palāyitvā bhikkhūsu pabbajito hoti. So ca rañño antepure likhito hoti – yattha passati, tattha hantabboti. Manussā passitvā evamāhaṃsu – “ayaṃ so likhitako coro. Handa, naṃ hanāmā”ti. Ekacce evamāhaṃsu – “māyyo, evaṃ avacuttha. Anuññātam raññā māgadhena seniyena bimbisārena “ye samaṇesu sakyaputtiyesu pabbajanti, na te labbhā kiñci kātum, svākkhāto dhammo, carantu brahmacariyam sammā dukkhassa antakiriyyāyā”ti. Manussā ujjhāyanti khiyyanti vipācenti – “abhayūvarā ime samaṇā sakyaputtiyā, nayime labbhā kiñci kātum. Kathañhi nāma samaṇā sakyaputtiyā likhitakam coram pabbājessantī”ti. Bhagavato etamattham ārocesum. Na, bhikkhave, likhitako coro pabbājetabbo. Yo pabbājeyya, āpatti dukkaṭassāti.

Likhitakacoravatthu niṭṭhitam.

31. Kasāhatavatthu

94. Tena kho pana samayena aññataro puriso kasāhato katadaṇḍakammo bhikkhūsu pabbajito hoti. Manussā ujjhāyanti khiyyanti vipācenti – “kathañhi nāma samaṇā sakyaputtiyā kasāhatam katadaṇḍakammam pabbājessantī”ti. Bhagavato etamattham ārocesum. Na, bhikkhave, kasāhato

katadaṇḍakammo pabbājetabbo. Yo pabbājeyya, āpatti dukkaṭassāti.

Kasāhatavatthu niṭṭhitam.

32. Lakkhaṇāhatavatthu

95. Tena kho pana samayena aññataro puriso lakkhaṇāhato katadaṇḍakammo bhikkhūsu pabbajito hoti. Manussā ujjhāyanti khiyyanti vipācenti – “kathañhi nāma samaṇā sakyaputtiyā lakkhaṇāhatam katadaṇḍakammam pabbājessanti”ti. Bhagavato etamattam ārocesum. Na, bhikkhave, lakkhaṇāhato katadaṇḍakammo pabbājetabbo. Yo pabbājeyya, āpatti dukkaṭassāti.

Lakkhaṇāhatavatthu niṭṭhitam.

33. Ināyikavatthu

96. Tena kho pana samayena aññataro puriso ināyiko palāyivā bhikkhūsu pabbajito hoti. Dhaniyā passivā evamāhaṃsu – “ayaṃ so amhākaṃ ināyiko. Handa, naṃ nemā”ti. Ekacce evamāhaṃsu – “māyyo, evaṃ avacuttha. Anuññātam raññā māgadhenā seniyena bimbisārena – “ye samaṇesu sakyaputtiesu pabbajanti, na te labbhā kiñci kātuṃ; svākkhāto dhammo, carantu brahmacariyaṃ sammā dukkhassa antakiriyaṃ”ti. Manussā ujjhāyanti khiyyanti vipācenti – “abhayūvarā ime samaṇā sakyaputtiyā. Nayime labbhā kiñci kātuṃ. Kathañhi nāma samaṇā sakyaputtiyā ināyikaṃ pabbājessanti”ti. Bhagavato etamattam ārocesum. Na, bhikkhave, ināyiko pabbājetabbo. Yo pabbājeyya, āpatti dukkaṭassāti.

Ināyikavatthu niṭṭhitam.

34. Dāsavatthu

97. Tena kho pana samayena aññataro dāso palāyivā bhikkhūsu pabbajito hoti. Ayyakā [ayyikā (ka.), ayirakā (sī.)] passivā evamāhaṃsu – “ayaṃ so amhākaṃ dāso. Handa, naṃ nemā”ti. Ekacce evamāhaṃsu – “māyyo, evaṃ avacuttha, anuññātam raññā māgadhenā seniyena bimbisārena “ye samaṇesu sakyaputtiesu pabbajanti, na te labbhā kiñci kātuṃ, svākkhāto dhammo, carantu brahmacariyaṃ sammā dukkhassa antakiriyaṃ”ti. Manussā ujjhāyanti khiyyanti vipācenti – “abhayūvarā ime samaṇā sakyaputtiyā, nayime labbhā kiñci kātuṃ. Kathañhi nāma samaṇā sakyaputtiyā dāsam pabbājessanti”ti. Bhagavato etamattam ārocesum. Na, bhikkhave, dāso pabbājetabbo. Yo pabbājeyya, āpatti dukkaṭassāti.

Dāsavatthu niṭṭhitam.

35. Kammārabhaṇḍuvatthu

98. Tena kho pana samayena aññataro kammārabhaṇḍu mātāpitūhi saddhiṃ bhaṇḍivā ārāmaṃ gantvā bhikkhūsu pabbajito hoti. Atha kho tassa kammārabhaṇḍussa mātāpitāro taṃ kammārabhaṇḍum vicinantā ārāmaṃ gantvā bhikkhū pucchimsu – “api, bhante, evarūpaṃ dāraṃ passeyyāthā”ti? Bhikkhū ajānaṃyeva āhaṃsu – “na jānāmā”ti, apassaṃyeva āhaṃsu – “na passāmā”ti. Atha kho tassa kammārabhaṇḍussa mātāpitāro taṃ kammārabhaṇḍum vicinantā bhikkhūsu pabbajitaṃ disvā ujjhāyanti khiyyanti vipācenti – “alajjino ime samaṇā sakyaputtiyā, dussilā musāvādino. Jānaṃyeva āhaṃsu – “na jānāmā”ti, passaṃyeva āhaṃsu – “na passāmā”ti. Ayaṃ dāraṃ bhikkhūsu pabbajito”ti. Assosum kho bhikkhū tassa kammārabhaṇḍussa mātāpitūnaṃ ujjhāyantānaṃ khiyyantānaṃ vipācentānaṃ. Atha kho te bhikkhū bhagavato etamattam ārocesum. Anujānāmi, bhikkhave, saṅghaṃ apaloketuṃ bhaṇḍukammāyāti.

Kammārabhaṇḍuvatthu niṭṭhitam.

36. Upālidārakavatthu

99. [idam vatthu pāci. 402 ādayo] Tena kho pana samayena rājagahe sattarasavaggiyā dārakā sahāyakā honti. Upālidārako tesam pāmokkho hoti. Atha kho upālissa mātāpitūnaṃ etadahosi – “kena nu kho upāyena upāli amhākaṃ accayena sukhañca jīveyya, na ca kilameyyā”ti? Atha kho upālissa mātāpitūnaṃ etadahosi – “sace kho upāli lekhaṃ sikkheyya, evaṃ kho upāli amhākaṃ accayena sukhañca jīveyya, na ca kilameyyā”ti. Atha kho upālissa mātāpitūnaṃ etadahosi – “sace kho upāli lekhaṃ sikkhissati, aṅguliyo dukkhā bhavissanti. Sace kho upāli gaṇanaṃ sikkheyya, evaṃ kho upāli amhākaṃ accayena sukhañca jīveyya, na ca kilameyyā”ti. Atha kho upālissa mātāpitūnaṃ etadahosi – “sace kho upāli gaṇanaṃ sikkhissati, urassa dukkho bhavissati. Sace kho upāli rūpaṃ sikkheyya, evaṃ kho upāli amhākaṃ accayena sukhañca jīveyya, na ca kilameyyā”ti. Atha kho upālissa mātāpitūnaṃ etadahosi – “sace kho upāli rūpaṃ sikkhissati, akkhīni dukkhā bhavissanti. Ime kho samaṇā sakyaputtiyā sukhasīlā sukhasamācārā, subhojanāni bhujjivā nivātesu sayanesu sayanti. Sace kho upāli samaṇesu sakyaputtiyesu pabbajeyya, evaṃ kho upāli amhākaṃ accayena sukhañca jīveyya, na ca kilameyyā”ti.

Assosi kho upālidārako mātāpitūnaṃ imaṃ kathāsallāpaṃ. Atha kho upālidārako yena te dārakā tenupasaṅkami, upasaṅkamitvā te dārake etadavoca – “etha mayaṃ, ayyā, samaṇesu sakyaputtiyesu pabbajissāmā”ti. “Sace kho tvaṃ, ayya, pabbajissasi, evaṃ mayampi pabbajissāmā”ti. Atha kho te dārakā ekamekassa mātāpitāro upasaṅkamitvā etadavocum – “anujānātha maṃ agārasmā anāgāriyaṃ pabbajjāyā”ti. Atha kho tesam dārakānaṃ mātāpitāro – “sabbepīme dārakā samānacchandaṃ kalyāṇādhippāyā”ti – anujāniṃsu. Te bhikkhū upasaṅkamitvā pabbajjaṃ yāciṃsu. Te bhikkhū pabbājesuṃ upasampādesuṃ. Te rattiyaṃ paccūsasamayaṃ paccuṭṭhāya rodanti – “yāguṃ detha, bhattaṃ detha, khādanīyaṃ dethā”ti. Bhikkhū evamāhaṃsu – “āgametha, āvuso, yāva ratti vibhāyati. Sace yāgu bhavissati pivissatha, sace bhattaṃ bhavissati bhujjissatha, sace khādanīyaṃ bhavissati khādissatha; no ce bhavissati yāgu vā bhattaṃ vā khādanīyaṃ vā, piṇḍāya caritvā bhujjissathā”ti. Evampi kho te bhikkhū bhikkhūhi vuccamānā rodantiyeva “yāguṃ detha, bhattaṃ detha, khādanīyaṃ dethā”ti; senāsaṇaṃ uhadantipi ummihantipi.

Assosi kho bhagavā rattiyaṃ paccūsasamayaṃ paccuṭṭhāya dārakasaddaṃ. Sutvāna āyasmantaṃ ānandaṃ āmantesi – “kiṃ nu kho so, ānanda, dārakasaddo”ti? Atha kho āyasmā ānando bhagavato etamatthaṃ ārocesi...pe... “saccaṃ kira, bhikkhave, bhikkhū jānaṃ unavīsativassaṃ puggalaṃ upasampādentī”ti? “Saccaṃ, bhagavā”ti. Vigarahi buddho bhagavā...pe... “kathaṅhi nāma te, bhikkhave, moghapurisā jānaṃ unavīsativassaṃ puggalaṃ upasampādessanti. Unavīsativasso, bhikkhave, puggalo akkhamo hoti sītassa uṇhassa jighacchāya pipāsāya ḍaṃsamakasavātātapasarīsapasamphassānaṃ duruttānaṃ durāgatānaṃ vacanapathānaṃ uppannānaṃ sārīrikānaṃ vedanānaṃ dukkhānaṃ tībānaṃ kharānaṃ kaṭukānaṃ asātānaṃ amanāpānaṃ pāṇaharānaṃ anadhivāsakajātiko hoti. Vīsativassova kho, bhikkhave, puggalo khamo hoti sītassa uṇhassa jighacchāya pipāsāya ḍaṃsamakasavātātapasarīsapasamphassānaṃ duruttānaṃ durāgatānaṃ vacanapathānaṃ, uppannānaṃ sārīrikānaṃ vedanānaṃ dukkhānaṃ tībānaṃ kharānaṃ kaṭukānaṃ asātānaṃ amanāpānaṃ pāṇaharānaṃ adhivāsakajātiko hoti. Netam, bhikkhave, appasannānaṃ vā pasādāya, pasannānaṃ vā bhīyyobhāvāya...pe... vīgarahitvā...pe... dhammiṃ kathaṃ katvā bhikkhū āmantesi – “na, bhikkhave, jānaṃ unavīsativasso puggalo upasampādetabbo. Yo upasampādeyya, yathādhammo kāretabbo”ti.

Upālidārakavatthu niṭṭhitam.

37. Ahivātakarogavatthu

100. Tena kho pana samayena aññataraṃ kulaṃ ahivātakarogena kālaṅkataṃ hoti. Tassa pitāputtakā sesā honti. Te bhikkhūsu pabbajitvā ekatova piṇḍāya caranti. Atha kho so dārako pituno bhikkhāya dinnāya upadhāvitvā etadavoca – “mayhampī, tāta, dehi; mayhampī, tāta, dehi”ti. Manussā ujjhāyanti khiyyanti vipācenti – “abrahmacārino ime samaṇā sakyaputtiyā. Ayampi dārako bhikkhuniyā jāto”ti. Assosum kho bhikkhū tesam manussānaṃ ujjhāyantānaṃ khiyyantānaṃ vipācentānaṃ. Atha kho te bhikkhū bhagavato etamatthaṃ ārocesum. Na, bhikkhave, unapannarasavasso dārako pabbājetabbo. Yo pabbājeyya, āpatti dukkaṭassāti.

Tena kho pana samayena āyasmato ānandassa upaṭṭhākakulaṃ saddhaṃ pasannaṃ ahivātakarogena kālaṅkataṃ hoti, dve ca dārakā sesā honti. Te porāṇakena āciṇṇakappena bhikkhū passivā upadhāvanti. Bhikkhū apasādentī. Te bhikkhūhi apasādiyamānā rodanti. Atha kho āyasmato ānandassa etadahosi – “bhagavatā paññattaṃ ‘na unapannarasavasso dārako pabbājetabbo’ti. Ime ca dārakā unapannarasavassā. Kena nu kho upāyena ime dārakā na vinasseyyu’nti? Atha kho āyasmā ānando bhagavato etamatthaṃ ārocesi. Ussahanti pana te, ānanda, dārakā kāke uḍḍāpetunti? Ussahanti, bhagavāti. Atha kho bhagavā etasmim nidāne etasmim pakaraṇe dhammim kathaṃ katvā bhikkhū āmantesi – “anujānāmi, bhikkhave, unapannarasavassaṃ dārakaṃ kākuḍḍepakaṃ pabbājetu’nti.

Ahivātakarogavatthu niṭṭhitam.

38. Kaṇṭakavatthu

101. Tena kho pana samayena āyasmato upanandassa sakyaputtassa dve sāmaṇerā honti – kaṇṭako ca mahako ca. Te aññamaññaṃ dūsesum. Bhikkhū ujjhāyanti khiyyanti vipācenti – “kathaṅhi nāma sāmaṇerā evarūpaṃ anācāraṃ ācarissantī”ti. Bhagavato etamatthaṃ ārocesum. Na, bhikkhave, ekena dve sāmaṇerā upaṭṭhāpetabbā. Yo upaṭṭhāpeyya, āpatti dukkaṭassāti.

Kaṇṭakavatthu niṭṭhitam.

39. Āhundarikavatthu

102. Tena kho pana samayena bhagavā tattheva rājagahe vassaṃ vasi, tattha hemantaṃ, tattha gimhaṃ. Manussā ujjhāyanti khiyyanti vipācenti – “āhundarikā samaṇānaṃ sakyaputtiyānaṃ disā andhakārā, na imesaṃ disā pakkhāyanti”ti. Assosum kho bhikkhū tesam manussānaṃ ujjhāyantānaṃ khiyyantānaṃ vipācentānaṃ. Atha kho te bhikkhū bhagavato etamatthaṃ ārocesum. Atha kho bhagavā āyasmantaṃ ānandaṃ āmantesi – “gacchānanda, avāpuraṇaṃ [apāpuraṇaṃ (ka.)] ādāya anuparivenīyaṃ bhikkhūnaṃ ārocehi – “icchatāvuso bhagavā dakkhiṇāgiriṃ cārikaṃ pakkamituṃ. Yassāyasmato attho, so āgacchatū”ti. Evaṃ, bhante, ti kho āyasmā ānando bhagavato paṭissuṇitvā avāpuraṇaṃ ādāya anuparivenīyaṃ bhikkhūnaṃ ārocesi – “icchatāvuso bhagavā dakkhiṇāgiriṃ cārikaṃ pakkamituṃ. Yassāyasmato attho, so āgacchatū”ti. Bhikkhū evamāhaṃsu – “bhagavatā, āvuso ānanda, paññattaṃ dasavassāni nissāya vatthum, dasavassena nissayaṃ dātum. Tattha ca no gantabbaṃ bhavissati, nissayo ca gahetabbo bhavissati, ittaro ca vāso bhavissati, puna ca paccāgantabbaṃ bhavissati, puna ca nissayo gahetabbo bhavissati. Sace amhākaṃ ācariyupajjhāyā gamissantī, mayampi gamissāma; no ce amhākaṃ ācariyupajjhāyā gamissantī, mayampi na gamissāma. Lahucittakatā no, āvuso ānanda, paññāyissati”ti. Atha kho bhagavā ogaṇena bhikkhusaṅghena dakkhiṇāgiriṃ cārikaṃ pakkāmi.

Āhundarikavatthu niṭṭhitam.

40. Nissayamuccanakakathā

103. Atha kho bhagavā dakkhiṇāgiriṃ yathābhiraṇtaṃ viharitvā punadeva rājagahaṃ

paccāgacchi. Atha kho bhagavā āyasmantaṃ ānandaṃ āmantesi – ‘‘kiṃ nu kho, ānanda, tathāgato ogaṇena bhikkhusaṅghena dakkhiṇāgiriṃ cārikaṃ pakkanto’’ti? Atha kho āyasmā ānando bhagavato etamatthaṃ ārocesi. Atha kho bhagavā etasmiṃ nidāne etasmiṃ pakaraṇe dhammiṃ kathaṃ katvā bhikkhū āmantesi – ‘‘anujānāmi, bhikkhave, byattena bhikkhunā paṭibalena pañcavassāni nissāya vatthum, abyattena yāvajīvaṃ.

‘‘Pañcahi, bhikkhave, aṅgehi samannāgatena bhikkhunā na anissitena vatthabbaṃ. Na asekkhena sīlakkhandhena samannāgato hoti na asekkhena samādhikkhandhena, na asekkhena paññākkhandhena na asekkhena vimuttikkhandhena na asekkhena vimuttiñāḍadassanakkhandhena samannāgato hoti – imehi kho, bhikkhave, pañcahaṅgehi samannāgatena bhikkhunā na anissitena vatthabbaṃ.

‘‘Pañcahi, bhikkhave, aṅgehi samannāgatena bhikkhunā anissitena vatthabbaṃ. Asekkhena sīlakkhandhena samannāgato hoti asekkhena samādhikkhandhena. Asekkhena paññākkhandhena... asekkhena vimuttikkhandhena... asekkhena vimuttiñāḍadassanakkhandhena samannāgato hoti – imehi kho, bhikkhave, pañcahaṅgehi samannāgatena bhikkhunā anissitena vatthabbaṃ.

‘‘Aparehipi, bhikkhave, pañcahaṅgehi samannāgatena bhikkhunā na anissitena vatthabbaṃ. Assaddho hoti, ahiriko hoti, anottappī hoti, kusīto hoti, muṭṭhassati hoti – imehi kho, bhikkhave, pañcahaṅgehi samannāgatena bhikkhunā na anissitena vatthabbaṃ.

‘‘Pañcahi, bhikkhave, aṅgehi samannāgatena bhikkhunā anissitena vatthabbaṃ. Saddho hoti, hirimā hoti, ottappī hoti, āradhaviṛiyo hoti, upaṭṭhitassati hoti – imehi kho, bhikkhave, pañcahaṅgehi samannāgatena bhikkhunā anissitena vatthabbaṃ.

‘‘Aparehipi, bhikkhave, pañcahaṅgehi samannāgatena bhikkhunā na anissitena vatthabbaṃ. Adhisīle sīlavipanno hoti, ajjhācāre ācāravipanno hoti, atidiṭṭhiyā diṭṭhivipanno hoti, appassuto hoti, duppañño hoti – imehi kho, bhikkhave, pañcahaṅgehi samannāgatena bhikkhunā na anissitena vatthabbaṃ.

‘‘Pañcahi, bhikkhave, aṅgehi samannāgatena bhikkhunā anissitena vatthabbaṃ. Na adhisīle sīlavipanno hoti, na ajjhācāre ācāravipanno hoti, na atidiṭṭhiyā diṭṭhivipanno hoti, bahussuto hoti, paññavā hoti – imehi kho, bhikkhave, pañcahaṅgehi samannāgatena bhikkhunā anissitena vatthabbaṃ.

‘‘Aparehipi, bhikkhave, pañcahaṅgehi samannāgatena bhikkhunā na anissitena vatthabbaṃ. Āpattiṃ na jānāti, anāpattiṃ na jānāti, lahukaṃ āpattiṃ na jānāti, garukaṃ āpattiṃ na jānāti, ubhayāni kho panassa pātimokkhāni vitthārena na svāgatāni honti na suvibhattāni na suppavattīni na suvinicchitāni suttaso anubyañjanaso – imehi kho, bhikkhave, pañcahaṅgehi samannāgatena bhikkhunā na anissitena vatthabbaṃ.

‘‘Pañcahi, bhikkhave, aṅgehi samannāgatena bhikkhunā anissitena vatthabbaṃ. Āpattiṃ jānāti, anāpattiṃ jānāti, lahukaṃ āpattiṃ jānāti, garukaṃ āpattiṃ jānāti, ubhayāni kho panassa pātimokkhāni vitthārena svāgatāni honti suvibhattāni suppavattīni suvinicchitāni suttaso anubyañjanaso – imehi kho, bhikkhave, pañcahaṅgehi samannāgatena bhikkhunā anissitena vatthabbaṃ.

‘‘Aparehipi, bhikkhave, pañcahaṅgehi samannāgatena bhikkhunā na anissitena vatthabbaṃ. Āpattiṃ na jānāti, anāpattiṃ na jānāti, lahukaṃ āpattiṃ na jānāti, garukaṃ āpattiṃ na jānāti, ūnapañcavasso hoti – imehi kho, bhikkhave, pañcahaṅgehi samannāgatena bhikkhunā na anissitena vatthabbaṃ.

‘‘Pañcahi, bhikkhave, aṅgehi samannāgatena bhikkhunā anissitena vatthabbaṃ. Āpattiṃ jānāti, anāpattiṃ jānāti, lahukaṃ āpattiṃ jānāti, garukaṃ āpattiṃ jānāti, pañcavasso vā hoti atireka pañcavasso

vā – imehi kho, bhikkhave, pañcahaṅgehi samannāgatena bhikkhunā anissitena vatthabbaṃ.

Nissayamuccanakakathā niṭṭhitā.

Pañcakadasavāro niṭṭhito.

104. “Chahi, bhikkhave, aṅgehi samannāgatena bhikkhunā na anissitena vatthabbaṃ. Na asekkhena sīlakkhandhena samannāgato hoti, na asekkhena samādhikkhandhena, na asekkhena paññākkhandhena, na asekkhena vimuttikkhandhena, na asekkhena vimuttiñāṇadassanakkhandhena samannāgato hoti, ūnapañcavasso hoti – imehi kho, bhikkhave, chahaṅgehi samannāgatena bhikkhunā na anissitena vatthabbaṃ.

“Chahi, bhikkhave, aṅgehi samannāgatena bhikkhunā anissitena vatthabbaṃ. Asekkhena sīlakkhandhena samannāgato hoti, asekkhena samādhikkhandhena, asekkhena paññākkhandhena, asekkhena vimuttikkhandhena, asekkhena vimuttiñāṇadassanakkhandhena samannāgato hoti, pañcavasso vā hoti atirekapañcavasso vā – imehi kho, bhikkhave, chahaṅgehi samannāgatena bhikkhunā anissitena vatthabbaṃ.

“Aparehipi, bhikkhave, chahaṅgehi samannāgatena bhikkhunā na anissitena vatthabbaṃ. Assaddho hoti, ahiriko hoti, anottappī hoti, kusīto hoti, muṭṭhassati hoti, ūnapañcavasso hoti – imehi kho, bhikkhave, chahaṅgehi samannāgatena bhikkhunā na anissitena vatthabbaṃ.

“Chahi, bhikkhave, aṅgehi samannāgatena bhikkhunā anissitena vatthabbaṃ. Saddho hoti, hirimā hoti, ottappī hoti, āradhaviṛiyo hoti, upaṭṭhitassati hoti, pañcavasso vā hoti atirekapañcavasso vā – imehi kho, bhikkhave, chahaṅgehi samannāgatena bhikkhunā anissitena vatthabbaṃ.

“Aparehipi, bhikkhave, chahaṅgehi samannāgatena bhikkhunā na anissitena vatthabbaṃ. Adhisīle sīlavipanno hoti, ajjhācāre ācāravipanno hoti, atidiṭṭhiyā diṭṭhivipanno hoti, appassuto hoti, duppañño hoti, ūnapañcavasso hoti – imehi kho, bhikkhave, chahaṅgehi samannāgatena bhikkhunā na anissitena vatthabbaṃ.

“Chahi, bhikkhave, aṅgehi samannāgatena bhikkhunā anissitena vatthabbaṃ. Na adhisīle sīlavipanno hoti, na ajjhācāre ācāravipanno hoti, na atidiṭṭhiyā diṭṭhivipanno hoti, bahussuto hoti, paññavā hoti, pañcavasso vā hoti atirekapañcavasso vā – imehi kho, bhikkhave, chahaṅgehi samannāgatena bhikkhunā anissitena vatthabbaṃ.

“Aparehipi, bhikkhave, chahaṅgehi samannāgatena bhikkhunā na anissitena vatthabbaṃ. Āpattiṃ na jānāti, anāpattiṃ na jānāti, lahukaṃ āpattiṃ na jānāti, garukaṃ āpattiṃ na jānāti, ubhayāni kho panassa pātimokkhāni vitthārena na svāgatāni honti na suvibhattāni na suppavattīni na suvicchitāni suttaso anubyañjanaso, ūnapañcavasso hoti – imehi kho, bhikkhave, chahaṅgehi samannāgatena bhikkhunā na anissitena vatthabbaṃ.

“Chahi, bhikkhave, aṅgehi samannāgatena bhikkhunā anissitena vatthabbaṃ. Āpattiṃ jānāti, anāpattiṃ jānāti, lahukaṃ āpattiṃ jānāti, garukaṃ āpattiṃ jānāti, ubhayāni kho panassa pātimokkhāni vitthārena svāgatāni honti suvibhattāni suppavattīni suvicchitāni suttaso anubyañjanaso, pañcavasso vā hoti atirekapañcavasso vā – imehi kho, bhikkhave, chahaṅgehi samannāgatena bhikkhunā anissitena vatthabba”nti.

Abhayūvarabhāṇavāro niṭṭhito aṭṭhamo.

Aṭṭhamabhāṇavāro.

41. Rāhulavatthu

105. Atha kho bhagavā rājagahe yathābhirantaṃ viharitvā yena kapilavatthu tena cārikaṃ pakkāmi. Anupubbena cārikaṃ caramāno yena kapilavatthu tadavasari. Tatra sudaṃ bhagavā sakkesu viharati kapilavattusmiṃ nigrodhārāme. Atha kho bhagavā pubbaṅhasamayaṃ nivāsetvā pattacīvaramādāya yena suddhodanassa sakkassa nivesanaṃ tenupasaṅkami, upasaṅkamitvā paññatte āsane nisīdi. Atha kho rāhulamātā devī rāhulaṃ kumāraṃ etadavoca – “eso te, rāhula, pitā. Gacchassu [gacchassa (syā.)], dāyajjaṃ yācāhi” ti. Atha kho rāhulo kumāro yena bhagavā tenupasaṅkami, upasaṅkamitvā bhagavato purato, aṭṭhāsi – “sukhā te, samaṇa, chāyā” ti. Atha kho bhagavā uṭṭhāyāsanaṃ pakkāmi. Atha kho rāhulo kumāro bhagavantaṃ piṭṭhito piṭṭhito anubandhi – “dāyajjaṃ me, samaṇa, dehi; dāyajjaṃ me, samaṇa, dehi” ti. Atha kho bhagavā āyasmantaṃ sārīputtaṃ āmantesi – “tena hi tvam, sārīputta, rāhulaṃ kumāraṃ pabbājehi” ti. “Kathāhaṃ, bhante, rāhulaṃ kumāraṃ pabbājemi” ti? Atha kho bhagavā etasmiṃ nidāne etasmiṃ pakaraṇe dhammiṃ kathaṃ katvā bhikkhū āmantesi – “anujānāmi, bhikkhave, tīhi saraṇagamanehi sāmaṇerapabbajjaṃ. Evañca pana, bhikkhave, pabbājetabbo – paṭhamam kesamassuṃ ohārāpetvā kāsāyāni vatthāni acchādāpetvā ekamsaṃ uttarāsaṅgaṃ kārapetvā bhikkhūnaṃ pāde vandāpetvā ukkuṭikaṃ nisīdāpetvā añjaliṃ paggaṇhāpetvā evaṃ vadehīti vattabbo – buddhaṃ saraṇaṃ gacchāmi, dhammaṃ saraṇaṃ gacchāmi, saṅghaṃ saraṇaṃ gacchāmi; dutiyampi buddhaṃ saraṇaṃ gacchāmi, dutiyampi dhammaṃ saraṇaṃ gacchāmi, dutiyampi saṅghaṃ saraṇaṃ gacchāmi; tatiyampi buddhaṃ saraṇaṃ gacchāmi, tatiyampi dhammaṃ saraṇaṃ gacchāmi, tatiyampi saṅghaṃ saraṇaṃ gacchāmi. Anujānāmi, bhikkhave, imehi tīhi saraṇagamanehi sāmaṇerapabbajja” nti. Atha kho āyasmā sārīputto rāhulaṃ kumāraṃ pabbājesi.

Atha kho suddhodano sakko yena bhagavā tenupasaṅkami, upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinna kho suddhodano sakko bhagavantaṃ etadavoca – “ekāhaṃ, bhante, bhagavantaṃ varaṃ yācāmi” ti. “Atikkantavarā kho, gotama, tathāgatā” ti. “Yañca, bhante, kappati, yañca anavajja” nti. “Vadehi, gotamā” ti. “Bhagavati me, bhante, pabbajite anappakaṃ dukkhaṃ ahosi, tathā nande, adhimattaṃ rāhule. Puttapemaṃ, bhante, chaviṃ chindati, chaviṃ chetvā cammaṃ chindati, cammaṃ chetvā maṃsaṃ chindati, maṃsaṃ chetvā nhāruṃ chindati, nhāruṃ chetvā aṭṭhiṃ chindati, aṭṭhiṃ chetvā aṭṭhimiṅgaṃ āhacca tiṭṭhati. Sādhu, bhante, ayyā ananuññātaṃ mātāpitūhi puttaṃ na pabbājeyyu” nti. Atha kho bhagavā suddhodanaṃ sakkam dhammiyā kathāya sandassesī samādapesī samuttejesī sampahaṃsesī. Atha kho suddhodano sakko bhagavatā dhammiyā kathāya sandassito samādapito samuttejito sampahaṃsito uṭṭhāyāsanaṃ bhagavantaṃ abhivādetvā padakkhiṇaṃ katvā pakkāmi. Atha kho bhagavā etasmiṃ nidāne etasmiṃ pakaraṇe dhammiṃ kathaṃ katvā bhikkhū āmantesi – “na, bhikkhave, ananuññāto mātāpitūhi putto pabbājetabbo. Yo pabbājeyya, āpatti dukkaṭassā” ti.

Atha kho bhagavā kapilavattusmiṃ yathābhirantaṃ viharitvā yena sāvatthi tena cārikaṃ pakkāmi. Anupubbena cārikaṃ caramāno yena sāvatthi tadavasari. Tatra sudaṃ bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena āyasmato sārīputtassa upaṭṭhākakulaṃ āyasmato sārīputtassa santike dāraṃ pāhesi – “imaṃ dāraṃ thero pabbājetū” ti. Atha kho āyasmato sārīputtassa etadahosi – “bhagavatā paññattaṃ ‘na ekena dve sāmaṇerā upaṭṭhāpetabbā’ ti. Ayañca me rāhulo sāmaṇero. Kathaṃ nu kho mayā paṭipajjitabba” nti? Bhagavato etamatthaṃ ārocesi. Anujānāmi, bhikkhave, byattena bhikkhunā paṭibalena ekena dve sāmaṇere upaṭṭhāpetuṃ, yāvatake vā pana ussahati ovadituṃ anusāsituṃ tāvatake upaṭṭhāpetunti.

Rāhulavattu niṭṭhitaṃ.

42. Sikkhāpadakathā

106. Atha kho sāmaṇerānaṃ etadahosi – “kati nu kho amhākaṃ sikkhāpadāni, kattha ca amhehi sikkhitabba” nti? Bhagavato etamatthaṃ ārocesuṃ...pe... anujānāmi, bhikkhave, sāmaṇerānaṃ dasa

sikkhāpadāni, tesu ca sāmaṇerehi sikkhituṃ – pāṇātipātā veramaṇī [veramaṇi, veramaṇim (ka.)], adinnādānā veramaṇī, abrahmacariyā veramaṇī, musāvādā veramaṇī, surāmerayamajjapamādaṭṭhānā veramaṇī, vikālabhojanā veramaṇī, naccagītavāditavisūkadassanā veramaṇī, mālāgandhavilepanadhāraṇamaṇḍanavibhūsanatṭhānā veramaṇī, uccāsayanamahāsayanā veramaṇī, jātarūparajatapaṭiggahaṇā veramaṇī. Anujānāmi, bhikkhave, sāmaṇerānaṃ imāni dasa sikkhāpadāni, imesu ca sāmaṇerehi sikkhitunti.

Sikkhāpadakathā niṭṭhitā.

43. Daṇḍakammavatthu

107. Tena kho pana samayena sāmaṇerā bhikkhūsu agāravā appatissā asabhāgavuttikā viharanti. Bhikkhū ujjhāyanti khiyyanti vipācenti – “kathaṇhi nāma sāmaṇerā bhikkhūsu agāravā appatissā asabhāgavuttikā viharissanti”ti. Bhagavato etamatthaṃ ārocesuṃ...pe... anujānāmi, bhikkhave, pañcahaṅgehi samannāgatassa sāmaṇerassa daṇḍakammaṃ kātuṃ. Bhikkhūnaṃ alābhāya parisakkati, bhikkhūnaṃ anattāya parisakkati, bhikkhūnaṃ avāsāya parisakkati, bhikkhū akkosati paribhāsati, bhikkhū bhikkhūhi bhedeti – anujānāmi, bhikkhave, imehi pañcahaṅgehi samannāgatassa sāmaṇerassa daṇḍakammaṃ kātunti.

Atha kho bhikkhūnaṃ etadahosi – “kiṃ nu kho daṇḍakammaṃ kātabba”nti? Bhagavato etamatthaṃ ārocesuṃ. Anujānāmi, bhikkhave, āvaraṇaṃ kātunti.

Tena kho pana samayena bhikkhū sāmaṇerānaṃ sabbaṃ saṅghārāmaṃ āvaraṇaṃ karonti. Sāmaṇerā āramaṃ pavisitū alabhamānā pakkamantipi, vibbhamantipi, titthiesupi saṅkamanti. Bhagavato etamatthaṃ ārocesuṃ. Na, bhikkhave, sabbo saṅghārāmo āvaraṇaṃ kātabbo. Yo kareyya, āpatti dukkaṭassa. Anujānāmi, bhikkhave, yattha vā vasati, yattha vā paṭikkamati, tattha āvaraṇaṃ kātunti.

Tena kho pana samayena bhikkhū sāmaṇerānaṃ mukhadvārikaṃ āhāraṃ āvaraṇaṃ karonti. Manussā yāgupānampi saṅghabhattampi karontā sāmaṇere evaṃ vadenti – “etha, bhante, yāguṃ pivatha; etha, bhante, bhattaṃ bhujjathā”ti. Sāmaṇerā evaṃ vadenti – “nāvuso, labbhā. Bhikkhūhi āvaraṇaṃ kata”nti. Manussā ujjhāyanti khiyyanti vipācenti – “kathaṇhi nāma bhadantā sāmaṇerānaṃ mukhadvārikaṃ āhāraṃ āvaraṇaṃ karissanti”ti. Bhagavato etamatthaṃ ārocesuṃ. Na, bhikkhave, mukhadvāriko āhāro āvaraṇaṃ kātabbo. Yo kareyya, āpatti dukkaṭassāti.

Daṇḍakammavatthu niṭṭhitam.

44. Anāpucchāvaraṇavatthu

108. Tena kho pana samayena chabbaggiyā bhikkhū upajjhāye anāpucchā sāmaṇerānaṃ āvaraṇaṃ karonti. Upajjhāyā gavesanti – kathaṃ [kahaṃ (ka.)] nu kho amhākaṃ sāmaṇerā na dissantīti. Bhikkhū evamāhaṃsu – “chabbaggiyehi, āvuso, bhikkhūhi āvaraṇaṃ kata”nti. Upajjhāyā ujjhāyanti khiyyanti vipācenti – “kathaṇhi nāma chabbaggiyā bhikkhū amhe anāpucchā amhākaṃ sāmaṇerānaṃ āvaraṇaṃ karissanti”ti. Bhagavato etamatthaṃ ārocesuṃ. Na, bhikkhave, upajjhāye anāpucchā āvaraṇaṃ kātabbaṃ. Yo kareyya, āpatti dukkaṭassāti.

Anāpucchāvaraṇavatthu niṭṭhitam.

45. Apalāṇavatthu

Tena kho pana samayena chabbaggiyā bhikkhū therānaṃ bhikkhūnaṃ sāmaṇere apalāṇenti. Therā

sāmaṃ dantakaṭṭhampi mukhodakampi gaṇhantā kilamanti. Bhagavato etamatthaṃ ārocesuṃ. Na, bhikkhave, aññassa parisā apalāḷetabbā. Yo apalāḷeyya, āpatti dukkaṭassā ti.

Apalāḷanavatthu niṭṭhitaṃ.

46. Kaṇṭakasāmaṇeravatthu

Tena kho pana samayena āyasmato upanandassa sakyaputtassa kaṇṭako nāma sāmaṇero kaṇṭakim nāma bhikkhuniṃ dūsesi. Bhikkhū ujjhāyanti khiyyanti vipācenti – “kathañhi nāma sāmaṇero evarūpaṃ anācāraṃ ācarissati”ti. Bhagavato etamatthaṃ ārocesuṃ. Anujānāmi, bhikkhave, dasahaṅgehi samannāgataṃ sāmaṇeraṃ nāsetuṃ. Paṇātipātī hoti, adinnādāyī hoti, abrahmacārī hoti, musāvādī hoti, majjapāyī hoti, buddhassa avaṇṇaṃ bhāsati, dhammassa avaṇṇaṃ bhāsati, saṅghassa avaṇṇaṃ bhāsati, micchādīṭṭhiko hoti, bhikkhunidūsako hoti – anujānāmi, bhikkhave, imehi dasahaṅgehi samannāgataṃ sāmaṇeraṃ nāsetunti.

47. Paṇḍakavatthu

109. Tena kho pana samayena aññataro paṇḍako bhikkhūsu pabbajito hoti. So dahare dahare bhikkhū upasaṅkamitvā evaṃ vadeti – “etha, maṃ āyasmanto dūsethā”ti. Bhikkhū apasādentī – “nassa, paṇḍaka, vinassa, paṇḍaka, ko tayā attho”ti. So bhikkhūhi apasādito mahante mahante moḷigalle sāmaṇere upasaṅkamitvā evaṃ vadeti – “etha, maṃ āvuso dūsethā”ti. Sāmaṇerā apasādentī – “nassa, paṇḍaka, vinassa, paṇḍaka, ko tayā attho”ti. So sāmaṇerehi apasādito hatthibhaṇḍe assabhaṇḍe upasaṅkamitvā evaṃ vadeti – “etha, maṃ, āvuso, dūsethā”ti. Hatthibhaṇḍā assabhaṇḍā dūsesuṃ. Te ujjhāyanti khiyyanti vipācenti – “paṇḍakā ime samaṇā sakyaputtīyā. Yepi imesaṃ na paṇḍakā, tepi ime paṇḍake dūsentī. Evaṃ ime sabbeva abrahmacārino”ti. Assosuṃ kho bhikkhū tesam hatthibhaṇḍānaṃ assabhaṇḍānaṃ ujjhāyantānaṃ khiyyantānaṃ vipācentānaṃ. Atha kho te bhikkhū bhagavato etamatthaṃ ārocesuṃ. Paṇḍako, bhikkhave, anupasampanno na upasampādetabbo, upasampanno nāsetabboti.

48. Theyyasaṃvāsakavatthu

110. Tena kho pana samayena aññataro purāṇakulaputto khīṇakolañño sukhumālo hoti. Atha kho tassa purāṇakulaputtassa khīṇakolaññassa etadahosi – “ahaṃ kho sukhumālo, na paṭibalo anadhigataṃ vā bhogaṃ adhigantaṃ, adhigataṃ vā bhogaṃ phātiṃ kātuṃ. Kena nu kho ahaṃ upāyena sukhañca jīveyyaṃ, na ca kilameyya”nti? Atha kho tassa purāṇakulaputtassa khīṇakolaññassa etadahosi – “ime kho samaṇā sakyaputtīyā sukhasīlā sukhasamācārā, subhojanāni bhuñjītvā nivātesu sayanesu sayanti. Yaṃnūnāhaṃ sāmaṃ pattacīvaraṃ paṭiyādetvā kesamassuṃ ohāretvā kāsāyāni vatthāni acchādetvā ārāmaṃ gantvā bhikkhūhi saddhiṃ saṃvaseyya”nti. Atha kho so purāṇakulaputto khīṇakolañño sāmaṃ pattacīvaraṃ paṭiyādetvā kesamassuṃ ohāretvā kāsāyāni vatthāni acchādetvā ārāmaṃ gantvā bhikkhū abhivādeti. Bhikkhū evamāhaṃsu – “kativassosi tvam, āvuso”ti? Kiṃ etaṃ, āvuso, kativasso nāmāti? Ko pana te, āvuso, upajjhāyoti? Kiṃ etaṃ, āvuso, upajjhāyo nāmāti? Bhikkhū āyasmantaṃ upālim etadavocuṃ – “īṅghāvuso upāli, imaṃ pabbajitaṃ anuyuñjāhī”ti. Atha kho so purāṇakulaputto khīṇakolañño āyasmatā upālinā anuyuñjīyamāno etamatthaṃ ārocesi. Āyasmā upāli bhikkhūnaṃ etamatthaṃ ārocesi. Bhikkhū bhagavato etamatthaṃ ārocesuṃ. Theyyasaṃvāsako, bhikkhave, anupasampanno na upasampādetabbo, upasampanno nāsetabboti. Titthiyapakkantako, bhikkhave, anupasampanno na upasampādetabbo, upasampanno nāsetabboti.

49. Tiracchānagatavatthu

111. Tena kho pana samayena aññataro nāgo nāgayoniyā aṭṭiyati harāyati jigucchati. Atha kho tassa nāgassa etadahosi – “kena nu kho ahaṃ upāyena nāgayoniyā ca parimucceyyaṃ khippañca

manussattaṃ paṭilabheyya’nti. Atha kho tassa nāgassa etadahosi – ‘‘ime kho samaṇā sakyaputtiyā dhammacārino samacārino brahmacārino saccavādino sīlavanto kalyāṇadhammā. Sace kho ahaṃ samaṇesu sakyaputtiyesu pabbajeyyaṃ, evāhaṃ nāgayoniyā ca parimucceyyaṃ, khippaṇca manussattaṃ paṭilabheyya’nti. Atha kho so nāgo māṇavakavaṇṇena bhikkhū upasaṅkamitvā pabbajjaṃ yāci. Taṃ bhikkhū pabbājesuṃ, upasampādesuṃ. Tena kho pana samayena so nāgo aññatarena bhikkhunā saddhiṃ paccantime vihāre paṭivasati. Atha kho so bhikkhu rattiyā paccūsasamayaṃ paccuṭṭhāya ajjhokāse caṅkamati. Atha kho so nāgo tassa bhikkhuno nikkhante vissaṭṭho niddaṃ okkami. Sabbo vihāro ahinā puṇṇo, vātapānehi bhogā nikkhantā honti. Atha kho so bhikkhu vihāraṃ pavisissāmīti kavātaṃ paṇāmento addasa sabbhaṃ vihāraṃ ahinā puṇṇaṃ, vātapānehi bhoge nikkhante, disvāna bhīto vissaramakāsi. Bhikkhū upadhāvitvā taṃ bhikkhuṃ etadavocuṃ – ‘‘kissa tvaṃ, āvuso, vissaramakāsi’’ti? ‘‘Ayaṃ, āvuso, sabbo vihāro ahinā puṇṇo, vātapānehi bhogā nikkhantā’’ti. Atha kho so nāgo tena saddena paṭibujjhītvā sake āsane nisīdi. Bhikkhū evamāhaṃsu – ‘‘kosi tvaṃ, āvuso’’ti? ‘‘Ahaṃ, bhante, nāgo’’ti. ‘‘Kissa pana tvaṃ, āvuso, evarūpaṃ akāsi’’ti? Atha kho so nāgo bhikkhūnaṃ etamatthaṃ ārocesi. Bhikkhū bhagavato etamatthaṃ ārocesuṃ. Atha kho bhagavā etasmiṃ nidāne etasmiṃ pakaraṇe bhikkhusaṅghaṃ sannipātāpetvā taṃ nāgaṃ etadavoca – ‘‘tumhe khottha nāgā aviruḥhidhammā imasmiṃ dhammavinaye. Gaccha tvaṃ, nāga, tattheva cātuddase pannarase aṭṭhamiyā ca pakkhassa uposathaṃ upavasa, evaṃ tvaṃ nāgayoniyā ca parimuccissasi, khippaṇca manussattaṃ paṭilabhissasi’’ti. Atha kho so nāgo aviruḥhidhammo kirāhaṃ imasmiṃ dhammavinayeti dukkhī dummano assūni pavattayamāno vissaraṃ katvā pakkāmi. Atha kho bhagavā bhikkhū āmantesi – ‘‘dveme, bhikkhave, paccayā nāgassa sabhāvapātukammāya. Yadā ca saṅgatiyā methunaṃ dhammaṃ paṭisevati, yadā ca vissaṭṭho niddaṃ okkamati – ime kho, bhikkhave, dve paccayā nāgassa sabhāvapātukammāya. Tiracchānagato, bhikkhave, anupasampanno na upasampādetabbo, upasampanno nāsetabbo’’ti.

50. Mātughātakavatthu

112. Tena kho pana samayena aññataro māṇavako mātaraṃ jīvitā voropesi. So tena pāpakena kammena aṭṭiyati harāyati jigucchati. Atha kho tassa māṇavakassa etadahosi – ‘‘kena nu kho ahaṃ upāyena imassa pāpakassa kammassa nikkhantiṃ kareyya’’nti? Atha kho tassa māṇavakassa etadahosi – ‘‘ime kho samaṇā sakyaputtiyā dhammacārino samacārino brahmacārino saccavādino sīlavanto kalyāṇadhammā. Sace kho ahaṃ samaṇesu sakyaputtiyesu pabbajeyyaṃ, evāhaṃ imassa pāpakassa kammassa nikkhantiṃ kareyya’’nti. Atha kho so māṇavako bhikkhū upasaṅkamitvā pabbajjaṃ yāci. Bhikkhū āyasmantaṃ upāliṃ etadavocuṃ – ‘‘pubbepi kho, āvuso upāli, nāgo māṇavakavaṇṇena bhikkhūsu pabbajito. Inghāvuso upāli, imaṃ māṇavakaṃ anuyuñjāhi’’ti. Atha kho so māṇavako āyasmatā upālinā anuyuñjīyamāno etamatthaṃ ārocesi. Āyasmā upāli bhikkhūnaṃ etamatthaṃ ārocesi. Bhikkhū bhagavato etamatthaṃ ārocesuṃ...pe... mātughātako, bhikkhave, anupasampanno na upasampādetabbo, upasampanno nāsetabboti.

51. Pitughātakavatthu

113. Tena kho pana samayena aññataro māṇavako pitaraṃ jīvitā voropesi. So tena pāpakena kammena aṭṭiyati harāyati jigucchati. Atha kho tassa māṇavakassa etadahosi – ‘‘kena nu kho ahaṃ upāyena imassa pāpakassa kammassa nikkhantiṃ kareyya’’nti. Atha kho tassa māṇavakassa etadahosi – ‘‘ime kho samaṇā sakyaputtiyā dhammacārino samacārino brahmacārino saccavādino sīlavanto kalyāṇadhammā, sace kho ahaṃ samaṇesu sakyaputtiyesu pabbajeyyaṃ, evāhaṃ imassa pāpakassa kammassa nikkhantiṃ kareyya’’nti. Atha kho so māṇavako bhikkhū upasaṅkamitvā pabbajjaṃ yāci. Bhikkhū āyasmantaṃ upāliṃ etadavocuṃ – ‘‘pubbepi kho, āvuso upāli, nāgo māṇavakavaṇṇena bhikkhūsu pabbajito, inghāvuso, upāli, imaṃ māṇavakaṃ anuyuñjāhi’’ti. Atha kho so māṇavako āyasmatā upālinā anuyuñjīyamāno etamatthaṃ ārocesi. Āyasmā upāli bhikkhūnaṃ etamatthaṃ ārocesi. Bhikkhū bhagavato etamatthaṃ ārocesuṃ. Pitughātako, bhikkhave, anupasampanno na upasampādetabbo, upasampanno nāsetabboti.

52. Arahantaghātakavatthu

114. Tena kho pana samayena sambahulā bhikkhū sāketā sāvatthim addhānamaggappaṭipannā hontī. Antarāmagge corā nikkhamitvā ekacce bhikkhū acchindiṃsu, ekacce bhikkhū hanīṃsu. Sāvattiyā rājabhaṭā nikkhamitvā ekacce core aggahesum, ekacce corā palāyīṃsu. Ye te palāyīṃsu te bhikkhūsu pabbajīṃsu, ye te gahitā te vadhāya oniyyanti. Addasaṃsu kho te palāyitvā pabbajitā te core vadhāya oniyyamāne, disvāna evamāhaṃsu – “sādhu kho mayaṃ palāyimhā, sacā ca [sace ca, sacajja (aṭṭhakathāyaṃ pāṭhantarā)] mayaṃ gayheyyāma [gaṇheyyāma (ka.)], mayampi evameva haññeyyāma”ti. Bhikkhū evamāhaṃsu – “kiṃ pana tumhe, āvuso, akatthā”ti? Atha kho te pabbajitā bhikkhūnaṃ etamatthaṃ ārocesum. Bhikkhū bhagavato etamatthaṃ ārocesum. Arahanto ete, bhikkhave, bhikkhū. Arahantaghātako, bhikkhave, anupasampanno na upasampādetabbo, upasampanno nāsetabboti.

53. Bhikkhunīdūsakavatthu

115. Tena kho pana samayena sambahulā bhikkhuniyo sāketā sāvatthim addhānamaggappaṭipannā hontī. Antarāmagge corā nikkhamitvā ekaccā bhikkhuniyo acchindiṃsu, ekaccā bhikkhuniyo dūsesum. Sāvattiyā rājabhaṭā nikkhamitvā ekacce core aggahesum, ekacce corā palāyīṃsu. Ye te palāyīṃsu, te bhikkhūsu pabbajīṃsu. Ye te gahitā, te vadhāya oniyyanti. Addasaṃsu kho te palāyitvā pabbajitā te core vadhāya oniyyamāne, disvāna evamāhaṃsu “sādhu kho mayaṃ palāyimhā, sacā ca mayaṃ gayheyyāma, mayampi evameva haññeyyāma”ti. Bhikkhū evamāhaṃsu “kiṃ pana tumhe, āvuso, akatthā”ti. Atha kho te pabbajitā bhikkhūnaṃ etamatthaṃ ārocesum. Bhikkhū bhagavato etamatthaṃ ārocesum. Bhikkhunīdūsako, bhikkhave, anupasampanno na upasampādetabbo, upasampanno nāsetabboti. Saṅghabhedako, bhikkhave, anupasampanno na upasampādetabbo, upasampanno nāsetabboti. Lohituppādako, bhikkhave, anupasampanno na upasampādetabbo, upasampanno nāsetabboti.

54. Ubhatobyañjanakavatthu

116. Tena kho pana samayena aññataro ubhatobyañjanako bhikkhūsu pabbajito hoti. So karotipi kārāpetipi. Bhagavato etamatthaṃ ārocesum. Ubhatobyañjanako, bhikkhave, anupasampanno na upasampādetabbo, upasampanno nāsetabboti.

55. Anupajjhāyakādivatthūni

117. Tena kho pana samayena bhikkhū anupajjhāyakaṃ upasampādentī. Bhagavato etamatthaṃ ārocesum. Na, bhikkhave, anupajjhāyako upasampādetabbo. Yo upasampādeyya, āpatti dukkaṭassāti.

Tena kho pana samayena bhikkhū saṅghena upajjhāyena upasampādentī. Bhagavato etamatthaṃ ārocesum. Na, bhikkhave, saṅghena upajjhāyena upasampādetabbo. Yo upasampādeyya, āpatti dukkaṭassāti.

Tena kho pana samayena bhikkhū gaṇena upajjhāyena upasampādentī. Bhagavato etamatthaṃ ārocesum. Na, bhikkhave, gaṇena upajjhāyena upasampādetabbo. Yo upasampādeyya, āpatti dukkaṭassāti.

Tena kho pana samayena bhikkhū paṇḍakupajjhāyena upasampādentī...pe... theyyasaṃvāsakupajjhāyena upasampādentī...pe... titthiyapakkantakupajjhāyena upasampādentī ... pe... tiracchānagatupajjhāyena upasampādentī...pe... mātughātakupajjhāyena upasampādentī...pe... pitughātakupajjhāyena upasampādentī...pe... arahantaghātakupajjhāyena upasampādentī...pe... bhikkhunīdūsakupajjhāyena upasampādentī...pe... saṅghabhedakupajjhāyena upasampādentī...pe... lohituppādakupajjhāyena upasampādentī...pe... ubhatobyañjanakupajjhāyena upasampādentī bhagavato

etamatthaṃ ārocesuṃ. Na, bhikkhave, paṇḍakupajjhāyena upasampādetabbo...pe... na, bhikkhave, theyyasaṃvāsakupajjhāyena upasampādetabbo...pe... na, bhikkhave, titthiyapakantakupajjhāyena upasampādetabbo...pe... na, bhikkhave, tiracchānagatupajjhāyena upasampādetabbo...pe... na, bhikkhave, mātughātakupajjhāyena upasampādetabbo ...pe... na, bhikkhave, pitughātakupajjhāyena upasampādetabbo...pe... na, bhikkhave, arahantaghātakupajjhāyena upasampādetabbo...pe... na, bhikkhave, bhikkhunīdūsakupajjhāyena upasampādetabbo ...pe... na, bhikkhave, saṅghabhedakupajjhāyena upasampādetabbo...pe... na, bhikkhave, lohituppādakupajjhāyena upasampādetabbo...pe... na, bhikkhave, ubhatobyañjanakupajjhāyena upasampādetabbo. Yo upasampādeyya, āpatti dukkaṭassāti.

56. Apattakādivatthu

118. Tena kho pana samayena bhikkhū apattakaṃ upasampādentī. Hatthesu piṇḍāya caranti. Manussā ujjhāyanti khiyyanti vipācentī – seyyathāpi titthiyāti. Bhagavato etamatthaṃ ārocesuṃ. Na, bhikkhave, apattako upasampādetabbo. Yo upasampādeyya, āpatti dukkaṭassāti.

Tena kho pana samayena bhikkhū acīvarakaṃ upasampādentī. Naggā piṇḍāya caranti. Manussā ujjhāyanti khiyyanti vipācentī – seyyathāpi titthiyāti. Bhagavato etamatthaṃ ārocesuṃ. Na, bhikkhave, acīvarako upasampādetabbo. Yo upasampādeyya, āpatti dukkaṭassāti.

Tena kho pana samayena bhikkhū apattacīvarakaṃ upasampādentī. Naggā hatthesu piṇḍāya caranti. Manussā ujjhāyanti khiyyanti vipācentī – seyyathāpi titthiyāti. Bhagavato etamatthaṃ ārocesuṃ. Na, bhikkhave, apattacīvarako upasampādetabbo. Yo upasampādeyya, āpatti dukkaṭassāti.

Tena kho pana samayena bhikkhū yācitakena pattena upasampādentī. Upasampanne pattaṃ paṭiharanti. Hatthesu piṇḍāya caranti. Manussā ujjhāyanti khiyyanti vipācentī – seyyathāpi titthiyāti. Bhagavato etamatthaṃ ārocesuṃ. Na, bhikkhave, yācitakena pattena upasampādetabbo. Yo upasampādeyya, āpatti dukkaṭassāti.

Tena kho pana samayena bhikkhū yācitakena cīvarena upasampādentī. Upasampanne cīvaraṃ paṭiharanti. Naggā piṇḍāya caranti. Manussā ujjhāyanti khiyyanti vipācentī – seyyathāpi titthiyāti. Bhagavato etamatthaṃ ārocesuṃ. Na, bhikkhave, yācitakena cīvarena upasampādetabbo. Yo upasampādeyya, āpatti dukkaṭassāti.

Tena kho pana samayena bhikkhū yācitakena pattacīvarena upasampādentī. Upasampanne pattacīvaraṃ paṭiharanti. Naggā hatthesu piṇḍāya caranti. Manussā ujjhāyanti khiyyanti vipācentī – seyyathāpi titthiyāti. Bhagavato etamatthaṃ ārocesuṃ. Na, bhikkhave, yācitakena pattacīvarena upasampādetabbo. Yo upasampādeyya, āpatti dukkaṭassāti.

Naupasampādetabbekavīsativāro niṭṭhito.

57. Napabbājetabbadvattiṃsavāro

119. Tena kho pana samayena bhikkhū hatthacchinnaṃ pabbājenti...pe... pādacchinnaṃ pabbājenti...pe... hatthapādacchinnaṃ pabbājenti...pe... kaṇṇacchinnaṃ pabbājenti...pe... nāsacchinnaṃ pabbājenti...pe... kaṇṇanāsacchinnaṃ pabbājenti...pe... aṅgulicchinnaṃ pabbājenti...pe... aḷacchinnaṃ pabbājenti...pe... kaṇḍaracchinnaṃ pabbājenti...pe... phaṇahatthakaṃ pabbājenti...pe... khujjaṃ pabbājenti...pe... vāmanaṃ pabbājenti...pe... galagaṇḍiṃ pabbājenti...pe... lakkhaṇāhataṃ pabbājenti...pe... kasāhataṃ pabbājenti...pe... likhitakaṃ pabbājenti...pe... sīpadiṃ pabbājenti...pe... pāparogiṃ pabbājenti...pe... parisadūsakaṃ pabbājenti...pe... kāṇaṃ pabbājenti...pe... kuṇiṃ pabbājenti...pe... khañjaṃ pabbājenti...pe... pakkhahataṃ pabbājenti...pe...

chinniriyāpathaṃ pabbājenti...pe... jarādubbalaṃ pabbājenti...pe... andhaṃ pabbājenti...pe... mūgaṃ pabbājenti...pe... badhiraṃ pabbājenti...pe... andhamūgaṃ pabbājenti...pe... andhabadhiraṃ pabbājenti...pe... mūgabadhiraṃ pabbājenti...pe... andhamūgabadhiraṃ pabbājenti. Bhagavato etamatthaṃ ārocesuṃ...pe... na, bhikkhave, hatthacchinno pabbājetabbo...pe... na, bhikkhave, pādacchinno pabbājetabbo...pe... na, bhikkhave, hatthapādacchinno pabbājetabbo...pe... na, bhikkhave, kaṇṇacchinno pabbājetabbo...pe... na, bhikkhave, nāsacchinno pabbājetabbo...pe... na, bhikkhave, kaṇṇanāsacchinno pabbājetabbo...pe... na, bhikkhave, aṅgulicchinno pabbājetabbo...pe... na, bhikkhave, aḷacchinno pabbājetabbo...pe... na, bhikkhave, kaṇḍaracchinno pabbājetabbo...pe... na, bhikkhave, phaṇahatthako pabbājetabbo...pe... na, bhikkhave, khujjo pabbājetabbo...pe... na, bhikkhave, vāmano pabbājetabbo...pe... na, bhikkhave, galagaṇḍī pabbājetabbo...pe... na, bhikkhave, lakkhaṇāhato pabbājetabbo...pe... na, bhikkhave, kasāhato pabbājetabbo...pe... na, bhikkhave, likhitako pabbājetabbo...pe... na, bhikkhave, sīpadī pabbājetabbo...pe... na, bhikkhave, pāparogī pabbājetabbo...pe... na, bhikkhave, parisadūsako pabbājetabbo...pe... na, bhikkhave, kāṇo pabbājetabbo...pe... na, bhikkhave, kuṇī pabbājetabbo...pe... na, bhikkhave, khaṅjo pabbājetabbo...pe... na, bhikkhave, pakkhahato pabbājetabbo...pe... na, bhikkhave, chinniriyāpatho pabbājetabbo...pe... na, bhikkhave, jarādubbalo pabbājetabbo...pe... na, bhikkhave, andho pabbājetabbo...pe... na, bhikkhave, mūgo pabbājetabbo...pe... na, bhikkhave, badhiro pabbājetabbo...pe... na, bhikkhave, andhamūgo pabbājetabbo...pe... na, bhikkhave, andhabadhiro pabbājetabbo...pe... na, bhikkhave, mūgabadhiro pabbājetabbo...pe... na, bhikkhave, andhamūgabadhiro pabbājetabbo. Yo pabbājeyya, āpatti dukkaṭassāti.

Napabbājetabbadvattiṃsavāro niṭṭhito.

Dāyajjabhāṇavāro niṭṭhito navamo.

58. Alajjīnissayavatthūni

120. Tena kho pana samayena chabbaggiyā bhikkhū alajjīnaṃ nissayaṃ denti. Bhagavato etamatthaṃ ārocesuṃ. Na, bhikkhave, alajjīnaṃ nissayo dātabbo. Yo dadeyya, āpatti dukkaṭassāti.

Tena kho pana samayena bhikkhū alajjīnaṃ nissāya vasanti. Tepi nacirasseva alajjino honti pāpakābhikkhū. Bhagavato etamatthaṃ ārocesuṃ. Na, bhikkhave, alajjīnaṃ nissāya vatthabbaṃ. Yo vaseyya, āpatti dukkaṭassāti.

Atha kho bhikkhūnaṃ etadahosi – “bhagavatā paññattaṃ ‘na alajjīnaṃ nissayo dātabbo, na alajjīnaṃ nissāya vatthabba’nti. Kathaṃ nu kho mayā jāneyyāma lajjim vā alajjim vā’nti? Bhagavato etamatthaṃ ārocesuṃ. Anujānāmi, bhikkhave, catūhapañcāhaṃ āgametuṃ yāva bhikkhusabhāgatam jānāmīti.

59. Gamikādinissayavatthūni

121. Tena kho pana samayena aññataro bhikkhu kosalesu janapade addhānamaggappaṭipanno hoti. Atha kho tassa bhikkhuno etadahosi – “bhagavatā paññattaṃ ‘na anissitena vatthabba’nti. Ahañcamhi nissayakaraṇīyo addhānamaggappaṭipanno, kathaṃ nu kho mayā paṭipajjitabba’nti? Bhagavato etamatthaṃ ārocesuṃ. Anujānāmi, bhikkhave, addhānamaggappaṭipannena bhikkhunā nissayaṃ alabhamānena anissitena vatthunti.

Tena kho pana samayena dve bhikkhū kosalesu janapade addhānamaggappaṭipannā honti. Te aññataraṃ āvāsaṃ upagacchimsu. Tattha eko bhikkhu gilāno hoti. Atha kho tassa gilānassa bhikkhuno etadahosi – “bhagavatā paññattaṃ ‘na anissitena vatthabba’nti. Ahañcamhi nissayakaraṇīyo gilāno, kathaṃ nu kho mayā paṭipajjitabba’nti? Bhagavato etamatthaṃ ārocesuṃ. Anujānāmi, bhikkhave,

gilānena bhikkhunā nissayaṃ alabhamānena anissitena vatthunti.

Atha kho tassa gilānupaṭṭhākassa bhikkhuno etadahosi – ‘‘bhagavatā paññattaṃ ‘na anissitena vatthabba’nti. Ahañcamhi nissayakaraṇīyo, ayañca bhikkhu gilāno, kathaṃ nu kho mayā paṭipajjitabba’nti? Bhagavato etamatthaṃ ārocesuṃ. Anujānāmi, bhikkhave, gilānupaṭṭhākena bhikkhunā nissayaṃ alabhamānena yāciyamānena anissitena vatthunti.

Tena kho pana samayena aññataro bhikkhu araññe viharati. Tassa ca tasmim̐ senāsane phāsu hoti. Atha kho tassa bhikkhuno etadahosi – ‘‘bhagavatā paññattaṃ ‘na anissitena vatthabba’nti. Ahañcamhi nissayakaraṇīyo araññe viharāmi, mayhañca imasmim̐ senāsane phāsu hoti, kathaṃ nu kho mayā paṭipajjitabba’nti? Bhagavato etamatthaṃ ārocesuṃ. Anujānāmi, bhikkhave, āraññikena bhikkhunā phāsuvihāraṃ sallakkhenta nissayaṃ alabhamānena anissitena vatthuṃ – yadā patirūpo nissayadāyako āgacchissati, tadā tassa nissāya vasissāmīti.

60. Gottena anussāvanānujānanā

122. Tena kho pana samayena āyasmato mahākassapassa upasampadāpekkho hoti. Atha kho āyasmā mahākassapo āyasmato ānandassa santike dūtaṃ pāhesi – āgacchatu ānando imaṃ anussāvēssatūti [anussāvēssatīti (syā.)]. Āyasmā ānando evamāha – ‘‘nāhaṃ ussahāmi therassa nāmaṃ gahetuṃ, garu me thero’’ti. Bhagavato etamatthaṃ ārocesuṃ. Anujānāmi, bhikkhave, gottenapi anussāvetuntī.

61. Dveupasampadāpekkhādivatthu

123. Tena kho pana samayena āyasmato mahākassapassa dve upasampadāpekkhā honti. Te vivadanti – ahaṃ paṭhamaṃ upasampajjissāmi, ahaṃ paṭhamaṃ upasampajjissāmīti. Bhagavato etamatthaṃ ārocesuṃ. Anujānāmi, bhikkhave, dve ekānussāvane kātuntī.

Tena kho pana samayena sambahulānaṃ therānaṃ upasampadāpekkhā honti. Te vivadanti – ahaṃ paṭhamaṃ upasampajjissāmi, ahaṃ paṭhamaṃ upasampajjissāmīti. Therā evamāhaṃsu – ‘‘handa, mayaṃ, āvuso, sabbeva ekānussāvane karomā’’ti. Bhagavato etamatthaṃ ārocesuṃ. Anujānāmi, bhikkhave, dve tayo ekānussāvane kātuṃ, tañca kho ekena upajjhāyena, na tveva nānupajjhāyenāti.

62. Gabbhavīsūpasampadānujānanā

124. Tena kho pana samayena āyasmā kumārakassapo gabbhavīso upasampanno ahosi. Atha kho āyasmato kumārakassapassa etadahosi – ‘‘bhagavatā paññattaṃ ‘na ūnavīsativasso puggalo upasampādetabbo’nti. Ahañcamhi gabbhavīso upasampanno. Upasampanno nu khomhi, nanu kho upasampanno’nti? Bhagavato etamatthaṃ ārocesuṃ. Yaṃ, bhikkhave, mātukucchismiṃ paṭhamaṃ cittaṃ uppannaṃ, paṭhamaṃ viññānaṃ pātubhūtaṃ, tadupādāya sāvassa jāti. Anujānāmi, bhikkhave, gabbhavīsaṃ upasampādetuntī.

63. Upasampadāvidhi

125. Tena kho pana samayena upasampannā dissanti kuṭṭhikāpi gaṇḍikāpi kilāsikāpi sosikāpi apamārikāpi. Bhagavato etamatthaṃ ārocesuṃ. Anujānāmi, bhikkhave, upasampādentena terasa [tassa (ka.)] antarāyike dhamme pucchituṃ. Evañca pana, bhikkhave, pucchitabbo – ‘‘santi te evarūpā ābādā – kuṭṭhaṃ, gaṇḍo, kilāso, soso, apamāro? Manussosi? Purisosi? Bhujissosi? Aṇaṇosi? Nasi rājabhaṭo? Anuññātosi mātāpitūhi? Paripuṇṇavīsativassosi? Paripuṇṇaṃ te pattacīvaram? Kimnāmosi? Konāmo te upajjhāyo’’ti?

Tena kho pana samayena bhikkhū ananusiṭṭhe upasampadāpekkhe antarāyike dhamme pucchanti. Upasampadāpekkhā vitthāyanti, maṅkū honti, na sakkonti vissajjetuṃ. Bhagavato etamatthaṃ ārocesuṃ. Anujānāmi, bhikkhave, paṭhamam̐ anusāsivā pacchā antarāyike dhamme pucchitunti.

Tattheva saṅghamajjhe anusāsanti. Upasampadāpekkhā tattheva vitthāyanti, maṅkū honti, na sakkonti vissajjetuṃ. Bhagavato etamatthaṃ ārocesuṃ. Anujānāmi, bhikkhave, ekamantaṃ anusāsivā saṅghamajjhe antarāyike dhamme pucchituṃ. Evañca pana, bhikkhave, anusāsitabbo –

126. Paṭhamam̐ upajjham̐ gāhāpetabbo. Upajjham̐ gāhāpetvā pattacīvaram̐ ācikkhitabbaṃ – ayam̐ te patto, ayam̐ saṅghāṭi, ayam̐ uttarāsaṅgo, ayam̐ antaravāsako. Gaccha, amumhi okāse tiṭṭhāhīti.

Bālā abyattā anusāsanti. Duranusiṭṭhā upasampadāpekkhā vitthāyanti, maṅkū honti, na sakkonti vissajjetuṃ. Bhagavato etamatthaṃ ārocesuṃ. Na, bhikkhave, bālena abyattena anusāsitabbo. Yo anusāseyya, āpatti dukkaṭassa. Anujānāmi, bhikkhave, byattena bhikkhunā paṭibalena anusāsitunti.

Asammatā anusāsanti. Bhagavato etamatthaṃ ārocesuṃ. Na, bhikkhave, asammatena anusāsitabbo. Yo anusāseyya, āpatti dukkaṭassa. Anujānāmi, bhikkhave, sammatena anusāsituṃ. Evañca pana, bhikkhave, sammannitabbo [sammanitabbo (ka.)] – attanā vā [attanāva (syā.)] attānaṃ sammannitabbaṃ, parena vā paro sammannitabbo.

Kathañca attanāva attānaṃ sammannitabbaṃ? Byattena bhikkhunā paṭibalena saṅgho ñāpetabbo – “suṇātu me, bhante, saṅgho. Itthannāmo itthannāmassa āyasmato upasampadāpekkho. Yadi saṅghassa pattakallaṃ, aham̐ itthannāmaṃ anusāseyya”nti. Evaṃ attanāva attānaṃ sammannitabbaṃ.

Kathañca pana parena paro sammannitabbo? Byattena bhikkhunā paṭibalena saṅgho ñāpetabbo – “suṇātu me, bhante, saṅgho. Itthannāmo itthannāmassa āyasmato upasampadāpekkho. Yadi saṅghassa pattakallaṃ, itthannāmo itthannāmaṃ anusāseyyā”ti. Evaṃ parena paro sammannitabbo.

Tena sammatena bhikkhunā upasampadāpekkho upasaṅkamitvā evamassa vacanīyo – “suṇasi, itthannāma, ayam̐ te saccakālo bhūtakālo. Yaṃ jātaṃ taṃ saṅghamajjhe pucchante santaṃ atthīti vattabbaṃ, asantaṃ natthī”ti vattabbaṃ. Mā kho vitthāyi, mā kho maṅku ahosi. Evaṃ taṃ pucchissanti – “santi te evarūpā ābādhā – kuṭṭham̐, gaṇḍo, kilāso, soso, apamāro? Manussosi? Purisosi? Bhujissosi? Aṇaṇosi? Nasi rājabhaṭo? Anuññātosī mātāpitūhi? Paripuṇṇavāsativassosi? Paripuṇṇam̐ te pattacīvaram̐? Kiṃnāmosi? Konāmo te upajjhāyo”ti?

Ekato āgacchanti. Na, bhikkhave, ekato āgantabbaṃ. Anusāsakena paṭhamataram̐ āgantvā saṅgho ñāpetabbo – “suṇātu me, bhante, saṅgho. Itthannāmo itthannāmassa āyasmato upasampadāpekkho. Anusiṭṭho so mayā. Yadi saṅghassa pattakallaṃ, itthannāmo āgaccheyyā”ti. Āgacchāhīti vattabbo.

Ekamsam̐ uttarāsaṅgam̐ kārapetvā bhikkhūnaṃ pāde vandāpetvā ukkuṭikaṃ nisīdāpetvā añjalim̐ paggaṇhāpetvā upasampadaṃ yācāpetabbo – “saṅgham̐, bhante, upasampadaṃ yācāmi. Ullumpatu maṃ, bhante, saṅgho anukampaṃ upādāya. Dutiyampi, bhante, saṅgham̐ upasampadaṃ yācāmi. Ullumpatu maṃ, bhante, saṅgho anukampaṃ upādāya. Tatiyampi, bhante, saṅgham̐ upasampadaṃ yācāmi. Ullumpatu maṃ, bhante, saṅgho anukampaṃ upādāyā”ti. Byattena bhikkhunā paṭibalena saṅgho ñāpetabbo –

“Suṇātu me, bhante, saṅgho. Ayam̐ itthannāmo itthannāmassa āyasmato upasampadāpekkho. Yadi saṅghassa pattakallaṃ, aham̐ itthannāmaṃ antarāyike dhamme puccheyya”nti? Suṇasi, itthannāma, ayam̐ te saccakālo bhūtakālo. Yaṃ jātaṃ taṃ pucchāmi. Santaṃ atthīti vattabbaṃ, asantaṃ natthīti vattabbaṃ. Santi te evarūpā ābādhā – kuṭṭham̐ gaṇḍo kilesa soso apamāro, manussosi, purisosi, bhujissosi, aṇaṇosi, nasi rājabhaṭo, anuññātosī mātāpitūhi, paripuṇṇavāsativassosi, paripuṇṇam̐ te

pattacīvaraṃ, kiṃnāmosi, konāmo te upajjhāyoti? Byattena bhikkhunā paṭibalena saṅgho ñāpetabbo –

127. “Suṇātu me, bhante, saṅgho. Ayaṃ itthannāmo itthannāmassa āyasmato upasampadāpekkho, parisuddho antarāyikehi dhammehi, paripuṇṇassa pattacīvaraṃ. Itthannāmo saṅghaṃ upasampadaṃ yācati itthannāmena upajjhāyena. Yadi saṅghassa pattakallaṃ, saṅgho itthannāmaṃ upasampādeyya itthannāmena upajjhāyena. Esā ñatti.

“Suṇātu me, bhante, saṅgho. Ayaṃ itthannāmo itthannāmassa āyasmato upasampadāpekkho, parisuddho antarāyikehi dhammehi, paripuṇṇassa pattacīvaraṃ. Itthannāmo saṅghaṃ upasampadaṃ yācati itthannāmena upajjhāyena. Saṅgho itthannāmaṃ upasampādeti itthannāmena upajjhāyena. Yassāyasmato khamati itthannāmassa upasampadā itthannāmena upajjhāyena, so tuṅhassa; yassa nakkhamati, so bhāseyya.

“Dutiyampi etamatthaṃ vadāmi – suṇātu me, bhante, saṅgho. Ayaṃ itthannāmo itthannāmassa āyasmato upasampadāpekkho, parisuddho antarāyikehi dhammehi, paripuṇṇassa pattacīvaraṃ. Itthannāmo saṅghaṃ upasampadaṃ yācati itthannāmena upajjhāyena. Saṅgho itthannāmaṃ upasampādeti itthannāmena upajjhāyena. Yassāyasmato khamati itthannāmassa upasampadā itthannāmena upajjhāyena, so tuṅhassa; yassa nakkhamati, so bhāseyya.

“Tatīyampi etamatthaṃ vadāmi – suṇātu me, bhante, saṅgho. Ayaṃ itthannāmo itthannāmassa āyasmato upasampadāpekkho, parisuddho antarāyikehi dhammehi, paripuṇṇassa pattacīvaraṃ. Itthannāmo saṅghaṃ upasampadaṃ yācati itthannāmena upajjhāyena. Saṅgho itthannāmaṃ upasampādeti itthannāmena upajjhāyena. Yassāyasmato khamati itthannāmassa upasampadā itthannāmena upajjhāyena, so tuṅhassa; yassa nakkhamati, so bhāseyya.

“Upasampanno saṅghena itthannāmo itthannāmena upajjhāyena. Khamati saṅghassa, tasmā tuṅhī, evametaṃ dhārayāmi”’ti.

Upasampadākammaṃ niṭṭhitaṃ.

64. Cattāro nissayā

128. Tāvadeva chāyā metabbā, utuppamāṇaṃ ācikkhitabbaṃ, divasabhāgo ācikkhitabbo, saṅgīti ācikkhitabbā, cattāro nissayā ācikkhitabbā [ācikkhitabbā, cattāri akaraṇīyāni ācikkhitabbāni. (ka.)] –

“Piṇḍiyālopabhojanaṃ nissāya pabbajjā. Tattha te yāvajīvaṃ ussāho karaṇīyo. Atirekalābho – saṅghabhattaṃ, uddesabhattaṃ, nimantaṇaṃ, salākabhattaṃ, pakkhikaṃ, uposathikaṃ, pāṭipadikaṃ.

“Paṃsukūlacīvaraṃ nissāya pabbajjā. Tattha te yāvajīvaṃ ussāho karaṇīyo. Atirekalābho – khomaṃ, kappāsikaṃ, koseyyaṃ, kambalaṃ, sāṇaṃ, bhaṅgaṃ.

“Rukkhamūlasenāsaṇaṃ nissāya pabbajjā. Tattha te yāvajīvaṃ ussāho karaṇīyo. Atirekalābho – vihāro, aḍḍhayogo, pāsādo, hammiyaṃ, guhā.

“Pūtimuttabhesajjaṃ nissāya pabbajjā. Tattha te yāvajīvaṃ ussāho karaṇīyo. Atirekalābho – sappi, navanītaṃ, telaṃ, madhu, phāṇita”’nti.

Cattāro nissayā niṭṭhītā.

65. Cattāri akaraṇīyāni

129. Tena kho pana samayena bhikkhū aññataram bhikkhuṃ upasampādetvā ekakaṃ ohāya pakkamiṃsu. So pacchā ekakova āgacchanto antarāmagge purāṇadutiyaikāya samāgañchi. Sā evamāha – “kiṃdāni pabbajitosī”ti? “Āma, pabbajitomhī”ti. “Dullabho kho pabbajitānaṃ methuno dhammo; ehi, methunaṃ dhammaṃ paṭisevā”ti. So tassā methunaṃ dhammaṃ paṭisevitvā cirena agamāsi. Bhikkhū evamāhaṃsu – “kissa tvaṃ, āvuso, evaṃ ciraṃ akāsī”ti? Atha kho so bhikkhu bhikkhūnaṃ etamatthaṃ ārocesi. Bhikkhū bhagavato etamatthaṃ ārocesuṃ. Anujānāmi, bhikkhave, upasampādetvā dutiyaṃ dātuṃ, cattāri ca akaraṇīyāni ācikkhituṃ –

“Upasampanna bhikkhunā methuno dhammo na paṭisevitabbo, antamaso tīracchānagatāyapi. Yo bhikkhu methunaṃ dhammaṃ paṭisevati, assamaṇo hoti asakyaputtiyo. Seyyathāpi nāma puriso sīsacchinno abhabbo tena sarīrabandhanena jīvitūṃ, evameva bhikkhu methunaṃ dhammaṃ paṭisevitvā assamaṇo hoti asakyaputtiyo. Taṃ te yāvajīvaṃ akaraṇīyaṃ.

“Upasampanna bhikkhunā adinnaṃ theyyasaṅkhātāṃ na ādātābbaṃ, antamaso tiṇasalākaṃ upādāya. Yo bhikkhu pādaṃ vā pādārahaṃ vā atirekapādaṃ vā adinnaṃ theyyasaṅkhātāṃ ādiyati, assamaṇo hoti asakyaputtiyo. Seyyathāpi nāma paṇḍupalāso bandhanā pamutto abhabbo haritattāya, evameva bhikkhu pādaṃ vā pādārahaṃ vā atirekapādaṃ vā adinnaṃ theyyasaṅkhātāṃ ādiyitvā assamaṇo hoti asakyaputtiyo. Taṃ te yāvajīvaṃ akaraṇīyaṃ.

“Upasampanna bhikkhunā sañcicca pāṇo jīvitā na voropetabbo, antamaso kunthakipillikaṃ upādāya. Yo bhikkhu sañcicca manussaviggahaṃ jīvitā voropeti, antamaso gabbhapātanaṃ upādāya, assamaṇo hoti asakyaputtiyo. Seyyathāpi nāma puthusilā dvedhā bhinnā appaṭisandhikā hoti, evameva bhikkhu sañcicca manussaviggahaṃ jīvitā voropetvā assamaṇo hoti asakyaputtiyo. Taṃ te yāvajīvaṃ akaraṇīyaṃ.

“Upasampanna bhikkhunā uttarimanussadhammo na ullapitabbo, antamaso ‘suññāgāre abhiraṃmāmi’ti. Yo bhikkhu pāpiccho icchāpakato asantaṃ abhūtaṃ uttarimanussadhammaṃ ullapati jhānaṃ vā vimokkhaṃ vā samādhiṃ vā samāpattiṃ vā maggaṃ vā phalaṃ vā, assamaṇo hoti asakyaputtiyo. Seyyathāpi nāma tālo matthakacchinno abhabbo puna viruḥhiyā, evameva bhikkhu pāpiccho icchāpakato asantaṃ abhūtaṃ uttarimanussadhammaṃ ullapitvā assamaṇo hoti asakyaputtiyo. Taṃ te yāvajīvaṃ akaraṇīya’nti.

Cattāri akaraṇīyāni niṭṭhitāni.

66. Āpattiyā adassane ukkhittakavatthūni

130. Tena kho pana samayena aññataro bhikkhu āpattiyā adassane ukkhittako vibbhami. So puna paccāgantvā bhikkhū upasampadaṃ yāci. Bhagavato etamatthaṃ ārocesuṃ.

Idha pana, bhikkhave, bhikkhu āpattiyā adassane ukkhittako vibbhamati. So puna paccāgantvā bhikkhū upasampadaṃ yācati. So evamassa vacanīyo – “passissasi taṃ āpatti’nti? Sacāhaṃ passissāmīti, pabbājetabbo. Sacāhaṃ na passissāmīti, na pabbājetabbo. Pabbājetvā vattabbo – “passissasi taṃ āpatti’nti? Sacāhaṃ passissāmīti, upasampādetabbo. Sacāhaṃ na passissāmīti, na upasampādetabbo. Upasampādetvā vattabbo – “passissasi taṃ āpatti’nti? Sacāhaṃ passissāmīti, osāretabbo. Sacāhaṃ na passissāmīti, na osāretabbo. Osāretvā vattabbo – “passasi [passāhi (sī.)] taṃ āpatti’nti? Sace passati, iccetaṃ kusalaṃ. No ce passati, labbhamānāya sāmaggīyā puna ukkhipitabbo. Alabbhamānāya sāmaggīyā anāpatti sambhoge saṃvāse.

Idha pana, bhikkhave, bhikkhu āpattiyā appaṭikamme ukkhittako vibbhamati. So puna paccāgantvā

bhikkhū upasampadaṃ yācati. So evamassa vacanīyo – “paṭikarissasi taṃ āpatti”nti? Sacāhaṃ paṭikarissāmīti, pabbājetabbo. Sacāhaṃ na paṭikarissāmīti, na pabbājetabbo. Pabbājetvā vattabbo – “paṭikarissasi taṃ āpatti”nti? Sacāhaṃ paṭikarissāmīti, upasampādetabbo. Sacāhaṃ na paṭikarissāmīti, na upasampādetabbo. Upasampādetvā vattabbo – “paṭikarissasi taṃ āpatti”nti? Sacāhaṃ paṭikarissāmīti, osāretabbo. Sacāhaṃ na paṭikarissāmīti, na osāretabbo. Osāretvā vattabbo – “paṭikarohi taṃ āpatti”nti. Sace paṭikaroti, iccetam kusalam. No ce paṭikaroti labbhamānāya sāmaggīyā puna ukkhipitabbo. Alabbhamānāya sāmaggīyā anāpatti sambhoge saṃvāse.

Idha pana, bhikkhave, bhikkhu pāpikāya diṭṭhiyā appaṭinissagge ukkhittako vibbhamati. So puna paccāgantvā bhikkhū upasampadaṃ yācati. So evamassa vacanīyo – “paṭinissajjissasi taṃ pāpikaṃ diṭṭhi”nti? Sacāhaṃ paṭinissajjissāmīti, pabbājetabbo. Sacāhaṃ na paṭinissajjissāmīti, na pabbājetabbo. Pabbājetvā vattabbo – “paṭinissajjissasi taṃ pāpikaṃ diṭṭhi”nti? Sacāhaṃ paṭinissajjissāmīti, upasampādetabbo. Sacāhaṃ na paṭinissajjissāmīti, na upasampādetabbo. Upasampādetvā vattabbo – “paṭinissajjissasi taṃ pāpikaṃ diṭṭhi”nti? Sacāhaṃ paṭinissajjissāmīti, osāretabbo. Sacāhaṃ na paṭinissajjissāmīti, na osāretabbo. Osāretvā vattabbo – “paṭinissajjehi taṃ pāpikaṃ diṭṭhi”nti. Sace paṭinissajjati, iccetam kusalam. No ce paṭinissajjati, labbhamānāya sāmaggīyā puna ukkhipitabbo. Alabbhamānāya sāmaggīyā anāpatti sambhoge saṃvāseti.

Mahākhandhako paṭhamo.

67. Tassuddānaṃ

131. Vinayamhi mahatthesu, pesalānaṃ sukhāvahe;
Niggahānañca pāpicche, lajjīnaṃ paggahe su ca.

Sāsanādhāraṇe ceva, sabbaññujinagocare;
Anaññavisaye kheme, supaññatte asaṃsaye.

Khandhake vinaye ceva, parivāre ca mātike;
Yathātthakārī kusalo, paṭipajjati yoniso.

Yo gavaṃ na vijānāti, na so rakkhati gogaṇaṃ;
Evaṃ sīlaṃ ajānanto, kiṃ so rakkheyya saṃvaram.

Pamuṭṭhamhi ca suttante, abhidhamme ca tāvade;
Vinaye avinaṭṭhamhi, puna tiṭṭhati sāsanam.

Tasmā saṅgāhaṇāhetuṃ [saṅgāhanāhetuṃ (ka.)], uddānaṃ anupubbaso;
Pavakkhāmi yathāñāyaṃ, suñātha mama bhāsato.

Vatthu nidānaṃ āpatti, nayā peyyārameva ca;
Dukkaraṃ taṃ asetuṃ, nayato taṃ vijānathāti.

Bodhi rājāyatanañca, ajapālo sahampati;
Brahmā ājāro udako, bhikkhu ca upako isi.

Koṇḍañño vappo bhaddiyo, mahānāmo ca assaji;
Yaso cattāro paññāsa, sabbe pesesi so disā.

Vatthu mārehi tiṃsā ca, uruvelaṃ tayo jaṭi;
Agyāgāraṃ mahārājā, sakko brahmā ca kevalā.

Paṃsukūlaṃ pokkharanī, silā ca kakudho silā;
Jambu ambo ca āmalo, pāripupphañca āhari.

Phāliyantū ujjalantu, vijjhāyantū ca kassapa;
Nimujjanti mukhī meggho, gayā latthi ca māgadho.

Upatisso kolito ca, abhiññātā ca pabbajum;
Dunnivatthā paṇāmanā, kiso lūkho ca brāhmaṇo.

Anācāraṃ ācarati, udaraṃ māṇavo gaṇo;
Vassaṃ bālehi pakkanto, dasa vassāni nissayo.

Na vattanti paṇāmetum, bālā passaddhi pañca cha;
Yo so añño ca naggo ca, acchinnajaṭṭilasākiyo.

Magadhesu pañcābādā, eko rājā [bhaṭo coro (syā.)] ca aṅguli;
Māgadho ca anuññāsī, kārā likhī kasāhato.

Lakkhaṇā iṇā dāso ca, bhaṇḍuko upāli ahi;
Saddhaṃ kulam kaṇṭako ca, āhundaṛikameva ca.

Vatthumhi dāraṅko sikkhā, viharanti ca kiṃ nu kho;
Sabbam mukham upajjhāye, apalāḷana kaṇṭako.

Paṇḍako theyyapakkanto, ahi ca mātari pitā;
Arahantabhikkhunībhedā, ruhirena ca byañjanaṃ.

Anupajjhāyasaṅghena, gaṇapaṇḍakapattako;
Acīvaraṃ tadubhayaṃ, yācitenapi ye tayo.

Hatthā pādā hatthapādā, kaṇṇā nāsā tadūbhayaṃ;
Aṅgulaḷakaṇḍaram, phaṇam khujjañca vāmanam.

Galagaṇḍī lakkhaṇā ceva, kasā likhitasīpadī;
Pāparisadūsī ca, kāṇam kuṇi tatheva ca.

Khañjam pakkhahatañceva, sacchinnairiyāpatham;
Jarāndhamūgabadhiraṃ, andhamūgañca yaṃ tahiṃ.

Andhabadhiraṃ yaṃ vuttam, mūgabadhiraṃeva ca;
Andhamūgabadhirañca, alajjīnañca nissayaṃ.

Vatthabbañca tathāddhānam, yācamānena lakkhaṇā [pekkanā (sabbattha)];
Āgacchatu vivadanti, ekupajjhāyena kassapo.

Dissanti upasampannā, ābādhehi ca pīlitā;
Ananusīṭṭhā vitthenti, tattheva anusāsanā.

Saṅhepi ca atho bālā, asammatā ca ekato;
Ullumpatupasampadā, nissayo ekako tayoti.

Imamhi khandhake vatthūni ekasatañca dvāsattati.

Mahākhandhako niṭṭhito.

2. Uposathakkhandhako

68. Sannipātānujānanā

132. Tena समयena buddho bhagavā rājagahe viharati gijjhakūṭe pabbate. Tena kho pana समयena aññatitthiyā paribbājakā cātuddase pannarase aṭṭhamiyā ca pakkhassa sannipatitvā dhammaṃ bhāsanti. Te manussā upasaṅkamanti dhammassavanāya. Te labhanti aññatitthiyesu paribbājakesu pemaṃ, labhanti pasādaṃ, labhanti aññatitthiyā paribbājakā pakkhaṃ. Atha kho rañño māgadhatta seniyassa bimbisārassa rahogatassa paṭisallīnassa evaṃ cetaso parivittakko udapādi – “etarahi kho aññatitthiyā paribbājakā cātuddase pannarase aṭṭhamiyā ca pakkhassa sannipatitvā dhammaṃ bhāsanti. Te manussā upasaṅkamanti dhammassavanāya. Te labhanti aññatitthiyesu paribbājakesu pemaṃ, labhanti pasādaṃ, labhanti aññatitthiyā paribbājakā pakkhaṃ. Yaṃnūna ayyāpi cātuddase pannarase aṭṭhamiyā ca pakkhassa sannipateyyu’nti. Atha kho rājā māgadho seniyo bimbisāro yena bhagavā tenupasaṅkami, upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinno kho rājā māgadho seniyo bimbisāro bhagavantaṃ etadavoca – “idha mayhaṃ, bhante, rahogatassa paṭisallīnassa evaṃ cetaso parivittakko udapādi ‘etarahi kho aññatitthiyā paribbājakā cātuddase pannarase aṭṭhamiyā ca pakkhassa sannipatitvā dhammaṃ bhāsanti. Te manussā upasaṅkamanti dhammassavanāya. Te labhanti aññatitthiyesu paribbājakesu pemaṃ, labhanti pasādaṃ, labhanti aññatitthiyā paribbājakā pakkhaṃ. Yaṃnūna ayyāpi cātuddase pannarase aṭṭhamiyā ca pakkhassa sannipateyyu’nti. Sādhu, bhante, ayyāpi cātuddase pannarase aṭṭhamiyā ca pakkhassa sannipateyyu’nti. Atha kho bhagavā rājānaṃ māgadhaṃ seniyaṃ bimbisāraṃ dhammiyā kathāya sandassesī samādapesi samuttejesī sampahaṃsesī. Atha kho rājā māgadho seniyo bimbisāro bhagavatā dhammiyā kathāya sandassito samādapito samuttejito sampahaṃsito uṭṭhāyāsanaṃ bhagavantaṃ abhivādetvā padakkhiṇaṃ katvā pakkāmi. Atha kho bhagavā etasmiṃ nidāne etasmiṃ pakaraṇe dhammiṃ kathaṃ katvā bhikkhū āmantesī – “anujānāmi, bhikkhave, cātuddase pannarase aṭṭhamiyā ca pakkhassa sannipatitvā dhammaṃ bhāsanti’nti.

Tena kho pana समयena bhikkhū – bhagavatā anuññatā cātuddase pannarase aṭṭhamiyā ca pakkhassa sannipatitvā – cātuddase pannarase aṭṭhamiyā ca pakkhassa sannipatitvā tuṇhī nisīdanti. Te manussā upasaṅkamanti dhammassavanāya. Te ujjhāyanti khiyyanti vipācenti – “kathañhi nāma samaṇaṃ sakyaputtiyā cātuddase pannarase aṭṭhamiyā ca pakkhassa sannipatitvā tuṇhī nisīdissanti, seyyathāpi mūgasūkarā. Nanu nāma sannipatitehi dhammo bhāsitaṃ”ti. Assosum kho bhikkhū tesam manussānaṃ ujjhāyantānaṃ khiyyantānaṃ vipācentānaṃ. Atha kho te bhikkhū bhagavato etamatthaṃ ārocesum...pe... atha kho bhagavā etasmiṃ nidāne etasmiṃ pakaraṇe dhammiṃ kathaṃ katvā bhikkhū āmantesī – “anujānāmi, bhikkhave, cātuddase pannarase aṭṭhamiyā ca pakkhassa sannipatitvā dhammaṃ bhāsanti’nti.

69. Pātimokkhuddesānujānanā

133. Atha kho bhagavato rahogatassa paṭisallīnassa evaṃ cetaso parivittakko udapādi – “yaṃnūnāhaṃ yāni mayā bhikkhūnaṃ paññattāni sikkhāpadāni, tāni nesaṃ pātimokkhuddesaṃ anujāneyyaṃ. So nesaṃ bhavissati uposathakamma’nti. Atha kho bhagavā sāyanhasamayaṃ paṭisallānā vuṭṭhito etasmiṃ nidāne etasmiṃ pakaraṇe dhammiṃ kathaṃ katvā bhikkhū āmantesī – idha mayhaṃ, bhikkhave, rahogatassa paṭisallīnassa evaṃ cetaso parivittakko udapādi ‘yaṃnūnāhaṃ yāni mayā bhikkhūnaṃ paññattāni sikkhāpadāni, tāni nesaṃ pātimokkhuddesaṃ anujāneyyaṃ. So nesaṃ bhavissati uposathakamma’nti. Anujānāmi, bhikkhave, pātimokkhaṃ uddisitum. Evañca pana, bhikkhave, uddisitabbaṃ. Byattena bhikkhunā paṭibalena saṅgho ñāpetabbo –

134. “Suṇātu me, bhante, saṅgho. Yadi saṅghassa pattakallaṃ, saṅgho uposathaṃ kareyya, pātimokkhaṃ uddiseyya. Kiṃ saṅghassa pubbakiccaṃ? Pārisuddhiṃ āyasmanto ārocetha. Pātimokkhaṃ uddisissāmi. Taṃ sabbeva santā sādhukaṃ suṇoma manasi karoma. Yassa siyā āpatti, so āvikareyya. Asantiyā āpattiyā tuṇhī bhavitabbaṃ. Tuṇhībhāvena kho panāyasmante parisuddhāti vedissāmi. Yathā kho pana paccekapuṭṭhassa veyyākaraṇaṃ hoti, evamevaṃ [evameva (ka)] evarūpāya parisāya yāvatatiyaṃ anussāvitāṃ hoti. Yo pana bhikkhu yāvatatiyaṃ anussāviyamāne saramāno santim āpattim nāvikareyya, sampajānamusāvādassa hoti. Sampajānamusāvādo kho panāyasmanto antarāyiko dhammo vutto bhagavatā. Tasmā, saramānena bhikkhunā āpannena visuddhāpekkhena santī āpatti āvikātabbā; āvikatā hissa phāsu hotī” ti.

135. Pātimokkhanti ādimetaṃ mukhametaṃ pamukhametaṃ kusalānaṃ dhammānaṃ. Tena vuccati pātimokkhanti. **Āyasmantoti** piyavacanametāṃ garuvacanametāṃ sagāravasappatissādhivacanametāṃ āyasmantoti. **Uddisissāmīti** ācikkhissāmi desessāmi paññapessāmi paṭṭhapessāmi vivarissāmi vibhajissāmi uttāniṃ karissāmi [uttāni karissāmi (sī. syā.)] pakāsessāmi. **Tanti** pātimokkhaṃ vuccati. **Sabbeva santāti** yāvatikā tassā parisāya therā ca navā ca majjhimā ca, ete vuccanti sabbeva santāti. **Sādhukaṃ suṇomāti** aṭṭhiṃ katvā manasi katvā sabbacetasā [sabbam cetasā (syā. ka.)] samannāharāma. **Manasi karomāti** ekaggacittā avikkhittacittā avisāhaṭacittā nisāmema. **Yassa siyā āpattīti** therassa vā navassa vā majjhimassa vā, pañcannaṃ vā āpattikkhandhānaṃ aññatarā āpatti, sattannaṃ vā āpattikkhandhānaṃ aññatarā āpatti. **So āvikareyyāti** so deseyya, so vivareyya, so uttāniṃ kareyya, so pakāseyya saṅghamajjhe vā gaṇamajjhe vā ekapuggale vā. **Asantī** nāma **āpatti** anajjhāpanā vā hoti, āpajjitvā vā vuṭṭhitā. **Tuṇhī bhavitabbanti** adhivāsetabbaṃ na byāharitabbaṃ. **Parisuddhāti vedissāmīti** jānissāmi dhāressāmi. **Yathā kho pana paccekapuṭṭhassa veyyākaraṇaṃ hotīti** yathā ekena eko puṭṭho byākareyya, evameva tassā parisāya jānitabbaṃ maṃ pucchati. **Evarūpā** nāma **parisā** bhikkhuparisā vuccati. **Yāvatatiyaṃ anussāvitāṃ hotīti** sakimpi anussāvitāṃ hoti, dutiyampi anussāvitāṃ hoti, tatiyampi anussāvitāṃ hoti. **Saramānoti** jānamāno sañjānamāno. **Santī** nāma **āpatti** ajjhāpanā vā hoti, āpajjitvā vā avuṭṭhitā. **Nāvikareyyāti** na deseyya, na vivareyya, na uttāniṃ kareyya, na pakāseyya saṅghamajjhe vā gaṇamajjhe vā ekapuggale vā. **Sampajānamusāvādassa hotīti**. Sampajānamusāvāde kiṃ hoti? Dukkaṭaṃ hoti. **Antarāyiko dhammo vutto bhagavatāti**. Kissa antarāyiko? Paṭhamassa jhānassa adhigamāya antarāyiko, dutiyassa jhānassa adhigamāya antarāyiko, tatiyassa jhānassa adhigamāya antarāyiko, catutthassa jhānassa adhigamāya antarāyiko, jhānānaṃ vimokkhānaṃ samādhīnaṃ samāpattīnaṃ nekkhammānaṃ nissaraṇānaṃ pavivekānaṃ kusalānaṃ dhammānaṃ adhigamāya antarāyiko. **Tasmāti** taṅkāraṇā. **Saramānenāti** jānamānena sañjānamānena. **Visuddhāpekkhenāti** vuṭṭhātukāmena visujjhitukāmena. **Santī** nāma **āpatti** ajjhāpanā vā hoti, āpajjitvā vā avuṭṭhitā. **Āvikātabbāti** āvikātabbā saṅghamajjhe vā gaṇamajjhe vā ekapuggale vā. **Āvikatā hissa phāsu hotīti**. Kissa phāsu hoti? Paṭhamassa jhānassa adhigamāya phāsu hoti, dutiyassa jhānassa adhigamāya phāsu hoti, tatiyassa jhānassa adhigamāya phāsu hoti, catutthassa jhānassa adhigamāya phāsu hoti, jhānānaṃ vimokkhānaṃ samādhīnaṃ samāpattīnaṃ nekkhammānaṃ nissaraṇānaṃ pavivekānaṃ kusalānaṃ dhammānaṃ adhigamāya phāsu hotīti.

136. Tena kho pana samayena bhikkhū – bhagavatā pātimokkhuddeso anuññātoti – devasikaṃ pātimokkhaṃ uddisanti. Bhagavato etamatthaṃ ārocesuṃ. Na, bhikkhave, devasikaṃ pātimokkhaṃ uddisitabbaṃ. Yo uddiseyya, āpatti dukkaṭassa. Anujānāmi, bhikkhave, uposathe pātimokkhaṃ uddisitunti.

Tena kho pana samayena bhikkhū – bhagavatā uposathe pātimokkhuddeso anuññātoti – pakkhassa tikkhattuṃ pātimokkhaṃ uddisanti, cātuddase pannarase aṭṭhamiyā ca pakkhassa. Bhagavato etamatthaṃ ārocesuṃ. Na, bhikkhave, pakkhassa tikkhattuṃ pātimokkhaṃ uddisitabbaṃ. Yo uddiseyya, āpatti dukkaṭassa. Anujānāmi, bhikkhave, sakim pakkhassa cātuddase vā pannarase vā pātimokkhaṃ uddisitunti.

Tena kho pana samayena chabbaggiyā bhikkhū yathāparisāya pātimokkhaṃ uddisanti sakāya

sakāya parisāya. Bhagavato etamattham ārocesum. Na, bhikkhave, yathāparisāya pātimokkham uddisitabbam sakāya sakāya parisāya. Yo uddiseyya, āpatti dukkaṭassa. Anujānāmi, bhikkhave, samaggānaṃ uposathakammanti.

Atha kho bhikkhūnaṃ etadahosi – “bhagavatā paññattaṃ ‘samaggānaṃ uposathakamma’nti. Kittāvataṃ nu kho sāmaggī hoti, yāvatā ekāvāso, udāhu sabbā pathavi’”ti? Bhagavato etamattham ārocesum. Anujānāmi, bhikkhave, ettāvataṃ sāmaggī yāvatā ekāvāsoti.

70. Mahākappinavatthu

137. Tena kho pana samayena āyasmā mahākappino rājagahe viharati maddakucchimhi migadāye. Atha kho āyasmato mahākappinassa rahogatassa paṭisallīnassa evaṃ cetaso parivitaṅko udapādi – “gaccheyyaṃ vāhaṃ uposathaṃ na vā gaccheyyaṃ, gaccheyyaṃ vāhaṃ saṅghakammaṃ na vā gaccheyyaṃ, atha khvāhaṃ visuddho paramāya visuddhiyā’”ti? Atha kho bhagavā āyasmato mahākappinassa cetasa cetoparivitaṅkamaññāya – seyyathāpi nāma balavā puriso samiñjitaṃ vā bāhaṃ pasāreyya, pasāritaṃ vā bāhaṃ samiñjeyya, evameva – gijjhakūṭe pabbate antarahito maddakucchimhi migadāye āyasmato mahākappinassa sammukhe pāturahosi. Nisīdi bhagavā paññatte āsane. Āyasmāpi kho mahākappino bhagavantaṃ abhivādetvā ekamantaṃ nisīdi. Ekamantaṃ nisinnaṃ kho āyasmantaṃ mahākappinaṃ bhagavā etadavoca – “nanu te, kappina, rahogatassa paṭisallīnassa evaṃ cetaso parivitaṅko udapādi – gaccheyyaṃ vāhaṃ uposathaṃ na vā gaccheyyaṃ, gaccheyyaṃ vāhaṃ saṅghakammaṃ na vā gaccheyyaṃ, atha khvāhaṃ visuddho paramāya visuddhiyā’”ti? “Evaṃ, bhante’”. “Tumhe ce brāhmaṇā uposathaṃ na sakkarissatha na garukarissatha [na garuṃ karissatha (ka.)] na mānessatha na pūjessatha, atha ko carahi uposathaṃ sakkarissati garukarissati mānessati pūjessati? Gaccha tvaṃ, brāhmaṇa, uposathaṃ, mā no agamāsi. Gaccha tvaṃ saṅghakammaṃ, mā no agamāsi’”ti. “Evaṃ, bhante’”ti kho āyasmā mahākappino bhagavato paccassosi. Atha kho bhagavā āyasmantaṃ mahākappinaṃ dhammiyā kathāya sandassetvā samādapetvā samuttejetvā sampahaṃsetvā – seyyathāpi nāma balavā puriso samiñjitaṃ vā bāhaṃ pasāreyya, pasāritaṃ vā bāhaṃ samiñjeyya, evameva – maddakucchimhi migadāye āyasmato mahākappinassa sammukhe antarahito gijjhakūṭe pabbate pāturahosi.

71. Sīmānujānā

138. Atha kho bhikkhūnaṃ etadahosi – “bhagavatā paññattaṃ ‘ettāvataṃ sāmaggī yāvatā ekāvāso’ti, kittāvataṃ nu kho ekāvāso hoti’”ti? Bhagavato etamattham ārocesum. Anujānāmi, bhikkhave, sīmaṃ sammannituṃ. Evañca pana, bhikkhave, sammannitabbā – paṭhamaṃ nimittā kittetabbā – pabbatanimittaṃ, pāsānanimittaṃ, vananimittaṃ, rukkhanimittaṃ, magganimittaṃ, vammikanimittaṃ, nadānimittaṃ, udakanimittaṃ. Nimitte kittetvā byattena bhikkhunā paṭibalena saṅho nāpetabbo –

139. “Suṇātu me, bhante, saṅho. Yāvatā samantā nimittā kittitā. Yadi saṅghassa pattakallaṃ, saṅho etehi nimittehi sīmaṃ sammanneyya samānasaṃvāsaṃ ekuposathaṃ [ekūposathaṃ (ka.)]. Esā ñatti.

“Suṇātu me, bhante, saṅho. Yāvatā samantā nimittā kittitā. Saṅho etehi nimittehi sīmaṃ sammannati samānasaṃvāsaṃ ekuposathaṃ. Yassāyasmato khamati etehi nimittehi sīmāya sammuti [sammati (syā.)] samānasaṃvāsāya ekuposathāya, so tuṅhassa; yassa nakkhamati, so bhāseyya. Sammatā sīmā saṅghena etehi nimittehi samānasaṃvāsā ekuposathā. Khamati saṅghassa, tasmā tuṅhī, evameṭaṃ dhārayāmi’”ti.

140. Tena kho pana samayena chabbaggiyā bhikkhū – bhagavatā sīmāsammuti anuññātāti – atimahatiyo sīmāyo sammannanti, catuyojanikāpi pañcayojanikāpi chayojanikāpi. Bhikkhū uposathaṃ āgacchantā uddissamānepi pātimokkhe āgacchanti, uddiṭṭhamattepi āgacchanti, antarāpi parivasanti.

Bhagavato etamatthaṃ ārocesuṃ. Na, bhikkhave, atimahatī sīmā sammannitabbā, catuyojanikā vā pañcayojanikā vā chayojanikā vā. Yo sammanneyya, āpatti dukkaṭassa. Anujānāmi, bhikkhave, tiyojanaparamaṃ sīmaṃ sammannitunti.

Tena kho pana samayena chabbaggiyā bhikkhū nadīpārasīmaṃ [nadīpāraṃ sīmaṃ (sī. syā.)] sammannanti. Uposathaṃ āgacchantā bhikkhūpi vuyhanti, pattāpi vuyhanti, cīvarānīpi vuyhanti. Bhagavato etamatthaṃ ārocesuṃ. Na, bhikkhave, nadīpārasīmā sammannitabbā. Yo sammanneyya, āpatti dukkaṭassa. Anujānāmi, bhikkhave, yatthassa dhuvanāvā vā dhuvasetu vā, evarūpaṃ nadīpārasīmaṃ sammannitunti.

72. Uposathāgārakathā

141. Tena kho pana samayena bhikkhū anupariveniyaṃ pātīmokkhaṃ uddisanti asaṅketena. Āgantukā bhikkhū na jānanti – “kattha vā ajjuposatho karīyissatī”ti. Bhagavato etamatthaṃ ārocesuṃ. Na, bhikkhave, anupariveniyaṃ pātīmokkhaṃ uddisitabbaṃ asaṅketena. Yo uddiseyya, āpatti dukkaṭassa. Anujānāmi, bhikkhave, uposathāgāraṃ sammannitvā uposathaṃ kātuṃ, yaṃ saṅgho ākaṅkhati vihāraṃ vā aḍḍhayogaṃ vā pāsādaṃ vā hammiyaṃ vā guhaṃ vā. Evañca pana, bhikkhave, sammannitabbaṃ. Byattena bhikkhunā paṭibalena saṅgho ñāpetabbo –

“Suṇātu me, bhante, saṅgho. Yadi saṅghassa pattakallaṃ, saṅgho itthannāmaṃ vihāraṃ uposathāgāraṃ sammanneyya. Esā ñatti.

“Suṇātu me, bhante, saṅgho. Saṅgho itthannāmaṃ vihāraṃ uposathāgāraṃ sammannati. Yassāyasmato khamati itthannāmassa vihārassa uposathāgārassa sammuti, so tuṅhassa; yassa nakkhamati, so bhāseyya. Sammato saṅghena itthannāmo vihāro uposathāgāraṃ. Khamati saṅghassa, tasmā tuṅhī, evametam dhārayāmi”ti.

Tena kho pana samayena aññatarasmiṃ āvāse dve uposathāgārāni sammatāni honti. Bhikkhū ubhayattha sannipatanti – “idha uposatho karīyissati, idha uposatho karīyissatī”ti. Bhagavato etamatthaṃ ārocesuṃ. Na, bhikkhave, ekasmiṃ āvāse dve uposathāgārāni sammannitabbāni. Yo sammanneyya, āpatti dukkaṭassa. Anujānāmi, bhikkhave, ekaṃ samūhanitvā [samuhanitvā (ka.)] ekattha uposathaṃ kātuṃ. Evañca pana, bhikkhave, samūhantabbaṃ. Byattena bhikkhunā paṭibalena saṅgho ñāpetabbo –

“Suṇātu me, bhante, saṅgho. Yadi saṅghassa pattakallaṃ, saṅgho itthannāmaṃ uposathāgāraṃ samūhaneyya [samuhaneyya (ka.)]. Esā ñatti.

“Suṇātu me, bhante, saṅgho. Saṅgho itthannāmaṃ uposathāgāraṃ samūhanati. Yassāyasmato khamati itthannāmassa uposathāgārassa samugghāto, so tuṅhassa; yassa nakkhamati, so bhāseyya. Samūhataṃ saṅghena itthannāmaṃ uposathāgāraṃ. Khamati saṅghassa, tasmā tuṅhī, evametam dhārayāmi”ti.

73. Uposathappamukhānujānanā

142. Tena kho pana samayena aññatarasmiṃ āvāse atikhuddakaṃ uposathāgāraṃ sammatam hoti, tadahuposathe mahābhikkhusaṅgho sannipatito hoti. Bhikkhū asammataya bhūmiyā nisinnā pātīmokkhaṃ assosuṃ. Atha kho tesam bhikkhūnaṃ etadahosi – “bhagavatā paññattaṃ ‘uposathāgāraṃ sammannitvā uposatho katabbo’ti, mayañcamhā asammataya bhūmiyā nisinnā pātīmokkhaṃ assumhā, kato nu kho amhākaṃ uposatho, akato nu kho”ti. Bhagavato etamatthaṃ ārocesuṃ. Sammatāya vā, bhikkhave, bhūmiyā nisinnā asammataya vā yato pātīmokkhaṃ suṇāti, katovassa uposatho. Tena hi, bhikkhave, saṅgho yāva mahantaṃ uposathappamukhaṃ [uposathamukhaṃ (syā.)] ākaṅkhati, tāva

mahantaṃ uposathappamukhaṃ sammannatu. Evañca pana, bhikkhave, sammannitabbaṃ. Paṭhamaṃ nimittā kittetabbā. Nimitte kittetvā byattena bhikkhunā paṭibalena saṅgho ñāpetabbo –

“Suṇātu me, bhante, saṅgho. Yāvatā samantā nimittā kittitā. Yadi saṅghassa pattakallaṃ, saṅgho etehi nimittehi uposathappamukhaṃ sammanneyya. Esā ñatti.

“Suṇātu me, bhante, saṅgho. Yāvatā samantā nimittā kittitā. Saṅgho etehi nimittehi uposathappamukhaṃ sammannati. Yassāyasmato khamati etehi nimittehi uposathappamukhassa sammuti, so tuṅhassa; yassa nakkhamati, so bhāseyya. Sammataṃ saṅghena etehi nimittehi uposathappamukhaṃ. Khamati saṅghassa, tasmā tuṅhī, evametaṃ dhārayāmi”ti.

Tena kho pana samayena aññatarasmiṃ āvāse tadahuposathe navakā bhikkhū paṭhamataraṃ sannipatitvā – “na tāva therā āgacchantī”ti – pakkamiṃsu. Uposatho vikāle ahoṣi. Bhagavato etamatthaṃ ārocesuṃ. Anujānāmi, bhikkhave, tadahuposathe therehi bhikkhūhi paṭhamataraṃ sannipatitunti.

Tena kho pana samayena rājagahe sambahulā āvāsā samānasīmā honti. Tattha bhikkhū vivadanti – “amhākaṃ āvāse uposatho karīyatu, amhākaṃ āvāse uposatho karīyatū”ti. Bhagavato etamatthaṃ ārocesuṃ. Idha pana, bhikkhave, sambahulā āvāsā samānasīmā honti. Tattha bhikkhū vivadanti – “amhākaṃ āvāse uposatho karīyatu, amhākaṃ āvāse uposatho karīyatū”ti. Tehi, bhikkhave, bhikkhūhi sabbeveva ekajjhaṃ sannipatitvā uposatho kātabbo. Yattha vā pana thero bhikkhu viharati, tattha sannipatitvā uposatho kātabbo, na tveva vaggena saṅghena uposatho kātabbo. Yo kareyya, āpatti dukkaṭassāti.

74. Avippavāsasīmānujānanā

143. Tena kho pana samayena āyasmā mahākassapo andhakavindā rājagahaṃ uposathaṃ āgacchanto antarāmagge nadiṃ taranto manam vūlho ahoṣi, cīvarānissa [tena cīvarānissa (ka.)] allāni. Bhikkhū āyasmantaṃ mahākassapaṃ etadavocuṃ – “kissa te, āvuso, cīvarāni allāni”ti? “Idhāhaṃ, āvuso, andhakavindā rājagahaṃ uposathaṃ āgacchanto antarāmagge nadiṃ taranto manamhi vūlho. Tena me cīvarāni allāni”ti. Bhagavato etamatthaṃ ārocesuṃ. Yā sā, bhikkhave, saṅghena sīmā sammatā samānasaṃvāsā ekuposathā, saṅgho taṃ sīmaṃ ticīvarena avippavāsaṃ sammannatu. Evañca pana, bhikkhave, sammannitabbā. Byattena bhikkhunā paṭibalena saṅgho ñāpetabbo –

“Suṇātu me, bhante, saṅgho. Yā sā saṅghena sīmā sammatā samānasaṃvāsā ekuposathā, yadi saṅghassa pattakallaṃ saṅgho taṃ sīmaṃ ticīvarena avippavāsaṃ sammanneyya. Esā ñatti.

“Suṇātu me, bhante, saṅgho. Yā sā saṅghena sīmā sammatā samānasaṃvāsā ekuposathā, saṅgho taṃ sīmaṃ ticīvarena avippavāsaṃ sammannati. Yassāyasmato khamati etissā sīmāya ticīvarena avippavāsāya [avippavāsassa (syā.)] sammuti, so tuṅhassa; yassa nakkhamati, so bhāseyya. Sammatā sā sīmā saṅghena ticīvarena avippavāsā [avippavāso (syā.)]. Khamati saṅghassa, tasmā tuṅhī, evametaṃ dhārayāmi”ti.

Tena kho pana samayena bhikkhū bhagavatā ticīvarena avippavāsasammuti anuññātāti antaraghare cīvarāni nikkhipanti. Tāni cīvarāni nassantipi dayhantipi undūrehipi khajjanti. Bhikkhū duccolā honti lūkhacīvarā. Bhikkhū evamāhaṃsu – “kissa tumhe, āvuso, duccolā lūkhacīvarā”ti? “Idha mayam, āvuso, bhagavatā ticīvarena avippavāsasammuti anuññātāti antaraghare cīvarāni nikkhipimhā. Tāni cīvarāni naṭṭhānipi daḍḍhānipi, undūrehipi khāyitāni, tena mayam duccolā lūkhacīvarā”ti. Bhagavato etamatthaṃ ārocesuṃ. Yā sā, bhikkhave, saṅghena sīmā sammatā samānasaṃvāsā ekuposathā, saṅgho taṃ sīmaṃ ticīvarena avippavāsaṃ sammannatu, ṭhapetvā gāmañca gāmūpacārañca. Evañca pana, bhikkhave, sammannitabbā. Byattena bhikkhunā paṭibalena saṅgho ñāpetabbo –

144. “Suṇātu me, bhante, saṅgho. Yā sā saṅghena sīmā sammatā samānasamvāsā ekuposathā yadi saṅghassa pattakallaṃ, saṅgho taṃ sīmaṃ ticīvarena avippavāsaṃ sammanneyya, ṭhapetvā gāmañca gāmūpacārañca. Esā ñatti.

“Suṇātu me, bhante, saṅgho. Yā sā saṅghena sīmā sammatā samānasamvāsā ekuposathā, saṅgho taṃ sīmaṃ ticīvarena avippavāsaṃ sammannati, ṭhapetvā gāmañca gāmūpacārañca. Yassāyasmato khamati etissā sīmāya ticīvarena avippavāsāya [avippavāsassa (syā.)] sammuti, ṭhapetvā gāmañca gāmūpacārañca, so tuṅhassa; yassa nakkhamati, so bhāseyya. Sammatā sā sīmā saṅghena ticīvarena avippavāsā [avippavāso (syā.)], ṭhapetvā gāmañca gāmūpacārañca. Khamati saṅghassa, tasmā tuṅhī, evametaṃ dhārayāmi”ti.

75. Sīmāsamūhanana

“Sīmaṃ, bhikkhave, sammannantena paṭhamaṃ samānasamvāsasīmā [samānasamvāsā sīmā (syā.)] sammannitabbā, pacchā ticīvarena avippavāso sammannitabbo. Sīmaṃ, bhikkhave, samūhanantena paṭhamaṃ ticīvarena avippavāso samūhantabbo, pacchā samānasamvāsasīmā samūhantabbā. Evañca pana, bhikkhave, ticīvarena avippavāso samūhantabbo. Byattena bhikkhunā paṭibalena saṅgho ñāpetabbo –

145. “Suṇātu me, bhante, saṅgho. Yo so saṅghena ticīvarena avippavāso sammato, yadi saṅghassa pattakallaṃ, saṅgho taṃ ticīvarena avippavāsaṃ samūhaneyya. Esā ñatti.

“Suṇātu me, bhante, saṅgho. Yo so saṅghena ticīvarena avippavāso sammato, saṅgho taṃ ticīvarena avippavāsaṃ samūhanati. Yassāyasmato khamati etassa ticīvarena avippavāsassa samugghāto, so tuṅhassa; yassa nakkhamati, so bhāseyya. Samūhato so saṅghena ticīvarena avippavāso. Khamati saṅghassa, tasmā tuṅhī, evametaṃ dhārayāmi”ti.

Evañca pana, bhikkhave, sīmā [samānasamvāsā sīmā (syā.)]. Byattena bhikkhunā paṭibalena saṅgho ñāpetabbo –

146. “Suṇātu me, bhante, saṅgho. Yā sā saṅghena sīmā sammatā samānasamvāsā ekuposathā, yadi saṅghassa pattakallaṃ, saṅgho taṃ sīmaṃ samūhaneyya samānasamvāsaṃ ekuposathaṃ. Esā ñatti.

“Suṇātu me, bhante, saṅgho. Yā sā saṅghena sīmā sammatā samānasamvāsā ekuposathā, saṅgho taṃ sīmaṃ samūhanati samānasamvāsaṃ ekuposathaṃ. Yassāyasmato khamati etissā sīmāya samānasamvāsāya ekuposathāya samugghāto, so tuṅhassa; yassa nakkhamati, so bhāseyya. Samūhatā sā sīmā saṅghena samānasamvāsā ekuposathā. Khamati saṅghassa, tasmā tuṅhī, evametaṃ dhārayāmi”ti.

76. Gāmasīmādi

147. Asammatāya, bhikkhave, sīmāya aṭṭhapitāya, yaṃ gāmaṃ vā nigamaṃ vā upanissāya viharati, yā tassa vā gāmassa gāmasīmā, nigamassa vā nigamasīmā, ayaṃ tattha samānasamvāsā ekuposathā. Agāmake ce, bhikkhave, araññe samantā sattabbhantarā, ayaṃ tattha samānasamvāsā ekuposathā. Sabbā, bhikkhave, nadī asīmā; sabbo samuddo asīmo; sabbo jātassaro asīmo. Nadiyā vā, bhikkhave, samudde vā jātassare vā yaṃ majjhimassa purisassa samantā udakukkhepā, ayaṃ tattha samānasamvāsā ekuposathāti.

148. Tena kho pana samayena chabbaggiyā bhikkhū sīmāya sīmaṃ sambhindanti. Bhagavato etamatthaṃ ārocesuṃ. Yesaṃ, bhikkhave, sīmā paṭhamaṃ sammatā tesam taṃ kammaṃ dhammikaṃ akuppaṃ ṭhānārahaṃ. Yesam, bhikkhave, sīmā pacchā sammatā tesam taṃ kammaṃ adhammikaṃ kupaṃ ṭhānārahaṃ. Na, bhikkhave, sīmāya sīmā sambhinditabbā. Yo sambhindeyya, āpatti

dukkaṭassāti.

Tena kho pana samayena chabbaggiyā bhikkhū sīmāya sīmaṃ ajjhottharanti. Bhagavato etamatthaṃ ārocesuṃ. Yesaṃ, bhikkhave, sīmā paṭhamāṃ sammatā tesāṃ taṃ kammaṃ dhammikaṃ akuppaṃ ṭhānārahaṃ. Yesāṃ, bhikkhave, sīmā pacchā sammatā tesāṃ taṃ kammaṃ adhammikaṃ kuppaṃ aṭṭhānārahaṃ. Na, bhikkhave, sīmāya sīmā ajjhottharitabbā. Yo ajjhotthareyya, āpatti dukkaṭassāti. Anujānāmi, bhikkhave, sīmaṃ sammannantena sīmantarikaṃ ṭhapetvā sīmaṃ sammannitunti.

77. Uposathabhedādi

149. Atha kho bhikkhūnaṃ etadahosi – “kati nu kho uposathā”ti? Bhagavato etamatthaṃ ārocesuṃ. Dveme, bhikkhave, uposathā – cātuddasiko ca pannarasiko ca. Ime kho, bhikkhave, dve uposathāti.

Atha kho bhikkhūnaṃ etadahosi – “kati nu kho uposathakammāni”ti? Bhagavato etamatthaṃ ārocesuṃ. Cattārimāni, bhikkhave, uposathakammāni – adhammena vaggaṃ uposathakammaṃ, adhammena samaggaṃ uposathakammaṃ, dhammena vaggaṃ uposathakammaṃ, dhammena samaggaṃ uposathakammanti. Tatra, bhikkhave, yadidaṃ adhammena vaggaṃ uposathakammaṃ, na, bhikkhave, evarūpaṃ uposathakammaṃ, kātabbaṃ. Na ca mayā evarūpaṃ uposathakammaṃ anuññātaṃ. Tatra, bhikkhave, yadidaṃ adhammena samaggaṃ uposathakammaṃ, na, bhikkhave, evarūpaṃ uposathakammaṃ kātabbaṃ. Na ca mayā evarūpaṃ uposathakammaṃ anuññātaṃ. Tatra, bhikkhave, yadidaṃ dhammena vaggaṃ uposathakammaṃ, na, bhikkhave, evarūpaṃ uposathakammaṃ kātabbaṃ. Na ca mayā evarūpaṃ uposathakammaṃ anuññātaṃ. Tatra, bhikkhave, yadidaṃ dhammena samaggaṃ uposathakammaṃ, evarūpaṃ, bhikkhave, uposathakammaṃ kātabbaṃ, evarūpaṃca mayā uposathakammaṃ anuññātaṃ. Tasmātiha, bhikkhave, evarūpaṃ uposathakammaṃ karissāma yadidaṃ dhammena samagganti – evañhi vo, bhikkhave, sikkhitabbanti.

78. Saṃkhittena pātimokkhuddesādi

150. Atha kho bhikkhūnaṃ etadahosi – “kati nu kho pātimokkhuddesā”ti? Bhagavato etamatthaṃ ārocesuṃ. Pañcime, bhikkhave, pātimokkhuddesā – nidānaṃ uddisitvā avasesaṃ sutena sāvetabbaṃ. Ayaṃ paṭhamo pātimokkhuddeso. Nidānaṃ uddisitvā cattāri pārājikāni uddisitvā avasesaṃ sutena sāvetabbaṃ. Ayaṃ dutiyo pātimokkhuddeso. Nidānaṃ uddisitvā cattāri pārājikāni uddisitvā terasa saṅghādisese uddisitvā avasesaṃ sutena sāvetabbaṃ. Ayaṃ tatiyo pātimokkhuddeso. Nidānaṃ uddisitvā cattāri pārājikāni uddisitvā terasa saṅghādisese uddisitvā dve aniyate uddisitvā avasesaṃ sutena sāvetabbaṃ. Ayaṃ catuttho pātimokkhuddeso. Vitthāreneva pañcimo. Ime kho, bhikkhave, pañca pātimokkhuddesāti.

Tena kho pana samayena bhikkhū – bhagavatā saṃkhittena pātimokkhuddeso anuññātoti – sabbakālaṃ saṃkhittena pātimokkhaṃ uddisanti. Bhagavato etamatthaṃ ārocesuṃ. Na, bhikkhave, saṃkhittena pātimokkhaṃ uddisitabbaṃ. Yo uddiseyya, āpatti dukkaṭassāti.

Tena kho pana samayena kosalesu janapade aññatarasmiṃ āvāse tadahuposathe savarabhayaṃ [saṃcarabhayaṃ (syā.)] ahoṣi. Bhikkhū nāsakkhimsu vitthārena pātimokkhaṃ uddisituṃ. Bhagavato etamatthaṃ ārocesuṃ. Anujānāmi, bhikkhave, sati antarāye saṃkhittena pātimokkhaṃ uddisitunti.

Tena kho pana samayena chabbaggiyā bhikkhū asatipi antarāye saṃkhittena pātimokkhaṃ uddisanti. Bhagavato etamatthaṃ ārocesuṃ. Na, bhikkhave, asatī antarāye saṃkhittena pātimokkhaṃ uddisitabbaṃ. Yo uddiseyya, āpatti dukkaṭassa. Anujānāmi, bhikkhave, sati antarāye saṃkhittena pātimokkhaṃ uddisituṃ. Tatrime antarāyā – rājantarāyo, corantarāyo, agyantarāyo, udakantarāyo,

manussantarāyo, amanussantarāyo, vāḷantarāyo, sarīsapantarāyo, jīvitantarāyo, brahmacariyantārāyoti. Anujānāmi, bhikkhave, evarūpesu antarāyesu saṃkhittena pātimokkhaṃ uddisitum, asati antarāye vitthārenāti.

Tena kho pana samayena chabbaggiyā bhikkhū saṅghamajjhe anajjhittā dhammaṃ bhāsanti. Bhagavato etamatthaṃ ārocesum. Na, bhikkhave, saṅghamajjhe anajjhittena dhammo bhāsitaḃbo. Yo bhāseyya, āpatti dukkaṭassa. Anujānāmi, bhikkhave, therena bhikkhunā sāmaṃ vā dhammaṃ bhāsitaṃ paraṃ vā ajjhesitunti.

79. Vinayapucchanakathā

151. Tena kho pana samayena chabbaggiyā bhikkhū saṅghamajjhe asammataṃ vinayaṃ pucchanti. Bhagavato etamatthaṃ ārocesum. Na, bhikkhave, saṅghamajjhe asammatenā vinayo pucchitaḃbo. Yo puccheyya, āpatti dukkaṭassa. Anujānāmi, bhikkhave, saṅghamajjhe sammatenā vinayaṃ pucchitum. Evañca pana, bhikkhave, sammannitaḃbo – attanā vā [attanāva (syā.)] attānaṃ sammannitabbaṃ, parena vā paro sammannitaḃbo. Kathañca attanāva attānaṃ sammannitabbaṃ? Byattena bhikkhunā paṭibalena saṅgho ñāpetabbo –

“Suṇātu me, bhante, saṅgho. Yadi saṅghassa pattakallaṃ, ahaṃ itthannāmaṃ vinayaṃ puccheyya”nti. Evaṃ attanāva attānaṃ sammannitabbaṃ.

Kathañca parena paro sammannitaḃbo? Byattena bhikkhunā paṭibalena saṅgho ñāpetabbo –

“Suṇātu me, bhante, saṅgho. Yadi saṅghassa pattakallaṃ, itthannāmo itthannāmaṃ vinayaṃ puccheyyā”ti. Evaṃ parena paro sammannitabboti.

Tena kho pana samayena pesalā bhikkhū saṅghamajjhe sammataṃ vinayaṃ pucchanti. Chabbaggiyā bhikkhū labhanti āghātaṃ, labhanti appaccayaṃ, vadhena tajjenti. Bhagavato etamatthaṃ ārocesum. Anujānāmi, bhikkhave, saṅghamajjhe sammatenāpi paraṃ oloketvā puggalaṃ tulayitvā vinayaṃ pucchitunti.

80. Vinayavissajjanakathā

152. Tena kho pana samayena chabbaggiyā bhikkhū saṅghamajjhe asammataṃ vinayaṃ vissajjenti [vissajjanti (ka.)]. Bhagavato etamatthaṃ ārocesum. Na, bhikkhave, saṅghamajjhe asammatenā vinayo vissajjetaḃbo. Yo vissajjeyya, āpatti dukkaṭassa. Anujānāmi, bhikkhave, saṅghamajjhe sammatenā vinayaṃ vissajjetum. Evañca pana, bhikkhave, sammannitabbaṃ. Attanā vā [attanāva (syā.)] attānaṃ sammannitabbaṃ, parena vā paro sammannitaḃbo. Kathañca attanāva attānaṃ sammannitabbaṃ? Byattena bhikkhunā paṭibalena saṅgho ñāpetabbo –

“Suṇātu me, bhante, saṅgho. Yadi saṅghassa pattakallaṃ, ahaṃ itthannāmena vinayaṃ puṭṭho vissajjeyya”nti. Evaṃ attanāva attānaṃ sammannitabbaṃ.

Kathañca parena paro sammannitaḃbo? Byattena bhikkhunā paṭibalena saṅgho ñāpetabbo –

“Suṇātu me, bhante, saṅgho. Yadi saṅghassa pattakallaṃ, itthannāmo itthannāmena vinayaṃ puṭṭho vissajjeyyā”ti. Evaṃ parena paro sammannitabboti.

Tena kho pana samayena pesalā bhikkhū saṅghamajjhe sammataṃ vinayaṃ vissajjenti. Chabbaggiyā bhikkhū labhanti āghātaṃ, labhanti appaccayaṃ, vadhena tajjenti. Bhagavato etamatthaṃ ārocesum. Anujānāmi, bhikkhave, saṅghamajjhe sammatenāpi paraṃ oloketvā puggalaṃ tulayitvā vinayaṃ

vissajjetunti.

81. Codanākathā

153. Tena kho pana samayena chabbaggiyā bhikkhū anokāsakatam bhikkhum āpattiyā codenti. Bhagavato etamattham ārocesum. Na, bhikkhave, anokāsakato bhikkhu āpattiyā codetabbo. Yo codeyya, āpatti dukkaṭassa. Anujānāmi, bhikkhave, okāsam kārāpetvā āpattiyā codetum – karotu āyasmā okāsam, aham tam vattukāmoti.

Tena kho pana samayena pesalā bhikkhū chabbaggiye bhikkhū okāsam kārāpetvā āpattiyā codenti. Chabbaggiyā bhikkhū labhanti āghātam, labhanti appaccayam, vadhena tajjenti. Bhagavato etamattham ārocesum. Anujānāmi, bhikkhave, katepi okāse puggalam tulayitvā āpattiyā codetunti.

Tena kho pana samayena chabbaggiyā bhikkhū – puramhākam pesalā bhikkhū okāsam kārāpentīti – paṭikaceva suddhānam bhikkhūnam anāpattikānam avatthusmiṃ akāraṇe okāsam kārāpentīti. Bhagavato etamattham ārocesum. Na, bhikkhave, suddhānam bhikkhūnam anāpattikānam avatthusmiṃ akāraṇe okāso kārāpetabbo. Yo kārāpeyya, āpatti dukkaṭassa. Anujānāmi, bhikkhave, puggalam tulayitvā okāsam kātu [kārāpetum (syā.)] nti.

82. Adhammakammaṭikkosanādi

154. Tena kho pana samayena chabbaggiyā bhikkhū saṅghamajjhe adhammakammaṃ karonti. Bhagavato etamattham ārocesum. Na, bhikkhave, adhammakammaṃ kātabbam. Yo kareyya, āpatti dukkaṭassāti. Karontiyeva adhammakammaṃ. Bhagavato etamattham ārocesum. Anujānāmi, bhikkhave, adhammakamme kayiramāne paṭikkositunti.

Tena kho pana samayena pesalā bhikkhū chabbaggiyehi bhikkhūhi adhammakamme kayiramāne paṭikkosanti. Chabbaggiyā bhikkhū labhanti āghātam, labhanti appaccayam, vadhena tajjenti. Bhagavato etamattham ārocesum. Anujānāmi, bhikkhave, diṭṭhimpi āvikātunti. Tesamyeva santike diṭṭhim āvikaronti. Chabbaggiyā bhikkhū labhanti āghātam, labhanti appaccayam, vadhena tajjenti. Bhagavato etamattham ārocesum. Anujānāmi, bhikkhave, catūhi pañcahi paṭikkositum, dvīhi tīhi diṭṭhim āvikātum, ekena adhiṭṭhātum – ‘na metam khamatī’ ti.

Tena kho pana samayena chabbaggiyā bhikkhū saṅghamajjhe pātimokkham uddisamānā sañcicca na sāventi. Bhagavato etamattham ārocesum. Na, bhikkhave, pātimokkhuddesakena sañcicca na sāvetabbam. Yo na sāveyya, āpatti dukkaṭassāti.

Tena kho pana samayena āyasmā udāyī saṅghassa pātimokkhuddesako hoti kākassarako. Atha kho āyasmato udāyissa etadahosi – ‘bhagavatā paññattam ‘pātimokkhuddesakena sāvetabba’ nti, ahañcamhi kākassarako, katham nu kho mayā paṭipajjitabba’ nti? Bhagavato etamattham ārocesum. Anujānāmi, bhikkhave, pātimokkhuddesakena vāyāmitum – ‘katham sāveyya’ nti. Vāyamantassa anāpattīti.

Tena kho pana samayena devadatto saghaṭṭhāya parisāya pātimokkham uddisati. Bhagavato etamattham ārocesum. Na, bhikkhave, saghaṭṭhāya parisāya pātimokkham uddisitabbam. Yo uddiseyya, āpatti dukkaṭassāti.

Tena kho pana samayena chabbaggiyā bhikkhū saṅghamajjhe anajjhīṭṭhā pātimokkham uddisanti. Bhagavato etamattham ārocesum. Na, bhikkhave, saṅghamajjhe anajjhīṭṭhena pātimokkham uddisitabbam. Yo uddiseyya, āpatti dukkaṭassa. Anujānāmi, bhikkhave, therādhikam [therādheyam (aṭṭhakathāyam pāṭhantaram)] pātimokkhanti.

Aññatitthiyabhāṇavāro niṭṭhito paṭhamo [ekādasamo (ka.)].

83. Pātimokkhuddesakaajjhesanādi

155. Atha kho bhagavā rājagahe yathābhirantaṃ viharitvā yena codanāvattu tena cārikaṃ pakkāmi. Anupubbena cārikaṃ caramāno yena codanāvattu tadavasari. Tena kho pana samayena aññatarasmiṃ āvāse sambahulā bhikkhū viharanti. Tattha therō bhikkhu bālo hoti abyatto. So na jānāti uposathaṃ vā uposathakammaṃ vā, pātimokkhaṃ vā pātimokkhuddesaṃ vā. Atha kho tesāṃ bhikkhūnaṃ etadahosi – “bhagavatā paññattaṃ ‘therādhikaṃ pātimokkha’nti, ayañca amhākaṃ therō bālo abyatto, na jānāti uposathaṃ vā uposathakammaṃ vā, pātimokkhaṃ vā pātimokkhuddesaṃ vā. Kathaṃ nu kho amhehi paṭipajjitabba’nti? Bhagavato etamatthaṃ ārocesuṃ. Anujānāmi, bhikkhave, yo tattha bhikkhu byatto paṭibalo tassādheyyaṃ pātimokkhanti.

Tena kho pana samayena aññatarasmiṃ āvāse tadahuposathe sambahulā bhikkhū viharanti bālā abyattā. Te na jānanti uposathaṃ vā uposathakammaṃ vā, pātimokkhaṃ vā pātimokkhuddesaṃ vā. Te therāṃ ajjhesiṃsu – “uddisatu, bhante, therō pātimokkha’nti. So evamāha – “na me, āvuso, vattatī’”ti. Dutiyāṃ therāṃ ajjhesiṃsu – “uddisatu, bhante, therō pātimokkha’nti. Sopi evamāha – “na me, āvuso, vattatī’”ti. Tatiyaṃ therāṃ ajjhesiṃsu – “uddisatu, bhante, therō pātimokkha’nti. Sopi evamāha – “na me, āvuso, vattatī’”ti. Eteneva upāyena yāva saṅghanavakaṃ ajjhesiṃsu – “uddisatu āyasmā pātimokkha’nti. Sopi evamāha – “na me, bhante, vattatī’”ti. Bhagavato etamatthaṃ ārocesuṃ.

Idha pana, bhikkhave, aññatarasmiṃ āvāse tadahuposathe sambahulā bhikkhū viharanti bālā abyattā. Te na jānanti uposathaṃ vā uposathakammaṃ vā, pātimokkhaṃ vā pātimokkhuddesaṃ vā. Te therāṃ ajjhesanti – “uddisatu, bhante, therō pātimokkha’nti. So evaṃ vadeti – “na me, āvuso, vattatī’”ti. Dutiyāṃ therāṃ ajjhesanti – “uddisatu, bhante, therō pātimokkha’nti. Sopi evaṃ vadeti – “na me, āvuso, vattatī’”ti. Tatiyaṃ therāṃ ajjhesanti – “uddisatu, bhante, therō pātimokkha’nti. Sopi evaṃ vadeti – “na me, āvuso, vattatī’”ti. Eteneva upāyena yāva saṅghanavakaṃ ajjhesanti – “uddisatu āyasmā pātimokkha’nti. Sopi evaṃ vadeti – “na me, bhante, vattatī’”ti. Tehi, bhikkhave, bhikkhūhi eko bhikkhu sāmantaṃ āvāsā sajjukaṃ pāhetabbo – gacchāvuso, saṃkhittena vā vitthārena vā pātimokkhaṃ pariyāpuṇitvāna āgacchāhīti.

Atha kho bhikkhūnaṃ etadahosi – “kena nu kho pāhetabbo’nti? Bhagavato etamatthaṃ ārocesuṃ. Anujānāmi, bhikkhave, therena bhikkhunā navāṃ bhikkhuṃ āṇāpetunti. Therena āṇattā navā bhikkhū na gacchanti. Bhagavato etamatthaṃ ārocesuṃ. Na, bhikkhave, therena āṇattena agilānena na gantabbaṃ. Yo na gaccheyya, āpatti dukkaṭassāti.

84. Pakkhagaṇanādiuggahaṇānujānanā

156. Atha kho bhagavā codanāvattusmiṃ yathābhirantaṃ viharitvā punadeva rājagaṃ paccāgañchi.

Tena kho pana samayena manussā bhikkhū piṇḍāya carante pucchanti – “katimī, bhante, pakkhassā’nti? Bhikkhū evamāhaṃsu – “na kho mayaṃ, āvuso, jānāmā’nti. Manussā ujjhāyanti khiyyanti vipācenti – “pakkhagaṇanamattamampime samaṇā sakyaputtīyā na jānanti, kiṃ panime aññaṃ kiñci kalyāṇaṃ jānissanti’nti? Bhagavato etamatthaṃ ārocesuṃ. Anujānāmi, bhikkhave, pakkhagaṇanaṃ uggahetunti. Atha kho bhikkhūnaṃ etadahosi – “kena nu kho pakkhagaṇanā uggahetabbā’nti? Bhagavato etamatthaṃ ārocesuṃ. Anujānāmi, bhikkhave, sabbeheva pakkhagaṇanaṃ uggahetunti.

157. Tena kho pana samayena manussā bhikkhū piṇḍāya carante pucchanti – “kīvatikā, bhante, bhikkhū’nti? Bhikkhū evamāhaṃsu – “na kho mayaṃ, āvuso, jānāmā’nti. Manussā ujjhāyanti khiyyanti

vipācenti – “aññamaññampime samaṇā sakyaputtiyā na jānanti, kiṃ panime aññam kiñci kalyāṇam jānissanti”’ti? Bhagavato etamatthaṃ ārocesuṃ. Anujānāmi, bhikkhave, bhikkhū gaṇetunti.

Atha kho bhikkhūnaṃ etadahosi – “kadā nu kho bhikkhū gaṇetabbā”’ti? Bhagavato etamatthaṃ ārocesuṃ. Anujānāmi, bhikkhave, tadahuposathe nāmaggena [nāmamattena (syā.), gaṇamaggena (ka.)] gaṇetuṃ, salākaṃ vā gāhetunti.

158. Tena kho pana samayena bhikkhū ajānantā ajuuposathoti dūraṃ gāmaṃ piṇḍāya caranti. Te uddissamānepi pātimokkhe āgacchanti, uddiṭṭhamattepi āgacchanti. Bhagavato etamatthaṃ ārocesuṃ. Anujānāmi, bhikkhave, ārocetuṃ ‘ajjuposatho’ti.

Atha kho bhikkhūnaṃ etadahosi – “kena nu kho ārocetabbo”’ti? Bhagavato etamatthaṃ ārocesuṃ. Anujānāmi, bhikkhave, therena bhikkhunā kālavato ārocetunti.

Tena kho pana samayena aññataro thero kālavato nassarati. Bhagavato etamatthaṃ ārocesuṃ. Anujānāmi, bhikkhave, bhattakālepi ārocetunti.

Bhattakālepi nassarati. Bhagavato etamatthaṃ ārocesuṃ. Anujānāmi, bhikkhave, yaṃ kālaṃ sarati, taṃ kālaṃ ārocetunti.

85. Pubbakaraṇānujānanā

159. Tena kho pana samayena aññatarasmim āvāse uposathāgāraṃ uklāpaṃ hoti. Āgantukā bhikkhū ujjhāyanti khiyyanti vipācenti – “kathañhi nāma āvāsikā bhikkhū uposathāgāraṃ na sammajjissanti”’ti. Bhagavato etamatthaṃ ārocesuṃ. Anujānāmi, bhikkhave, uposathāgāraṃ sammajjitunti.

Atha kho bhikkhūnaṃ etadahosi – “kena nu kho uposathāgāraṃ sammajjitabba”’nti? Bhagavato etamatthaṃ ārocesuṃ. Anujānāmi, bhikkhave, therena bhikkhunā navaṃ bhikkhuṃ āṇāpetunti.

Therena āṇattā navā bhikkhū na sammajjanti. Bhagavato etamatthaṃ ārocesuṃ. Na, bhikkhave, therena āṇattena agilānena na sammajjitabbaṃ. Yo na sammajjeyya, āpatti dukkaṭassāti.

160. Tena kho pana samayena uposathāgāre āsanaṃ apaññattaṃ hoti. Bhikkhū chamāyaṃ nisīdanti, gattānīpi cīvarānīpi paṃsukitāni honti. Bhagavato etamatthaṃ ārocesuṃ. Anujānāmi, bhikkhave, uposathāgāre āsanaṃ paññāpetunti.

Atha kho bhikkhūnaṃ etadahosi – “kena nu kho uposathāgāre āsanaṃ paññāpetabba”’nti? Bhagavato etamatthaṃ ārocesuṃ. Anujānāmi, bhikkhave, therena bhikkhunā navaṃ bhikkhuṃ āṇāpetunti.

Therena āṇattā navā bhikkhū na paññāpentī. Bhagavato etamatthaṃ ārocesuṃ. Na, bhikkhave, therena āṇattena agilānena na paññāpetabbaṃ. Yo na paññāpeyya, āpatti dukkaṭassāti.

161. Tena kho pana samayena uposathāgāre padīpo na hoti. Bhikkhū andhakāre kāyampi cīvarampi akkamanti. Bhagavato etamatthaṃ ārocesuṃ. Anujānāmi, bhikkhave, uposathāgāre padīpaṃ kātunti.

Atha kho bhikkhūnaṃ etadahosi – “kena nu kho uposathāgāre padīpo kātabbo”’ti? Bhagavato etamatthaṃ ārocesuṃ. Anujānāmi, bhikkhave, therena bhikkhunā navaṃ bhikkhuṃ āṇāpetunti.

Therena āṇattā navā bhikkhū na padīpentī. Bhagavato etamatthaṃ ārocesuṃ. Na, bhikkhave, therena āṇattena agilānena na padīpetabbo. Yo na padīpeyya, āpatti dukkaṭassāti.

162. Tena kho pana samayena aññatarasmiṃ āvāse āvāsikā bhikkhū neva pānīyaṃ upaṭṭhāpentī, na paribhojanīyaṃ upaṭṭhāpentī. Āgantukā bhikkhū ujjhāyanti khiyyanti vipācentī – “kathañhi nāma āvāsikā bhikkhū neva pānīyaṃ upaṭṭhāpessanti, na paribhojanīyaṃ upaṭṭhāpessanti”’ti. Bhagavato etamatthaṃ ārocesuṃ. Anujānāmi, bhikkhave, pānīyaṃ paribhojanīyaṃ upaṭṭhāpetunti.

Atha kho bhikkhūnaṃ etadahosī – “kena nu kho pānīyaṃ paribhojanīyaṃ upaṭṭhāpetabba”’ntī? Bhagavato etamatthaṃ ārocesuṃ. Anujānāmi, bhikkhave, therena bhikkhūnā navaṃ bhikkhuṃ āṇāpetunti.

Therena āṇattā navā bhikkhū na upaṭṭhāpentī. Bhagavato etamatthaṃ ārocesuṃ. Na, bhikkhave, therena āṇattena agilānena na upaṭṭhāpetabbaṃ. Yo na upaṭṭhāpeyya, āpatti dukkaṭassāti.

86. Disaṃgamikādivatthu

163. Tena kho pana samayena sambahulā bhikkhū bālā abyattā disaṃgamikā ācariyupajjhāye na āpucchīsu [na āpucchīsu (ka.)]. Bhagavato etamatthaṃ ārocesuṃ.

Idha pana, bhikkhave, sambahulā bhikkhū bālā abyattā disaṃgamikā ācariyupajjhāye na āpucchanti [na āpucchanti (ka.)]. Te [tehi (ka.)], bhikkhave, ācariyupajjhāyehi pucchitabbā – “kahaṃ gamissatha, kena saddhiṃ gamissathā”’ti? Te ce, bhikkhave, bālā abyattā aññe bāle abyatte apadiseyyuṃ, na, bhikkhave, ācariyupajjhāyehi anujānitabbā. Anujāneyyuṃ ce, āpatti dukkaṭassa. Te ca, bhikkhave, bālā abyattā ananuññātā ācariyupajjhāyehi gaccheyyuṃ ce, āpatti dukkaṭassa.

Idha pana, bhikkhave, aññatarasmiṃ āvāse sambahulā bhikkhū viharanti bālā abyattā. Te na jānanti uposathaṃ vā uposathakammaṃ vā, pātimokkhaṃ vā pātimokkhuddesaṃ vā. Tattha añño bhikkhu āgacchati bahussuto āgatāgamo dhammadharo vinayadharo mātikādharo paṇḍito byatto medhāvī lajjī kukkucako sikkhākāmo. Tehi, bhikkhave, bhikkhūhi so bhikkhu saṅgahetabbo anuggahetabbo upalāpetabbo upaṭṭhāpetabbo cuṇṇena mattikāya dantakaṭṭhena mukhodakena. No ce saṅgaṇheyyuṃ anuggaṇheyyuṃ upalāpeyyuṃ upaṭṭhāpeyyuṃ cuṇṇena mattikāya dantakaṭṭhena mukhodakena, āpatti dukkaṭassa.

Idha pana, bhikkhave, aññatarasmiṃ āvāse tadahuposathe sambahulā bhikkhū viharanti bālā abyattā. Te na jānanti uposathaṃ vā uposathakammaṃ vā, pātimokkhaṃ vā pātimokkhuddesaṃ vā. Tehi, bhikkhave, bhikkhūhi eko bhikkhu sāmantaṃ āvāsā sajjukaṃ pāhetabbo – “gacchāvuso, saṃkhittena vā vitthārena vā pātimokkhaṃ pariyāpuṇitvā āgacchā”’ti. Evañcetam labhetha, iccetam kusalam. No ce labhetha, tehi, bhikkhave, bhikkhūhi sabbeheva yattha jānanti uposathaṃ vā uposathakammaṃ vā pātimokkhaṃ vā pātimokkhuddesaṃ vā, so āvāso gantabbo. No ce gaccheyyuṃ, āpatti dukkaṭassa.

Idha pana, bhikkhave, aññatarasmiṃ āvāse sambahulā bhikkhū vassaṃ vasanti bālā abyattā. Te na jānanti uposathaṃ vā uposathakammaṃ vā pātimokkhaṃ vā pātimokkhuddesaṃ vā. Tehi, bhikkhave, bhikkhūhi eko bhikkhu sāmantaṃ āvāsā sajjukaṃ pāhetabbo – “gacchāvuso, saṃkhittena vā vitthārena vā pātimokkhaṃ pariyāpuṇitvā āgacchā”’ti. Evañcetam labhetha, iccetam kusalam. No ce labhetha, eko bhikkhu sattāhakālikam pāhetabbo – “gacchāvuso, saṃkhittena vā vitthārena vā pātimokkhaṃ pariyāpuṇitvā āgacchā”’ti. Evañcetam labhetha, iccetam kusalam. No ce labhetha, na, bhikkhave, tehi bhikkhūhi tasmīṃ āvāse vassaṃ vasitabbaṃ. Vaseyyuṃ ce, āpatti dukkaṭassāti.

87. Pārisuddhidānakathā

164. Atha kho bhagavā bhikkhū āmantesi – “sannipatatha, bhikkhave, saṅgho uposathaṃ karissatī”ti. Evaṃ vutte aññataro bhikkhu bhagavantam etadavoca – “atthi, bhante, bhikkhu gilāno, so anāgato”ti. Anujānāmi, bhikkhave, gilānena bhikkhunā pārisuddhiṃ dātuṃ. Evañca pana, bhikkhave, dātābbā – tena gilānena bhikkhunā ekaṃ bhikkhuṃ upasaṅkamitvā ekaṃsaṃ uttarāsaṅgaṃ karitvā ukkuṭikaṃ nisīditvā añjaliṃ paggahetvā evamassa vacanīyo – “pārisuddhiṃ dammi, pārisuddhiṃ me hara, pārisuddhiṃ me ārocehī”ti. Kāyena viññāpeti, vācāya viññāpeti, kāyena vācāya viññāpeti, dinnā hoti pārisuddhi. Na kāyena viññāpeti, na vācāya viññāpeti, na kāyena vācāya viññāpeti, na dinnā hoti pārisuddhi. Evañcetam labhetha, iccetam kusalam. No ce labhetha, so, bhikkhave, gilāno bhikkhu mañcena vā pīṭhena vā saṅghamajjhe ānetvā uposatho kātabbo. Sace, bhikkhave, gilānupaṭṭhākānaṃ bhikkhūnaṃ evaṃ hoti – “sace kho mayam gilānaṃ ṭhānā cāvessāma, ābādho vā abhivaḍḍhissati kālaṃkiriyā vā bhavissatī”ti, na, bhikkhave, gilāno bhikkhu ṭhānā cāvetabbo. Saṅghena tattha gantvā uposatho kātabbo. Na tveva vaggena saṅghena uposatho kātabbo. Kareyya ce, āpatti dukkaṭassa.

Pārisuddhihārako ce, bhikkhave, dinnāya pārisuddhiyā tattheva pakkamati, aññassa dātābbā pārisuddhi. Pārisuddhihārako ce, bhikkhave, dinnāya pārisuddhiyā tattheva vibbhamati,...pe... kālam karoti – sāmaṇero paṭijānāti – sikkham paccakkhātako paṭijānāti – antimavatthum ajjhāpannako paṭijānāti – ummattako paṭijānāti – khittacitto paṭijānāti – vedanāṭṭo paṭijānāti – āpattiyā adassane ukkhittako paṭijānāti – āpattiyā appaṭikamme ukkhittako paṭijānāti – pāpikāya diṭṭhiyā appaṭinissagge ukkhittako paṭijānāti – paṇḍako paṭijānāti – theyyasamvāsako paṭijānāti – titthiyapakkantako paṭijānāti – tiracchānagato paṭijānāti – mātughātako paṭijānāti – pitughātako paṭijānāti – arahantaghātako paṭijānāti – bhikkhunidūsako paṭijānāti – saṅghabhedako paṭijānāti – lohituppādako paṭijānāti – ubhatobyañjanako paṭijānāti, aññassa dātābbā pārisuddhi.

Pārisuddhihārako ce, bhikkhave, dinnāya pārisuddhiyā antarāmagge pakkamati, anāhaṭā hoti pārisuddhi. Pārisuddhihārako ce, bhikkhave, dinnāya pārisuddhiyā antarāmagge vibbhamati,...pe... ubhatobyañjanako paṭijānāti, anāhaṭā hoti pārisuddhi.

Pārisuddhihārako ce, bhikkhave, dinnāya pārisuddhiyā saṅghappatto pakkamati, āhaṭā hoti pārisuddhi. Pārisuddhihārako ce, bhikkhave, dinnāya pārisuddhiyā saṅghappatto vibbhamati,...pe... ubhatobyañjanako paṭijānāti, āhaṭā hoti pārisuddhi.

Pārisuddhihārako ce, bhikkhave, dinnāya pārisuddhiyā saṅghappatto sutto na āroceti, pamatto na āroceti, samāpanno na āroceti, āhaṭā hoti pārisuddhi. Pārisuddhihārakassa anāpatti.

Pārisuddhihārako ce, bhikkhave, dinnāya pārisuddhiyā saṅghappatto sañcicca na āroceti, āhaṭā hoti pārisuddhi. Pārisuddhihārakassa āpatti dukkaṭassatī.

88. Chandadānakathā

165. Atha kho bhagavā bhikkhū āmantesi – “sannipatatha, bhikkhave, saṅgho kammaṃ karissatī”ti. Evaṃ vutte aññataro bhikkhu bhagavantam etadavoca – “atthi, bhante, bhikkhu gilāno, so anāgato”ti. Anujānāmi, bhikkhave, gilānena bhikkhunā chandaṃ dātuṃ. Evañca pana, bhikkhave, dātābbā. Tena gilānena bhikkhunā ekaṃ bhikkhuṃ upasaṅkamitvā ekaṃsaṃ uttarāsaṅgaṃ karitvā ukkuṭikaṃ nisīditvā añjaliṃ paggahetvā evamassa vacanīyo – “chandaṃ dammi, chandaṃ me hara, chandaṃ me ārocehī”ti. Kāyena viññāpeti, vācāya viññāpeti, kāyena vācāya viññāpeti, dinno hoti chando. Na kāyena viññāpeti, na vācāya viññāpeti, na kāyena vācāya viññāpeti, na dinno hoti chando. Evañcetam labhetha, iccetam kusalam. No ce labhetha, so, bhikkhave, gilāno bhikkhu mañcena vā pīṭhena vā saṅghamajjhe ānetvā kammaṃ kātābbaṃ. Sace, bhikkhave, gilānupaṭṭhākānaṃ bhikkhūnaṃ evaṃ hoti – “sace kho mayam gilānaṃ ṭhānā cāvessāma, ābādho vā abhivaḍḍhissati kālaṃkiriyā vā bhavissatī”ti, na, bhikkhave, gilāno bhikkhu ṭhānā cāvetabbo. Saṅghena tattha gantvā kammaṃ kātābbaṃ. Na tveva vaggena saṅghena kammaṃ kātābbaṃ. Kareyya ce, āpatti dukkaṭassa.

Chandahārako ce, bhikkhave, dinne chande tattheva pakkamati, aññassa dātabbo chando.
 Chandahārako ce, bhikkhave, dinne chande tattheva vibbhamati...pe... kālaṃkaroti – sāmaṇero
 paṭijānāti – sikkhaṃ paccakkhātako paṭijānāti – antimavatthum ajjhāpannako paṭijānāti – ummattako
 paṭijānāti – khittacitto paṭijānāti – vedanāṭṭo paṭijānāti – āpattiyā adassane ukkhittako paṭijānāti –
 āpattiyā appaṭikamme ukkhittako paṭijānāti – pāpikāya diṭṭhiyā appaṭinissagge ukkhittako paṭijānāti –
 paṇḍako paṭijānāti – theyyasamvāsako paṭijānāti – titthiyapakkantako paṭijānāti – tiracchānagato
 paṭijānāti – mātughātako paṭijānāti – pitughātako paṭijānāti – arahantaghātako paṭijānāti –
 bhikkhunīdūsako paṭijānāti – saṅghabhedako paṭijānāti – lohituppādako paṭijānāti – ubhatobyañjanako
 paṭijānāti, aññassa dātabbo chando.

Chandahārako ce, bhikkhave, dinne chande antarāmagge pakkamati, anāhaṭo hoti chando.
 Chandahārako ce, bhikkhave, dinne chande antarāmagge vibbhamati...pe... ubhatobyañjanako
 paṭijānāti, anāhaṭo hoti chando.

Chandahārako ce, bhikkhave, dinne chande saṅghappatto pakkamati, āhaṭo hoti chando.
 Chandahārako ce, bhikkhave, dinne chande saṅghappatto vibbhamati...pe... ubhatobyañjanako
 paṭijānāti, āhaṭo hoti chando.

Chandahārako ce, bhikkhave, dinne chande saṅghappatto sutto na āroceti, pamatto na āroceti,
 samāpanno na āroceti, āhaṭo hoti chando. Chandahārakassa anāpatti.

Chandahārako ce, bhikkhave, dinne chande saṅghappatto sañcicca na āroceti, āhaṭo hoti chando.
 Chandahārakassa āpatti dukkaṭassa. Anujānāmi, bhikkhave, tadahuposathe pārisuddhiṃ dentena
 chandampi dātum, santi saṅghassa karaṇīyanti.

89. Nātakādiggahaṇakathā

166. Tena kho pana samayena aññataraṃ bhikkhum tadahuposathe nātakā gaṇhiṃsum. Bhagavato
 etamatthaṃ ārocesum.

Idha pana, bhikkhave, bhikkhum tadahuposathe nātakā gaṇhanti. Te nātakā bhikkhūhi evamassu
 vacanīyā – “īṅha, tumhe āyasmanto imaṃ bhikkhum muhuttaṃ muñcatha, yāvāyaṃ bhikkhu
 uposathaṃ karotī”ti. Evañcetaṃ labhetha, iccetaṃ kusalaṃ. No ce labhetha, te nātakā bhikkhūhi
 evamassu vacanīyā – “īṅha, tumhe āyasmanto muhuttaṃ ekamantaṃ hotha, yāvāyaṃ bhikkhu
 pārisuddhiṃ detī”ti. Evañcetaṃ labhetha, iccetaṃ kusalaṃ. No ce labhetha, te nātakā bhikkhūhi
 evamassu vacanīyā – “īṅha, tumhe āyasmanto imaṃ bhikkhum muhuttaṃ nissīmaṃ netha, yāva
 saṅgho uposathaṃ karotī”ti. Evañcetaṃ labhetha, iccetaṃ kusalaṃ. No ce labhetha, na tveva vaggena
 saṅghena uposatho kātabbo. Kareyya ce, āpatti dukkaṭassa.

Idha pana, bhikkhave, bhikkhum tadahuposathe rājāno gaṇhanti,...pe... corā gaṇhanti – dhuttā
 gaṇhanti – bhikkhupaccatthikā gaṇhanti, te bhikkhupaccatthikā bhikkhūhi evamassu vacanīyā – “īṅha,
 tumhe āyasmanto imaṃ bhikkhum muhuttaṃ muñcatha, yāvāyaṃ bhikkhu uposathaṃ karotī”ti.
 Evañcetaṃ labhetha, iccetaṃ kusalaṃ. No ce labhetha, te bhikkhupaccatthikā bhikkhūhi evamassu
 vacanīyā – “īṅha, tumhe āyasmanto muhuttaṃ ekamantaṃ hotha, yāvāyaṃ bhikkhu pārisuddhiṃ
 detī”ti. Evañcetaṃ labhetha, iccetaṃ kusalaṃ. No ce labhetha, te bhikkhupaccatthikā bhikkhūhi
 evamassu vacanīyā – “īṅha, tumhe āyasmanto imaṃ bhikkhum muhuttaṃ nissīmaṃ netha, yāva
 saṅgho uposathaṃ karotī”ti. Evañcetaṃ labhetha, iccetaṃ kusalaṃ. No ce labhetha, na tveva vaggena
 saṅghena uposatho kātabbo. Kareyya ce, āpatti dukkaṭassāti.

90. Ummattakasammuti

167. Atha kho bhagavā bhikkhū āmantesi – “sannipatatha, bhikkhave, atthi saṅghassa karaṇīya”nti. Evaṃ vutte aññataro bhikkhu bhagavantam etadavoca – “atthi, bhante, gaggo nāma bhikkhu ummattako, so anāgato”ti.

“Dveme, bhikkhave, ummattakā – atthi, bhikkhave, bhikkhu ummattako saratipi uposatham napi sarati, saratipi saṅghakammaṃ napi sarati, atthi neva sarati; āgacchatipi uposatham napi āgacchati, āgacchatipi saṅghakammaṃ napi āgacchati, atthi neva āgacchati. Tatra, bhikkhave, yvāyaṃ ummattako saratipi uposatham napi sarati, saratipi saṅghakammaṃ napi sarati, āgacchatipi uposatham napi āgacchati, āgacchatipi saṅghakammaṃ napi āgacchati, anujānāmi, bhikkhave, evarūpassa ummattakassa ummattakasammuttim dātuṃ. Evañca pana, bhikkhave, dātabbā. Byattena bhikkhunā paṭibalena saṅho ñāpetabbo –

“Suṇātu me, bhante, saṅho. Gaggo bhikkhu ummattako – saratipi uposatham napi sarati, saratipi saṅghakammaṃ napi sarati, āgacchatipi uposatham napi āgacchati, āgacchatipi saṅghakammaṃ napi āgacchati. Yadi saṅghassa pattakallaṃ, saṅho gaggassa bhikkhuno ummattakassa ummattakasammuttim dadeyya. Sareyya vā gaggo bhikkhu uposatham na vā sareyya, sareyya vā saṅghakammaṃ na vā sareyya, āgaccheyya vā uposatham na vā āgaccheyya, āgaccheyya vā saṅghakammaṃ na vā āgaccheyya, saṅho saha vā gaggena vinā vā gaggena uposatham kareyya, saṅghakammaṃ kareyya. Esā ñatti.

“Suṇātu me, bhante, saṅho. Gaggo bhikkhu ummattako – saratipi uposatham napi sarati, saratipi saṅghakammaṃ napi sarati, āgacchatipi uposatham napi āgacchati, āgacchatipi saṅghakammaṃ napi āgacchati. Saṅho gaggassa bhikkhuno ummattakassa ummattakasammuttim deti. Sareyya vā gaggo bhikkhu uposatham na vā sareyya, sareyya vā saṅghakammaṃ na vā sareyyaṃ, āgaccheyya vā uposatham na vā āgaccheyya, āgaccheyya vā saṅghakammaṃ na vā āgaccheyya, saṅho saha vā gaggena, vinā vā gaggena uposatham karissati, saṅghakammaṃ karissati. Yassāyasmato khamati gaggassa bhikkhuno ummattakassa ummattakasammuttiyā dānaṃ – sareyya vā gaggo bhikkhu uposatham na vā sareyya, sareyya vā saṅghakammaṃ na vā sareyya, āgaccheyya vā uposatham na vā āgaccheyya, āgaccheyya vā saṅghakammaṃ na vā āgaccheyya, saṅho saha vā gaggena, vinā vā gaggena uposatham karissati, saṅghakammaṃ karissati, so tuṅhassa; yassa nakkhamati, so bhāseyya.

“Dinnā saṅghena gaggassa bhikkhuno ummattakassa ummattakasammuti. Sareyya vā gaggo bhikkhu uposatham na vā sareyya, sareyya vā saṅghakammaṃ na vā sareyya, āgaccheyya vā uposatham na vā āgaccheyya, āgaccheyya vā saṅghakammaṃ na vā āgaccheyya, saṅho saha vā gaggena vinā vā gaggena uposatham karissati, saṅghakammaṃ karissati. Khamati saṅghassa, tasmā tuṅhī, evametam dhārayāmi”ti.

91. Saṅhuposathādippabhedam

168. Tena kho pana samayena aññatarasmim āvāse tadahuposathe cattāro bhikkhū viharanti. Atha kho tesam bhikkhūnaṃ etadahosi – “bhagavatā paññattaṃ ‘uposatho kātabbo’ti, mayañcamhā cattāro janā, katham nu kho amhehi uposatho kātabbo”ti? Bhagavato etamattham ārocesuṃ. Anujānāmi, bhikkhave, catunnaṃ pātimokkham uddisitunti.

Tena kho pana samayena aññatarasmim āvāse tadahuposathe tayo bhikkhū viharanti. Atha kho tesam bhikkhūnaṃ etadahosi – “bhagavatā anuññātaṃ catunnaṃ pātimokkham uddisituṃ, mayañcamhā tayo janā, katham nu kho amhehi uposatho kātabbo”ti? Bhagavato etamattham ārocesuṃ. Anujānāmi, bhikkhave, tiṇṇaṃ pārisuddhiuposatham kātuṃ. Evañca pana, bhikkhave, kātabbo. Byattena bhikkhunā paṭibalena te bhikkhū ñāpetabbā –

“Suṇantu me āyasmantā. Ajjuposatho pannaraso. Yadāyasmantānaṃ pattakallaṃ, mayaṃ aññamaññaṃ pārisuddhiuposatham kareyyāma”ti.

Therena bhikkhunā ekaṃsaṃ uttarāsaṅgaṃ karitvā ukkuṭikaṃ nisīditvā añjaliṃ paggahetvā te bhikkhū evamassu vacanīyā – “parisuddho ahaṃ, āvuso; parisuddhoti maṃ dhāretha. Parisuddho ahaṃ, āvuso; parisuddhoti maṃ dhāretha. Parisuddho ahaṃ, āvuso; parisuddhoti maṃ dhārethā”ti.

Navakena bhikkhunā ekaṃsaṃ uttarāsaṅgaṃ karitvā ukkuṭikaṃ nisīditvā añjaliṃ paggahetvā te bhikkhū evamassu vacanīyā – “parisuddho ahaṃ, bhante; parisuddhoti maṃ dhāretha. Parisuddho ahaṃ, bhante; parisuddhoti maṃ dhāretha. Parisuddho ahaṃ, bhante; parisuddhoti maṃ dhārethā”ti.

Tena kho pana samayena aññatarasmim āvāse tadahuposathe dve bhikkhū viharanti. Atha kho tesam bhikkhūnaṃ etadahosi – “bhagavatā anuññātaṃ catunnaṃ pātimokkhaṃ uddisitum, tiṇṇannaṃ pārisuddhiuposathaṃ kātuṃ. Mayañcamhā dve janā. Kathaṃ nu kho amhehi uposatho kātabbo”ti? Bhagavato etamatthaṃ ārocesum. Anujānāmi, bhikkhave, dvinnaṃ pārisuddhiuposathaṃ kātuṃ. Evañca pana, bhikkhave, kātabbo. Therena bhikkhunā ekaṃsaṃ uttarāsaṅgaṃ karitvā ukkuṭikaṃ nisīditvā añjaliṃ paggahetvā navo bhikkhu evamassa vacanīyo – “parisuddho ahaṃ, āvuso; parisuddhoti maṃ dhārehi. Parisuddho ahaṃ, āvuso; parisuddhoti maṃ dhārehi. Parisuddho ahaṃ, āvuso; parisuddhoti maṃ dhārehi”ti.

Navakena bhikkhunā ekaṃsaṃ uttarāsaṅgaṃ karitvā ukkuṭikaṃ nisīditvā añjaliṃ paggahetvā thero bhikkhu evamassa vacanīyo – “parisuddho ahaṃ, bhante; parisuddhoti maṃ dhāretha. Parisuddho ahaṃ, bhante; parisuddhoti maṃ dhāretha. Parisuddho ahaṃ, bhante; parisuddhoti maṃ dhārethā”ti.

Tena kho pana samayena aññatarasmim āvāse tadahuposathe eko bhikkhu viharati. Atha kho tassa bhikkhuno etadahosi – “bhagavatā anuññātaṃ catunnaṃ pātimokkhaṃ uddisitum, tiṇṇannaṃ pārisuddhiuposathaṃ kātuṃ, dvinnaṃ pārisuddhiuposathaṃ kātuṃ. Ahañcamhi ekako. Kathaṃ nu kho mayā uposatho kātabbo”ti? Bhagavato etamatthaṃ ārocesum. Idha pana, bhikkhave, aññatarasmim āvāse tadahuposathe eko bhikkhu viharati. Tena, bhikkhave, bhikkhunā yattha bhikkhū paṭikkamanti upaṭṭhānasālāya vā, maṇḍape vā, rukkhamaṇḍale vā, so deso sammajjitvā pānīyaṃ paribhojanīyaṃ upaṭṭhāpetvā āsanaṃ paññāpetvā padīpaṃ katvā nisīditabbaṃ. Sace aññe bhikkhū āgacchanti, tehi saddhim uposatho kātabbo. No ce āgacchanti, ajja me uposathoti adhiṭṭhātabbo. No ce adhiṭṭhaheyya, āpatti dukkaṭassa.

Tatra, bhikkhave, yattha cattāro bhikkhū viharanti, na ekassa pārisuddhim āharitvā tīhi pātimokkhaṃ uddisitabbaṃ. Uddiseyyum ce, āpatti dukkaṭassa. Tatra, bhikkhave, yattha tayo bhikkhū viharanti, na ekassa pārisuddhim āharitvā dvīhi pārisuddhiuposatho kātabbo. Kareyyum ce, āpatti dukkaṭassa. Tatra, bhikkhave, yattha dve bhikkhū viharanti, na ekassa pārisuddhim āharitvā ekena adhiṭṭhātabbo. Adhiṭṭhaheyya ce, āpatti dukkaṭassāti.

92. Āpattiṭṭhātabbo

169. Tena kho pana samayena aññataro bhikkhu tadahuposathe āpattiṃ āpanno hoti. Atha kho tassa bhikkhuno etadahosi – “bhagavatā paññātaṃ ‘na sāpattikena uposatho kātabbo’ti. Ahañcamhi āpattiṃ āpanno. Kathaṃ nu kho mayā paṭipajjitabba”nti? Bhagavato etamatthaṃ ārocesum. Idha pana, bhikkhave, bhikkhu tadahuposathe āpattiṃ āpanno hoti. Tena, bhikkhave, bhikkhunā ekaṃ bhikkhuṃ upasaṅkamitvā ekaṃsaṃ uttarāsaṅgaṃ karitvā ukkuṭikaṃ nisīditvā añjaliṃ paggahetvā evamassa vacanīyo – “ahaṃ, āvuso, itthannāmaṃ āpattiṃ āpanno, taṃ paṭidesemī”ti. Tena vattabbo – “passasī”ti. “Āma passāmī”ti. “Āyatim saṃvareyyāsī”ti.

Idha pana, bhikkhave, bhikkhu tadahuposathe āpattiyā vematiko hoti. Tena, bhikkhave, bhikkhunā ekaṃ bhikkhuṃ upasaṅkamitvā ekaṃsaṃ uttarāsaṅgaṃ karitvā ukkuṭikaṃ nisīditvā añjaliṃ paggahetvā evamassa vacanīyo – “ahaṃ, āvuso, itthannāmāya āpattiyā vematiko; yadā nibbematiko bhavissāmi, tadā taṃ āpattiṃ paṭikarissāmī”ti vatvā uposatho kātabbo, pātimokkhaṃ sotabbaṃ, na tveva tappaccayā

uposathassa antarāyo kātabboti.

Tena kho pana samayena chabbaggiyā bhikkhū sabhāgaṃ āpattiṃ desenti. Bhagavato etamatthaṃ ārocesuṃ. Na, bhikkhave, sabhāgā āpatti desetabbā. Yo deseyya, āpatti dukkaṭassāti.

Tena kho pana samayena chabbaggiyā bhikkhū sabhāgaṃ āpattiṃ paṭiggaṇhanti. Bhagavato etamatthaṃ ārocesuṃ. Na, bhikkhave, sabhāgā āpatti paṭiggahetabbā. Yo paṭiggaṇheyya, āpatti dukkaṭassāti.

93. Āpattiāvikaraṇavidhi

170. Tena kho pana samayena aññataro bhikkhu pātimokkhe uddissamāne āpattiṃ sarati. Atha kho tassa bhikkhuno etadahosi – “bhagavatā paññattaṃ ‘na sāpattikena uposatho kātabbo’ ti. Ahañcamhi āpattiṃ āpanno. Kathaṃ nu kho mayā paṭipajjitabba’ nti? Bhagavato etamatthaṃ ārocesuṃ.

Idha pana, bhikkhave, bhikkhu pātimokkhe uddissamāne āpattiṃ sarati. Tena, bhikkhave, bhikkhunā sāmanto bhikkhu evamassa vacanīyo – “ahaṃ, āvuso, itthannāmaṃ āpattiṃ āpanno. Ito vuṭṭhahitvā taṃ āpattiṃ paṭikarissāmī’ ti vatvā uposatho kātabbo, pātimokkhaṃ sotabbaṃ, na tveva tappaccayā uposathassa antarāyo kātabbo.

Idha pana, bhikkhave, bhikkhu pātimokkhe uddissamāne āpattiyā vematiko hoti. Tena, bhikkhave, bhikkhunā sāmanto bhikkhu evamassa vacanīyo – “ahaṃ, āvuso, itthannāmāya āpattiyā vematiko. Yadā nibbematiko bhavissāmi, tadā taṃ āpattiṃ paṭikarissāmī’ ti vatvā uposatho kātabbo, pātimokkhaṃ sotabbaṃ; na tveva tappaccayā uposathassa antarāyo kātabboti.

94. Sabhāgāpattiṭṭhikammavidhi

171. Tena kho pana samayena aññatarasmim āvāse tadahuposathe sabbo saṅgho sabhāgaṃ āpattiṃ āpanno hoti. Atha kho tesam bhikkhūnaṃ etadahosi – “bhagavatā paññattaṃ ‘na sabhāgā āpatti desetabbā, na sabhāgā āpatti paṭiggahetabbā’ ti. Ayañca sabbo saṅgho sabhāgaṃ āpattiṃ āpanno. Kathaṃ nu kho amhehi paṭipajjitabba’ nti? Bhagavato etamatthaṃ ārocesuṃ.

Idha pana, bhikkhave, aññatarasmim āvāse tadahuposathe sabbo saṅgho sabhāgaṃ āpattiṃ āpanno hoti. Tehi, bhikkhave, bhikkhūhi eko bhikkhu sāmanta āvāsā sajjukaṃ pāhetabbo – gacchāvuso, taṃ āpattiṃ paṭikarivā āgaccha; mayaṃ te santike āpattiṃ paṭikarissāmāti. Evañcetam labhetha, iccetam kusalam. No ce labhetha, byattena bhikkhunā paṭibalena saṅgho ñāpetabbo –

“Suṇātu me, bhante, saṅgho. Ayaṃ sabbo saṅgho sabhāgaṃ āpattiṃ āpanno. Yadā aññaṃ bhikkhuṃ suddhaṃ anāpattikaṃ passissati, tadā tassa santike taṃ āpattiṃ paṭikarissati’ ti vatvā uposatho kātabbo, pātimokkhaṃ uddisittabbaṃ, na tveva tappaccayā uposathassa antarāyo kātabbo.

Idha pana, bhikkhave, aññatarasmim āvāse tadahuposathe sabbo saṅgho sabhāgāya āpattiyā vematiko hoti. Byattena bhikkhunā paṭibalena saṅgho ñāpetabbo –

“Suṇātu me, bhante, saṅgho. Ayaṃ sabbo saṅgho sabhāgāya āpattiyā vematiko. Yadā nibbematiko bhavissati, tadā taṃ āpattiṃ paṭikarissati’ ti vatvā uposatho kātabbo, pātimokkhaṃ uddisittabbaṃ; na tveva tappaccayā uposathassa antarāyo kātabbo.

Idha pana, bhikkhave, aññatarasmim āvāse vassūpagato saṅgho sabhāgaṃ āpattiṃ āpanno hoti. Tehi, bhikkhave, bhikkhūhi eko bhikkhu sāmanta āvāsā sajjukaṃ pāhetabbo – gacchāvuso, taṃ āpattiṃ paṭikarivā āgaccha; mayaṃ te santike taṃ āpattiṃ paṭikarissāmāti. Evañcetam labhetha, iccetam

kusalaṃ. No ce labhetha, eko bhikkhu sattāhakālikam paṅhetabbo – gacchāvuso, taṃ āpattiṃ paṭikarivā āgaccha; mayaṃ te santike taṃ āpattiṃ paṭikarissāmāti.

Tena kho pana samayena aññatarasmiṃ āvāse sabbo saṅgho sabhāgaṃ āpattiṃ āpanno hoti. So na jānāti tassā āpattiyā nāmagottaṃ. Tattha añño bhikkhu āgacchati bahussuto āgatāgamo dhammadharo vinayadharo mātikādharo paṇḍito byatto medhāvī lajjī kukkuccho sikkhākāmo. Tameṇa aññataro bhikkhu yena so bhikkhu tenupasaṅkami, upasaṅkamitvā taṃ bhikkhuṃ etadavoca – ‘yo nu kho, āvuso, evañcevaṅca karoti, kiṃ nāma so āpattiṃ āpajjati’? So evamāha – ‘yo kho, āvuso, evañcevaṅca karoti, imaṃ nāma so āpattiṃ āpajjati. Imaṃ nāma tvam, āvuso, āpattiṃ āpanno; paṭikarohi taṃ āpatti’nti. So evamāha – ‘na kho ahaṃ, āvuso, ekova imaṃ āpattiṃ āpanno; ayaṃ sabbo saṅgho imaṃ āpattiṃ āpanno’ti. So evamāha – ‘kiṃ te, āvuso, karissati paro āpanno vā anāpanno vā. Ingha, tvam, āvuso, sakāya āpattiyā vuṭṭhāhi’ti. Atha kho so bhikkhu tassa bhikkhuno vacanena taṃ āpattiṃ paṭikarivā yena te bhikkhū tenupasaṅkami, upasaṅkamitvā te bhikkhū etadavoca – ‘yo kira, āvuso, evañcevaṅca karoti, imaṃ nāma so āpattiṃ āpajjati. Imaṃ nāma tumhe, āvuso, āpattiṃ āpannā; paṭikarotha taṃ āpatti’nti. Atha kho te bhikkhū na icchiṃsu tassa bhikkhuno vacanena taṃ āpattiṃ paṭikātum. Bhagavato etamatthaṃ ārocesum.

Idha pana, bhikkhave, aññatarasmiṃ āvāse sabbo saṅgho sabhāgaṃ āpattiṃ āpanno hoti. So na jānāti tassā āpattiyā nāmagottaṃ. Tattha añño bhikkhu āgacchati bahussuto āgatāgamo dhammadharo vinayadharo mātikādharo paṇḍito byatto medhāvī lajjī kukkuccho sikkhākāmo. Tameṇa aññataro bhikkhu yena so bhikkhu tenupasaṅkami, upasaṅkamitvā taṃ bhikkhuṃ evaṃ vadeti – ‘yo nu kho, āvuso, evañcevaṅca karoti, kiṃ nāma so āpattiṃ āpajjati’? So evaṃ vadeti – ‘yo kho, āvuso, evañcevaṅca karoti, imaṃ nāma so āpattiṃ āpajjati. Imaṃ nāma tvam, āvuso, āpattiṃ āpanno; paṭikarohi taṃ āpatti’nti. So evaṃ vadeti – ‘na kho ahaṃ, āvuso, ekova imaṃ āpattiṃ āpanno. Ayaṃ sabbo saṅgho imaṃ āpattiṃ āpanno’ti. So evaṃ vadeti – ‘kiṃ te, āvuso, karissati paro āpanno vā anāpanno vā. Ingha, tvam, āvuso, sakāya āpattiyā vuṭṭhāhi’ti. So ce, bhikkhave, bhikkhu tassa bhikkhuno vacanena taṃ āpattiṃ paṭikarivā yena te bhikkhū tenupasaṅkami, upasaṅkamitvā te bhikkhū evaṃ vadeti – ‘yo kira, āvuso, evañcevaṅca karoti imaṃ nāma so āpattiṃ āpajjati, imaṃ nāma tumhe āvuso āpattiṃ āpannā, paṭikarotha taṃ āpatti’nti. Te ce, bhikkhave, bhikkhū tassa bhikkhuno vacanena taṃ āpattiṃ paṭikareyyum, iccetaṃ kusalaṃ. No ce paṭikareyyum, na te, bhikkhave, bhikkhū tena bhikkhunā akāmā vacanīyāti.

Codanāvattubhāṇavāro niṭṭhito dutiyo.

95. Anāpattipannarasakaṃ

172. Tena kho pana samayena aññatarasmiṃ āvāse tadahuposathe sambahulā āvāsikā bhikkhū sannipatiṃsu cattāro vā atirekā vā. Te na jāniṃsu ‘atthaññe āvāsikā bhikkhū anāgatā’ti. Te dhammasaññino vinayasaññino vaggā samaggasaññino uposathaṃ akaṃsu, pātimokkhaṃ uddisiṃsu. Tehi uddissamāne pātimokkhe, athaññe āvāsikā bhikkhū āgacchiṃsu bahutarā. Bhagavato etamatthaṃ ārocesum.

Idha pana, bhikkhave, aññatarasmiṃ āvāse tadahuposathe sambahulā āvāsikā bhikkhū sannipatanti cattāro vā atirekā vā. Te na jānanti ‘atthaññe āvāsikā bhikkhū anāgatā’ti. Te dhammasaññino vinayasaññino vaggā samaggasaññino uposathaṃ karonti, pātimokkhaṃ uddisanti. Tehi uddissamāne pātimokkhe, athaññe āvāsikā bhikkhū āgacchanti bahutarā. Tehi, bhikkhave, bhikkhūhi puna pātimokkhaṃ uddisitabbaṃ. Uddesakānaṃ anāpatti.

Idha pana, bhikkhave, aññatarasmiṃ āvāse tadahuposathe sambahulā āvāsikā bhikkhū sannipatanti cattāro vā atirekā vā. Te na jānanti ‘atthaññe āvāsikā bhikkhū anāgatā’ti. Te dhammasaññino vinayasaññino vaggā samaggasaññino uposathaṃ karonti, pātimokkhaṃ uddisanti. Tehi uddissamāne

pātimokkhe, athaññe āvāsikā bhikkhū āgacchanti samasamā. Uddiṭṭhaṃ suuddiṭṭhaṃ, avasesaṃ sotabbaṃ. Uddesakānaṃ anāpatti.

Idha pana, bhikkhave, aññatarasmiṃ āvāse tadahuposathe sambahulā āvāsikā bhikkhū sannipatanti cattāro vā atirekā vā. Te na jānanti atthaññe āvāsikā bhikkhū anāgatāti, te dhammasaññino vinayasaññino vaggā samaggasaññino uposathaṃ karonti pātimokkhaṃ uddisanti. Tehi uddissamāne pātimokkhe, athaññe āvāsikā bhikkhū āgacchanti thokatarā. Uddiṭṭhaṃ suuddiṭṭhaṃ, avasesaṃ sotabbaṃ. Uddesakānaṃ anāpatti.

Idha pana, bhikkhave, aññatarasmiṃ āvāse tadahuposathe sambahulā āvāsikā bhikkhū sannipatanti cattāro vā atirekā vā. Te na jānanti atthaññe āvāsikā bhikkhū anāgatāti, te dhammasaññino vinayasaññino vaggā samaggasaññino uposathaṃ karonti pātimokkhaṃ uddisanti. Tehi uddiṭṭhamatte pātimokkhe, athaññe āvāsikā bhikkhū āgacchanti bahutarā. Tehi, bhikkhave, bhikkhūhi puna pātimokkhaṃ uddisitabbaṃ. Uddesakānaṃ anāpatti.

Idha pana, bhikkhave, aññatarasmiṃ āvāse tadahuposathe sambahulā āvāsikā bhikkhū sannipatanti cattāro vā atirekā vā. Te na jānanti atthaññe āvāsikā bhikkhū anāgatāti, te dhammasaññino vinayasaññino vaggā samaggasaññino uposathaṃ karonti pātimokkhaṃ uddisanti. Tehi uddiṭṭhamatte pātimokkhe, athaññe āvāsikā bhikkhū āgacchanti samasamā. Uddiṭṭhaṃ suuddiṭṭhaṃ, tesam santike pārisuddhi ārocetabbā. Uddesakānaṃ anāpatti.

Idha pana, bhikkhave, aññatarasmiṃ āvāse tadahuposathe sambahulā āvāsikā bhikkhū sannipatanti cattāro vā atirekā vā. Te na jānanti atthaññe āvāsikā bhikkhū anāgatāti, te dhammasaññino vinayasaññino vaggā samaggasaññino uposathaṃ karonti pātimokkhaṃ uddisanti. Tehi uddiṭṭhamatte pātimokkhe, athaññe āvāsikā bhikkhū āgacchanti thokatarā. Uddiṭṭhaṃ suuddiṭṭhaṃ, tesam santike pārisuddhi ārocetabbā. Uddesakānaṃ anāpatti.

Idha pana, bhikkhave, aññatarasmiṃ āvāse tadahuposathe sambahulā āvāsikā bhikkhū sannipatanti cattāro vā atirekā vā. Te na jānanti atthaññe āvāsikā bhikkhū anāgatāti, te dhammasaññino vinayasaññino vaggā samaggasaññino uposathaṃ karonti pātimokkhaṃ uddisanti. Tehi uddiṭṭhamatte pātimokkhe, avuṭṭhitāya parisāya, athaññe āvāsikā bhikkhū āgacchanti bahutarā. Tehi, bhikkhave, bhikkhūhi puna pātimokkhaṃ uddisitabbaṃ. Uddesakānaṃ anāpatti.

Idha pana, bhikkhave, aññatarasmiṃ āvāse tadahuposathe sambahulā āvāsikā bhikkhū sannipatanti cattāro vā atirekā vā. Te na jānanti atthaññe āvāsikā bhikkhū anāgatāti, te dhammasaññino vinayasaññino vaggā samaggasaññino uposathaṃ karonti pātimokkhaṃ uddisanti. Tehi uddiṭṭhamatte pātimokkhe, avuṭṭhitāya parisāya, athaññe āvāsikā bhikkhū āgacchanti samasamā. Uddiṭṭhaṃ suuddiṭṭhaṃ, tesam santike pārisuddhi ārocetabbā. Uddesakānaṃ anāpatti.

Idha pana, bhikkhave, aññatarasmiṃ āvāse tadahuposathe sambahulā āvāsikā bhikkhū sannipatanti cattāro vā atirekā vā. Te na jānanti atthaññe āvāsikā bhikkhū anāgatāti, te dhammasaññino vinayasaññino vaggā samaggāsaññino uposathaṃ karonti pātimokkhaṃ uddisanti. Tehi uddiṭṭhamatte pātimokkhe, avuṭṭhitāya parisāya, athaññe āvāsikā bhikkhū āgacchanti thokatarā. Uddiṭṭhaṃ suuddiṭṭhaṃ, tesam santike pārisuddhi ārocetabbā. Uddesakānaṃ anāpatti.

Idha pana, bhikkhave, aññatarasmiṃ āvāse tadahuposathe sambahulā āvāsikā bhikkhū sannipatanti cattāro vā atirekā vā. Te na jānanti atthaññe āvāsikā bhikkhū anāgatāti, te dhammasaññino vinayasaññino vaggā samaggasaññino uposathaṃ karonti pātimokkhaṃ uddisanti. Tehi uddiṭṭhamatte pātimokkhe, ekaccāya vuṭṭhitāya parisāya, athaññe āvāsikā bhikkhū āgacchanti bahutarā. Tehi, bhikkhave, bhikkhūhi puna pātimokkhaṃ uddisitabbaṃ. Uddesakānaṃ anāpatti.

Idha pana, bhikkhave, aññatarasmiṃ āvāse tadahuposathe sambahulā āvāsikā bhikkhū sannipatanti cattāro vā atirekā vā. Te na jānanti atthaññe āvāsikā bhikkhū anāgatāti, te dhammasaññino vinayasaññino vaggā samaggasaññino uposathaṃ karonti pātimokkhaṃ uddisanti. Tehi uddiṭṭhamatte pātimokkhe, ekaccāya vuṭṭhitāya parisāya, athaññe āvāsikā bhikkhū āgacchanti samasamā. Uddiṭṭhaṃ suuddiṭṭhaṃ, tesam santike pārisuddhi ārocetabbā. Uddesakānaṃ anāpatti.

Idha pana, bhikkhave, aññatarasmiṃ āvāse tadahuposathe sambahulā āvāsikā bhikkhū sannipatanti cattāro vā atirekā vā. Te na jānanti atthaññe āvāsikā bhikkhū anāgatāti, te dhammasaññino vinayasaññino vaggā samaggasaññino uposathaṃ karonti pātimokkhaṃ uddisanti. Tehi uddiṭṭhamatte pātimokkhe, ekaccāya vuṭṭhitāya parisāya, athaññe āvāsikā bhikkhū āgacchanti thokatarā. Uddiṭṭhaṃ suuddiṭṭhaṃ, tesam santike pārisuddhi ārocetabbā. Uddesakānaṃ anāpatti.

Idha pana, bhikkhave, aññatarasmiṃ āvāse tadahuposathe sambahulā āvāsikā bhikkhū sannipatanti cattāro vā atirekā vā. Te na jānanti atthaññe āvāsikā bhikkhū anāgatāti, te dhammasaññino vinayasaññino vaggā samaggasaññino uposathaṃ karonti pātimokkhaṃ uddisanti. Tehi uddiṭṭhamatte pātimokkhe, sabbāya vuṭṭhitāya parisāya, athaññe āvāsikā bhikkhū āgacchanti bahutarā. Tehi, bhikkhave, bhikkhūhi puna pātimokkhaṃ uddisitabbaṃ. Uddesakānaṃ anāpatti.

Idha pana, bhikkhave, aññatarasmiṃ āvāse tadahuposathe sambahulā āvāsikā bhikkhū sannipatanti cattāro vā atirekā vā. Te na jānanti atthaññe āvāsikā bhikkhū anāgatāti, te dhammasaññino vinayasaññino vaggā samaggasaññino uposathaṃ karonti pātimokkhaṃ uddisanti. Tehi uddiṭṭhamatte pātimokkhe, sabbāya vuṭṭhitāya parisāya, athaññe āvāsikā bhikkhū āgacchanti samasamā. Uddiṭṭhaṃ suuddiṭṭhaṃ, tesam santike pārisuddhi ārocetabbā. Uddesakānaṃ anāpatti.

Idha pana, bhikkhave, aññatarasmiṃ āvāse tadahuposathe sambahulā āvāsikā bhikkhū sannipatanti cattāro vā atirekā vā. Te na jānanti atthaññe āvāsikā bhikkhū anāgatāti, te dhammasaññino vinayasaññino vaggā samaggasaññino uposathaṃ karonti pātimokkhaṃ uddisanti. Tehi uddiṭṭhamatte pātimokkhe, sabbāya vuṭṭhitāya parisāya, athaññe āvāsikā bhikkhū āgacchanti thokatarā. Uddiṭṭhaṃ suuddiṭṭhaṃ, tesam santike pārisuddhi ārocetabbā. Uddesakānaṃ anāpatti.

Anāpattipannarasakaṃ niṭṭhitaṃ.

96. Vaggāvaggasaññīpannarasakaṃ

173. Idha pana, bhikkhave, aññatarasmiṃ āvāse tadahuposathe sambahulā āvāsikā bhikkhū sannipatanti cattāro vā atirekā vā. Te jānanti “atthaññe āvāsikā bhikkhū anāgatā”ti. Te dhammasaññino vinayasaññino vaggā vaggasaññino uposathaṃ karonti, pātimokkhaṃ uddisanti. Tehi uddissamāne pātimokkhe, athaññe āvāsikā bhikkhū āgacchanti bahutarā. Tehi, bhikkhave, bhikkhūhi puna pātimokkhaṃ uddisitabbaṃ. Uddesakānaṃ āpatti dukkaṭassa.

Idha pana, bhikkhave, aññatarasmiṃ āvāse tadahuposathe sambahulā āvāsikā bhikkhū sannipatanti cattāro vā atirekā vā. Te jānanti atthaññe āvāsikā bhikkhū anāgatāti, te dhammasaññino vinayasaññino vaggā samaggasaññino uposathaṃ karonti pātimokkhaṃ uddisanti. Tehi uddissamāne pātimokkhe, athaññe āvāsikā bhikkhū āgacchanti samasamā. Uddiṭṭhaṃ suuddiṭṭhaṃ, avasesaṃ sotabbaṃ. Uddesakānaṃ āpatti dukkaṭassa.

Idha pana, bhikkhave, aññatarasmiṃ āvāse tadahuposathe sambahulā āvāsikā bhikkhū sannipatanti cattāro vā atirekā vā. Te jānanti atthaññe āvāsikā bhikkhū anāgatāti te dhammasaññino vinayasaññino vaggā vaggasaññino uposathaṃ karonti pātimokkhaṃ uddisanti. Tehi uddissamāne pātimokkhe, athaññe āvāsikā bhikkhū āgacchanti thokatarā. Uddiṭṭhaṃ suuddiṭṭhaṃ, avasesaṃ sotabbaṃ. Uddesakānaṃ āpatti dukkaṭassa.

Idha pana, bhikkhave, aññatarasmiṃ āvāse tadahuposathe sambahulā āvāsikā bhikkhū sannipatanti cattāro vā atirekā vā. Te jānanti “atthaññe āvāsikā bhikkhū anāgatā”ti. Te dhammasaññino vinayasaññino vaggā vaggasaññino uposathaṃ karonti, pātimokkhaṃ uddisanti. Tehi uddiṭṭhamatte pātimokkhe...pe... avuṭṭhitāya parisāya...pe... ekaccāya vuṭṭhitāya parisāya...pe... sabbāya vuṭṭhitāya parisāya athaññe āvāsikā bhikkhū āgacchanti bahutarā...pe... samasamā...pe... thokatarā. Uddiṭṭhaṃ suuddiṭṭhaṃ, tesam santike pārisuddhi ārocetabbā. Uddesakānaṃ āpatti dukkaṭassa.

Vaggāvaggasaññipannarasakaṃ niṭṭhitaṃ.

97. Vematikapannarasakaṃ

174. Idha pana, bhikkhave, aññatarasmiṃ āvāse tadahuposathe sambahulā āvāsikā bhikkhū sannipatanti cattāro vā atirekā vā. Te jānanti “atthaññe āvāsikā bhikkhū anāgatā”ti. Te, kappati nu kho amhākaṃ uposatho kātuṃ na nu kho kappatīti, vematikā uposathaṃ karonti, pātimokkhaṃ uddisanti. Tehi uddissamāne pātimokkhe, athaññe āvāsikā bhikkhū āgacchanti bahutarā. Tehi, bhikkhave, bhikkhūhi puna pātimokkhaṃ uddisitabbaṃ. Uddesakānaṃ āpatti dukkaṭassa.

Idha pana, bhikkhave, aññatarasmiṃ āvāse tadahuposathe sambahulā āvāsikā bhikkhū sannipatanti cattāro vā atirekā vā. Te jānanti “atthaññe āvāsikā bhikkhū anāgatā”ti, te “kappati nu kho amhākaṃ uposatho kātuṃ, na nu kho kappatī”ti, vematikā uposathaṃ karonti, pātimokkhaṃ uddisanti. Tehi uddissamāne pātimokkhe, athaññe āvāsikā bhikkhū āgacchanti samasamā. Uddiṭṭhaṃ suuddiṭṭhaṃ, avasesaṃ sotabbaṃ. Uddesakānaṃ āpatti dukkaṭassa.

Idha pana, bhikkhave, aññatarasmiṃ āvāse tadahuposathe sambahulā āvāsikā bhikkhū sannipatanti cattāro vā atirekā vā. Te jānanti atthaññe āvāsikā bhikkhū anāgatāti, te kappati nu kho amhākaṃ uposatho kātuṃ, na nu kho kappatīti, vematikā uposathaṃ karonti, pātimokkhaṃ uddisanti. Tehi uddissamāne pātimokkhe athaññe āvāsikā bhikkhū āgacchanti thokatarā. Uddiṭṭhaṃ suuddiṭṭhaṃ, avasesaṃ sotabbaṃ. Uddesakānaṃ āpatti dukkaṭassa.

Idha pana, bhikkhave, aññatarasmiṃ āvāse tadahuposathe sambahulā āvāsikā bhikkhū sannipatanti cattāro vā atirekā vā. Te jānanti “atthaññe āvāsikā bhikkhū anāgatā”ti. Te, “kappati nu kho amhākaṃ uposatho kātuṃ na nu kho kappatī”ti, vematikā uposathaṃ karonti, pātimokkhaṃ uddisanti. Tehi uddiṭṭhamatte pātimokkhe,...pe... avuṭṭhitāya parisāya...pe... ekaccāya vuṭṭhitāya parisāya...pe... sabbāya vuṭṭhitāya parisāya, athaññe āvāsikā bhikkhū āgacchanti bahutarā...pe... samasamā...pe... thokatarā. Uddiṭṭhaṃ suuddiṭṭhaṃ, tesam santike pārisuddhi ārocetabbā. Uddesakānaṃ āpatti dukkaṭassa.

Vematikapannarasakaṃ niṭṭhitaṃ.

98. Kukkuccapakatapannarasakaṃ

175. Idha pana, bhikkhave, aññatarasmiṃ āvāse tadahuposathe sambahulā āvāsikā bhikkhū sannipatanti cattāro vā atirekā vā. Te jānanti “atthaññe āvāsikā bhikkhū anāgatā”ti. Te “kappateva amhākaṃ uposatho kātuṃ nāmhākaṃ na kappatī”ti, kukkuccapakatā uposathaṃ karonti, pātimokkhaṃ uddisanti. Tehi uddissamāne pātimokkhe, athaññe āvāsikā bhikkhū āgacchanti bahutarā. Tehi, bhikkhave, bhikkhūhi puna pātimokkhaṃ uddisitabbaṃ. Uddesakānaṃ āpatti dukkaṭassa.

Idha pana, bhikkhave, aññatarasmiṃ āvāse tadahuposathe sambahulā āvāsikā bhikkhū sannipatanti cattāro vā atirekā vā. Te jānanti “atthaññe āvāsikā bhikkhū anāgatā”ti. Te “kappateva amhākaṃ uposatho kātuṃ nāmhākaṃ na kappatī”ti, kukkuccapakatā uposathaṃ karonti, pātimokkhaṃ uddisanti. Tehi uddissamāne pātimokkhe, athaññe āvāsikā bhikkhū āgacchanti samasamā. Uddiṭṭhaṃ suuddiṭṭhaṃ,

avasesaṃ sotabbaṃ. Uddesakānaṃ āpatti dukkaṭassa.

Idha pana, bhikkhave, aññatarasmiṃ āvāse tadahuposathe sambahulā āvāsikā bhikkhū sannipatanti cattāro vā atirekā vā. Te jānanti “atthaññe āvāsikā bhikkhū anāgatā”ti. Te “kappateva amhākaṃ uposatho kātuṃ, nāmhākaṃ na kappatī”ti, kukkucapakatā uposathaṃ karonti, pātimokkhaṃ uddisanti. Tehi uddissamāne pātimokkhe, athaññe āvāsikā bhikkhū āgacchanti thokatarā. Uddiṭṭhaṃ suuddiṭṭhaṃ, avasesaṃ sotabbaṃ. Uddesakānaṃ āpatti dukkaṭassa.

Idha pana, bhikkhave, aññatarasmiṃ āvāse tadahuposathe sambahulā āvāsikā bhikkhū sannipatanti cattāro vā atirekā vā. Te jānanti “atthaññe āvāsikā bhikkhū anāgatā”ti. Te “kappateva amhākaṃ uposatho kātuṃ nāmhākaṃ na kappatī”ti, kukkucapakatā uposathaṃ karonti, pātimokkhaṃ uddisanti. Tehi uddiṭṭhamatte pātimokkhe,...pe... avuṭṭhitāya parisāya...pe... ekaccāya vuṭṭhitāya parisāya...pe... sabbāya vuṭṭhitāya parisāya, athaññe āvāsikā bhikkhū āgacchanti bahutarā...pe... samasamā ...pe... thokatarā. Uddiṭṭhaṃ suuddiṭṭhaṃ, tesam santike pārisuddhi ārocetabbā. Uddesakānaṃ āpatti dukkaṭassa.

Kukkucapakatapanarasakaṃ niṭṭhitaṃ.

99. Bhedapurekkhārapannarasakaṃ

176. Idha pana, bhikkhave, aññatarasmiṃ āvāse tadahuposathe sambahulā āvāsikā bhikkhū sannipatanti cattāro vā atirekā vā. Te jānanti “atthaññe āvāsikā bhikkhū anāgatā”ti. Te “nassantete, vinassantete, ko tehi attho”ti – bhedapurekkhārā uposathaṃ karonti, pātimokkhaṃ uddisanti. Tehi uddissamāne pātimokkhe, athaññe āvāsikā bhikkhū āgacchanti bahutarā. Tehi, bhikkhave, bhikkhūhi puna pātimokkhaṃ uddisitabbaṃ. Uddesakānaṃ āpatti thullaccayassa.

Idha pana, bhikkhave, aññatarasmiṃ āvāse tadahuposathe sambahulā āvāsikā bhikkhū sannipatanti cattāro vā atirekā vā. Te jānanti “atthaññe āvāsikā bhikkhū anāgatā”ti. Te “nassantete, vinassantete, ko tehi attho”ti – bhedapurekkhārā uposathaṃ karonti, pātimokkhaṃ uddisanti. Tehi uddissamāne pātimokkhe, athaññe āvāsikā bhikkhū āgacchanti samasamā. Uddiṭṭhaṃ suuddiṭṭhaṃ, avasesaṃ sotabbaṃ. Uddesakānaṃ āpatti thullaccayassa.

Idha pana, bhikkhave, aññatarasmiṃ āvāse tadahuposathe sambahulā āvāsikā bhikkhū sannipatanti cattāro vā atirekā vā. Te jānanti “atthaññe āvāsikā bhikkhū anāgatā”ti. Te “nassantete, vinassantete, ko tehi attho”ti – bhedapurekkhārā uposathaṃ karonti, pātimokkhaṃ uddisanti. Tehi uddissamāne pātimokkhe, athaññe āvāsikā bhikkhū āgacchanti thokatarā. Uddiṭṭhaṃ suuddiṭṭhaṃ, avasesaṃ sotabbaṃ. Uddesakānaṃ āpatti thullaccayassa.

Idha pana, bhikkhave, aññatarasmiṃ āvāse tadahuposathe sambahulā āvāsikā bhikkhū sannipatanti cattāro vā atirekā vā. Te jānanti “atthaññe āvāsikā bhikkhū anāgatā”ti. Te “nassantete, vinassantete, ko tehi attho”ti – bhedapurekkhārā uposathaṃ karonti, pātimokkhaṃ uddisanti. Tehi uddiṭṭhamatte pātimokkhe athaññe āvāsikā bhikkhū āgacchanti bahutarā. Tehi, bhikkhave, bhikkhūhi puna pātimokkhaṃ uddisitabbaṃ. Uddesakānaṃ āpatti thullaccayassa.

Idha pana, bhikkhave, aññatarasmiṃ āvāse tadahuposathe sambahulā āvāsikā bhikkhū sannipatanti cattāro vā atirekā vā. Te jānanti “atthaññe āvāsikā bhikkhū anāgatā”ti te “nassantete, vinassantete, ko tehi attho”ti bhedapurekkhārā uposathaṃ karonti, pātimokkhaṃ uddisanti. Tehi uddiṭṭhamatte pātimokkhe athaññe āvāsikā bhikkhū āgacchanti samasamā. Uddiṭṭhaṃ suuddiṭṭhaṃ, tesam santike pārisuddhi ārocetabbā. Uddesakānaṃ āpatti thullaccayassa.

Idha pana, bhikkhave, aññatarasmiṃ āvāse tadahuposathe sambahulā āvāsikā bhikkhū sannipatanti

cattāro vā atirekā vā. Te jānanti “atthaññe āvāsikā bhikkhū anāgatā”ti. Te “nassantete, vinassantete, ko tehi attho”ti – bhedapurekkhārā uposathaṃ karonti, pātimokkhaṃ uddisanti. Tehi uddiṭṭhamatte pātimokkhe athaññe āvāsikā bhikkhū āgacchanti thokatarā. Uddiṭṭhaṃ suuddiṭṭhaṃ, tesam santike pārisuddhi ārocetabbā. Uddesakānaṃ āpatti thullaccayassa.

Idha pana, bhikkhave, aññatarasmiṃ āvāse tadahuposathe sambahulā āvāsikā bhikkhū sannipatanti cattāro vā atirekā vā. Te jānanti “atthaññe āvāsikā bhikkhū anāgatā”ti. Te “nassantete, vinassantete, ko tehi attho”ti – bhedapurekkhārā uposathaṃ karonti, pātimokkhaṃ uddisanti. Tehi uddiṭṭhamatte pātimokkhe, avuṭṭhitāya parisāya, athaññe āvāsikā bhikkhū āgacchanti bahutarā. Tehi, bhikkhave, bhikkhūhi puna pātimokkhaṃ uddisitabbaṃ. Uddesakānaṃ āpatti thullaccayassa.

Idha pana, bhikkhave, aññatarasmiṃ āvāse tadahuposathe sambahulā āvāsikā bhikkhū sannipatanti cattāro vā atirekā vā. Te jānanti “atthaññe āvāsikā bhikkhū anāgatā”ti. Te “nassantete, vinassantete, ko tehi attho”ti – bhedapurekkhārā uposathaṃ karonti, pātimokkhaṃ uddisanti. Tehi uddiṭṭhamatte pātimokkhe, avuṭṭhitāya parisāya, athaññe āvāsikā bhikkhū āgacchanti samasamā. Uddiṭṭhaṃ suuddiṭṭhaṃ, tesam santike pārisuddhi ārocetabbā. Uddesakānaṃ āpatti thullaccayassa.

Idha pana, bhikkhave, aññatarasmiṃ āvāse tadahuposathe sambahulā āvāsikā bhikkhū sannipatanti cattāro vā atirekā vā. Te jānanti “atthaññe āvāsikā bhikkhū anāgatā”ti. Te “nassantete, vinassantete, ko tehi attho”ti – bhedapurekkhārā uposathaṃ karonti, pātimokkhaṃ uddisanti. Tehi uddiṭṭhamatte pātimokkhe, avuṭṭhitāya parisāya, athaññe āvāsikā bhikkhū āgacchanti thokatarā. Uddiṭṭhaṃ suuddiṭṭhaṃ, tesam santike pārisuddhi ārocetabbā. Uddesakānaṃ āpatti thullaccayassa.

Idha pana, bhikkhave, aññatarasmiṃ āvāse tadahuposathe sambahulā āvāsikā bhikkhū sannipatanti cattāro vā atirekā vā. Te jānanti “atthaññe āvāsikā bhikkhū anāgatā”ti. Te “nassantete, vinassantete, ko tehi attho”ti – bhedapurekkhārā uposathaṃ karonti, pātimokkhaṃ uddisanti. Tehi uddiṭṭhamatte pātimokkhe, ekaccāya vuṭṭhitāya parisāya, athaññe āvāsikā bhikkhū āgacchanti bahutarā. Tehi, bhikkhave, bhikkhūhi puna pātimokkhaṃ uddisitabbaṃ. Uddesakānaṃ āpatti thullaccayassa.

Idha pana, bhikkhave, aññatarasmiṃ āvāse tadahuposathe sambahulā āvāsikā bhikkhū sannipatanti cattāro vā atirekā vā. Te jānanti “atthaññe āvāsikā bhikkhū anāgatā”ti. Te “nassantete, vinassantete, ko tehi attho”ti – bhedapurekkhārā uposathaṃ karonti, pātimokkhaṃ uddisanti. Tehi uddiṭṭhamatte pātimokkhe, ekaccāya vuṭṭhitāya parisāya, athaññe āvāsikā bhikkhū āgacchanti samasamā. Uddiṭṭhaṃ suuddiṭṭhaṃ, tesam santike pārisuddhi ārocetabbā. Uddesakānaṃ āpatti thullaccayassa.

Idha pana, bhikkhave, aññatarasmiṃ āvāse tadahuposathe sambahulā āvāsikā bhikkhū sannipatanti cattāro vā atirekā vā. Te jānanti “atthaññe āvāsikā bhikkhū anāgatā”ti. Te “nassantete, vinassantete, ko tehi attho”ti – bhedapurekkhārā uposathaṃ karonti, pātimokkhaṃ uddisanti. Tehi uddiṭṭhamatte pātimokkhe, ekaccāya vuṭṭhitāya parisāya, athaññe āvāsikā bhikkhū āgacchanti thokatarā. Uddiṭṭhaṃ suuddiṭṭhaṃ, tesam santike pārisuddhi ārocetabbā. Uddesakānaṃ āpatti thullaccayassa.

Idha pana, bhikkhave, aññatarasmiṃ āvāse tadahuposathe sambahulā āvāsikā bhikkhū sannipatanti cattāro vā atirekā vā. Te jānanti “atthaññe āvāsikā bhikkhū anāgatā”ti. Te “nassantete, vinassantete, ko tehi attho”ti – bhedapurekkhārā uposathaṃ karonti, pātimokkhaṃ uddisanti. Tehi uddiṭṭhamatte pātimokkhe, sabbāya vuṭṭhitāya parisāya, athaññe āvāsikā bhikkhū āgacchanti bahutarā. Tehi, bhikkhave, bhikkhūhi puna pātimokkhaṃ uddisitabbaṃ. Uddesakānaṃ āpatti thullaccayassa.

Idha pana, bhikkhave, aññatarasmiṃ āvāse tadahuposathe sambahulā āvāsikā bhikkhū sannipatanti cattāro vā atirekā vā. Te jānanti “atthaññe āvāsikā bhikkhū anāgatā”ti. Te “nassantete, vinassantete, ko tehi attho”ti – bhedapurekkhārā uposathaṃ karonti, pātimokkhaṃ uddisanti. Tehi uddiṭṭhamatte pātimokkhe, sabbāya vuṭṭhitāya parisāya, athaññe āvāsikā bhikkhū āgacchanti samasamā. Uddiṭṭhaṃ

suuddiṭṭhaṃ, tesam santike pārisuddhi ārocetabbā. Uddesakānaṃ āpatti thullaccayassa.

Idha pana, bhikkhave, aññatarasmiṃ āvāse tadahuposathe sambahulā āvāsikā bhikkhū sannipatanti cattāro vā atirekā vā. Te jānanti “atthaññe āvāsikā bhikkhū anāgatā”ti. Te “nassantete, vinassantete, ko tehi attho”ti – bhedapurekkhārā uposathaṃ karonti, pātimokkhaṃ uddisanti. Tehi uddiṭṭhamatte pātimokkhe, sabbāya vuṭṭhitāya parisāya, athaññe āvāsikā bhikkhū āgacchanti thokatarā. Uddiṭṭhaṃ suuddiṭṭhaṃ, tesam santike pārisuddhi ārocetabbā. Uddesakānaṃ āpatti thullaccayassa.

Bhedapurekkhārapannarasakaṃ niṭṭhitaṃ.

Pañcavīsatikā niṭṭhitā.

100. Sīmokkantikapeyyālaṃ

177. Idha pana, bhikkhave, aññatarasmiṃ āvāse tadahuposathe sambahulā āvāsikā bhikkhū sannipatanti cattāro vā atirekā vā. Te na jānanti “aññe āvāsikā bhikkhū antosīmaṃ okkamantī”ti ...pe... te na jānanti “aññe āvāsikā bhikkhū antosīmaṃ okkantā”ti...pe... te na passantī aññe āvāsike bhikkhū antosīmaṃ okkamante ...pe... te na passantī aññe āvāsike bhikkhū antosīmaṃ okkante...pe... te na suṇanti “aññe āvāsikā bhikkhū antosīmaṃ okkamantī”ti...pe... te na suṇanti “aññe āvāsikā bhikkhū antosīmaṃ okkantā”ti...pe....

Āvāsikena āvāsikā ekasatapañcasattati tikanayato, āvāsikena āgantukā, āgantukena āvāsikā, āgantukena āgantukā peyyālamukhena satta tikasatāni honti.

178. Idha pana, bhikkhave, āvāsikānaṃ bhikkhūnaṃ cātuddaso hoti, āgantukānaṃ pannaraso. Sace āvāsikā bahutarā honti, āgantukehi āvāsikānaṃ anuvattitabbaṃ. Sace samasamā honti, āgantukehi āvāsikānaṃ anuvattitabbaṃ. Sace āgantukā bahutarā honti, āvāsikehi āgantukānaṃ anuvattitabbaṃ.

Idha pana, bhikkhave, āvāsikānaṃ bhikkhūnaṃ pannaraso hoti, āgantukānaṃ cātuddaso. Sace āvāsikā bahutarā honti, āgantukehi āvāsikānaṃ anuvattitabbaṃ. Sace samasamā honti, āgantukehi āvāsikānaṃ anuvattitabbaṃ. Sace āgantukā bahutarā honti, āvāsikehi āgantukānaṃ anuvattitabbaṃ.

Idha pana, bhikkhave, āvāsikānaṃ bhikkhūnaṃ pāṭipado hoti, āgantukānaṃ pannaraso. Sace āvāsikā bahutarā honti, āvāsikehi āgantukānaṃ nākāmā dātabbā sāmaggī. Āgantukehi nissīmaṃ gantvā uposatho kātabbo. Sace samasamā honti, āvāsikehi āgantukānaṃ nākāmā dātabbā sāmaggī. Āgantukehi nissīmaṃ gantvā uposatho kātabbo. Sace āgantukā bahutarā honti, āvāsikehi āgantukānaṃ sāmaggī vā dātabbā nissīmaṃ vā gantabbaṃ.

Idha pana, bhikkhave, āvāsikānaṃ bhikkhūnaṃ pannaraso hoti, āgantukānaṃ

Pāṭipado. Sace āvāsikā bahutarā honti, āgantukehi āvāsikānaṃ sāmaggī vā dātabbā nissīmaṃ vā gantabbaṃ. Sace samasamā honti, āgantukehi āvāsikānaṃ sāmaggī vā dātabbā nissīmaṃ vā gantabbaṃ. Sace āgantukā bahutarā honti, āgantukehi āvāsikānaṃ nākāmā dātabbā sāmaggī. Āvāsikehi nissīmaṃ gantvā uposatho kātabbo.

Sīmokkantikapeyyālaṃ niṭṭhitaṃ.

101. Liṅgādidassanaṃ

179. Idha pana, bhikkhave, āgantukā bhikkhū passantī āvāsikānaṃ bhikkhūnaṃ āvāsikākāraṃ,

āvāsikaliṅgaṃ, āvāsikanimittaṃ, āvāsikuddesaṃ, supaññattaṃ mañcapīṭhaṃ, bhisibibbohanaṃ, pānīyaṃ paribhojanīyaṃ sūpaṭṭhitaṃ, pariveṇaṃ susammaṭṭhaṃ; passitvā vematikā honti – “atthi nu kho āvāsikā bhikkhū natthi nu kho”ti. Te vematikā na vicinanti; avicinitvā uposathaṃ karonti. Āpatti dukkaṭassa. Te vematikā vicinanti; vicinitvā na passanti; apassitvā uposathaṃ karonti. Anāpatti. Te vematikā vicinanti; vicinitvā passanti; passitvā ekato uposathaṃ karonti. Anāpatti. Te vematikā vicinanti; vicinitvā passanti; passitvā pāṭekkaṃ uposathaṃ karonti. Āpatti dukkaṭassa. Te vematikā vicinanti; vicinitvā passanti; passitvā – “nassantete, vinassantete, ko tehi attho”ti – bheda purekkhārā uposathaṃ karonti. Āpatti thullaccayassa.

Idha pana, bhikkhave, āgantukā bhikkhū suṇanti āvāsikānaṃ bhikkhūnaṃ āvāsikākāraṃ, āvāsikaliṅgaṃ, āvāsikanimittaṃ, āvāsikuddesaṃ, caṅkamaṅtānaṃ padasaddaṃ, sajjhāyasaddaṃ, ukkāsitāsaddaṃ, khipitasaddaṃ; sutvā vematikā honti – “atthi nu kho āvāsikā bhikkhū natthi nu kho”ti. Te vematikā na vicinanti; avicinitvā uposathaṃ karonti. Āpatti dukkaṭassa. Te vematikā vicinanti; vicinitvā na passanti; apassitvā uposathaṃ karonti. Anāpatti. Te vematikā vicinanti; vicinitvā passanti; passitvā ekato uposathaṃ karonti. Anāpatti. Te vematikā vicinanti; vicinitvā passanti; passitvā pāṭekkaṃ uposathaṃ karonti. Āpatti dukkaṭassa. Te vematikā vicinanti; vicinitvā passanti; passitvā – “nassantete, vinassantete, ko tehi attho”ti – bheda purekkhārā uposathaṃ karonti. Āpatti thullaccayassa.

Idha pana, bhikkhave, āvāsikā bhikkhū passanti āgantukānaṃ bhikkhūnaṃ āgantukākāraṃ, āgantukaliṅgaṃ, āgantukanimittaṃ, āgantukuddesaṃ, aññātaṃ pattāṃ, aññātaṃ cīvāraṃ, aññātaṃ nisīdanaṃ, pādānaṃ dhotāṃ, udakanissekaṃ; passitvā vematikā honti – “atthi nu kho āgantukā bhikkhū natthi nu kho”ti. Te vematikā na vicinanti; avicinitvā uposathaṃ karonti. Āpatti dukkaṭassa. Te vematikā vicinanti; vicinitvā na passanti; apassitvā uposathaṃ karonti. Anāpatti. Te vematikā vicinanti; vicinitvā passanti; passitvā ekato uposathaṃ karonti. Anāpatti. Te vematikā vicinanti; vicinitvā passanti; passitvā pāṭekkaṃ uposathaṃ karonti. Āpatti dukkaṭassa. Te vematikā vicinanti; vicinitvā passanti; passitvā – “nassantete, vinassantete, ko tehi attho”ti – bheda purekkhārā uposathaṃ karonti. Āpatti thullaccayassa.

Idha pana, bhikkhave, āvāsikā bhikkhū suṇanti āgantukānaṃ bhikkhūnaṃ āgantukākāraṃ, āgantukaliṅgaṃ, āgantukanimittaṃ, āgantukuddesaṃ, āgacchantānaṃ padasaddaṃ, upāhanapapphoṭanasaddaṃ, ukkāsitāsaddaṃ, khipitasaddaṃ; sutvā vematikā honti – “atthi nu kho āgantukā bhikkhū natthi nu kho”ti. Te vematikā na vicinanti; avicinitvā uposathaṃ karonti. Āpatti dukkaṭassa. Te vematikā vicinanti; vicinitvā na passanti; apassitvā uposathaṃ karonti. Anāpatti. Te vematikā vicinanti; vicinitvā passanti; passitvā ekato uposathaṃ karonti. Anāpatti. Te vematikā vicinanti; vicinitvā passanti; passitvā pāṭekkaṃ uposathaṃ karonti. Āpatti dukkaṭassa. Te vematikā vicinanti; vicinitvā passanti; passitvā – “nassantete, vinassantete, ko tehi attho”ti – bheda purekkhārā uposathaṃ karonti. Āpatti thullaccayassa.

Liṅgādidassanaṃ niṭṭhitaṃ.

102. Nānāsaṃvāsakādīhi uposathakaraṇaṃ

180. Idha pana, bhikkhave, āgantukā bhikkhū passanti āvāsike bhikkhū nānāsaṃvāsake. Te samānasaṃvāsakadiṭṭhiṃ paṭilabhanti; samānasaṃvāsakadiṭṭhiṃ paṭilabhivā na pucchanti; apucchitvā ekato uposathaṃ karonti. Anāpatti. Te pucchanti; pucchitvā nābhivitaranti; anabhivitaritvā ekato uposathaṃ karonti. Āpatti dukkaṭassa. Te pucchanti; pucchitvā nābhivitaranti; anabhivitaritvā pāṭekkaṃ uposathaṃ karonti. Anāpatti.

Idha pana, bhikkhave, āgantukā bhikkhū passanti āvāsike bhikkhū samānasaṃvāsake. Te nānāsaṃvāsakadiṭṭhiṃ paṭilabhanti; nānāsaṃvāsakadiṭṭhiṃ paṭilabhivā na pucchanti; apucchitvā ekato uposathaṃ karonti. Āpatti dukkaṭassa. Te pucchanti; pucchitvā abhivitaranti; abhivitaritvā pāṭekkaṃ

uposathaṃ karonti. Āpatti dukkaṭassa. Te pucchanti; pucchitvā abhivitaranti; abhivitaritvā ekato uposathaṃ karonti. Anāpatti.

Idha pana, bhikkhave, āvāsikā bhikkhū passanti āgantuke bhikkhū nānāsaṃvāsake. Te samānasaṃvāsakadiṭṭhiṃ paṭilabhanti; samānasaṃvāsakadiṭṭhiṃ paṭilabhitvā na pucchanti; apucchitvā ekato uposathaṃ karonti. Anāpatti. Te pucchanti; pucchitvā nābhivitaranti; anabhivitaritvā ekato uposathaṃ karonti. Āpatti dukkaṭassa. Te pucchanti; pucchitvā nābhivitaranti; anabhivitaritvā pāṭekkaṃ uposathaṃ karonti. Anāpatti.

Idha pana, bhikkhave, āvāsikā bhikkhū passanti āgantuke bhikkhū samānasaṃvāsake. Te nānāsaṃvāsakadiṭṭhiṃ paṭilabhanti; nānāsaṃvāsakadiṭṭhiṃ paṭilabhitvā na pucchanti; apucchitvā ekato uposathaṃ karonti. Āpatti dukkaṭassa. Te pucchanti; pucchitvā abhivitaranti; abhivitaritvā pāṭekkaṃ uposathaṃ karonti. Āpatti dukkaṭassa. Te pucchanti; pucchitvā abhivitaranti; abhivitaritvā ekato uposathaṃ karonti. Anāpatti.

Nānāsaṃvāsakādīhi uposathakaraṇaṃ niṭṭhitaṃ.

103. Nagantabbavāro

181. Na, bhikkhave, tadahuposathe sabhikkhukā āvāsā abhikkhuko āvāso gantabbo, aññatra saṅghena aññatra antarāyā. Na, bhikkhave, tadahuposathe sabhikkhukā āvāsā abhikkhuko anāvāso gantabbo, aññatra saṅghena aññatra antarāyā. Na, bhikkhave, tadahuposathe sabhikkhukā āvāsā abhikkhuko āvāso vā anāvāso vā gantabbo, aññatra saṅghena aññatra antarāyā.

Na, bhikkhave, tadahuposathe sabhikkhukā anāvāsā abhikkhuko āvāso gantabbo, aññatra saṅghena aññatra antarāyā. Na, bhikkhave, tadahuposathe sabhikkhukā anāvāsā abhikkhuko anāvāso gantabbo, aññatra saṅghena aññatra antarāyā. Na, bhikkhave, tadahuposathe sabhikkhukā anāvāsā abhikkhuko āvāso vā anāvāso vā gantabbo, aññatra saṅghena aññatra antarāyā.

Na, bhikkhave, tadahuposathe sabhikkhukā āvāsā vā anāvāsā vā abhikkhuko āvāso gantabbo, aññatra saṅghena aññatra antarāyā. Na, bhikkhave, tadahuposathe sabhikkhukā āvāsā vā anāvāsā vā abhikkhuko anāvāso gantabbo, aññatra saṅghena aññatra antarāyā. Na, bhikkhave, tadahuposathe sabhikkhukā āvāsā vā anāvāsā vā abhikkhuko āvāso vā anāvāso vā gantabbo, aññatra saṅghena aññatra antarāyā.

Na, bhikkhave, tadahuposathe sabhikkhukā āvāsā sabhikkhuko āvāso gantabbo, yathassu bhikkhū nānāsaṃvāsakā, aññatra saṅghena aññatra antarāyā. Na, bhikkhave, tadahuposathe sabhikkhukā āvāsā sabhikkhuko anāvāso gantabbo, yathassu bhikkhū nānāsaṃvāsakā, aññatra saṅghena aññatra antarāyā. Na, bhikkhave, tadahuposathe sabhikkhukā āvāsā sabhikkhuko āvāso vā anāvāso vā gantabbo, yathassu bhikkhū nānāsaṃvāsakā, aññatra saṅghena aññatra antarāyā.

Na, bhikkhave, tadahuposathe sabhikkhukā anāvāsā sabhikkhuko āvāso gantabbo, yathassu bhikkhū nānāsaṃvāsakā, aññatra saṅghena aññatra antarāyā. Na, bhikkhave, tadahuposathe sabhikkhukā anāvāsā sabhikkhuko anāvāso gantabbo, yathassu bhikkhū nānāsaṃvāsakā, aññatra saṅghena aññatra antarāyā. Na, bhikkhave, tadahuposathe sabhikkhukā anāvāsā sabhikkhuko āvāso vā anāvāso vā gantabbo, yathassu bhikkhū nānāsaṃvāsakā, aññatra saṅghena aññatra antarāyā.

Na, bhikkhave, tadahuposathe sabhikkhukā āvāsā vā anāvāsā vā sabhikkhuko āvāso gantabbo, yathassu bhikkhū nānāsaṃvāsakā, aññatra saṅghena aññatra antarāyā. Na, bhikkhave, tadahuposathe sabhikkhukā āvāsā vā anāvāsā vā sabhikkhuko anāvāso gantabbo, yathassu bhikkhū nānāsaṃvāsakā, aññatra saṅghena aññatra antarāyā. Na, bhikkhave, tadahuposathe sabhikkhukā āvāsā vā anāvāsā vā

sabhikkhuko āvāso vā anāvāso vā gantabbo, yatthassu bhikkhū nānāsaṃvāsakā, aññatra saṅghena aññatra antarāyā.

Nagantabbavāro niṭṭhito.

104. Gantabbavāro

182. Gantabbo, bhikkhave, tadahuposathe sabhikkhukā āvāsā sabhikkhuko āvāso, yatthassu bhikkhū samānasaṃvāsakā, yaṃ jaññā – “sakkomi ajjeva gantu”nti. Gantabbo, bhikkhave, tadahuposathe sabhikkhukā āvāsā sabhikkhuko anāvāso...pe... sabhikkhuko āvāso vā anāvāso vā, yatthassu bhikkhū samānasaṃvāsakā, yaṃ jaññā – “sakkomi ajjeva gantu”nti.

Gantabbo, bhikkhave, tadahuposathe sabhikkhukā anāvāsā sabhikkhuko āvāso...pe... sabhikkhuko anāvāso...pe... sabhikkhuko āvāso vā anāvāso vā, yatthassu bhikkhū samānasaṃvāsakā, yaṃ jaññā – “sakkomi ajjeva gantu”nti.

Gantabbo, bhikkhave, tadahuposathe sabhikkhukā āvāsā vā anāvāsā vā sabhikkhuko āvāso...pe... sabhikkhuko anāvāso...pe... sabhikkhuko āvāso vā anāvāso vā, yatthassu bhikkhū samānasaṃvāsakā, yaṃ jaññā – “sakkomi ajjeva gantu”nti.

Gantabbavāro niṭṭhito.

105. Vajjanīyapuggalasandassanā

183. Na, bhikkhave, bhikkhuniyā nisinnaparisāya pātimokkhaṃ uddisitabbaṃ. Yo uddiseyya, āpatti dukkaṭassa. Na sikkhamānāya...pe... na sāmaṇerassa ...pe... na sāmaṇeriyā...pe... na sikkhāpaccakkhātakassa...pe... na antimavatthum ajjhāpannakassa nisinnaparisāya pātimokkhaṃ uddisitabbaṃ. Yo uddiseyya, āpatti dukkaṭassa.

Na āpattiyā adassane ukkhittakassa nisinnaparisāya pātimokkhaṃ uddisitabbaṃ. Yo uddiseyya, yathādhammo kāretabbo. Na āpattiyā appaṭikamme ukkhittakassa nisinnaparisāya...pe... na pāpikāya diṭṭhiyā appaṭinissagge ukkhittakassa nisinnaparisāya pātimokkhaṃ uddisitabbaṃ. Yo uddiseyya, yathādhammo kāretabbo.

Na paṇḍakassa nisinnaparisāya pātimokkhaṃ uddisitabbaṃ. Yo uddiseyya, āpatti dukkaṭassa. Na theyyasaṃvāsakassa...pe... na titthiyapakkantakassa...pe... na tiracchānagatassa...pe... na mātughātakassa...pe... na pitughātakassa...pe... na arahantaghātakassa...pe... na bhikkhunidūsakassa...pe... na saṅghabhedakassa...pe... na lohituppādakassa...pe... na ubhatobyañjanakassa nisinnaparisāya pātimokkhaṃ uddisitabbaṃ. Yo uddiseyya, āpatti dukkaṭassa.

Na, bhikkhave, pārivāsikapārisuddhidānena uposatho kātabbo, aññatra avuṭṭhitāya parisāya. Na ca, bhikkhave, anuposathe uposatho kātabbo, aññatra saṅghasāmaggiyāti.

Vajjanīyapuggalasandassanā niṭṭhitā.

Tatīyabhāṇavāro niṭṭhito.

Uposathakkhandhako dutiyo.

106. Tassuddānaṃ

Titthiyā bimbisāro ca, sannipatitum tuṅhikā;
Dhammaṃ raho pātimokkhaṃ, devasikaṃ tadā sakim.

Yathāparisā samaggaṃ, sāmaggī maddakucchi ca;
Sīmā mahatī nadiyā, anu dve khuddakāni ca.

Navā rājagahe ceva, sīmā avippavāsana;
Sammanne [sammane (ka.)] paṭhamaṃ sīmaṃ, pacchā sīmaṃ samūhane.

Asammatā gāmasīmā, nadiyā samudde sare;
Udakukkhepo bhindanti, tathevajjhottharanti ca.

Kati kammāni uddeso, savarā asatīpi ca;
Dhammaṃ vinayaṃ tajjenti, puna vinayatajjanā.

Codanā kate okāse, adhammappaṭikkosana;
Catupañcaparā āvi, sañcicca cepi vāyame.

Sagahaṭṭhā anajjhīṭṭhā, codanamhi na jānati;
Sambahulā na jānanti, sajjukaṃ na ca gacchare.

Katimī kīvatikā dūre, ārocetuñca nassari;
Uklāpaṃ āsanaṃ dīpo, disā añño bahussuto.

Sajjukaṃ [sajjuvassaruposatho (ka.)] vassuposatho, suddhikammañca ñātakā;
Gaggo catutayo dveko, āpattisabhāgā sari.

Sabbo saṅgho vematiko, na jānanti bahussuto;
Bahū samasamā thokā, parisā avuṭṭhitāya ca.

Ekaccā vuṭṭhitā sabbā, jānanti ca vematikā;
Kappatevāti kukkucā, jānaṃ passaṃ suṇanti ca.

Āvāsikena āgantū, cātupannaraso puna;
Pāṭipado pannaraso, liṅgasamvāsakā ubho.

Pārivāsānuposatho, aññatra saṅghasāmaggiyā;
Ete vibhattā uddānā, vatthuvibhūtakāraṇāti.

Imasmiṃ khandhake vatthūni chaasīti.

Uposathakkhandhako niṭṭhito.

3. Vassūpanāyikakkhandhako

107. Vassūpanāyikānujānanā

184. Tena samayena buddho bhagavā rājagahe viharati veḷuvane kalandakanivāpe. Tena kho pana samayena bhagavatā bhikkhūnaṃ vassāvāso apaññatto hoti. Teidha bhikkhū hemantampi gimhampi vassampi cārikaṃ caranti. Manussā ujjhāyanti khiyyanti vipācenti – “kathañhi nāma samaṇā

sakyaputtiyā hemantampi gimhampi vassampi cārikaṃ carissanti, haritāni tiṇāni sammaddantā, ekindriyaṃ jīvaṃ viheṭhentā, bahū khuddake pāṇe saṅghātaṃ āpādentā. Ime hi nāma aññatitthiyā durakkhātadhammā vassāvāsaṃ allīyissanti saṅkasāyissanti. Ime hi nāma sakuntakā rukkhaggesu kulāvakāni karitvā vassāvāsaṃ allīyissanti saṅkasāyissanti [saṅkāsāyissanti (sī. syā.)]. Ime pana samaṇā sakyaputtiyā hemantampi gimhampi vassampi cārikaṃ caranti, haritāni tiṇāni sammaddantā, ekindriyaṃ jīvaṃ viheṭhentā, bahū khuddake pāṇe saṅghātaṃ āpādentā’’ti. Assosum kho bhikkhū tesam manussānaṃ ujjhāyantānaṃ khiyyantānaṃ vipācentānaṃ. Atha kho te bhikkhū bhagavato etamatthaṃ ārocesum. Atha kho bhagavā etasmiṃ nidāne etasmiṃ pakaraṇe dhammiṃ kathaṃ katvā bhikkhū āmantesi – ‘‘anujānāmi, bhikkhave, vassaṃ upagantu’’nti. Atha kho bhikkhūnaṃ etadahosi – ‘‘kadā nu kho vassaṃ upagantabba’’nti? Bhagavato etamatthaṃ ārocesum. Anujānāmi, bhikkhave, vassāne vassaṃ upagantunti.

Atha kho bhikkhūnaṃ etadahosi – ‘‘kati nu kho vassūpanāyikā’’ti? Bhagavato etamatthaṃ

Ārocesum. Dvemā, bhikkhave, vassūpanāyikā – purimikā, pacchimikā. Aparajjugatāya āsālhiyā purimikā upagantabbā, māsagatāya āsālhiyā pacchimikā upagantabbā – imā kho, bhikkhave, dve vassūpanāyikāti.

Vassūpanāyikānujānanā niṭṭhitā.

108. Vassāne cārikāpaṭikkhepādi

185. Tena kho pana samayena chabbaggiyā bhikkhū vassaṃ upagantvā antarāvassaṃ cārikaṃ caranti. Manussā theva ujjhāyanti khiyyanti vipācenti – ‘‘kathaṇhi nāma samaṇā sakyaputtiyā hemantampi gimhampi vassampi cārikaṃ carissanti, haritāni tiṇāni sammaddantā, ekindriyaṃ jīvaṃ viheṭhentā, bahū khuddake pāṇe saṅghātaṃ āpādentā. Ime hi nāma aññatitthiyā durakkhātadhammā vassāvāsaṃ allīyissanti saṅkasāyissanti. Ime hi nāma sakuntakā rukkhaggesu kulāvakāni karitvā vassāvāsaṃ allīyissanti saṅkasāyissanti. Ime pana samaṇā sakyaputtiyā hemantampi gimhampi vassampi cārikaṃ caranti, haritāni tiṇāni sammaddantā, ekindriyaṃ jīvaṃ viheṭhentā, bahū khuddake pāṇe saṅghātaṃ āpādentā’’ti. Assosum kho bhikkhū tesam manussānaṃ ujjhāyantānaṃ khiyyantānaṃ vipācentānaṃ. Ye te bhikkhū appicchā...pe... te ujjhāyanti khiyyanti vipācenti – ‘‘kathaṇhi nāma chabbaggiyā bhikkhū vassaṃ upagantvā antarāvassaṃ cārikaṃ carissanti’’ti? Atha kho te bhikkhū bhagavato etamatthaṃ ārocesum. Atha kho bhagavā etasmiṃ nidāne etasmiṃ pakaraṇe dhammiṃ kathaṃ katvā bhikkhū āmantesi – ‘‘na, bhikkhave, vassaṃ upagantvā purimaṃ vā temāsaṃ pacchimaṃ vā temāsaṃ avasitvā cārikā pakkamitabbā. Yo pakkameyya, āpatti dukkaṭassā’’ti.

186. Tena kho pana samayena chabbaggiyā bhikkhū na icchanti vassaṃ upagantum. Bhagavato etamatthaṃ ārocesum. Na, bhikkhave, vassaṃ na upagantabbaṃ. Yo na upagaccheyya, āpatti dukkaṭassāti.

Tena kho pana samayena chabbaggiyā bhikkhū tadahu vassūpanāyikāya vassaṃ anupagantukāmā sañcicca āvāsaṃ atikkamanti. Bhagavato etamatthaṃ ārocesum. Na, bhikkhave, tadahu vassūpanāyikāya vassaṃ anupagantukāmena sañcicca āvāso atikkamitabbo. Yo atikkameyya, āpatti dukkaṭassāti.

Tena kho pana samayena rājā māgadho seniyo bimbisāro vassaṃ ukkaḍḍhitukāmo

Bhikkhūnaṃ santike dūtaṃ pāhesi – yadi panāyyā āgame juṇhe vassaṃ upagaccheyyunti. Bhagavato etamatthaṃ ārocesum. Anujānāmi, bhikkhave, rājūnaṃ anuvattitunti.

Vassāne cārikāpaṭikkhepādi niṭṭhitā.

109. Sattāhakaraṇīyānujānā

187. Atha kho bhagavā rājagahe yathābhirantaṃ viharitvā yena sāvatti tena cārikaṃ pakkāmi. Anupubbena cārikaṃ caramāno yena sāvatti tadavasari. Tatra sudam bhagavā sāvattiyam viharati jetavane anāthapiṇḍikassa ārāme. Tena kho pana samayena kosalesu janapade udenena upāsakena saṅghaṃ uddissa vihāro kārāpito hoti. So bhikkhūnaṃ santike dūtaṃ pāhesi – “āgacchantu bhadantā, icchāmi dānañca dātuṃ, dhammañca sotuṃ, bhikkhū ca passitu”nti. Bhikkhū evamaḥamsu – “bhagavatā, āvuso, paññattaṃ ‘na vassaṃ upagantvā purimaṃ vā temāsaṃ pacchimaṃ vā temāsaṃ avasitvā cārikā pakkamitabbā’ti. Āgametu udeno upāsako, yāva bhikkhū vassaṃ vasanti. Vassaṃvuṭṭhā āgamissanti. Sace panassa accāyikaṃ karaṇīyaṃ, tattheva āvāsikānaṃ bhikkhūnaṃ santike vihāraṃ patitthāpetū”ti. Udeno upāsako ujjhāyati khiyyati vipāceti – “kathañhi nāma bhadantā mayā pahite na āgacchissanti. Ahañhi dāyako kārako saṅghupaṭṭhāko”ti. Assosum kho bhikkhū udenassa upāsakassa ujjhāyantassa khiyyantassa vipācentassa. Atha kho te bhikkhū bhagavato etamatthaṃ ārocesum. Atha kho bhagavā etasmiṃ nidāne etasmiṃ pakaraṇe dhammiṃ kathaṃ katvā bhikkhū āmantesi – “anujānāmi, bhikkhave, sattannaṃ sattāhakaraṇīyena pahite gantuṃ, na tveva appahite. Bhikkhussa, bhikkhuniyā, sikkhamānāya, sāmaṇerassa, sāmaṇeriyā, upāsakassa, upāsikāya – anujānāmi, bhikkhave, imesaṃ sattannaṃ sattāhakaraṇīyena pahite gantuṃ, na tveva appahite. Sattāhaṃ sannivatto kātabbo”.

188. Idha pana, bhikkhave, upāsakena saṅghaṃ uddissa vihāro kārāpito hoti. So ce bhikkhūnaṃ santike dūtaṃ pañeeyya – “āgacchantu bhadantā, icchāmi dānañca dātuṃ, dhammañca sotuṃ, bhikkhū ca passitu”nti, gantabbaṃ, bhikkhave, sattāhakaraṇīyena, pahite, na tveva appahite. Sattāhaṃ sannivatto kātabbo.

Idha pana, bhikkhave, upāsakena saṅghaṃ uddissa aḍḍhayogo kārāpito hoti...pe... pāsādo kārāpito hoti... hammiyaṃ kārāpitaṃ hoti... guhā kārāpitā hoti... pariveṇaṃ kārāpitaṃ hoti... koṭṭhako kārāpito hoti... upaṭṭhānasālā kārāpitā hoti... aggisālā kārāpitā hoti... kappiyakuṭi kārāpitā hoti... vaccakuṭi kārāpitā hoti... caṅkamo kārāpito hoti ... caṅkamanasālā kārāpitā hoti... udapāno kārāpito hoti ... udapānasālā kārāpitā hoti... jantāgharaṃ kārāpitaṃ hoti... jantāgharasālā kārāpitā hoti... pokkharaṇī kārāpitā hoti... maṇḍapo kārāpito hoti... ārāmo kārāpito hoti... ārāmaṃvatthu kārāpitaṃ hoti. So ce bhikkhūnaṃ santike dūtaṃ pañeeyya – “āgacchantu bhadantā, icchāmi dānañca dātuṃ, dhammañca sotuṃ, bhikkhū ca passitu”nti, gantabbaṃ, bhikkhave, sattāhakaraṇīyena, pahite, na tveva appahite. Sattāhaṃ sannivatto kātabbo.

Idha pana, bhikkhave, upāsakena sambahule bhikkhū uddissa...pe... ekaṃ bhikkhuṃ uddissa vihāro kārāpito hoti... aḍḍhayogo kārāpito hoti... pāsādo kārāpito hoti ... hammiyaṃ kārāpitaṃ hoti... guhā kārāpitā hoti... pariveṇaṃ kārāpitaṃ hoti... koṭṭhako kārāpito hoti... upaṭṭhānasālā kārāpitā hoti... aggisālā kārāpitā hoti... kappiyakuṭi kārāpitā hoti... vaccakuṭi kārāpitā hoti... caṅkamo kārāpito hoti... caṅkamanasālā kārāpitā hoti... udapāno kārāpito hoti... udapānasālā kārāpitā hoti... jantāgharaṃ kārāpitaṃ hoti... jantāgharasālā kārāpitā hoti... pokkharaṇī kārāpitā hoti... maṇḍapo kārāpito hoti... ārāmo kārāpito hoti... ārāmaṃvatthu kārāpitaṃ hoti. So ce bhikkhūnaṃ santike dūtaṃ pañeeyya – “āgacchantu bhadantā, icchāmi dānañca dātuṃ, dhammañca sotuṃ, bhikkhū ca passitu”nti, gantabbaṃ, bhikkhave, sattāhakaraṇīyena, pahite, na tveva appahite. Sattāhaṃ sannivatto kātabbo.

Idha pana, bhikkhave, upāsakena bhikkhunisaṅghaṃ uddissa...pe... sambahulā bhikkhuniyo uddissa...pe... ekaṃ bhikkhuniṃ uddissa...pe... sambahulā sikkhamānāyo uddissa...pe... ekaṃ sikkhamānaṃ uddissa...pe... sambahule sāmaṇere uddissa...pe... ekaṃ sāmaṇeraṃ uddissa...pe... sambahulā sāmaṇeriyō uddissa...pe... ekaṃ sāmaṇerim uddissa vihāro kārāpito hoti...pe... aḍḍhayogo kārāpito hoti... pāsādo kārāpito hoti... hammiyaṃ kārāpitaṃ hoti... guhā kārāpitā hoti... pariveṇaṃ kārāpitaṃ hoti... koṭṭhako kārāpito hoti... upaṭṭhānasālā kārāpitā hoti... aggisālā kārāpitā hoti ... kappiyakuṭi kārāpitā hoti... caṅkamo kārāpito hoti... caṅkamanasālā kārāpitā hoti... udapāno kārāpito hoti... udapānasālā kārāpitā hoti... pokkharaṇī kārāpitā hoti... maṇḍapo kārāpito hoti... ārāmo kārāpito

hoti... āramavatthu kārāpitaṃ hoti. So ce bhikkhūnaṃ santike dūtaṃ paṇeyya – “āgacchantu bhadantā, icchāmi dānañca dātuṃ, dhammañca sotuṃ, bhikkhū ca passitu”nti, gantabbaṃ, bhikkhave, sattāhakaṇṇiyeṇa, pahite, na tveva appahite. Sattāhaṃ sannivatto kātabbo.

189. Idha pana, bhikkhave, upāsakena attano atthāya nivesanaṃ kārāpitaṃ hoti...pe... sayanighamaṃ kārāpitaṃ hoti... udosito kārāpito hoti... aṭṭo kārāpito hoti... mālo kārāpito hoti... āpaṇo kārāpito hoti... āpaṇasālā kārāpitā hoti... pāsādo kārāpito hoti... hammiyaṃ kārāpitaṃ hoti... guhā kārāpitā hoti... pariveṇaṃ kārāpitaṃ hoti... koṭṭhako kārāpito hoti... upaṭṭhānasālā kārāpitā hoti... aggisālā kārāpitā hoti... rasavatī kārāpitā hoti... caṅkamo kārāpito hoti... caṅkamanasālā kārāpitā hoti... udapāno kārāpito hoti... udapānasālā kārāpitā hoti... pokkharāṇī kārāpitā hoti... maṇḍapo kārāpito hoti... ārāmo kārāpito hoti... āramavatthu kārāpitaṃ hoti... puttassa vā vāreyyaṃ hoti... dhītuyā vā vāreyyaṃ hoti... gilāno vā hoti... abhiññātaṃ vā suttantaṃ bhaṇati. So ce bhikkhūnaṃ santike dūtaṃ paṇeyya – “āgacchantu bhadantā, imaṃ suttantaṃ pariyāpuṇissanti, purāyaṃ suttantaṃ na palujjati”ti. Aññataraṃ vā panassa kiccaṃ hoti – karaṇīyaṃ vā, so ce bhikkhūnaṃ santike dūtaṃ paṇeyya – “āgacchantu bhadantā, icchāmi dānañca dātuṃ, dhammañca sotuṃ, bhikkhū ca passitu”nti, gantabbaṃ, bhikkhave, sattāhakaṇṇiyeṇa, pahite, na tveva appahite. Sattāhaṃ sannivatto kātabbo.

190. Idha pana, bhikkhave, upāsikāya saṅghaṃ uddissa vihāro kārāpito hoti. Sā ce bhikkhūnaṃ santike dūtaṃ paṇeyya – “āgacchantu ayyā, icchāmi dānañca dātuṃ, dhammañca sotuṃ, bhikkhū ca passitu”nti, gantabbaṃ, bhikkhave, sattāhakaṇṇiyeṇa, pahite, na tveva appahite. Sattāhaṃ sannivatto kātabbo.

Idha pana, bhikkhave, upāsikāya saṅghaṃ uddissa aḍḍhayogo kārāpito hoti...pe... pāsādo kārāpito hoti... hammiyaṃ kārāpitaṃ hoti... guhā kārāpitā hoti... pariveṇaṃ kārāpitaṃ hoti... koṭṭhako kārāpito hoti... upaṭṭhānasālā kārāpitā hoti... aggisālā kārāpitā hoti... kappiyakuṭi kārāpitā hoti... vaccakuṭi kārāpitā hoti... caṅkamo kārāpito hoti... caṅkamanasālā kārāpitā hoti... udapāno kārāpito hoti... udapānasālā kārāpitā hoti... jantāghamaṃ kārāpitaṃ hoti... jantāgharasālā kārāpitā hoti... pokkharāṇī kārāpitā hoti... maṇḍapo kārāpito hoti... ārāmo kārāpito hoti... āramavatthu kārāpitaṃ hoti. Sā ce bhikkhūnaṃ santike dūtaṃ paṇeyya – “āgacchantu ayyā, icchāmi dānañca dātuṃ, dhammañca sotuṃ, bhikkhū ca passitu”nti, gantabbaṃ, bhikkhave, sattāhakaṇṇiyeṇa, pahite, na tveva appahite. Sattāhaṃ sannivatto kātabbo.

Idha pana, bhikkhave, upāsikāya sambahule bhikkhū uddissa...pe... ekaṃ bhikkhuṃ uddissa...pe... bhikkhunisaṅghaṃ uddissa...pe... sambahulā bhikkhuniyo uddissa...pe... ekaṃ bhikkhunim uddissa...pe... sambahulā sikkhamānāyo uddissa...pe... ekaṃ sikkhamānaṃ uddissa...pe... sambahule sāmaṇere uddissa...pe... ekaṃ sāmaṇeraṃ uddissa...pe... sambahulā sāmaṇeriyo uddissa...pe... ekaṃ sāmaṇerim uddissa...pe....

191. Idha pana, bhikkhave, upāsikāya attano atthāya nivesanaṃ kārāpitaṃ hoti...pe... sayanighamaṃ kārāpitaṃ hoti... udosito kārāpito hoti... aṭṭo kārāpito hoti... mālo kārāpito hoti... āpaṇo kārāpito hoti... āpaṇasālā kārāpitā hoti... pāsādo kārāpito hoti... hammiyaṃ kārāpitaṃ hoti... guhā kārāpitā hoti... pariveṇaṃ kārāpitaṃ hoti... koṭṭhako kārāpito hoti... upaṭṭhānasālā kārāpitā hoti... aggisālā kārāpitā hoti... rasavatī kārāpitā hoti... caṅkamo kārāpito hoti... caṅkamanasālā kārāpitā hoti... udapāno kārāpito hoti... udapānasālā kārāpitā hoti... pokkharāṇī kārāpitā hoti... maṇḍapo kārāpito hoti... ārāmo kārāpito hoti... āramavatthu kārāpitaṃ hoti... puttassa vā vāreyyaṃ hoti... dhītuyā vā vāreyyaṃ hoti... gilānā vā hoti... abhiññātaṃ vā suttantaṃ bhaṇati. Sā ce bhikkhūnaṃ santike dūtaṃ paṇeyya – “āgacchantu ayyā, imaṃ suttantaṃ pariyāpuṇissanti, purāyaṃ suttantaṃ na palujjati”ti. Aññataraṃ vā panassā kiccaṃ hoti karaṇīyaṃ vā, sā ce bhikkhūnaṃ santike dūtaṃ paṇeyya – “āgacchantu ayyā, icchāmi dānañca dātuṃ, dhammañca sotuṃ, bhikkhū ca passitu”nti, gantabbaṃ, bhikkhave, sattāhakaṇṇiyeṇa, pahite, na tveva appahite. Sattāhaṃ sannivatto kātabbo.

192. Idha pana, bhikkhave, bhikkhunā saṅghaṃ uddissa...pe... bhikkhuniyā saṅghaṃ uddissa... sikkhamānāya saṅghaṃ uddissa... sāmaṇerena saṅghaṃ uddissa... sāmaṇeriyā saṅghaṃ uddissa ... sambahule bhikkhū uddissa... ekaṃ bhikkhuṃ uddissa... bhikkhunisaṅghaṃ uddissa... sambahulā bhikkhuniyo uddissa... ekaṃ bhikkhuniṃ uddissa... sambahulā sikkhamānāyo uddissa... ekaṃ sikkhamānaṃ uddissa... sambahule sāmaṇere uddissa... ekaṃ sāmaṇeraṃ uddissa... sambahulā sāmaṇeriyō uddissa... ekaṃ sāmaṇerīṃ uddissa... attano atthāya vihāro kārāpito hoti...pe... aḍḍhayogo kārāpito hoti... pāsādo kārāpito hoti... hammiyaṃ kārāpitaṃ hoti... guhā kārāpitā hoti... pariveṇaṃ kārāpitaṃ hoti ... koṭṭhako kārāpito hoti... upaṭṭhānasālā kārāpitā hoti... aggisālā kārāpitā hoti... kappiyakuṭi kārāpitā hoti... caṅkamo kārāpito hoti... caṅkamanasālā kārāpitā hoti... udapāno kārāpito hoti... udapānasālā kārāpitā hoti... pokkharāṇī kārāpitā hoti... maṇḍapo kārāpito hoti... ārāmo kārāpito hoti... ārāmaṃvatthu kārāpitaṃ hoti. Sā ce bhikkhūnaṃ santike dūtaṃ paṇeṇya... “āgacchantu ayyā, icchāmi dānaṅca dātuṃ, dhammaṅca sotuṃ, bhikkhū ca passitu”nti, gantabbaṃ, bhikkhave, sattāhakaṇṇiyena, pahite, na tveva appahite. Sattāhaṃ sannivatto kātabbo.

Sattāhakaṇṇiyānujānatā niṭṭhitā.

110. Pañcannaṃ appahitepi anujānanā

193. Tena kho pana samayena aññataro bhikkhu gilāno hoti. So bhikkhūnaṃ santike dūtaṃ pāhesi – “ahañhi gilāno, āgacchantu bhikkhū, icchāmi bhikkhūnaṃ āgata”nti. Bhagavato etamatthaṃ ārocesuṃ. Anujānāmi, bhikkhave, pañcannaṃ sattāhakaṇṇiyena appahitepi gantuṃ, pageva pahite. Bhikkhussa, bhikkhuniyā, sikkhamānāya, sāmaṇerassa, sāmaṇeriyā – anujānāmi, bhikkhave, imesaṃ pañcannaṃ sattāhakaṇṇiyena appahitepi gantuṃ, pageva pahite. Sattāhaṃ sannivatto kātabbo.

Idha pana, bhikkhave, bhikkhu gilāno hoti. So ce bhikkhūnaṃ santike dūtaṃ paṇeṇya – “ahañhi gilāno, āgacchantu bhikkhū, icchāmi bhikkhūnaṃ āgata”nti, gantabbaṃ, bhikkhave, sattāhakaṇṇiyena, appahitepi, pageva pahite – “gilānabhattaṃ vā pariyesissāmi, gilānupaṭṭhākabhattaṃ vā pariyesissāmi, gilānabhesajjaṃ vā pariyesissāmi, pucchissāmi vā, upaṭṭhahissāmi vā”ti. Sattāhaṃ sannivatto kātabbo.

Idha pana, bhikkhave, bhikkhussa anabhirati uppannā hoti. So ce bhikkhūnaṃ santike dūtaṃ paṇeṇya – “anabhirati me uppannā, āgacchantu bhikkhū, icchāmi bhikkhūnaṃ āgata”nti, gantabbaṃ, bhikkhave, sattāhakaṇṇiyena, appahitepi, pageva pahite – “anabhirataṃ vūpakāsessāmi vā, vūpakāsāpessāmi vā, dhammakathaṃ vāssa karissāmi”ti. Sattāhaṃ sannivatto kātabbo.

Idha pana, bhikkhave, bhikkhussa kukkucçaṃ uppannaṃ hoti. So ce bhikkhūnaṃ santike dūtaṃ paṇeṇya – “kukkucçaṃ me uppannaṃ, āgacchantu bhikkhū, icchāmi bhikkhūnaṃ āgata”nti, gantabbaṃ, bhikkhave, sattāhakaṇṇiyena, appahitepi, pageva pahite – “kukkucçaṃ vinodessāmi vā, vinodāpessāmi vā, dhammakathaṃ vāssa karissāmi”ti. Sattāhaṃ sannivatto kātabbo.

Idha pana, bhikkhave, bhikkhussa diṭṭhigataṃ uppannaṃ hoti. So ce bhikkhūnaṃ santike dūtaṃ paṇeṇya – “diṭṭhigataṃ me uppannaṃ, āgacchantu bhikkhū, icchāmi bhikkhūnaṃ āgata”nti, gantabbaṃ, bhikkhave, sattāhakaṇṇiyena, appahitepi, pageva pahite – “diṭṭhigataṃ vivecessāmi vā, vivecāpessāmi vā, dhammakathaṃ vāssa karissāmi”ti. Sattāhaṃ sannivatto kātabbo.

Idha pana, bhikkhave, bhikkhu garudhammaṃ ajjhāpanno hoti parivāsāraho. So ce bhikkhūnaṃ santike dūtaṃ paṇeṇya – “ahañhi garudhammaṃ ajjhāpanno parivāsāraho, āgacchantu bhikkhū, icchāmi bhikkhūnaṃ āgata”nti, gantabbaṃ, bhikkhave, sattāhakaṇṇiyena, appahitepi, pageva pahite – “parivāsādānaṃ ussukkaṃ karissāmi vā, anussāvēssāmi vā, gaṇapūraho vā bhavissāmi”ti. Sattāhaṃ sannivatto kātabbo.

Idha pana, bhikkhave, bhikkhu mūlāya paṭikassanāraho hoti. So ce bhikkhūnaṃ santike dūtaṃ

pahiṇeyya – “ahañhi mūlāya paṭikassanāraho, āgacchantu bhikkhū, icchāmi bhikkhūnaṃ āgata”nti, gantabbaṃ, bhikkhave, sattāhakaṇṇiyena, appahitepi, pageva pahite – “mūlāya paṭikassanaṃ ussukkaṃ karissāmi vā, anussāveṣṣāmi vā, gaṇapūraḥko vā bhavissāmi”ti. Sattāhaṃ sannivatto kātabbo.

Idha pana, bhikkhave, bhikkhu mānattāraho hoti. So ce bhikkhūnaṃ santike dūtaṃ pahiṇeyya – “ahañhi mānattāraho, āgacchantu bhikkhū, icchāmi bhikkhūnaṃ āgata”nti, gantabbaṃ, bhikkhave, sattāhakaṇṇiyena, appahitepi, pageva pahite – “mānattadānaṃ ussukkaṃ karissāmi vā, anussāveṣṣāmi vā, gaṇapūraḥko vā bhavissāmi”ti. Sattāhaṃ sannivatto kātabbo.

Idha pana, bhikkhave, bhikkhu abbhānāraho hoti. So ce bhikkhūnaṃ santike dūtaṃ pahiṇeyya – “ahañhi abbhānāraho, āgacchantu bhikkhū, icchāmi bhikkhūnaṃ āgata”nti, gantabbaṃ, bhikkhave, sattāhakaṇṇiyena, appahitepi, pageva pahite – “abbhānaṃ ussukkaṃ karissāmi vā, anussāveṣṣāmi vā, gaṇapūraḥko vā bhavissāmi”ti. Sattāhaṃ sannivatto kātabbo.

Idha pana, bhikkhave, bhikkhussa saṅgho kammaṃ kattukāmo hoti tajjanīyaṃ vā, niyassaṃ vā, pabbājanīyaṃ vā, paṭisāraṇīyaṃ vā, ukkhepanīyaṃ vā. So ce bhikkhūnaṃ santike dūtaṃ pahiṇeyya – “saṅgho me kammaṃ kattukāmo, āgacchantu bhikkhū, icchāmi bhikkhūnaṃ āgata”nti, gantabbaṃ, bhikkhave, sattāhakaṇṇiyena, appahitepi, pageva pahite – “kinti nu kho saṅgho kammaṃ na kareyya, lahukāya vā pariṇāmeyyā”ti. Sattāhaṃ sannivatto kātabbo.

Kataṃ vā panassa hoti saṅghena kammaṃ tajjanīyaṃ vā niyassaṃ vā pabbājanīyaṃ vā paṭisāraṇīyaṃ vā ukkhepanīyaṃ vā. So ce bhikkhūnaṃ santike dūtaṃ pahiṇeyya “saṅgho me kammaṃ akāsi, āgacchantu bhikkhū, icchāmi bhikkhūnaṃ āgata”nti, gantabbaṃ, bhikkhave, sattāhakaṇṇiyena, appahitepi, pageva pahite – “kinti nu kho sammā vatteyya, lomaṃ pāteyya, netthāraṃ vatteyya, saṅgho taṃ kammaṃ paṭippassambheyyā”ti. Sattāhaṃ sannivatto kātabbo.

194. Idha pana, bhikkhave, bhikkhunī gilānā hoti. Sā ce bhikkhūnaṃ santike dūtaṃ pahiṇeyya – “ahañhi gilānā, āgacchantu ayyā, icchāmi ayyānaṃ āgata”nti, gantabbaṃ, bhikkhave, sattāhakaṇṇiyena, appahitepi, pageva pahite – “gilānabhattaṃ vā pariyesissāmi, gilānupaṭṭhākabhattaṃ vā pariyesissāmi, gilānabhesajjaṃ vā pariyesissāmi, pucchissāmi vā, upaṭṭhahissāmi vā”ti. Sattāhaṃ sannivatto kātabbo.

Idha pana, bhikkhave, bhikkhuniyā anabhirati uppannā hoti. Sā ce bhikkhūnaṃ santike dūtaṃ pahiṇeyya – “anabhirati me uppannā, āgacchantu ayyā, icchāmi ayyānaṃ āgata”nti, gantabbaṃ, bhikkhave, sattāhakaṇṇiyena, appahitepi, pageva pahite – “anabhirataṃ vūpakāṣessāmi vā, vūpakāṣepessāmi vā, dhammakathaṃ vāssā karissāmi”ti. Sattāhaṃ sannivatto kātabbo.

Idha pana, bhikkhave, bhikkhuniyā kukkuccaṃ uppannaṃ hoti. Sā ce bhikkhūnaṃ santike dūtaṃ pahiṇeyya – “kukkuccaṃ me uppannaṃ, āgacchantu ayyā, icchāmi ayyānaṃ āgata”nti, gantabbaṃ, bhikkhave, sattāhakaṇṇiyena, appahitepi, pageva pahite – “kukkuccaṃ vinodessāmi vā, vinodāpessāmi vā, dhammakathaṃ vāssā karissāmi”ti. Sattāhaṃ sannivatto kātabbo.

Idha pana, bhikkhave, bhikkhuniyā diṭṭhigataṃ uppannaṃ hoti. Sā ce bhikkhūnaṃ santike dūtaṃ pahiṇeyya – “diṭṭhigataṃ me uppannaṃ, āgacchantu ayyā, icchāmi ayyānaṃ āgata”nti, gantabbaṃ, bhikkhave, sattāhakaṇṇiyena, appahitepi, pageva pahite – “diṭṭhigataṃ vivecessāmi vā, vivecāpessāmi vā, dhammakathaṃ vāssā karissāmi”ti. Sattāhaṃ sannivatto kātabbo.

Idha pana, bhikkhave, bhikkhunī garudhammaṃ ajjhāpannā hoti mānattārahā. Sā ce bhikkhūnaṃ santike dūtaṃ pahiṇeyya – “ahañhi garudhammaṃ ajjhāpannā mānattārahā, āgacchantu ayyā, icchāmi ayyānaṃ āgata”nti, gantabbaṃ, bhikkhave, sattāhakaṇṇiyena, appahitepi, pageva pahite – “mānattadānaṃ ussukkaṃ karissāmi”ti. Sattāhaṃ sannivatto kātabbo.

Idha pana, bhikkhave, bhikkhunī mūlāya paṭikassanārahā hoti. Sā ce bhikkhūnaṃ santike dūtaṃ paṇeṃya – “ahañhi mūlāya paṭikassanārahā, āgacchantu ayyā, icchāmi ayyānaṃ āgata”nti, gantabbaṃ, bhikkhave, sattāhakaṇṇeṃya, appahitepi, pageva pahite – “mūlāya paṭikassanaṃ ussukkaṃ karissāmi”ti. Sattāhaṃ sannivatto kātabbo.

Idha pana, bhikkhave, bhikkhunī abbhānārahā hoti. Sā ce bhikkhūnaṃ santike dūtaṃ paṇeṃya – “ahañhi abbhānārahā, āgacchantu ayyā, icchāmi ayyānaṃ āgata”nti, gantabbaṃ, bhikkhave, sattāhakaṇṇeṃya, appahitepi, pageva pahite – “abbhānaṃ ussukkaṃ karissāmi”ti. Sattāhaṃ sannivatto kātabbo.

Idha pana, bhikkhave, bhikkhuniyā saṅgho kammaṃ kattukāmo hoti – tajjanīyaṃ vā, niyassaṃ vā, pabbājanīyaṃ vā, paṭisāraṇīyaṃ vā, ukkhepanīyaṃ vā. Sā ce bhikkhūnaṃ santike dūtaṃ paṇeṃya – “saṅgho me kammaṃ kattukāmo, āgacchantu ayyā, icchāmi ayyānaṃ āgata”nti, gantabbaṃ, bhikkhave, sattāhakaṇṇeṃya, appahitepi, pageva pahite – “kinti nu kho saṅgho kammaṃ na kareyya, lahukāya vā pariṇāmeyyā”ti. Sattāhaṃ sannivatto kātabbo.

Kataṃ vā panassā hoti saṅghena kammaṃ – tajjanīyaṃ vā, niyassaṃ vā, pabbājanīyaṃ vā, paṭisāraṇīyaṃ vā, ukkhepanīyaṃ vā. Sā ce bhikkhūnaṃ santike dūtaṃ paṇeṃya – “saṅgho me kammaṃ akāsi, āgacchantu ayyā, icchāmi ayyānaṃ āgata”nti, gantabbaṃ, bhikkhave, sattāhakaṇṇeṃya, appahitepi, pageva pahite – “kinti nu kho sammā vatteyya, lomāṃ pāteyya, netthāraṃ vatteyya, saṅgho taṃ kammaṃ paṭippassambheyyā”ti. Sattāhaṃ sannivatto kātabbo.

195. Idha pana, bhikkhave, sikkhamānā gilānā hoti. Sā ce bhikkhūnaṃ santike dūtaṃ paṇeṃya – “ahañhi gilānā, āgacchantu ayyā, icchāmi ayyānaṃ āgata”nti – gantabbaṃ, bhikkhave, sattāhakaṇṇeṃya, appahitepi, pageva pahite – “gilānabhattaṃ vā pariyesissāmi, gilānupaṭṭhākabhattaṃ vā pariyesissāmi, gilānabhesajjaṃ vā pariyesissāmi, pucchissāmi vā, upaṭṭhahissāmi vā”ti. Sattāhaṃ sannivatto kātabbo.

Idha pana, bhikkhave, sikkhamānāya anabhirati uppannā hoti...pe... sikkhamānāya kukkucçaṃ uppannaṃ hoti... sikkhamānāya diṭṭhigataṃ uppannaṃ hoti... sikkhamānāya sikkhā kupitā hoti. Sā ce bhikkhūnaṃ santike dūtaṃ paṇeṃya – “sikkhā me kupitā, āgacchantu ayyā, icchāmi ayyānaṃ āgata”nti, gantabbaṃ, bhikkhave, sattāhakaṇṇeṃya, appahitepi, pageva pahite – “sikkhāsamādānaṃ ussukkaṃ karissāmi”ti. Sattāhaṃ sannivatto kātabbo.

Idha pana, bhikkhave, sikkhamānā upasampajjitukāmā hoti. Sā ce bhikkhūnaṃ santike dūtaṃ paṇeṃya – “ahañhi upasampajjitukāmā, āgacchantu ayyā, icchāmi ayyānaṃ āgata”nti gantabbaṃ, bhikkhave, sattāhakaṇṇeṃya, appahitepi, pageva pahite – upasampadaṃ ussukkaṃ karissāmi vā, anussāvessāmi vā, gaṇapūraḷo vā bhavissāmi. Sattāhaṃ sannivatto kātabbo.

196. Idha pana, bhikkhave, sāmaṇero gilāno hoti. So ce bhikkhūnaṃ santike dūtaṃ paṇeṃya – “ahañhi gilāno, āgacchantu bhikkhū, icchāmi bhikkhūnaṃ āgata”nti, gantabbaṃ, bhikkhave, sattāhakaṇṇeṃya, appahitepi, pageva pahite – “gilānabhattaṃ vā pariyesissāmi, gilānupaṭṭhākabhattaṃ vā pariyesissāmi, gilānabhesajjaṃ vā pariyesissāmi, pucchissāmi vā, upaṭṭhahissāmi vā”ti. Sattāhaṃ sannivatto kātabbo.

Idha pana, bhikkhave, sāmaṇerassa anabhirati uppannā hoti...pe... sāmaṇerassa kukkucçaṃ uppannaṃ hoti... sāmaṇerassa diṭṭhigataṃ uppannaṃ hoti... sāmaṇero vassaṃ pucchitukāmo hoti. So ce bhikkhūnaṃ santike dūtaṃ paṇeṃya – “ahañhi vassaṃ pucchitukāmo, āgacchantu bhikkhū, icchāmi bhikkhūnaṃ āgata”nti, gantabbaṃ, bhikkhave, sattāhakaṇṇeṃya, appahitepi, pageva pahite – “pucchissāmi vā, ācikkhissāmi vā”ti. Sattāhaṃ sannivatto kātabbo.

Idha pana, bhikkhave, sāmaṇero upasampajjitukāmo hoti. So ce bhikkhūnaṃ santike dūtaṃ paṇeeyya – “ahañhi upasampajjitukāmo, āgacchantu bhikkhū, icchāmi bhikkhūnaṃ āgata”nti, gantabbaṃ, bhikkhave, sattāhakaṇṇiyeṇa, appahitepi, pageva pahite – “upasampadaṃ usukkaṃ karissāmi vā, anussāveṣṣāmi vā, gaṇapūraṅko vā bhavissāmi”ti. Sattāhaṃ sannivatto kātabbo.

197. Idha pana, bhikkhave, sāmaṇerī gilānā hoti. Sā ce bhikkhūnaṃ santike dūtaṃ paṇeeyya – “ahañhi gilānā, āgacchantu ayyā, icchāmi ayyānaṃ āgata”nti, gantabbaṃ, bhikkhave, sattāhakaṇṇiyeṇa, appahitepi, pageva pahite – “gilānabhattaṃ vā pariyesissāmi, gilānupaṭṭhākabhattaṃ vā pariyesissāmi, gilānabhesajjaṃ vā pariyesissāmi, pucchissāmi vā, upaṭṭhahissāmi vā”ti. Sattāhaṃ sannivatto kātabbo.

Idha pana, bhikkhave, sāmaṇeriyā anabhirati uppannā hoti...pe... sāmaṇeriyā kukkucchaṃ uppannaṃ hoti... sāmaṇeriyā diṭṭhigataṃ uppannaṃ hoti... sāmaṇerī vassaṃ pucchitukāmā hoti. Sā ce bhikkhūnaṃ santike dūtaṃ paṇeeyya – “ahañhi vassaṃ pucchitukāmā, āgacchantu ayyā, icchāmi ayyānaṃ āgata”nti, gantabbaṃ, bhikkhave, sattāhakaṇṇiyeṇa, appahitepi, pageva pahite – “pucchissāmi vā, ācikkhissāmi vā”ti. Sattāhaṃ sannivatto kātabbo.

Idha pana, bhikkhave, sāmaṇerī sikkhaṃ samādiyitukāmā hoti. Sā ce bhikkhūnaṃ santike dūtaṃ paṇeeyya – “ahañhi sikkhaṃ samādiyitukāmā, āgacchantu ayyā, icchāmi ayyānaṃ āgata”nti, gantabbaṃ, bhikkhave, sattāhakaṇṇiyeṇa, appahitepi, pageva pahite – “sikkhāsamādānaṃ usukkaṃ karissāmi”ti. Sattāhaṃ sannivatto kātabboti.

Pañcannaṃ appahitepi anujānaṇā niṭṭhitā.

111. Sattannaṃ appahitepi anujānaṇā

198. Tena kho pana samayena aññatarassa bhikkhuno mātā gilānā hoti. Sā puttassa santike dūtaṃ pāhesi – “ahañhi gilānā, āgacchatu me putto, icchāmi puttassa āgata”nti. Atha kho tassa bhikkhuno etadahosi – “bhagavatā paññattaṃ sattannaṃ sattāhakaṇṇiyeṇa pahite gantuṃ, na tveva appahite; pañcannaṃ sattāhakaṇṇiyeṇa appahitepi gantuṃ, pageva pahite. Ayañca me mātā gilānā, sā ca anupāsikā, kathaṃ nu kho mayā paṭipajjitabba”nti? Bhagavato etamattaṃ ārocesuṃ. Anujānāmi, bhikkhave, sattannaṃ sattāhakaṇṇiyeṇa appahitepi gantuṃ, pageva pahite. Bhikkhussa, bhikkhuniyā, sikkhamānāyā, sāmaṇerassa, sāmaṇeriyā, mātuyā ca pitussa ca – anujānāmi, bhikkhave, imesaṃ sattannaṃ sattāhakaṇṇiyeṇa appahitepi gantuṃ, pageva pahite. Sattāhaṃ sannivatto kātabbo.

Idha pana, bhikkhave, bhikkhussa mātā gilānā hoti. Sā ce puttassa santike dūtaṃ paṇeeyya – “ahañhi gilānā, āgacchatu me putto, icchāmi puttassa āgata”nti, gantabbaṃ, bhikkhave, sattāhakaṇṇiyeṇa, appahitepi, pageva pahite – “gilānabhattaṃ vā pariyesissāmi, gilānupaṭṭhākabhattaṃ vā pariyesissāmi, gilānabhesajjaṃ vā pariyesissāmi, pucchissāmi vā, upaṭṭhahissāmi vā”ti. Sattāhaṃ sannivatto kātabbo.

Idha pana, bhikkhave, bhikkhussa pitā gilāno hoti. So ce puttassa santike dūtaṃ paṇeeyya – “ahañhi gilāno, āgacchatu me putto, icchāmi puttassa āgata”nti, gantabbaṃ, bhikkhave, sattāhakaṇṇiyeṇa, appahitepi, pageva pahite – “gilānabhattaṃ vā pariyesissāmi, gilānupaṭṭhākabhattaṃ vā pariyesissāmi, gilānabhesajjaṃ vā pariyesissāmi, pucchissāmi vā, upaṭṭhahissāmi vā”ti. Sattāhaṃ sannivatto kātabbo.

Sattannaṃ appahitepi anujānaṇā niṭṭhitā.

112. Pahiteyeva anujānaṇā

199 . Idha pana, bhikkhave, bhikkhussa bhātā gilāno hoti. So ce bhātuno santike dūtaṃ paṇeṇya – “ahañhi gilāno, āgacchatu me bhātā, icchāmi bhātuno āgata”’nti, gantabbaṃ, bhikkhave, sattāhakaṇṇiyena, pahite, na tveva appahite. Sattāhaṃ sannivatto kātabbo.

Idha pana, bhikkhave, bhikkhussa bhaginī gilānā hoti. Sā ce bhātuno santike dūtaṃ paṇeṇya – “ahañhi gilānā, āgacchatu me bhātā, icchāmi bhātuno āgata”’nti, gantabbaṃ, bhikkhave, sattāhakaṇṇiyena, pahite, na tveva appahite. Sattāhaṃ sannivatto kātabbo.

Idha pana, bhikkhave, bhikkhussa ñātako gilāno hoti. So ce bhikkhussa santike dūtaṃ paṇeṇya – “ahañhi gilāno, āgacchatu bhadanto, icchāmi bhadantassa āgata”’nti, gantabbaṃ, bhikkhave, sattāhakaṇṇiyena, pahite, na tveva appahite. Sattāhaṃ sannivatto kātabbo.

Idha pana, bhikkhave, bhikkhugatiko gilāno hoti. So ce bhikkhūnaṃ santike dūtaṃ paṇeṇya – “ahañhi gilāno, āgacchantu bhadantā, icchāmi bhadantānaṃ āgata”’nti, gantabbaṃ, bhikkhave, sattāhakaṇṇiyena, pahite, na tveva appahite. Sattāhaṃ sannivatto kātabbo.

Tena kho pana samayena saṅghassa vihāro undriyati. Aññatarena upāsakena araññe bhaṇḍaṃ chedāpitaṃ hoti. So bhikkhūnaṃ santike dūtaṃ pāhesi – “sace bhadantā taṃ bhaṇḍaṃ āvahāpeyyuṃ, dajjāhaṃ taṃ bhaṇḍa”’nti. Bhagavato etamatthaṃ ārocesuṃ. Anujānāmi, bhikkhave, saṅghakaṇṇiyena gantuṃ. Sattāhaṃ sannivatto kātabboti.

Pahiteyeva anujānanā niṭṭhitā.

Vassāvāsabhāṇavāro niṭṭhito.

113. Antarāye anāpattivassacchedavāro

200. Tena kho pana samayena kosalesu janapade aññatarasmim āvāse vassūpagatā bhikkhū vāḷehi ubbāḷhā honti. Gaṇhiṃsupi paripātimsupi. Bhagavato etamatthaṃ ārocesuṃ.

Idha pana, bhikkhave, vassūpagatā bhikkhū vāḷehi ubbāḷhā honti. Gaṇhantipi paripātentipi. Eseva antarāyoti pakkamitabbaṃ. Anāpatti vassacchedassa.

Idha pana, bhikkhave, vassūpagatā bhikkhū sarīsapehi ubbāḷhā honti. Ḍaṃsantipi paripātentipi. Eseva antarāyoti pakkamitabbaṃ. Anāpatti vassacchedassa.

Idha pana, bhikkhave, vassūpagatā bhikkhū corehi ubbāḷhā honti. Vilumpantipi ākoṭentipi. Eseva antarāyoti pakkamitabbaṃ. Anāpatti vassacchedassa.

Idha pana, bhikkhave, vassūpagatā bhikkhū pisācehi ubbāḷhā honti. Āvisantipi hanantipi [ojampi haranti (sī.), harantipi (syā.)]. Eseva antarāyoti pakkamitabbaṃ. Anāpatti vassacchedassa.

Idha pana, bhikkhave, vassūpagatānaṃ bhikkhūnaṃ gāmo agginā daḍḍho hoti. Bhikkhū piṇḍakena kilamanti. Eseva antarāyoti pakkamitabbaṃ. Anāpatti vassacchedassa.

Idha pana, bhikkhave, vassūpagatānaṃ bhikkhūnaṃ senāsanānaṃ agginā daḍḍhaṃ hoti. Bhikkhū senāsanena kilamanti. Eseva antarāyoti pakkamitabbaṃ. Anāpatti vassacchedassa.

Idha pana, bhikkhave, vassūpagatānaṃ bhikkhūnaṃ gāmo udakena vūḷho hoti. Bhikkhū piṇḍakena kilamanti. Eseva antarāyoti pakkamitabbaṃ. Anāpatti vassacchedassa.

Idha pana, bhikkhave, vassūpagatānaṃ bhikkhūnaṃ senāsanānaṃ udakena vūlhaṃ hoti. Bhikkhū senāsanena kilamanti. Eseva antarāyoti pakkamitabbaṃ. Anāpatti vassacchedassāti.

201. Tena kho pana samayena aññatarasmiṃ āvāse vassūpagatānaṃ bhikkhūnaṃ gāmo corehi vuṭṭhāsi. Bhagavato etamatthaṃ ārocesuṃ. Anujānāmi, bhikkhave, yena gāmo tena gantunti.

Gāmo dvedhā bhijjitha. Bhagavato etamatthaṃ ārocesuṃ. Anujānāmi, bhikkhave, yena bahutarā tena gantunti.

Bahutarā assaddhā honti appasannā. Bhagavato etamatthaṃ ārocesuṃ. Anujānāmi, bhikkhave, yena saddhā pasannā tena gantunti.

Tena kho pana samayena kosalesu janapade aññatarasmiṃ āvāse vassūpagatā bhikkhū na labhiṃsu lūkhassa vā paṇītassa vā bhojanassa yāvadatthaṃ pāripūriṃ. Bhagavato etamatthaṃ ārocesuṃ.

Idha pana, bhikkhave, vassūpagatā bhikkhū na labhanti lūkhassa vā paṇītassa vā bhojanassa yāvadatthaṃ pāripūriṃ. Eseva antarāyoti pakkamitabbaṃ. Anāpatti vassacchedassa.

Idha pana, bhikkhave, vassūpagatā bhikkhū labhanti lūkhassa vā paṇītassa vā bhojanassa yāvadatthaṃ pāripūriṃ, na labhanti sappāyāni bhojanāni. Eseva antarāyoti pakkamitabbaṃ. Anāpatti vassacchedassa.

Idha pana, bhikkhave, vassūpagatā bhikkhū labhanti lūkhassa vā paṇītassa vā bhojanassa yāvadatthaṃ pāripūriṃ, labhanti sappāyāni bhojanāni, na labhanti sappāyāni bhesajjāni. Eseva antarāyoti pakkamitabbaṃ. Anāpatti vassacchedassa.

Idha pana, bhikkhave, vassūpagatā bhikkhū labhanti lūkhassa vā paṇītassa vā bhojanassa yāvadatthaṃ pāripūriṃ, labhanti sappāyāni bhojanāni, labhanti sappāyāni bhesajjāni, na labhanti patirūpaṃ upaṭṭhākaṃ. Eseva antarāyoti pakkamitabbaṃ. Anāpatti vassacchedassa.

Idha pana, bhikkhave, vassūpagataṃ bhikkhuṃ itthī nimanteti – “ehi, bhante, hiraññaṃ vā te demi, suvaṇṇaṃ vā te demi, khettaṃ vā te demi, vatthuṃ vā te demi, gāvuṃ vā te demi, gāviṃ vā te demi, dāsaṃ vā te demi, dāsiṃ vā te demi, dhītaraṃ vā te demi bhariyatthāya, ahaṃ vā te bhariyā homi, aññaṃ vā te bhariyaṃ ānemī”ti. Tatra ce bhikkhuno evaṃ hoti, ‘lahuparivattaṃ kho cittaṃ vuttaṃ bhagavatā, siyāpi me brahmacariyassa antarāyo’ti, pakkamitabbaṃ. Anāpatti vassacchedassa.

Idha pana, bhikkhave, vassūpagataṃ bhikkhuṃ vesī nimanteti...pe... thullakumārī nimanteti... paṇḍako nimanteti... ñātakā nimantenti... rājāno nimantenti... corā nimantenti... dhuttā nimantenti – “ehi, bhante, hiraññaṃ vā te dema, suvaṇṇaṃ vā te dema, khettaṃ vā te dema, vatthuṃ vā te dema, gāvuṃ vā te dema, gāviṃ vā te dema, dāsaṃ vā te dema, dāsiṃ vā te dema, dhītaraṃ vā te dema bhariyatthāya, aññaṃ vā te bhariyaṃ ānemā”ti. Tatra ce bhikkhuno evaṃ hoti, ‘lahuparivattaṃ kho cittaṃ vuttaṃ bhagavatā, siyāpi me brahmacariyassa antarāyo’ti, pakkamitabbaṃ. Anāpatti vassacchedassa.

Idha pana, bhikkhave, vassūpagato bhikkhu assāmikaṃ nidhiṃ passati. Tatra ce bhikkhuno evaṃ hoti, ‘lahuparivattaṃ kho cittaṃ vuttaṃ bhagavatā, siyāpi me brahmacariyassa antarāyo’ti, pakkamitabbaṃ. Anāpatti vassacchedassa.

Antarāye anāpattivassacchedavāro niṭṭhito.

114. Saṅghabhedo anāpattivassacchedavāro

202. Idha pana, bhikkhave, vassūpagato bhikkhu passati sambahule bhikkhū saṅghabhedāya parakkamante. Tatra ce bhikkhuno evaṃ hoti, ‘garuko kho saṅghabhedo vutto bhagavatā; mā mayi sammukhībhūte saṅgho bhijjī’ti, pakkamitabbaṃ. Anāpatti vassacchedassa.

Idha pana, bhikkhave, vassūpagato bhikkhu suṇāti – “asukasmiṃ kira āvāse sambahulā bhikkhū saṅghabhedāya parakkamanti”ti. Tatra ce bhikkhuno evaṃ hoti, ‘garuko kho saṅghabhedo vutto bhagavatā; mā mayi sammukhībhūte saṅgho bhijjī’ti, pakkamitabbaṃ. Anāpatti vassacchedassa.

Idha pana, bhikkhave, vassūpagato bhikkhu suṇāti – “asukasmiṃ kira āvāse sambahulā bhikkhū saṅghabhedāya parakkamanti”ti. Tatra ce bhikkhuno evaṃ hoti – “te kho me bhikkhū mittā. Tyāhaṃ vakkhāmi ‘garuko kho, āvuso, saṅghabhedo vutto bhagavatā; māyasmantānaṃ saṅghabhedo ruccitthā’ti. Karissanti me vacanaṃ, sussūsissanti, sotaṃ odahissantī’ti, pakkamitabbaṃ. Anāpatti vassacchedassa.

Idha pana, bhikkhave, vassūpagato bhikkhu suṇāti – “asukasmiṃ kira āvāse sambahulā bhikkhū saṅghabhedāya parakkamanti”ti. Tatra ce bhikkhuno evaṃ hoti – “te kho me bhikkhū na mittā; api ca ye tesam mittā, te me mittā. Tyāhaṃ vakkhāmi. Te vuttā te vakkhanti ‘garuko kho, āvuso, saṅghabhedo vutto bhagavatā; māyasmantānaṃ saṅghabhedo ruccitthā’ti. Karissanti tesam vacanaṃ, sussūsissanti, sotaṃ odahissantī’ti, pakkamitabbaṃ. Anāpatti vassacchedassa.

Idha pana, bhikkhave, vassūpagato bhikkhu suṇāti – “asukasmiṃ kira āvāse sambahulehi bhikkhūhi saṅgho bhinno”ti. Tatra ce bhikkhuno evaṃ hoti – “te kho me bhikkhū mittā. Tyāhaṃ vakkhāmi ‘garuko kho, āvuso, saṅghabhedo vutto bhagavatā; māyasmantānaṃ saṅghabhedo ruccitthā’ti. Karissanti me vacanaṃ, sussūsissanti, sotaṃ odahissantī’ti, pakkamitabbaṃ. Anāpatti vassacchedassa.

Idha pana, bhikkhave, vassūpagato bhikkhu suṇāti – “asukasmiṃ kira āvāse sambahulehi bhikkhūhi saṅgho bhinno”ti. Tatra ce bhikkhuno evaṃ hoti – “te kho me bhikkhū na mittā; api ca, ye tesam mittā te me mittā. Tyāhaṃ vakkhāmi. Te vuttā te vakkhanti ‘garuko kho, āvuso, saṅghabhedo vutto bhagavatā; māyasmantānaṃ saṅghabhedo ruccitthā’ti. Karissanti tesam vacanaṃ, sussūsissanti, sotaṃ odahissantī’ti, pakkamitabbaṃ. Anāpatti vassacchedassa.

Idha pana, bhikkhave, vassūpagato bhikkhu suṇāti – “amukasmiṃ kira āvāse sambahulā bhikkhuniyo saṅghabhedāya parakkamanti”ti. Tatra ce bhikkhuno evaṃ hoti – “tā kho me bhikkhuniyo mittā. Tāhaṃ vakkhāmi ‘garuko kho, bhaginiyo, saṅghabhedo vutto bhagavatā; mā bhaginīnaṃ saṅghabhedo ruccitthā’ti. Karissanti me vacanaṃ, sussūsissanti, sotaṃ odahissantī’ti, pakkamitabbaṃ. Anāpatti vassacchedassa.

Idha pana, bhikkhave, vassūpagato bhikkhu suṇāti – “amukasmiṃ kira āvāse sambahulā bhikkhuniyo saṅghabhedāya parakkamanti”ti. Tatra ce bhikkhuno evaṃ hoti – “tā kho me bhikkhuniyo na mittā. Api ca, yā tāsam mittā, tā me mittā. Tāhaṃ vakkhāmi. Tā vuttā tā vakkhanti ‘garuko kho, bhaginiyo, saṅghabhedo vutto bhagavatā. Mā bhaginīnaṃ saṅghabhedo ruccitthā’ti. Karissanti tāsam vacanaṃ, sussūsissanti, sotaṃ odahissantī’ti, pakkamitabbaṃ. Anāpatti vassacchedassati.

Idha pana, bhikkhave, vassūpagato bhikkhu suṇāti – “amukasmiṃ kira āvāse sambahulāhi bhikkhunīhi saṅgho bhinno”ti. Tatra ce bhikkhuno evaṃ hoti – “tā kho me bhikkhuniyo mittā. Tāhaṃ vakkhāmi ‘garuko kho, bhaginiyo, saṅghabhedo vutto bhagavatā. Mā bhaginīnaṃ saṅghabhedo ruccitthā’ti. Karissanti me vacanaṃ, sussūsissanti, sotaṃ odahissantī’ti, pakkamitabbaṃ. Anāpatti vassacchedassati.

Idha pana, bhikkhave, vassūpagato bhikkhu suṇāti – “amukasmiṃ kira āvāse sambahulāhi bhikkhunīhi saṅgho bhinno”ti. Tatra ce bhikkhuno evaṃ hoti – “tā kho me bhikkhuniyo na mittā. Api ca, yā tāsam mittā tā me mittā. Tāhaṃ vakkhāmi. Tā vuttā tā vakkhanti ‘garuko kho, bhaginiyo [\[ayyāyo\]](#)

(sī.), saṅghabhedo vutto bhagavatā; mā bhaginīnaṃ [ayyānaṃ (sī.)] saṅghabhedo ruccitthā'ti. Karissanti tāsāṃ vacanaṃ, sussūsissanti, sotāṃ odahissanti'ti, pakkamitabbaṃ. Anāpatti vassachedassāti.

Saṅghabhede anāpattivassachedavāro niṭṭhito.

115. Vajādīsu vassūpagamaṇaṃ

203. Tena kho pana samayena aññataro bhikkhu vaje vassaṃ upagantukāmo hoti. Bhagavato etamatthaṃ ārocesuṃ. Anujānāmi, bhikkhave, vaje vassaṃ upagantunti. Vajo vuṭṭhāsi. Bhagavato etamatthaṃ ārocesuṃ. Anujānāmi, bhikkhave, yena vajo tena gantunti.

Tena kho pana samayena aññataro bhikkhu upakaṭṭhāya vassūpanāyikāya satthena gantukāmo hoti. Bhagavato etamatthaṃ ārocesuṃ. Anujānāmi, bhikkhave, satthe vassaṃ upagantunti.

Tena kho pana samayena aññataro bhikkhu upakaṭṭhāya vassūpanāyikāya nāvāya gantukāmo hoti. Bhagavato etamatthaṃ ārocesuṃ. Anujānāmi, bhikkhave, nāvāya vassaṃ upagantunti.

Vajādīsu vassūpagamaṇaṃ niṭṭhitaṃ.

116. Vassaṃ anupagantabbaṭṭhānāni

204. Tena kho pana samayena bhikkhū rukkhasusire vassaṃ upagacchanti. Manussā ujjhāyanti khiyyanti vipācenti – “seyyathāpi pisācillikā”ti. Bhagavato etamatthaṃ ārocesuṃ. Na, bhikkhave, rukkhasusire vassaṃ upagantabbaṃ. Yo upagaccheyya, āpatti dukkaṭassāti.

Tena kho pana samayena bhikkhū rukkhaveṭṭhāya vassaṃ upagacchanti. Manussā ujjhāyanti khiyyanti vipācenti – “seyyathāpi migaluddakā”ti. Bhagavato etamatthaṃ ārocesuṃ. Na, bhikkhave, rukkhaveṭṭhāya vassaṃ upagantabbaṃ. Yo upagaccheyya, āpatti dukkaṭassāti.

Tena kho pana samayena bhikkhū ajjhokāse vassaṃ upagacchanti. Deve vassante rukkhamūlampi nibbakosampi upadhāvanti. Bhagavato etamatthaṃ ārocesuṃ. Na, bhikkhave, ajjhokāse vassaṃ upagantabbaṃ. Yo upagaccheyya, āpatti dukkaṭassāti.

Tena kho pana samayena bhikkhū asenāsanikā vassaṃ upagacchanti. Sītenapi kilamanti, uṇhenapi kilamanti. Bhagavato etamatthaṃ ārocesuṃ. Na, bhikkhave, asenāsanikena vassaṃ upagantabbaṃ. Yo upagaccheyya, āpatti dukkaṭassāti.

Tena kho pana samayena bhikkhū chavakuṭikāya vassaṃ upagacchanti. Manussā ujjhāyanti khiyyanti vipācenti – “seyyathāpi chavaḍāhakā”ti. Bhagavato etamatthaṃ ārocesuṃ. Na, bhikkhave, chavakuṭikāya vassaṃ upagantabbaṃ. Yo upagaccheyya, āpatti dukkaṭassāti.

Tena kho pana samayena bhikkhū chatte vassaṃ upagacchanti. Manussā ujjhāyanti khiyyanti vipācenti – “seyyathāpi gopālakā”ti. Bhagavato etamatthaṃ ārocesuṃ. Na, bhikkhave, chatte vassaṃ upagantabbaṃ. Yo upagaccheyya, āpatti dukkaṭassāti.

Tena kho pana samayena bhikkhū cāṭiyā vassaṃ upagacchanti. Manussā ujjhāyanti khiyyanti vipācenti – “seyyathāpi titthiyā”ti. Bhagavato etamatthaṃ ārocesuṃ. Na, bhikkhave, cāṭiyā vassaṃ upagantabbaṃ. Yo upagaccheyya, āpatti dukkaṭassāti.

Vassaṃ anupagantabbatthānāni niṭṭhitā.

117. Adhammikakatikā

205. Tena kho pana samayena sāvattthiyā saṅghena evarūpā katikā katā hoti – antarāvassaṃ na pabbājetabbanti. Visākhāya migāramātuyā nattā bhikkhū upasaṅkamitvā pabbajjaṃ yāci. Bhikkhū evamāhaṃsu – “saṅghena kho, āvuso, evarūpā katikā katā ‘antarāvassaṃ na pabbājetabba’nti. Āgamehi, āvuso, yāva bhikkhū vassaṃ vasanti. Vassaṃvuṭṭhā pabbājessanti”ti. Atha kho te bhikkhū vassaṃvuṭṭhā visākhāya migāramātuyā nattāraṃ etadavocaṃ – “ehi, dāni, āvuso, pabbajāhi”ti. So evamāha – “sacāhaṃ, bhante, pabbajito assaṃ, abhirameyyāmaṃ [abhirameyyaṃ cāhaṃ (sī.)]. Na dānāhaṃ, bhante, pabbajissāmi”ti. Visākhā migāramātā ujjhāyati khiyyati vipāceti – “kathaṅhi nāma ayyā evarūpaṃ katikaṃ karissanti ‘na antarāvassaṃ pabbājetabba’nti. Kaṃ kālaṃ dhammo na caritabbo”ti? Assosaṃ kho bhikkhū visākhāya migāramātuyā ujjhāyantiyā khiyyantiyā vipācentiyā. Atha kho te bhikkhū bhagavato etamatthaṃ ārocesuṃ. Na, bhikkhave, evarūpā katikā kātābbā – ‘na antarāvassaṃ pabbājetabba’nti. Yo kareyya, āpatti dukkaṭassāti.

Adhammikakatikā niṭṭhitā.

118. Paṭissavadukkaṭāpatti

206. Tena kho pana samayena āyasmatā upanandena sakyaputtena rañño pasenadissa kosalassa vassāvāso paṭissuto hoti purimikāya. So taṃ āvāsaṃ gacchanto addasa antarāmagge dve āvāse bahucīvarake. Tassa etadahosi – “yaṃnūnāhaṃ imesu dvīsu āvāsesu vassaṃ vaseyyaṃ. Evaṃ me bahuṃ cīvaraṃ [bahucīvaraṃ (ka.)] uppajjissati”ti. So tesu dvīsu āvāsesu vassaṃ vasi. Rājā pasenadi kosalo ujjhāyati khiyyati vipāceti – “kathaṅhi nāma ayyo upanando sakyaputto amhākaṃ vassāvāsaṃ paṭissuṇitvā visaṃvādessati. Nanu bhagavatā anekapariyāyena musāvādo garahito, musāvādā veramaṇī pasatthā”ti. Assosaṃ kho bhikkhū rañño pasenadissa kosalassa ujjhāyantassa khiyyantassa vipācentassa. Ye te bhikkhū appicchā...pe... te ujjhāyanti khiyyanti vipācenti – “kathaṅhi nāma āyasmā upanando sakyaputto rañño pasenadissa kosalassa vassāvāsaṃ paṭissuṇitvā visaṃvādessati. Nanu bhagavatā anekapariyāyena musāvādo garahito, musāvādā veramaṇī pasatthā”ti. Atha kho te bhikkhū bhagavato etamatthaṃ ārocesuṃ...pe... atha kho bhagavā etasmimṃ nidāne etasmimṃ pakaraṇe bhikkhusaṅghaṃ sannipātāpetvā āyasmantaṃ upanandaṃ sakyaputtaṃ paṭipucchi – “saccaṃ kira tvam, upananda, rañño pasenadissa kosalassa vassāvāsaṃ paṭissuṇitvā visaṃvādesi”ti? “Saccaṃ, bhagavā”ti. Vigarahi buddho bhagavā...pe... kathaṅhi nāma tvam, moghapurisa, rañño pasenadissa kosalassa vassāvāsaṃ paṭissuṇitvā visaṃvādessasi. Nanu mayā, moghapurisa, anekapariyāyena musāvādo garahito, musāvādā veramaṇī pasatthā. Netam, moghapurisa, appasannānaṃ vā pasādāya...pe... vigarahitvā...pe... dhammiṃ kathaṃ katvā bhikkhū āmantesi –

207. Idha pana, bhikkhave, bhikkhunā vassāvāso paṭissuto hoti purimikāya. So taṃ āvāsaṃ gacchanto passati antarāmagge dve āvāse bahucīvarake. Tassa evaṃ hoti – “yaṃnūnāhaṃ imesu dvīsu āvāsesu vassaṃ vaseyyaṃ. Evaṃ me bahuṃ cīvaraṃ uppajjissati”ti. So tesu dvīsu āvāsesu vassaṃ vasati. Tassa, bhikkhave, bhikkhuno purimikā ca na paññāyati, paṭissave ca āpatti dukkaṭassa.

Idha pana, bhikkhave, bhikkhunā vassāvāso paṭissuto hoti purimikāya. So taṃ āvāsaṃ gacchanto bahiddhā uposathaṃ karoti, pāṭipade [pāṭipadena (ka.)] vihāraṃ upeti, senāsanaṃ paññāpeti, pāṇiyam paribhojanīyam upaṭṭhāpeti, pariveṇaṃ sammajjati. So tadaheva akaraṇīyo pakkamati. Tassa, bhikkhave, bhikkhuno purimikā ca na paññāyati, paṭissave ca āpatti dukkaṭassa.

Idha pana, bhikkhave, bhikkhunā vassāvāso paṭissuto hoti purimikāya. So taṃ āvāsaṃ gacchanto bahiddhā uposathaṃ karoti, pāṭipade vihāraṃ upeti, senāsanaṃ paññāpeti, pāṇiyam paribhojanīyam upaṭṭhāpeti, pariveṇaṃ sammajjati. So tadaheva sakaraṇīyo pakkamati. Tassa, bhikkhave, bhikkhuno

purimikā ca na paññāyati, paṭissave ca āpatti dukkaṭassa.

Idha pana, bhikkhave, bhikkhunā vassāvāso paṭissuto hoti purimikāya. So taṃ āvāsaṃ gacchanto bahiddhā uposathaṃ karoti, pāṭipade vihāraṃ upeti, senāsaṇaṃ paññāpeti, pānīyaṃ paribhojanīyaṃ upaṭṭhāpeti, pariveṇaṃ sammajjati. So dvīhatīhaṃ vasitvā akaraṇīyo pakkamati. Tassa, bhikkhave, bhikkhuno purimikā ca na paññāyati, paṭissave ca āpatti dukkaṭassa.

Idha pana, bhikkhave, bhikkhunā vassāvāso paṭissuto hoti purimikāya. So taṃ āvāsaṃ gacchanto bahiddhā uposathaṃ karoti, pāṭipade vihāraṃ upeti, senāsaṇaṃ paññāpeti, pānīyaṃ paribhojanīyaṃ upaṭṭhāpeti, pariveṇaṃ sammajjati. So dvīhatīhaṃ vasitvā sakaraṇīyo pakkamati. Tassa, bhikkhave, bhikkhuno purimikā ca na paññāyati, paṭissave ca āpatti dukkaṭassa.

Idha pana, bhikkhave, bhikkhunā vassāvāso paṭissuto hoti purimikāya. So taṃ āvāsaṃ gacchanto bahiddhā uposathaṃ karoti, pāṭipade vihāraṃ upeti, senāsaṇaṃ paññāpeti, pānīyaṃ paribhojanīyaṃ upaṭṭhāpeti, pariveṇaṃ sammajjati. So dvīhatīhaṃ vasitvā sattāhakarāṇīyena pakkamati. So taṃ sattāhaṃ bahiddhā vītināmeti. Tassa, bhikkhave, bhikkhuno purimikā ca na paññāyati, paṭissave ca āpatti dukkaṭassa.

Idha pana, bhikkhave, bhikkhunā vassāvāso paṭissuto hoti purimikāya. So taṃ āvāsaṃ gacchanto bahiddhā uposathaṃ karoti, pāṭipade vihāraṃ upeti, senāsaṇaṃ paññāpeti, pānīyaṃ paribhojanīyaṃ upaṭṭhāpeti, pariveṇaṃ sammajjati. So dvīhatīhaṃ vasitvā sattāhakarāṇīyena pakkamati. So taṃ sattāhaṃ anto sannivattaṃ karoti. Tassa, bhikkhave, bhikkhuno purimikā ca paññāyati, paṭissave ca anāpatti.

Idha pana, bhikkhave, bhikkhunā vassāvāso paṭissuto hoti purimikāya. So taṃ āvāsaṃ gacchanto bahiddhā uposathaṃ karoti, pāṭipade vihāraṃ upeti, senāsaṇaṃ paññāpeti, pānīyaṃ paribhojanīyaṃ upaṭṭhāpeti, pariveṇaṃ sammajjati. So sattāhaṃ anāgatāya pavāraṇāya sakaraṇīyo pakkamati. Āgaccheyya vā so, bhikkhave, bhikkhu taṃ āvāsaṃ na vā āgaccheyya, tassa, bhikkhave, bhikkhuno purimikā ca paññāyati, paṭissave ca anāpatti.

Idha pana, bhikkhave, bhikkhunā vassāvāso paṭissuto hoti purimikāya. So taṃ āvāsaṃ gantvā uposathaṃ karoti, pāṭipade vihāraṃ upeti, senāsaṇaṃ paññāpeti, pānīyaṃ paribhojanīyaṃ upaṭṭhāpeti, pariveṇaṃ sammajjati. So tadaheva akaraṇīyo pakkamati. Tassa, bhikkhave, bhikkhuno purimikā ca na paññāyati, paṭissave ca āpatti dukkaṭassa.

Idha pana, bhikkhave, bhikkhunā vassāvāso paṭissuto hoti purimikāya. So taṃ āvāsaṃ gantvā uposathaṃ karoti, pāṭipade vihāraṃ upeti, senāsaṇaṃ paññāpeti, pānīyaṃ paribhojanīyaṃ upaṭṭhāpeti, pariveṇaṃ sammajjati. So tadaheva sakaraṇīyo pakkamati...pe... so dvīhatīhaṃ vasitvā akaraṇīyo pakkamati...pe... so dvīhatīhaṃ vasitvā sakaraṇīyo pakkamati...pe... so dvīhatīhaṃ vasitvā sattāhakarāṇīyena pakkamati. So taṃ sattāhaṃ bahiddhā vītināmeti. Tassa, bhikkhave, bhikkhuno purimikā ca na paññāyati, paṭissave ca āpatti dukkaṭassa...pe... so dvīhatīhaṃ vasitvā sattāhakarāṇīyena pakkamati. So taṃ sattāhaṃ anto sannivattaṃ karoti. Tassa, bhikkhave, bhikkhuno purimikā ca paññāyati, paṭissave ca anāpatti...pe... so sattāhaṃ anāgatāya pavāraṇāya sakaraṇīyo pakkamati. Āgaccheyya vā so, bhikkhave, bhikkhu taṃ āvāsaṃ na vā āgaccheyya, tassa, bhikkhave, bhikkhuno purimikā ca paññāyati, paṭissave ca anāpatti.

208. Idha pana, bhikkhave, bhikkhunā vassāvāso paṭissuto hoti pacchimikāya. So taṃ āvāsaṃ gacchanto bahiddhā uposathaṃ karoti, pāṭipade vihāraṃ upeti, senāsaṇaṃ paññāpeti, pānīyaṃ paribhojanīyaṃ upaṭṭhāpeti, pariveṇaṃ sammajjati. So tadaheva akaraṇīyo pakkamati. Tassa, bhikkhave, bhikkhuno pacchimikā ca na paññāyati, paṭissave ca āpatti dukkaṭassa.

Idha pana, bhikkhave, bhikkhunā vassāvāso paṭissuto hoti pacchimikāya. So taṃ āvāsaṃ gacchanto bahiddhā uposathaṃ karoti, pāṭipade vihāraṃ upeti, senāsanam paññapeti, pānīyaṃ paribhojanīyaṃ upaṭṭhāpeti, pariveṇaṃ sammajjati. So tadaheva sakaraṇīyo pakkamati. Tassa, bhikkhave, bhikkhuno pacchimikā ca na paññāyati, paṭissave ca āpatti dukkaṭassa.

Idha pana, bhikkhave, bhikkhunā vassāvāso paṭissuto hoti pacchimikāya. So taṃ āvāsaṃ gacchanto bahiddhā uposathaṃ karoti, pāṭipade vihāraṃ upeti, senāsanam paññapeti, pānīyaṃ paribhojanīyaṃ upaṭṭhāpeti, pariveṇaṃ sammajjati. So dvīhatīhaṃ vasitvā akaraṇīyo pakkamati. Tassa, bhikkhave, bhikkhuno pacchimikā ca na paññāyati, paṭissave ca āpatti dukkaṭassa.

Idha pana, bhikkhave, bhikkhunā vassāvāso paṭissuto hoti pacchimikāya. So taṃ āvāsaṃ gacchanto bahiddhā uposathaṃ karoti, pāṭipade vihāraṃ upeti, senāsanam paññapeti, pānīyaṃ paribhojanīyaṃ upaṭṭhāpeti, pariveṇaṃ sammajjati. So dvīhatīhaṃ vasitvā sakaraṇīyo pakkamati. Tassa, bhikkhave, bhikkhuno pacchimikā ca na paññāyati, paṭissave ca āpatti dukkaṭassa.

Idha pana, bhikkhave, bhikkhunā vassāvāso paṭissuto hoti pacchimikāya. So taṃ āvāsaṃ gacchanto bahiddhā uposathaṃ karoti, pāṭipade vihāraṃ upeti, senāsanam paññapeti, pānīyaṃ paribhojanīyaṃ upaṭṭhāpeti, pariveṇaṃ sammajjati. So dvīhatīhaṃ vasitvā sattāhakarāṇīyena pakkamati. So taṃ sattāhaṃ bahiddhā vītināmeti. Tassa, bhikkhave, bhikkhuno pacchimikā ca na paññāyati, paṭissave ca āpatti dukkaṭassa.

Idha pana, bhikkhave, bhikkhunā vassāvāso paṭissuto hoti pacchimikāya. So taṃ āvāsaṃ gacchanto bahiddhā uposathaṃ karoti, pāṭipade vihāraṃ upeti, senāsanam paññapeti, pānīyaṃ paribhojanīyaṃ upaṭṭhāpeti, pariveṇaṃ sammajjati. So dvīhatīhaṃ vasitvā sattāhakarāṇīyena pakkamati. So taṃ sattāhaṃ anto sannivattaṃ karoti. Tassa, bhikkhave, bhikkhuno pacchimikā ca paññāyati, paṭissave ca anāpatti.

Idha pana, bhikkhave, bhikkhunā vassāvāso paṭissuto hoti pacchimikāya. So taṃ āvāsaṃ gacchanto bahiddhā uposathaṃ karoti, pāṭipade vihāraṃ upeti, senāsanam paññapeti, pānīyaṃ paribhojanīyaṃ upaṭṭhāpeti, pariveṇaṃ sammajjati. So sattāhaṃ anāgatāya komudiyā cātumāsiniyā sakaraṇīyo pakkamati. Āgaccheyya vā so, bhikkhave, bhikkhu taṃ āvāsaṃ na vā āgaccheyya, tassa, bhikkhave, bhikkhuno pacchimikā ca paññāyati, paṭissave ca anāpatti.

Idha pana, bhikkhave, bhikkhunā vassāvāso paṭissuto hoti pacchimikāya. So taṃ āvāsaṃ gantvā uposathaṃ karoti, pāṭipade vihāraṃ upeti, senāsanam paññapeti, pānīyaṃ paribhojanīyaṃ upaṭṭhāpeti, pariveṇaṃ sammajjati. So tadaheva akaraṇīyo pakkamati. Tassa, bhikkhave, bhikkhuno pacchimikā ca na paññāyati, paṭissave ca āpatti dukkaṭassa.

Idha pana, bhikkhave, bhikkhunā vassāvāso paṭissuto hoti pacchimikāya. So taṃ āvāsaṃ gantvā uposathaṃ karoti, pāṭipade vihāraṃ upeti, senāsanam paññapeti, pānīyaṃ paribhojanīyaṃ upaṭṭhāpeti, pariveṇaṃ sammajjati. So tadaheva sakaraṇīyo pakkamati...pe... so dvīhatīhaṃ vasitvā akaraṇīyo pakkamati ...pe... so dvīhatīhaṃ vasitvā sakaraṇīyo pakkamati...pe... so dvīhatīhaṃ vasitvā sattāhakarāṇīyena pakkamati. So taṃ sattāhaṃ bahiddhā vītināmeti. Tassa, bhikkhave, bhikkhuno pacchimikā ca na paññāyati, paṭissave ca āpatti dukkaṭassa...pe... so dvīhatīhaṃ vasitvā sattāhakarāṇīyena pakkamati. So taṃ sattāhaṃ anto sannivattaṃ karoti. Tassa bhikkhave, bhikkhuno pacchimikā ca paññāyati, paṭissave ca anāpatti.

Idha pana, bhikkhave, bhikkhunā vassāvāso paṭissuto hoti pacchimikāya. So taṃ āvāsaṃ gantvā uposathaṃ karoti, pāṭipade vihāraṃ upeti, senāsanam paññapeti, pānīyaṃ paribhojanīyaṃ upaṭṭhāpeti, pariveṇaṃ sammajjati. So sattāhaṃ anāgatāya komudiyā cātumāsiniyā sakaraṇīyo pakkamati. Āgaccheyya vā so, bhikkhave, bhikkhu taṃ āvāsaṃ na vā āgaccheyya, tassa, bhikkhave, bhikkhuno

pacchimikā ca paññāyati, paṭissave ca anāpattīti.

Paṭissavadukkaṭāpatti niṭṭhitā.

Vassūpanāyikakkhandhako tatiyo.

119. Tassuddānaṃ

Upagantuṃ kadā ceva, kati antarāvassa ca;
Na icchanti ca sañcicca, ukkaḍḍhituṃ upāsako.

Gilāno mātā ca pitā, bhātā ca atha ñātako;
Bhikkhugatiko vihāro, vāḷā cāpi sarīsapā.

Coro ceva pisācā ca, daḍḍhā tadubhayena ca;
Vūḷhodakena vuṭṭhāsi, bahutarā ca dāyakā.

Lūkhappañītasappāya, bhesajjupaṭṭhakena ca;
Itthi vesī kumārī ca, paṇḍako ñātakena ca.

Rājā corā dhuttā nidhi, bhedaṭṭhavidhena [bhedā aṭṭhavidhena (sī. syā.)] ca;
Vajasatthā ca nāvā ca, susire viṭabhiyā ca.

Ajjhokāse vassāvāso, asenāsanikena ca;
Chavakuṭikā chatte ca, cāṭiyā ca upenti te.

Katikā paṭissuṇivā, bahiddhā ca uposathā;
Purimikā pacchimikā, yathāñāyena yojaye.

Akaraṇī pakkamati, sakaraṇī tatheva ca;
Dvīhatīhā ca puna ca [dvīhatīhaṃ vasitvāna (sī.)], sattāhakarāṇīyena ca.

Sattāhanāgatā ceva, āgaccheyya na eyya vā;
Vatthuddāne antarikā, tantimaggam nisāmayeti.

Imamhi khandhake vatthūni dvepaṇṇāsa.

Vassūpanāyikakkhandhako niṭṭhito.

4. Pavāraṇākkhandhako

120. Aphāsukavihāro

209. Tena samayena buddho bhagavā sāvattiyam viharati jetavane anāthapiṇḍikassa ārāme. Tena kho pana samayena sambahulā sandiṭṭhā sambhattā bhikkhū kosalesu janapade aññatarasmim āvāse vassam upagacchimsu. Atha kho tesam bhikkhūnam etadahosi – “kena nu kho mayam upāyena samaggā sammodamānā avivadamānā phāsukaṃ vassam vaseyyāma, na ca piṇḍakena kilameyyāmā”’ti. Atha kho tesam bhikkhūnam etadahosi – “sace kho mayam aññamaññam neva ālapeyyāma na sallapeyyāma – yo paṭhamam gāmato piṇḍāya paṭikkameyya so āsanam paññapeyya, pādodakam pādapiṭham pādakathalikam upanikkhipeyya, avakkārapātiṃ dhovivā upaṭṭhāpeyya, pānīyam

paribhojanīyaṃ upat̥ṭhāpeyya; yo pacchā gāmato piṇḍāya paṭikkameyya, sacassa bhuttāvaseso, sace ākaṅkheyya bhuñjeyya, no ce ākaṅkheyya appaharite vā chaḍḍeyya, appāṇake vā uduke opilāpeyya; so āsanam uddhareyya, pādodakam pādapīṭham pādakathalikam paṭisāmeyya, avakkārapātim dhovivā paṭisāmeyya, pānīyam paribhojanīyam paṭisāmeyya, bhattaggaṃ sammajjeyya; yo passeyya pānīyaghaṭam vā paribhojanīyaghaṭam vā vaccaghaṭam vā rittam tuccham so upat̥ṭhāpeyya; sacassa hoti avisayham, hatthavikārena dutiyam āmantetvā hatthavilaṅghakena upat̥ṭhāpeyya; na tveva tappaccayā vācam bhindeyya – evam kho mayam samaggā sammodamānā avivadamānā phāsukam vassam vaseyyāma, na ca piṇḍakena kilameyyāmā’ ti. Atha kho te bhikkhū aññamaññaṃ neva ālapimsu, na sallapimsu. Yo paṭhamam gāmato piṇḍāya paṭikkamati, so āsanam paññapeti, pādodakam pādapīṭham pādakathalikam upanikkhipati, avakkārapātim dhovivā upat̥ṭhāpeti, pānīyam paribhojanīyam upat̥ṭhāpeti. Yo pacchā gāmato piṇḍāya paṭikkamati, sace hoti bhuttāvaseso, sace ākaṅkhati bhuñjati, no ce ākaṅkhati appaharite vā chaḍḍeti, appāṇake vā uduke opilāpeti; so āsanam uddharati, pādodakam pādapīṭham pādakathalikam paṭisāmeti, avakkārapātim dhovivā paṭisāmeti, pānīyam paribhojanīyam paṭisāmeti, bhattaggaṃ sammajjati. Yo passati pānīyaghaṭam vā paribhojanīyaghaṭam vā vaccaghaṭam vā rittam tuccham so upat̥ṭhāpeti. Sacassa hoti avisayham, hatthavikārena dutiyam āmantetvā hatthavilaṅghakena upat̥ṭhāpeti, na tveva tappaccayā vācam bhindati.

Āciṇṇam kho panetaṃ vassamvuṭṭhānaṃ bhikkhūnaṃ bhagavantaṃ dassanāya upasaṅkamitum. Atha kho te bhikkhū vassamvuṭṭhā temāsaccayena senāsanaṃ saṃsāmetvā pattacīvaramādāya yena sāvatti tena pakkamimsu. Anupubbena yena sāvatti jetavanaṃ anāthapiṇḍikassa ārāmo yena bhagavā tenupasaṅkamimsu, upasaṅkamitvā bhagavantaṃ abhivādetvā ekamantaṃ nisīdimsu. Āciṇṇam kho panetaṃ buddhānaṃ bhagavantānaṃ āgantukehi bhikkhūhi saddhiṃ paṭisammoditum. Atha kho bhagavā te bhikkhū etadavoca – ‘kacci, bhikkhave, khamanīyam, kacci yāpanīyam, kacci samaggā sammodamānā avivadamānā phāsukam vassam vasittha, na ca piṇḍakena kilamithā’ ti? ‘Khamanīyam bhagavā, yāpanīyam bhagavā. Samaggā ca mayam, bhante, sammodamānā avivadamānā phāsukam vassam vasimhā, na ca piṇḍakena kilamimhā’ ti. Jānantāpi tathāgatā pucchanti, jānantāpi na pucchanti. Kālam viditvā pucchanti, kālam viditvā na pucchanti. Atthasaṃhitam tathāgatā pucchanti, no anattasaṃhitam. Anattasaṃhite setughāto tathāgatānaṃ. Dvīhākārehi buddhā bhagavanto bhikkhū paṭipucchanti – dhammaṃ vā desessāma, sāvakanāṃ vā sikkhāpadaṃ paññapessāmāti. Atha kho bhagavā te bhikkhū etadavoca – ‘yathākatham pana tumhe, bhikkhave, samaggā sammodamānā avivadamānā phāsukam vassam vasittha, na ca piṇḍakena kilamithā’ ti.

Idha mayam, bhante, sambahulā sandiṭṭhā sambhattā bhikkhū kosalesu janapade aññatarasmim āvāse vassam upagacchimhā. Tesam no, bhante, amhākam etadahosi – ‘kena nu kho mayam upāyena samaggā sammodamānā avivadamānā phāsukam vassam vaseyyāma, na ca piṇḍakena kilameyyāmā’ ti. Tesam no, bhante, amhākam etadahosi – ‘sace kho mayam aññamaññaṃ neva ālapeyyāma na sallapeyyāma – yo paṭhamam gāmato piṇḍāya paṭikkameyya so āsanam paññapeyya, pādodakam pādapīṭham pādakathalikam upanikkhippeyya, avakkārapātim dhovivā upat̥ṭhāpeyya, pānīyam paribhojanīyam upat̥ṭhāpeyya; yo pacchā gāmato piṇḍāya paṭikkameyya, sacassa bhuttāvaseso, sace ākaṅkheyya bhuñjeyya, no ce ākaṅkheyya appaharite vā chaḍḍeyya, appāṇake vā uduke opilāpeyya; so āsanam uddhareyya, pādodakam pādapīṭham pādakathalikam paṭisāmeyya, avakkārapātim dhovivā paṭisāmeyya, pānīyam paribhojanīyam paṭisāmeyya, bhattaggaṃ sammajjeyya; yo passeyya pānīyaghaṭam vā paribhojanīyaghaṭam vā vaccaghaṭam vā rittam tuccham so upat̥ṭhāpeyya; sacassa hoti avisayham, hatthavikārena dutiyam āmantetvā hatthavilaṅghakena upat̥ṭhāpeyya; na tveva tappaccayā vācam bhindeyya – evam kho mayam samaggā sammodamānā avivadamānā phāsukam vassam vaseyyāma, na ca piṇḍakena kilameyyāmā’ ti. Atha kho mayam, bhante, aññamaññaṃ neva ālapimhā na sallavimhā. Yo paṭhamam gāmato piṇḍāya paṭikkamati so āsanam paññapeti, pādodakam pādapīṭham pādakathalikam upanikkhipati, avakkārapātim dhovivā upat̥ṭhāpeti, pānīyam paribhojanīyam upat̥ṭhāpeti. Yo pacchā gāmato piṇḍāya paṭikkamati, sace hoti bhuttāvaseso, sace ākaṅkhati bhuñjati, no ce ākaṅkhati appaharite vā chaḍḍeti, appāṇake vā uduke opilāpeti, so āsanam uddharati, pādodakam pādapīṭham pādakathalikam paṭisāmeti, avakkārapātim dhovivā paṭisāmeti, pānīyam paribhojanīyam

paṭisāmeti, bhattaggaṃ sammajjati. Yo passati pānīyaghaṭaṃ vā paribhojanīyaghaṭaṃ vā vaccaghaṭaṃ vā rittaṃ tucchaṃ so upaṭṭhāpeti. Sacassa hoti avisayhaṃ, hatthavikārena dutiyam āmantetvā hatthavilaṅghakena upaṭṭhāpeti, na tveva tappaccayā vācaṃ bhindati. Evaṃ kho mayaṃ, bhante, samaggā sammodamānā avivadamānā phāsukaṃ vassaṃ vasiṃhā, na ca piṇḍakena kilamimhāti.

Atha kho bhagavā bhikkhū āmantesi – “aphāsuññeva [aphāsukaññeva (sī.)] kirame [kirime (ka.)], bhikkhave, moghapurisā vuṭṭhā [vuṭṭhā (ka.)] samānā phāsumhā [phāsukambhā (sī.)] vuṭṭhāti paṭijānanti. Pasusaṃvāsaññeva kirame, bhikkhave, moghapurisā vuṭṭhā samānā phāsumhā vuṭṭhāti paṭijānanti. Eḷakasamvāsaññeva kirame, bhikkhave, moghapurisā vuṭṭhā samānā phāsumhā vuṭṭhāti paṭijānanti. Sapattasamvāsaññeva kirame, bhikkhave, moghapurisā vuṭṭhā samānā phāsumhā vuṭṭhāti paṭijānanti. Kathañhi nāmime, bhikkhave, moghapurisā mūgabbataṃ titthiyasamādānaṃ samādiyissa’nti. Netam, bhikkhave, appasannānaṃ vā pasādāya...pe... vīgarahitvā dhammiṃ kathaṃ katvā bhikkhū āmantesi – na, bhikkhave, mūgabbataṃ titthiyasamādānaṃ samādiyitabbaṃ. Yo samādiyeyya, āpatti dukkaṭassa. Anujānāmi, bhikkhave, vassaṃvuṭṭhānaṃ bhikkhūnaṃ tīhi ṭhānehi pavāretuṃ – diṭṭhena vā sutena vā parisāṅkāya vā. Sā vo bhavissati aññamaññānulomatā āpattivuṭṭhānatā vinayapurekkhāratā. Evañca pana, bhikkhave, pavāretabbaṃ. Byattena bhikkhunā paṭibalena saṅgho ñāpetabbo –

210. “Suṇātu me, bhante, saṅgho. Ajja pavāraṇā. Yadi saṅghassa pattakallaṃ, saṅgho pavāreyyā’nti.

Therena bhikkhunā ekaṃsaṃ uttarāsaṅgaṃ karitvā ukkuṭikaṃ nisīditvā añjalim paggaḥetvā evamassa vacanīyo – “saṅghaṃ, āvuso, pavāremi diṭṭhena vā sutena vā parisāṅkāya vā. Vadantu maṃ āyasmanto anukampaṃ upādāya. Passanto paṭikarissāmi. Dutiyampi, āvuso, saṅghaṃ pavāremi diṭṭhena vā sutena vā parisāṅkāya vā. Vadantu maṃ āyasmanto anukampaṃ upādāya. Passanto paṭikarissāmi. Tatiyampi, āvuso, saṅghaṃ pavāremi diṭṭhena vā sutena vā parisāṅkāya vā. Vadantu maṃ āyasmanto anukampaṃ upādāya. Passanto paṭikarissāmi’nti.

Navakena bhikkhunā ekaṃsaṃ uttarāsaṅgaṃ karitvā ukkuṭikaṃ nisīditvā añjalim paggaḥetvā evamassa vacanīyo – “saṅghaṃ, bhante, pavāremi diṭṭhena vā sutena vā parisāṅkāya vā. Vadantu maṃ āyasmanto anukampaṃ upādāya. Passanto paṭikarissāmi. Dutiyampi, bhante, saṅghaṃ...pe... tatiyampi, bhante, saṅghaṃ pavāremi diṭṭhena vā sutena vā parisāṅkāya vā. Vadantu maṃ āyasmanto anukampaṃ upādāya. Passanto paṭikarissāmi’nti.

211. Tena kho pana samayena chabbaggiyā bhikkhū theresu bhikkhūsu ukkuṭikaṃ nisinnesu pavārayamānesu āsanesu acchanti. Ye te bhikkhū appicchā...pe... te ujjhāyanti khiyyanti vipācenti – “kathañhi nāma chabbaggiyā bhikkhū theresu bhikkhūsu ukkuṭikaṃ nisinnesu pavārayamānesu āsanesu acchissanti’nti. Atha kho te bhikkhū bhagavato etamatthaṃ ārocesuṃ...pe... “saccaṃ kira, bhikkhave, chabbaggiyā bhikkhū theresu bhikkhūsu ukkuṭikaṃ nisinnesu pavārayamānesu āsanesu acchissanti’nti? “Saccaṃ, bhagavā’nti. Vigarahi buddho bhagavā...pe... “kathañhi nāma te, bhikkhave, moghapurisā theresu bhikkhūsu ukkuṭikaṃ nisinnesu pavārayamānesu āsanesu acchissa’nti. Netam, bhikkhave, appasannānaṃ vā pasādāya, pasannānaṃ vā bhiyyobhāvāya...pe... vīgarahitvā dhammiṃ kathaṃ katvā bhikkhū āmantesi – “na, bhikkhave, theresu bhikkhūsu ukkuṭikaṃ nisinnesu pavārayamānesu āsanesu acchitabbaṃ. Yo accheyya, āpatti dukkaṭassa. Anujānāmi, bhikkhave, sabbeheva ukkuṭikaṃ nisinnehi pavāretu’nti.

Tena kho pana samayena aññataro thero jarādubbalo yāva sabbe pavārentīti [yāva sabbe pavārenti (syā.)] ukkuṭikaṃ nisīno āgamayamāno mucchito papati. Bhagavato etamatthaṃ ārocesuṃ. Anujānāmi, bhikkhave, tadamantarā ukkuṭikaṃ nisīdituṃ yāva pavāreti, pavāretvā āsane nisīditunti.

Aphāsukavīhāro niṭṭhito.

121. Pavāraṇābheda

212. Atha kho bhikkhūnaṃ etadahosi – “kati nu kho pavāraṇā”ti? Bhagavato etamatthaṃ ārocesuṃ. Dvemā, bhikkhave, pavāraṇā – cātuddasikā ca pannarasikā ca. Imā kho, bhikkhave, dve pavāraṇāti.

Atha kho bhikkhūnaṃ etadahosi – “kati nu kho pavāraṇakammānī”ti? [pavāraṇākammānīti (syā.)] Bhagavato etamatthaṃ ārocesuṃ. Cattārimāni, bhikkhave, pavāraṇakammāni – adhammena vaggāṃ pavāraṇakammaṃ, adhammena samaggāṃ pavāraṇakammaṃ, dhammena vaggāṃ pavāraṇakammaṃ, dhammena samaggāṃ pavāraṇakammaṃ. Tatra, bhikkhave, yadidaṃ adhammena vaggāṃ pavāraṇakammaṃ, na, bhikkhave, evarūpaṃ pavāraṇakammaṃ kātappaṃ; na ca mayā evarūpaṃ pavāraṇakammaṃ anuññātaṃ. Tatra, bhikkhave, yadidaṃ adhammena samaggāṃ pavāraṇakammaṃ, na, bhikkhave, evarūpaṃ pavāraṇakammaṃ kātappaṃ; na ca mayā evarūpaṃ pavāraṇakammaṃ anuññātaṃ. Tatra, bhikkhave, yadidaṃ dhammena vaggāṃ pavāraṇakammaṃ, na, bhikkhave, evarūpaṃ pavāraṇakammaṃ kātappaṃ; na ca mayā evarūpaṃ pavāraṇakammaṃ anuññātaṃ. Tatra, bhikkhave, yadidaṃ dhammena samaggāṃ pavāraṇakammaṃ, evarūpaṃ, bhikkhave, pavāraṇakammaṃ kātappaṃ; evarūpaṃca mayā pavāraṇakammaṃ anuññātaṃ. Tasmātiha, bhikkhave, evarūpaṃ pavāraṇakammaṃ karissāma yadidaṃ dhammena samagganti, evañhi vo, bhikkhave, sikkhitabbanti.

Pavāraṇābheda niṭṭhitā.

122. Pavāraṇādānānujāna

213. Atha kho bhagavā bhikkhū āmantesi – “sannipatatha, bhikkhave. Saṅho pavāressatī”ti. Evaṃ vutte aññataro bhikkhu bhagavantaṃ etadavoca – “atthi, bhante, bhikkhu gilāno, so anāgato”ti. Anujānāmi, bhikkhave, gilānena bhikkhunā pavāraṇaṃ dātuṃ. Evañca pana, bhikkhave, dātabbā – tena gilānena bhikkhunā ekaṃ bhikkhuṃ upasaṅkamitvā ekaṃsaṃ uttarāsaṅgaṃ karitvā ukkuṭikaṃ nisīditvā añjaliṃ paggahetvā evamassa vacanīyo – “pavāraṇaṃ dammi, pavāraṇaṃ me hara, pavāraṇaṃ me ārocehi, mamatthāya pavārehi”ti kāyena viññāpeti, vācāya viññāpeti, kāyena vācāya viññāpeti, dinnā hoti pavāraṇā; na kāyena viññāpeti, na vācāya viññāpeti, na kāyena vācāya viññāpeti, na dinnā hoti pavāraṇā. Evañcetāṃ labhetha, iccetāṃ kusalaṃ. No ce labhetha, so, bhikkhave, gilāno bhikkhu mañcena vā pīṭhena vā saṅghamañjhe ānetvā pavāretappaṃ. Sace, bhikkhave, gilānupaṭṭhākānaṃ bhikkhūnaṃ etadahosi – “sace kho mayaṃ gilānaṃ ṭhānā cāveśāma, ābādho vā abhivaḍḍhissati, kālaṃkiriyā vā bhavissati”ti na, bhikkhave, gilāno bhikkhu ṭhānā cāvetabbo. Saṅghena tattha gantvā pavāretappaṃ; na tveva vaggena saṅghena pavāretappaṃ. Pavāreyya ce, āpatti dukkaṭassa.

Pavāraṇahāraḷo [pavāraṇāhāraḷo (syā.)] ce, bhikkhave, dinnāya pavāraṇāya tattheva pakkamati, aññassa dātabbā pavāraṇā. Pavāraṇahāraḷo ce, bhikkhave, dinnāya pavāraṇāya tattheva vibbhamati... pe... kālaṃkaroti... sāmaṇero paṭijānāti... sikkhaṃ paccakkhātako paṭijānāti... antimavatthum ajjhāpannako paṭijānāti... ummattako paṭijānāti... khittacitto paṭijānāti... vedanāṭṭo paṭijānāti... āpattiyā adassane ukkhittako paṭijānāti... āpattiyā appaṭikamme ukkhittako paṭijānāti... pāpikāya diṭṭhiyā appaṭinissagge ukkhittako paṭijānāti... paṇḍako paṭijānāti... theyyasaṃvāsako paṭijānāti... tiṭṭhiyapakkantako paṭijānāti... tiracchānagato paṭijānāti... mātughātako paṭijānāti... pitughātako paṭijānāti... arahantaghātako paṭijānāti... bhikkhunidūsako paṭijānāti... saṅghabhedako paṭijānāti... lohituppādako paṭijānāti... ubhatobyañjanako paṭijānāti, aññassa dātabbā pavāraṇā.

Pavāraṇahāraḷo ce, bhikkhave, dinnāya pavāraṇāya antarāmagge pakkamati, anāhaṭā hoti pavāraṇā. Pavāraṇahāraḷo ce, bhikkhave, dinnāya pavāraṇāya antarāmagge vibbhamati... pe... kālaṃkaroti... sāmaṇero paṭijānāti... sikkhaṃ paccakkhātako paṭijānāti... antimavatthum ajjhāpannako paṭijānāti... ummattako paṭijānāti... khittacitto paṭijānāti... vedanāṭṭo paṭijānāti... āpattiyā adassane ukkhittako paṭijānāti... āpattiyā appaṭikamme ukkhittako paṭijānāti... pāpikāya diṭṭhiyā appaṭinissagge ukkhittako

paṭijānāti... paṇḍako paṭijānāti... theyyasamvāsako paṭijānāti... titthiyapakkantako paṭijānāti... tiracchānagato paṭijānāti... mātuḡhātako paṭijānāti... pituḡhātako paṭijānāti... arahantaghātako paṭijānāti... bhikkhunidūsako paṭijānāti... saṅghabhedako paṭijānāti... lohituppādako paṭijānāti... ubhatobyañjanako paṭijānāti, anāhaṭā hoti pavāraṇā.

Pavāraṇahārako ce, bhikkhave, dinnāya pavāraṇāya saṅghappatto pakkamati, āhaṭā hoti pavāraṇā. Pavāraṇahārako ce, bhikkhave, dinnāya pavāraṇāya saṅghappatto vibbhamati...pe... kālamkaroti... sāmaṇero paṭijānāti... sikkhaṃ paccakkhātako paṭijānāti... antimavatthum ajjhāpannako paṭijānāti... ummattako paṭijānāti... khittacitto paṭijānāti... vedanāṭṭo paṭijānāti... āpattiyā adassane ukkhittako paṭijānāti... āpattiyā appaṭikamme ukkhittako paṭijānāti... pāpikāya diṭṭhiyā appaṭinissagge ukkhittako paṭijānāti... paṇḍako paṭijānāti... theyyasamvāsako paṭijānāti... titthiyapakkantako paṭijānāti... tiracchānagato paṭijānāti... mātuḡhātako paṭijānāti... pituḡhātako paṭijānāti... arahantaghātako paṭijānāti... bhikkhunidūsako paṭijānāti... saṅghabhedako paṭijānāti... lohituppādako paṭijānāti... ubhatobyañjanako paṭijānāti, āhaṭā hoti pavāraṇā.

Pavāraṇahārako ce, bhikkhave, dinnāya pavāraṇāya saṅghappatto sutto nāroceti, āhaṭā hoti pavāraṇā. Pavāraṇahārakassa anāpatti. Pavāraṇahārako ce, bhikkhave, dinnāya pavāraṇāya saṅghappatto pamatto nāroceti...pe... samāpanno nāroceti, āhaṭā hoti pavāraṇā. Pavāraṇahārakassa anāpatti.

Pavāraṇahārako ce, bhikkhave, dinnāya pavāraṇāya saṅghappatto sañcicca nāroceti, āhaṭā hoti pavāraṇā. Pavāraṇahārakassa āpatti dukkaṭassa. Anujānāmi, bhikkhave, tadahu pavāraṇāya pavāraṇaṃ dentena chandampi dātum, santi saṅghassa karaṇīyanti.

Pavāraṇādānānujānanā niṭṭhitā.

123. Nātakādiggahaṇakathā

214. Tena kho pana samayena aññataraṃ bhikkhum tadahu pavāraṇāya ñātakā gaṇhiṃsu. Bhagavato etamattamaṃ ārocesum. Idha pana, bhikkhave, bhikkhum tadahu pavāraṇāya ñātakā gaṇhanti. Te ñātakā bhikkhūhi evamassu vacanīyā – “iṅgha, tumhe āyasmanto imaṃ bhikkhum muhuttaṃ muñcatha, yāvāyaṃ bhikkhu pavāretī”ti. Evañcetaṃ labhetha, iccetaṃ kusalaṃ. No ce labhetha, te ñātakā bhikkhūhi evamassu vacanīyā – “iṅgha, tumhe āyasmanto muhuttaṃ ekamantaṃ hotha, yāvāyaṃ bhikkhu pavāraṇaṃ detī”ti. Evañcetaṃ labhetha, iccetaṃ kusalaṃ. No ce labhetha, te ñātakā bhikkhūhi evamassu vacanīyā – “iṅgha, tumhe āyasmanto imaṃ bhikkhum muhuttaṃ nissīmaṃ netha, yāva saṅgho pavāretī”ti. Evañcetaṃ labhetha, iccetaṃ kusalaṃ. No ce labhetha, na tveva vaggena saṅghena pavāretabbaṃ. Pavāreyya ce, āpatti dukkaṭassa.

Idha pana, bhikkhave, bhikkhum tadahu pavāraṇāya rājāno gaṇhanti...pe... corā gaṇhanti ... dhuttā gaṇhanti... bhikkhupaccatthikā gaṇhanti. Te bhikkhupaccatthikā bhikkhūhi evamassu vacanīyā – “iṅgha, tumhe āyasmanto imaṃ bhikkhum muhuttaṃ muñcatha, yāvāyaṃ bhikkhu pavāretī”ti. Evañcetaṃ labhetha, iccetaṃ kusalaṃ. No ce labhetha, te bhikkhupaccatthikā bhikkhūhi evamassu vacanīyā – “iṅgha, tumhe āyasmanto muhuttaṃ ekamantaṃ hotha, yāvāyaṃ bhikkhu pavāraṇaṃ detī”ti. Evañcetaṃ labhetha, iccetaṃ kusalaṃ. No ce labhetha, te bhikkhupaccatthikā bhikkhūhi evamassu vacanīyā – “iṅgha, tumhe āyasmanto imaṃ bhikkhum muhuttaṃ nissīmaṃ netha, yāva saṅgho pavāretī”ti. Evañcetaṃ labhetha, iccetaṃ kusalaṃ. No ce labhetha, na tveva vaggena saṅghena pavāretabbaṃ. Pavāreyya ce, āpatti dukkaṭassāti.

Nātakādiggahaṇakathā niṭṭhitā.

124. Saṅghapavāraṇādippabhedā

215. Tena kho pana samayena aññatarasmim āvāse tadahu pavāraṇāya pañca bhikkhū viharanti. Atha kho tesam bhikkhūnaṃ etadahosi – “bhagavatā paññattaṃ ‘saṅghena pavāretabba’nti. Mayañcamhā pañca janā. Kathaṃ nu kho amhehi pavāretabba’nti? Bhagavato etamatthaṃ ārocesuṃ. Anujānāmi, bhikkhave, pañcannaṃ saṅghe pavāretunti.

216. Tena kho pana samayena aññatarasmim āvāse tadahu pavāraṇāya cattāro bhikkhū viharanti. Atha kho tesam bhikkhūnaṃ etadahosi – “bhagavatā anuññātaṃ pañcannaṃ saṅghe pavāretunti. Mayañcamhā cattāro janā. Kathaṃ nu kho amhehi pavāretabba’nti? Bhagavato etamatthaṃ ārocesuṃ. Anujānāmi, bhikkhave, catunnaṃ aññamaññaṃ pavāretuṃ. Evañca pana, bhikkhave, pavāretabbaṃ. Byattena bhikkhunā paṭibalena te bhikkhū ñāpetabbā –

“Suṇantu me āyasmanto. Ajja pavāraṇā. Yadāyasmantānaṃ pattakallaṃ, mayaṃ aññamaññaṃ pavāreyyāma’nti.

Therena bhikkhunā ekamsaṃ uttarāsaṅgaṃ karitvā ukkuṭikaṃ nisīditvā añjaliṃ paggahetvā te bhikkhū evamassu vacanīyā – “ahaṃ, āvuso, āyasmante pavāremi diṭṭhena vā sutena vā parisāṅkāya vā. Vadantu maṃ āyasmanto anukampaṃ upādāya. Passanto paṭikarissāmi. Dutiyampi...pe... tatiyampi ahaṃ, āvuso, āyasmante pavāremi diṭṭhena vā sutena vā parisāṅkāya vā. Vadantu maṃ āyasmanto anukampaṃ upādāya. Passanto paṭikarissāmi’nti.

Navakena bhikkhunā ekamsaṃ uttarāsaṅgaṃ karitvā ukkuṭikaṃ nisīditvā añjaliṃ paggahetvā te bhikkhū evamassu vacanīyā – “ahaṃ, bhante, āyasmante pavāremi diṭṭhena vā sutena vā parisāṅkāya vā. Vadantu maṃ āyasmanto anukampaṃ upādāya. Passanto paṭikarissāmi. Dutiyampi...pe... tatiyampi ahaṃ, bhante, āyasmante pavāremi diṭṭhena vā sutena vā parisāṅkāya vā. Vadantu maṃ āyasmanto anukampaṃ upādāya. Passanto paṭikarissāmi’nti.

Tena kho pana samayena aññatarasmim āvāse tadahu pavāraṇāya tayo bhikkhū viharanti. Atha kho tesam bhikkhūnaṃ etadahosi – “bhagavatā anuññātaṃ pañcannaṃ saṅghe pavāretuṃ, catunnaṃ aññamaññaṃ pavāretuṃ. Mayañcamhā tayo janā. Kathaṃ nu kho amhehi pavāretabba’nti? Bhagavato etamatthaṃ ārocesuṃ. Anujānāmi, bhikkhave, tiṇṇaṃ aññamaññaṃ pavāretuṃ. Evañca pana, bhikkhave, pavāretabbaṃ. Byattena bhikkhunā paṭibalena te bhikkhū ñāpetabbā –

“Suṇantu me āyasmantā. Ajja pavāraṇā. Yadāyasmantānaṃ pattakallaṃ, mayaṃ aññamaññaṃ pavāreyyāma’nti.

Therena bhikkhunā ekamsaṃ uttarāsaṅgaṃ karitvā ukkuṭikaṃ nisīditvā añjaliṃ paggahetvā te bhikkhū evamassu vacanīyā – “ahaṃ, āvuso, āyasmante pavāremi diṭṭhena vā sutena vā parisāṅkāya vā. Vadantu maṃ āyasmantā anukampaṃ upādāya. Passanto paṭikarissāmi. Dutiyampi...pe... tatiyampi ahaṃ, āvuso, āyasmante pavāremi diṭṭhena vā sutena vā parisāṅkāya vā. Vadantu maṃ āyasmantā anukampaṃ upādāya. Passanto paṭikarissāmi’nti.

Navakena bhikkhunā ekamsaṃ uttarāsaṅgaṃ karitvā ukkuṭikaṃ nisīditvā añjaliṃ paggahetvā te bhikkhū evamassu vacanīyā – “ahaṃ, bhante, āyasmante pavāremi diṭṭhena vā sutena vā parisāṅkāya vā. Vadantu maṃ āyasmantā anukampaṃ upādāya. Passanto paṭikarissāmi. Dutiyampi...pe... tatiyampi ahaṃ, bhante, āyasmante pavāremi diṭṭhena vā sutena vā parisāṅkāya vā. Vadantu maṃ āyasmantā anukampaṃ upādāya. Passanto paṭikarissāmi’nti.

217. Tena kho pana samayena aññatarasmim āvāse tadahu pavāraṇāya dve bhikkhū viharanti. Atha kho tesam bhikkhūnaṃ etadahosi – “bhagavatā anuññātaṃ pañcannaṃ saṅghe pavāretuṃ, catunnaṃ aññamaññaṃ pavāretuṃ, tiṇṇaṃ aññamaññaṃ pavāretuṃ. Mayañcamhā dve janā. Kathaṃ nu kho amhehi pavāretabba’nti. Bhagavato etamatthaṃ ārocesuṃ. Anujānāmi, bhikkhave, dvinnaṃ

aññamaññaṃ pavāretuṃ. Evañca pana, bhikkhave, pavāretabbaṃ. Therena bhikkhunā ekamsaṃ uttarāsaṅgaṃ karitvā ukkuṭikaṃ nisīditvā añjaliṃ paggahetvā navo bhikkhu evamassa vacanīyo – “ahaṃ, āvuso, āyasmantaṃ pavāremi diṭṭhena vā sutena vā parisāṅkāya vā. Vadatu maṃ āyasmā anukampaṃ upādāya. Passanto paṭikarissāmi. Dutiyampi...pe... tatiyampi ahaṃ, āvuso, āyasmantaṃ pavāremi diṭṭhena vā sutena vā parisāṅkāya vā. Vadatu maṃ āyasmā anukampaṃ upādāya. Passanto paṭikarissāmi”’ti.

Navakena bhikkhunā ekamsaṃ uttarāsaṅgaṃ karitvā ukkuṭikaṃ nisīditvā añjaliṃ paggahetvā thero bhikkhu evamassa vacanīyo – “ahaṃ, bhante, āyasmantaṃ pavāremi diṭṭhena vā sutena vā parisāṅkāya vā. Vadatu maṃ āyasmā anukampaṃ upādāya. Passanto paṭikarissāmi. Dutiyampi...pe... tatiyampi ahaṃ, bhante, āyasmantaṃ pavāremi diṭṭhena vā sutena vā parisāṅkāya vā. Vadatu maṃ āyasmā anukampaṃ upādāya. Passanto paṭikarissāmi”’ti.

218. Tena kho pana samayena aññatarasmiṃ āvāse tadahu pavāraṇāya eko bhikkhu viharati. Atha kho tassa bhikkhuno etadahosi – “bhagavatā anuññātaṃ pañcannaṃ saṅghe pavāretuṃ, catunnaṃ aññamaññaṃ pavāretuṃ, tiṇṇaṃ aññamaññaṃ pavāretuṃ, dvinnaṃ aññamaññaṃ pavāretuṃ. Ahañcamhi ekako. Kathaṃ nu kho mayā pavāretabba”’nti? Bhagavato etamatthaṃ ārocesuṃ.

Idha pana, bhikkhave, aññatarasmiṃ āvāse tadahu pavāraṇāya eko bhikkhu viharati. Tena, bhikkhave, bhikkhunā yattha bhikkhū paṭikkamanti upaṭṭhānasālāya vā maṇḍape vā rukkhamūle vā, so deso sammajjitvā pānīyaṃ paribhojanīyaṃ upaṭṭhāpetvā āsanaṃ pañṇapetvā padīpaṃ katvā nisīditabbaṃ. Sace aññe bhikkhū āgacchanti, tehi saddhiṃ pavāretabbaṃ; no ce āgacchanti, ‘ajja me pavāraṇā’ti adhiṭṭhātabbaṃ. No ce adhiṭṭheyya, āpatti dukkaṭassa.

Tatra, bhikkhave, yattha pañca bhikkhū viharanti, na ekassa pavāraṇaṃ āharitvā

Catūhi saṅghe pavāretabbaṃ. Pavāreyyuṃ ce, āpatti dukkaṭassa. Tatra, bhikkhave, yattha cattāro bhikkhū viharanti, na ekassa pavāraṇaṃ āharitvā tīhi aññamaññaṃ pavāretabbaṃ. Pavāreyyuṃ ce, āpatti dukkaṭassa. Tatra, bhikkhave, yattha tayo bhikkhū viharanti, na ekassa pavāraṇaṃ āharitvā dvīhi aññamaññaṃ pavāretabbaṃ. Pavāreyyuṃ ce, āpatti dukkaṭassa. Tatra, bhikkhave, yattha dve bhikkhū viharanti, na ekassa pavāraṇaṃ āharitvā ekena adhiṭṭhātabbaṃ. Adhiṭṭheyya ce, āpatti dukkaṭassāti.

Saṅghapavāraṇādippabhedā niṭṭhitā.

125. Āpattipaṭikammavidhi

219. Tena kho pana samayena aññataro bhikkhu tadahu pavāraṇāya āpattiṃ āpanno hoti. Atha kho tassa bhikkhuno etadahosi – “bhagavatā paññattaṃ ‘na sāpattikena pavāretabba’nti. Ahañcamhi āpattiṃ āpanno. Kathaṃ nu kho mayā paṭipajjitabba”’nti? Bhagavato etamatthaṃ ārocesuṃ [ārocesi (ka.)].

Idha pana, bhikkhave, bhikkhu tadahu pavāraṇāya āpattiṃ āpanno hoti. Tena, bhikkhave, bhikkhunā ekaṃ bhikkhuṃ upasaṅkamitvā ekamsaṃ uttarāsaṅgaṃ karitvā ukkuṭikaṃ nisīditvā añjaliṃ paggahetvā evamassa vacanīyo – “ahaṃ, āvuso, itthannāmaṃ āpattiṃ āpanno, taṃ paṭidesemi”’ti. Tena vattabbo – “passasī”’ti. Āma passāmīti. Āyatim saṃvareyyāsīti.

Idha pana, bhikkhave, bhikkhu tadahu pavāraṇāya āpattiyā vematiko hoti. Tena, bhikkhave, bhikkhunā ekaṃ bhikkhuṃ upasaṅkamitvā ekamsaṃ uttarāsaṅgaṃ karitvā ukkuṭikaṃ nisīditvā añjaliṃ paggahetvā evamassa vacanīyo – “ahaṃ, āvuso, itthannāmāya āpattiyā vematiko; yadā nibbematiko bhavissāmi tadā taṃ āpattiṃ paṭikarissāmi”’ti vatvā pavāretabbaṃ; na tveva tappaccayā pavāraṇāya antarāyo kātabboti.

Āpattiṭṭhi.

126. Āpattiāvikaraṇavidhi

220. Tena kho pana samayena aññataro bhikkhu pavārayamāno āpattiṃ sarati. Atha kho tassa bhikkhuno etadahosi – ‘bhagavatā paññattaṃ ‘na sāpattikena pavāretabba’nti. Ahañcamhi āpattiṃ āpanno. Kathaṃ nu kho mayā paṭipajjitabba’nti? Bhagavato etamatthaṃ ārocesuṃ.

Idha pana, bhikkhave, bhikkhu pavārayamāno āpattiṃ sarati. Tena, bhikkhave, bhikkhunā sāmanto bhikkhu evamassa vacanīyo – ‘ahaṃ, āvuso, itthannāmaṃ āpattiṃ āpanno. Ito vuṭṭhahitvā taṃ āpattiṃ paṭikarissāmī’ti vatvā pavāretabbaṃ; na tveva tappaccayā pavāraṇāya antarāyo kātabbo.

Idha pana, bhikkhave, bhikkhu pavārayamāno āpattiyā vematiko hoti. Tena, bhikkhave,

Bhikkhunā sāmanto bhikkhu evamassa vacanīyo – ‘ahaṃ, āvuso, itthannāmāya āpattiyā vematiko; yadā nibbematiko bhavissāmi tadā taṃ āpattiṃ paṭikarissāmī’ti vatvā pavāretabbaṃ; na tveva tappaccayā pavāraṇāya antarāyo kātabboti.

Āpatti āvikaraṇavidhi ṭṭhi.

127. Sabhāgāpattiṭṭhi

221. Tena kho pana samayena aññatarasmim āvāse tadahu pavāraṇāya sabbo saṅgho sabhāgaṃ āpattiṃ āpanno hoti. Atha kho tesaṃ bhikkhūnaṃ etadahosi – ‘bhagavatā paññattaṃ ‘na sabhāgā āpattiṃ desetabbā, na sabhāgā āpattiṃ paṭiggahetabbā’ti. Ayañca sabbo saṅgho sabhāgaṃ āpattiṃ āpanno. Kathaṃ nu kho amhehi paṭipajjitabba’nti? Bhagavato etamatthaṃ ārocesuṃ.

Idha pana, bhikkhave, aññatarasmim āvāse tadahu pavāraṇāya sabbo saṅgho sabhāgaṃ āpattiṃ āpanno hoti. Tehi, bhikkhave, bhikkhūhi eko bhikkhu sāmanta āvāsā sajjukaṃ pāhetabbo – gacchāvuso, taṃ āpattiṃ paṭikarivā āgaccha, mayaṃ te santike taṃ āpattiṃ paṭikarissāmāti. Evañcetam labhetha, iccetam kusalam. No ce labhetha, byattena bhikkhunā paṭibalena saṅgho ñāpetabbo –

‘‘Suṇātu me, bhante, saṅgho. Ayaṃ sabbo saṅgho sabhāgaṃ āpattiṃ āpanno. Yadā aññaṃ bhikkhuṃ suddhaṃ anāpattikaṃ passissati tadā tassa santike taṃ āpattiṃ paṭikarissatī’ti vatvā pavāretabbaṃ; na tveva tappaccayā pavāraṇāya antarāyo kātabbo.

Idha pana, bhikkhave, aññatarasmim āvāse tadahu pavāraṇāya sabbo saṅgho sabhāgāya āpattiyā vematiko hoti. Byattena bhikkhunā paṭibalena saṅgho ñāpetabbo –

‘‘Suṇātu me, bhante, saṅgho. Ayaṃ sabbo saṅgho sabhāgāya āpattiyā vematiko. Yadā nibbematiko bhavissati tadā taṃ āpattiṃ paṭikarissatī’ti vatvā, pavāretabbaṃ, na tveva tappaccayā pavāraṇāya antarāyo kātabboti.

Sabhāgāpattiṭṭhi.

Paṭhamabhāṇavāro ṭṭhi.

128. Anāpattiṭṭhi

222. Tena kho pana samayena aññatarasmim āvāse tadahu pavāraṇāya sambahulā āvāsikā bhikkhū

sannipatiṃsu, pañca vā atirekā vā. Te na jāniṃsu ‘‘atthaññe āvāsikā bhikkhū anāgatā’’ti. Te dhammasaññino vinayasaññino vaggā samaggasaññino pavāresuṃ. Tehi pavāriyamāne athaññe āvāsikā bhikkhū āgacchiṃsu bahutarā. Bhagavato etamatthaṃ ārocesuṃ.

Idha pana, bhikkhave, aññatarasmiṃ āvāse tadahu pavāraṇāya sambahulā āvāsikā bhikkhū sannipatanti, pañca vā atirekā vā. Te na jānanti ‘‘atthaññe āvāsikā bhikkhū anāgatā’’ti. Te dhammasaññino vinayasaññino vaggā samaggasaññino pavārenti. Tehi pavāriyamāne athaññe āvāsikā bhikkhū āgacchanti bahutarā. Tehi, bhikkhave, bhikkhūhi puna pavāretabbaṃ. Pavāritānaṃ anāpatti.

Idha pana, bhikkhave, aññatarasmiṃ āvāse tadahu pavāraṇāya sambahulā āvāsikā bhikkhū sannipatanti, pañca vā atirekā vā. Te na jānanti ‘‘atthaññe āvāsikā bhikkhū anāgatā’’ti. Te dhammasaññino vinayasaññino vaggā samaggasaññino pavārenti. Tehi pavāriyamāne athaññe āvāsikā bhikkhū āgacchanti samasamā. Pavāritā suppvāritā, avasesehi pavāretabbaṃ. Pavāritānaṃ anāpatti.

Idha pana, bhikkhave, aññatarasmiṃ āvāse tadahu pavāraṇāya sambahulā āvāsikā bhikkhū sannipatanti, pañca vā atirekā vā. Te na jānanti ‘‘atthaññe āvāsikā bhikkhū anāgatā’’ti. Te dhammasaññino vinayasaññino vaggā samaggasaññino pavārenti. Tehi pavāriyamāne athaññe āvāsikā bhikkhū āgacchanti thokatarā. Pavāritā suppvāritā, avasesehi pavāretabbaṃ. Pavāritānaṃ anāpatti.

Idha pana, bhikkhave, aññatarasmiṃ āvāse tadahu pavāraṇāya sambahulā āvāsikā bhikkhū sannipatanti, pañca vā atirekā vā. Te na jānanti ‘‘atthaññe āvāsikā bhikkhū anāgatā’’ti. Te dhammasaññino vinayasaññino vaggā samaggasaññino pavārenti. Tehi pavāritamatte athaññe āvāsikā bhikkhū āgacchanti bahutarā. Tehi, bhikkhave, bhikkhūhi puna pavāretabbaṃ. Pavāritānaṃ anāpatti.

Idha pana, bhikkhave, aññatarasmiṃ āvāse tadahu pavāraṇāya sambahulā āvāsikā bhikkhū sannipatanti, pañca vā atirekā vā. Te na jānanti ‘‘atthaññe āvāsikā bhikkhū anāgatā’’ti. Te dhammasaññino vinayasaññino vaggā samaggasaññino pavārenti. Tehi pavāritamatte athaññe āvāsikā bhikkhū āgacchanti samasamā. Pavāritā suppvāritā, tesam santike pavāretabbaṃ. Pavāritānaṃ anāpatti.

Idha pana, bhikkhave, aññatarasmiṃ āvāse tadahu pavāraṇāya sambahulā āvāsikā bhikkhū sannipatanti, pañca vā atirekā vā. Te na jānanti ‘‘atthaññe āvāsikā bhikkhū anāgatā’’ti. Te dhammasaññino vinayasaññino vaggā samaggasaññino pavārenti. Tehi pavāritamatte athaññe āvāsikā bhikkhū āgacchanti thokatarā. Pavāritā suppvāritā, tesam santike pavāretabbaṃ. Pavāritānaṃ anāpatti.

Idha pana, bhikkhave, aññatarasmiṃ āvāse tadahu pavāraṇāya sambahulā āvāsikā bhikkhū sannipatanti, pañca vā atirekā vā. Te na jānanti ‘‘atthaññe āvāsikā bhikkhū anāgatā’’ti. Te dhammasaññino vinayasaññino vaggā samaggasaññino pavārenti. Tehi pavāritamatte, avuṭṭhitāya parisāya, athaññe āvāsikā bhikkhū āgacchanti bahutarā. Tehi, bhikkhave, bhikkhūhi puna pavāretabbaṃ. Pavāritānaṃ anāpatti.

Idha pana, bhikkhave, aññatarasmiṃ āvāse tadahu pavāraṇāya sambahulā āvāsikā bhikkhū sannipatanti, pañca vā atirekā vā. Te na jānanti ‘‘atthaññe āvāsikā bhikkhū anāgatā’’ti. Te dhammasaññino vinayasaññino vaggā samaggasaññino pavārenti. Tehi pavāritamatte, avuṭṭhitāya parisāya, athaññe āvāsikā bhikkhū āgacchanti samasamā. Pavāritā suppvāritā, tesam santike pavāretabbaṃ. Pavāritānaṃ anāpatti.

Idha pana, bhikkhave, aññatarasmiṃ āvāse tadahu pavāraṇāya sambahulā āvāsikā bhikkhū sannipatanti, pañca vā atirekā vā. Te na jānanti ‘‘atthaññe āvāsikā bhikkhū anāgatā’’ti. Te dhammasaññino vinayasaññino vaggā samaggasaññino pavārenti. Tehi pavāritamatte, avuṭṭhitāya parisāya, athaññe āvāsikā bhikkhū āgacchanti thokatarā. Pavāritā suppvāritā, tesam santike pavāretabbaṃ. Pavāritānaṃ anāpatti.

Idha pana, bhikkhave, aññatarasmiṃ āvāse tadahu pavāraṇāya sambahulā āvāsikā bhikkhū sannipatanti, pañca vā atirekā vā. Te na jānanti “atthaññe āvāsikā bhikkhū anāgatā”ti. Te dhammasaññino vinayasaññino vaggā samaggasaññino pavārenti. Tehi pavāritamatte, ekaccāya vuṭṭhitāya parisāya, athaññe āvāsikā bhikkhū āgacchanti bahutarā. Tehi, bhikkhave, bhikkhūhi puna pavāretabbaṃ. Pavāritānaṃ anāpatti.

Idha pana, bhikkhave, aññatarasmiṃ āvāse tadahu pavāraṇāya sambahulā āvāsikā bhikkhū sannipatanti, pañca vā atirekā vā. Te na jānanti “atthaññe āvāsikā bhikkhū anāgatā”ti. Te dhammasaññino vinayasaññino vaggā samaggasaññino pavārenti. Tehi pavāritamatte, ekaccāya vuṭṭhitāya parisāya, athaññe āvāsikā bhikkhū āgacchanti samasamā. Pavāritā suppavāritā, tesam santike pavāretabbaṃ. Pavāritānaṃ anāpatti.

Idha pana, bhikkhave, aññatarasmiṃ āvāse tadahu pavāraṇāya sambahulā āvāsikā bhikkhū sannipatanti, pañca vā atirekā vā. Te na jānanti “atthaññe āvāsikā bhikkhū anāgatā”ti. Te dhammasaññino vinayasaññino vaggā samaggasaññino pavārenti. Tehi pavāritamatte, ekaccāya vuṭṭhitāya parisāya, athaññe āvāsikā bhikkhū āgacchanti thokatarā. Pavāritā suppavāritā, tesam santike pavāretabbaṃ. Pavāritānaṃ anāpatti.

Idha pana, bhikkhave, aññatarasmiṃ āvāse tadahu pavāraṇāya sambahulā āvāsikā bhikkhū sannipatanti, pañca vā atirekā vā. Te na jānanti “atthaññe āvāsikā bhikkhū anāgatā”ti. Te dhammasaññino vinayasaññino vaggā samaggasaññino pavārenti. Tehi pavāritamatte, sabbāya vuṭṭhitāya parisāya, athaññe āvāsikā bhikkhū āgacchanti bahutarā. Tehi, bhikkhave, bhikkhūhi puna pavāretabbaṃ. Pavāritānaṃ anāpatti.

Idha pana, bhikkhave, aññatarasmiṃ āvāse tadahu pavāraṇāya sambahulā āvāsikā bhikkhū sannipatanti, pañca vā atirekā vā. Te na jānanti “atthaññe āvāsikā bhikkhū anāgatā”ti. Te dhammasaññino vinayasaññino vaggā samaggasaññino pavārenti. Tehi pavāritamatte, sabbāya vuṭṭhitāya parisāya, athaññe āvāsikā bhikkhū āgacchanti samasamā. Pavāritā suppavāritā, tesam santike pavāretabbaṃ. Pavāritānaṃ anāpatti.

Idha pana, bhikkhave, aññatarasmiṃ āvāse tadahu pavāraṇāya sambahulā āvāsikā bhikkhū sannipatanti, pañca vā atirekā vā. Te na jānanti “atthaññe āvāsikā bhikkhū anāgatā”ti. Te dhammasaññino vinayasaññino vaggā samaggasaññino pavārenti. Tehi pavāritamatte, sabbāya vuṭṭhitāya parisāya, athaññe āvāsikā bhikkhū āgacchanti thokatarā. Pavāritā suppavāritā, tesam santike pavāretabbaṃ. Pavāritānaṃ anāpatti.

Anāpattipannarasakaṃ niṭṭhitaṃ.

129. Vaggāvaggasaññīpannasakam

223. Idha pana, bhikkhave, aññatarasmiṃ āvāse tadahu pavāraṇāya sambahulā āvāsikā bhikkhū sannipatanti, pañca vā atirekā vā. Te jānanti “atthaññe āvāsikā bhikkhū anāgatā”ti. Te dhammasaññino vinayasaññino vaggā vaggasaññino pavārenti. Tehi pavāriyamāne athaññe āvāsikā bhikkhū āgacchanti bahutarā. Tehi, bhikkhave, bhikkhūhi puna pavāretabbaṃ. Pavāritānaṃ āpatti dukkaṭassa.

Idha pana, bhikkhave, aññatarasmiṃ āvāse tadahu pavāraṇāya sambahulā āvāsikā bhikkhū sannipatanti, pañca vā atirekā vā. Te jānanti “atthaññe āvāsikā bhikkhū anāgatā”ti. Te dhammasaññino vinayasaññino vaggā vaggasaññino pavārenti. Tehi pavāriyamāne athaññe āvāsikā bhikkhū āgacchanti samasamā. Pavāritā suppavāritā, avasesehi pavāretabbaṃ. Pavāritānaṃ āpatti dukkaṭassa.

Idha pana, bhikkhave, aññatarasmiṃ āvāse tadahu pavāraṇāya sambahulā āvāsikā bhikkhū

sannipatanti, pañca vā atirekā vā. Te jānanti “atthaññe āvāsikā bhikkhū anāgatā”ti. Te dhammasaññino vinayasaññino vaggā vaggasaññino pavārenti. Tehi pavāriyamāne athaññe āvāsikā bhikkhū āgacchanti thokatarā. Pavāritā suppvāritā, avasesehi pavāretabbaṃ. Pavāritānaṃ āpatti dukkaṭassa.

Idha pana, bhikkhave, aññatarasmiṃ āvāse tadahu pavāraṇāya sambahulā āvāsikā bhikkhū sannipatanti, pañca vā atirekā vā. Te jānanti “atthaññe āvāsikā bhikkhū anāgatā”ti. Te dhammasaññino vinayasaññino vaggā vaggasaññino pavārenti. Tehi pavāritamate, ...pe... avuṭṭhitāya parisāya...pe... ekaccāya vuṭṭhitāya parisāya...pe... sabbāya vuṭṭhitāya parisāya, athaññe āvāsikā bhikkhū āgacchanti bahutarā...pe... samasamā...pe... thokatarā. Pavāritā suppvāritā, tesam santike pavāretabbaṃ. Pavāritānaṃ āpatti dukkaṭassa.

Vaggāvaggasaññīpannarasakaṃ niṭṭhitaṃ.

130. Vematikapannarasakaṃ

224. Idha pana, bhikkhave, aññatarasmiṃ āvāse tadahu pavāraṇāya sambahulā āvāsikā bhikkhū sannipatanti, pañca vā atirekā vā. Te jānanti “atthaññe āvāsikā bhikkhū anāgatā”ti. Te “kappati nu kho amhākaṃ pavāretuṃ, na nu kho kappatī”ti vematikā pavārenti. Tehi pavāriyamāne athaññe āvāsikā bhikkhū āgacchanti bahutarā. Tehi, bhikkhave, bhikkhūhi puna pavāretabbaṃ. Pavāritānaṃ āpatti dukkaṭassa.

Idha pana, bhikkhave, aññatarasmiṃ āvāse tadahu pavāraṇāya sambahulā āvāsikā bhikkhū sannipatanti, pañca vā atirekā vā. Te jānanti “atthaññe āvāsikā bhikkhū anāgatā”ti. Te “kappati nu kho amhākaṃ pavāretuṃ, na nu kho kappatī”ti vematikā pavārenti. Tehi pavāriyamāne athaññe āvāsikā bhikkhū āgacchanti samasamā. Pavāritā suppvāritā, avasesehi pavāretabbaṃ. Pavāritānaṃ āpatti dukkaṭassa.

Idha pana, bhikkhave, aññatarasmiṃ āvāse tadahu pavāraṇāya sambahulā āvāsikā bhikkhū sannipatanti, pañca vā atirekā vā. Te jānanti “atthaññe āvāsikā bhikkhū anāgatā”ti. Te “kappati nu kho amhākaṃ pavāretuṃ, na nu kho kappatī”ti vematikā pavārenti. Tehi pavāriyamāne athaññe āvāsikā bhikkhū āgacchanti thokatarā. Pavāritā suppvāritā, avasesehi pavāretabbaṃ. Pavāritānaṃ āpatti dukkaṭassa.

Idha pana, bhikkhave, aññatarasmiṃ āvāse tadahu pavāraṇāya sambahulā āvāsikā bhikkhū sannipatanti, pañca vā atirekā vā. Te jānanti “atthaññe āvāsikā bhikkhū anāgatā”ti. Te “kappati nu kho amhākaṃ pavāretuṃ, na nu kho kappatī”ti vematikā pavārenti. Tehi pavāritamate...pe... avuṭṭhitāya parisāya...pe... ekaccāya vuṭṭhitāya parisāya...pe... sabbāya vuṭṭhitāya parisāya, athaññe āvāsikā bhikkhū āgacchanti bahutarā...pe... samasamā...pe... thokatarā. Pavāritā suppvāritā, tesam santike pavāretabbaṃ. Pavāritānaṃ āpatti dukkaṭassa.

Vematikapannarasakaṃ niṭṭhitaṃ.

131. Kukkuccapakatapanarasakaṃ

225. Idha pana, bhikkhave, aññatarasmiṃ āvāse tadahu pavāraṇāya sambahulā āvāsikā bhikkhū sannipatanti, pañca vā atirekā vā. Te jānanti “atthaññe āvāsikā bhikkhū anāgatā”ti. Te “kappateva amhākaṃ pavāretuṃ, nāmhākaṃ na kappatī”ti kukkuccapakatā pavārenti. Tehi pavāriyamāne athaññe āvāsikā bhikkhū āgacchanti bahutarā. Tehi, bhikkhave, bhikkhūhi puna pavāretabbaṃ. Pavāritānaṃ āpatti dukkaṭassa.

Idha pana, bhikkhave, aññatarasmiṃ āvāse tadahu pavāraṇāya sambahulā āvāsikā bhikkhū sannipatanti, pañca vā atirekā vā. Te jānanti “atthaññe āvāsikā bhikkhū anāgatā”ti. Te “kappateva amhākaṃ pavāretuṃ, nāmhākaṃ na kappatī”ti kukkucapakatā pavārenti. Tehi pavāriyamāne athaññe āvāsikā bhikkhū āgacchanti samasamā. Pavāritā suppvāritā, avasesehi pavāretabbaṃ. Pavāritānaṃ āpatti dukkaṭassa.

Idha pana, bhikkhave, aññarasmiṃ āvāse tadahu pavāraṇāya sambahulā āvāsikā bhikkhū sannipatanti, pañca vā atirekā vā. Te jānanti “atthaññe āvāsikā bhikkhū anāgatā”ti. Te “kappateva amhākaṃ pavāretuṃ, nāmhākaṃ na kappatī”ti kukkucapakatā pavārenti. Tehi pavāriyamāne athaññe āvāsikā bhikkhū āgacchanti thokatarā. Pavāritā suppvāritā, avasesehi [avasesehi tesam santike (ka.)] pavāretabbaṃ. Pavāritānaṃ āpatti dukkaṭassa.

Idha pana, bhikkhave, aññatarasmiṃ āvāse tadahu pavāraṇāya sambahulā āvāsikā bhikkhū sannipatanti, pañca vā atirekā vā. Te jānanti “atthaññe āvāsikā bhikkhū anāgatā”ti. Te “kappateva amhākaṃ pavāretuṃ, nāmhākaṃ na kappatī”ti kukkucapakatā pavārenti. Tehi pavāritamatte,...pe... avuṭṭhitāya parisāya...pe... ekaccāya vuṭṭhitāya parisāya...pe... sabbāya vuṭṭhitāya parisāya, athaññe āvāsikā bhikkhū āgacchanti bahutarā...pe... samasamā...pe... thokatarā. Pavāritā suppvāritā, tesam santike pavāretabbaṃ. Pavāritānaṃ āpatti dukkaṭassa.

Kukkucapakatapanarasakaṃ niṭṭhitam.

132. Bhedapurekkhārapannarasakaṃ

226. Idha pana, bhikkhave, aññatarasmiṃ āvāse tadahu pavāraṇāya sambahulā āvāsikā bhikkhū sannipatanti, pañca vā atirekā vā. Te jānanti “atthaññe āvāsikā bhikkhū anāgatā”ti. Te “nassantete, vinassantete, ko tehi attho”ti bhedapurekkhārā pavārenti. Tehi pavāriyamāne athaññe āvāsikā bhikkhū āgacchanti bahutarā. Tehi, bhikkhave, bhikkhūhi puna pavāretabbaṃ. Pavāritānaṃ āpatti thullaccayassa.

Idha pana, bhikkhave, aññatarasmiṃ āvāse tadahu pavāraṇāya sambahulā āvāsikā bhikkhū sannipatanti, pañca vā atirekā vā. Te jānanti “atthaññe āvāsikā bhikkhū anāgatā”ti. Te “nassantete, vinassantete, ko tehi attho”ti bhedapurekkhārā pavārenti. Tehi pavāriyamāne athaññe āvāsikā bhikkhū āgacchanti samasamā. Pavāritā suppvāritā, avasesehi pavāretabbaṃ. Pavāritānaṃ āpatti thullaccayassa.

Idha pana, bhikkhave, aññatarasmiṃ āvāse tadahu pavāraṇāya sambahulā āvāsikā bhikkhū sannipatanti, pañca vā atirekā vā. Te jānanti “atthaññe āvāsikā bhikkhū anāgatā”ti. Te “nassantete, vinassantete, ko tehi attho”ti – bhedapurekkhārā pavārenti. Tehi pavāriyamāne athaññe āvāsikā bhikkhū āgacchanti thokatarā. Pavāritā suppvāritā, avasesehi pavāretabbaṃ. Pavāritānaṃ āpatti thullaccayassa.

Idha pana, bhikkhave, aññatarasmiṃ āvāse tadahu pavāraṇāya sambahulā āvāsikā bhikkhū sannipatanti, pañca vā atirekā vā. Te jānanti “atthaññe āvāsikā bhikkhū anāgatā”ti. Te “nassantete, vinassantete, ko tehi attho”ti – bhedapurekkhārā pavārenti. Tehi pavāritamatte athaññe āvāsikā bhikkhū āgacchanti bahutarā, tehi bhikkhave bhikkhūhi puna pavāretabbaṃ, pavāritānaṃ āpatti thullaccayassa.

Idha pana, bhikkhave, aññatarasmiṃ āvāse tadahu pavāraṇāya sambahulā āvāsikā bhikkhū sannipatanti, pañca vā atirekā vā. Te jānanti “atthaññe āvāsikā bhikkhū anāgatā”ti. Te “nassantete, vinassantete, ko tehi attho”ti bhedapurekkhārā pavārenti. Tehi pavāritamatte athaññe āvāsikā bhikkhū āgacchanti samasamā. Pavāritā suppvāritā, tesam santike pavāretabbaṃ. Pavāritānaṃ āpatti thullaccayassa.

Idha pana, bhikkhave, aññatarasmiṃ āvāse tadahu pavāraṇāya sambahulā āvāsikā bhikkhū sannipatanti, pañca vā atirekā vā. Te jānanti “atthaññe āvāsikā bhikkhū anāgatā”ti. Te “nassantete,

vinassantete, ko tehi attho’’ti bhedapurekkhārā pavārenti. Tehi pavāritamatte athaññe āvāsikā bhikkhū āgacchanti thokatarā. Pavāritā suppvāritā, tesam santike pavāretabbaṃ. Pavāritānaṃ āpatti thullaccayassa.

Idha pana, bhikkhave, aññatarasmiṃ āvāse tadahu pavāraṇāya sambahulā āvāsikā bhikkhū sannipatanti, pañca vā atirekā vā. Te jānanti “atthaññe āvāsikā bhikkhū anāgatā’’ti. Te “nassantete, vinassantete, ko tehi attho’’ti bhedapurekkhārā pavārenti. Tehi pavāritamatte, avuṭṭhitāya parisāya, athaññe āvāsikā bhikkhū āgacchanti bahutarā. Tehi, bhikkhave, bhikkhūhi puna pavāretabbaṃ. Pavāritānaṃ āpatti thullaccayassa.

Idha pana, bhikkhave, aññatarasmiṃ āvāse tadahu pavāraṇāya sambahulā āvāsikā bhikkhū sannipatanti, pañca vā atirekā vā. Te jānanti “atthaññe āvāsikā bhikkhū anāgatā’’ti. Te “nassantete, vinassantete, ko tehi attho’’ti bhedapurekkhārā pavārenti. Tehi pavāritamatte, avuṭṭhitāya parisāya, athaññe āvāsikā bhikkhū āgacchanti samasamā. Pavāritā suppvāritā, tesam santike pavāretabbaṃ. Pavāritānaṃ āpatti thullaccayassa.

Idha pana, bhikkhave, aññatarasmiṃ āvāse tadahu pavāraṇāya sambahulā āvāsikā bhikkhū sannipatanti, pañca vā atirekā vā. Te jānanti “atthaññe āvāsikā bhikkhū anāgatā’’ti. Te “nassantete, vinassantete, ko tehi attho’’ti bhedapurekkhārā pavārenti. Tehi pavāritamatte, avuṭṭhitāya parisāya, athaññe āvāsikā bhikkhū āgacchanti thokatarā. Pavāritā suppvāritā, tesam santike pavāretabbaṃ. Pavāritānaṃ āpatti thullaccayassa.

Idha pana, bhikkhave, aññatarasmiṃ āvāse tadahu pavāraṇāya sambahulā āvāsikā bhikkhū sannipatanti, pañca vā atirekā vā. Te jānanti “atthaññe āvāsikā bhikkhū anāgatā’’ti. Te “nassantete, vinassantete, ko tehi attho’’ti bhedapurekkhārā pavārenti. Tehi pavāritamatte, ekaccāya vuṭṭhitāya parisāya, athaññe āvāsikā bhikkhū āgacchanti bahutarā. Tehi, bhikkhave, bhikkhūhi puna pavāretabbaṃ. Pavāritānaṃ āpatti thullaccayassa.

Idha pana, bhikkhave, aññatarasmiṃ āvāse tadahu pavāraṇāya sambahulā āvāsikā bhikkhū sannipatanti, pañca vā atirekā vā. Te jānanti “atthaññe āvāsikā bhikkhū anāgatā’’ti. Te “nassantete, vinassantete, ko tehi attho’’ti bhedapurekkhārā pavārenti. Tehi pavāritamatte, ekaccāya vuṭṭhitāya parisāya, athaññe āvāsikā bhikkhū āgacchanti samasamā. Pavāritā suppvāritā, tesam santike pavāretabbaṃ. Pavāritānaṃ āpatti thullaccayassa.

Idha pana, bhikkhave, aññatarasmiṃ āvāse tadahu pavāraṇāya sambahulā āvāsikā bhikkhū sannipatanti, pañca vā atirekā vā. Te jānanti “atthaññe āvāsikā bhikkhū anāgatā’’ti. Te “nassantete, vinassantete, ko tehi attho’’ti bhedapurekkhārā pavārenti. Tehi pavāritamatte, ekaccāya vuṭṭhitāya parisāya, athaññe āvāsikā bhikkhū āgacchanti thokatarā. Pavāritā suppvāritā, tesam santike pavāretabbaṃ. Pavāritānaṃ āpatti thullaccayassa.

Idha pana, bhikkhave, aññatarasmiṃ āvāse tadahu pavāraṇāya sambahulā āvāsikā bhikkhū sannipatanti, pañca vā atirekā vā. Te jānanti “atthaññe āvāsikā bhikkhū anāgatā’’ti. Te “nassantete, vinassantete, ko tehi attho’’ti bhedapurekkhārā pavārenti. Tehi pavāritamatte, sabbāya vuṭṭhitāya parisāya, athaññe āvāsikā bhikkhū āgacchanti bahutarā. Tehi, bhikkhave, bhikkhūhi puna pavāretabbaṃ. Pavāritānaṃ āpatti thullaccayassa.

Idha pana, bhikkhave, aññatarasmiṃ āvāse tadahu pavāraṇāya sambahulā āvāsikā bhikkhū sannipatanti, pañca vā atirekā vā. Te jānanti “atthaññe āvāsikā bhikkhū anāgatā’’ti. Te “nassantete, vinassantete, ko tehi attho’’ti bhedapurekkhārā pavārenti. Tehi pavāritamatte, sabbāya vuṭṭhitāya parisāya, athaññe āvāsikā bhikkhū āgacchanti samasamā. Pavāritā suppvāritā, tesam santike pavāretabbaṃ. Pavāritānaṃ āpatti thullaccayassa.

Idha pana, bhikkhave, aññatarasmiṃ āvāse tadahu pavāraṇāya sambahulā āvāsikā

Bhikkhū sannipatanti, pañca vā atirekā vā. Te jānanti “atthaññe āvāsikā bhikkhū anāgatā”ti. Te “nassantete, vinassantete, ko tehi attho”ti bhedapurekkhārā pavārenti. Tehi pavāritamatte, sabbāya vuṭṭhitāya parisāya, atthaññe āvāsikā bhikkhū āgacchanti thokatarā. Pavāritā suppvāritā, tesam santike pavāretabbaṃ. Pavāritānaṃ āpatti thullaccayassa.

Bhedapurekkhārapannarasakaṃ niṭṭhitaṃ.

Pañcavīsattikā niṭṭhitā.

133. Sīmottantikapeyyālaṃ

227. Idha pana, bhikkhave, aññatarasmiṃ āvāse tadahu pavāraṇāya sambahulā āvāsikā bhikkhū sannipatanti, pañca vā atirekā vā. Te na jānanti “aññe āvāsikā bhikkhū antosīmaṃ okkamantī”ti...pe... te na jānanti “aññe āvāsikā bhikkhū antosīmaṃ okkantā”ti...pe... te na passanti aññe āvāsike bhikkhū antosīmaṃ okkamante...pe... te na passanti aññe āvāsike bhikkhū antosīmaṃ okkante...pe... te na suṇanti “aññe āvāsikā bhikkhū antosīmaṃ okkamantī”ti...pe... te na suṇanti “aññe āvāsikā bhikkhū antosīmaṃ okkantā”ti...pe....

Āvāsikena āvāsikā ekasatapañcasattati tikanayato, āvāsikena āgantukā, āgantukena āvāsikā, āgantukena āgantukā, peyyālamukhena satta tikasatāni honti.

Sīmokkantikapēyyālaṃ niṭṭhitaṃ.

134. Divasanānattaṃ

228. Idha pana, bhikkhave, āvāsikānaṃ bhikkhūnaṃ cātuddaso hoti, āgantukānaṃ pannaraso. Sace āvāsikā bahutarā honti, āgantukehi āvāsikānaṃ anuvattitabbaṃ. Sace samasamā honti, āgantukehi āvāsikānaṃ anuvattitabbaṃ. Sace āgantukā bahutarā honti, āvāsikehi āgantukānaṃ anuvattitabbaṃ.

Idha pana, bhikkhave, āvāsikānaṃ bhikkhūnaṃ pannaraso hoti, āgantukānaṃ cātuddaso. Sace āvāsikā bahutarā honti, āgantukehi āvāsikānaṃ anuvattitabbaṃ. Sace samasamā honti, āgantukehi āvāsikānaṃ anuvattitabbaṃ. Sace āgantukā bahutarā honti, āvāsikehi āgantukānaṃ anuvattitabbaṃ.

Idha pana, bhikkhave, āvāsikānaṃ bhikkhūnaṃ pāṭipado hoti, āgantukānaṃ pannaraso. Sace āvāsikā bahutarā honti, āvāsikehi āgantukānaṃ nākāmā dātabbā sāmaggī; āgantukehi nissīmaṃ gantvā pavāretabbaṃ. Sace samasamā honti, āvāsikehi āgantukānaṃ nākāmā dātabbā sāmaggī; āgantukehi nissīmaṃ gantvā pavāretabbaṃ. Sace āgantukā bahutarā honti, āvāsikehi āgantukānaṃ sāmaggī vā dātabbā, nissīmaṃ vā gantabbaṃ.

Idha pana, bhikkhave, āvāsikānaṃ bhikkhūnaṃ pannaraso hoti, āgantukānaṃ pāṭipado. Sace āvāsikā bahutarā honti, āgantukehi āvāsikānaṃ sāmaggī vā dātabbā, nissīmaṃ vā gantabbaṃ. Sace samasamā honti, āgantukehi āvāsikānaṃ sāmaggī vā dātabbā, nissīmaṃ vā gantabbaṃ. Sace āgantukā bahutarā honti, āgantukehi āvāsikānaṃ nākāmā dātabbā sāmaggī; āvāsikehi nissīmaṃ gantvā pavāretabbaṃ.

Divasanānattaṃ niṭṭhitaṃ.

135. Liṅgādidassanaṃ

229. Idha pana, bhikkhave, āgantukā bhikkhū passanti āvāsikānaṃ bhikkhūnaṃ āvāsikākāraṃ, āvāsikalingaṃ, āvāsikanimittaṃ, āvāsikuddesaṃ, suppaññattaṃ mañcapīṭhaṃ bhisibibbohanaṃ, pānīyaṃ paribhojanīyaṃ sapaṭṭhitaṃ, pariveṇaṃ susammaṭṭhaṃ; passitvā vematikā honti – “atthi nu kho āvāsikā bhikkhū, natthi nu kho”’ti. Te vematikā na vicinanti, avicinitvā pavārenti. Āpatti dukkaṭassa...pe... te vematikā vicinanti, vicinitvā na passanti, apassitvā pavārenti. Anāpatti. Te vematikā vicinanti, vicinitvā passanti, passitvā ekato pavārenti. Anāpatti. Te vematikā vicinanti, vicinitvā passanti, passitvā pāṭekkaṃ pavārenti. Āpatti dukkaṭassa. Te vematikā vicinanti, vicinitvā passanti, passitvā – “nassantete, vinassantete, ko tehi attho”’ti – bhedapurekkhārā pavārenti. Āpatti thullaccayassa.

Idha pana, bhikkhave, āgantukā bhikkhū suṇanti āvāsikānaṃ bhikkhūnaṃ āvāsikākāraṃ, āvāsikalingaṃ, āvāsikanimittaṃ, āvāsikuddesaṃ, caṅkamantānaṃ padasaddaṃ, sajjhāyasaddaṃ, ukkāsitāsaddaṃ, khipitasaddaṃ; sutvā vematikā honti – “atthi nu kho āvāsikā bhikkhū, natthi nu kho”’ti. Te vematikā na vicinanti, avicinitvā pavārenti. Āpatti dukkaṭassa. Te vematikā vicinanti, vicinitvā na passanti, apassitvā pavārenti. Anāpatti. Te vematikā vicinanti, vicinitvā passanti, passitvā ekato pavārenti. Anāpatti. Te vematikā vicinanti, vicinitvā passanti, passitvā pāṭekkaṃ pavārenti. Āpatti dukkaṭassa. Te vematikā vicinanti, vicinitvā passanti, passitvā – “nassantete, vinassantete, ko tehi attho”’ti bhedapurekkhārā pavārenti. Āpatti thullaccayassa.

Idha pana, bhikkhave, āvāsikā bhikkhū passanti āgantukānaṃ bhikkhūnaṃ āgantukākāraṃ, āgantukalingaṃ, āgantukanimittaṃ, āgantukuddesaṃ, aññātakamaṃ pattamaṃ, aññātakamaṃ cīvaramaṃ, aññātakamaṃ nisīdanaṃ, pādānaṃ dhotamaṃ, udakanissekamaṃ; passitvā vematikā honti – “atthi nu kho āgantukā bhikkhū, natthi nu kho”’ti. Te vematikā na vicinanti, avicinitvā pavārenti. Āpatti dukkaṭassa. Te vematikā vicinanti, vicinitvā na passanti, apassitvā pavārenti. Anāpatti. Te vematikā vicinanti, vicinitvā passanti, passitvā ekato pavārenti. Anāpatti. Te vematikā vicinanti, vicinitvā passanti, passitvā pāṭekkaṃ pavārenti. Āpatti dukkaṭassa. Te vematikā vicinanti, vicinitvā passanti, passitvā – nassantete, vinassantete, ko tehi attho – bhedapurekkhārā pavārenti. Āpatti thullaccayassa.

Idha pana, bhikkhave, āvāsikā bhikkhū suṇanti āgantukānaṃ bhikkhūnaṃ āgantukākāraṃ,

Āgantukalingaṃ, āgantukanimittaṃ, āgantukuddesaṃ, āgacchantānaṃ padasaddaṃ, upāhanapapphoṭanasaddaṃ, ukkāsitāsaddaṃ, khipitasaddaṃ; sutvā vematikā honti – “atthi nu kho āgantukā bhikkhū, natthi nu kho”’ti. Te vematikā na vicinanti, avicinitvā pavārenti. Āpatti dukkaṭassa. Te vematikā vicinanti, vicinitvā na passanti, apassitvā pavārenti. Anāpatti. Te vematikā vicinanti, vicinitvā passanti, passitvā ekato pavārenti. Anāpatti. Te vematikā vicinanti, vicinitvā passanti, passitvā pāṭekkaṃ pavārenti. Āpatti dukkaṭassa. Te vematikā vicinanti, vicinitvā passanti, passitvā – nassantete, vinassantete, ko tehi attho – bhedapurekkhārā pavārenti. Āpatti thullaccayassa.

Lingādidassanaṃ niṭṭhitaṃ.

136. Nānāsaṃvāsakādīhi pavāraṇā

230. Idha pana, bhikkhave, āgantukā bhikkhū passanti āvāsike bhikkhū nānāsaṃvāsake. Te samānasaṃvāsakadiṭṭhiṃ paṭilabhanti, samānasaṃvāsakadiṭṭhiṃ paṭilabhitvā na pucchanti, apucchitvā ekato pavārenti. Anāpatti. Te pucchanti, pucchitvā nābhivitaranti, anabhivitaritvā ekato pavārenti. Āpatti dukkaṭassa. Te pucchanti, pucchitvā nābhivitaranti, anabhivitaritvā pāṭekkaṃ pavārenti. Anāpatti.

Idha pana, bhikkhave, āgantukā bhikkhū passanti āvāsike bhikkhū samānasaṃvāsake. Te nānāsaṃvāsakadiṭṭhiṃ paṭilabhanti, nānāsaṃvāsakadiṭṭhiṃ paṭilabhitvā na pucchanti, apucchitvā ekato pavārenti. Āpatti dukkaṭassa. Te pucchanti, pucchitvā abhivitaranti, abhivitaritvā pāṭekkaṃ pavārenti. Āpatti dukkaṭassa. Te pucchanti, pucchitvā abhivitaranti, abhivitaritvā ekato pavārenti. Anāpatti.

Idha pana, bhikkhave, āvāsikā bhikkhū passanti āgantuke bhikkhū nānāsaṃvāsake. Te samānasaṃvāsakadiṭṭhiṃ paṭilabhanti, samānasaṃvāsakadiṭṭhiṃ paṭilabhivā na pucchanti, apucchitvā ekato pavārenti. Anāpatti. Te pucchanti, pucchitvā nābhivitaranti, anabhivitaritvā ekato pavārenti. Āpatti dukkaṭassa. Te pucchanti, pucchitvā nābhivitaranti, anabhivitaritvā pāṭekkaṃ pavārenti. Anāpatti.

Idha pana, bhikkhave, āvāsikā bhikkhū passanti āgantuke bhikkhū samānasaṃvāsake. Te nānāsaṃvāsakadiṭṭhiṃ paṭilabhanti, nānāsaṃvāsakadiṭṭhiṃ paṭilabhivā na pucchanti, apucchitvā ekato pavārenti. Āpatti dukkaṭassa. Te pucchanti, pucchitvā bhivitaranti, bhivitaritvā pāṭekkaṃ pavārenti. Āpatti dukkaṭassa. Te pucchanti, pucchitvā bhivitaranti, bhivitaritvā ekato pavārenti. Anāpatti.

Nānāsaṃvāsakādīhi pavāraṇā niṭṭhitā.

137. Na gantabbavāro

231. Na, bhikkhave, tadahu pavāraṇāya sabhikkhukā āvāsā abhikkhuko āvāso gantabbo, aññatra saṅghena, aññatra antarāyā. Na, bhikkhave, tadahu pavāraṇāya sabhikkhukā āvāsā abhikkhuko anāvāso gantabbo, aññatra saṅghena, aññatra antarāyā. Na, bhikkhave, tadahu pavāraṇāya sabhikkhukā āvāsā abhikkhuko āvāso vā anāvāso vā gantabbo, aññatra saṅghena, aññatra antarāyā.

Na, bhikkhave, tadahu pavāraṇāya sabhikkhukā anāvāsā abhikkhuko āvāso gantabbo, aññatra saṅghena, aññatra antarāyā. Na, bhikkhave, tadahu pavāraṇāya sabhikkhukā anāvāsā abhikkhuko anāvāso gantabbo, aññatra saṅghena, aññatra antarāyā. Na, bhikkhave, tadahu pavāraṇāya sabhikkhukā anāvāsā abhikkhuko āvāso vā anāvāso vā gantabbo, aññatra saṅghena, aññatra antarāyā.

Na, bhikkhave, tadahu pavāraṇāya sabhikkhukā āvāsā vā anāvāsā vā abhikkhuko āvāso gantabbo, aññatra saṅghena, aññatra antarāyā. Na, bhikkhave, tadahu pavāraṇāya sabhikkhukā āvāsā vā anāvāsā vā abhikkhuko anāvāso gantabbo, aññatra saṅghena, aññatra antarāyā. Na, bhikkhave, tadahu pavāraṇāya sabhikkhukā āvāsā vā anāvāsā vā abhikkhuko āvāso vā anāvāso vā gantabbo, aññatra saṅghena, aññatra antarāyā.

Na, bhikkhave, tadahu pavāraṇāya sabhikkhukā āvāsā sabhikkhuko āvāso gantabbo, yathassu bhikkhū nānāsaṃvāsakā, aññatra saṅghena, aññatra antarāyā. Na, bhikkhave, tadahu pavāraṇāya sabhikkhukā āvāsā sabhikkhuko anāvāso gantabbo, yathassu bhikkhū nānāsaṃvāsakā, aññatra saṅghena, aññatra antarāyā. Na, bhikkhave, tadahu pavāraṇāya sabhikkhukā āvāsā sabhikkhuko āvāso vā anāvāso vā gantabbo, yathassu bhikkhū nānāsaṃvāsakā, aññatra saṅghena, aññatra antarāyā.

Na, bhikkhave, tadahu pavāraṇāya sabhikkhukā anāvāsā sabhikkhuko āvāso gantabbo, yathassu bhikkhū nānāsaṃvāsakā, aññatra saṅghena, aññatra antarāyā. Na, bhikkhave, tadahu pavāraṇāya sabhikkhukā anāvāsā sabhikkhuko anāvāso gantabbo, yathassu bhikkhū nānāsaṃvāsakā, aññatra saṅghena, aññatra antarāyā. Na, bhikkhave, tadahu pavāraṇāya sabhikkhukā anāvāsā sabhikkhuko āvāso vā anāvāso vā gantabbo, yathassu bhikkhū nānāsaṃvāsakā, aññatra saṅghena, aññatra antarāyā.

Na, bhikkhave, tadahu pavāraṇāya sabhikkhukā āvāsā vā anāvāsā

Vā sabhikkhuko āvāso gantabbo, yathassu bhikkhū nānāsaṃvāsakā, aññatra saṅghena, aññatra antarāyā. Na, bhikkhave, tadahu pavāraṇāya sabhikkhukā āvāsā vā anāvāsā vā sabhikkhuko anāvāso gantabbo, yathassu bhikkhū nānāsaṃvāsakā, aññatra saṅghena, aññatra antarāyā. Na, bhikkhave, tadahu pavāraṇāya sabhikkhukā āvāsā vā anāvāsā vā sabhikkhuko āvāso vā anāvāso vā gantabbo, yathassu bhikkhū nānāsaṃvāsakā, aññatra saṅghena, aññatra antarāyā.

Na gantabbavāro niṭṭhito.

138. Gantabbavāro

232. Gantabbo, bhikkhave, tadahu pavāraṇāya sabhikkhukā āvāsā sabhikkhuko āvāso, yatthassu bhikkhū samānasamvāsakā, yaṃ jaññā “sakkomi ajjeva gantu”nti. Gantabbo, bhikkhave, tadahu pavāraṇāya sabhikkhukā āvāsā sabhikkhuko anāvāso...pe... sabhikkhuko āvāso vā anāvāso vā, yatthassu bhikkhū samānasamvāsakā, yaṃ jaññā “sakkomi ajjeva gantu”nti.

Gantabbo, bhikkhave, tadahu pavāraṇāya sabhikkhukā anāvāsā sabhikkhuko āvāso...pe... sabhikkhuko anāvāso...pe... sabhikkhuko āvāso vā anāvāso vā, yatthassu bhikkhū samānasamvāsakā, yaṃ jaññā “sakkomi ajjeva gantu”nti.

Gantabbo, bhikkhave, tadahu pavāraṇāya sabhikkhukā āvāsā vā anāvāsā vā sabhikkhuko

Āvāso...pe... sabhikkhuko anāvāso...pe... sabhikkhuko āvāso vā anāvāso vā, yatthassu bhikkhū samānasamvāsakā, yaṃ jaññā “sakkomi ajjeva gantu”nti.

Gantabbavāro niṭṭhito.

139. Vajjanīyapuggalasandassanā

233. Na, bhikkhave, bhikkhuniyā nisinnāparisāya pavāretabbaṃ. Yo pavāreyya, āpatti dukkaṭassa. Na, bhikkhave, sikkhamānāya...pe... na sāmaṇerassa...pe... na sāmaṇeriyā...pe... na sikkhaṃ paccakkhātakassa...pe... na antimavatthuṃ ajjhāpannakassa nisinnāparisāya pavāretabbaṃ. Yo pavāreyya, āpatti dukkaṭassa.

Na āpattiyā adassane ukkhittakassa nisinnāparisāya pavāretabbaṃ. Yo pavāreyya, yathādhammo kāretabbo. Na āpattiyā appaṭikamme ukkhittakassa...pe... na pāpikāya diṭṭhiyā appaṭinissagge ukkhittakassa nisinnāparisāya pavāretabbaṃ. Yo pavāreyya, yathādhammo kāretabbo.

Na paṇḍakassa nisinnāparisāya pavāretabbaṃ. Yo pavāreyya, āpatti dukkaṭassa. Na theyyasamvāsakassa...pe... na titthiyapakkantakassa...pe... na tiracchānagatassa...pe... na mātughātakassa...pe... na pitughātakassa...pe... na arahantaghātakassa...pe... na bhikkhunidūsakassa...pe... na saṅghabhedakassa...pe... na lohittupādakassa...pe... na ubhatobyañjanakassa nisinnāparisāya pavāretabbaṃ. Yo pavāreyya, āpatti dukkaṭassa.

Na, bhikkhave, pārivāsikapavāraṇādānena pavāretabbaṃ, aññatra avuṭṭhitāya parisāya. Na ca, bhikkhave, appavāraṇāya pavāretabbaṃ, aññatra saṅghasāmaggiyāti.

Vajjanīyapuggalasandassanā niṭṭhitā.

Dutiyabhānavāro niṭṭhito.

140. Dvēvācīkāḍipavāraṇā

234. Tena kho pana samayena kosalesu janapade aññatarasmim āvāse tadahu pavāraṇāya savarabhayaṃ ahosi. Bhikkhū nāsakkhiṃsu tevdācīkaṃ pavāretuṃ. Bhagavato etamatthaṃ ārocesuṃ. Anujānāmi, bhikkhave, dvēvācīkaṃ pavāretunti.

Bālhataraṃ savarabhayaṃ ahosi. Bhikkhū nāsakkhiṃsu dvēvācīkaṃ pavāretuṃ. Bhagavato etamatthaṃ ārocesuṃ. Anujānāmi, bhikkhave, ekavācīkaṃ pavāretunti.

Bālhataraṃ savarabhayaṃ ahoṣi. Bhikkhū nāsakkhimsu ekavācikaṃ pavāretuṃ. Bhagavato etamatthaṃ ārocesuṃ. Anujānāmi, bhikkhave, samānavassikaṃ pavāretunti.

Tena kho pana samayena aññatarasmim āvāse tadahu pavāraṇāya manussehi dānaṃ dentehi yebhuyyena ratti khepitā hoti. Atha kho tesam bhikkhūnaṃ etadahosi – “manussehi dānaṃ dentehi yebhuyyena ratti khepitā. Sace saṅgho tevācikaṃ pavāressati, appavāritova saṅgho bhavissati, athāyaṃ ratti vibhāyissati. Kathaṃ nu kho amhehi paṭipajjitabba’nti? Bhagavato etamatthaṃ ārocesuṃ. Idha pana, bhikkhave, aññatarasmim āvāse tadahu pavāraṇāya manussehi dānaṃ dentehi yebhuyyena ratti khepitā hoti. Tatra ce, bhikkhave, bhikkhūnaṃ evaṃ hoti – “manussehi dānaṃ dentehi yebhuyyena ratti khepitā. Sace saṅgho tevācikaṃ pavāressati, appavāritova saṅgho bhavissati, athāyaṃ ratti vibhāyissati’”ti, byattena bhikkhunā paṭibalena saṅgho ñāpetabbo –

“Suṇātu me, bhante, saṅgho. Manussehi dānaṃ dentehi yebhuyyena ratti khepitā. Sace saṅgho tevācikaṃ pavāressati, appavāritova saṅgho bhavissati, athāyaṃ ratti vibhāyissati. Yadi saṅghassa pattakallaṃ, saṅgho dhevācikaṃ, ekavācikaṃ, samānavassikaṃ pavāreyyā’”ti.

Idha pana, bhikkhave, aññatarasmim āvāse tadahu pavāraṇāya bhikkhūhi dhammaṃ bhaṇantehi... pe... suttantikehi suttantaṃ saṅgāyantehi... vinayadharehi vinayaṃ vinicchinantehi... dhammakathikehi dhammaṃ sākacchantehi... bhikkhūhi kalahaṃ karontehi yebhuyyena ratti khepitā hoti. Tatra ce bhikkhūnaṃ evaṃ hoti – “bhikkhūhi kalahaṃ karontehi yebhuyyena ratti khepitā. Sace saṅgho tevācikaṃ pavāressati, appavāritova saṅgho bhavissati, athāyaṃ ratti vibhāyissati’”ti, byattena bhikkhunā paṭibalena saṅgho ñāpetabbo –

“Suṇātu me, bhante, saṅgho. Bhikkhūhi kalahaṃ karontehi yebhuyyena ratti khepitā. Sace saṅgho tevācikaṃ pavāressati, appavāritova saṅgho bhavissati, athāyaṃ ratti vibhāyissati. Yadi saṅghassa pattakallaṃ, saṅgho dhevācikaṃ, ekavācikaṃ, samānavassikaṃ pavāreyyā’”ti.

Tena kho pana samayena kosalesu janapade aññatarasmim āvāse tadahu pavāraṇāya mahābhikkhusaṅgho sannipatito hoti, parittaṅca anovassikaṃ [anovassakaṃ (ka.)] hoti, mahā ca megho uggato hoti. Atha kho tesam bhikkhūnaṃ etadahosi – “ayaṃ kho mahābhikkhusaṅgho sannipatito, parittaṅca anovassikaṃ, mahā ca megho uggato. Sace saṅgho tevācikaṃ pavāressati, appavāritova saṅgho bhavissati, athāyaṃ megho pavassissati. Kathaṃ nu kho amhehi paṭipajjitabba’nti? Bhagavato etamatthaṃ ārocesuṃ. Idha pana, bhikkhave, aññatarasmim āvāse tadahu pavāraṇāya mahābhikkhusaṅgho sannipatito hoti, parittaṅca anovassikaṃ hoti, mahā ca megho uggato hoti. Tatra ce bhikkhūnaṃ evaṃ hoti – “ayaṃ kho mahābhikkhusaṅgho sannipatito, parittaṅca anovassikaṃ, mahā ca megho uggato. Sace saṅgho tevācikaṃ pavāressati, appavāritova saṅgho bhavissati, athāyaṃ megho pavassissati’”ti. Byattena bhikkhunā paṭibalena saṅgho ñāpetabbo –

“Suṇātu me, bhante, saṅgho. Ayaṃ mahābhikkhusaṅgho sannipatito, parittaṅca anovassikaṃ, mahā ca megho uggato. Sace saṅgho tevācikaṃ pavāressati, appavāritova saṅgho bhavissati, athāyaṃ megho pavassissati. Yadi saṅghassa pattakallaṃ, saṅgho dhevācikaṃ, ekavācikaṃ, samānavassikaṃ pavāreyyā’”ti.

Idha pana, bhikkhave, aññatarasmim āvāse tadahu pavāraṇāya rājantarāyo hoti...pe... corantarāyo hoti... agyantarāyo hoti... udakantarāyo hoti... manussantarāyo hoti... amanussantarāyo hoti... vāḷantarāyo hoti... sarīsapantarāyo hoti... jīvitantarāyo hoti... brahmacariyantarāyo hoti. Tatra ce bhikkhūnaṃ evaṃ hoti – “ayaṃ kho, brahmacariyantarāyo. Sace saṅgho tevācikaṃ pavāressati, appavāritova saṅgho bhavissati, athāyaṃ brahmacariyantarāyo bhavissati’”ti, byattena bhikkhunā paṭibalena saṅgho ñāpetabbo –

“Suṇātu me, bhante, saṅgho. Ayaṃ brahmacariyantarāyo. Sace saṅgho tevācikaṃ pavāressati,

appavāritova saṅgho bhavissati, athāyaṃ brahmacariyantarāyo bhavissati. Yadi saṅghassa pattakallaṃ, saṅgho dnevācikaṃ, ekavācikaṃ, samānavassikaṃ pavāreyyā’nti.

Dnevācikādipavāraṇā niṭṭhitā.

141. Pavāraṇāṭṭhapanāṃ

235. Tena kho pana samayena chabbaggiyā bhikkhū sāpattikā pavārenti. Bhagavato etamatthaṃ ārocesuṃ. Na, bhikkhave, sāpattikena pavāretabbāṃ. Yo pavāreyya, āpatti dukkaṭṭassa. Anujānāmi, bhikkhave, yo sāpattiko pavāreti, tassa okāsaṃ kārāpetvā āpattiyā codetunti.

Tena kho pana samayena chabbaggiyā bhikkhū okāsaṃ kārāpiyamānā na icchanti okāsaṃ kātuṃ. Bhagavato etamatthaṃ ārocesuṃ. Anujānāmi, bhikkhave, okāsaṃ akarontassa pavāraṇaṃ ṭhapetuṃ. Evañca pana, bhikkhave, ṭhapetabbā. Tadahū pavāraṇāya cātuddase vā pannarase vā tasmim̐ puggale sammukhībhūte saṅghamajjhe udāharitabbāṃ – ‘suṇātu me, bhante, saṅgho. Itthannāmo puggalo sāpattiko. Tassa pavāraṇaṃ ṭhapemi. Na tasmim̐ sammukhībhūte pavāretabba’nti. Ṭhapitā hoti pavāraṇāti.

Tena kho pana samayena chabbaggiyā bhikkhū – puramhākaṃ pesalā bhikkhū pavāraṇaṃ ṭhapentīti – paṭikacceva suddhānaṃ bhikkhūnaṃ anāpattikānaṃ avatthusmim̐ akāraṇe pavāraṇaṃ ṭhapenti, pavāritānampi pavāraṇaṃ ṭhapenti. Bhagavato etamatthaṃ ārocesuṃ. Na, bhikkhave, suddhānaṃ bhikkhūnaṃ anāpattikānaṃ avatthusmim̐ akāraṇe pavāraṇā ṭhapetabbā. Yo ṭhapeyya, āpatti dukkaṭṭassa. Na, bhikkhave, pavāritānampi pavāraṇā ṭhapetabbā. Yo ṭhapeyya, āpatti dukkaṭṭassa.

236. Evaṃ kho, bhikkhave, ṭhapitā hoti pavāraṇā, evaṃ aṭṭhapitā. Kathañca, bhikkhave, aṭṭhapitā hoti pavāraṇā? Tevācikāya ce, bhikkhave, pavāraṇāya bhāsītāya lapitāya pariyosītāya pavāraṇaṃ ṭhapeti, aṭṭhapitā hoti pavāraṇā. Dnevācikāya ce, bhikkhave,... ekavācikāya ce, bhikkhave,... samānavassikāya ce, bhikkhave, pavāraṇāya bhāsītāya lapitāya pariyosītāya pavāraṇaṃ ṭhapeti, aṭṭhapitā hoti pavāraṇā. Evaṃ kho, bhikkhave, aṭṭhapitā hoti pavāraṇā.

Kathañca, bhikkhave, ṭhapitā hoti pavāraṇā? Tevācikāya ce, bhikkhave, pavāraṇāya bhāsītāya lapitāya apariyosītāya pavāraṇaṃ ṭhapeti, ṭhapitā hoti pavāraṇā. Dnevācikāya ce, bhikkhave,... ekavācikāya ce, bhikkhave,... samānavassikāya ce, bhikkhave, pavāraṇāya bhāsītāya lapitāya apariyosītāya pavāraṇaṃ ṭhapeti, ṭhapitā hoti pavāraṇā. Evaṃ kho, bhikkhave, ṭhapitā hoti pavāraṇā.

237. Idha pana, bhikkhave, tadahū pavāraṇāya bhikkhu bhikkhussa pavāraṇaṃ ṭhapeti. Taṃ ce bhikkhuṃ aññe bhikkhū jānanti, ‘ayaṃ kho āyasmā aparissuddhakāyasamācāro, aparissuddhavacīsamācāro, aparissuddhājīvo, bālo, abyatto, na paṭibalo anuyuñjīyamāno anuyogaṃ dātu’nti, ‘alaṃ, bhikkhu, mā bhaṇḍanaṃ, mā kalahaṃ, mā viggahaṃ, mā vivāda’nti omadditvā saṅghena pavāretabbāṃ.

Idha pana, bhikkhave, tadahū pavāraṇāya bhikkhu bhikkhussa pavāraṇaṃ ṭhapeti. Taṃ ce bhikkhuṃ aññe bhikkhū jānanti, ‘ayaṃ kho āyasmā parisuddhakāyasamācāro, parisuddhavacīsamācāro, aparissuddhājīvo, bālo, abyatto, na paṭibalo anuyuñjīyamāno anuyogaṃ dātu’nti, ‘alaṃ, bhikkhu, mā bhaṇḍanaṃ, mā kalahaṃ, mā viggahaṃ, mā vivāda’nti omadditvā saṅghena pavāretabbāṃ.

Idha pana, bhikkhave, tadahū pavāraṇāya bhikkhu bhikkhussa pavāraṇaṃ ṭhapeti. Taṃ ce bhikkhuṃ aññe bhikkhū jānanti, ‘ayaṃ kho āyasmā parisuddhakāyasamācāro, parisuddhavacīsamācāro, aparissuddhājīvo, bālo, abyatto, na paṭibalo anuyuñjīyamāno anuyogaṃ dātu’nti, ‘alaṃ, bhikkhu, mā bhaṇḍanaṃ, mā kalahaṃ, mā viggahaṃ, mā vivāda’nti omadditvā saṅghena pavāretabbāṃ.

Idha pana, bhikkhave, tadahu pavāraṇāya bhikkhu bhikkhussa pavāraṇaṃ ṭhapeti. Taṃ ce bhikkhuṃ aññe bhikkhū jānanti, “ayaṃ kho āyasmā parisuddhakāyasamācāro, parisuddhavadāsamācāro, parisuddhājīvo, bālo, abyatto, na paṭibalo anuyuñjīyamāno anuyogaṃ dātu”nti, ‘alaṃ, bhikkhu, mā bhaṇḍanaṃ, mā kalahaṃ, mā viggahaṃ, mā vivāda’nti omadditvā saṅghena pavāretabbaṃ.

Idha pana, bhikkhave, tadahu pavāraṇāya bhikkhu bhikkhussa pavāraṇaṃ ṭhapeti. Taṃ ce bhikkhuṃ aññe bhikkhū jānanti, “ayaṃ kho āyasmā parisuddhakāyasamācāro, parisuddhavadāsamācāro, parisuddhājīvo, paṇḍito, byatto, paṭibalo anuyuñjīyamāno anuyogaṃ dātu”nti, so evamassa vacanīyo, “yaṃ kho tvam, āvuso, imassa bhikkhuno pavāraṇaṃ ṭhapesi, kimhi naṃ ṭhapesi, sīlavipattiyā vā ṭhapesi, ācāravipattiyā vā ṭhapesi, diṭṭhivipattiyā vā ṭhapesi”ti? So ce evaṃ vadeyya – “sīlavipattiyā vā ṭhapemi, ācāravipattiyā vā ṭhapemi, diṭṭhivipattiyā vā ṭhapemi”ti, so evamassa vacanīyo – “jānāsi panāyasmā sīlavipattiṃ, jānāsi ācāravipattiṃ, jānāsi diṭṭhivipatti”nti? So ce evaṃ vadeyya – “jānāmi kho ahaṃ, āvuso, sīlavipattiṃ, jānāmi ācāravipattiṃ, jānāmi diṭṭhivipatti”nti, so evamassa vacanīyo – “katamā panāvuso, sīlavipatti, katamā ācāravipatti, katamā diṭṭhivipatti”ti? So ce evaṃ vadeyya – “cattāri pārājikāni, terasa saṅghādisesā, ayaṃ sīlavipatti; thullaccayaṃ, pācittiyaṃ, pāṭidesanīyaṃ, dukkaṭaṃ, dubbhāsitaṃ, ayaṃ ācāravipatti; micchādiṭṭhi, antaggāhikādiṭṭhi, ayaṃ diṭṭhivipatti”ti, so evamassa vacanīyo – “yaṃ kho tvam, āvuso, imassa bhikkhuno pavāraṇaṃ ṭhapesi, diṭṭhena vā ṭhapesi, sutena vā ṭhapesi, parisāṅkāya vā ṭhapesi”ti? So ce evaṃ vadeyya – “diṭṭhena vā ṭhapemi, sutena vā ṭhapemi, parisāṅkāya vā ṭhapemi”ti, so evamassa vacanīyo – “yaṃ kho tvam, āvuso, imassa bhikkhuno diṭṭhena pavāraṇaṃ ṭhapesi, kiṃ te diṭṭhaṃ, kinti te diṭṭhaṃ, kadā te diṭṭhaṃ, kattha te diṭṭhaṃ, pārājikaṃ ajjhāpajjanto diṭṭho, saṅghādisesaṃ ajjhāpajjanto diṭṭho, thullaccayaṃ... pācittiyaṃ... pāṭidesanīyaṃ... dukkaṭaṃ... dubbhāsitaṃ ajjhāpajjanto diṭṭho, kattha ca tvam ahoṣi, kattha cāyaṃ bhikkhu ahoṣi, kiñca tvam karosi, kiñcāyaṃ bhikkhu karoti”ti? So ce evaṃ vadeyya – “na kho ahaṃ, āvuso, imassa bhikkhuno diṭṭhena pavāraṇaṃ ṭhapemi, apica sutena pavāraṇaṃ ṭhapemi”ti, so evamassa vacanīyo – “yaṃ kho tvam, āvuso, imassa bhikkhuno sutena pavāraṇaṃ ṭhapesi, kiṃ te sutam, kinti te sutam, kadā te sutam, kattha te sutam, pārājikaṃ ajjhāpannoti sutam, saṅghādisesaṃ ajjhāpannoti sutam, thullaccayaṃ... pācittiyaṃ... pāṭidesanīyaṃ... dukkaṭaṃ... dubbhāsitaṃ ajjhāpannoti sutam, bhikkhussa sutam, bhikkhuniyā sutam, sikkhamānāya sutam, sāmaṇerassa sutam, sāmaṇeriyā sutam, upāsakassa sutam, upāsikāya sutam, rājūnaṃ sutam, rājamahāmattānaṃ sutam, titthiyānaṃ sutam, titthiyasāvakaṇaṃ suta”nti? So ce evaṃ vadeyya – “na kho ahaṃ, āvuso, imassa bhikkhuno sutena pavāraṇaṃ ṭhapemi, apica parisāṅkāya pavāraṇaṃ ṭhapemi”ti, so evamassa vacanīyo – “yaṃ kho tvam, āvuso, imassa bhikkhuno parisāṅkāya pavāraṇaṃ ṭhapesi, kiṃ parisāṅkasi, kinti parisāṅkasi, kadā parisāṅkasi, kattha parisāṅkasi, pārājikaṃ ajjhāpannoti parisāṅkasi, saṅghādisesaṃ ajjhāpannoti parisāṅkasi, thullaccayaṃ... pācittiyaṃ... pāṭidesanīyaṃ... dukkaṭaṃ... dubbhāsitaṃ ajjhāpannoti parisāṅkasi, bhikkhussa sutvā parisāṅkasi, bhikkhuniyā sutvā parisāṅkasi, sikkhamānāya sutvā parisāṅkasi, sāmaṇerassa sutvā parisāṅkasi, sāmaṇeriyā sutvā parisāṅkasi, upāsakassa sutvā parisāṅkasi, upāsikāya sutvā parisāṅkasi, rājūnaṃ sutvā parisāṅkasi, rājamahāmattānaṃ sutvā parisāṅkasi, titthiyānaṃ sutvā parisāṅkasi, titthiyasāvakaṇaṃ sutvā parisāṅkasi”ti? So ce evaṃ vadeyya – “na kho ahaṃ, āvuso, imassa bhikkhuno parisāṅkāya pavāraṇaṃ ṭhapemi, api ca ahampi na jānāmi kena panāhaṃ imassa bhikkhuno pavāraṇaṃ ṭhapemi”ti. So ce, bhikkhave, codako bhikkhu anuyogena viññūnaṃ sabrahmacārīnaṃ cittaṃ na ārādheti, ananuvādo cudito bhikkhūti alaṃ vacanāya. So ce, bhikkhave, codako bhikkhu anuyogena viññūnaṃ sabrahmacārīnaṃ cittaṃ ārādheti, sānūvādo cudito bhikkhūti alaṃ vacanāya. So ce, bhikkhave, codako bhikkhu amūlakena pārājikenā anuddhaṃsitam paṭijānāti, saṅghādisesaṃ āropetvā saṅghena pavāretabbaṃ. So ce, bhikkhave, codako bhikkhu amūlakena saṅghādisesena anuddhaṃsitam paṭijānāti, yathādhammaṃ kārāpetvā saṅghena pavāretabbaṃ. So ce, bhikkhave, codako, bhikkhu amūlakena thullaccayena... pācittiyena... pāṭidesanīyena... dukkaṭena... dubbhāsitenā anuddhaṃsitam paṭijānāti, yathādhammaṃ kārāpetvā saṅghena pavāretabbaṃ. So ce, bhikkhave, cudito bhikkhu pārājikaṃ ajjhāpannoti paṭijānāti, nāsetvā saṅghena pavāretabbaṃ. So ce, bhikkhave, cudito bhikkhu saṅghādisesaṃ ajjhāpannoti paṭijānāti, saṅghādisesaṃ āropetvā saṅghena pavāretabbaṃ. So ce, bhikkhave, cudito bhikkhu thullaccayaṃ... pācittiyaṃ... pāṭidesanīyaṃ... dukkaṭaṃ... dubbhāsitaṃ ajjhāpannoti paṭijānāti, yathādhammaṃ kārāpetvā saṅghena pavāretabbaṃ.

Pavāraṇāṭhapanam niṭṭhitam.

142. Thullaccayavatthukādi

238. Idha pana, bhikkhave, bhikkhu tadahu pavāraṇāya thullaccayaṃ ajjhāpanno hoti. Ekacce bhikkhū thullaccayadiṭṭhino honti, ekacce bhikkhū saṅghādisesadiṭṭhino honti. Ye te, bhikkhave, bhikkhū thullaccayadiṭṭhino, tehi so, bhikkhave, bhikkhu ekamantaṃ apanetvā yathādhammaṃ kārāpetvā saṅghaṃ upasaṅkamitvā evamassa vacanīyo – “yaṃ kho so, āvuso, bhikkhu āpattiṃ āpanno, sāssa yathādhammaṃ paṭikatā. Yadi saṅghassa pattakallaṃ, saṅgho pavāreyyā”ti.

Idha pana, bhikkhave, bhikkhu tadahu pavāraṇāya thullaccayaṃ ajjhāpanno hoti. Ekacce bhikkhū thullaccayadiṭṭhino honti, ekacce bhikkhū pācittiyadiṭṭhino honti...pe... ekacce bhikkhū thullaccayadiṭṭhino honti, ekacce bhikkhū pāṭidesanīyadiṭṭhino honti... ekacce bhikkhū thullaccayadiṭṭhino honti, ekacce bhikkhū dukkaṭadiṭṭhino honti... ekacce bhikkhū thullaccayadiṭṭhino honti, ekacce bhikkhū dubbhāsitiadiṭṭhino honti. Ye te, bhikkhave, bhikkhū thullaccayadiṭṭhino, tehi so, bhikkhave, bhikkhu ekamantaṃ apanetvā yathādhammaṃ kārāpetvā saṅghaṃ upasaṅkamitvā evamassa vacanīyo – “yaṃ kho so, āvuso, bhikkhu āpattiṃ āpanno, sāssa yathādhammaṃ paṭikatā. Yadi saṅghassa pattakallaṃ, saṅgho pavāreyyā”ti.

Idha pana, bhikkhave, bhikkhu tadahu pavāraṇāya pācittiyam ajjhāpanno hoti...pe... pāṭidesanīyam ajjhāpanno hoti... dukkaṭam ajjhāpanno hoti... dubbhāsitaṃ ajjhāpanno hoti. Ekacce bhikkhū dubbhāsitiadiṭṭhino honti, ekacce bhikkhū saṅghādisesadiṭṭhino honti. Ye te, bhikkhave, bhikkhū dubbhāsitiadiṭṭhino, tehi so, bhikkhave, bhikkhu ekamantaṃ apanetvā yathādhammaṃ kārāpetvā saṅghaṃ upasaṅkamitvā evamassa vacanīyo – “yaṃ kho so, āvuso, bhikkhu āpattiṃ āpanno, sāssa yathādhammaṃ paṭikatā. Yadi saṅghassa pattakallaṃ, saṅgho pavāreyyā”ti.

Idha pana, bhikkhave, bhikkhu tadahu pavāraṇāya dubbhāsitaṃ ajjhāpanno hoti. Ekacce bhikkhū dubbhāsitiadiṭṭhino honti, ekacce bhikkhū thullaccayadiṭṭhino honti...pe... ekacce bhikkhū dubbhāsitiadiṭṭhino honti, ekacce bhikkhū pācittiyadiṭṭhino honti... ekacce bhikkhū dubbhāsitiadiṭṭhino honti, ekacce bhikkhū dukkaṭadiṭṭhino honti. Ye te, bhikkhave, bhikkhū dubbhāsitiadiṭṭhino, tehi so, bhikkhave, bhikkhu ekamantaṃ apanetvā yathādhammaṃ kārāpetvā saṅghaṃ upasaṅkamitvā evamassa vacanīyo – “yaṃ kho so, āvuso, bhikkhu āpattiṃ āpanno, sāssa yathādhammaṃ paṭikatā. Yadi saṅghassa pattakallaṃ, saṅgho pavāreyyā”ti.

Thullaccayavatthukādi niṭṭhitā.

143. Vatthuṭhapanādi

239. Idha pana, bhikkhave, bhikkhu tadahu pavāraṇāya saṅghamajjhe udāhareyya – “suṇātu me, bhante, saṅgho. Idam vatthu paññāyati, na puggalo. Yadi saṅghassa pattakallaṃ, vatthuṃ ṭhapetvā saṅgho pavāreyyā”ti. So evamassa vacanīyo – “bhagavatā kho, āvuso, visuddhānaṃ pavāraṇā paññattā. Sace vatthu paññāyati, na puggalo, idāneva naṃ vadehī”ti.

Idha pana, bhikkhave, bhikkhu tadahu pavāraṇāya saṅghamajjhe udāhareyya – “suṇātu me, bhante, saṅgho. Ayaṃ puggalo paññāyati, na vatthu. Yadi saṅghassa pattakallaṃ, puggalaṃ ṭhapetvā saṅgho pavāreyyā”ti. So evamassa vacanīyo – “bhagavatā kho, āvuso, samaggānaṃ pavāraṇā paññattā. Sace puggalo paññāyati, na vatthu, idāneva naṃ vadehī”ti.

Idha pana, bhikkhave, bhikkhu tadahu pavāraṇāya saṅghamajjhe udāhareyya – “suṇātu me, bhante, saṅgho. Idam vatthu ca puggalo ca paññāyati. Yadi saṅghassa pattakallaṃ, vatthuṅca puggalaṅca

ṭhapetvā saṅgho pavāreyyā”ti. So evamassa vacanīyo – “bhagavatā kho, āvuso, visuddhānañca samaggānañca pavāraṇā paññāta. Sace vatthu ca puggalo ca paññāyati, idāneva naṃ vadehī”ti.

Pubbe ce, bhikkhave, pavāraṇāya vatthu paññāyati, pacchā puggalo, kallaṃ vacanāya. Pubbe ce, bhikkhave, pavāraṇāya puggalo paññāyati, pacchā vatthu, kallaṃ vacanāya. Pubbe ce, bhikkhave, pavāraṇāya vatthu ca puggalo ca paññāyati, taṃ ce katāya pavāraṇāya ukkoṭeti, ukkoṭanakam pācittiyanti.

Vatthuṭhapanādi niṭṭhitā.

144. Bhaṇḍanakārakavatthu

240. Tena kho pana samayena sambahulā sandiṭṭhā sambhattā bhikkhū kosalesu janapade aññatarasmiṃ āvāse vassaṃ upagacchiṃsu. Tesam sāmāntā aññe bhikkhū bhaṇḍanakārakā kalahakārakā vivādakārakā bhassakārakā saṅghe adhikaraṇakārakā vassaṃ upagacchiṃsu – mayam tesam bhikkhūnaṃ vassaṃvuṭṭhānaṃ pavāraṇāya pavāraṇam ṭhapessāmāti. Assosam kho te bhikkhū – “amhākaṃ kira sāmāntā aññe bhikkhū bhaṇḍanakārakā kalahakārakā vivādakārakā bhassakārakā saṅghe adhikaraṇakārakā vassaṃ upagatā – mayam tesam bhikkhūnaṃ vassaṃvuṭṭhānaṃ pavāraṇāya pavāraṇam ṭhapessāmā”ti. Katham nu kho amhehi paṭipajjitabbanti? Bhagavato etamattham ārocesum.

Idha pana, bhikkhave, sambahulā sandiṭṭhā sambhattā bhikkhū aññatarasmiṃ āvāse vassaṃ upagacchanti. Tesam sāmāntā aññe bhikkhū bhaṇḍanakārakā kalahakārakā vivādakārakā bhassakārakā saṅghe adhikaraṇakārakā vassaṃ upagacchanti – mayam tesam bhikkhūnaṃ vassaṃvuṭṭhānaṃ pavāraṇāya pavāraṇam ṭhapessāmāti. Anujānāmi, bhikkhave, tehi bhikkhūhi dve tayo uposathe cātuddasike kātum – katham mayam tehi bhikkhūhi paṭhamataram pavāreyyāmāti. Te ce, bhikkhave, bhikkhū bhaṇḍanakārakā kalahakārakā vivādakārakā bhassakārakā saṅghe adhikaraṇakārakā taṃ āvāsam āgacchanti, tehi, bhikkhave, āvāsikehi bhikkhūhi lahum lahum sannipativā pavāretabbam, pavāretvā vattabbā – “pavāritā kho mayam, āvuso; yathāyasmantā maññanti tathā karontū”ti. Te ce, bhikkhave, bhikkhū bhaṇḍanakārakā kalahakārakā vivādakārakā bhassakārakā saṅghe adhikaraṇakārakā asaṃvihitā taṃ āvāsam āgacchanti, tehi, bhikkhave, āvāsikehi bhikkhūhi āsanam paññapetabbam, pādodakam pādapiṭham pādakathalikam upanikkhipitabbam, paccuggantvā pattacīvaram paṭiggahetabbam, pānīyena paripucchitabbā; tesam vikkhitvā [vikkipāpetvā (paṭivisodhakānam mati), ācikkhitvā (ka.)] nissīmam gantvā pavāretabbam, pavāretvā vattabbā – “pavāritā kho mayam, āvuso; yathāyasmantā maññanti tathā karontū”ti. Evañcetam labhetha, iccetam kusalam. No ce labhetha, āvāsikena bhikkhunā byattena paṭibalena āvāsikā bhikkhū nāpetabbā –

“Suṇantu me, āyasmanto [āyasmantā (ka.)], āvāsikā. Yadāyasmantānam pattakallam, idāni uposatham kareyyāma, pātimokkham uddiseyyāma, āgame kāḷe pavāreyyāmā”ti. Te ce, bhikkhave, bhikkhū bhaṇḍanakārakā kalahakārakā vivādakārakā bhassakārakā saṅghe adhikaraṇakārakā te bhikkhū evam vadeyyum – “sādhāvuso, idāneva no pavārethā”ti, te evamassu vacanīyā – “anissarā kho tumhe, āvuso, amhākaṃ pavāraṇāya; na tāva mayam pavāreyyāmā”ti. Te ce, bhikkhave, bhikkhū bhaṇḍanakārakā kalahakārakā vivādakārakā bhassakārakā saṅghe adhikaraṇakārakā taṃ kalam anuvaseyyum, āvāsikena, bhikkhave, bhikkhunā byattena paṭibalena āvāsikā bhikkhū nāpetabbā –

“Suṇantu me, āyasmanto, āvāsikā. Yadāyasmantānam pattakallam, idāni uposatham kareyyāma, pātimokkham uddiseyyāma, āgame juṅhe pavāreyyāmā”ti. Te ce, bhikkhave, bhikkhū bhaṇḍanakārakā kalahakārakā vivādakārakā bhassakārakā saṅghe adhikaraṇakārakā te bhikkhū evam vadeyyum – “sādhāvuso, idāneva no pavāreyyāthā”ti, te evamassu vacanīyā – “anissarā kho tumhe, āvuso, amhākaṃ pavāraṇāya, na tāva mayam pavāreyyāmā”ti. Te ce, bhikkhave, bhikkhū bhaṇḍanakārakā kalahakārakā vivādakārakā bhassakārakā saṅghe adhikaraṇakārakā tampi juṅham anuvaseyyum, tehi, bhikkhave, bhikkhūhi sabbeva āgame juṅhe komudiyā cātumāsiniyā akāmā pavāretabbam.

Tehi ce, bhikkhave, bhikkhūhi pavāriyamāne gilāno agilānassa pavāraṇaṃ ṭhapeti, so evamassa vacanīyo – “āyasmā kho gilāno. Gilāno ca ananuyogakkhamo vutto bhagavatā. Āgamehi, āvuso, yāva arogo hosi. Arogo ākaṅkhamāno codessasī”ti. Evañce vuccamāno codeti, anādariye pācittiyaṃ. Tehi ce, bhikkhave, bhikkhūhi pavāriyamāne agilāno gilānassa pavāraṇaṃ ṭhapeti, so evamassa vacanīyo – “ayaṃ kho, āvuso, bhikkhu gilāno. Gilāno ca ananuyogakkhamo vutto bhagavatā. Āgamehi, āvuso, yāvāyaṃ bhikkhu arogo hoti. Arogaṃ ākaṅkhamāno codessasī”ti. Evañce vuccamāno codeti, anādariye pācittiyaṃ. Tehi ce, bhikkhave, bhikkhūhi pavāriyamāne gilāno gilānassa pavāraṇaṃ ṭhapeti, so evamassa vacanīyo – “āyasmantā kho gilānā. Gilāno ca ananuyogakkhamo vutto bhagavatā. Āgamehi, āvuso, yāva aroga hotha. Arogo arogaṃ ākaṅkhamāno codessasī”ti [yāva arogo hoti, arogaṃ ākaṅkhamāno codessasīti (ka.)]. Evañce vuccamāno codeti, anādariye pācittiyaṃ. Tehi ce, bhikkhave, bhikkhūhi pavāriyamāne agilāno agilānassa pavāraṇaṃ ṭhapeti, ubho saṅghena samanuyuñjitvā samanugāhitvā [samanubhāsivā (sī.)] yathādhammaṃ kārāpetvā saṅghena pavāretabbanti.

Bhaṇḍanakāravatthu niṭṭhitam.

145. Pavāraṇāsaṅgaho

241. Tena kho pana samayena sambahulā sandiṭṭhā sambhattā bhikkhū kosalesu janapade aññatarasmiṃ āvāse vassaṃ upagacchiṃsu. Tesam samaggānaṃ sammodamānānaṃ avivadamānānaṃ viharataṃ aññataro phāsuvihāro adhigato hoti. Atha kho tesam bhikkhūnaṃ etadahosi – “amhākaṃ kho samaggānaṃ sammodamānānaṃ avivadamānānaṃ viharataṃ aññataro phāsuvihāro adhigato. Sace mayaṃ idāni pavāressāma, siyāpi bhikkhū pavāretvā cārikaṃ pakkameyyuṃ. Evaṃ mayaṃ imamhā phāsuvihārā paribāhirā bhavissāma. Kathaṃ nu kho amhehi paṭipajjitabba”nti? Bhagavato etamatthaṃ ārocesuṃ.

Idha pana, bhikkhave, sambahulā sandiṭṭhā sambhattā bhikkhū aññatarasmiṃ āvāse vassaṃ upagacchanti. Tesam samaggānaṃ sammodamānānaṃ avivadamānānaṃ viharataṃ aññataro phāsuvihāro adhigato hoti. Tatra ce bhikkhūnaṃ evaṃ hoti – “amhākaṃ kho samaggānaṃ sammodamānānaṃ avivadamānānaṃ viharataṃ aññataro phāsuvihāro adhigato. Sace mayaṃ idāni pavāressāma, siyāpi bhikkhū pavāretvā cārikaṃ pakkameyyuṃ. Evaṃ mayaṃ imamhā phāsuvihārā paribāhirā bhavissāma”ti, anujānāmi, bhikkhave, tehi bhikkhūhi pavāraṇāsaṅgahaṃ kātuṃ. Evañca pana, bhikkhave, kātabbo. Sabbeheva ekajjhaṃ sannipatitabbaṃ – sannipatitvā byattena bhikkhunā paṭibalena saṅgho ñāpetabbo –

“Suṇātu me, bhante, saṅgho. Amhākaṃ samaggānaṃ sammodamānānaṃ avivadamānānaṃ viharataṃ aññataro phāsuvihāro adhigato. Sace mayaṃ idāni pavāressāma, siyāpi bhikkhū pavāretvā cārikaṃ pakkameyyuṃ. Evaṃ mayaṃ imamhā phāsuvihārā paribāhirā bhavissāma. Yadi saṅghassa pattakallaṃ, saṅgho pavāraṇāsaṅgahaṃ kareyya, idāni uposathaṃ kareyya, pātimokkhaṃ uddiseyya, āgame juṅhe komudiyā cātumāsiniyā pavāreyya. Esā ñatti.

“Suṇātu me, bhante, saṅgho. Amhākaṃ samaggānaṃ sammodamānānaṃ avivadamānānaṃ viharataṃ aññataro phāsuvihāro adhigato. Sace mayaṃ idāni pavāressāma, siyāpi bhikkhū pavāretvā cārikaṃ pakkameyyuṃ. Evaṃ mayaṃ imamhā phāsuvihārā paribāhirā bhavissāma. Saṅgho pavāraṇāsaṅgahaṃ karoti, idāni uposathaṃ karissati, pātimokkhaṃ uddisissati, āgame juṅhe komudiyā cātumāsiniyā pavāressati. Yassāyasmato khamati pavāraṇāsaṅgahassa karaṇaṃ, idāni uposathaṃ karissati, pātimokkhaṃ uddisissati, āgame juṅhe komudiyā cātumāsiniyā pavāressati, so tuṅhassa; yassa nakkhamati, so bhāseyya.

“Kato saṅghena pavāraṇāsaṅgaho, idāni uposathaṃ karissati, pātimokkhaṃ uddisissati, āgame juṅhe komudiyā cātumāsiniyā pavāressati. Khamati saṅghassa, tasmā tuṅhī, evametaṃ dhārayāmi”ti.

Tehi ce, bhikkhave, bhikkhūhi kate pavāraṇāsaṅgahe aññataro bhikkhu evaṃ vadeyya – “icchāmaṃ, āvuso, janapadacārikaṃ pakkamituṃ; atthi me janapade karaṇīya”nti, so evamassa vacanīyo – “sādhāvuso, pavāretvā gacchāhi”ti. So ce, bhikkhave, bhikkhu pavārayamāno aññatarassa bhikkhuno pavāraṇaṃ t̥hapeti, so evamassa vacanīyo – “anissaro kho me tvaṃ, āvuso, pavāraṇāya, na tāvāhaṃ pavāressāmī”ti. Tassa ce, bhikkhave, bhikkhuno pavārayamānassa aññataro bhikkhu tassa bhikkhuno pavāraṇaṃ t̥hapeti, ubho saṅghena samanuyuñjitvā samanugāhitvā yathādhammaṃ kārāpetabbā. So ce, bhikkhave, bhikkhu janapade taṃ karaṇīyaṃ tīretvā punadeva anto komudiyā cātumāsiniyā taṃ āvāsaṃ āgacchati, tehi ce, bhikkhave, bhikkhūhi pavāriyamāne aññataro bhikkhu tassa bhikkhuno pavāraṇaṃ t̥hapeti, so evamassa vacanīyo – “anissaro kho me tvaṃ, āvuso, pavāraṇāya; pavārito aha”nti. Tehi ce, bhikkhave, bhikkhūhi pavāriyamāne so bhikkhu aññatarassa bhikkhuno pavāraṇaṃ t̥hapeti, ubho saṅghena samanuyuñjitvā samanugāhitvā yathādhammaṃ kārāpetvā saṅghena pavāretabbanti.

Pavāraṇāsaṅgaho niṭṭhito.

Pavāraṇākkhandhako catuttho.

146. Tassuddānaṃ

Vassaṃvuṭṭhā kosalesu, agamaṃ satthu dassanaṃ;
Aphāsaṃ pasusaṃvāsaṃ, aññamaññānulomatā.

Pavārentā paṇāmañca [pavārentāsane dve ca (sī. syā.)], kammaṃ gilānaññatakā;
Rājā corā ca dhuttā ca, bhikkhupaccatthikā tathā.

Pañca catutayo dveko, āpanno vematī sari;
Sabbo saṅgho vematiko, bahū samā ca thokikā.

Āvāsikā cātuddasa, liṅgasaṃvāsakā ubho;
Gantabbaṃ na nisinnāya, chandadāne pavāraṇā [chandadānapavāraṇā (ka.)].

Savarehi khepitā megho, antarā ca pavāraṇā;
Na icchanti puramhākaṃ, aṭṭhapitā ca bhikkhuno.

Kimhi vāti katamañca, diṭṭhena sutasaṅkāya;
Codako cuditako ca, thullaccayaṃ vatthu bhaṇḍanaṃ;
Pavāraṇāsaṅgaho ca, anissaro pavārayeti.

Imamhi khandhake vatthūni chacattārisāti.

Pavāraṇākkhandhako niṭṭhito.

5. Cammakhandhako

147. Soṇakoḷivisavattu

242. Tena samayena buddho bhagavā rājagahe viharati gijjhakūṭe pabbate. Tena kho pana samayena rājā māgadho seniyo bimbisāro asītiyā gāmasahassesu issariyādhipaccaṃ rajjaṃ kāreti. Tena kho pana samayena campāyaṃ soṇo nāma koḷiviso [koḷivīso (sī.)] seṭṭhiputto sukhumālo hoti. Tassa pādātalesu lomāni jātāni hontī. Atha kho rājā māgadho seniyo bimbisāro tāni asīti gāmikahassāni

sannipātāpetvā kenacideva karaṇīyena soṇassa koḷivissassa santike dūtaṃ pāhesi – āgacchatu soṇo, icchāmi soṇassa āgatanti. Atha kho soṇassa koḷivissassa mātāpitaro soṇaṃ koḷivisaṃ etadavocum – ‘‘rājā te, tāta soṇa, pāde dakkhitukāmo. Mā kho tvam, tāta soṇa, yena rājā tena pāde abhippasāreyyāsi. Raṇṇo purato pallaṅkena nisīda. Nisinnassa te rājā pāde dakkhissati’’ti. Atha kho soṇaṃ koḷivisaṃ sivikāya ānesum. Atha kho soṇo koḷiviso yena rājā māgadho seniyo bimbisāro tenupasaṅkami, upasaṅkamitvā rājānaṃ māgadhaṃ seniyaṃ bimbisāraṃ abhivādetvā raṇṇo purato pallaṅkena nisīdi. Addasā kho rājā māgadho seniyo bimbisāro soṇassa koḷivissassa pādātesu lomāni jātāni. Atha kho rājā māgadho seniyo bimbisāro tāni asīti gāmikasaḥassāni diṭṭhadhammike atthe anusāsivā uyyojesi – ‘‘tumhe khvattha, bhāṇe, mayā diṭṭhadhammike atthe anusāsītā; gacchatha, taṃ bhagavantaṃ payirupāsatha; so no bhagavā samparāyike atthe anusāsissati’’ti.

Atha kho tāni asīti gāmikasaḥassāni yena gijjhakūṭo pabbato tenupasaṅkamiṃsu. Tena kho pana samayena āyasmā sāgato bhagavato upaṭṭhāko hoti. Atha kho tāni asīti gāmikasaḥassāni yenāyasmā sāgato tenupasaṅkamiṃsu, upasaṅkamitvā āyasmantaṃ sāgataṃ etadavocum – ‘‘imāni, bhante, asīti gāmikasaḥassāni idhūpasaṅkantāni bhagavantaṃ dassanāya; sādhu mayaṃ, bhante, labheyyāma bhagavantaṃ dassanāyā’’ti. ‘‘Tena hi tumhe āyasmanto muhuttaṃ idheva tāva hotha, yāvāhaṃ bhagavantaṃ paṭivedemī’’ti. Atha kho āyasmā sāgato tesam asītiyā gāmikasaḥassānaṃ purato pekkhamānānaṃ pāṭikāya nimujjivā bhagavato purato ummujjivā bhagavantaṃ etadavoca – ‘‘imāni, bhante, asīti gāmikasaḥassāni idhūpasaṅkantāni bhagavantaṃ dassanāya; yassa dāni, bhante, bhagavā kālaṃ maññati’’ti. ‘‘Tena hi tvam, sāgata, viḥārapacchāyāyaṃ āsanaṃ pañṇapehī’’ti. ‘‘Evaṃ, bhante’’ti kho āyasmā sāgato bhagavato paṭissuṇitvā pīṭhaṃ gahetvā bhagavato purato nimujjivā tesam asītiyā gāmikasaḥassānaṃ purato pekkhamānānaṃ pāṭikāya ummujjivā viḥārapacchāyāyaṃ āsanaṃ pañṇapeti. Atha kho bhagavā viḥārā nikkhamitvā viḥārapacchāyāyaṃ pañṇatte āsane nisīdi. Atha kho tāni asīti gāmikasaḥassāni yena bhagavā tenupasaṅkamiṃsu, upasaṅkamitvā bhagavantaṃ abhivādetvā ekamantaṃ nisīdiṃsu. Atha kho tāni asīti gāmikasaḥassāni āyasmantaṃyeva sāgataṃ samannāharanti, no tathā bhagavantaṃ. Atha kho bhagavā tesam asītiyā gāmikasaḥassānaṃ cetasā cetoparivittakamaññāya āyasmantaṃ sāgataṃ āmantesi – ‘‘tena hi tvam, sāgata, bhīyosomattāya uttarimanussadhammaṃ iddhipāṭihāriyaṃ dassehī’’ti. ‘‘Evaṃ, bhante’’ti kho āyasmā sāgato bhagavato paṭissuṇitvā vehāsaṃ abbhugantvā ākāse antalikkhe caṅkamatipi, tiṭṭhatipi, nisīdatipi, seyyampi kappeti, dhūmayatipi [dhūpāyatipi (sī.), padhūpāyatipi (syā.)] pajjalatipi, antaradhāyatipi. Atha kho āyasmā sāgato ākāse antalikkhe anekavihitaṃ uttarimanussadhammaṃ iddhipāṭihāriyaṃ dassetvā bhagavato pādesu sirasā nipatitvā bhagavantaṃ etadavoca – ‘‘sathā me, bhante, bhagavā; sāvakohamasmi. Sathā me, bhante, bhagavā; sāvakohamasmi’’ti. Atha kho tāni asīti gāmikasaḥassāni ‘‘acchariyaṃ vata bho! Abbhutaṃ vata bho! Sāvakopi nāma evaṃ mahiddhiko bhavissati, evaṃ mahānubhāvo, aho nūna sathā’’ti bhagavantaṃyeva samannāharanti, no tathā āyasmantaṃ sāgataṃ.

Atha kho bhagavā tesam asītiyā gāmikasaḥassānaṃ cetasā cetoparivittakamaññāya anupubbimā kathāṃ kathesi, seyyathidaṃ – dānakathaṃ sīlakathaṃ saggakathaṃ, kāmānaṃ ādīnavaṃ okāraṃ saṃkilesaṃ, nekkhamme ānisaṃsaṃ pakāsesi. Yadā te bhagavā aññāsi kallacitte, muducitte, vinīvaraṇacitte, udaggacitte, pasannacitte, atha yā buddhānaṃ sāmukkaṃsikā dhammadesanā, taṃ pakāsesi – dukkhaṃ, samudayaṃ, nirodhaṃ, maggaṃ. Seyyathāpi nāma suddhaṃ vatthaṃ apagatakālakāṃ sammadeva rajanaṃ paṭiggaṇheyya, evamevaṃ tesam asītiyā gāmikasaḥassānaṃ tasmīyeva āsane virajaṃ vītamalaṃ dhammacakkhuṃ udapādi – ‘‘yaṃkiñci samudayadhammaṃ, sabbam taṃ nirodhadhamma’’nti. Te diṭṭhadhammā pattadhammā veditadhammā pariyogāḷhadhammā tiṇṇavicikicchā vigatakathaṃkathā vesārajappattā aparappaccayā satthusāsane bhagavantaṃ etadavocum – ‘‘abhikkantaṃ, bhante, abhikkantaṃ, bhante. Seyyathāpi, bhante, nikkujjitaṃ vā ukkujjeyya, paṭicchannaṃ vā vivareyya, mūḷhassa vā maggaṃ ācikkheyya, andhakāre vā telapajjotaṃ dhāreyya – ‘‘cakkhumanto rūpāni dakkhanti’’ti, evamevaṃ bhagavatā anekapariyāyena dhammo pakāsito. Ete mayaṃ, bhante, bhagavantaṃ saraṇaṃ gacchāma. Dhammañca, bhikkhusaṅghañca. Upāsake no bhagavā dhāretu ajjatagge pāṇupete saraṇaṃ gate’’ti.

Soṇassa pabbajjā

243. Atha kho soṇassa koḷivissassa etadahosi “yathā yathā kho ahaṃ bhagavatā dhammaṃ desitaṃ ājānāmi, nayidaṃ sukaraṃ agāraṃ ajjhāvasatā ekantaparipuṇṇaṃ ekantaparissuddhaṃ saṅkhalikhitaṃ brahmacariyaṃ caritūṃ; yaṃnūnāhaṃ kesamassuṃ ohāretvā kāsāyāni vatthāni acchādetvā agārasmā anagāriyaṃ pabbajeyya”nti. Atha kho tāni asīti gāmikasahassāni bhagavato bhāsitaṃ abhinanditvā anumoditvā utthāyāsānā bhagavantā abhivādetvā padakkhiṇaṃ katvā pakkamisuṃ. Atha kho soṇo koḷiviso acirapakkantesu tesu asītiyā gāmikasahassesu yena bhagavā tenupasaṅkami, upasaṅkamtivā bhagavantā abhivādetvā ekamantaṃ nisīdi. Ekamantaṃ nisinnaṃ kho soṇo koḷiviso bhagavantā etadavoca – “yathā yathāhaṃ, bhante, bhagavatā dhammaṃ desitaṃ ājānāmi, nayidaṃ sukaraṃ agāraṃ ajjhāvasatā ekantaparipuṇṇaṃ ekantaparissuddhaṃ saṅkhalikhitaṃ brahmacariyaṃ caritūṃ. Icchāmaṃ, bhante, kesamassuṃ ohāretvā kāsāyāni vatthāni acchādetvā agārasmā anagāriyaṃ pabbajitūṃ. Pabbājetu maṃ, bhante, bhagavā”ti. Alatta kho soṇo koḷiviso bhagavato santike pabbajjaṃ, alatta upasampadaṃ. Acirupasampanno ca panāyasmā soṇo sītavane viharati. Tassa accāraddhavīriyassa caṅkamato pādā bhijjimsu. Caṅkamo lohiteṇa phuṭo hoti, seyyathāpi gavāghātanaṃ. [ito paraṃ yāva imassa vatthussa avasānaṃ tāva pāṭho a. ni. 6.55 ādayo] Atha kho āyasmato soṇassa rahogatassa paṭisallīnassa evaṃ cetaso parivitaṅko udapādi – “ye kho keci bhagavato sāvakā āraddhavīriyā viharanti, ahaṃ tesāṃ aññataro. Atha ca pana me nānupādāya āsavehi cittaṃ vimuccati. Saṃvijjanti kho pana me kule bhogā; sakkā bhoge ca bhuñjitūṃ, puññāni ca kātuṃ. Yaṃnūnāhaṃ hīnāyāvattitvā bhoge ca bhuñjeyyaṃ, puññāni ca kareyya”nti. Atha kho bhagavā āyasmato soṇassa cetasā cetoparivitaṅkamaññāya – seyyathāpi nāma balavā puriso samiñjitaṃ vā bāhaṃ pasāreyya, pasāritaṃ vā bāhaṃ samiñjeyya evameva – gijjhakūṭe pabbate antarahito sītavane pāturaṃ. Atha kho bhagavā sambahulehi bhikkhūhi saddhiṃ senāsanacārikaṃ āhiṇḍanto yenāyasmato soṇassa caṅkamo tenupasaṅkami. Addasā kho bhagavā āyasmato soṇassa caṅkamaṃ lohiteṇa phuṭaṃ, disvāna bhikkhū āmantesi – “kassa nvāyaṃ, bhikkhave, caṅkamo lohiteṇa phuṭo, seyyathāpi gavāghātana”nti? “Āyasmato, bhante, soṇassa accāraddhavīriyassa caṅkamato pādā bhijjimsu. Tassāyaṃ caṅkamo lohiteṇa phuṭo, seyyathāpi gavāghātana”nti.

Atha kho bhagavā yenāyasmato soṇassa vihāro tenupasaṅkami, upasaṅkamtivā paññatte āsane nisīdi. Āyasmāpi kho soṇo bhagavantā abhivādetvā ekamantaṃ nisīdi. Ekamantaṃ nisinnaṃ kho āyasmantaṃ soṇaṃ bhagavā etadavoca – “nanu te, soṇa, rahogatassa paṭisallīnassa evaṃ cetaso parivitaṅko udapādi – ‘ye kho keci bhagavato sāvakā āraddhavīriyā viharanti, ahaṃ tesāṃ aññataro. Atha ca pana me nānupādāya āsavehi cittaṃ vimuccati. Saṃvijjanti kho pana me kule bhogā; sakkā bhoge ca bhuñjitūṃ, puññāni ca kātuṃ. Yaṃnūnāhaṃ hīnāyāvattitvā bhoge ca bhuñjeyyaṃ, puññāni ca kareyya”nti? “Evaṃ, bhante”ti. “Taṃ kiṃ maññasi, soṇa, kusalo tvaṃ pubbe agārikabhūto vīṇāya tantissare”ti? “Evaṃ, bhante”ti. “Taṃ kiṃ maññasi, soṇa, yadā te vīṇāya tantiyo accāyatā honti, api nu te vīṇā tasmim samaye saravatī vā hoti, kammaññā vā”ti? “No hetamaṃ, bhante”ti. “Taṃ kiṃ maññasi, soṇa, yadā te vīṇāya tantiyo atisithilā honti, api nu te vīṇā tasmim samaye saravatī vā hoti, kammaññā vā”ti? “No hetamaṃ, bhante”ti. “Taṃ kiṃ maññasi, soṇa, yadā te vīṇāya tantiyo neva accāyatā honti nātisithilā, same guṇe patiṭṭhitā, api nu te vīṇā tasmim samaye saravatī vā hoti, kammaññā vā”ti? “Evaṃ, bhante”ti. “Evameva kho, soṇa, accāraddhavīriyaṃ uddhaccāya saṃvattati, atilīnavīriyaṃ kosajjāya saṃvattati. Tasmātiha tvaṃ, soṇa, vīriyasamataṃ adhiṭṭhaha, indriyānaṃca samataṃ paṭivijjha, tattha ca nimittaṃ gaṇhāhi”ti. “Evaṃ, bhante”ti kho āyasmā soṇo bhagavato paccassosi. Atha kho bhagavā āyasmantaṃ soṇaṃ iminā ovādena ovaditvā – seyyathāpi nāma balavā puriso sammiñjitaṃ vā bāhaṃ pasāreyya, pasāritaṃ vā bāhaṃ samiñjeyya evameva – sītavane āyasmato soṇassa sammukhe antarahito gijjhakūṭe pabbate pāturaṃ. Atha kho āyasmā soṇo aparena samayena vīriyasamataṃ adhiṭṭhāsi, indriyānaṃca samataṃ paṭivijjhi, tattha ca nimittaṃ aggahesi. Atha kho āyasmā soṇo, eko vūpakaṭṭho appamatto ātāpī pahitatto viharanto, na cirasseva – yassatthāya kulaputtā sammadeva agārasmā anagāriyaṃ pabbajanti – tadanuttaraṃ brahmacariyapariyosānaṃ diṭṭheva dhamme sayama abhiññā sacchikatvā upasampajja vihāsi. ‘Khīṇā jāti, vusitaṃ brahmacariyaṃ, kataṃ karaṇiyaṃ, nāparaṃ itthattāyā’ti abhiññāsi. Aññataro ca panāyasmā soṇo arahataṃ ahoṣi.

244. Atha kho āyasmato soṇassa arahattappattassa etadahosi – “yaṃnūnāhaṃ bhagavato santike aññaṃ byākareyya”nti. Atha kho āyasmā soṇo yena bhagavā tenupasaṅkami, upasaṅkamitvā bhagavantam abhivādetvā ekamantaṃ nisīdi. Ekamantaṃ nisinno kho āyasmā soṇo bhagavantam etadavoca – yo so, bhante, bhikkhu araham khīṇāsavo vusitavā katakaraṇīyo ohitabhāro anuppattasattho parikkhīṇabhavasaññojano sammadaññā vimutto, so chaṭṭhānāni adhimutto hoti – nekkhammādhimutto hoti, pavivekādhimutto hoti, abyāpajjādhimutto hoti, upādānakkhayādhimutto hoti, taṇhakkhayādhimutto hoti, asammohādhimutto hoti.

“Siyā kho pana, bhante, idhekaccassa āyasmato evamassa – ‘kevalam saddhāmatkam nūna ayamāyasmā nissāya nekkhammādhimutto’ti, na kho panetaṃ, bhante, evaṃ daṭṭhabbam. Khīṇāsavo, bhante, bhikkhu, vusitavā, katakaraṇīyo, karaṇīyamattānaṃ asamanupassanto katassa vā paṭicayaṃ khayā rāgassa vītarāgattā nekkhammādhimutto hoti, khayā dosassa vītadosattā nekkhammādhimutto hoti, khayā mohassa vītamohattā nekkhammādhimutto hoti.

“Siyā kho pana, bhante, idhekaccassa āyasmato evamassa – ‘lābhasakkārasilokaṃ nūna ayamāyasmā nikāmayamāno pavivekādhimutto’ti. Na kho panetaṃ, bhante, evaṃ daṭṭhabbam. Khīṇāsavo, bhante, bhikkhu, vusitavā, katakaraṇīyo, karaṇīyamattānaṃ [\[karaṇīyam attano \(aṅguttarapāliyaṃ\)\]](#) asamanupassanto katassa vā paṭicayaṃ, khayā rāgassa vītarāgattā pavivekādhimutto hoti, khayā dosassa vītadosattā pavivekādhimutto hoti, khayā mohassa vītamohattā pavivekādhimutto hoti.

“Siyā kho pana, bhante, idhekaccassa āyasmato evamassa – ‘sīlabbataparāmāsaṃ nūna ayamāyasmā sārato paccāgacchanto abyāpajjādhimutto’ti. Na kho panetaṃ, bhante, evaṃ daṭṭhabbam. Khīṇāsavo, bhante, bhikkhu, vusitavā, katakaraṇīyo, karaṇīyamattānaṃ asamanupassanto katassa vā paṭicayaṃ, khayā rāgassa vītarāgattā abyāpajjādhimutto hoti, khayā dosassa vītadosattā abyāpajjādhimutto hoti, khayā mohassa vītamohattā abyāpajjādhimutto hoti.

“Khayā rāgassa vītarāgattā upādānakkhayādhimutto hoti, khayā dosassa vītadosattā upādānakkhayādhimutto hoti, khayā mohassa vītamohattā upādānakkhayādhimutto hoti.

“Khayā rāgassa vītarāgattā taṇhakkhayādhimutto hoti, khayā dosassa vītadosattā taṇhakkhayādhimutto hoti, khayā mohassa vītamohattā taṇhakkhayādhimutto hoti.

“Khayā rāgassa vītarāgattā asammohādhimutto hoti, khayā dosassa vītadosattā asammohādhimutto hoti, khayā mohassa vītamohattā asammohādhimutto hoti.

“Evaṃ sammā vimuttacittassa, bhante, bhikkhuno bhusā cepi cakkhaviññeyyā rūpā cakkhussa āpātham āgacchanti, nevassa cittaṃ pariyādiyanti. Amissīkatamevassa cittaṃ hoti, ṭhitaṃ, āneñjappattam, vayañcassānupassati. Bhusā cepi sotaviññeyyā saddā...pe... ghānaviññeyyā gandhā... jivhāviññeyyā rasā... kāyaviññeyyā phoṭṭhabbā... manoviññeyyā dhammā manassa āpātham āgacchanti, nevassa cittaṃ pariyādiyanti; amissīkatamevassa cittaṃ hoti, ṭhitaṃ, āneñjappattam, vayañcassānupassati. Seyyathāpi, bhante, selo pabbato acchiddo asusiro ekagghano, puratthimāya cepi disāya āgaccheyya bhusā vātavuṭṭhi, neva naṃ saṅkampeyya na sampakampeyya na sampavedheyya; pacchimāya cepi disāya āgaccheyya bhusā vātavuṭṭhi...pe... uttarāya cepi disāya...pe... dakkhiṇāya cepi disāya āgaccheyya bhusā vātavuṭṭhi, neva naṃ saṅkampeyya na sampakampeyya na sampavedheyya, evameva kho, bhante, evaṃ sammā vimuttacittassa bhikkhuno bhusā cepi cakkhaviññeyyā rūpā cakkhussa āpātham āgacchanti, nevassa cittaṃ pariyādiyanti; amissīkatamevassa cittaṃ hoti, ṭhitaṃ, āneñjappattam, vayañcassānupassati. Bhusā cepi sotaviññeyyā saddā...pe... ghānaviññeyyā gandhā... jivhāviññeyyā rasā... kāyaviññeyyā phoṭṭhabbā... manoviññeyyā dhammā manassa āpātham āgacchanti, nevassa cittaṃ pariyādiyanti; amissīkatamevassa cittaṃ hoti, ṭhitaṃ, āneñjappattam, vayañcassānupassati”ti.

Nekkhammaṃ adhimuttassa, pavivekañca cetaso;
Abyāpajjādhimuttassa, upādānakkhayassa ca.

Taṇhakkhayādhimuttassa, asammohañca cetaso;
Disvā āyatanuppādaṃ, sammā cittaṃ vimuccati.

Tassa sammāvimuttassa, santacittassa bhikkhuno;
Katassa paṭicayo natthi, karaṇīyaṃ na vijjati.

Selo yathā ekagghano, vātena na samīrati;
Evaṃ rūpā rasā saddā, gandhā phassā ca kevalā.

Iṭṭhā dhammā anīṭṭhā ca, na pavedhenti tādino;
Ṭhitam cittaṃ vippamuttaṃ, vayañcassānupassatīti.

Soṇakoḷivisavatthu niṭṭhitaṃ.

148. Diguṇādiupāhanapaṭikkhepo

245. Atha kho bhagavā bhikkhū āmantesi – “evaṃ kho, bhikkhave, kulaputtā aññaṃ byākaronti, attho ca vutto, attā ca anupanīto. Atha ca, panidhekacce moghapurisā hasamānakaṃ, maññe, aññaṃ byākaronti, te pacchā vighātaṃ āpajjanti”ti. Atha kho bhagavā āyasmantaṃ soṇaṃ āmantesi – “tvaṃ khosi, soṇa, sukhumālo. Anujānāmi te, soṇa, ekapalāsikaṃ upāhana”nti. “Ahaṃ kho, bhante, asītisakaṭavāhe hiraññaṃ ohāya agārasmā anagāriyaṃ pabbajito, sattahatthikañca anīkaṃ. Athahaṃ bhante ekapalāsikaṃ ce upāhanaṃ pariharissāmi, tassa me bhavissanti vattāro ‘soṇo koḷiviso asītisakaṭavāhe hiraññaṃ ohāya agārasmā anagāriyaṃ pabbajito, sattahatthikañca anīkaṃ. So dānāyaṃ ekapalāsikāsu upāhanāsu satto”ti. Sace bhagavā bhikkhusaṅghassa anujānissati ahampi paribhuñjissāmi; no ce bhagavā bhikkhusaṅghassa anujānissati, ahampi na paribhuñjissāmi”ti. Atha kho bhagavā etasmiṃ nidāne etasmiṃ pakaraṇe dhammiṃ kathaṃ katvā bhikkhū āmantesi – “anujānāmi, bhikkhave, ekapalāsikaṃ upāhanaṃ. Na, bhikkhave, diguṇā upāhanā dhāretabbā. Na tiguṇā upāhanā dhāretabbā. Na guṇaṅguṇupāhanā [gaṇaṅgaṇupāhanā (bahūsu)] dhāretabbā. Yo dhāreyya, āpatti dukkaṭassā”ti.

Diguṇādiupāhanapaṭikkhepo niṭṭhito.

149. Sabbanīlikādipaṭikkhepo

246. Tena kho pana samayena chabbaggiyā bhikkhū sabbanīlikā upāhanāyo dhārenti...pe... sabbapītikā upāhanāyo dhārenti... sabbalohitikā upāhanāyo dhārenti... sabbamañjīṭṭhikā [sabbamañjīṭṭhikā (ka.)] upāhanāyo dhārenti ... sabbakaṇhā upāhanāyo dhārenti... sabbamahāraṅgarattā upāhanāyo dhārenti... sabbamahānāmarattā upāhanāyo dhārenti. Manussā ujjhāyanti khiyyanti vipācenti, “seyyathāpi gihī kāmabhogino”ti. Bhagavato etamatthaṃ ārocesuṃ. Na, bhikkhave, sabbanīlikā upāhanā dhāretabbā...pe... na sabbapītikā upāhanā dhāretabbā, na sabbalohitikā upāhanā dhāretabbā, na sabbamañjīṭṭhikā upāhanā dhāretabbā, na sabbakaṇhā upāhanā dhāretabbā, na sabbamahāraṅgarattā upāhanā dhāretabbā, na sabbamahānāmarattā upāhanā dhāretabbā. Yo dhāreyya, āpatti dukkaṭassāti.

Tena kho pana samayena chabbaggiyā bhikkhū nīlakavaddhikā [vaṭṭikā (sī.)] upāhanāyo dhārenti, pītakavaddhikā upāhanāyo dhārenti, lohītakavaddhikā upāhanāyo dhārenti, mañjīṭṭhikavaddhikā upāhanāyo dhārenti, kaṇhavaddhikā upāhanāyo dhārenti, mahāraṅgarattavaddhikā upāhanāyo dhārenti, mahānāmarattavaddhikā upāhanāyo dhārenti. Manussā ujjhāyanti khiyyanti vipācenti, “seyyathāpi gihī kāmabhogino”ti. Bhagavato etamatthaṃ ārocesuṃ. Na, bhikkhave, nīlakavaddhikā upāhanā

dhāretabbā...pe... na pītakavaddhikā upāhanā dhāretabbā, na lohitakavaddhikā upāhanā dhāretabbā, na mañjīṭṭhikavaddhikā upāhanā dhāretabbā, na kaṇhavaddhikā upāhanā dhāretabbā, na mahāraṅgarattavaddhikā upāhanā dhāretabbā, na mahānāmarattavaddhikā upāhanā dhāretabbā. Yo dhāreyya, āpatti dukkaṭassāti.

Tena kho pana samayena chabbaggiyā bhikkhū khallakabaddhā [...bandhā (ka.)] upāhanāyo dhārenti...pe... puṭabaddhā upāhanāyo dhārenti, pāliguṇṭhimā upāhanāyo dhārenti, tūlapuṇṇikā upāhanāyo dhārenti, tittirapattikā upāhanāyo dhārenti, meṇḍavisāṇavaddhikā upāhanāyo dhārenti, ajavisāṇavaddhikā upāhanāyo dhārenti, vicchikālikā upāhanāyo dhārenti, morapiṇcha [morapiṇja (sī. syā.)] parisibbitā upāhanāyo dhārenti, citrā upāhanāyo dhārenti. Manussā ujjhāyanti khiyyanti vipācenti, “seyyathāpi gihī kāmabhogino”ti. Bhagavato etamatthaṃ ārocesuṃ. Na, bhikkhave, khallakabaddhā upāhanā dhāretabbā...pe... na puṭabaddhā upāhanā dhāretabbā, na pāliguṇṭhimā upāhanā dhāretabbā, na tūlapuṇṇikā upāhanā dhāretabbā, na tittirapattikā upāhanā dhāretabbā, na meṇḍavisāṇavaddhikā upāhanā dhāretabbā, na ajavisāṇavaddhikā upāhanā dhāretabbā, na vicchikālikā upāhanā dhāretabbā, na morapiṇchaparisisibbitā upāhanā dhāretabbā, na citrā upāhanā dhāretabbā. Yo dhāreyya, āpatti dukkaṭassāti.

Tena kho pana samayena chabbaggiyā bhikkhū sīhacammaparikkhaṭā upāhanāyo dhārenti...pe... byagghacammaparikkhaṭā upāhanāyo dhārenti, dīpicammaparikkhaṭā upāhanāyo dhārenti, ajinacammaparikkhaṭā upāhanāyo dhārenti, uddacammaparikkhaṭā upāhanāyo dhārenti, majjāraccammaparikkhaṭā upāhanāyo dhārenti, kālakacammaparikkhaṭā upāhanāyo dhārenti, luvakacammaparikkhaṭā [ulūkacammaparikkhaṭā (yojanā)] upāhanāyo dhārenti. Manussā ujjhāyanti khiyyanti vipācenti, “seyyathāpi gihī kāmabhogino”ti. Bhagavato etamatthaṃ ārocesuṃ. Na, bhikkhave, sīhacammaparikkhaṭā upāhanā dhāretabbā...pe... na byagghacammaparikkhaṭā upāhanā dhāretabbā, na dīpicammaparikkhaṭā upāhanā dhāretabbā, na ajinacammaparikkhaṭā upāhanā dhāretabbā, na uddacammaparikkhaṭā upāhanā dhāretabbā, na majjāraccammaparikkhaṭā upāhanā dhāretabbā, na kālakacammaparikkhaṭā upāhanā dhāretabbā, na luvakacammaparikkhaṭā upāhanā dhāretabbā. Yo dhāreyya, āpatti dukkaṭassāti.

Sabbanīlikādipaṭikkhepo niṭṭhito.

150. Omukkaguṇaṅguṇupāhanānujānanā

247. Atha kho bhagavā pubbaṅhasamayam nivāsetvā pattacīvaramādāya rājagaham piṇḍāya pāvīsi, aññatarena bhikkhunā pacchāsamaṇena. Atha kho so bhikkhu khañjamāno bhagavantam piṭṭhito piṭṭhito anubandhi. Addasā kho aññataro upāsako guṇaṅguṇupāhanā ārohitvā bhagavantam dūratova āgacchantam; disvā upāhanā ārohitvā yena bhagavā tenupasaṅkami; upasaṅkamitvā bhagavantam abhivādetvā yena so bhikkhu tenupasaṅkami; upasaṅkamitvā tam bhikkhum abhivādetvā etadavoca – “kissa, bhante, ayyo khañjati”ti? “Pādā me, āvuso, phalitā”ti [phālitāti (ka.)]. “Handa, bhante, upāhanāyo”ti. “Alam, āvuso, paṭikkhittā bhagavatā guṇaṅguṇupāhanā”ti. “Gaṇhāhetā, bhikkhu, upāhanāyo”ti. Atha kho bhagavā etasmim nidāne etasmim pakaraṇe dhammim katham katvā bhikkhū āmantesi – “anujānāmi, bhikkhave, omukkaṃ guṇaṅguṇupāhanam. Na, bhikkhave, navā guṇaṅguṇupāhanā dhāretabbā. Yo dhāreyya, āpatti dukkaṭassā”ti.

Omukkaguṇaṅguṇupāhanānujānanā niṭṭhitā.

151. Ajjhārāme upāhanapaṭikkhepo

248. Tena kho pana samayena bhagavā ajjhokāse anupāhano caṅkamati. Sathā anupāhano caṅkamati, therāpi bhikkhū anupāhanā caṅkamanti. Chabbaggiyā bhikkhū, satthari anupāhane caṅkamamāne, theresupi bhikkhūsu anupāhanesu caṅkamamānesu, saupāhanā caṅkamanti. Ye te

bhikkhū appicchā...pe... te ujjhāyanti khiyyanti vipācenti – “kathañhi nāma chabbaggiyā bhikkhū, satthari anupāhane caṅkamamāne, theresupi bhikkhūsu anupāhanesu caṅkamamānesu, saupāhanā caṅkamissanti”ti. Atha kho te bhikkhū bhagavato etamatthaṃ ārocesuṃ...pe... “saccaṃ kira, bhikkhave, chabbaggiyā bhikkhū, satthari anupāhane caṅkamamāne, theresupi bhikkhūsu anupāhanesu caṅkamamānesu, saupāhanā caṅkamanti”ti? “Saccaṃ, bhagavā”ti. Vigarahi buddho bhagavā...pe... “kathañhi nāma te, bhikkhave, moghapurisā, satthari anupāhane caṅkamamāne, theresupi bhikkhūsu anupāhanesu caṅkamamānesu, saupāhanā caṅkamissanti. Ime hi nāma, bhikkhave, gihī odātavattthavasanakā abhijīvanikassa sippassa kāraṇā ācariyesu sagāravā sappatissā sabhāgavuttikā viharissanti. Idha kho taṃ, bhikkhave, sobhetha, yaṃ tumhe evaṃ svākkhāte dhammavinaye pabbajitā samānā ācariyesu ācariyamattesu upajjhāyesu upajjhāyamattesu agāravā appatissā asabhāgavuttikā [sagāravā saggatissā sabhāgavuttikā (ka.)] vihareyyātha. Netam, bhikkhave, appasannānaṃ vā pasādāya...pe... vigarahitvā...pe... dhammiṃ kathaṃ katvā bhikkhū āmantesi – “na, bhikkhave, ācariyesu ācariyamattesu upajjhāyesu upajjhāyamattesu anupāhanesu caṅkamamānesu saupāhanena caṅkamitabbam. Yo caṅkameyya, āpatti dukkaṭassa. Na ca, bhikkhave, ajjhārāme upāhanā dhāretabbā. Yo dhāreyya, āpatti dukkaṭassā”ti.

249. Tena kho pana samayena aññatarassa bhikkhuno pādakhilābādho hoti. Taṃ bhikkhū pariggahetvā uccārampi passāvampi nikkhāmenti. Addasā kho bhagavā senāsanacārikam āhiṇḍanto te bhikkhū taṃ bhikkhuṃ pariggahetvā uccārampi passāvampi nikkhāmente, disvāna yena te bhikkhū tenupasaṅkami, upasaṅkamitvā te bhikkhū etadavoca – “kiṃ imassa, bhikkhave, bhikkhuno ābādho”ti? “Imassa, bhante, āyasmato pādakhilābādho; imaṃ mayaṃ pariggahetvā uccārampi passāvampi nikkhāmemā”ti. Atha kho bhagavā etasmiṃ nidāne etasmiṃ pakaraṇe dhammiṃ kathaṃ katvā bhikkhū āmantesi – “anujānāmi, bhikkhave, yassa pādā vā dukkhā, pādā vā phalitā, pādakhilo vā ābādho [pādakhilābādho vā (syā.)] upāhanaṃ dhāretu”nti.

Tena kho pana samayena bhikkhū adhotēhi pādehi mañcāmpī pīṭhāmpī abhiruhanti; cīvarāmpī senāsanāmpī dussati. Bhagavato etamatthaṃ ārocesuṃ. Anujānāmi, bhikkhave, ‘idāni mañcaṃ vā pīṭhaṃ vā abhiruhissāmi’ti upāhanaṃ dhāretunti.

Tena kho pana samayena bhikkhū rattiyā uposathaggāmpī sannisajjāmpī gacchantā andhakāre khāṇūmpī kaṅṭakāmpī akkamanti; pādā dukkhā honti. Bhagavato etamatthaṃ ārocesuṃ. Anujānāmi, bhikkhave, ajjhārāme upāhanaṃ dhāretuṃ, ukkaṃ, padīpaṃ, kattaradaṇḍanti.

Ajjhārāme upāhanapaṭikkhepo niṭṭhito.

152. Kaṭṭhapādukādīpaṭikkhepo

250. Tena kho pana samayena chabbaggiyā bhikkhū rattiyā paccūsasamayaṃ paccuṭṭhāya kaṭṭhapādukāyo abhiruhitvā ajjhokāse caṅkamanti, uccāsaddā mahāsaddā khaṭakhaṭasaddā, anekavihitam tiracchānakathaṃ kathentā, seyyathidaṃ [imā tiracchānakathāyo pāci. 508; dī. ni. 1.7; ma. ni. 2.223; saṃ. ni. 5.1080; a. ni. 10.69 ādayo] – rājakathaṃ, corakathaṃ, mahāmatlakathaṃ, senākathaṃ, bhayakathaṃ, yuddhakathaṃ, annakathaṃ, pānakathaṃ, vatthakathaṃ, sayanakathaṃ, mālākathaṃ, gandhakathaṃ, ñātikathaṃ, yānakathaṃ, gāmakathaṃ, nigamakathaṃ, nagarakathaṃ, janapadakathaṃ, itthikathaṃ [itthikathaṃ purisakathaṃ (ka.)], sūrakathaṃ, visikhākathaṃ, kumbhaṭṭhānakathaṃ, pubbapetakathaṃ, nānattakathaṃ, lokakkhāyikaṃ, samuddakkhāyikaṃ, itibhavābhavakathaṃ iti vā; kīṭakāmpī akkamitvā mārenti, bhikkhūpi samādhimhā cāventi. Ye te bhikkhū appicchā...pe... te ujjhāyanti khiyyanti vipācenti – “kathañhi nāma chabbaggiyā bhikkhū rattiyā paccūsasamayaṃ paccuṭṭhāya kaṭṭhapādukāyo abhiruhitvā ajjhokāse caṅkamissanti, uccāsaddā mahāsaddā khaṭakhaṭasaddā anekavihitam tiracchānakathaṃ kathentā, seyyathidaṃ – rājakathaṃ, corakathaṃ...pe... itibhavābhavakathaṃ iti vā, kīṭakāmpī akkamitvā māressanti, bhikkhūpi samādhimhā cāvessanti”ti. Atha kho te bhikkhū bhagavato etamatthaṃ ārocesuṃ...pe... “saccaṃ kira, bhikkhave,

chabbaggiyā bhikkhū rattiyā paccūsasamayam paccuṭṭhāya kaṭṭhapādukāyo abhiruhitvā ajjhokāse caṅkamanti, uccāsaddā mahāsaddā khaṭakhaṭasaddā, anekavihitam tiracchānakatham kathentā, seyyathidam, – rājakatham, corakatham...pe... itibhavābhavakatham iti vā, kīṭakampi akkamitvā mārenti, bhikkhūpi samādhimhā cāventī”ti? “Saccam, bhagavā”ti...pe... vīgarahitvā dhammiṃ katham katvā bhikkhū āmantesi – “na, bhikkhave, kaṭṭhapādukā dhāretabbā. Yo dhāreyya, āpatti dukkaṭassā”ti.

Atha kho bhagavā rājagahe yathābhirantam viharitvā yena bārāṇasī tena cārikam pakkāmi. Anupubbena cārikam caramāno yena bārāṇasī tadavasari. Tatra sudam bhagavā bārāṇasiyam viharati isipatane miḡadāye. Tena kho pana samayena chabbaggiyā bhikkhū – bhagavatā kaṭṭhapādukā paṭikkhittāti – tālataruṇe chedāpetvā tālapattapādukāyo dhārenti; tāni tālataruṇāni chinnāni milāyanti. Manussā ujjhāyanti khiyyanti vipācenti – “kathañhi nāma samaṇā sakyaputtiyā tālataruṇe chedāpetvā tālapattapādukāyo dhāressanti; tāni tālataruṇāni chinnāni milāyanti; ekindriyam samaṇā sakyaputtiyā jīvam viheṭhenti”ti. Assosum kho bhikkhū tesam manussānam ujjhāyantānam khiyyantānam vipācentānam. Atha kho te bhikkhū bhagavato etamattham ārocesum...pe... “saccam kira, bhikkhave, chabbaggiyā bhikkhū tālataruṇe chedāpetvā tālapattapādukāyo dhārenti; tāni tālataruṇāni chinnāni milāyanti”ti? Saccam bhagavāti. Vīgarahi buddho bhagavā...pe... kathañhi nāma te, bhikkhave, moghapurisā tālataruṇe chedāpetvā tālapattapādukāyo dhāressanti; tāni tālataruṇāni chinnāni milāyanti. Jīvasaññino hi, bhikkhave, manussā rukkhasmiṃ. Netam, bhikkhave, appasannānam vā pasādāya...pe... vīgarahitvā dhammiṃ katham katvā bhikkhū āmantesi – “na, bhikkhave, tālapattapādukā dhāretabbā. Yo dhāreyya, āpatti dukkaṭassā”ti.

Tena kho pana samayena chabbaggiyā bhikkhū ‘bhagavatā tālapattapādukā paṭikkhittā’ti veḷutaruṇe chedāpetvā veḷupattapādukāyo dhārenti. Tāni veḷutaruṇāni chinnāni milāyanti. Manussā ujjhāyanti khiyyanti vipācenti – “kathañhi nāma samaṇā sakyaputtiyā veḷutaruṇe chedāpetvā veḷupattapādukāyo dhāressanti. Tāni veḷutaruṇāni chinnāni milāyanti. Ekindriyam samaṇā sakyaputtiyā jīvam viheṭhenti”ti. Assosum kho bhikkhū tesam manussānam ujjhāyantānam khiyyantānam vipācentānam. Atha kho te bhikkhū bhagavato etamattham ārocesum...pe... jīvasaññino hi, bhikkhave, manussā rukkhasmiṃ...pe... na, bhikkhave, veḷupattapādukā dhāretabbā. Yo dhāreyya, āpatti dukkaṭassāti.

251. Atha kho bhagavā bārāṇasiyam yathābhirantam viharitvā yena bhaddiyam tena cārikam pakkāmi. Anupubbena cārikam caramāno yena bhaddiyam tadavasari. Tatra sudam bhagavā bhaddiye viharati jātiyā vane. Tena kho pana samayena bhaddiyā bhikkhū anekavihitam pādukamaṇḍanānuyogamanuyuttā viharanti, tiṇapādukam karontipi kārāpentipi, muñjapādukam karontipi kārāpentipi, pabbajapādukam karontipi kārāpentipi, hintālapādukam karontipi kārāpentipi, kamalapādukam karontipi kārāpentipi, kambalapādukam karontipi kārāpentipi, riñcanti uddesam paripuccham adhisīlam adhiccitam adhipaññaṃ. Ye te bhikkhū appicchā...pe... te ujjhāyanti khiyyanti vipācenti – “kathañhi nāma bhaddiyā bhikkhū anekavihitam pādukamaṇḍanānuyogamanuyuttā viharissanti, tiṇapādukam karissantipi kārāpessantipi, muñjapādukam karissantipi kārāpessantipi, pabbajapādukam karissantipi kārāpessantipi, hintālapādukam karissantipi kārāpessantipi, kamalapādukam karissantipi kārāpessantipi, kambalapādukam karissantipi kārāpessantipi, riñcissanti uddesam paripuccham adhisīlam adhiccitam adhipaññaṃ”nti. Atha kho te bhikkhū bhagavato etamattham ārocesum...pe... “saccam kira, bhikkhave, bhaddiyā bhikkhū anekavihitam pādukamaṇḍanānuyogamanuyuttā viharanti, tiṇapādukam karontipi kārāpentipi...pe... riñcanti uddesam paripuccham adhisīlam adhiccitam adhipaññaṃ”nti? “Saccam, bhagavā”ti. Vīgarahi buddho bhagavā...pe... “kathañhi nāma te, bhikkhave, moghapurisā anekavihitam pādukamaṇḍanānuyogamanuyuttā viharissanti, tiṇapādukam karissantipi kārāpessantipi...pe... riñcissanti uddesam paripuccham adhisīlam adhiccitam adhipaññaṃ. Netam, bhikkhave, appasannānam vā pasādāya...pe... vīgarahitvā...pe... dhammiṃ katham katvā bhikkhū āmantesi – “na, bhikkhave, tiṇapādukā dhāretabbā, na muñjapādukā dhāretabbā, na pabbajapādukā dhāretabbā, na hintālapādukā dhāretabbā, na kamalapādukā dhāretabbā, na kambalapādukā dhāretabbā, na sovaṇṇamayā pādukā dhāretabbā, na rūpiyamayā pādukā dhāretabbā, na maṇimayā pādukā dhāretabbā, na veḷuriyamayā pādukā dhāretabbā, na phalikamayā pādukā

dhāretabbā, na kaṃsamayā pādukā dhāretabbā, na kācamayā pādukā dhāretabbā, na tipumayā pādukā dhāretabbā, na sīsamayā pādukā dhāretabbā, na tambalohamayā pādukā dhāretabbā. Yo dhāreyya, āpatti dukkaṭassa. Na ca, bhikkhave, kāci saṅkamanīyā pādukā dhāretabbā. Yo dhāreyya, āpatti dukkaṭassa. Anujānāmi, bhikkhave, tisso pādukā dhuvaṭṭhānīyā asaṅkamanīyāyo – vaccapādukaṃ, passāvapādukaṃ, ācamanapāduka’nti.

252. Atha kho bhagavā bhaddiye yathābhirantaṃ viharitvā yena sāvatthi tena cārikaṃ pakkāmi. Anupubbena cārikaṃ caramāno yena sāvatthi tadavasari. Tatra sudam bhagavā sāvatthiyaṃ viharati jetavane anāthapiṇḍikassa ārāme. Tena kho pana samayena chabbaggiyā bhikkhū aciravatiyā nadiyā gāvīnaṃ tarantīnaṃ visāṇesupi gaṇhanti, kaṇṇesupi gaṇhanti, gīvāyapī gaṇhanti, cheppāpi gaṇhanti, piṭṭhimpī abhiruhanti, rattacittāpi aṅgajātaṃ chupanti, vacchatarimpī ogāhetvā mārenti. Manussā ujjhāyanti khiyyanti vipācenti – “kathañhi nāma samaṇā sakyaputtiyā gāvīnaṃ tarantīnaṃ visāṇesupi gahessanti...pe... seyyathāpi gihī kāmabhogino”ti. Assosum kho bhikkhū tesam manussānaṃ ujjhāyantānaṃ khiyyantānaṃ vipācentānaṃ. Atha kho te bhikkhū bhagavato etamatthaṃ ārocesum... pe... saccaṃ kira, bhikkhave,...pe... saccaṃ bhagavāti...pe... vigarahitvā...pe... dhammiṃ kathaṃ katvā bhikkhū āmantesi – “na, bhikkhave, gāvīnaṃ visāṇesu gahetabbam, na kaṇṇesu gahetabbam, na gīvāya gahetabbam, na cheppāya gahetabbam, na piṭṭhi abhiruhitabbā. Yo abhiruheyya, āpatti dukkaṭassa. Na ca, bhikkhave, rattacittena aṅgajātaṃ chupitabbam. Yo chupeyya, āpatti thullaccayassa. Na vaccharī māretabbā. Yo māreyya, yathādhammo kāretabbo”ti.

Kaṭṭhapādukādipaṭikkhepo niṭṭhito.

153. Yānādipaṭikkhepo

253. Tena kho pana samayena chabbaggiyā bhikkhū yānena yāyanti, itthiyuttenapi purisantarena, purisayuttenapi itthantarena. Manussā ujjhāyanti khiyyanti vipācenti – “seyyathāpi gaṅgāmahiyāyā”ti. Bhagavato etamatthaṃ ārocesum. Na, bhikkhave, yānena yāyitabbam. Yo yāyeyya, āpatti dukkaṭassāti. Tena kho pana samayena aññataro bhikkhu kosalesu janapade sāvatthiṃ gacchanto bhagavantaṃ dassanāya antarāmagge gilāno hoti. Atha kho so bhikkhu maggā okkamma aññatarasmiṃ rukkhamūle nisīdi. Manussā taṃ bhikkhuṃ disvā etadavocum – “kaḥaṃ, bhante, ayyo gamissati”ti? “Sāvatthiṃ kho ahaṃ, āvuso, gamissāmi bhagavantaṃ dassanāyā”ti. “Ehi, bhante, gamissāma”ti. “Nāhaṃ, āvuso, sakkomi, gilānomhī”ti. “Ehi, bhante, yānaṃ abhiruhā”ti. “Alaṃ, āvuso, paṭikkhittaṃ bhagavatā yāna”nti kukkuccāyanta yānaṃ nābhiruhi. Atha kho so bhikkhu sāvatthiṃ gantvā bhikkhūnaṃ etamatthaṃ ārocesi. Bhikkhū bhagavato etamatthaṃ ārocesum. Anujānāmi, bhikkhave, gilānassa yānanti. Atha kho bhikkhūnaṃ etadahosi – “itthiyuttaṃ nu kho purisayuttaṃ nu kho”ti? Bhagavato etamatthaṃ ārocesum. Anujānāmi, bhikkhave, purisayuttaṃ hatthavaṭṭakanti.

Tena kho pana samayena aññatarassa bhikkhuno yānugghātena bālhataraṃ aphāsu ahoṣi. Bhagavato etamatthaṃ ārocesum. Anujānāmi, bhikkhave, sivikaṃ pāṭaṅkinti.

Yānādipaṭikkhepo niṭṭhito.

154. Uccāsayanamahāsayanapaṭikkhepo

254. Tena kho pana samayena chabbaggiyā bhikkhū uccāsayanamahāsayanāni dhārenti, seyyathidaṃ – āsandiṃ, pallaṅkaṃ, gonakaṃ, cittaṃ, paṭikaṃ, paṭalikaṃ, tūlikaṃ, vikatikaṃ, uddhalomiṃ [undalomiṃ (ka.), uddalomiṃ (ka.)], ekantalomiṃ, kaṭṭissaṃ, koseyyaṃ, kuttakaṃ, hatthatharaṃ, assattharaṃ, rathattharaṃ, ajinapaveṇiṃ, kadalimigapavarapaccattharaṃ, sauttaracchadaṃ, ubhatolohitakūpadhānanti. Manussā vihāracārikaṃ āhiṇḍantā passitvā ujjhāyanti khiyyanti vipācenti – “seyyathāpi gihī kāmabhogino”ti. Bhagavato etamatthaṃ ārocesum. Na, bhikkhave, uccāsayanamahāsayanāni dhāretabbāni, seyyathidaṃ – āsandi, pallaṅko, gonako, cittako,

paṭikā, paṭalikā, tūlikā, vikatikā, uddhalomi, ekantalomi, kaṭṭissaṃ, koseyyaṃ, kuttakaṃ, hatthathharaṃ, assattharaṃ, rathattharaṃ, ajinapaveṇi, kadalimigapavarapaccattharaṇaṃ, sauttaracchadaṃ, ubhatolohitakūpadhānaṃ. Yo dhāreyya, āpatti dukkaṭassāti.

Uccāsayanamahāsayanapaṭikkhepo niṭṭhito.

155. Sabbacammaṭikkhepo

255. Tena kho pana samayena chabbaggiyā bhikkhū – bhagavatā uccāsayanamahāsayanāni paṭikkhittānī – mahācammaṃ dhārenti, sīhacammaṃ byagghacammaṃ dīpicammaṃ. Tāni mañcappamaṇenapi chinnāni honti, pīṭhappamaṇenapi chinnāni honti, antopi mañce paññattāni honti, bahipi mañce paññattāni honti, antopi pīṭhe paññattāni honti, bahipi pīṭhe paññattāni honti. Manussā vihāracārikaṃ āhiṇḍantā passitvā ujjhāyanti khiyyanti vipācenti – “seyyathāpi gihī kāmabhogino”ti. Bhagavato etamatthaṃ ārocesuṃ. Na, bhikkhave, mahācammāni dhāretabbāni, sīhacammaṃ byagghacammaṃ dīpicammaṃ. Yo dhāreyya, āpatti dukkaṭassāti.

Tena kho pana samayena chabbaggiyā bhikkhū – bhagavatā mahācammāni paṭikkhittānī – gocammāni dhārenti. Tāni mañcappamaṇenapi chinnāni honti, pīṭhappamaṇenapi chinnāni honti, antopi mañce paññattāni honti, bahipi mañce paññattāni honti, antopi pīṭhe paññattāni honti, bahipi pīṭhe paññattāni honti. Aññataropi pāpabhikkhu aññatarassa pāpupāsakassa kulūpako hoti. Atha kho so pāpabhikkhu pubbaṅhasamayaṃ nivāsetvā pattaṭvaramādāya yena tassa pāpupāsakassa nivesanaṃ tenupasaṅkami, upasaṅkamitvā paññatte āsane nisīdi. Atha kho so pāpupāsako yena so pāpabhikkhu tenupasaṅkami, upasaṅkamitvā taṃ pāpabhikkhuṃ abhivādetvā ekamantaṃ nisīdi. Tena kho pana samayena tassa pāpupāsakassa vacchako hoti taruṇako abhirūpo dassanīyo pāsādiko citro, seyyathāpi dīpicchāpo. Atha kho so pāpabhikkhu taṃ vacchakaṃ sakkaccaṃ upanijjhāyati. Atha kho so pāpupāsako taṃ pāpabhikkhuṃ etadavoca – “kissa, bhante, ayyo imaṃ vacchakaṃ sakkaccaṃ upanijjhāyati”ti? “Attho me, āvuso, imassa vacchakassa cammenā”ti. Atha kho so pāpupāsako taṃ vacchakaṃ vadhitvā cammaṃ vidhunitvā tassa pāpabhikkhuno pādāsi. Atha kho so pāpabhikkhu taṃ cammaṃ saṅghāṭiyā paṭicchādetvā agamāsi. Atha kho sā gāvī vacchagiddhinī taṃ pāpabhikkhuṃ piṭṭhito piṭṭhito anubandhi. Bhikkhū evamāhaṃsu – “kissa tyāyaṃ, āvuso, gāvī piṭṭhito piṭṭhito anubandhi”ti? “Ahampi kho, āvuso, na jānāmi kena [kenaci (ka.)] myāyaṃ gāvī piṭṭhito piṭṭhito anubandhi”ti. Tena kho pana samayena tassa pāpabhikkhuno saṅghāṭi lohitena makkhitā hoti. Bhikkhū evamāhaṃsu – “ayaṃ pana te, āvuso, saṅghāṭi kiṃ katā”ti? Atha kho so pāpabhikkhu bhikkhūnaṃ etamatthaṃ ārocesi. “Kiṃ pana tvaṃ, āvuso, pāṇātipāte samādapesī”ti? “Evamāvuso”ti. Ye te bhikkhū appicchā te ujjhāyanti khiyyanti vipācenti – “kathaṅhi nāma bhikkhu pāṇātipāte samādapessati, nanu bhagavatā anekapariyāyena pāṇātipāto garahito, pāṇātipātā veramaṇī pasatthā”ti. Atha kho te bhikkhū bhagavato etamatthaṃ ārocesuṃ.

Atha kho bhagavā etasmimṃ nidāne etasmimṃ pakaraṇe bhikkhusaṅghaṃ sannipātāpetvā taṃ pāpabhikkhuṃ paṭipucchi – “saccaṃ kira tvaṃ, bhikkhu, pāṇātipāte samādapesī”ti? Saccaṃ bhagavāti...pe... kathaṅhi nāma tvaṃ, moghapurisa, pāṇātipāte samādapessasi, nanu mayā, moghapurisa, anekapariyāyena pāṇātipāto garahito, pāṇātipātā veramaṇī pasatthā. Netam, moghapurisa, appasannānaṃ vā pasādāya...pe... vigarahitvā dhammiṃ kathaṃ katvā bhikkhū āmantesi – “na, bhikkhave, pāṇātipāte samādapetabbaṃ. Yo samādapeyya, yathādhammo kāretabbo. Na, bhikkhave, gocammaṃ dhāretabbaṃ. Yo dhāreyya, āpatti dukkaṭassa. Na ca, bhikkhave, kiñci cammaṃ dhāretabbaṃ. Yo dhāreyya, āpatti dukkaṭassā”ti.

Sabbacammaṭikkhepo niṭṭhito.

156. Gihivatānuññātādi

256. Tena kho pana samayena manussānaṃ mañcampi pīṭhampi cammonaddhāni honti, cammavinaddhāni. Bhikkhū kukkucāyanta nābhiniṣīdanti. Bhagavato etamatthaṃ ārocesuṃ. Anujānāmi, bhikkhave, gihivikataṃ abhiniṣīdituṃ, na tveva abhinipajjitunti.

Tena kho pana samayena vihārā cammavaddhehi ogumbhiyanti [ogumbhiyanti (ka.)]. Bhikkhū kukkucāyanta nābhiniṣīdanti. Bhagavato etamatthaṃ ārocesuṃ. Anujānāmi, bhikkhave, bandhanamattaṃ abhiniṣīditunti.

Tena kho pana samayena chabbaggiyā bhikkhū saupāhanā gāmaṃ pavisanti. Manussā ujjhāyanti khiyyanti vipācenti – “seyyathāpi gihī kāmabhogino”ti. Bhagavato etamatthaṃ ārocesuṃ. Na, bhikkhave, saupāhanena gāmo pavisitabbo. Yo paviseyya, āpatti dukkaṭassāti.

Tena kho pana samayena aññataro bhikkhu gilāno hoti, na sakkoti vinā upāhanena gāmaṃ pavisituṃ. Bhagavato etamatthaṃ ārocesuṃ. Anujānāmi, bhikkhave, gilānena bhikkhunā saupāhanena gāmaṃ pavisitunti.

Gihivikatānuññātādi niṭṭhitā.

157. Soṇakuṭikaṇṇavatthu

257. [udā. 46 sokasuttena saṃsanditvā passitabbaṃ] Tena kho pana samayena āyasmā mahākaccāno avantīsu viharati kuraraghare [kururaghare (ka.)] papatake [papāte (sī. syā.) pavatthe (udā. 46)] pabbate. Tena kho pana samayena soṇo upāsako kuṭikaṇṇo āyasmato mahākaccānassa upaṭṭhāko hoti. Atha kho soṇo upāsako kuṭikaṇṇo yenāyasmā mahākaccāno tenupasaṅkami, upasaṅkamitvā āyasmantaṃ mahākaccānaṃ abhivādetvā ekamantaṃ nisīdi. Ekamantaṃ nisinno kho soṇo upāsako kuṭikaṇṇo āyasmantaṃ mahākaccānaṃ etadavoca – “yathā yathāhaṃ, bhante, ayyena mahākaccānena dhammaṃ desitaṃ ājānāmi, nayidaṃ sukaraṃ agāraṃ ajjhāvasatā ekantaparipuṇṇaṃ ekantaparisuddhaṃ saṅkhalikhiṭtaṃ brahmacariyaṃ carituṃ. Icchāmaṃ, bhante, kesamassuṃ ohāretvā kāsāyāni vatthāni acchādetvā agārasmā anagāriyaṃ pabbajituṃ. Pabbājetu maṃ, bhante, ayyo mahākaccāno”ti. () [(evaṃ vutte āyasmā mahākaccāyano soṇaṃ upāsakaṃ kuṭikaṇṇaṃ etadavoca) (syā. udā. 46)] “Dukkaraṃ kho, soṇa, yāvajīvaṃ ekaseyyaṃ ekabhattaṃ brahmacariyaṃ carituṃ. Ingha, tvaṃ, soṇa, tattheva agārikabhūto buddhānaṃ sāsanaṃ anuyuñja, kālayuttaṃ ekaseyyaṃ ekabhattaṃ brahmacariya”nti. Atha kho soṇassa upāsakassa kuṭikaṇṇassa yo ahosi pabbajjābhisāṅkhāro so paṭippassambhi. Dutiyampi kho soṇo upāsako kuṭikaṇṇo ...pe... tatiyampi kho soṇo upāsako kuṭikaṇṇo yenāyasmā mahākaccāno tenupasaṅkami, upasaṅkamitvā āyasmantaṃ mahākaccānaṃ abhivādetvā ekamantaṃ nisīdi. Ekamantaṃ nisinno kho soṇo upāsako kuṭikaṇṇo āyasmantaṃ mahākaccānaṃ etadavoca – “yathā yathāhaṃ, bhante, ayyena mahākaccānena dhammaṃ desitaṃ ājānāmi, nayidaṃ sukaraṃ agāraṃ ajjhāvasatā ekantaparipuṇṇaṃ ekantaparisuddhaṃ saṅkhalikhiṭtaṃ brahmacariyaṃ carituṃ. Icchāmaṃ, bhante, kesamassuṃ ohāretvā kāsāyāni vatthāni acchādetvā agārasmā anagāriyaṃ pabbajituṃ. Pabbājetu maṃ, bhante, ayyo mahākaccāno”ti. Atha kho āyasmā mahākaccāno soṇaṃ upāsakaṃ kuṭikaṇṇaṃ pabbājesi. Tena kho pana samayena avantidakkhiṇāpatho appabhikkhuko hoti. Atha kho āyasmā mahākaccāno tiṇṇaṃ vassānaṃ accayena kicchena kasirena tato tato dasavaggaṃ bhikkhusaṅghaṃ sannipātāpetvā āyasmantaṃ soṇaṃ upasampādesi.

Soṇakuṭikaṇṇavatthu niṭṭhitā.

158. Mahākaccānassa pañcavaraparidassanā

Atha kho āyasmato soṇassa vassaṃvuṭṭhassa rahogatassa paṭisallīnassa evaṃ cetaso parivitaṅko udapādi – “sutoyeva kho me so bhagavā ediso ca ediso cāti, na ca mayā sammukhā diṭṭho, gaccheyyāhaṃ taṃ bhagavantaṃ dassanāya arahantaṃ sammāsambuddhaṃ, sace maṃ upajjhāyo

anujāneyyā’’ti. Atha kho āyasmā soṇo sāyanhasamayam paṭisallānā vuṭṭhito yenāyasmā mahākaccāno tenupasaṅkami, upasaṅkamtivā āyasmantaṃ mahākaccānaṃ abhivādetvā ekamantaṃ nisīdi. Ekamantaṃ nisinna kho āyasmā soṇo āyasmantaṃ mahākaccānaṃ etadavoca – ‘idha mayham, bhante, rahogatassa paṭisallīnassa evaṃ cetaso parivattako udapādi – ‘suto yeva kho me so bhagavā ediso ca ediso cāti, na ca mayā sammukhā diṭṭho, gaccheyyāham taṃ bhagavantaṃ dassanāya arahantaṃ sammāsambuddham, sace maṃ upajjhāyo anujāneyyā’’ti; gaccheyyāham, bhante, taṃ bhagavantaṃ dassanāya arahantaṃ sammāsambuddham, sace maṃ upajjhāyo anujānātī’’ti. ‘‘Sādhu sādhu, soṇa. Gaccha tvam, soṇa, taṃ bhagavantaṃ dassanāya arahantaṃ sammāsambuddham. Dakkhissasi tvam, soṇa, taṃ bhagavantaṃ pāsādikaṃ pasādanīyam santindriyam santamānasaṃ uttamadamathasamathaṃ amanuppattaṃ dantaṃ guttaṃ yatindriyam nāgaṃ. Tena hi tvam, soṇa, mama vacanena bhagavato pāde sirasā vanda – ‘upajjhāyo me, bhante, āyasmā mahākaccāno bhagavato pāde sirasā vandatī’’ti. Evañca vadehi – ‘‘avantidakkhiṇāpatho, bhante, appabhikkhuko, tiṇṇaṃ me vassānaṃ accayena kicchena kasirena tato tato dasavaggaṃ bhikkhusaṅghaṃ sannipātāpetvā upasampadaṃ alatthaṃ; appeva nāma bhagavā avantidakkhiṇāpathe appatarena gaṇena upasampadaṃ anujāneyya. Avantidakkhiṇāpathe, bhante, kaṇhuttarā bhūmi kharā gokaṇṭakahaṭā; appeva nāma bhagavā avantidakkhiṇāpathe guṇaṅguṇūpāhanaṃ anujāneyya. Avantidakkhiṇāpathe, bhante, nahānagarukā manussā udakasuddhikā; appeva nāma bhagavā avantidakkhiṇāpathe dhuvanahānaṃ anujāneyya. Avantidakkhiṇāpathe, bhante, cammāni attharaṇāni, eḷakacammaṃ ajacammaṃ migacammaṃ. Seyyathāpi, bhante, majjhimesu janapadesu eragū moragū majjārū [majjhārū (ka.)] jantū, evameva kho, bhante, avantidakkhiṇāpathe cammāni attharaṇāni, eḷakacammaṃ ajacammaṃ migacammaṃ; appeva nāma bhagavā avantidakkhiṇāpathe cammāni attharaṇāni anujāneyya, eḷakacammaṃ ajacammaṃ migacammaṃ. Etarahi, bhante, manussā nissīmagatānaṃ bhikkhūnaṃ cīvaraṃ denti – ‘imaṃ cīvaraṃ itthannāmassa demā’’ti. Te āgantvā ārocenti – ‘itthannāmehi te, āvuso, manussehi cīvaraṃ dinna’nti te kukkucāyantā na sādīyanti – ‘mā no nissaggiyaṃ ahoṣī’’ti; appeva nāma bhagavā cīvare pariyāyaṃ ācikkheyyā’’ti. ‘‘Evaṃ, bhante’’ti kho āyasmā soṇo āyasmato mahākaccānassa paṭissutvā uṭṭhāyāsanaṃ āyasmantaṃ mahākaccānaṃ abhivādetvā padakkhiṇaṃ katvā senāsanaṃ saṃsāmetvā pattacīvaramādāya yena sāvatti tena pakkāmi. Anupubbena yena sāvatti jetavanaṃ anāthapiṇḍikassa ārāmo yena bhagavā tenupasaṅkami, upasaṅkamtivā bhagavantaṃ abhivādetvā ekamantaṃ nisīdi. Atha kho bhagavā āyasmantaṃ ānandaṃ āmantesi – ‘‘imassa, ānanda, āgantukassa bhikkhuno senāsanaṃ paññāpehī’’ti. Atha kho āyasmā ānando – ‘‘yassa kho maṃ bhagavā āṇāpeti, ‘imassa, ānanda, āgantukassa bhikkhuno senāsanaṃ paññāpehī’’ti, icchatī bhagavā tena bhikkhūnaṃ saddhiṃ ekavīhāre vatthuṃ, icchatī bhagavā āyasmatā soṇena saddhiṃ ekavīhāre vatthu’’nti – yasmiṃ vīhāre bhagavā vīharatī tasmīṃ vīhāre āyasmato soṇassa senāsanaṃ paññāpesi.

258. Atha kho bhagavā bahudeva rattim ajjhokāse vītināmetvā vīhāraṃ pāvīsi. Āyasmāpi kho soṇo bahudeva rattim ajjhokāse vītināmetvā vīhāraṃ pāvīsi. Atha kho bhagavā rattiyā paccūsasamayaṃ paccuṭṭhāya āyasmantaṃ soṇaṃ ajjhesi – ‘‘paṭibhātu taṃ, bhikkhu, dhammo bhāsitu’’nti. ‘‘Evaṃ, bhante’’ti kho āyasmā soṇo bhagavato paṭissuṇitvā sabbāneva aṭṭhakavaggikāni sarena abhāsi. Atha kho bhagavā āyasmato soṇassa sarabhaññāpariyosāne abbhānumodi – ‘‘sādhu, sādhu, bhikkhu. Suggahitāni kho te, bhikkhu, aṭṭhakavaggikāni, sumanasikatāni sūpadhāritāni. Kalyāṇiyāpi vācāya samannāgato, viṣṭāṭṭhāya, aneḷagalāya [aneḷagalāya (ka.)], atthassa viññāpaniyā. Kativassosi tvam, bhikkhū’’ti? ‘‘Ekavassohaṃ, bhagavā’’ti. ‘‘Kissa pana tvam, bhikkhu, evaṃ ciraṃ akāsī’’ti? ‘‘Ciraṃ diṭṭho me, bhante, kāmesu ādīnava, api ca sambādhā gharāvāsā bahukiccā bahukaraṇīyā’’ti. Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

[udā. 46 udānēpi] ‘‘Disvā ādīnavaṃ loke, ñatvā dhammaṃ nirūpadhiṃ;
Ariyo na ramatī pāpe, pāpe na ramatī suci’’ti.

Atha kho āyasmā soṇo – paṭisammodatī kho maṃ bhagavā, ayaṃ khvassa kālo yaṃ me upajjhāyo paridassīti – uṭṭhāyāsanaṃ ekamaṃ uttarāsaṅgaṃ karitvā bhagavato pādesu sirasā nipatitvā bhagavantaṃ etadavoca – ‘‘upajjhāyo me, bhante, āyasmā mahākaccāno bhagavato pāde sirasā vandatī, evañca vadeti

avantidakkhiṇāpatho, bhante, appabhikkhuko. Tiṇṇaṃ me vassānaṃ accayena kicchena kasirena tato tato dasavaggaṃ bhikkhusaṅghaṃ sannipāṭepetvā upasampadaṃ alattaṃ, appeva nāma bhagavā avantidakkhiṇāpathe appatarena gaṇena upasampadaṃ anujāneyya. Avantidakkhiṇāpathe, bhante, kaṇhuttarā bhūmi kharā gokaṇṭakahatā; appeva nāma bhagavā avantidakkhiṇāpathe guṇaṅguṇūpāhanaṃ anujāneyya. Avantidakkhiṇāpathe, bhante, nahānagarukā manussā udakasuddhikā, appeva nāma bhagavā avantidakkhiṇāpathe dhuvanahānaṃ anujāneyya. Avantidakkhiṇāpathe, bhante, cammāni attharaṇāni, eḷakacammaṃ ajacammaṃ migacammaṃ. Seyyathāpi, bhante, majjhimesu janapadesu eragū moragū majjārū jantū, evameva kho, bhante, avantidakkhiṇāpathe cammāni attharaṇāni, eḷakacammaṃ ajacammaṃ migacammaṃ; appeva nāma bhagavā avantidakkhiṇāpathe cammāni attharaṇāni anujāneyya, eḷakacammaṃ ajacammaṃ migacammaṃ. Etarahi, bhante, manussā nissīmagatānaṃ bhikkhūnaṃ cīvaraṃ denti – ‘imaṃ cīvaraṃ itthannāmassa demā’ ti. Te āgantvā ārocenti – ‘itthannāmehi te, āvuso, manussehi cīvaraṃ dinna’nti. Te kukkucāyantaṃ na sādīyanti – ‘mā no nissaggiyaṃ ahoṣī’ ti; appeva nāma bhagavā cīvare pariyāyaṃ ācikkheyyā’ ti.

259. Atha kho bhagavā etasmiṃ nidāne etasmiṃ pakaraṇe dhammiṃ kathaṃ katvā bhikkhū āmantesi – ‘avantidakkhiṇāpatho, bhikkhave, appabhikkhuko. Anujānāmi, bhikkhave, sabbapaccantimesu janapadesu vinayadharapañcamena gaṇena upasampadaṃ. Tatrima paccantimā janapadā – puratthimāya disāya gajaṅgalaṃ [kajaṅgalaṃ (sī. syā.)] nāma nigamo, tassa parena mahāsālā, tato parā paccantimā janapadā, orato majjhe; puratthimadakkhiṇāya disāya sallavatī [salalavatī (sī.)] nāma nadī, tato parā paccantimā janapadā, orato majjhe; dakkhiṇāya disāya setakaṇṇikaṃ nāma nigamo, tato parā paccantimā janapadā, orato majjhe; pacchimāya disāya thūṇaṃ nāma brāhmaṇagāmo, tato parā paccantimā janapadā, orato majjhe; uttarāya disāya usīraddhajo nāma pabbato, tato parā paccantimā janapadā, orato majjhe. Anujānāmi, bhikkhave, evarūpesu paccantimesu janapadesu vinayadharapañcamena gaṇena upasampadaṃ. Avantidakkhiṇāpathe, bhikkhave, kaṇhuttarā bhūmi kharā gokaṇṭakahatā. Anujānāmi, bhikkhave, sabbapaccantimesu janapadesu guṇaṅguṇūpāhanaṃ. Avantidakkhiṇāpathe, bhikkhave, nahānagarukā manussā udakasuddhikā. Anujānāmi, bhikkhave, sabbapaccantimesu janapadesu dhuvanahānaṃ. Avantidakkhiṇāpathe, bhikkhave, cammāni attharaṇāni, eḷakacammaṃ ajacammaṃ migacammaṃ. Seyyathāpi, bhikkhave, majjhimesu janapadesu eragū moragū majjārū jantū, evameva kho, bhikkhave, avantidakkhiṇāpathe cammāni attharaṇāni, eḷakacammaṃ ajacammaṃ migacammaṃ. Anujānāmi, bhikkhave, sabbapaccantimesu janapadesu cammāni attharaṇāni, eḷakacammaṃ ajacammaṃ migacammaṃ. Idha pana, bhikkhave, manussā nissīmagatānaṃ bhikkhūnaṃ cīvaraṃ denti – ‘imaṃ cīvaraṃ itthannāmassa demā’ ti. Anujānāmi, bhikkhave, sādītuṃ, na tāva taṃ gaṇanūpagaṃ yāva na hatthaṃ gacchatī’ ti.

Mahākaccānassa pañcavaraparidassanā niṭṭhitā.

Cammakkhandhako pañcamo.

159. Tassuddānaṃ

Rājā ca māgadho soṇo, asītisahassissaro;
Sāgato gijjhakūṭasmiṃ, bahuṃ dasseti uttarim.

Pabbajjāraddhabhijjimsu, vīṇaṃ ekapalāsikaṃ;
Nīlā pītā lohikā, mañjīṭṭhā kaṇhameva ca.

Mahāraṅgamahānāmā, vaddhikā ca paṭikkhipi;
Khallakā puṭapāli ca, tūlatittirameṇḍajā.

Vicchikā moracitrā ca, sīhabyagghā ca dīpikā;
Ajīnuddā majjārī ca, kāḷaluvakaparikkhaṭā.

Phalitupāhanā khilā, dhotakhāṇukhaṭakhaṭā;
Tālaveḷutiṇaṃ ceva, muñjapabbajahintālā.

Kamalakambalasoṇṇā, rūpikā maṇiveḷuriyā;
Phalikā kamsakācā ca, tipusīsaṅca tambakā.

Gāvī yānaṃ gilāno ca, purisāyuttasivikā;
Sayanāni mahācammā, gocammehi ca pāpako.

Gihīnaṃ cammavaddhehi, pavisanti gilāyano;
Mahākaccāyano soṇo, sarena aṭṭhakavaggikaṃ.

Upasampadaṃ pañcahi, guṇaṅguṇā dhuvasinā;
Cammattaraṇānuññāsī, na tāva gaṇanūpagaṃ;
Adāsī me vare pañca, soṇattherassa nāyakoti.

Imamhi khandhake vatthūni tesatṭhi.

Cammakkhandhako niṭṭhito.

6. Bhesajjakhandhako

160. Pañcabhesajjakathā

260. Tena samayena buddho bhagavā sāvattiyam viharati jetavane anāthapiṇḍikassa ārāme. Tena kho pana samayena bhikkhūnaṃ sārādikena ābādhena phuṭṭhānaṃ yāgupi pītā uggacchati, bhattampi bhuttaṃ uggacchati. Te tena kisā honti, lūkhā, dubbaṇṇā, uppaṇḍuppaṇḍukajātā, dhamanisanthataḡattā. Addasā kho bhagavā te bhikkhū kise lūkhe dubbaṇṇe uppaṇḍuppaṇḍukajāte dhamanisanthataḡatte, disvāna āyasmantaṃ ānandaṃ āmantesi – ‘kiṃ nu kho, ānanda, etarahi bhikkhū kisā, lūkhā, dubbaṇṇā, uppaṇḍuppaṇḍukajātā, dhamanisanthataḡattā’? ‘Etarahi, bhante, bhikkhūnaṃ sārādikena ābādhena phuṭṭhānaṃ yāgupi pītā uggacchati, bhattampi bhuttaṃ uggacchati. Te tena kisā honti, lūkhā, dubbaṇṇā, uppaṇḍuppaṇḍukajātā, dhamanisanthataḡattā’? ‘Atha kho bhagavato rahogatassa paṭisallīnassa evaṃ cetaso parivātakko udapādi – ‘etarahi kho bhikkhūnaṃ sārādikena ābādhena phuṭṭhānaṃ yāgupi pītā uggacchati, bhattampi bhuttaṃ uggacchati. Te tena kisā honti, lūkhā, dubbaṇṇā, uppaṇḍuppaṇḍukajātā, dhamanisanthataḡattā. Kiṃ nu kho ahaṃ bhikkhūnaṃ bhesajjaṃ anujāneyyaṃ, yaṃ bhesajjañceva assa bhesajjasammatañca lokassa, āhāratthañca phareyya, na ca oḷāriko āhāro paññāyeyyā’? ‘Atha kho bhagavato etadahosi – ‘imāni kho pañca bhesajjāni, seyyathidaṃ – sappi, navanītaṃ, telaṃ, madhu, phāṇitaṃ; bhesajjāni ceva bhesajjasammatāni ca lokassa, āhāratthañca pharanti, na ca oḷāriko āhāro paññāyati. Yaṃnūnāhaṃ bhikkhūnaṃ imāni pañca bhesajjāni anujāneyyaṃ, kāle paṭiggahetvā kāle paribhuñjitu’nti. ‘Atha kho bhagavā sāyanhasamayam paṭisallānā vuṭṭhito etasmim nidāne etasmim pakaraṇe dhammim kathaṃ katvā bhikkhū āmantesi – ‘idha mayhaṃ, bhikkhave, rahogatassa paṭisallīnassa evaṃ cetaso parivātakko udapādi – ‘etarahi kho bhikkhūnaṃ sārādikena ābādhena phuṭṭhānaṃ yāgupi pītā uggacchati, bhattampi bhuttaṃ uggacchati. Te tena kisā honti, lūkhā, dubbaṇṇā, uppaṇḍuppaṇḍukajātā, dhamanisanthataḡattā. Kiṃ nu kho ahaṃ bhikkhūnaṃ bhesajjaṃ anujāneyyaṃ, yaṃ bhesajjañceva assa bhesajjasammatañca lokassa, āhāratthañca phareyya, na ca oḷāriko āhāro paññāyeyyā’? ‘Tassa mayhaṃ, bhikkhave, etadahosi ‘imāni kho pañca bhesajjāni, seyyathidaṃ – sappi, navanītaṃ, telaṃ, madhu, phāṇitaṃ; bhesajjāni ceva bhesajjasammatāni ca lokassa, āhāratthañca pharanti, na ca oḷāriko āhāro paññāyati. Yaṃnūnāhaṃ bhikkhūnaṃ imāni pañca bhesajjāni anujāneyyaṃ, kāle paṭiggahetvā kāle paribhuñjitu’nti. Anujānāmi, bhikkhave, tāni pañca bhesajjāni kāle paṭiggahetvā kāle paribhuñjitu’nti.

261. Tena kho pana samayena bhikkhū tāni pañca bhesajjāni kāle paṭiggahetvā kāle paribhuñjanti. Tesam yānipi tāni pākatikāni lūkhāni bhojanāni tānipi nacchādentī, pageva senesitāni [senesikāni (sī. syā.), senehikāni (yojanā)]. Te tena ceva sārādikena ābādhena phuṭṭhā, iminā ca bhattācchādakena [bhattācchannakena (ka.)], tadubhayena bhīyosomattāya kisā hontī, lūkhā, dubbaṇṇā, uppaṇḍuppaṇḍukajātā, dhamanisanthataḡattā. Addasā kho bhagavā te bhikkhū bhīyosomattāya kise lūkhe dubbaṇṇe uppaṇḍuppaṇḍukajāte dhamanisanthataḡatte, disvāna āyasmantaṃ ānandaṃ āmantesi – “kiṃ nu kho, ānanda, etarahi bhikkhū bhīyosomattāya kisā, lūkhā, dubbaṇṇā, uppaṇḍuppaṇḍukajātā, dhamanisanthataḡattā”ti? “Etarahi, bhante, bhikkhū tāni ca pañca bhesajjāni kāle paṭiggahetvā kāle paribhuñjanti. Tesam yānipi tāni pākatikāni lūkhāni bhojanāni tānipi nacchādentī, pageva senesikāni. Te tena ceva sārādikena ābādhena phuṭṭhā, iminā ca bhattācchādakena, tadubhayena bhīyosomattāya kisā, lūkhā, dubbaṇṇā, uppaṇḍuppaṇḍukajātā, dhamanisanthataḡattā”ti. Atha kho bhagavā etasmiṃ nidāne etasmiṃ pakaraṇe dhammiṃ kathaṃ katvā bhikkhū āmantesi – “anujānāmi, bhikkhave, tāni pañca bhesajjāni paṭiggahetvā kālepi vikālepi paribhuñjitu”nti.

262. Tena kho pana samayena gilānānaṃ bhikkhūnaṃ vasehi bhesajjehi attho hoti. Bhagavato etamatthaṃ ārocesuṃ. Anujānāmi, bhikkhave, vasāni bhesajjāni – acchavasam, macchavasam, susukāvasam, sūkaravasam, gadrabhavasam – kāle paṭiggahitaṃ kāle nippakkaṃ [nippakkaṃ (ka.)] kāle saṃsaṭṭhaṃ telaparibhogena paribhuñjituṃ. Vikāle ce, bhikkhave, paṭiggahitaṃ vikāle nippakkaṃ vikāle saṃsaṭṭhaṃ, taṃ ce paribhuñjeyya, āpatti tiṇṇaṃ dukkaṭānaṃ. Kāle ce, bhikkhave, paṭiggahitaṃ vikāle nippakkaṃ vikāle saṃsaṭṭhaṃ, taṃ ce paribhuñjeyya, āpatti dvinnaṃ dukkaṭānaṃ. Kāle ce, bhikkhave, paṭiggahitaṃ kāle nippakkaṃ vikāle saṃsaṭṭhaṃ, taṃ ce paribhuñjeyya, āpatti dukkaṭassa. Kāle ce, bhikkhave, paṭiggahitaṃ kāle nippakkaṃ kāle saṃsaṭṭhaṃ, taṃ ce paribhuñjeyya, anāpattīti.

Pañcabhesajjakathā niṭṭhitā.

161. Mūlādibhesajjakathā

263. Tena kho pana samayena gilānānaṃ bhikkhūnaṃ mūlehi bhesajjehi attho hoti. Bhagavato etamatthaṃ ārocesuṃ. Anujānāmi, bhikkhave, mūlāni bhesajjāni – haliddiṃ, siṅgiveraṃ, vacaṃ, vacatthaṃ [vacatthaṃ (sī. syā.)], ativisaṃ, kaṭukarohiṇiṃ, usīraṃ, bhaddamuttakaṃ, yāni vā panaññānipi atthi mūlāni bhesajjāni, neva khādanīye khādanīyatthaṃ pharanti, na bhojanīye bhojanīyatthaṃ pharanti, tāni – paṭiggahetvā yāvajīvaṃ pariharituṃ; sati paccaye paribhuñjituṃ. Asati paccaye paribhuñjantassa āpatti dukkaṭassāti.

Tena kho pana samayena gilānānaṃ bhikkhūnaṃ mūlehi bhesajjehi piṭṭhehi attho hoti. Bhagavato etamatthaṃ ārocesuṃ. Anujānāmi, bhikkhave, nisadaṃ nisadapotakanti.

Tena kho pana samayena gilānānaṃ bhikkhūnaṃ kasāvehi bhesajjehi attho hoti. Bhagavato etamatthaṃ ārocesuṃ. Anujānāmi, bhikkhave, kasāvāni [kasāvabhesajjāni (ka.)] bhesajjāni – nimbakasāvaṃ, kuṭajakasāvaṃ, paṭolakasāvaṃ, phaggavakasāvaṃ, nattamālakasāvaṃ, yāni vā panaññānipi atthi kasāvāni bhesajjāni neva khādanīye khādanīyatthaṃ pharanti, na bhojanīye bhojanīyatthaṃ pharanti, tāni – paṭiggahetvā yāvajīvaṃ pariharituṃ; sati paccaye paribhuñjituṃ. Asati paccaye paribhuñjantassa āpatti dukkaṭassāti.

Tena kho pana samayena gilānānaṃ bhikkhūnaṃ paṇṇehi bhesajjehi attho hoti. Bhagavato etamatthaṃ ārocesuṃ. Anujānāmi, bhikkhave, paṇṇāni bhesajjāni – nimbapaṇṇaṃ, kuṭajapaṇṇaṃ, paṭolapaṇṇaṃ, sulasipaṇṇaṃ, kappāsapaṇṇaṃ, yāni vā panaññānipi atthi paṇṇāni bhesajjāni, neva khādanīye khādanīyatthaṃ pharanti, na bhojanīye bhojanīyatthaṃ pharanti...pe....

Tena kho pana samayena gilānānaṃ bhikkhūnaṃ phalehi bhesajjehi attho hoti. Bhagavato etamatthaṃ ārocesuṃ. Anujānāmi, bhikkhave, phalāni bhesajjāni – bilaṅgaṃ, pippaliṃ, maricaṃ,

harītakam, vibhītakam, āmalakam, goṭṭhaphalam [goṭṭhaphalam (syā.), koṭṭhaphalam (ka.)], yāni vā panaññānipi atthi phalāni bhesajjāni, neva khādanīye khādanīyattham pharanti, na bhojanīye bhojanīyattham pharanti...pe....

Tena kho pana samayena gilānānam bhikkhūnam jatūhi bhesajjehi attho hoti. Bhagavato etamattham ārocesum. Anujānāmi, bhikkhave, jatūni bhesajjāni – hiṅgum, hiṅgumatum, hiṅgusipāṭikam, takam, takapattim, takapaṇṇim, sajjulasam, yāni vā panaññānipi atthi jatūni bhesajjāni, neva khādanīye khādanīyattham pharanti...pe....

Tena kho pana samayena gilānānam bhikkhūnam loṇehi bhesajjehi attho hoti. Bhagavato etamattham ārocesum. Anujānāmi, bhikkhave, loṇāni bhesajjāni – sāmuddam, kālaloṇam, sindhavam, ubbhidaṃ [ubbhiram (ka.)], bilaṃ [biḷālam (sī.)], yāni vā panaññānipi atthi loṇāni bhesajjāni, neva khādanīye khādanīyattham pharanti, na bhojanīye bhojanīyattham pharanti, tāni – paṭiggahetvā yāvajīvam pariهارitum; sati paccaye paribhuñjitum. Asati paccaye paribhuñjantassa āpatti dukkaṭassāti.

264. Tena kho pana samayena āyasmato ānandassa upajjhāyassa āyasmato belatṭhasāsassa thullakacchābādho hoti. Tassa lasikāya cīvarāni kāye lagganti, tāni bhikkhū udakena temetvā temetvā apakaḍḍhanti. Addasā kho bhagavā senāsanacārikam āhiṇḍanto te bhikkhū tāni cīvarāni udakena temetvā temetvā apakaḍḍhante, disvāna yena te bhikkhū tenupasaṅkami, upasaṅkamitvā te bhikkhū etadavoca – “kiṃ imassa, bhikkhave, bhikkhuno ābādho”ti? “Imassa, bhante, āyasmato thullakacchābādho, lasikāya cīvarāni kāye lagganti, tāni mayam udakena temetvā temetvā apakaḍḍhāmā”ti. Atha kho bhagavā etasmim nidāne etasmim pakaraṇe dhammim katham katvā bhikkhū āmantesi – “anujānāmi, bhikkhave, yassa kaṇḍu vā, piḷakā vā, assāvo vā, thullakacchu vā ābādho, kāyo vā duggandho, cuṇṇāni bhesajjāni; agilānassa chakaṇam mattikam rajananippakkam. Anujānāmi, bhikkhave, udukkhalam musala”nti.

Tena kho pana samayena gilānānam bhikkhūnam cuṇṇehi bhesajjehi cālītehi attho hoti. Bhagavato etamattham ārocesum. Anujānāmi, bhikkhave, cuṇṇacālininti. Saṇhehi attho hoti. Bhagavato etamattham ārocesum. Anujānāmi, bhikkhave, dussacālininti.

Tena kho pana samayena aññatarassa bhikkhuno amanussikābādho hoti. Tam ācariyupajjhāyā upaṭṭhahantā nāsakkhiṃsu arogam katum. So sūkarasūnam gantvā āmakamaṃsam khādi, āmakalohitam pivi. Tassa so amanussikābādho paṭippassambhi. Bhagavato etamattham ārocesum. Anujānāmi, bhikkhave, amanussikābādhe āmakamaṃsam āmakalohitanti.

265. Tena kho pana samayena aññatarassa bhikkhuno cakkhurogābādho hoti. Tam bhikkhū pariggahetvā uccārampi passāvampi nikkhāmenti. Addasā kho bhagavā senāsanacārikam āhiṇḍanto te bhikkhū tam bhikkhum pariggahetvā uccārampi passāvampi nikkhāmente, disvāna yena te bhikkhū tenupasaṅkami, upasaṅkamitvā te bhikkhū etadavoca – “kiṃ imassa, bhikkhave, bhikkhuno ābādho”ti? “Imassa, bhante, āyasmato cakkhurogābādho. Imam mayam pariggahetvā uccārampi passāvampi nikkhāmemā”ti. Atha kho bhagavā etasmim nidāne etasmim pakaraṇe dhammim katham katvā bhikkhū āmantesi – “anujānāmi, bhikkhave, añjanam – kālāñjanam, rasañjanam, sotañjanam, gerukam, kapalla”nti. Añjanūpapisanehi attho hoti. Bhagavato etamattham ārocesum. Anujānāmi, bhikkhave, candanam, tagaram, kālānusāriyam, tālīsam, bhaddamuttakanti. Tena kho pana samayena bhikkhū piṭṭhāni añjanāni carukesupi [thālakesupi (sī. syā.)] sarāvakesupi nikkhipanti; tiṇacuṇṇehipi paṃsukehipi okiriyanti. Bhagavato etamattham ārocesum. Anujānāmi, bhikkhave, añjaninti.

Tena kho pana samayena chabbaggiyā bhikkhū uccāvacā añjaniyo dhārenti – sovaṇṇamayam, rūpiyamayam. Manussā ujjhāyanti khiyyanti vipācenti – “seyyathāpi gihī kāmabhogino”ti. Bhagavato etamattham ārocesum. Na, bhikkhave, uccāvacā añjanī dhāretabbā. Yo dhāreyya, āpatti dukkaṭassa. Anujānāmi, bhikkhave, aṭṭhimayam, dantamayam, visāṇamayam, naḷamayam, veḷumayam,

kaṭṭhamayaṃ, jatumayaṃ, phalamayaṃ, lohamayaṃ, saṅkhanābhimayanti.

Tena kho pana samayena añjaniyo apārutā honti, tiṇacuñṇehipi paṃsukehipi okiriyanti. Bhagavato etamatthaṃ ārocesuṃ. Anujānāmi, bhikkhave, apidhānanti. Apidhānaṃ nipatati. Bhagavato etamatthaṃ ārocesuṃ. Anujānāmi, bhikkhave, suttakena bandhitvā añjaniyā bandhitunti. Añjanī phalati [nipatati (ka.)]. Bhagavato etamatthaṃ ārocesuṃ. Anujānāmi, bhikkhave, suttakena sibbetunti.

Tena kho pana samayena bhikkhū aṅgulyā añjanti, akkhīni dukkhāni honti. Bhagavato etamatthaṃ ārocesuṃ. Anujānāmi, bhikkhave, añjanisalākanti.

Tena kho pana samayena chabbaggiyā bhikkhū uccāvacā añjanisalākāyo dhārenti – sovaṇṇamayaṃ rūpiyamayaṃ. Manussā ujjhāyanti khiyyanti vipācenti, “seyyathāpi gihī kāmabhogino”ti. Bhagavato etamatthaṃ ārocesuṃ. Na, bhikkhave, uccāvacā añjanisalākā dhāretabbā. Yo dhāreyya, āpatti dukkaṭassa. Anujānāmi, bhikkhave, aṭṭhimayaṃ...pe... saṅkhanābhimayanti.

Tena kho pana samayena añjanisalākā bhūmiyaṃ patitā pharusā hoti. Bhagavato etamatthaṃ ārocesuṃ. Anujānāmi, bhikkhave, salākathāniyanti [salākodhāniyanti (sī. syā.)].

Tena kho pana samayena bhikkhū añjanimpi añjanisalākampi hatthena pariharanti. Bhagavato etamatthaṃ ārocesuṃ. Anujānāmi, bhikkhave, añjanitthavikanti. Aṃsabaddhako na hoti. Bhagavato etamatthaṃ ārocesuṃ. Anujānāmi, bhikkhave, aṃsabaddhakaṃ bandhanasuttakanti.

266. Tena kho pana samayena āyasmato pilindavacchassa sīsābhitāpo hoti. Bhagavato etamatthaṃ ārocesuṃ. Anujānāmi, bhikkhave, muddhani telakanti. Nakkhamaniyo hoti. Bhagavato etamatthaṃ ārocesuṃ. Anujānāmi, bhikkhave, natthukammanti. Natthu galati. Bhagavato etamatthaṃ ārocesuṃ. Anujānāmi, bhikkhave, natthukaraṇinti.

Tena kho pana samayena chabbaggiyā bhikkhū uccāvacā natthukaraṇiyo dhārenti – sovaṇṇamayaṃ rūpiyamayaṃ. Manussā ujjhāyanti khiyyanti vipācenti, “seyyathāpi gihī kāmabhogino”ti. Bhagavato etamatthaṃ ārocesuṃ. Na, bhikkhave, uccāvacā natthukaraṇi dhāretabbā. Yo dhāreyya, āpatti dukkaṭassa. Anujānāmi, bhikkhave, aṭṭhimayaṃ...pe... saṅkhanābhimayanti. Natthuṃ visamaṃ āsiñcanti [natthu visamaṃ āsiñciyati (sī. syā.)]. Bhagavato etamatthaṃ ārocesuṃ. Anujānāmi, bhikkhave, yamakanatthukaraṇinti. Nakkhamaniyo hoti. Bhagavato etamatthaṃ ārocesuṃ. Anujānāmi, bhikkhave, dhūmaṃ pātunti. Taññeva vaṭṭiṃ ālimpetvā pivanti, kaṇṭho dahati. Bhagavato etamatthaṃ ārocesuṃ. Anujānāmi, bhikkhave, dhūmanettanti.

Tena kho pana samayena chabbaggiyā bhikkhū uccāvacāni dhūmanettāni dhārenti – sovaṇṇamayaṃ rūpiyamayaṃ. Manussā ujjhāyanti khiyyanti vipācenti – seyyathāpi gihī kāmabhoginoti. Bhagavato etamatthaṃ ārocesuṃ. Na, bhikkhave, uccāvacāni dhūmanettāni dhāretabbāni. Yo dhāreyya, āpatti dukkaṭassa. Anujānāmi, bhikkhave, aṭṭhimayaṃ...pe... saṅkhanābhimayanti.

Tena kho pana samayena dhūmanettāni apārutāni honti, pāṇakā pavisanti. Bhagavato etamatthaṃ ārocesuṃ. Anujānāmi, bhikkhave, apidhānanti.

Tena kho pana samayena bhikkhū dhūmanettāni hatthena pariharanti. Bhagavato etamatthaṃ ārocesuṃ. Anujānāmi, bhikkhave, dhūmanettathavikanti. Ekato ghaṃsiyanti. Bhagavato etamatthaṃ ārocesuṃ. Anujānāmi, bhikkhave, yamakathavikanti. Aṃsabaddhako na hoti. Bhagavato etamatthaṃ ārocesuṃ. Anujānāmi, bhikkhave, aṃsabaddhakaṃ bandhanasuttakanti.

267. Tena kho pana samayena āyasmato pilindavacchassa vātābādho hoti. Vejjā evamāhaṃsu – “telam pacitabba”nti. Bhagavato etamatthaṃ ārocesuṃ. Anujānāmi, bhikkhave, telapākanti. Tasmim

kho pana telapāke majjamaṃ pakkhipitabbaṃ hoti. Bhagavato etamatthamaṃ ārocesuṃ. Anujānāmi, bhikkhave, telapāke majjamaṃ pakkhipitunti.

Tena kho pana samayena chabbaggiyā bhikkhū atipakkhittamajjāni [atikhittamajjāni (ka.)] telāni pacanti, tāni pivitvā majjanti. Bhagavato etamatthamaṃ ārocesuṃ. Na, bhikkhave, atipakkhittamajjamaṃ telamaṃ pātabbamaṃ. Yo piveyya, yathādhamma kāretabbo. Anujānāmi, bhikkhave, yasmim telapāke majjassa na vaṇṇo na gandho na raso paññāyati, evarūpaṃ majjapakkhittamaṃ telamaṃ pātunti.

Tena kho pana samayena bhikkhūnaṃ bahuṃ atipakkhittamajjamaṃ telamaṃ pakkaṃ hoti. Atha kho bhikkhūnaṃ etadahosi – ‘kathamaṃ nu kho atipakkhittamajje tele paṭipajjitabba’nti? Bhagavato etamatthamaṃ ārocesuṃ. Anujānāmi, bhikkhave, abbañjanaṃ adhiṭṭhātunti.

Tena kho pana samayena āyasmato pilindavacchassa bahutaraṃ telamaṃ pakkaṃ hoti, telabhājanaṃ na vijjati. Bhagavato etamatthamaṃ ārocesuṃ. Anujānāmi, bhikkhave, tūṇi tumbāni – lohatumbaṃ, kaṭṭhatumbaṃ, phalatumbanti.

Tena kho pana samayena āyasmato pilindavacchassa aṅgavāto hoti. Bhagavato etamatthamaṃ ārocesuṃ. Anujānāmi, bhikkhave, sedakammanti. Nakkhamaniyo hoti. Bhagavato etamatthamaṃ ārocesuṃ. Anujānāmi, bhikkhave, sambhārasedanti. Nakkhamaniyo hoti. Bhagavato etamatthamaṃ ārocesuṃ. Anujānāmi, bhikkhave, mahāsedanti. Nakkhamaniyo hoti. Bhagavato etamatthamaṃ ārocesuṃ. Anujānāmi, bhikkhave, bhaṅgodakanti. Nakkhamaniyo hoti. Bhagavato etamatthamaṃ ārocesuṃ. Anujānāmi, bhikkhave, udakakoṭṭhakanti.

Tena kho pana samayena āyasmato pilindavacchassa pabbavāto hoti. Bhagavato etamatthamaṃ ārocesuṃ. Anujānāmi, bhikkhave, lohitaṃ mocetunti. Nakkhamaniyo hoti. Bhagavato etamatthamaṃ ārocesuṃ. Anujānāmi, bhikkhave, lohitaṃ mocetvā visāṇena gāhetunti [gahetunti (sī. syā.)].

Tena kho pana samayena āyasmato pilindavacchassa pādā phalitā [phālītā (ka.)] honti. Bhagavato etamatthamaṃ ārocesuṃ. Anujānāmi, bhikkhave, pādabbhañjananti. Nakkhamaniyo hoti. Bhagavato etamatthamaṃ ārocesuṃ. Anujānāmi, bhikkhave, pajjamaṃ abhisankharitunti.

Tena kho pana samayena aññatarassa bhikkhuno gaṇḍābādho hoti. Bhagavato etamatthamaṃ ārocesuṃ. Anujānāmi, bhikkhave, satthakammanti. Kasāvodakena attho hoti. Bhagavato etamatthamaṃ ārocesuṃ. Anujānāmi, bhikkhave, kasāvodakanti. Tilakakkena attho hoti. Bhagavato etamatthamaṃ ārocesuṃ. Anujānāmi, bhikkhave, tilakakkanti. Kabaḷikāya attho hoti. Bhagavato etamatthamaṃ ārocesuṃ. Anujānāmi, bhikkhave, kabaḷikanti. Vaṇabandhanacoḷena attho hoti. Bhagavato etamatthamaṃ ārocesuṃ. Anujānāmi, bhikkhave, vaṇabandhanacoḷanti. Vaṇo kaṇḍuvati. Bhagavato etamatthamaṃ ārocesuṃ. Anujānāmi, bhikkhave, sāsapakuḍḍena [sāsapakuḍḍena (sī. syā.)] phositunti. Vaṇo kilijjittha. Bhagavato etamatthamaṃ ārocesuṃ. Anujānāmi, bhikkhave, dhūmaṃ kātunti. Vaḍḍhamamsaṃ vuṭṭhāti. Bhagavato etamatthamaṃ ārocesuṃ. Anujānāmi, bhikkhave, loṇasakkharikāya chinditunti. Vaṇo na ruhati. Bhagavato etamatthamaṃ ārocesuṃ. Anujānāmi, bhikkhave, vaṇatelanti. Telamaṃ galati. Bhagavato etamatthamaṃ ārocesuṃ. Anujānāmi, bhikkhave, vikāsikaṃ sabbaṃ vaṇapaṭikammanti.

268. Tena kho pana samayena aññataro bhikkhu ahinā daṭṭho hoti. Bhagavato etamatthamaṃ ārocesuṃ. Anujānāmi, bhikkhave, cattāri mahāvikaṭāni dātuṃ – gūthamaṃ, muttamaṃ, chārikaṃ, mattikanti. Atha kho bhikkhūnaṃ etadahosi – ‘appaṭiggahitāni nu kho udāhu paṭiggahetabbāni’nti. Bhagavato etamatthamaṃ ārocesuṃ. Anujānāmi, bhikkhave, sati kappiyakārake paṭiggahāpetuṃ, asati kappiyakārake sāmaṃ gahetvā paribhuñjitunti.

Tena kho pana samayena aññatarena bhikkhunā visaṃ pītaṃ hoti. Bhagavato etamatthamaṃ ārocesuṃ. Anujānāmi bhikkhave gūthamaṃ pāyetunti. Atha kho bhikkhūnaṃ etadahosi – ‘appaṭiggahitaṃ

nu kho udāhu paṭiggahetabbo’’ti? Bhagavato etamatthaṃ ārocesuṃ. Anujānāmi, bhikkhave, yaṃ karonto paṭiggahāti, sveva paṭiggaho kato, na puna [kato pana (?)] paṭiggahetabboti.

269. Tena kho pana samayena aññatarassa bhikkhuno gharadinnakābādho hoti. Bhagavato etamatthaṃ ārocesuṃ. Anujānāmi, bhikkhave, sītāloḷiṃ pāyetunti.

Tena kho pana samayena aññataro bhikkhu duṭṭhagahaṇiko hoti. Bhagavato etamatthaṃ ārocesuṃ. Anujānāmi, bhikkhave, āmisakhāraṃ pāyetunti.

Tena kho pana samayena aññatarassa bhikkhuno paṇḍurogābādho hoti. Bhagavato etamatthaṃ ārocesuṃ. Anujānāmi, bhikkhave, muttahaṛitakaṃ pāyetunti.

Tena kho pana samayena aññatarassa bhikkhuno chavidosābādho hoti. Bhagavato etamatthaṃ ārocesuṃ. Anujānāmi, bhikkhave, gandhālepaṃ kātunti.

Tena kho pana samayena aññataro bhikkhu abhisannakāyo hoti. Bhagavato etamatthaṃ ārocesuṃ. Anujānāmi, bhikkhave, virecanaṃ pātunti. Acchakaññiyā attho hoti. Bhagavato etamatthaṃ ārocesuṃ. Anujānāmi, bhikkhave, acchakaññinti. Akaṭayūsenā attho hoti. Bhagavato etamatthaṃ ārocesuṃ. Anujānāmi, bhikkhave, akaṭayūsanti. Kaṭakaṭena attho hoti. Bhagavato etamatthaṃ ārocesuṃ. Anujānāmi, bhikkhave, kaṭakaṭanti. Paṭicchādaniyena attho hoti. Bhagavato etamatthaṃ ārocesuṃ. Anujānāmi, bhikkhave, paṭicchādaniyanti.

Mūlādibhesajjakathā niṭṭhitā.

162. Pilindavacchavatthu

270. [idaṃ vatthu pārā. 618 ādayo] Tena kho pana samayena āyasmā pilindavaccho rājagahe pabbhāraṃ sodhāpeti leṇaṃ kattukāmo. Atha kho rājā māgadho seniyo bimbisāro yenāyasmā pilindavaccho tenupasaṅkami, upasaṅkamitvā āyasmantaṃ pilindavacchaṃ abhivādetvā ekamantaṃ nisīdi. Ekamantaṃ nisinno kho rājā māgadho seniyo bimbisāro āyasmantaṃ pilindavacchaṃ etadavoca – “kiṃ, bhante, thero kārāpeti’’ti? “Pabbhāraṃ, mahārāja, sodhāpemi, leṇaṃ kattukāmo’’ti. “Attho, bhante, ayyassa ārāmikenā’’ti? “Na kho, mahārāja, bhagavatā ārāmiko anuññāto’’ti. “Tena hi, bhante, bhagavantaṃ paṭipucchitvā mama āroceyyāthā’’ti. ‘Evaṃ, mahārāja’’ti kho āyasmā pilindavaccho rañño māgadhasa seniyassa bimbisārassa paccassosi. Atha kho āyasmā pilindavaccho rājānaṃ māgadhaṃ seniyaṃ bimbisāraṃ dhammiyā kathāya sandassesi, samādapesi, samuttejesi, sampahaṃsesi. Atha kho rājā māgadho seniyo bimbisāro āyasmataṃ pilindavacchena dhammiyā kathāya sandassito samādapito samuttejito sampahaṃsito uṭṭhāyāsanaṃ āyasmantaṃ pilindavacchaṃ abhivādetvā padakkhiṇaṃ katvā pakkāmi.

Atha kho āyasmā pilindavaccho bhagavato santike dūtaṃ pāhesi – “rājā, bhante, māgadho seniyo bimbisāro ārāmikaṃ dātukāmo. Kathaṃ nu kho, bhante, mayā paṭipajjitabba’’nti? Atha kho bhagavā etasmiṃ nidāne etasmiṃ pakaraṇe dhammiṃ kathaṃ katvā bhikkhū āmantesi – “anujānāmi, bhikkhave, ārāmika’’nti. Dutiyampi kho rājā māgadho seniyo bimbisāro yenāyasmā pilindavaccho tenupasaṅkami; upasaṅkamitvā āyasmantaṃ pilindavacchaṃ abhivādetvā ekamantaṃ nisīdi. Ekamantaṃ nisinno kho rājā māgadho seniyo bimbisāro āyasmantaṃ pilindavacchaṃ etadavoca – “anuññāto, bhante, bhagavatā ārāmiko’’ti? “Evaṃ, mahārāja’’ti. “Tena hi, bhante, ayyassa ārāmikaṃ dammi’’ti. Atha kho rājā māgadho seniyo bimbisāro āyasmato pilindavacchassa ārāmikaṃ paṭissutvā, vissaritvā, cirena satiṃ paṭilabhitvā, aññataraṃ sabbatthakaṃ mahāmattaṃ āmantesi – “yo mayā, bhāṇe, ayyassa ārāmiko paṭissuto, dinno so ārāmiko’’ti? “Na kho, deva, ayyassa ārāmiko dinno’’ti. “Kīva ciraṃ nu kho, bhāṇe, ito [ito ratti (syā.)] hi taṃ hoti’’ti? Atha kho so mahāmatto rattiyo gaṇetvā [vigaṇetvā (sī.)] rājānaṃ māgadhaṃ seniyaṃ bimbisāraṃ etadavoca – “pañca, deva, rattisatānī’’ti. Tena hi, bhāṇe, ayyassa pañca

ārāmikasatāni dehīti. “Evaṃ, devā”ti kho so mahāmatto rañño māgadhassa seniyassa bimbisārassa paṭissutvā āyasmato pilindavacchassa pañca ārāmikasatāni pādāsi, pāṭiyekko gāmo nivisi. ‘Ārāmikagāmako’pi naṃ āhaṃsu, ‘pilindagāmako’ti naṃ āhaṃsu.

271. Tena kho pana samayena āyasmā pilindavaccho tasmim̄ gāmake kulūpako hoti. Atha kho āyasmā pilindavaccho pubbaṅhasamayam̄ nivāsetvā pattacīvaramādāya pilindagāmam̄ piṇḍāya pāvīsi. Tena kho pana samayena tasmim̄ gāmake ussavo hoti. Dārakā alaṅkatā mālakitā kīḷanti. Atha kho āyasmā pilindavaccho pilindagāmake sapaḍānaṃ piṇḍāya caramāno yena aññatarassa ārāmikassa nivesanaṃ tenupasaṅkami, upasaṅkamitvā paññatte āsane nisīdi. Tena kho pana samayena tassā ārāmikiniyā dhītā aññe dārake alaṅkate mālākite passitvā rodati – ‘mālaṃ me detha, alaṅkāraṃ me dethā’ti. Atha kho āyasmā pilindavaccho taṃ ārāmikiniṃ etadavoca – ‘kissāyaṃ dārikā rodati’ti? ‘Ayaṃ, bhante, dārikā aññe dārake alaṅkate mālākite passitvā rodati – ‘mālaṃ me detha, alaṅkāraṃ me dethā’ti. Kuto amhākaṃ duggatānaṃ mālā, kuto alaṅkāro’ti? Atha kho āyasmā pilindavaccho aññataraṃ tiṇaṇḍupakaṃ gahetvā taṃ ārāmikiniṃ etadavoca – ‘handimaṃ tiṇaṇḍupakaṃ tassā dārikāya sīse paṭimuñcā’ti. Atha kho sā ārāmikiniṃ taṃ tiṇaṇḍupakaṃ gahetvā tassā dārikāya sīse paṭimuñci. Sā ahosi suvaṇṇamālā abhirūpā, dassanīyā, pāsādikā; natthi tādisā raññopi antepure suvaṇṇamālā. Manussā rañño māgadhassa seniyassa bimbisārassa ārocesuṃ – ‘amukassa, deva, ārāmikassa ghare suvaṇṇamālā abhirūpā, dassanīyā, pāsādikā; natthi tādisā devassapi antepure suvaṇṇamālā; kuto tassa duggatassa? Nissaṃsayam̄ corikāya ābhatā’ti.

Atha kho rājā māgadho seniyo bimbisāro taṃ ārāmikakulaṃ bandhāpesi. Dutiyampi kho āyasmā pilindavaccho pubbaṅhasamayam̄ nivāsetvā pattacīvaramādāya pilindagāmam̄ piṇḍāya pāvīsi. Pilindagāmake sapaḍānaṃ piṇḍāya caramāno yena tassa ārāmikassa nivesanaṃ tenupasaṅkami, upasaṅkamitvā paṭivissake pucchi – ‘kahaṃ imaṃ ārāmikakulaṃ gata’nti? ‘Etissā, bhante, suvaṇṇamālāya kāraṇā raññā bandhāpita’nti. Atha kho āyasmā pilindavaccho yena rañño māgadhassa seniyassa bimbisārassa nivesanaṃ tenupasaṅkami, upasaṅkamitvā paññatte āsane nisīdi. Atha kho rājā māgadho seniyo bimbisāro yenāyasmā pilindavaccho tenupasaṅkami, upasaṅkamitvā āyasmantaṃ pilindavacchaṃ abhivādetvā ekamantaṃ nisīdi. Ekamantaṃ nisinnaṃ kho rājānaṃ māgadham̄ seniyaṃ bimbisāraṃ āyasmā pilindavaccho etadavoca – ‘kissa, mahārāja, ārāmikakulaṃ bandhāpita’nti? ‘Tassa, bhante, ārāmikassa ghare suvaṇṇamālā abhirūpā, dassanīyā, pāsādikā; natthi tādisā amhākampi antepure suvaṇṇamālā; kuto tassa duggatassa? Nissaṃsayam̄ corikāya ābhatā’nti. Atha kho āyasmā pilindavaccho rañño māgadhassa seniyassa bimbisārassa pāsādaṃ suvaṇṇanti adhimucchi; so ahosi sabbasovaṇṇamayo. ‘Idaṃ pana te, mahārāja, tāva bahum̄ suvaṇṇam̄ kuto’ti? ‘Aññātaṃ, bhante, ayyasseveso iddhānubhāvo’ti taṃ ārāmikakulaṃ muñcāpesi.

Manussā “ayyena kira pilindavacchena sarājikāya parisāya uttarimanussadhammaṃ iddhipaṭihāriyaṃ dassita’nti attamaṇā abhippasannā āyasmato pilindavacchassa pañca bhesajjāni abhiharim̄su, seyyathidaṃ – sappiṃ, navanītaṃ, telaṃ, madhum̄ [sappi navanītaṃ telaṃ madhu (ka.)], phāṇitaṃ. Pakatiyāpi ca āyasmā pilindavaccho lābhī hoti pañcannaṃ bhesajjānaṃ; laddham̄ laddham̄ parisāya vissajjeti. Parisā cassa hoti bāhullikā; laddham̄ laddham̄ kolambepi [koḷumbepi (ka.)], ghaṭepi, pūretvā paṭisāmeti; parissāvanānīpi, thavikāyopi, pūretvā vātapānesu laggeti. Tāni olīnavilīnāni tiṭṭhanti. Undūrehipi vihārā okiṇṇavikiṇṇā honti. Manussā vihāracārikaṃ āhiṇḍantā passitvā ujjhāyanti khiyyanti vipācenti – ‘antokoṭṭhāgarikā ime samaṇā sakyaputtiyā, seyyathāpi rājā māgadho seniyo bimbisāro’nti. Assosuṃ kho bhikkhū tesam̄ manussānaṃ ujjhāyantānaṃ khiyyantānaṃ vipācentānaṃ. Ye te bhikkhū appicchā, te ujjhāyanti khiyyanti vipācenti – ‘kathaṇhi nāma bhikkhū evarūpāya bāhullāya cetessanti’nti. Atha kho te bhikkhū te anekapariyāyena vīgarahitvā bhagavato etamatthaṃ ārocesuṃ... pe... ‘saccaṃ kira, bhikkhave, bhikkhū evarūpāya bāhullāya cetenti’nti? ‘Saccaṃ bhagavāti...pe... vīgarahitvā dhammiṃ kathaṃ katvā bhikkhū āmantesi – ‘yāni kho pana tāni gilānānaṃ bhikkhūnaṃ paṭisāyanīyāni bhesajjāni, seyyathidaṃ – sappi, navanītaṃ, telaṃ, madhu, phāṇitaṃ, tāni paṭiggahetvā sattāharamaṃ sannidhikāraṃ paribhuñjitabbāni. Taṃ atikkāmayato yathādhammo kāretabbo’nti.

Pilindavacchavatthu niṭṭhitam.

Bhesajjānuññātabhānavāro niṭṭhito paṭhamo.

163. Guḷādiānujānanā

272. Atha kho bhagavā sāvatthiyaṃ yathābhirantaṃ viharitvā yena rājagahaṃ tena cārikaṃ pakkāmi. Addasā kho āyasmā kaṅkhārevato antarāmagge guḷakaraṇaṃ, okkamitvā guḷe piṭṭhampi chārikampi pakkhipante, disvāna “akappiyo guḷo sāmiso, na kappati guḷo vikāle paribhuñjitu”nti kukkucāyānto sapaṇiso guḷaṃ na paribhuñjati. Yepissa sotabbaṃ maññanti, tepi guḷaṃ na paribhuñjanti. Bhagavato etamatthaṃ ārocesuṃ. Kimatthāya [kimatthiyā (ka.)], bhikkhave, guḷe piṭṭhampi chārikampi pakkhipantī? Thaddhatthāya [bandhanatthāya (sī. syā.)] bhagavāti. Sace, bhikkhave, thaddhatthāya guḷe piṭṭhampi chārikampi pakkhipanti, so ca guḷotveva saṅkhaṃ gacchati. Anujānāmi, bhikkhave, yathāsukhaṃ guḷaṃ paribhuñjitunti.

Addasā kho āyasmā kaṅkhārevato antarāmagge vacce muggaṃ jātaṃ, passitvā “akappiyā muggā; pakkāpi muggā jāyantī” kukkucāyānto sapaṇiso muggaṃ na paribhuñjati. Yepissa sotabbaṃ maññanti, tepi muggaṃ na paribhuñjanti. Bhagavato etamatthaṃ ārocesuṃ. Sace [sacepi (?)], bhikkhave, pakkāpi muggā jāyanti, anujānāmi, bhikkhave, yathāsukhaṃ muggaṃ paribhuñjitunti.

273. Tena kho pana samayena aññatarassa bhikkhuno udaravātābādho hoti. So loṇasovīraṃ apāyi. Tassa so udaravātābādho paṭippassambhi. Bhagavato etamatthaṃ ārocesuṃ. Anujānāmi, bhikkhave, gilānassa loṇasovīraṃ; agilānassa udakasambhinnaṃ pānaparibhogena paribhuñjitunti.

Guḷādiānujānanā niṭṭhitā.

164. Antovuṭṭhādipaṭikkhepakathā

274. Atha kho bhagavā anupubbena cārikaṃ caramāno yena rājagahaṃ tadavasari. Tatra sudaṃ bhagavā rājagahe viharati veḷuvane kalandakanivāpe. Tena kho pana samayena bhagavato udaravātābādho hoti. Atha kho āyasmā ānando – ‘pubbepi bhagavato udaravātābādho tekaṭulayāgyā phāsu hotī’ti – sāmaṃ tilampi, taṇḍulampi, muggampi viññāpetvā, anto vāsetvā, anto sāmaṃ pacitvā bhagavato upanāmesi – ‘pivatu bhagavā tekaṭulayāgu’nti. Jānantāpi tathāgatā pucchanti, jānantāpi na pucchanti; kālaṃ viditvā pucchanti, kālaṃ viditvā na pucchanti; atthasamhitā tathāgatā pucchanti, no anattasamhitā. Anattasamhite setuḡhāto tathāgatānaṃ. Dvīhi ākārehi buddhā bhagavanto bhikkhū paṭipucchanti – dhammaṃ vā desessāma, sāvakaṇaṃ vā sikkhāpadaṃ paññāpessāma. Atha kho bhagavā āyasmantaṃ ānandaṃ āmantesi – ‘kutāyaṃ, ānanda, yāgū’ti? Atha kho āyasmā ānando bhagavato etamatthaṃ ārocesi. Vigarahi buddho bhagavā – ‘ananucchavikaṃ, ānanda, ananulomikaṃ, appatirūpaṃ, assāmaṇakaṃ, akappiyaṃ, akaraṇīyaṃ. Kathaṅhi nāma tvaṃ, ānanda, evarūpāya bāhullāya cetessasi. Yadapi, ānanda, anto vuṭṭhaṃ [vuṭṭhaṃ (sī. syā. ka.)] tadapi akappiyaṃ; yadapi anto pakkaṃ tadapi akappiyaṃ; yadapi sāmaṃ pakkaṃ, tadapi akappiyaṃ. Netāṃ, ānanda, appasannānaṃ vā pasādāya...pe... vigarahitvā dhammiṃ kathaṃ katvā bhikkhū āmantesi – ‘na, bhikkhave, anto vuṭṭhaṃ, anto pakkaṃ, sāmaṃ pakkaṃ paribhuñjitabbaṃ. Yo paribhuñjeya, āpatti dukkaṭassa. Anto ce, bhikkhave, vuṭṭhaṃ, anto pakkaṃ, sāmaṃ pakkaṃ tañce paribhuñjeya, āpatti tiṇṇaṃ dukkaṭānaṃ. Anto ce, bhikkhave, vuṭṭhaṃ, anto pakkaṃ, aññehi pakkaṃ, tañce paribhuñjeya, āpatti dvinnaṃ dukkaṭānaṃ. Anto ce, bhikkhave, vuṭṭhaṃ, bahi pakkaṃ, sāmaṃ pakkaṃ, tañce paribhuñjeya, āpatti dvinnaṃ dukkaṭānaṃ. Bahi ce, bhikkhave, vuṭṭhaṃ, anto pakkaṃ, sāmaṃ pakkaṃ, tañce paribhuñjeya, āpatti dvinnaṃ dukkaṭānaṃ. Anto ce, bhikkhave, vuṭṭhaṃ, bahi pakkaṃ, aññehi pakkaṃ, tañce paribhuñjeya, āpatti dukkaṭassa. Bahi ce, bhikkhave, vuṭṭhaṃ, anto pakkaṃ, aññehi pakkaṃ, tañce paribhuñjeya, āpatti dukkaṭassa. Bahi ce, bhikkhave, vuṭṭhaṃ, bahi pakkaṃ, sāmaṃ pakkaṃ, tañce paribhuñjeya, āpatti dukkaṭassa. Bahi ce, bhikkhave, vuṭṭhaṃ, bahi pakkaṃ, aññehi pakkaṃ, tañce

paribhuñjeyya, anāpattī’’ti.

Tena kho pana samayena bhikkhū ‘‘bhagavatā sāmampāko paṭikkhitto’’ti puna pāke kukkuccāyanti. Bhagavato etamatthaṃ ārocesuṃ. Anujānāmi, bhikkhave, puna pākaṃ pacitunti.

Tena kho pana samayena rājagahaṃ dubbhikkhaṃ hoti. Manussā loṇampi, telampi, taṇḍulampi, khādanīyampi ārāmaṃ āharanti. Tāni bhikkhū bahi vāsentī; ukkapiṇḍakāpi khādanti, corāpi haranti. Bhagavato etamatthaṃ ārocesuṃ. Anujānāmi, bhikkhave, anto vāsetunti. Anto vāsetvā bahi pācentī. Damakā parivārentī. Bhikkhū avissatṭhā paribhuñjanti. Bhagavato etamatthaṃ ārocesuṃ. Anujānāmi, bhikkhave, anto pacitunti. Dubbhikkhe kappiyakārakā bahutaraṃ haranti, appataraṃ bhikkhūnaṃ denti. Bhagavato etamatthaṃ ārocesuṃ. Anujānāmi, bhikkhave, sāmaṃ pacituṃ. Anujānāmi, bhikkhave, anto vuṭṭhaṃ, anto pakkāṃ, sāmāṃ pakkanti.

Antovuṭṭhādipaṭikkhepakathā niṭṭhitā.

165. Uggahitapaṭiggahaṇā

275. Tena kho pana samayena sambahulā bhikkhū kāsīsu vassaṃvuṭṭhā rājagahaṃ gacchantā bhagavantaṃ dassanāya antarāmagge na labhiṃsu lūkhassa vā paṇītaṃ vā bhojanassa yāvadatthaṃ pāripūriṃ; bahuñca phalakhādanīyaṃ ahoṣi; kappiyakārako ca na ahoṣi. Atha kho te bhikkhū kilantarūpā yena rājagahaṃ veḷuvanaṃ kalandakanivāpo, yena bhagavā tenupasaṅkamīsu, upasaṅkamtīvā bhagavantaṃ abhivādetvā ekamantaṃ nisīdiṃsu. Āciṇṇaṃ kho panetaṃ buddhānaṃ bhagavantaṃ āgantukehi bhikkhūhi saddhiṃ paṭisammodituṃ. Atha kho bhagavā te bhikkhū etadavoca – ‘‘kacci, bhikkhave, khamanīyaṃ, kacci yāpanīyaṃ, kaccittha appakilamathena addhānaṃ āgatā; kuto ca tumhe, bhikkhave, āgacchathā’’ti? ‘‘Khamanīyaṃ bhagavā, yāpanīyaṃ bhagavā. Idha mayaṃ, bhante, kāsīsu vassaṃvuṭṭhā rājagahaṃ āgacchantā bhagavantaṃ dassanāya antarāmagge na labhimhā lūkhassa vā paṇītaṃ vā bhojanassa yāvadatthaṃ pāripūriṃ; bahuñca phalakhādanīyaṃ ahoṣi; kappiyakārako ca na ahoṣi; tena mayaṃ kilantarūpā addhānaṃ āgatā’’ti. Atha kho bhagavā etasmimṃ nidāne etasmimṃ pakaraṇe dhammiṃ kathaṃ katvā bhikkhū āmantesi – ‘‘anujānāmi, bhikkhave, yattha phalakhādanīyaṃ passati, kappiyakārako ca na hoti, sāmāṃ gahetvā, haritvā, kappiyakārake passitvā, bhūmiyaṃ nikkhipitvā, paṭiggahāpetvā paribhuñjituṃ. Anujānāmi, bhikkhave, uggahitaṃ paṭiggahitu’’nti.

276. Tena kho pana samayena aññatarassa brāhmaṇassa navā ca tilā navañca madhu uppannā honti. Atha kho tassa brāhmaṇassa etadahosi – ‘‘yaṃnūnāhaṃ nave ca tile navañca madhuṃ buddhappamukhassa bhikkhusaṅghassa dadeyya’’nti. Atha kho so brāhmaṇo yena bhagavā tenupasaṅkami, upasaṅkamtīvā bhagavatā saddhiṃ paṭisammodi, sammodanīyaṃ kathaṃ sārāṇīyaṃ vītisāretvā ekamantaṃ aṭṭhāsi. Ekamantaṃ ṭhito kho so brāhmaṇo bhagavantaṃ etadavoca – ‘‘adhivāsetu me bhavaṃ gotamo svātanāya bhattaṃ, saddhiṃ bhikkhusaṅghena’’ti. Adhivāsesi bhagavā tuṅhībhāvena. Atha kho so brāhmaṇo bhagavato adhivāsanāṃ viditvā pakkāmi. Atha kho so brāhmaṇo tassā rattiyā accayena paṇītaṃ khādanīyaṃ bhojanīyaṃ paṭiyādāpetvā bhagavato kālaṃ ārocāpesi – ‘‘kālo, bho gotama, niṭṭhitaṃ bhatta’’nti. Atha kho bhagavā pubbaṅhasamayaṃ nivāsetvā pattacīvaramādāya yena tassa brāhmaṇassa nivesanaṃ tenupasaṅkami, upasaṅkamtīvā paññatte āsane nisīdi, saddhiṃ bhikkhusaṅghena. Atha kho so brāhmaṇo buddhappamukhaṃ bhikkhusaṅghaṃ paṇītena khādanīyena bhojanīyena sahatṭhā santappetvā sampavāretvā bhagavantaṃ bhuttāviṃ onītapattapāṇimṃ ekamantaṃ nisīdi. Ekamantaṃ nisinnaṃ kho taṃ brāhmaṇaṃ bhagavā dhammiyā kathāya sandassetvā, samādapetvā, samuttejetvā, sampahaṃsetvā uṭṭhāyāsanaṃ pakkāmi.

Atha kho tassa brāhmaṇassa acirapakkantassa bhagavato etadahosi – ‘‘yesaṃ kho mayā atthāya buddhappamukho bhikkhusaṅgho nimantito, ‘nave ca tile navañca madhuṃ dassāmi’’ti, te mayā pamuṭṭhā dātuṃ. Yaṃnūnāhaṃ nave ca tile navañca madhuṃ kolambehi ca ghaṭehi ca ārāmaṃ

harāpeyya’nti. Atha kho so brāhmaṇo nave ca tile navañca madhuṃ kolambehi ca ghaṭehi ca ārāmaṃ harāpetvā yena bhagavā tenupasaṅkami, upasaṅkamitvā ekamantaṃ atṭhāsi. Ekamantaṃ tṭhito kho so brāhmaṇo bhagavantaṃ etadavoca – “yesaṃ kho mayā, bho gotama, atṭhāya buddhappamukho bhikkhusaṅgho nimantito, ‘nave ca tile navañca madhuṃ dassāmī’ti, te mayā pamuṭṭhā dātuṃ. Paṭiggaṇhātu me bhavaṃ gotamo nave ca tile navañca madhu’nti. Tena hi, brāhmaṇa, bhikkhūnaṃ dehīti. Tena kho pana samayena bhikkhū dubbhikkhe appamattakepi pavārenti, paṭisaṅkhāpi paṭikkhipanti, sabbo ca saṅgho pavārito hoti. Bhikkhū kukkuccāyantā na paṭiggaṇhanti. Paṭiggaṇhatha, bhikkhave, paribhuñjatha. Anujānāmi, bhikkhave, tato nīhaṃ bhuttāvinā pavāritena anārittaṃ paribhuñjitunti.

Uggahitapaṭiggahaṇā niṭṭhitā.

166. Paṭiggahitādiānujānā

277. [pāci. 295] Tena kho pana samayena āyasmato upanandassa sakyaputtassa upaṭṭhākakulaṃ saṅghassatṭhāya khādanīyaṃ pāhesi – ayyassa upanandassa dassetvā saṅghassa dātabbanti. Tena kho pana samayena āyasmā upanando sakyaputto gāmaṃ piṇḍāya pavīṭṭho hoti. Atha kho te manussā ārāmaṃ gantvā bhikkhū pucchimsu – “kahaṃ, bhante, ayyo upanando’ti? “Esāvuso, āyasmā upanando sakyaputto gāmaṃ piṇḍāya pavīṭṭho’ti. “Idaṃ, bhante, khādanīyaṃ ayyassa upanandassa dassetvā saṅghassa dātabba’nti. Bhagavato etamatthaṃ ārocesuṃ. Tena hi, bhikkhave, paṭiggahetvā nikkhipatha yāva upanando āgacchatīti. Atha kho āyasmā upanando sakyaputto purebhattaṃ kulāni payirupāsītva divā āgacchati. Tena kho pana samayena bhikkhū dubbhikkhe appamattakepi pavārenti, paṭisaṅkhāpi paṭikkhipanti, sabbo ca saṅgho pavārito hoti, bhikkhū kukkuccāyantā na paṭiggaṇhanti. Paṭiggaṇhatha, bhikkhave, paribhuñjatha. Anujānāmi, bhikkhave, purebhattaṃ paṭiggahitaṃ bhuttāvinā pavāritena anārittaṃ paribhuñjitunti.

278. Atha kho bhagavā rājagahe yathābhirantaṃ viharitvā yena sāvatti tena cārikaṃ pakkāmi. Anupubbena cārikaṃ caramāno yena sāvatti tadavasari. Tatra sudam bhagavā sāvattiyam viharati jetavane anāthapiṇḍikassa ārāme. Tena kho pana samayena āyasmato sārīputtassa kāyaḍāhābādho hoti. Atha kho āyasmā mahāmoggallāno yenāyasmā sārīputto tenupasaṅkami, upasaṅkamitvā āyasmantaṃ sārīputtaṃ etadavoca – “pubbe te, āvuso sārīputta, kāyaḍāhābādho kena phāsu hoti’ti? “Bhisehi ca me, āvuso, muḷālikāhi cā’ti. Atha kho āyasmā mahāmoggallāno seyyathāpi nāma balavā puriso sammiñjitaṃ vā bāhaṃ pasāreyya, pasāritaṃ vā bāhaṃ samiñjeyya, evameva jetavane antarahito mandākinīyā pokkharāṇiyā tīre pāturahosi. Addasā kho aññataro nāgo āyasmantaṃ mahāmoggallānaṃ dūratova āgacchantaṃ, disvāna āyasmantaṃ mahāmoggallānaṃ etadavoca – “etu kho, bhante, ayyo mahāmoggallāno. Svāgataṃ, bhante, ayyassa mahāmoggallānassa. Kena, bhante, ayyassa attho; kiṃ dammī’ti? “Bhisehi ca me, āvuso, attho, muḷālikāhi cā’ti. Atha kho so nāgo aññataraṃ nāgaṃ āṇāpesi – “tena hi, bhāṇe, ayyassa bhise ca muḷālikāyo ca yāvadatthaṃ dehī’ti. Atha kho so nāgo mandākinīyā pokkharāṇiyā ogāhetvā, soṇḍāya bhisañca muḷālikañca abbāhitvā, suvikkhālitaṃ vikkhāletvā, bhaṇḍikaṃ bandhitvā yenāyasmā mahāmoggallāno tenupasaṅkami. Atha kho āyasmā mahāmoggallāno – seyyathāpi nāma balavā puriso samiñjitaṃ vā bāhaṃ pasāreyya, pasāritaṃ vā bāhaṃ samiñjeyya, evameva – mandākinīyā pokkharāṇiyā tīre antarahito jetavane pāturahosi. Sopi kho nāgo mandākinīyā pokkharāṇiyā tīre antarahito jetavane pāturahosi. Atha kho so nāgo āyasmato mahāmoggallānassa bhise ca muḷālikāyo ca paṭiggahāpetvā jetavane antarahito mandākinīyā pokkharāṇiyā tīre pāturahosi. Atha kho āyasmā mahāmoggallāno āyasmato sārīputtassa bhise ca muḷālikāyo ca upanāmesi. Atha kho āyasmato sārīputtassa bhise ca muḷālikāyo ca bhuttassa kāyaḍāhābādho paṭippassambhi. Bahū bhisā ca muḷālikāyo ca avasiṭṭhā honti. Tena kho pana samayena bhikkhū dubbhikkhe appamattakepi pavārenti, paṭisaṅkhāpi paṭikkhipanti, sabbo ca saṅgho pavārito hoti. Bhikkhū kukkuccāyantā na paṭiggaṇhanti. Paṭiggaṇhatha, bhikkhave, paribhuñjatha. Anujānāmi, bhikkhave, vanatṭhaṃ pokkharatṭhaṃ bhuttāvinā pavāritena anārittaṃ paribhuñjitunti.

Tena kho pana samayena sāvattھیyaṃ bahuṃ phalakhādanīyaṃ uppannaṃ hoti, kappiyakārako ca na hoti. Bhikkhū kukkucāyantaṃ phalaṃ na paribhuñjanti. Bhagavato etamatthaṃ ārocesuṃ. Anujānāmi, bhikkhave, abhijāṃ nibbattabhijāṃ [nibbaṭṭabhijāṃ (sī.), nibbaṭṭabhijāṃ (syā.), nippaṭṭabhijāṃ (ka.)] akatakappaṃ phalaṃ paribhuñjitunti.

Paṭiggahitādi anujānanā niṭṭhitā.

167. Satthakammaṭṭikkhepakathā

279. Atha kho bhagavā sāvattھیyaṃ yathābhirantaṃ viharitvā yena rājagahaṃ tena cārikaṃ pakkāmi. Anupubbena cārikaṃ caramāno yena rājagahaṃ tadavasari. Tatra sudaṃ bhagavā rājagahe viharati veḷuvane kalandakanivāpe. Tena kho pana samayena aññatarassa bhikkhuno bhagandalābādho hoti. Ākāsagotto vejjo satthakammaṃ karoti. Atha kho bhagavā senāsanacārikaṃ āhiṇḍanto yena tassa bhikkhuno vihāro tenupasaṅkami. Addasā kho ākāsagotto vejjo bhagavantaṃ dūrato va āgacchantaṃ, disvāna bhagavantaṃ etadavoca – “āgacchatu bhavaṃ gotamo, imassa bhikkhuno vaccamaggaṃ passatu, seyyathāpi godhāmukha”nti. Atha kho bhagavā – “so maṃ khvāyaṃ moghapuriso uppaṇḍetī”ti – tatova paṭinivattitvā, etasmiṃ nidāne etasmiṃ pakaraṇe bhikkhusaṅghaṃ sannipātāpetvā, bhikkhū paṭipucchi – “atthi kira, bhikkhave, amukasmiṃ vihāre bhikkhu gilāno”ti? “Atthi bhagavā”ti. “Kiṃ tassa, bhikkhave, bhikkhuno ābādho”ti? “Tassa, bhante, āyasmato bhagandalābādho, ākāsagotto vejjo satthakammaṃ karoti”ti. Vigarahi buddho bhagavā – “ananucchavikaṃ, bhikkhave, tassa moghapurisassa, ananulomikaṃ, appatirūpaṃ, assāmaṇakaṃ, akappiyaṃ, akaraṇīyaṃ. Kathañhi nāma so, bhikkhave, moghapuriso sambādhe satthakammaṃ kārapessati. Sambādhe, bhikkhave, sukhumā chavi, duropayo vaṇo, dupparihāraṃ satthaṃ. Netāṃ, bhikkhave, appasannānaṃ vā pasādāya...pe... vigarahitvā...pe... dhammiṃ kathaṃ katvā bhikkhū āmantesi – “na, bhikkhave, sambādhe satthakammaṃ kārapetabbaṃ. Yo kārāpeyya, āpatti thullaccayassā”ti.

Tena kho pana samayena chabbaggiyā bhikkhū – bhagavatā satthakammaṃ ṭṭikkhittanti – vatthikammaṃ kārapenti. Ye te bhikkhū appicchā, te ujjhāyanti khiyyanti vipācenti – “kathañhi nāma chabbaggiyā bhikkhū vatthikammaṃ kārapessanti”ti. Atha kho te bhikkhū bhagavato etamatthaṃ ārocesuṃ. “Saccaṃ kira, bhikkhave, chabbaggiyā bhikkhū vatthikammaṃ kārapenti”ti? “Saccaṃ bhagavā”ti...pe... vigarahitvā dhammiṃ kathaṃ katvā bhikkhū āmantesi – “na, bhikkhave, sambādhassa sāmantaṃ dvaṅgulā satthakammaṃ vā vatthikammaṃ vā kārapetabbaṃ. Yo kārāpeyya, āpatti thullaccayassā”ti.

Satthakammaṭṭikkhepakathā niṭṭhitā.

168. Manussamaṃsapaṭṭikkhepakathā

280. Atha kho bhagavā rājagahe yathābhirantaṃ viharitvā yena bārāṇasī tena cārikaṃ pakkāmi. Anupubbena cārikaṃ caramāno yena bārāṇasī tadavasari. Tatra sudaṃ bhagavā bārāṇasiyaṃ viharati isipatane miḡadāye. Tena kho pana samayena bārāṇasiyaṃ suppiyo ca upāsako suppiyā ca upāsikā ubhatopasannā honti, dāyakā, kārakā, saṅghupaṭṭhākā. Atha kho suppiyā upāsikā ārāmaṃ gantvā vihārena vihāraṃ pariveṇena pariveṇaṃ upasaṅkamitvā bhikkhū pucchati – “ko, bhante, gilāno, kassa kiṃ āhariyatū”ti? Tena kho pana samayena aññatarena bhikkhunā virecanaṃ pītaṃ hoti. Atha kho so bhikkhu suppiyaṃ upāsikaṃ etadavoca – “mayā kho, bhagini, virecanaṃ pītaṃ. Attho me paṭicchādanīyena”ti. “Suṭṭhu, ayya, āhariyissati”ti gharaṃ gantvā antevāsīṃ āṇāpesi – “gaccha, bhane, pavattamaṃsaṃ jānāhi”ti. Evaṃ, ayyeti kho so puriso suppiyāya upāsikāya paṭissuṇitvā kevalakappaṃ bārāṇasiṃ āhiṇḍanto na addasa pavattamaṃsaṃ. Atha kho so puriso yena suppiyā upāsikā tenupasaṅkami, upasaṅkamitvā suppiyaṃ upāsikaṃ etadavoca – “natthayye pavattamaṃsaṃ. Māghāto ajjā”ti. Atha kho suppiyāya upāsikāya etadahosi – “tassa kho gilānassa bhikkhuno paṭicchādanīyaṃ alabhantassa ābādho vā abhivaḍḍhissati, kālaṅkiriyā vā bhavissati. Na kho metaṃ patirūpaṃ yāhaṃ

paṭissuṇitvā na harāpeyya’’nti. Potthanikaṃ gahevā ūrumaṃsaṃ ukkantitvā dāsiyā adāsi – ‘‘handā, je, imaṃ maṃsaṃ sampādetvā amukasmim vihāre bhikkhu gilāno, tassa dajjāhi. Yo ca maṃ pucchati, ‘gilānā’’ti paṭivedehī’’ti. Uttarāsaṅgena ūruṃ veḥetvā ovarakaṃ pavisitvā mañcake nipajji. Atha kho suppiyo upāsako gharaṃ gantvā dāsim pucchi – ‘‘kahaṃ suppiyā’’ti? ‘‘Esāyya ovarake nipannā’’ti. Atha kho suppiyo upāsako yena suppiyā upāsikā tenupasaṅkami, upasaṅkamitvā suppiyaṃ upāsikaṃ etadavoca – ‘‘kissa nipannāsī’’ti? ‘‘Gilānāmhī’’ti. ‘‘Kiṃ te ābādho’’ti? Atha kho suppiyā upāsikā suppiyassa upāsakassa etamatthaṃ ārocesi. Atha kho suppiyo upāsako – acchariyaṃ vata bho! Abbhutaṃ vata bho! Yāva saddhāyaṃ suppiyā pasannā, yatra hi nāma attanopi maṃsāni pariccattāni! Kimpimāya [kiṃ panimāya (sī. syā.)] aññaṃ kiñci adeyyaṃ bhavissatīti – haṭṭho udaggo yena bhagavā tenupasaṅkami, upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinno kho suppiyo upāsako bhagavantaṃ etadavoca – ‘‘adhivāsetu me, bhante, bhagavā svātanāya bhattaṃ, saddhim bhikkhusaṅghenā’’ti. Adhivāsesi bhagavā tuṅhībhāvena. Atha kho suppiyo upāsako bhagavato adhivāsaṃ viditvā utṭhāyāsānā bhagavantaṃ abhivādetvā padakkhiṇaṃ katvā pakkāmi. Atha kho suppiyo upāsako tassā rattiyā accayena paṇītaṃ khādanīyaṃ bhojanīyaṃ paṭiyādāpetvā bhagavato kālaṃ ārocāpesi – ‘‘kālo, bhante, niṭṭhitaṃ bhatta’’nti. Atha kho bhagavā pubbaṅhasamayaṃ nivāsetvā pattacīvaramādāya yena suppiyassa upāsakassa nivesanaṃ tenupasaṅkami, upasaṅkamitvā paññatte āsane nisīdi, saddhim bhikkhusaṅghena. Atha kho suppiyo upāsako yena bhagavā tenupasaṅkami, upasaṅkamitvā bhagavantaṃ abhivādetvā ekamantaṃ aṭṭhāsī. Ekamantaṃ ṭhitaṃ kho suppiyaṃ upāsakaṃ bhagavā etadavoca – ‘‘kahaṃ suppiyā’’ti? ‘‘Gilānā bhagavā’’ti. ‘‘Tena hi āgacchatū’’ti. ‘‘Na bhagavā ussaṭhī’’ti. ‘‘Tena hi pariggahetvāpi ānethā’’ti. Atha kho suppiyo upāsako suppiyaṃ upāsikaṃ pariggahetvā ānesi. Tassā, saha dassanena bhagavato, tāva mahāvaṇo ruḷaho ahoṣi, succhavilomaḷāto. Atha kho suppiyo ca upāsako suppiyā ca upāsikā – ‘‘acchariyaṃ vata bho! Abbhutaṃ vata bho! Tathāgatassa mahiddhikatā mahānubhāvatā, yatra hi nāma saha dassanena bhagavato tāva mahāvaṇo ruḷaho bhavissati, succhavilomaḷāto’’ti – haṭṭhā udaggā buddhappamukhaṃ bhikkhusaṅghaṃ paṇītena khādanīyena bhojanīyena sahatthā santappetvā sampavāretvā bhagavantaṃ bhuttāvim onītapattapaṇim ekamantaṃ nisīdimsu. Atha kho bhagavā suppiyaṃ upāsakaṃ suppiyaṃ upāsikaṃ dhammiyā kathāya sandassetvā samādapetvā samuttejetvā sampahaṃsetvā utṭhāyāsānā pakkāmi.

Atha kho bhagavā etasmim nidāne etasmim pakaraṇe bhikkhusaṅghaṃ sannipātāpetvā bhikkhū

Paṭipucchi – ‘‘ko, bhikkhave, suppiyaṃ upāsikaṃ maṃsaṃ viññāpesī’’ti? Evaṃ vutte so bhikkhu bhagavantaṃ etadavoca – ‘‘ahaṃ kho, bhante, suppiyaṃ upāsikaṃ maṃsaṃ viññāpesi’’nti. ‘‘Āhariyittha bhikkhū’’ti? ‘‘Āhariyittha bhagavā’’ti. ‘‘Paribhuñji tvaṃ bhikkhū’’ti? ‘‘Paribhuñjāmaṃ bhagavā’’ti. ‘‘Paṭivekkhi tvaṃ bhikkhū’’ti? ‘‘Nāhaṃ bhagavā paṭivekkhi’’nti. Vigarahi buddho bhagavā...pe... kathaṃhi nāma tvaṃ, moghapurisa, appaṭivekkhitvā maṃsaṃ paribhuñjissasi. Manussamaṃsaṃ kho tayā, moghapurisa, paribhuttaṃ. Netāṃ, moghapurisa, appasannānaṃ vā pasādāya...pe... vigarahitvā dhammim kathaṃ katvā bhikkhū āmantesi – ‘‘santi, bhikkhave, manussā saddhā pasannā, tehi attanopi maṃsāni pariccattāni. Na, bhikkhave, manussamaṃsaṃ paribhuñjitabbaṃ. Yo paribhuñjeyya, āpatti thullaccayassa. Na ca, bhikkhave, appaṭivekkhitvā maṃsaṃ paribhuñjitabbaṃ. Yo paribhuñjeyya, āpatti dukkaṭassā’’ti.

Manussamaṃsapāṭikkhepakathā niṭṭhitā.

169. Hatthimaṃsādipaṭikkhepakathā

281. Tena kho pana samayena rañño hatthī maranti. Manussā dubbhikkhe hatthimaṃsaṃ paribhuñjanti, bhikkhūnaṃ piṇḍāya carantānaṃ hatthimaṃsaṃ denti. Bhikkhū hatthimaṃsaṃ paribhuñjanti. Manussā ujjhāyanti khiyyanti vipācenti – ‘‘kathaṃhi nāma samaṇā sakyaputtīyā hatthimaṃsaṃ paribhuñjissanti. Rājaṅgaṃ hatthī, sace rājā jāneyya, na nesaṃ attamano assā’’ti. Bhagavato etamatthaṃ ārocesuṃ. Na, bhikkhave, hatthimaṃsaṃ paribhuñjitabbaṃ. Yo paribhuñjeyya, āpatti dukkaṭassāti.

Tena kho pana samayena rañño assā maranti. Manussā dubbhikkhe assamaṃsaṃ paribhuñjanti, bhikkhūnaṃ piṇḍāya carantānaṃ assamaṃsaṃ denti. Bhikkhū assamaṃsaṃ paribhuñjanti. Manussā ujjhāyanti khiyyanti vipācenti – “kathañhi nāma samaṇā sakyaputtiyā assamaṃsaṃ paribhuñjissanti. Rājaṅgaṃ assā, sace rājā jāneyya, na nesamaṃ attamaṇo assā”ti. Bhagavato etamatthaṃ ārocesuṃ. Na, bhikkhave, assamaṃsaṃ paribhuñjitabbaṃ. Yo paribhuñjeyya, āpatti dukkaṭassāti.

Tena kho pana samayena manussā dubbhikkhe sunakhamamaṃsaṃ paribhuñjanti, bhikkhūnaṃ piṇḍāya carantānaṃ sunakhamamaṃsaṃ denti. Bhikkhū sunakhamamaṃsaṃ paribhuñjanti. Manussā ujjhāyanti khiyyanti vipācenti – “kathañhi nāma samaṇā sakyaputtiyā sunakhamamaṃsaṃ paribhuñjissanti, jeguccho sunakho paṭikūlo”ti. Bhagavato etamatthaṃ ārocesuṃ. Na, bhikkhave, sunakhamamaṃsaṃ paribhuñjitabbaṃ. Yo paribhuñjeyya, āpatti dukkaṭassāti.

Tena kho pana samayena manussā dubbhikkhe ahimaṃsaṃ paribhuñjanti, bhikkhūnaṃ piṇḍāya carantānaṃ ahimaṃsaṃ denti. Bhikkhū ahimaṃsaṃ paribhuñjanti. Manussā ujjhāyanti khiyyanti vipācenti – “kathañhi nāma samaṇā sakyaputtiyā ahimaṃsaṃ paribhuñjissanti, jeguccho ahi paṭikūlo”ti. Supassopi [suphasso (sī.)] nāgarājā yena bhagavā tenupasaṅkamaṃ, upasaṅkamtivā bhagavantaṃ abhivādetvā ekamantaṃ aṭṭhāsi. Ekamantaṃ ṭhito kho supasso nāgarājā bhagavantaṃ etadavoca – “santi, bhante, nāgā assaddhā appasannā. Te appamattakehipi bhikkhū viheṭheyyuṃ. Sādhu, bhante, ayyā ahimaṃsaṃ na paribhuñjeyyu”nti. Atha kho bhagavā supassaṃ nāgarājānaṃ dhammiyā kathāya sandassesī...pe... padakkhiṇaṃ katvā pakkāmi. Atha kho bhagavā etasmimṃ nidāne etasmimṃ pakaraṇe dhammiṃ kathaṃ katvā bhikkhū āmantesi – “na, bhikkhave, ahimaṃsaṃ paribhuñjitabbaṃ. Yo paribhuñjeyya, āpatti dukkaṭassā”ti.

Tena kho pana samayena luddakā sīhaṃ hantvā sīhamamaṃsaṃ [mamaṃsaṃ (ka.)] paribhuñjanti, bhikkhūnaṃ piṇḍāya carantānaṃ sīhamamaṃsaṃ denti. Bhikkhū sīhamamaṃsaṃ paribhuñjitvā araññe viharanti. Sīhā sīhamamaṃsagandhena bhikkhū paripātentī. Bhagavato etamatthaṃ ārocesuṃ. Na, bhikkhave, sīhamamaṃsaṃ paribhuñjitabbaṃ. Yo paribhuñjeyya, āpatti dukkaṭassāti.

Tena kho pana samayena luddakā byagghaṃ hantvā...pe... dīpiṃ hantvā...pe... acchaṃ hantvā...pe... taracchaṃ hantvā taracchamaṃsaṃ paribhuñjanti, bhikkhūnaṃ piṇḍāya carantānaṃ taracchamaṃsaṃ denti. Bhikkhū taracchamaṃsaṃ paribhuñjitvā araññe viharanti. Taracchā taracchamaṃsagandhena bhikkhū paripātentī. Bhagavato etamatthaṃ ārocesuṃ. Na, bhikkhave, taracchamaṃsaṃ paribhuñjitabbaṃ. Yo paribhuñjeyya, āpatti dukkaṭassāti.

Hatthimaṃsādiपाठिककपकथा निष्ठिता.

Suppiyabhāṇavāro niṭṭhito dutiyo.

170. Yāgumadhugolaṅkānūjanā

282. Atha kho bhagavā bārāṇasiyaṃ yathābhirantaṃ viharitvā yena andhakavindaṃ tena cārikaṃ pakkāmi, mahatā bhikkhusaṅghena saddhiṃ, aḍḍhatelasehi bhikkhusatehi. Tena kho pana samayena jānapadā manussā bahuṃ loṇampi, telampi, taṇḍulampi, khādanīyampi sakaṭesu āropetvā buddhappamukhassa bhikkhusaṅghassa piṭṭhito piṭṭhito anubandhā honti – yadā paṭipāṭiṃ labhissāma tadā bhattaṃ karissāmāti, pañcamattāni ca vighāsādasatāni. Atha kho bhagavā anupubbena cārikaṃ caramāno yena andhakavindaṃ tadavasari. Atha kho aññatarassa brāhmaṇassa paṭipāṭiṃ alabhantassa etadahosi – “atītāni [adhikāni (sī. syā.)] kho me dve māsāni buddhappamukhaṃ bhikkhusaṅghaṃ anubandhantassa ‘yadā paṭipāṭiṃ labhissāmi tadā bhattaṃ karissāmi’ti, na ca me paṭipāṭi labbhati, ahañcamhi ekattako [ekato (sī. syā.)], bahu ca me gharāvāsatto hāyati. Yaṃnūnāhaṃ bhattaggaṃ olokeyyaṃ; yaṃ bhattagge nāssa, taṃ paṭiyādeyya”nti. Atha kho so brāhmaṇo bhattaggaṃ olokento dve nāddasa – yāguṅca madhugolaṅkāṅca. Atha kho so brāhmaṇo yenāyasmā ānando tenupasaṅkamaṃ,

upasaṅkamtivā āyasmantaṃ ānandaṃ etadavoca – “idha me, bho ānanda, paṭipāṭiṃ alabhantassa etadahosi ‘atītāni kho me dve māsāni buddhappamukhaṃ bhikkhusaṅghaṃ anubandhantassa, yadā paṭipāṭiṃ labhissāmi tadā bhattaṃ karissāmīti. Na ca me paṭipāṭi labbhati, ahañcamhi ekattako, bahu ca me gharāvāsatto hāyati. Yaṃnūnāhaṃ bhattaggaṃ olokeyyaṃ; yaṃ bhattagge nāssa, taṃ paṭiyādeyya’nti. So kho ahaṃ, bho ānanda, bhattaggaṃ olovento dve nāddasaṃ – yāguñca madhugoḷakañca. Sacāhaṃ, bho ānanda, paṭiyādeyyaṃ yāguñca madhugoḷakañca, paṭiggaṇheyya me bhavaṃ gotamo’nti? “Tena hi, brāhmaṇa, bhagavantaṃ paṭipucchissāmī’nti. Atha kho āyasmā ānando bhagavato etamatthaṃ ārocesi. Tena hānanda, paṭiyādetūti. Tena hi, brāhmaṇa, paṭiyādehīti. Atha kho so brāhmaṇo tassā rattiyā accayena pahūtaṃ yāguñca madhugoḷakañca paṭiyādāpetvā bhagavato upanāmesi – paṭiggaṇhātu me bhavaṃ gotamo yāguñca madhugoḷakañcāti. Tena hi, brāhmaṇa, bhikkhūnaṃ dehīti. Bhikkhū kukkucāyantaṃ na paṭiggaṇhanti. Paṭiggaṇhatha, bhikkhave, paribhuñjathāti. Atha kho so brāhmaṇo buddhappamukhaṃ bhikkhusaṅghaṃ pahūtāya yāguyā ca madhugoḷakena ca sahatthā santappetvā sampavāretvā bhagavantaṃ dhotahatthaṃ onītapattapaṇiṃ ekamantaṃ nisīdi. Ekamantaṃ nisinnaṃ kho taṃ brāhmaṇaṃ bhagavā etadavoca –

“Dasayime, brāhmaṇa, ānisaṃsā yāguyā. Katame dasa? Yāguṃ dento āyuṃ deti, vaṇṇaṃ deti, sukhaṃ deti, balaṃ deti, paṭibhānaṃ deti, yāgu pītā khuddaṃ [khudam (sī. syā.)] paṭihanati, pipāsaṃ vineti, vātaṃ anulometi, vatthiṃ sodheti, āmāvasesaṃ pāceti – ime kho, brāhmaṇa, dasānisaṃsā yāguyā’nti [pacchimā pañca ānisaṃsā a. ni. 5.207].

[a. ni. 4.58-59 thokaṃ visadisam] Yo saññatānaṃ paradattabhojinam;
Kālena sakkacca dadāti yāguṃ;
Dasassa ṭhānāni anuppaveccati;
Āyuñca vaṇṇaṃ sukhaṃ balañca.

Paṭibhānamassa upajāyate tato;
Khuddaṃ pipāsañca byapaneti vātaṃ;
Sodheti vatthiṃ pariṇāmeti bhuttaṃ;
Bhesajjameṭaṃ sugatena vaṇṇitaṃ.

Tasmā hi yāguṃ alameva dātuṃ;
Niccaṃ manussena sukhatthikena;
Dibbāni vā patthayatā sukhāni;
Manussasobhagyatamicchatā vāti.

Atha kho bhagavā taṃ brāhmaṇaṃ imāhi gāthāhi anumoditvā uṭṭhāyāsanaṃ pakkāmi. Atha kho bhagavā etasmimṃ nidāne etasmimṃ pakaraṇe dhammiṃ kathaṃ katvā bhikkhū āmantesi – “anujānāmi, bhikkhave, yāguñca madhugoḷakañcā’nti.

Yāgumadhugoḷakānujānanā niṭṭhitā.

171. Taruṇapasannamahāmattavatthu

283. Assosaṃ kho manussā bhagavatā kira yāgu anuññatā madhugoḷakañcāti. Te kālasseva, bhojjayāguṃ paṭiyādentī madhugoḷakañca. Bhikkhū kālasseva bhojjayāguyā dhātā madhugoḷakena ca bhattagge na cittarūpaṃ paribhuñjanti. Tena kho pana samayena aññatarena taruṇapasannena mahāmattena svātānāya buddhappamukho bhikkhusaṅgho nimantito hoti. Atha kho tassa taruṇapasannassa mahāmattassa etadahosi – “yaṃnūnāhaṃ aḍḍhatelasannaṃ bhikkhusatānaṃ aḍḍhatelasāni maṃsapātīsatāni paṭiyādeyyaṃ, ekamekassa bhikkhuno ekamekaṃ maṃsapāṭiṃ upanāmeyya’nti. Atha kho so taruṇapasanno mahāmatto tassā rattiyā accayena paṇītaṃ khādanīyaṃ bhojanīyaṃ paṭiyādāpetvā aḍḍhatelasāni ca maṃsapātīsatāni, bhagavato kālaṃ ārocāpesi – “kālo,

bhante, niṭṭhitam bhatta’nti. Atha kho bhagavā pubbaṅhasamayam nivāsetvā pattacīvaramādāya yena tassa taruṇapasannassa mahāmattassa nivesanam tenupasaṅkami, upasaṅkamtivā paññatte āsane nisīdi, saddhiṃ bhikkhusaṅghena. Atha kho so taruṇapasanno mahāmatto bhattagge bhikkhū parivisati. Bhikkhū evamāhamsu – “thokaṃ, āvuso, dehi; thokaṃ, āvuso, dehi”ti. “Mā kho tumhe, bhante, – ‘ayam taruṇapasanno mahāmatto’ti – thokaṃ thokaṃ paṭiggaṇhatha. Bahum me khādanīyam bhojanīyam paṭiyattam, aḍḍhatelasāni ca maṃsapātisatāni. Ekamekassa bhikkhuno ekamekaṃ maṃsapātīm upanāmessāmīti. Paṭiggaṇhatha, bhante, yāvadattha’nti. “Na kho mayam, āvuso, etaṃkāraṇā thokaṃ thokaṃ paṭiggaṇhāma, api ca mayam kālasseva bhoyjayāguyā dhātā madhugolaṅkena ca. Tena mayam thokaṃ thokaṃ paṭiggaṇhāmā”ti. Atha kho so taruṇapasanno mahāmatto ujjhāyati khiyyati vipāceti – “kathaṅhi nāma bhadantā mayā nimantitā aññassa bhoyjayāgum paribhuñjissanti, na cāham paṭibalo yāvadattham dātu”nti kupito anattamano āsādanāpekkho bhikkhūnam patte pūrento agamāsi – bhuñjatha vā haratha vāti. Atha kho so taruṇapasanno mahāmatto buddhappamukham bhikkhusaṅgham pañitena khādanīyena bhojanīyena sahatthā santappetvā sampavāretvā bhagavantam bhuttāvim onītapattapāṇim ekamantam nisīdi. Ekamantam nisinnam kho tam taruṇapasannam mahāmattam bhagavā dhammiyā kathāya sandassetvā samādapetvā samuttejetvā sampahamsetvā utṭhāyāsanā pakkāmi.

Atha kho tassa taruṇapasannassa mahāmattassa acirapakkantassa bhagavato ahudeva kukkucam, ahu vippaṭisāro – “alābhā vata me, na vata me lābhā; dulladdham vata me, na vata me suladdham; yoham kupito anattamano āsādanāpekkho bhikkhūnam patte pūrento agamāsim – ‘bhuñjatha vā haratha vā’ti. Kiṃ nu kho mayā bahum pasutam puñnam vā apuñnam vā”ti? Atha kho so taruṇapasanno mahāmatto yena bhagavā tenupasaṅkami, upasaṅkamtivā bhagavantam abhivādetvā ekamantam nisīdi. Ekamantam nisinnam kho so taruṇapasanno mahāmatto bhagavantam etadavoca – “idha mayham, bhante, acirapakkantassa bhagavato ahudeva kukkucam, ahu vippaṭisāro ‘alābhā vata me, na vata me lābhā; dulladdham vata me, na vata me suladdham; yoham kupito anattamano āsādanāpekkho bhikkhūnam patte pūrento agamāsim – bhuñjatha vā haratha vāti. Kiṃ nu kho mayā bahum pasutam, puñnam vā apuñnam vā’ti. Kiṃ nu kho mayā, bhante, bahum pasutam, puñnam vā apuñnam vā”ti? “Yadaggena tayā, āvuso, svātanāya buddhappamukho bhikkhusaṅgho nimantito tadaggena te bahum puñnam pasutam. Yadaggena te ekamekena bhikkhunā ekamekaṃ sittham paṭiggahitam tadaggena te bahum puñnam pasutam, saggā te āraddhā”ti. Atha kho so taruṇapasanno mahāmatto – “lābhā kira me, suladdham kira me, bahum kira mayā puñnam pasutam, saggā kira me āraddhā”ti – haṭṭho udaggo utṭhāyāsanā bhagavantam abhivādetvā padakkhiṇam katvā pakkāmi. Atha kho bhagavā etasmim nidāne etasmim pakaraṇe bhikkhusaṅgham sannipātāpetvā bhikkhū paṭipucchi – “saccam kira, bhikkhave, bhikkhū aññatra nimantitā aññassa bhoyjayāgum paribhuñjanti”ti? “Saccam, bhagavā”ti. Vigarahi buddho bhagavā...pe... kathaṅhi nāma te, bhikkhave, moghapurisā aññatra nimantitā aññassa bhoyjayāgum paribhuñjissanti. Netam, bhikkhave, appasannānam vā pasādāya...pe... vigarahitvā dhammim katham katvā bhikkhū āmantesi – “na, bhikkhave, aññatra nimantitena aññassa bhoyjayāgu paribhuñjitabbā. Yo paribhuñjeyya, yathādhammo kāretabbo”ti.

Taruṇapasannamahāmattavatthu niṭṭhitam.

172. Belaṭṭhakaccānavatthu

284. Atha kho bhagavā andhakavinde yathābhirantam viharitvā yena rājagaham tena cārikam pakkāmi, mahatā bhikkhusaṅghena saddhiṃ, aḍḍhatelasehi bhikkhusatehi. Tena kho pana समयena belaṭṭho kaccāno rājagahā andhakavindam addhānamaggappaṭipanno hoti, pañcamattehi sakaṭasatehi, sabbeheva guḷakumbhapūrehi. Addasā kho bhagavā belaṭṭham kaccānam dūratova āgacchantam, disvāna maggā okkamma aññatarasmim rukkhamūle nisīdi. Atha kho belaṭṭho kaccāno yena bhagavā tenupasaṅkami, upasaṅkamtivā bhagavantam abhivādetvā ekamantam aṭṭhāsi. Ekamantam ṭhito kho belaṭṭho kaccāno bhagavantam etadavoca – “icchāmaham, bhante, ekamekassa bhikkhuno ekamekaṃ guḷakumbham dātu”nti. “Tena hi tvam, kaccāna, ekaṃyeva guḷakumbham āharā”ti. “Evam, bhante”ti

kho belaṭṭho kaccāno bhagavato paṭissuṇivā ekamyeva guḷakumbhaṃ ādāya yena bhagavā tenupasaṅkami, upasaṅkamtivā bhagavantam etadavoca – “ābhato [āhaṭo (sī. syā. ka.)], bhante, guḷakumbho; kathāhaṃ, bhante, paṭipajjāmi”ti? “Tena hi tvam, kaccāna, bhikkhūnaṃ guḷam dehi”ti. “Evam, bhante”ti kho belaṭṭho kaccāno bhagavato paṭissuṇivā bhikkhūnaṃ guḷam datvā bhagavantam etadavoca – “dinno, bhante, bhikkhūnaṃ guḷo, bahu cāyaṃ guḷo avasiṭṭho. Kathāhaṃ, bhante, paṭipajjāmi”ti? “Tena hi tvam, kaccāna, bhikkhūnaṃ guḷam yāvadatthaṃ dehi”ti. “Evam, bhante”ti kho belaṭṭho kaccāno bhagavato paṭissuṇivā bhikkhūnaṃ guḷam yāvadatthaṃ datvā bhagavantam etadavoca – “dinno, bhante, bhikkhūnaṃ guḷo yāvadattho, bahu cāyaṃ guḷo avasiṭṭho. Kathāhaṃ, bhante, paṭipajjāmi”ti? “Tena hi tvam, kaccāna, bhikkhū guḷehi santappehi”ti. “Evam, bhante”ti kho belaṭṭho kaccāno bhagavato paṭissuṇivā bhikkhū guḷehi santappesi. Ekacce bhikkhū pattepi pūresuṃ parissāvanānīpi thavikāyopi pūresuṃ. Atha kho belaṭṭho kaccāno bhikkhū guḷehi santappetvā bhagavantam etadavoca – “santappitā, bhante, bhikkhū guḷehi, bahu cāyaṃ guḷo avasiṭṭho. Kathāhaṃ, bhante, paṭipajjāmi”ti? “Tena hi tvam, kaccāna, vighāsādānaṃ guḷam dehi”ti. “Evam, bhante”ti kho belaṭṭho kaccāno bhagavato paṭissuṇivā vighāsādānaṃ guḷam datvā bhagavantam etadavoca – “dinno, bhante, vighāsādānaṃ guḷo, bahu cāyaṃ guḷo avasiṭṭho. Kathāhaṃ, bhante, paṭipajjāmi”ti? “Tena hi tvam, kaccāna, vighāsādānaṃ guḷam yāvadatthaṃ dehi”ti. “Evam, bhante”ti kho belaṭṭho kaccāno bhagavato paṭissuṇivā vighāsādānaṃ guḷam yāvadatthaṃ datvā bhagavantam etadavoca – “dinno, bhante, vighāsādānaṃ guḷo yāvadattho, bahu cāyaṃ guḷo avasiṭṭho. Kathāhaṃ, bhante, paṭipajjāmi”ti? “Tena hi tvam, kaccāna, vighāsāde guḷehi santappehi”ti. “Evam, bhante”ti kho belaṭṭho kaccāno bhagavato paṭissuṇivā vighāsāde guḷehi santappesi. Ekacce vighāsādā kolambepi ghaṭepi pūresuṃ, piṭakānīpi ucchaṅgepi pūresuṃ. Atha kho belaṭṭho kaccāno vighāsāde guḷehi santappetvā bhagavantam etadavoca – “santappitā, bhante, vighāsādā guḷehi, bahu cāyaṃ guḷo avasiṭṭho. Kathāhaṃ, bhante, paṭipajjāmi”ti? “Nāhaṃ taṃ, kaccāna, passāmi sadevake loke samārake sabrahmake sassamaṇabrāhmaṇiyā pajāya sadevamanussāya yassa so guḷo paribhutto sammā pariṇāmaṃ gaccheyya, aññatra tathāgatassa vā tathāgatasāvakaṃ vā. Tena hi tvam, kaccāna, taṃ guḷam appaharite vā chaḍḍehi, appāṇake vā uḍake opilāpehi”ti. “Evam, bhante”ti kho belaṭṭho kaccāno bhagavato paṭissuṇivā taṃ guḷam appāṇake uḍake opilāpeti. Atha kho so guḷo uḍake pakkhitto ciccīṭāyati cīṭīcīṭāyati padhūpāyati [sandhūpāyati (sī. syā.)] sampadhūpāyati. Seyyathāpi nāma phālo divasaṃsantatto uḍake pakkhitto ciccīṭāyati cīṭīcīṭāyati padhūpāyati sampadhūpāyati, evameva so guḷo uḍake pakkhitto ciccīṭāyati cīṭīcīṭāyati padhūpāyati sampadhūpāyati.

Atha kho belaṭṭho kaccāno saṃviggo lomahaṭṭhajāto yena bhagavā tenupasaṅkami, upasaṅkamtivā bhagavantam abhivādetvā ekamantaṃ nisīdi. Ekamantaṃ nisinnassa kho belaṭṭhassa kaccānassa bhagavā anupubbim katham katesi, seyyathidaṃ – “dānakatham sīlakatham saggakatham, kāmaṇaṃ ādīnaṃ okāraṃ saṃkilesaṃ, nekkhamme ānisaṃsaṃ pakāsesi. Yadā bhagavā aññāsi belaṭṭhaṃ kaccānaṃ kallacittaṃ, muducittaṃ, vinīvaraṇacittaṃ, udaggacittaṃ, pasannacittaṃ, atha yā buddhānaṃ sāmukkaṃsīkā dhammadesanā, taṃ pakāsesi...pe... evameva belaṭṭhassa kaccānassa tasmimyeva āsane virajaṃ vītamalaṃ dhammacakkhuṃ udapādi – yaṃ kiñci samudayadhammaṃ sabbaṃ taṃ nirodhadhamanti. Atha kho belaṭṭho kaccāno diṭṭhadhammo pattadhammo veditadhammo pariyoḡāḷhadhammo tiṇṇavicikiccho vigatakathaṃkatho vesārajjappatto aparappaccayo satthusāsane bhagavantam etadavoca – “abhikkantaṃ, bhante. Abhikkantaṃ, bhante. Seyyathāpi, bhante, nikkujjitaṃ vā ukkujjeyya...pe... evamevaṃ kho bhagavatā anekapariyāyena dhammo pakāsito. Esāhaṃ, bhante, bhagavantam saraṇaṃ gacchāmi, dhammaṅca, bhikkhusaṅghaṅca. Upāsakaṃ maṃ bhagavā dhāretu ajjatagge paṇupetaṃ saraṇagata”nti.

Atha kho bhagavā anupubbena cārikaṃ caramāno yena rājagahaṃ tadavasari. Tatra sudam bhagavā rājagahe viharati veḷuvane kalandakanivāpe. Tena kho pana samayena rājagahe guḷo ussanno hoti. Bhikkhū – gilānasseva bhagavatā guḷo anuññāto, no agilānassāti – kukkucāyantaṃ guḷam na bhuñjanti. Bhagavato etamatthaṃ ārocesuṃ. Anujānāmi, bhikkhave, gilānassa guḷam, agilānassa guḷodakanti.

Belaṭṭhakaccānavatthu niṭṭhitaṃ.

173. Pāṭaligāmaṅgavattu

285. [ito paraṃ mahāva. 286-287 ‘tiṇṇā medhāvino janā’ti pāṭho dī. ni. 2.148; udā. 76 ādayo] Atha kho bhagavā rājagahe yathābhirantaṃ viharitvā yena pāṭaligāmo tena cārikaṃ pakkāmi, mahatā bhikkhusaṅghena saddhiṃ, aḍḍhatelasehi bhikkhusatehi. Atha kho bhagavā anupubbena cārikaṃ caramāno yena pāṭaligāmo tadavasari. Assosum kho pāṭaligāmikā upāsakā – “bhagavā kira pāṭaligāmaṃ anupatto”ti. Atha kho pāṭaligāmikā upāsakā yena bhagavā tenupasaṅkamimṃsu, upasaṅkamitvā bhagavantam abhivādetvā ekamantaṃ nisīdimṃsu. Ekamantaṃ nisinne kho pāṭaligāmike upāsake bhagavā dhammiyā kathāya sandassesī, samādapesī, samuttejesī, sampahaṃsesī. Atha kho pāṭaligāmikā upāsakā bhagavatā dhammiyā kathāya sandassitā samādapitā samuttejitā sampahaṃsitā bhagavantam etadavocum – “adhivāsetu no, bhante, bhagavā āvasathāgāraṃ saddhiṃ bhikkhusaṅghenā”ti. Adhivāsesī bhagavā tuṇhībhāvena. Atha kho pāṭaligāmikā upāsakā bhagavato adhivāsaṇaṃ viditvā utṭhāyāsanaṃ bhagavantam abhivādetvā padakkhiṇaṃ katvā yena āvasathāgāraṃ tenupasaṅkamimṃsu, upasaṅkamitvā sabbasanthariṃ āvasathāgāraṃ santharivā, āsanāni paññāpetvā, udakamaṇikaṃ patiṭṭhāpetvā, telapadīpaṃ āropetvā yena bhagavā tenupasaṅkamimṃsu, upasaṅkamitvā bhagavantam abhivādetvā ekamantaṃ aṭṭhaṃsu. Ekamantaṃ ṭhitā kho pāṭaligāmikā upāsakā bhagavantam etadavocum – “sabbasantharisanthataṃ, bhante, āvasathāgāraṃ. Āsanāni paññattāni. Udakamaṇiko patiṭṭhāpito. Telapadīpo āropito. Yassadāni, bhante, bhagavā kālaṃ maññati”ti.

Atha kho bhagavā nivāsetvā pattacīvaramādāya saddhiṃ bhikkhusaṅghena yena āvasathāgāraṃ tenupasaṅkami; upasaṅkamitvā pāde pakkhāletvā āvasathāgāraṃ pavisitvā majjhimaṃ thambhaṃ nissāya puratthābhimukho nisīdi. Bhikkhusaṅghopi kho pāde pakkhāletvā āvasathāgāraṃ pavisitvā pacchimaṃ bhittiṃ nissāya puratthābhimukho nisīdi, bhagavantameva purakkhatvā. Pāṭaligāmikāpi kho upāsakā pāde pakkhāletvā āvasathāgāraṃ pavisitvā puratthimaṃ bhittiṃ nissāya pacchimābhimukhā nisīdimṃsu, bhagavantameva purakkhatvā. Atha kho bhagavā pāṭaligāmike upāsake āmantesi –

[dī. ni. 3.316; a. ni. 5.213 ādayo], Gahapatayo, ādīnavā dussīlassa sīlavipattiyā. Katame pañca? Idha, gahapatayo, dussīlo sīlavipanno pamādādhikaraṇaṃ mahatiṃ bhogajāniṃ nigacchati. Ayaṃ paṭhamo ādīnavo dussīlassa sīlavipattiyā. Puna caparaṃ, gahapatayo, dussīlassa sīlavipannassa pāpako kittisaddo abbhuggacchati. Ayaṃ dutiyo ādīnavo dussīlassa sīlavipattiyā. Puna caparaṃ, gahapatayo, dussīlo sīlavipanno yaññadeva paraṃ upasaṅkamati, yaḍi khattiyaparisaṃ, yaḍi brāhmaṇaparisaṃ, yaḍi gahapatiparisaṃ, yaḍi samaṇaparisaṃ, avisārado upasaṅkamati maṅkubhūto. Ayaṃ tatiyo ādīnavo dussīlassa sīlavipattiyā. Puna caparaṃ, gahapatayo, dussīlo sīlavipanno sammūlho kālaṃkaroti. Ayaṃ catuttho ādīnavo dussīlassa sīlavipattiyā. Puna caparaṃ, gahapatayo, dussīlo sīlavipanno kāyassa bhedā paraṃ maraṇā apāyaṃ duggatiṃ vinipātaṃ nirayaṃ upapajjati. Ayaṃ pañcama ādīnavo dussīlassa sīlavipattiyā. Ime kho, gahapatayo, pañca ādīnavā dussīlassa sīlavipattiyā.

[dī. ni. 3.316; a. ni. 5.213 ādayo] “Pañcime, gahapatayo, ānisaṃsā sīlavato sīlasampadāya. Katame pañca? Idha, gahapatayo, sīlavā sīlasampanno appamādādhikaraṇaṃ mahantaṃ bhogakkhandhaṃ adhigacchati. Ayaṃ paṭhamo ānisaṃso sīlavato sīlasampadāya. Puna caparaṃ, gahapatayo, sīlavato sīlasampannassa kalyāṇo kittisaddo abbhuggacchati. Ayaṃ dutiyo ānisaṃso sīlavato sīlasampadāya. Puna caparaṃ, gahapatayo, sīlavā sīlasampanno yaññadeva paraṃ upasaṅkamati, yaḍi khattiyaparisaṃ, yaḍi brāhmaṇaparisaṃ, yaḍi gahapatiparisaṃ, yaḍi samaṇaparisaṃ, visārado upasaṅkamati amaṅkubhūto. Ayaṃ tatiyo ānisaṃso sīlavato sīlasampadāya. Puna caparaṃ, gahapatayo, sīlavā sīlasampanno asammūlho kālaṃkaroti. Ayaṃ catuttho ānisaṃso sīlavato sīlasampadāya. Puna caparaṃ, gahapatayo, sīlavā sīlasampanno kāyassa bhedā paraṃ maraṇā sugatiṃ saggamaṃ lokamaṃ upapajjati. Ayaṃ pañcama ānisaṃso sīlavato sīlasampadāya. Ime kho, gahapatayo, pañca ānisaṃsā sīlavato sīlasampadāyāti.

Atha kho bhagavā pāṭaligāmike upāsake bahudeva rattiṃ dhammiyā kathāya sandassetvā

samādapetvā samuttejetvā sampahaṃsetvā uyyojesi – “abhikkantā kho, gahapatayo, ratti. Yassadāni tumhe kālaṃ maññathā”’ti. “Evaṃ, bhante”’ti, kho pāṭaligāmikā upāsakā bhagavato paṭissuṇṭivā uṭṭhāyāsanā bhagavantam abhivādetvā padakkhiṇaṃ katvā pakkamiṃsu. Atha kho bhagavā acirapakkantesu pāṭaligāmikesu upāsakesu suññāgāraṃ pāvisi.

Pāṭaligāmavattu niṭṭhitam.

174. Sunidhavassakāravatthu

286. Tena kho pana samayena sunidhavassakārā magadhamahāmattā pāṭaligāme nagaraṃ māpentī vajjīnaṃ paṭibhāyā. Addasā kho bhagavā rattiyaṃ paccūsasamayaṃ paccuṭṭhāya dibbena cakkhunā visuddhena atikkantamānusakena sambahulā devatāyo pāṭaligāme vatthūni pariggaṇhantiyo. Yasmiṃ padese mahesakkhā devatā vatthūni pariggaṇhanti, mahesakkhānaṃ tattha rājūnaṃ rājamahāmattānaṃ cittāni namanti nivesanāni māpetuṃ. Yasmiṃ padese majjhimā devatā vatthūni pariggaṇhanti, majjhimānaṃ tattha rājūnaṃ rājamahāmattānaṃ cittāni namanti nivesanāni māpetuṃ. Yasmiṃ padese nīcā devatā vatthūni pariggaṇhanti, nīcānaṃ tattha rājūnaṃ rājamahāmattānaṃ cittāni namanti nivesanāni māpetuṃ. Atha kho bhagavā āyasmantaṃ ānandaṃ āmantesi – “ke nu kho te, ānanda, pāṭaligāme nagaraṃ māpentī”’ti? “Sunidhavassakārā, bhante, magadhamahāmattā pāṭaligāme nagaraṃ māpentī vajjīnaṃ paṭibhāyā”’ti. Seyyathāpi, ānanda, devehi tāvatimsehi saddhiṃ mantevā, evameva kho, ānanda, sunidhavassakārā magadhamahāmattā pāṭaligāme nagaraṃ māpentī vajjīnaṃ paṭibhāyā. Idhāhaṃ, ānanda, rattiyaṃ paccūsasamayaṃ paccuṭṭhāya addasaṃ dibbena cakkhunā visuddhena atikkantamānusakena sambahulā devatāyo pāṭaligāme vatthūni pariggaṇhantiyo. Yasmiṃ padese mahesakkhā devatā vatthūni pariggaṇhanti, mahesakkhānaṃ tattha rājūnaṃ rājamahāmattānaṃ cittāni namanti nivesanāni māpetuṃ. Yasmiṃ padese majjhimā devatā vatthūni pariggaṇhanti, majjhimānaṃ tattha rājūnaṃ rājamahāmattānaṃ cittāni namanti nivesanāni māpetuṃ. Yasmiṃ padese nīcā devatā vatthūni pariggaṇhanti, nīcānaṃ tattha rājūnaṃ rājamahāmattānaṃ cittāni namanti nivesanāni māpetuṃ. Yāvata, ānanda, ariyaṃ āyatanaṃ, yāvata vaṇippatho, idaṃ agganagaraṃ bhavissati pāṭaliputtaṃ puṭabhedanaṃ. Pāṭaliputtassa kho, ānanda, tayo antarāyā bhavissanti – aggito vā udakato vā abbhantarato vā mithubhedāti.

Atha kho sunidhavassakārā magadhamahāmattā yena bhagavā tenupasaṅkamiṃsu, upasaṅkamitvā bhagavatā saddhiṃ sammodiṃsu, sammodaniyaṃ kathaṃ saraṇiyaṃ vītisāretvā ekamantaṃ aṭṭhaṃsu. Ekamantaṃ ṭhitā kho sunidhavassakārā magadhamahāmattā bhagavantaṃ etadavocuṃ – “adhivāsetu no bhavaṃ gotamo ajjatanāya bhattaṃ saddhiṃ bhikkhusaṅghena”’ti. Adhivāsesi bhagavā tuṇhībhāvena. Atha kho sunidhavassakārā magadhamahāmattā bhagavato adhivāsaṇaṃ viditvā pakkamiṃsu. Atha kho sunidhavassakārā magadhamahāmattā paṇītaṃ khādanīyaṃ bhojanīyaṃ paṭiyādāpetvā bhagavato kālaṃ ārocāpesuṃ – “kālo, bho gotama, niṭṭhitam bhatta”’nti. Atha kho bhagavā pubbaṇhasamayaṃ nivāsetvā pattacīvaramādāya yena sunidhavassakārānaṃ magadhamahāmattānaṃ parivesanā tenupasaṅkami; upasaṅkamitvā paññatte āsane nisīdi saddhiṃ bhikkhusaṅghena. Atha kho sunidhavassakārā magadhamahāmattā buddhappamukhaṃ bhikkhusaṅghaṃ paṇītena khādanīyena bhojanīyena sahatthā santappetvā sampavāretvā bhagavantaṃ bhuttāviṃ onītapattapāṇiṃ ekamantaṃ nisīdiṃsu. Ekamantaṃ nisinne kho sunidhavassakāre magadhamahāmatte bhagavā imāhi gāthāhi anumodi –

“Yasmiṃ padese kappeti, vāsaṃ paṇḍitajātiyo;
Sīlavantettha bhojetvā, saññate brahmacārayo [brahmacārino (syā.)].

“Yā tattha devatā āsuṃ, tāsāṃ dakkhiṇamādise;
Tā pūjītā pūjayanti, mānītā mānanti naṃ.

“Tato naṃ anukampanti, mātā puttava orasaṃ;
Devatānukampito poso, sadā bhadraṇi passatī”’ti.

Atha kho bhagavā sunidhavassakāre magadhamahāmatte imāhi gāthāhi anumoditvā uṭṭhāyāsanaṃ pakkāmi. Tena kho pana samayena sunidhavassakārā magadhamahāmatā bhagavantam piṭṭhito piṭṭhito anubandhā honti, “yenañña samaṇo gotamo dvārena nikkhamissati, taṃ gotamadvāraṃ nāma bhavissati; yena titthena gaṅgaṃ nadim uttarissati, taṃ gotamatitthaṃ nāma bhavissati”’ti. Atha kho bhagavā yena dvārena nikkhami, taṃ gotamadvāraṃ nāma ahosi. Atha kho bhagavā yena gaṅgā nadī tenupasaṅkama. Tena kho pana samayena gaṅgā nadī pūrā hoti samatittikā kākapeyyā. Manussā aññe nāvaṃ pariyesanti, aññe uḷumpaṃ pariyesanti, aññe kullaṃ bandhanti orā pāraṃ gantukāmā. Addasā kho bhagavā te manusse aññe nāvaṃ pariyesante, aññe uḷumpaṃ pariyesante, aññe kullaṃ bandhante orā pāraṃ gantukāme, disvāna seyyathāpi nāma balavā puriso samiñjitaṃ vā bāhaṃ pasāreyya, pasāritaṃ vā bāhaṃ samiñjeyya, evameva kho gaṅgāya nadiyā orimatīre antarahito pārimatīre paccuṭṭhāsi saddhim bhikkhusaṅghena. Atha kho bhagavā etamatthaṃ viditvā tāyaṃ velāyaṃ imaṃ udānaṃ udānesi –

“Ye taranti aṇṇavaṃ saraṃ;
Setuṃ katvāna visajja pallalāni;
Kullañhi jano bandhati;
Tiṇṇā medhāvino janā”’ti.

Sunidhavassakāravatthu niṭṭhitaṃ.

175. Koṭigāme saccakathā

287. Atha kho bhagavā yena koṭigāmo tenupasaṅkama. Tatra sudaṃ bhagavā koṭigāme viharati. Tatra kho bhagavā bhikkhū āmantesi – [dī. ni. 2.155] “catunnaṃ, bhikkhave, ariyasaccānaṃ ananubodhā appaṭivedhā evamidaṃ dīghamaddhānaṃ sandhāvitaṃ saṃsaritaṃ mamañceva tumhākañca. Katamesaṃ catunnaṃ? Dukkhasa, bhikkhave, ariyasaccassa ananubodhā appaṭivedhā evamidaṃ dīghamaddhānaṃ sandhāvitaṃ saṃsaritaṃ mamañceva tumhākañca. Dukkhasamudayassa ariyasaccassa...pe... dukkhanirodhassa ariyasaccassa...pe... dukkhanirodhagāminiyā paṭipadāya ariyasaccassa ananubodhā appaṭivedhā evamidaṃ dīghamaddhānaṃ sandhāvitaṃ saṃsaritaṃ mamañceva tumhākañca. Tayidaṃ, bhikkhave, dukkhaṃ ariyasaccaṃ anubuddhaṃ paṭividdhaṃ, dukkhasamudayaṃ [dukkhasamudayo (syā.)] ariyasaccaṃ anubuddhaṃ paṭividdhaṃ, dukkhanirodhaṃ [dukkhanirodho (syā.)] ariyasaccaṃ anubuddhaṃ paṭividdhaṃ, dukkhanirodhagāminī paṭipadā ariyasaccaṃ anubuddhaṃ paṭividdhaṃ, ucchinnā bhavataṅhā, khīṇā bhavanetti, natthidāni punabbhavo”’ti.

Catunnaṃ ariyasaccānaṃ, yathābhūtaṃ adassanā;
Saṃsitaṃ dīghamaddhānaṃ, tāsū tāsveva jātisū.

Tāni etāni diṭṭhāni, bhavanetti samūhatā;
Ucchinnā mūlaṃ dukkhasa, natthidāni punabbhavoti.

Koṭigāme saccakathā niṭṭhitā.

176. Ambapālivatthu

288. [dī. ni. 2.161 ādayo] Assosi kho ambapālī gaṇikā – bhagavā kira koṭigāmaṃ anuppattoti. Atha kho ambapālī gaṇikā bhadraṇi bhadraṇi yānāni yojāpetvā bhadrāṃ bhadrāṃ yānaṃ abhiruhitvā bhadrehi bhadrehi yānehi vesāliyā niyyāsi bhagavantaṃ dassanāya. Yāvatikā yānassa bhūmi, yānena gantvā, yānā paccorohitvā, pattikāva yena bhagavā tenupasaṅkama; upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinnaṃ kho ambapālīṃ gaṇikaṃ bhagavā dhammiyā kathāya sandassesī samādapesi samuttejesī sampahaṃsesī. Atha kho ambapālī gaṇikā bhagavatā dhammiyā kathāya sandassitā samādapitā samuttejitā sampahaṃsitā bhagavantaṃ etadavoca – “adhivāsetu me,

bhante, bhagavā svātanāya bhattaṃ saddhiṃ bhikkhusaṅghenā’’ti. Adhivāsesi bhagavā tuṅhībhāvena. Atha kho ambapālī gaṇikā bhagavato adhivāsanam viditvā uṭṭhāyāsanā bhagavantam abhivādetvā padakkhiṇam katvā pakkāmi.

Ambapālīvattu niṭṭhitam.

177. Licchavīvatthu

289. [dī. ni. 2.161 ādayo] Assosum kho vesālikā licchavī – bhagavā kira koṭigāmaṃ anuppattoti. Atha kho vesālikā licchavī bhadraṇi bhadraṇi yānāni yo jāpetvā bhadraṃ bhadraṃ yānaṃ abhiruhitvā bhadrehi bhadrehi yānehi vesāliyā niyyāsum bhagavantam dassanāya. Appekacce licchavī nīlā honti nīlavaṇṇā nīlavatthā nīlālaṅkāra, appekacce licchavī pītā honti pītavaṇṇā pītavatthā pītālaṅkāra, appekacce licchavī lohitā honti lohitavaṇṇā lohitavatthā lohitālaṅkāra, appekacce licchavī odātā honti odātavaṇṇā odātavatthā odātālaṅkāra. Atha kho ambapālī gaṇikā daharānaṃ daharānaṃ licchavīnaṃ īsāya īsaṃ yugena yugaṃ cakkena cakkaṃ akkhena akkhaṃ paṭivattesi [paṭivattesi (ka.)]. Atha kho te licchavī ambapālīṃ gaṇikaṃ etadavocum – ‘‘kissa, je ambapālī, daharānaṃ daharānaṃ [ambākaṃ daharānaṃ daharānaṃ (sī. syā.)] licchavīnaṃ īsāya īsaṃ yugena yugaṃ cakkena cakkaṃ akkhena akkhaṃ paṭivattesi’’ti? ‘‘Tathā hi pana mayā, ayyaputtā, svātanāya buddhappamukho bhikkhusaṅgho nimantito’’ti. ‘‘Dehi, je ambapālī, ambākaṃ etaṃ bhattaṃ satasahassenā’’ti. ‘‘Sacepi me, ayyaputtā, vesāliṃ sāhāraṃ dajjeyyātha, neva dajjāhaṃ taṃ bhatta’’nti. Atha kho te licchavī aṅguliṃ phoṭesum – ‘‘jitaṃhā vata, bho, ambakāya, parājitaṃhā vata, bho, ambakāya’’ti. Atha kho te licchavī yena bhagavā tenupasaṅkamimsu. Addasā kho bhagavā te licchavī dūratova āgacchante, disvāna bhikkhū āmantesi – ‘‘yehi, bhikkhave, bhikkhūhi devā tāvatimsā adīṭṭhapubbā, oloketha, bhikkhave, licchavīparisaṃ; apaloketha, bhikkhave, licchavīparisaṃ; upasaṃharatha, bhikkhave, licchavīparisaṃ tāvatimsaparisa’’nti. Atha kho te licchavī yāvatikā yānassa bhūmi, yānena gantvā yānā paccorohitvā pattikāya yena bhagavā tenupasaṅkamimsu; upasaṅkamitvā bhagavantam abhivādetvā ekamantaṃ nisīdimsu. Ekamantaṃ nisinne kho te licchavī bhagavā dhammiyā kathāya sandassesī samādapesi samuttejesī sampahaṃsesī. Atha kho te licchavī, bhagavatā dhammiyā kathāya sandassitā samādapitā samuttejitā sampahaṃsitā bhagavantam etadavocum – ‘‘adhivāsetu no, bhante, bhagavā svātanāya bhattaṃ saddhiṃ bhikkhusaṅghenā’’ti. ‘‘Adhivutthomhi, licchavī, svātanāya ambapāliyā gaṇikāya bhatta’’nti. Atha kho te licchavī aṅguliṃ phoṭesum – ‘‘jitaṃhā vata, bho, ambakāya, parājitaṃhā vata, bho, ambakāya’’ti. Atha kho te licchavī bhagavato bhāsitaṃ abhinanditvā anumoditvā uṭṭhāyāsanā bhagavantam abhivādetvā padakkhiṇam katvā pakkamimsu.

Atha kho bhagavā koṭigāme yathābhirantaṃ viharitvā [mahāparinibbānasutte anusandhi aññathā āgato] yena nātikā [nādikā (sī. syā.)] tenupasaṅkami. Tatra sudam bhagavā nālike viharati giṇṇakāvasathe. Atha kho ambapālī gaṇikā tassā rattiyā accayena sake ārame paṇītam khādanīyaṃ bhojanīyaṃ paṭiyādāpetvā bhagavato kālam ārocāpesī – ‘‘kālo, bhante, niṭṭhitam bhatta’’nti. Atha kho bhagavā pubbaṇhasamayam nivāsetvā pattacīvaramādāya yena ambapāliyā gaṇikāya parivesanā tenupasaṅkami; upasaṅkamitvā paññatte āsane nisīdi saddhiṃ bhikkhusaṅghena. Atha kho ambapālī gaṇikā buddhappamukhaṃ bhikkhusaṅgham paṇītena khādanīyena bhojanīyena sahatthā santappetvā sampavāretvā bhagavantam bhuttāvim onītapattapāṇim ekamantaṃ nisīdi. Ekamantaṃ nisinnā kho ambapālī gaṇikā bhagavantam etadavoca – ‘‘imāham, bhante, ambavanam buddhappamukhassa bhikkhusaṅghassa dammi’’ti. Paṭiggahesi bhagavā āramaṃ. Atha kho bhagavā ambapālīṃ gaṇikaṃ dhammiyā kathāya sandassetvā samādapetvā samuttejetvā sampahaṃsetvā uṭṭhāyāsanā yena mahāvanam tenupasaṅkami. Tatra sudam bhagavā vesāliyaṃ viharati mahāvane kūṭāgārasālāyaṃ.

Licchavīvatthu niṭṭhitam.

Licchavibhānavāro niṭṭhito tatiyo.

178. Sīhasenāpativatthu

290. [a. ni. 8.12 ādayo] Tena kho pana samayena abhiññātā abhiññātā licchavī sandhāgāre [santhāgāre (sī. syā.)] sannisinnā sannipatitā anekapariyāyena buddhassa vaṇṇaṃ bhāsanti, dhammassa vaṇṇaṃ bhāsanti, saṅghassa vaṇṇaṃ bhāsanti. Tena kho pana samayena sīho senāpati nigaṇṭhasāvako tassaṃ parisāyaṃ nisinno hoti. Atha kho sīhassa senāpatissa etadahosi – “nissamsayaṃ kho so bhagavā arahaṃ sammāsambuddho bhavissati, tathā hime abhiññātā abhiññātā licchavī santhāgāre sannisinnā sannipatitā anekapariyāyena buddhassa vaṇṇaṃ bhāsanti, dhammassa vaṇṇaṃ bhāsanti, saṅghassa vaṇṇaṃ bhāsanti. Yaṃnūnāhaṃ taṃ bhagavantam dassanāya upasaṅkameyyaṃ arahantaṃ sammāsambuddha”nti. Atha kho sīho senāpati yena nigaṇṭho nāṭaputto tenupasaṅkami, upasaṅkamtivā nigaṇṭham nāṭputtaṃ etadavoca – “icchāmaṃ, bhante, samaṇaṃ gotamaṃ dassanāya upasaṅkamtu”nti. “Kiṃ pana tvam, sīha, kiriyavādo samaṇo akiriyavādaṃ samaṇaṃ gotamaṃ dassanāya upasaṅkamissasi? Samaṇo hi, sīha, gotamo akiriyavādo akiriyāya dhammaṃ deseti, tena ca sāvake vinetī”ti. Atha kho sīhassa senāpatissa yo ahosi gamikābhisaṅkhāro bhagavantam dassanāya, so paṭippassambhi. Dutiyampi kho abhiññātā abhiññātā licchavī sandhāgāre sannisinnā sannipatitā anekapariyāyena buddhassa vaṇṇaṃ bhāsanti, dhammassa vaṇṇaṃ bhāsanti, saṅghassa vaṇṇaṃ bhāsanti. Dutiyampi kho sīhassa senāpatissa etadahosi – “nissamsayaṃ kho so bhagavā arahaṃ sammāsambuddho bhavissati, tathā hime abhiññātā abhiññātā licchavī sandhāgāre sannisinnā sannipatitā anekapariyāyena buddhassa vaṇṇaṃ bhāsanti, dhammassa vaṇṇaṃ bhāsanti, saṅghassa vaṇṇaṃ bhāsanti. Yaṃnūnāhaṃ taṃ bhagavantam dassanāya upasaṅkameyyaṃ arahantaṃ sammāsambuddha”nti. Dutiyampi kho sīho senāpati yena nigaṇṭho nāṭaputto tenupasaṅkami, upasaṅkamtivā nigaṇṭham nāṭputtaṃ etadavoca – “icchāmaṃ, bhante, samaṇaṃ gotamaṃ dassanāya upasaṅkamtu”nti. “Kiṃ pana tvam, sīha, kiriyavādo samaṇo akiriyavādaṃ samaṇaṃ gotamaṃ dassanāya upasaṅkamissasi? Samaṇo hi, sīha, gotamo akiriyavādo akiriyāya dhammaṃ deseti, tena ca sāvake vinetī”ti. Dutiyampi kho sīhassa senāpatissa yo ahosi gamikābhisaṅkhāro bhagavantam dassanāya, so paṭippassambhi. Tatiyampi kho abhiññātā abhiññātā licchavī sandhāgāre sannisinnā sannipatitā anekapariyāyena buddhassa vaṇṇaṃ bhāsanti, dhammassa vaṇṇaṃ bhāsanti, saṅghassa vaṇṇaṃ bhāsanti. Tatiyampi kho sīhassa senāpatissa etadahosi – “nissamsayaṃ kho so bhagavā arahaṃ sammāsambuddho bhavissati, tathā hime abhiññātā abhiññātā licchavī sandhāgāre sannisinnā sannipatitā anekapariyāyena buddhassa vaṇṇaṃ bhāsanti, dhammassa vaṇṇaṃ bhāsanti, saṅghassa vaṇṇaṃ bhāsanti. Kiñhi me karissanti nigaṇṭhā apalokitā vā anapalokitā vā? Yaṃnūnāhaṃ anapaloketvā nigaṇṭhe taṃ bhagavantam dassanāya upasaṅkameyyaṃ arahantaṃ sammāsambuddha”nti.

Atha kho sīho senāpati pañcahi rathasatehi divā divassa vesāliyā niyyāsi bhagavantam dassanāya. Yāvatikā yānassa bhūmi, yānena gantvā yānā paccorohitvā pattikova yena bhagavā tenupasaṅkami; upasaṅkamtivā bhagavantam abhivādetvā ekamantaṃ nisīdī. Ekamantaṃ nisinno kho sīho senāpati bhagavantam etadavoca – “sutaṃ me taṃ, bhante, ‘akiriyavādo samaṇo gotamo akiriyāya dhammaṃ deseti, tena ca sāvake vinetī’ti. Ye te, bhante, evamāhaṃsu ‘akiriyavādo samaṇo gotamo, akiriyāya dhammaṃ deseti, tena ca sāvake vinetī’ti. Kacci te, bhante, bhagavato vuttavādino, na ca bhagavantam abhūtena abbhācikkhanti, dhammassa cānudhammaṃ byākaronti, na ca koci sahadhammiko vādānuvādo gārayhaṃ ṭhānaṃ āgacchati? Anabbhakkhātukāmā hi mayaṃ, bhante, bhagavanta”nti.

291. “Atthi, sīha, pariyaṇḍo, yena maṃ pariyaṇḍena sammā vadamāno vadeyya – akiriyavādo samaṇo gotamo, akiriyāya dhammaṃ deseti, tena ca sāvake vinetīti. Atthi, sīha, pariyaṇḍo, yena maṃ pariyaṇḍena sammā vadamāno vadeyya – kiriyavādo samaṇo gotamo kiriyāya dhammaṃ deseti, tena ca sāvake vinetīti. Atthi, sīha, pariyaṇḍo yena maṃ pariyaṇḍena sammā vadamāno vadeyya – ucchedavādo samaṇo gotamo ucchedāya dhammaṃ deseti, tena ca sāvake vinetīti. Atthi, sīha, pariyaṇḍo, yena maṃ pariyaṇḍena sammā vadamāno vadeyya – jegucchī samaṇo gotamo, jegucchitāya dhammaṃ deseti, tena ca sāvake vinetīti. Atthi, sīha, pariyaṇḍo, yena maṃ pariyaṇḍena sammā vadamāno vadeyya – venayiko samaṇo gotamo, vinayāya dhammaṃ deseti, tena ca sāvake vinetīti. Atthi, sīha, pariyaṇḍo, yena maṃ pariyaṇḍena sammā vadamāno vadeyya – tapassī samaṇo gotamo, tapassitāya dhammaṃ deseti, tena ca

sāvake vinetīti. Atthi, sīha, pariyāyo, yena maṃ pariyāyena sammā vadamāno vadeyya – apagabbho samaṇo gotamo, apagabbhatāya dhammaṃ deseti, tena ca sāvake vinetīti. Atthi, sīha, pariyāyo, yena maṃ pariyāyena sammā vadamāno vadeyya – assattho samaṇo gotamo, assāsāya dhammaṃ deseti, tena ca sāvake vinetīti.

292. “Katamo ca, sīha, pariyāyo, yena maṃ pariyāyena sammā vadamāno vadeyya – akiriyavādo samaṇo gotamo, akiriyāya dhammaṃ deseti, tena ca sāvake vinetīti? Ahañhi, sīha, akiriyāya vadāmi kāyaduccaritassa vacīduccaritassa manoduccaritassa; anekavihitānaṃ pāpakānaṃ akusalānaṃ dhammānaṃ akiriyāya vadāmi. Ayaṃ kho, sīha, pariyāyo, yena maṃ pariyāyena sammā vadamāno vadeyya – akiriyavādo samaṇo gotamo, akiriyāya dhammaṃ deseti, tena ca sāvake vinetīti.

“Katamo ca, sīha, pariyāyo, yena maṃ pariyāyena sammā vadamāno vadeyya – kiriyavādo samaṇo gotamo, kiriyāya dhammaṃ deseti, tena ca sāvake vinetīti? Ahañhi, sīha, kiriyāya vadāmi kāyasucaritassa vacīsucaritassa manosucaritassa, anekavihitānaṃ kusalānaṃ dhammānaṃ kiriyāya vadāmi. Ayaṃ kho, sīha, pariyāyo, yena maṃ pariyāyena sammā vadamāno vadeyya – kiriyavādo samaṇo gotamo, kiriyāya dhammaṃ deseti, tena ca sāvake vinetīti.

“Katamo ca, sīha, pariyāyo, yena maṃ pariyāyena sammā vadamāno vadeyya – ucchedavādo samaṇo gotamo, ucchedāya dhammaṃ deseti, tena ca sāvake vinetīti? Ahañhi, sīha, ucchedāya vadāmi rāgassa dosassa mohassa; anekavihitānaṃ pāpakānaṃ akusalānaṃ dhammānaṃ ucchedāya vadāmi. Ayaṃ kho, sīha, pariyāyo, yena maṃ pariyāyena sammā vadamāno vadeyya – ucchedavādo samaṇo gotamo ucchedāya dhammaṃ deseti, tena ca sāvake vinetīti.

“Katamo ca, sīha, pariyāyo yena maṃ pariyāyena sammā vadamāno vadeyya – jegucchī samaṇo gotamo, jegucchitāya dhammaṃ deseti, tena ca sāvake vinetīti? Ahañhi, sīha, jegucchāmi kāyaduccaritena vacīduccaritena manoduccaritena; anekavihitānaṃ pāpakānaṃ akusalānaṃ dhammānaṃ samāpattiyā jegucchāmi. Ayaṃ kho, sīha, pariyāyo, yena maṃ pariyāyena sammā vadamāno vadeyya – jegucchī samaṇo gotamo, jegucchitāya dhammaṃ deseti, tena ca sāvake vinetīti.

“Katamo ca, sīha, pariyāyo, yena maṃ pariyāyena sammā vadamāno vadeyya – venayiko samaṇo gotamo, vinayāya dhammaṃ deseti, tena ca sāvake vinetīti? Ahañhi, sīha, vinayāya dhammaṃ desemi rāgassa dosassa mohassa; anekavihitānaṃ pāpakānaṃ akusalānaṃ dhammānaṃ vinayāya dhammaṃ desemi. Ayaṃ kho, sīha, pariyāyo, yena maṃ pariyāyena sammā vadamāno vadeyya – venayiko samaṇo gotamo, vinayāya dhammaṃ deseti, tena ca sāvake vinetīti.

“Katamo ca, sīha, pariyāyo, yena maṃ pariyāyena sammā vadamāno vadeyya – tapassī samaṇo gotamo, tapassitāya dhammaṃ deseti, tena ca sāvake vinetīti? Tapanīyāhaṃ, sīha, pāpake akusale dhamme vadāmi – kāyaduccaritaṃ vacīduccaritaṃ manoduccaritaṃ. Yassa kho, sīha, tapanīyā pāpakā akusalā dhammā pahīnā ucchinnamūlā tālāvattthukatā anabhāvaṅkatā āyatim anuppādadhammā, tamahaṃ tapassīti vadāmi. Tathāgatassa kho, sīha, tapanīyā pāpakā akusalā dhammā pahīnā ucchinnamūlā tālāvattthukatā anabhāvaṅkatā āyatim anuppādadhammā. Ayaṃ kho, sīha, pariyāyo, yena maṃ pariyāyena sammā vadamāno vadeyya “tapassī samaṇo gotamo tapassitāya dhammaṃ deseti, tena ca sāvake vinetī”ti.

“Katamo ca, sīha, pariyāyo, yena maṃ pariyāyena sammā vadamāno vadeyya – apagabbho samaṇo gotamo apagabbhatāya dhammaṃ deseti, tena ca sāvake vinetīti? Yassa kho, sīha, āyatim gabbhaseyyā punabbhavābhiniḥḥatti pahīnā ucchinnamūlā tālāvattthukatā anabhāvaṅkatā āyatim anuppādadhammā, tamahaṃ apagabbhoti vadāmi. Tathāgatassa kho, sīha, āyatim gabbhaseyyā punabbhavābhiniḥḥatti pahīnā ucchinnamūlā tālāvattthukatā anabhāvaṅkatā āyatim anuppādadhammā. Ayaṃ kho, sīha, pariyāyo, yena maṃ pariyāyena sammā vadamāno vadeyya – apagabbho samaṇo gotamo, apagabbhatāya dhammaṃ deseti, tena ca sāvake vinetīti.

“Katamo ca, sīha, pariyāyo, yena maṃ pariyāyena sammā vadamāno vadeyya – assattho samaṇo gotamo assāsāya dhammaṃ deseti, tena ca sāvake vinetī? Ahañhi, sīha, assattho paramena assāsena, assāsāya dhammaṃ desemi, tena ca sāvake vinemi. Ayaṃ kho, sīha, pariyāyo, yena maṃ pariyāyena sammā vadamāno vadeyya – assattho samaṇo gotamo assāsāya dhammaṃ deseti, tena ca sāvake vinetī”ti.

293. Evaṃ vutte sīho senāpati bhagavantam etadavoca – “abhikkantaṃ, bhante...pe... upāsakaṃ maṃ bhagavā dhāretu ajjatagge paṇupetaṃ saraṇaṃ gata”nti. “Anuviccekāraṃ [anuvijjakāraṃ (ka.)] kho, sīha, karohi; anuviccekāro tumhādisānaṃ ñātamanussānaṃ sādhu hotī”ti. “Imināpāhaṃ, bhante, bhagavato bhiyyosomattāya attamano abhiraddho, yaṃ maṃ bhagavā evamāha – ‘anuviccekāraṃ kho, sīha, karohi; anuviccekāro tumhādisānaṃ ñātamanussānaṃ sādhu hotī’ti. Mamañhi, bhante, aññatitthiyā sāvakaṃ labhitvā kevalakappaṃ vesāliṃ paṭākaṃ parihareyyuṃ – ‘sīho kho amhākaṃ senāpati sāvakattaṃ upagato’ti. Atha ca pana maṃ bhagavā evamāha – ‘anuviccekāraṃ kho, sīha, karohi; anuviccekāro tumhādisānaṃ ñātamanussānaṃ sādhu hotī’ti. Esāhaṃ, bhante, dutiyampi bhagavantam saraṇaṃ gacchāmi dhammañca bhikkhusaṅghaṃca. Upāsakaṃ maṃ bhagavā dhāretu ajjatagge paṇupetaṃ saraṇaṃ gata”nti. “Dīgharattaṃ kho te, sīha, nigaṇṭhānaṃ opānabhūtaṃ kulaṃ, yena nesaṃ upagatānaṃ piṇḍakaṃ dātabbaṃ maññeyyāsi”ti. “Imināpāhaṃ, bhante, bhagavato bhiyyosomattāya attamano abhiraddho, yaṃ maṃ bhagavā evamāha – ‘dīgharattaṃ kho te, sīha, nigaṇṭhānaṃ opānabhūtaṃ kulaṃ, yena nesaṃ upagatānaṃ piṇḍakaṃ dātabbaṃ maññeyyāsi’ti. Sutaṃ me taṃ, bhante, samaṇo gotamo evamāha – ‘mayhameva dānaṃ dātabbaṃ, na aññesaṃ dānaṃ dātabbaṃ; mayhameva sāvakānaṃ dānaṃ dātabbaṃ, na aññesaṃ sāvakānaṃ dānaṃ dātabbaṃ; mayhameva dinnam mahapphalaṃ, na aññesaṃ dinnam mahapphalaṃ; mayhameva sāvakānaṃ dinnam mahapphalaṃ, na aññesaṃ sāvakānaṃ dinnam mahapphalaṃ’nti. Atha ca pana maṃ bhagavā nigaṇṭhesupi dāne samādapeti. Api ca, bhante, mayamettha kālaṃ jānissāma. Esāhaṃ, bhante, tatiyampi bhagavantam saraṇaṃ gacchāmi dhammañca bhikkhusaṅghaṃca. Upāsakaṃ maṃ bhagavā dhāretu ajjatagge paṇupetaṃ saraṇaṃ gata”nti.

Atha kho bhagavā sīhassa senāpatissa anupubbim kathaṃ kathesi, seyyathidaṃ – dānakathaṃ... pe... aparappaccayo satthusāsane bhagavantam etadavoca – “adhivāsetu me, bhante, bhagavā svātanāya bhattaṃ saddhim bhikkhusaṅghena”ti. Adhivāsesi bhagavā tuṅhībhāvena. Atha kho sīho senāpati bhagavato adhivāsanaṃ viditvā uṭṭhāyāsanaṃ bhagavantam abhivādetvā padakkhiṇaṃ katvā pakkāmi.

294. Atha kho sīho senāpati aññataram purisaṃ āṇāpesi – “gaccha, bhāṇe, pavattamaṃsaṃ jānāhī”ti. Atha kho sīho senāpati tassā rattiyā accayena paṇitaṃ khādanīyaṃ bhojanīyaṃ paṭiyādāpetvā bhagavato kālaṃ ārocāpesi – “kālo, bhante, niṭṭhitaṃ bhatta”nti. Atha kho bhagavā pubbaṅhasamayaṃ nivāsetvā pattacīvaramādāya yena sīhassa senāpatissa nivesanaṃ tenupasaṅkami; upasaṅkamitvā paññatte āsane nisīdi saddhim bhikkhusaṅghena.

Tena kho pana samayena sambahulā nigaṇṭhā vesāliyaṃ rathikāya rathikaṃ siṅghātakena siṅghātakam bāhā paggayha kandanti – “ajja sīhena senāpatinā thūlaṃ pasuṃ vadhitvā samaṇassa gotamassa bhattaṃ kataṃ, taṃ samaṇo gotamo jānaṃ uddissakataṃ maṃsaṃ paribhuñjati paṭiccekamma”nti. Atha kho aññataro puriso yena sīho senāpati tenupasaṅkami, upasaṅkamitvā sīhassa senāpatissa upakaṇṇake ārocesi “yagghe, bhante, jāneyyāsi, ete sambahulā nigaṇṭhā vesāliyaṃ rathikāya rathikaṃ siṅghātakena siṅghātakam bāhā paggayha kandanti – ‘ajja sīhena senāpatinā thūlaṃ pasuṃ vadhitvā samaṇassa gotamassa bhattaṃ kataṃ, taṃ samaṇo gotamo jānaṃ uddissakataṃ maṃsaṃ paribhuñjati paṭiccekamma”nti. “Alaṃ ayyo, dīgharattampi te āyasmantā avaṇṇakāmā buddhassa, avaṇṇakāmā dhammassa, avaṇṇakāmā saṅghassa; na ca pana te āyasmantā jiridanti taṃ bhagavantam asatā tucchā musā abhūtena abbhācikkhantā; na ca mayaṃ jīvītahetupi sañcicca paṇaṃ jīvītā voropeyyāmā”ti. Atha kho sīho senāpati buddhappamukkaṃ bhikkhusaṅghaṃ paṇitena khādanīyena bhojanīyena sahatthā santappetvā sampavāretvā bhagavantam bhuttāvim onītapattapāṇim ekamantaṃ nisīdi. Ekamantaṃ nisinnaṃ kho sīhaṃ senāpatim bhagavā dhammiyā kathāya sandassetvā

samādapetvā samuttejetvā sampahaṃsetvā uṭṭhāyāsanaṃ pakkāmi. Atha kho bhagavā etasmimṃ nidāne etasmimṃ pakaraṇe dhammiṃ kathaṃ katvā bhikkhū āmantesi – “na, bhikkhave, jā naṃ uddissakataṃ maṃsaṃ paribhuñjitabbaṃ. Yo paribhuñjeyya āpatti dukkaṭassa. Anujānāmi, bhikkhave, tikoṭiparisuddhaṃ macchamaṃsaṃ – aditṭhaṃ assutaṃ aparisaṅkita’nti.

Sīhasenāpativattu niṭṭhitaṃ.

179. Kappiyabhūmianujānā

295. Tena kho pana samayena vesālī subhikkhā hoti susassā sulabhapiṇḍā, sukarā uñchena pagghahena yāpetuṃ. Atha kho bhagavato rahogatassa paṭisallīnassa evaṃ cetaso parivitakko udapādi – “yāni tāni mayā bhikkhūnaṃ anuññātāni dubbhikkhe dussasse dullabhapiṇḍe anto vuṭṭhaṃ anto pakkaṃ sāmāṃ pakkaṃ uggahitapaṭiggahitakaṃ tato nīhaṃ purebhattaṃ paṭiggahitaṃ vanaṭṭhaṃ pokkharatṭhaṃ, ajjāpi nu kho tāni bhikkhū paribhuñjanti’nti. Atha kho bhagavā sāyanhasamayā paṭisallānā vuṭṭhito āyasmantaṃ ānandaṃ āmantesi – “yāni tāni, ānanda, mayā bhikkhūnaṃ anuññātāni dubbhikkhe dussasse dullabhapiṇḍe anto vuṭṭhaṃ anto pakkaṃ sāmāṃ pakkaṃ uggahitapaṭiggahitakaṃ tato nīhaṃ purebhattaṃ paṭiggahitaṃ vanaṭṭhaṃ pokkharatṭhaṃ, ajjāpi nu kho tāni bhikkhū paribhuñjanti’nti? “Paribhuñjanti bhagavā’nti. Atha kho bhagavā etasmimṃ nidāne etasmimṃ pakaraṇe dhammiṃ kathaṃ katvā bhikkhū āmantesi – “yāni tāni, bhikkhave, mayā bhikkhūnaṃ anuññātāni dubbhikkhe dussasse dullabhapiṇḍe anto vuṭṭhaṃ anto pakkaṃ sāmāṃ pakkaṃ uggahitapaṭiggahitakaṃ tato nīhaṃ purebhattaṃ paṭiggahitaṃ vanaṭṭhaṃ pokkharatṭhaṃ, tānāhaṃ ajjatagge paṭikkhipāmi. Na, bhikkhave, anto vuṭṭhaṃ anto pakkaṃ sāmāṃ pakkaṃ uggahitapaṭiggahitakaṃ paribhuñjitabbaṃ. Yo paribhuñjeyya, āpatti dukkaṭassa. Na ca, bhikkhave, tato nīhaṃ purebhattaṃ paṭiggahitaṃ vanaṭṭhaṃ pokkharatṭhaṃ bhuttāvinā pavāritena anarittāṃ paribhuñjitabbaṃ. Yo paribhuñjeyya, yathādhammo kāretabbo’nti.

Tena kho pana samayena jānapadā manussā bahuṃ loṇampi, telampi, taṇḍulampi, khādanīyampi sakaṭesu āropetvā bahārāmakotṭhake sakaṭaparivaṭṭaṃ karitvā acchanti – yadā paṭipāṭiṃ labhissāma, tadā bhattaṃ karissāmāti. Mahā ca meghe uggato hoti. Atha kho te manussā yenāyasmā ānando tenupasaṅkamissa, upasaṅkamitvā āyasmantaṃ ānandaṃ etadavocuṃ – “idha, bhante ānanda, bahuṃ loṇampi, telampi, taṇḍulampi, khādanīyampi sakaṭesu āropitā tiṭṭhanti, mahā ca meghe uggato; kathaṃ nu kho, bhante ānanda, paṭipajjitabba’nti? Atha kho āyasmā ānando bhagavato etamatthaṃ ārocesi. “Tena hānanda, saṅgho paccantimaṃ vihāraṃ kappiyabhūmiṃ sammannitvā tattha vāsetu, yaṃ saṅgho ākaṅkhati vihāraṃ vā aḍḍhayogaṃ vā pāsādaṃ vā hammiyaṃ vā guhaṃ vā. Evañca pana, bhikkhave, sammannitabbā. Byattena bhikkhunā paṭibalena saṅgho nīpetabbo –

“Suṇātu me, bhante, saṅgho. Yadi saṅghassa pattakallaṃ, saṅgho itthannāmaṃ vihāraṃ kappiyabhūmiṃ sammanneyya, esā ñatti.

“Suṇātu me, bhante, saṅgho. Saṅgho itthannāmaṃ vihāraṃ kappiyabhūmiṃ sammannati. Yassāyasmato khamati itthannāmassa vihārassa kappiyabhūmiyā sammuti, so tuṇhassa; yassa nakkhamati, so bhāseyya.

“Sammato saṅghena itthannāmo vihāro kappiyabhūmi. Khamati saṅghassa, tasmā tuṇhī, evametam dhārayāmi’nti.

Tena kho pana samayena manussā tattheva sammutiyā [sammantikāya (syā.)] kappiyabhūmiyā yāguyo pacanti, bhattāni pacanti, sūpāni sampādentī, maṃsāni koṭṭenti, kaṭṭhāni phālentī. Assosi kho bhagavā rattiyaṃ paccūsasamayā paccuṭṭhāya uccāsaddaṃ mahāsaddaṃ kākoravasaddaṃ, sutvāna āyasmantaṃ ānandaṃ āmantesi – “kiṃ nu kho so, ānanda, uccāsaddo mahāsaddo kākoravasaddo’nti? “Etarahi, bhante, manussā tattheva sammutiyā kappiyabhūmiyā yāguyo pacanti, bhattāni pacanti, sūpāni

sampādentī, maṃsāni koṭṭenti, kaṭṭhāni phārenti. So eso, bhagavā, uccāsaddo mahāsaddo kākoravasaddo’’ti. Atha kho bhagavā etasmiṃ nidāne etasmiṃ pakarāṇe dhammiṃ katham katvā bhikkhū āmantesi – ‘‘na, bhikkhave, sammuti [sammatikā (syā.)] kappiyabhūmi paribhuñjītabbā. Yo paribhuñjeyya, āpatti dukkaṭassa. Anujānāmi, bhikkhave, tisso kappiyabhūmiyo – ussāvanantikam gonisādikam gahapati’’nti.

Tena kho pana samayena āyasmā yasojo gilāno hoti. Tassatthāya bhesajjāni āhariyanti. Tāni bhikkhū bahi vāsenti. Ukkapiṇḍikāpi khādanti, corāpi haranti. Bhagavato etamattham ārocesum. Anujānāmi, bhikkhave, sammutiṃ kappiyabhūmiṃ paribhuñjītuṃ. Anujānāmi, bhikkhave, catasso kappiyabhūmiyo – ussāvanantikam gonisādikam gahapatiṃ sammutinti.

Kappiyabhūmianujānanā niṭṭhitā.

Sīhabhānavāro niṭṭhito catuttho.

180. Meṇḍakagahapativatthu

296. Tena kho pana samayena bhaddiyanagare meṇḍako gahapati paṭivasati. Tassa evarūpo iddhānubhāvo hoti – sīsam nahāyitvā dhaññāgāraṃ sammajjāpetvā bahidvāre nisīdati, antalikkhā dhaññassa dhārā opatitvā dhaññāgāraṃ pūreti. Bhariyāya evarūpo iddhānubhāvo hoti – ekaṃyeva āḷhakathālikam upanisīditvā ekañca sūpabhiñjanakam [sūpabhiñjarakam (sī.)] dāsakammakaraporisam bhattena parivisati, na tāva tam khiyyati [khīyati (sī. syā.)] yāva sā na vuṭṭhāti. Puttassa evarūpo iddhānubhāvo hoti – ekaṃyeva saḥassathavikam gahetvā dāsakammakaraporisassa chamāsikam vetanam deti, na tāva tam khiyyati yāvassa hatthagatā. Suñisāya evarūpo iddhānubhāvo hoti – ekaṃyeva catudoṇikam piṭakam upanisīditvā dāsakammakaraporisassa chamāsikam bhattam deti, na tāva tam khiyyati yāva sā na vuṭṭhāti. Dāsassa evarūpo iddhānubhāvo hoti – ekena naṅgalena kasantassa satta sītāyo gacchanti.

Assosi kho rājā māgadho seniyo bimbisāro – ‘‘amhākam kira vijite bhaddiyanagare meṇḍako gahapati paṭivasati. Tassa evarūpo iddhānubhāvo – sīsam nahāyitvā dhaññāgāraṃ sammajjāpetvā bahidvāre nisīdati, antalikkhā dhaññassa dhārā opatitvā dhaññāgāraṃ pūreti. Bhariyāya evarūpo iddhānubhāvo – ekaṃyeva āḷhakathālikam upanisīditvā ekañca sūpabhiñjanakam dāsakammakaraporisam bhattena parivisati, na tāva tam khiyyati yāva sā na vuṭṭhāti. Puttassa evarūpo iddhānubhāvo – ekaṃyeva saḥassathavikam gahetvā dāsakammakaraporisassa chamāsikam vetanam deti, na tāva tam khiyyati yāvassa hatthagatā. Suñisāya evarūpo iddhānubhāvo – ekaṃyeva catudoṇikam piṭakam upanisīditvā dāsakammakaraporisassa chamāsikam bhattam deti, na tāva tam khiyyati yāva sā na vuṭṭhāti. Dāsassa evarūpo iddhānubhāvo – ekena naṅgalena kasantassa satta sītāyo gacchanti’’ti. Atha kho rājā māgadho seniyo bimbisāro aññataram sabbatthakam mahāmatam āmantesi – ‘‘amhākam kira, bhaṇe, vijite bhaddiyanagare meṇḍako gahapati paṭivasati. Tassa evarūpo iddhānubhāvo – sīsam nahāyitvā dhaññāgāraṃ sammajjāpetvā bahidvāre nisīdati, antalikkhā dhaññassa dhārā opatitvā dhaññāgāraṃ pūreti. Bhariyāya...pe... puttassa... suñisāya... dāsassa evarūpo iddhānubhāvo, ekena naṅgalena kasantassa satta sītāyo gacchantīti. Gaccha, bhaṇe, jānāhi. Yathā mayā sāmam diṭṭho, evam tava diṭṭho bhavissati’’ti.

297. Evam, devāti kho so mahāmatto rañño māgadhasa seniyassa bimbisārassa paṭissuṇitvā caturaṅginiyā senāya yena bhaddiyam tena pāyāsī. Anupubbena yena bhaddiyam yena meṇḍako gahapati tenupasaṅkami; upasaṅkamtivā meṇḍakam gahapatiṃ etadavoca – ‘‘ahañhi, gahapati, raññā āṇatto ‘amhākam kira, bhaṇe, vijite bhaddiyanagare meṇḍako gahapati paṭivasati, tassa evarūpo iddhānubhāvo, sīsam nahāyitvā...pe... bhariyāya... puttassa... suñisāya... dāsassa evarūpo iddhānubhāvo, ekena naṅgalena kasantassa satta sītāyo gacchanti’’ti, gaccha, bhaṇe, jānāhi. Yathā mayā sāmam diṭṭho, evam tava diṭṭho bhavissati’’ti. Passāma te, gahapati, iddhānubhāva’’nti. Atha kho

meṇḍako gahapati sīsaṃ nahāyitvā dhañṇāgāraṃ sammajjāpetvā bahidvāre nisīdi, antalikkhā dhañṇassa dhārā opatitvā dhañṇāgāraṃ pūresi. “Diṭṭho te, gahapati, iddhānubhāvo. Bhariyāya te iddhānubhāvaṃ passissāmā”ti. Atha kho meṇḍako gahapati bhariyaṃ āṇāpesi – “tena hi caturaṅginim senaṃ bhattena parivisā”ti. Atha kho meṇḍakassa gahapatissa bhariyā ekamaṃyeva āḷhakathālikāṃ upanisīditvā ekañca sūpabhiñjanakaṃ caturaṅginim senaṃ bhattena parivisi, na tāva taṃ khiyyati, yāva sā na vuṭṭhāti. “Diṭṭho te, gahapati, bhariyāyapi iddhānubhāvo. Puttassa te iddhānubhāvaṃ passissāmā”ti. Atha kho meṇḍako gahapati puttāṃ āṇāpesi – “tena hi caturaṅginiyā senāya chamāsikaṃ vetanaṃ dehi”ti. Atha kho meṇḍakassa gahapatissa putto ekamaṃyeva sahasathavikaṃ gahetvā caturaṅginiyā senāya chamāsikaṃ vetanaṃ adāsi, na tāva taṃ khiyyati, yāvassa hatthagatā. “Diṭṭho te, gahapati, puttassapi iddhānubhāvo. Suṇisāya te iddhānubhāvaṃ passissāmā”ti. Atha kho meṇḍako gahapati suṇisaṃ āṇāpesi – “tena hi caturaṅginiyā senāya chamāsikaṃ bhattaṃ dehi”ti. Atha kho meṇḍakassa gahapatissa suṇisā ekamaṃyeva catudonikaṃ piṭakaṃ upanisīditvā caturaṅginiyā senāya chamāsikaṃ bhattaṃ adāsi, na tāva taṃ khiyyati yāva sā na vuṭṭhāti. “Diṭṭho te, gahapati, suṇisāyapi iddhānubhāvo. Dāsassa te iddhānubhāvaṃ passissāmā”ti. “Mayhaṃ kho, sāmī, dāsassa iddhānubhāvo khette passitabbo”ti. “Alaṃ, gahapati, diṭṭho te dāsassapi iddhānubhāvo”ti. Atha kho so mahāmatto caturaṅginiyā senāya punadeva rājagahaṃ paccāgañchi. Yena rājā māgadho seniyo bimbisāro tenupasaṅkama; upasaṅkamitvā rañño māgadhasa seniyassa bimbisārassa etamatthaṃ ārocesi.

298. Atha kho bhagavā vesāliyaṃ yathābhirantaṃ viharitvā yena bhaddiyaṃ tena cārikaṃ pakkāmi mahatā bhikkhusaṅghena saddhiṃ aḍḍhatelasehi bhikkhusatehi. Atha kho bhagavā anupubbena cārikaṃ caramāno yena bhaddiyaṃ tadavasari. Tatra sudam bhagavā bhaddiye viharati jātiyā vane. Assosi kho meṇḍako gahapati – “samaṇo khalu bho gotamo sakyaputto sakyakulā pabbajito bhaddiyaṃ anupatto bhaddiye viharati jātiyā vane. Taṃ kho pana bhagavantam gotamaṃ evaṃ kalyāṇo kittisaddo abhuggato – ‘itipi so bhagavā arahaṃ sammāsambuddho vijjācaraṇasampanno sugato lokavidū anuttaro purisadammasārathi sathā devamanussānaṃ buddho bhagavā’ [bhagavāti (ka.)]. So imaṃ lokaṃ sadevakaṃ samāraṃ sabrahmakāṃ sassamaṇabrāhmaṇiṃ pajam sadevamanussaṃ sayam abhiññā sacchikatvā pavedeti. So dhammaṃ deseti ādikalyāṇaṃ majjhekalyāṇaṃ pariyośanakalyāṇaṃ sātthaṃ sabyañjanaṃ kevalaparipuṇṇaṃ parisuddhaṃ brahmacariyaṃ pakāseti. Sādhu kho pana tathārūpānaṃ arahataṃ dassanaṃ hoti”ti. Atha kho meṇḍako gahapati bhadraṇi bhadraṇi yānāni yojāpetvā bhadrāṃ bhadrāṃ yānaṃ abhiruhitvā bhadrehi bhadrehi yānehi bhaddiyā niyyāsi bhagavantam dassanāya. Addasaṃsu kho sambahulā titthiyā meṇḍakam gahapatiṃ dūratova āgacchantam, disvāna meṇḍakam gahapatiṃ etadavocum – “kahaṃ tvam, gahapati, gacchasi”ti? “Gacchāmaṃ, bhante, bhagavantam [idaṃ padaṃ sī. syā. potthakesu natthi] samaṇam gotamaṃ dassanāya”ti. “Kiṃ pana tvam, gahapati, kiriyavādo samāno akiriyavādam samaṇam gotamaṃ dassanāya upasaṅkamissasi? Samaṇo hi, gahapati, gotamo akiriyavādo akiriyāya dhammaṃ deseti, tena ca sāvake vinetī”ti. Atha kho meṇḍakassa gahapatissa etadahosi – “nissaṃsayam, kho so bhagavā arahaṃ sammāsambuddho bhavissati, yathayime titthiyā usūyanti”ti. Yāvaticā yānassa bhūmi, yānena gantvā yānā paccorohitvā pattikova yena bhagavā tenupasaṅkama, upasaṅkamitvā bhagavantam abhivādetvā ekamantaṃ nisīdi. Ekamantaṃ nisinnassa kho meṇḍakassa gahapatissa bhagavā anupubbiṃ kathaṃ kathesi, seyyathidaṃ – dānakathaṃ...pe... aparappaccayo satthusāsane bhagavantam etadavoca – “abhikkantaṃ, bhante...pe... upāsakaṃ maṃ bhagavā dhāretu ajjatagge paṇupetaṃ saraṇam gatam. Adhivāsetu ca me, bhante, bhagavā svātanāya bhattaṃ saddhiṃ bhikkhusaṅghena”ti. Adhivāsesi bhagavā tuṅhībhāvena. Atha kho meṇḍako gahapati bhagavato adhivāsanam viditvā utṭhāyāsana bhagavantam abhivādetvā padakkhiṇam katvā pakkāmi.

Atha kho meṇḍako gahapati tassā rattiyā accayena paṇitaṃ khādanīyaṃ bhojanīyaṃ paṭiyādāpetvā bhagavato kālam ārocāpesi – “kālo, bhante, niṭṭhitaṃ bhatta”nti. Atha kho bhagavā pubbaṅhasamayam nivāsetvā pattacīvaramādāya yena meṇḍakassa gahapatissa nivesanaṃ tenupasaṅkama; upasaṅkamitvā paññatte āsane nisīdi saddhiṃ bhikkhusaṅghena. Atha kho meṇḍakassa gahapatissa bhariyā ca putto ca suṇisā ca dāso ca yena bhagavā tenupasaṅkamissu, upasaṅkamitvā bhagavantam abhivādetvā ekamantaṃ nisīdiṃsu. Tesam bhagavā anupubbiṃ kathaṃ kathesi, seyyathidaṃ – dānakathaṃ...pe...

aparappaccayā satthusāsane bhagavantam etadavocum – “abhikkantam, bhante...pe... ete mayam, bhante, bhagavantam saraṇam gacchāma dhammañca bhikkhusaṅghaṇca. Upāsake no bhagavā dhāretu ajjatagge paṇupete saraṇam gate”ti. Atha kho meṇḍako gahapati buddhappamukham bhikkhusaṅgham paṇītena khādanīyena bhojanīyena sahatthā santappetvā sampavāretvā bhagavantam bhuttāvim onītapattapāṇim ekamantam nisīdi. Ekamantam nisinno kho meṇḍako gahapati bhagavantam etadavoca – “yāva, bhante, bhagavā bhaddiye viharati tāva aham buddhappamukhassa bhikkhusaṅghassa dhuvabhattenā”ti. Atha kho bhagavā meṇḍakam gahapatim dhammiyā kathāya sandassetvā samādapetvā samuttejetvā sampahamsetvā uṭṭhāyāsanaṁ pakkāmi.

Meṇḍakagahapativattha niṭṭhitam.

181. Pañcagorasādiānujānā

299. Atha kho bhagavā bhaddiye yathābhirantam viharitvā meṇḍakam gahapatim anāpucchā yena ānguttarāpo tena cārikam pakkāmi mahatā bhikkhusaṅghena saddhim aḍḍhatelasehi bhikkhusatehi. Assosi kho meṇḍako gahapati – “bhagavā kira yena ānguttarāpo tena cārikam pakkanto mahatā bhikkhusaṅghena saddhim aḍḍhatelasehi bhikkhusatehi”ti. Atha kho meṇḍako gahapati dāse ca kammakare ca āṇāpesi – “tena hi, bhāṇe, bahum loṇampi, telampi, taṇḍulampi, khādanīyampi sakaṭesu āropetvā āgacchatha, aḍḍhatelasāni ca gopālakasatāni aḍḍhatelasāni ca dhenusatāni ādāya āgacchantu, yattha bhagavantam passissāma tattha taruṇena [dhāruṇhena (sī. syā..)] khīrena bhojessāmā”ti. Atha kho meṇḍako gahapati bhagavantam antarāmagge kantāre sambhāvesi. Atha kho meṇḍako gahapati yena bhagavā tenupasaṅkami; upasaṅkamtivā bhagavantam abhivādetvā ekamantam aṭṭhāsi. Ekamantam ṭhito kho meṇḍako gahapati bhagavantam etadavoca – “adhivāsetu me, bhante, bhagavā svātānāya bhattam saddhim bhikkhusaṅghenā”ti. Adhivāsesi bhagavā tuṇhībhāvena. Atha kho meṇḍako gahapati bhagavato adhivāsanam viditvā bhagavantam abhivādetvā padakkhiṇam katvā pakkāmi.

Atha kho meṇḍako gahapati tassā rattiyā accayena paṇītam khādanīyam bhojanīyam paṭiyādāpetvā bhagavato kālam ārocāpesi – “kālo, bhante, niṭṭhitam bhatta”nti. Atha kho bhagavā pubbaṇhasamayam nivāsetvā pattacīvaramādāya yena meṇḍakassa gahapatissa parivesanā tenupasaṅkami; upasaṅkamtivā paññatte āsane nisīdi saddhim bhikkhusaṅghena. Atha kho meṇḍako gahapati aḍḍhatelasāni gopālakasatāni āṇāpesi – “tenahi, bhāṇe, ekamekam dhenum gahetvā ekamekassa bhikkhuno upatiṭṭhatha taruṇena khīrena bhojessāmā”ti. Atha kho meṇḍako gahapati buddhappamukham bhikkhusaṅgham paṇītena khādanīyena bhojanīyena sahatthā santappesi sampavāresi, taruṇena ca khīrena. Bhikkhū kukkucāyantā khīram na paṭiggaṇhanti. Paṭiggaṇhatha, bhikkhave, paribhuñjathāti. Atha kho meṇḍako gahapati buddhappamukham bhikkhusaṅgham paṇītena khādanīyena bhojanīyena sahatthā santappetvā sampavāretvā taruṇena ca khīrena bhagavantam bhuttāvim onītapattapāṇim ekamantam nisīdi. Ekamantam nisinno kho meṇḍako gahapati bhagavantam etadavoca – “santi, bhante, maggā kantārā, appodakā appabhakkhā, na sukarā apātheyyena gantum. Sādhu, bhante, bhagavā bhikkhūnam pātheyyam anujānātū”ti. Atha kho bhagavā meṇḍakam gahapatim dhammiyā kathāya sandassetvā samādapetvā samuttejetvā sampahamsetvā uṭṭhāyāsanaṁ pakkāmi. Atha kho bhagavā etasmim nidāne etasmim pakaraṇe dhammim katham katvā bhikkhū āmantesi – “anujānāmi, bhikkhave, pañca gorase – khīram, dadhim, takkam, navanītam, sappim. Santi, bhikkhave, maggā kantārā appodakā appabhakkhā, na sukarā apātheyyena gantum. Anujānāmi, bhikkhave, pātheyyam pariyesitum taṇḍulo taṇḍulatthikena, muggo muggatthikena, māso māsatthikena, loṇam loṇatthikena, guḷo guḷatthikena, telam telatthikena, sappi sappitthikena. Santi, bhikkhave, manussā, saddhā pasannā, te kappiyakāraṇam hatthe hiraññam upanikkhipanti – ‘iminā ayyassa yaṁ kappiyam tam dethā’ti. Anujānāmi, bhikkhave, yaṁ tato kappiyam tam sādītum; na tvevāham, bhikkhave, kenaci pariyāyena jātarūparajataṁ sādītabbam pariyesitabbanti vadāmi”ti.

Pañcagorasādiānujānā niṭṭhitā.

182. Keṇiyajaṭilavatthu

300. [ma. ni. 2.396 ādayo; su. ni. selasuttampi passitabbaṃ] Atha kho bhagavā anupubbena cārikāṃ caramāno yena āpaṇaṃ tadavasari. Assosi kho keṇiyo jaṭilo – “samaṇo khalu bho gotamo sakyaputto sakyakulā pabbajito āpaṇaṃ anupatto, taṃ kho pana bhavantaṃ gotamaṃ evaṃ kalyāṇo kittisaddo abbhuggato...pe... sādhu kho pana tathārūpānaṃ arahataṃ dassanaṃ hoti”ti. Atha kho keṇiyassa jaṭilassa etadahosi – “kiṃ nu kho ahaṃ samaṇassa gotamassa harāpeyya”nti. Atha kho keṇiyassa jaṭilassa etadahosi – “yepi kho te brāhmaṇānaṃ [ayaṃ pāṭho dī. ni. 1.285, 526, 536; ma. ni. 2.427; a. ni. 5.191-192 ādayo] pubbakā isayo mantānaṃ kattāro mantānaṃ pavattāro, yesamidaṃ etarahi brāhmaṇā porāṇaṃ mantapadaṃ gītaṃ pavuttaṃ samihitaṃ, tadanugāyanti tadanubhāsanti, bhāsitanubhāsanti, vācitanuvācenti, seyyathidaṃ – aṭṭhako vāmakko vāmadevo vessāmitto yamataggi [yamadaggi (ka.)] aṅgīraso bhāradvājo vāsetṭho kassapo bhagu [ayaṃ pāṭho dī. ni. 1.285, 526, 536; ma. ni. 2.427; a. ni. 5.191-192 ādayo], rattūparatā viratā vikālabhojanā, te evarūpāni pānāni sādiyimsu. Samaṇopi gotamo rattūparato virato vikālabhojanā, arahati samaṇopi gotamo evarūpāni pānāni sādiyitu”nti pahūtaṃ pānaṃ paṭiyādāpetvā kājehi gāhāpetvā yena bhagavā tenupasaṅkami; upasaṅkamtivā bhagavatā saddhiṃ sammodi; sammodanīyaṃ kathaṃ sārāṇīyaṃ vītisāretvā ekamantaṃ aṭṭhāsi. Ekamantaṃ ṭhito kho keṇiyo jaṭilo bhagavantaṃ etadavoca – “paṭiggaṇhātu me bhavaṃ gotamo pāna”nti. Tena hi, keṇiya, bhikkhūnaṃ dehīti. Atha kho keṇiyo jaṭilo bhikkhūnaṃ deti. Bhikkhū kukkucāyantaṃ na paṭiggaṇhanti. Paṭiggaṇhatha, bhikkhave, paribhuñjathāti. Atha kho keṇiyo jaṭilo buddhappamukhaṃ bhikkhusaṅghaṃ pahūtehi pānehi sahatthā santappetvā sampavāretvā bhagavantaṃ dhotahattaṃ onītapattapāṇiṃ ekamantaṃ nisīdi. Ekamantaṃ nisinnaṃ kho keṇiyaṃ jaṭilaṃ bhagavā dhammiyā kathāya sandassesī samādapesi samuttejesī sampahaṃsesī. Atha kho keṇiyo jaṭilo bhagavatā dhammiyā kathāya sandassito samādapito samuttejito sampahaṃsīto bhagavantaṃ etadavoca – “adhivāsetu me bhavaṃ gotamo svātanāya bhattaṃ saddhiṃ bhikkhusaṅghenā”ti. Mahā kho, keṇiya, bhikkhusaṅgho aḍḍhatelasāni bhikkhusatāni, tvaṅca brāhmaṇesu abhippasannoti. Dutiyampi kho keṇiyo jaṭilo bhagavantaṃ etadavoca – “kiñcāpi kho, bho gotama, mahā bhikkhusaṅgho aḍḍhatelasāni bhikkhusatāni, ahaṅca brāhmaṇesu abhippasanno, adhivāsetu me bhavaṃ gotamo svātanāya bhattaṃ saddhiṃ bhikkhusaṅghenā”ti. Mahā kho, keṇiya, bhikkhusaṅgho aḍḍhatelasāni bhikkhusatāni, tvaṅca brāhmaṇesu abhippasannoti. Tatiyampi kho keṇiyo jaṭilo bhagavantaṃ etadavoca – “kiñcāpi kho, bho gotama, mahā bhikkhusaṅgho aḍḍhatelasāni bhikkhusatāni, ahaṅca brāhmaṇesu abhippasanno, adhivāsetu bhavaṃ gotamo svātanāya bhattaṃ saddhiṃ bhikkhusaṅghenā”ti. Adhivāsesī bhagavā tuṅhībhāvena. Atha kho keṇiyo jaṭilo bhagavato adhivāsanaṃ viditvā utṭhāyāsanaṃ pakkāmi. Atha kho bhagavā etasmiṃ nidāne etasmiṃ pakaraṇe dhammiṃ kathaṃ katvā bhikkhū āmantesi – “anujānāmi, bhikkhave, aṭṭha pānāni – ambapānaṃ jambupānaṃ cocapānaṃ mocapānaṃ madhūkapānaṃ [madhupānaṃ (sī. syā.)] muddikapānaṃ sālūkapānaṃ phārusakapānaṃ. Anujānāmi, bhikkhave, sabbaṃ phalarasaṃ ṭhapetvā dhaññaphalarasaṃ. Anujānāmi, bhikkhave, sabbaṃ pattarasaṃ ṭhapetvā ḍākarasaṃ. Anujānāmi, bhikkhave, sabbaṃ puppharasaṃ ṭhapetvā madhūkapuppharasaṃ. Anujānāmi, bhikkhave, ucchurasa”nti.

Atha kho keṇiyo jaṭilo tassā rattiyā accayena sake assame paṇītaṃ khādanīyaṃ bhojanīyaṃ paṭiyādāpetvā bhagavato kālaṃ ārocāpesī – “kālo, bho gotama, niṭṭhitaṃ bhatta”nti. Atha kho bhagavā pubbaṇhasamayaṃ nivāsetvā pattacīvaramādāya yena keṇiyassa jaṭilassa assamo tenupasaṅkami; upasaṅkamtivā paññatte āsane nisīdi saddhiṃ bhikkhusaṅghena. Atha kho keṇiyo jaṭilo buddhappamukhaṃ bhikkhusaṅghaṃ paṇītena khādanīyena bhojanīyena sahatthā santappetvā sampavāretvā bhagavantaṃ bhuttāviṃ onītapattapāṇiṃ ekamantaṃ nisīdi. Ekamantaṃ nisinnaṃ kho keṇiyaṃ jaṭilaṃ bhagavā imāhi gāthāhi anumodī –

“Aggihuttamukhā yaññā, sāvittī chandaso mukhaṃ;
Rājā mukhaṃ manussānaṃ, nadīnaṃ sāgaro mukhaṃ.

“Nakkhattānaṃ mukhaṃ cando, ādicco tapataṃ mukhaṃ;

Puññaṃ ākaṅkhamānānaṃ saṅgho, ve yajataṃ mukha’’nti.

Atha kho bhagavā keṇiyaṃ jaṭilaṃ imāhi gāthāhi anumoditvā uṭṭhāyāsanaṃ pakkāmi.

Keṇiyajaṭilavatthu niṭṭhitam.

183. Rojamallavatthu

301. Atha kho bhagavā āpaṇe yathābhirantaṃ viharitvā yena kusinārā tena cārikaṃ pakkāmi mahatā bhikkhusaṅghena saddhiṃ aḍḍhatelasehi bhikkhusatehi. Assosum kho kosinārakā mallā – ‘‘bhagavā kira kusināraṃ āgacchati mahatā bhikkhusaṅghena saddhiṃ aḍḍhatelasehi bhikkhusatehī’’ti. Te saṅgaram [saṅkaram (ka.)] akaṃsu – ‘‘yo bhagavato paccuggamaṇaṃ na karissati, pañcasatānissa daṇḍo’’ti. Tena kho pana samayena rojo mallo āyasmato ānandassa sahāyo hoti. Atha kho bhagavā anupubbena cārikaṃ caramāno yena kusinārā tadavasari. Atha kho kosinārakā mallā bhagavato paccuggamaṇaṃ akaṃsu. Atha kho rojo mallo bhagavato paccuggamaṇaṃ karitvā yenāyasmā ānando tenupasaṅkami, upasaṅkamtivā āyasmantaṃ ānandaṃ abhivādetvā ekamantaṃ aṭṭhāsi. Ekamantaṃ ṭhitam kho rojaṃ mallam āyasmā ānando etadavoca – ‘‘ulāraṃ kho te idaṃ, āvuso roja, yaṃ tvam bhagavato paccuggamaṇaṃ akāsī’’ti. ‘‘Nāhaṃ, bhante ānanda, bahukato buddhe vā dhamme vā saṅghe vā; api ca nātīhi saṅgare kato – ‘yo bhagavato paccuggamaṇaṃ na karissati, pañcasatānissa daṇḍo’’ti; so kho ahaṃ, bhante ānanda, nātīnaṃ daṇḍabhayā evāhaṃ bhagavato paccuggamaṇaṃ akāsinti. Atha kho āyasmā ānando anattamaṇo ahoṣi’ kathaṅhi nāma rojo mallo evaṃ vakkhatī’? Atha kho āyasmā ānando yena bhagavā tenupasaṅkami, upasaṅkamtivā bhagavantaṃ abhivādetvā ekamantaṃ nisīdi. Ekamantaṃ nisinna kho āyasmā ānando bhagavantaṃ etadavoca – ‘‘ayaṃ, bhante, rojo mallo abhiññāto nātāmanusso. Mahatthiko kho pana evarūpānaṃ nātāmanussānaṃ imasmiṃ dhammavinaye pasādo. Sādhu, bhante, bhagavā tathā karotu, yathā rojo mallo imasmiṃ dhammavinaye pasīdeyyā’’ti. ‘‘Na kho taṃ, ānanda, dukkaraṃ tathāgataṇa, yathā rojo mallo imasmiṃ dhammavinaye pasīdeyyā’’ti.

Atha kho bhagavā rojaṃ mallam mettana cittaṇa pharitvā uṭṭhāyāsanaṃ vihāraṃ pāvisi. Atha kho rojo mallo bhagavato mettana cittaṇa phuṭṭho, seyyathāpi nāma gāviṃ taruṇavaccho, evameva, vihārena vihāraṃ pariveṇena pariveṇam upasaṅkamtivā bhikkhū pucchati – ‘‘kahaṃ nu kho, bhante, etarahi so bhagavā viharati araham sammāsambuddho, dassanakāmā hi mayaṃ taṃ bhagavantaṃ arahantaṃ sammāsambuddha’’nti. ‘‘Esāvuso roja, vihāro saṃvutadvāro, tena appasaddo upasaṅkamtivā ataramāno ālindaṃ pavisitvā ukkāsitvā aggaḷam ākoṭehi, vivarissati te bhagavā dvāra’’nti. Atha kho rojo mallo yena so vihāro saṃvutadvāro, tena appasaddo upasaṅkamtivā ataramāno ālindaṃ pavisitvā ukkāsitvā aggaḷam ākoṭesi. Vivari bhagavā dvāraṃ. Atha kho rojo mallo vihāraṃ pavisitvā bhagavantaṃ abhivādetvā ekamantaṃ nisīdi. Ekamantaṃ nisinnassa kho rojassa mallassa bhagavā anupubbim katham kathesi, seyyathidaṃ – dānakathaṃ...pe... aparappaccayo satthusāsane bhagavantaṃ etadavoca – ‘‘sādhu, bhante, ayyā mamaññeva paṭiggaṇheyyum cīvarapiṇḍapātāsenāsanagilānappaccayabhesajjaparikkhāraṃ, no aññesa’’nti. ‘‘Yesam kho, roja, sekkhena ñāṇena sekkhena dassanena dhammo diṭṭho seyyathāpi tayā, tesampi evaṃ hoti – ‘aho nūna ayyā amhākaññeva paṭiggaṇheyyum cīvarapiṇḍapātāsenāsanagilānappaccayabhesajjaparikkhāraṃ, no aññesa’’nti. Tena hi, roja, tava ceva paṭiggahissanti aññesañcā’’ti.

302. Tena kho pana samayena kusinārāyaṃ paṇītānaṃ bhattānaṃ bhattapaṭipāṭi aṭṭhitā hoti. Atha kho rojassa mallassa paṭipāṭiṃ alabhantassa etadahosi – ‘‘yaṃnūnāhaṃ bhattaggaṃ olokeyyaṃ, yaṃ bhattagge nāssa, taṃ paṭiyādeyya’’nti. Atha kho rojo mallo bhattaggaṃ olokento dve nāddasa – ḍākañca piṭṭhakhādanīyañca. Atha kho rojo mallo yenāyasmā ānando tenupasaṅkami; upasaṅkamtivā āyasmantaṃ ānandaṃ etadavoca – ‘‘idha me, bhante ānanda, paṭipāṭiṃ alabhantassa etadahosi – ‘yaṃnūnāhaṃ bhattaggaṃ olokeyyaṃ, yaṃ bhattagge nāssa, taṃ paṭiyādeyya’’nti. So kho ahaṃ, bhante ānanda, bhattaggaṃ olokento dve nāddasaṃ – ḍākañca piṭṭhakhādanīyañca. Sacāhaṃ, bhante ānanda, paṭiyādeyyaṃ ḍākañca piṭṭhakhādanīyañca, paṭiggaṇheyya me bhagavā’’ti? ‘‘Tena hi, roja,

bhagavantam paṭipucchissāmī”ti. Atha kho āyasmā ānando bhagavato etamattham ārocesi. “Tena hānanda, paṭiyādetū”ti. “Tena hi, roja, paṭiyādehi”ti. Atha kho rojo mallo tassā rattiyā accayena pahūtam dākañca piṭṭhakhādanīyañca paṭiyādāpetvā bhagavato upanāmesi “paṭiggaṇhātu me, bhante, bhagavā dākañca piṭṭhakhādanīyañcā”ti. “Tena hi, roja, bhikkhūnam dehi”ti. Atha kho rojo mallo bhikkhūnam deti. Bhikkhū kukkucāyantā na paṭiggaṇhanti. “Paṭiggaṇhatha, bhikkhave, paribhuñjathā”ti. Atha kho rojo mallo buddhappamukham bhikkhusaṅgham pahūtehi dākehi ca piṭṭhakhādanīyehi ca sahatthā santappetvā sampavāretvā bhagavantam dhotahattham onītapattapāṇim ekamantam nisīdi. Ekamantam nisinnam kho rojam mallam bhagavā dhammiyā kathāya sandassetvā samādapetvā samuttejetvā sampahamsetvā utthāyāsanaṃ pakkāmi. Atha kho bhagavā etasmim nidāne etasmim pakaraṇe dhammim katham katvā bhikkhū āmantesi – “anujānāmi, bhikkhave, sabbañca dākam sabbañca piṭṭhakhādanīya”nti.

Rojamallavatthu niṭṭhitam.

184. Vuḍḍhapabbajitavatthu

303. Atha kho bhagavā kusinārāyam yathābhirantaṃ viharitvā yena ātumā tena cārikam pakkāmi mahatā bhikkhusaṅghena saddhim aḍḍhatelasehi bhikkhusatehi. Tena kho pana samayena aññataro vuḍḍhapabbajito ātumāyam paṭivasati nahāpitapubbo. Tassa dve dārakā honti, mañjukā paṭibhāneyyakā, dakkhā pariyoḍātasippā sake ācariyake nahāpitakamme. Assosi kho so vuḍḍhapabbajito – “bhagavā kira ātumam āgacchati mahatā bhikkhusaṅghena saddhim aḍḍhatelasehi bhikkhusatehi”ti. Atha kho so vuḍḍhapabbajito te dārake etadavoca – “bhagavā kira, tātā, ātumam āgacchati mahatā bhikkhusaṅghena saddhim aḍḍhatelasehi bhikkhusatehi. Gacchatha tumhe, tātā, khurabhaṇḍam ādāya nāḷiyāvāpakena anugharakam anugharakam āhiṇḍatha, loṇampi, telampi, taṇḍulampi, khādanīyampi samharatha, bhagavato āgatassa yāgupānam karissāmā”ti. “Evam, tātā”ti kho te dārakā tassa vuḍḍhapabbajitassa paṭissuṇitvā khurabhaṇḍam ādāya nāḷiyāvāpakena anugharakam anugharakam āhiṇḍanti, loṇampi, telampi, taṇḍulampi, khādanīyampi samharantā. Manussā te dārake mañjuka paṭibhāneyyake passitvā yepi na kārāpetukāmā tepi kārāpenti, kārāpetvāpi bahuṃ denti. Atha kho te dārakā bahuṃ loṇampi, telampi, taṇḍulampi, khādanīyampi samhariṃsu.

Atha kho bhagavā anupubbena cārikam caramāno yena ātumā tadavasari. Tatra sudam bhagavā ātumāyam viharati bhusāgāre. Atha kho so vuḍḍhapabbajito tassā rattiyā accayena pahūtam yāgum paṭiyādāpetvā bhagavato upanāmesi – “paṭiggaṇhātu me, bhante, bhagavā yāgu”nti. Jānantāpi tathāgatā pucchanti...pe... sāvakanam vā sikkhāpadam paññapessāmāti. Atha kho bhagavā tam vuḍḍhapabbajitam etadavoca – “kutāyam, bhikkhu yāgū”ti? Atha kho so vuḍḍhapabbajito bhagavato etamattham ārocesi. Vigarahi buddho bhagavā, “ananuchavikam, moghapurisa, ananulomikam appatirūpaṃ assāmaṇakam akappiyam akaraṇīyam. Kathañhi nāma tvam, moghapurisa, pabbajito akappiye samādapessasi [samādapesi (ka.)]. Netam, moghapurisa, appasannānam vā pasādāya...pe... vigarahitvā dhammim katham katvā bhikkhū āmantesi ‘na, bhikkhave, pabbajitena akappiye samādapetabbam, yo samādapeyya, āpatti dukkaṭassa. Na ca, bhikkhave, nahāpitapubbena khurabhaṇḍam pariharitabbam. Yo parihareyya, āpatti dukkaṭassā”ti.

Atha kho bhagavā ātumāyam yathābhirantaṃ viharitvā yena sāvatti tena cārikam pakkāmi. Anupubbena cārikam caramāno yena sāvatti tadavasari. Tatra sudam bhagavā sāvattiyam viharati jetavane anāthapiṇḍikassa ārāme. Tena kho pana samayena sāvattiyam bahuṃ phalakhādanīyam uppannam hoti. Atha kho bhikkhūnam etadahosi – “kiṃ nu kho bhagavatā phalakhādanīyam anuññātam, kiṃ ananuññāta”nti? Bhagavato etamattham ārocesum. “Anujānāmi, bhikkhave, sabbam phalakhādanīya”nti.

304. Tena kho pana samayena saṅghikāni bījāni puggalikāya bhūmiyā ropiyanti, puggalikāni bījāni saṅghikāya bhūmiyā ropiyanti. Bhagavato etamattham ārocesum. Saṅghikāni, bhikkhave, bījāni

puggalikāya bhūmiyā ropitāni bhāgaṃ datvā paribhuñjitabbāni. Puggalikāni bījāni saṅghikāya bhūmiyā ropitāni bhāgaṃ datvā paribhuñjitabbānīti.

Vuḍḍhapabbajitavatthu niṭṭhitam.

185. Catumahāpadesakathā

305. Tena kho pana samayena bhikkhūnaṃ kismiñci kismiñci thāne kukkucçaṃ uppajjati – “kiṃ nu kho bhagavatā anuññātaṃ, kiṃ ananuññāta’nti? Bhagavato etamatthaṃ ārocesuṃ. “Yaṃ, bhikkhave, mayā ‘idaṃ na kappatī’ti appaṭikkhitaṃ tañce akappiyaṃ anulometi, kappiyaṃ paṭibāhati, taṃ vo na kappati. Yaṃ, bhikkhave, mayā ‘idaṃ na kappatī’ti appaṭikkhitaṃ tañce kappiyaṃ anulometi, akappiyaṃ paṭibāhati, taṃ vo kappati. Yaṃ, bhikkhave, mayā ‘idaṃ kappatī’ti ananuññātaṃ tañce akappiyaṃ anulometi, kappiyaṃ paṭibāhati, taṃ vo na kappati. Yaṃ, bhikkhave, mayā ‘idaṃ kappatī’ti ananuññātaṃ, tañce kappiyaṃ anulometi, akappiyaṃ paṭibāhati, taṃ vo kappatī’ti.

Atha kho bhikkhūnaṃ etadahosi – “kappati nu kho yāvakālikena yāmakālikaṃ, na nu kho kappati? Kappati nu kho yāvakālikena sattāhakālikaṃ, na nu kho kappati? Kappati nu kho yāvakālikena yāvajīvikaṃ, na nu kho kappati? Kappati nu kho yāmakālikena sattāhakālikaṃ, na nu kho kappati? Kappati nu kho yāmakālikena yāvajīvikaṃ, na nu kho kappati? Kappati nu kho sattāhakālikena yāvajīvikaṃ, na nu kho kappatī’ti? Bhagavato etamatthaṃ ārocesuṃ. “Yāvakālikena, bhikkhave, yāmakālikaṃ, tadahu paṭiggahitaṃ kāle kappati, vikāle na kappati. Yāvakālikena, bhikkhave, sattāhakālikaṃ, tadahu paṭiggahitaṃ kāle kappati, vikāle na kappati. Yāvakālikena, bhikkhave, yāvajīvikaṃ, tadahu paṭiggahitaṃ kāle kappati, vikāle na kappati. Yāmakālikena, bhikkhave, sattāhakālikaṃ, tadahu paṭiggahitaṃ yāme kappati, yāmātikante na kappati. Yāmakālikena, bhikkhave, yāvajīvikaṃ, tadahu paṭiggahitaṃ yāme kappati, yāmātikante na kappati. Sattāhakālikena, bhikkhave, yāvajīvikaṃ paṭiggahitaṃ, sattāhaṃ kappati, sattāhātikante na kappatī’ti.

Catumahāpadesakathā niṭṭhitā.

Bhesajjakkhandhako chaṭṭho.

186. Tassuddānaṃ

Sāradike vikālepi, vasaṃ mūle piṭṭhehi ca;
Kasāvehi paṇṇaṃ phalaṃ, jatu loṇaṃ chakaṇaṇca.

Cuṇṇaṃ cālīni maṃsaṇca, añjanaṃ upapisaṇī [upapimṃ sanī (sī.), upapimṃ sanam (syā.)];
Añjanī uccāpārūtā, salākā salākathāniṃ [salākodhanī (sī. syā.)].

Thavikaṃsabaddhakaṃ suttaṃ, muddhanitelanatthu ca;
Natthukaraṇī dhūmaṇca, nettañcāpidhanatthavi.

Telapākesu majjaṇca, atikkhitaṃ abbañjanaṃ;
Tumbaṃ sedaṃ sambhāraṇca, mahā bhaṅgodakaṃ tathā.

Dakakoṭṭhaṃ lohitaṇca, visāṇaṃ pādabbañjanaṃ;
Pajjaṃ satthaṃ kasāvaṇca, tilakakkaṃ kabaḷikaṃ.

Coḷaṃ sāsapakuṭṭaṇca, dhūma sakkharikāya ca;
Vaṇatelaṃ vikāsikaṃ, vikaṭaṇca paṭiggahaṃ.

Gūtham karonto loḷiñca, khāram muttahaṛitakam;
Gandhā virecanañceva, acchākaṭam kaṭākaṭam.

Paṭicchādani pabbhārā, ārama sattāhena ca;
Guḷam muggam sovīrañca, sāmampākā punāpace.

Punānuññasi dubbhikkhe, phalañca tilakhādani;
Purebhattam kāyaḍāho, nibbatañca bhagandalam.

Vatthikammañca suppiñca, manussamaṃsameva ca;
Hatthiassā sunakho ca, ahi sīhañca dīpikam [[hatthiassasunakhāhi](#), [sīhabyagghañca dīpikam](#)
(sī.)].

Acchataracchamaṃsañca, paṭipāṭi ca yāgu ca;
Taruṇam aññatra guḷam, sunidhāvasathāgāram.

Gaṅgā koṭisaccakathā, ambapālī ca licchavī;
Uddissa kaṭam subhikkham, punadeva paṭikkhipi.

Megho yaso meṇḍako, ca gorasam pātheyyakena ca;
Keṇi ambo jambu coca, mocamadhumuddikasālukam.

Phārusakā ḍākapiṭṭham, ātumāyam nahāpito;
Sāvattiyam phalam bījam, kismiṃ ṭhāne ca kāliketi.

Imamhi khandhake vatthū ekasatam chavatthu.

Bhesajjakkhandhako niṭṭhito.

7. Kathinakkhandhako

187. Kathinānujānanā

306. Tena samayena buddho bhagavā sāvattiyam viharati jetavane anāthapiṇḍikassa ārame. Tena kho pana samayena tiṃsamattā pāveyyakā [[pāṭheyyakā](#) (sī. syā.)] bhikkhū, sabbe āraññikā sabbe piṇḍapāṭikā sabbe paṃsukūlikā sabbe tecīvarikā sāvattim āgacchantā bhagavantam dassanāya upakaṭṭhāya vassūpanāyikāya nāsakkhimṃsu sāvattiyam vassūpanāyikam sambhāvetum; antarāmagge sākete vassam upagacchimṃsu. Te ukkaṇṭhitarūpā vassam vasimṃsu – āsanneva no bhagavā viharati ito chasu yojanesu, na ca mayam labhāma bhagavantam dassanāyāti. Atha kho te bhikkhū vassamvuṭṭhā, temāsaccayena katāya pavāraṇāya, deve vassante, udakasaṅgahe udakacikkhulle okapuññehi cīvarehi kilantarūpā yena sāvatti jetavanam anāthapiṇḍikassa āramo, yena bhagavā tenupasaṅkamimṃsu; upasaṅkamitvā bhagavantam abhivādetvā ekamantam nisīdimṃsu. Āciṇṇam kho panetam buddhānam bhagavantānam āgantukehi bhikkhūhi saddhim paṭisammoditum. Atha kho bhagavā te bhikkhū etadavoca – ‘‘kacci, bhikkhave, khamanīyam, kacci yāpanīyam, kacci samaggā sammodamānā avivadamānā phāsukam vassam vasittha, na ca piṇḍakena kilamitthā’’ti? ‘‘Khamanīyam, bhagavā; yāpanīyam, bhagavā; samaggā ca mayam, bhante, sammodamānā avivadamānā vassam vasimhā, na ca piṇḍakena kilamimhā. Idha mayam, bhante, tiṃsamattā pāveyyakā bhikkhū sāvattim āgacchantā bhagavantam dassanāya upakaṭṭhāya vassūpanāyikāya nāsakkhimhā sāvattiyam vassūpanāyikam sambhāvetum, antarāmagge sākete vassam upagacchimhā. Te mayam, bhante, ukkaṇṭhitarūpā vassam vasimhā – āsanneva no bhagavā viharati ito chasu yojanesu, na ca mayam labhāma bhagavantam

dassanāyā'ti. Atha kho mayaṃ, bhante, vassaṃvuṭṭhā, temāsaccayena katāya pavāraṇāya, deve vassante, udakasaṅgahe udakacikkhale okapuṇṇehi cīvarehi kilantarūpā addhānaṃ āgatāti. Atha kho bhagavā etasmiṃ nidāne etasmiṃ pakaraṇe dhammiṃ kathaṃ katvā bhikkhū āmantesi – “anujānāmi, bhikkhave, vassaṃvuṭṭhānaṃ bhikkhūnaṃ kathinaṃ [kaṭhinaṃ (sī. syā.)] attharituṃ. Atthatakathinānaṃ vo, bhikkhave, pañca kappissanti – anāmantacāro, asamādānacāro, gaṇabhojanaṃ, yāvadatthacīvaraṃ, yo ca tattha cīvaruppādo so nesam bhavissatīti. Atthatakathinānaṃ vo, bhikkhave, imāni pañca kappissanti. Evañca pana, bhikkhave, kathinaṃ attharitabbaṃ. Byattena bhikkhunā paṭibalena saṅgho ñāpetabbo –

307. “Suṇātu me, bhante, saṅgho. Idaṃ saṅghassa kathinadussaṃ uppannaṃ. Yadi saṅghassa pattakallaṃ, saṅgho imaṃ kathinadussaṃ itthannāmassa bhikkhuno dadeyya kathinaṃ attharituṃ. Esā ñatti.

“Suṇātu me, bhante, saṅgho. Idaṃ saṅghassa kathinadussaṃ uppannaṃ. Saṅgho imaṃ kathinadussaṃ itthannāmassa bhikkhuno deti kathinaṃ attharituṃ. Yassāyasmato khamati imassa kathinadussassa itthannāmassa bhikkhuno dānaṃ kathinaṃ attharituṃ, so tuṇhassa; yassa nakkhamati, so bhāseyya.

“Dinnaṃ idaṃ saṅghena kathinadussaṃ itthannāmassa bhikkhuno kathinaṃ attharituṃ. Khamati saṅghassa, tasmā tuṇhī, evametaṃ dhārayāmi”ti.

308. “Evaṃ kho, bhikkhave, atthataṃ hoti kathinaṃ, evaṃ anattataṃ. Kathaṅca pana, bhikkhave, anattataṃ hoti kathinaṃ? Na ullikhitamattena atthataṃ hoti kathinaṃ, na dhovanamattena atthataṃ hoti kathinaṃ, na cīvaravicāraṇamattena [na gaṇṭhusakaraṇamattena (ka.)] atthataṃ hoti kathinaṃ, na chedanamattena atthataṃ hoti kathinaṃ, na bandhanamattena atthataṃ hoti kathinaṃ, na ovaṭṭiyakaraṇamattena [na ovaṭṭeyyakaraṇamattena (sī. syā.), na ovadeyyakaraṇamattena (ka.)] atthataṃ hoti kathinaṃ, na kaṇḍusakaraṇamattena atthataṃ hoti kathinaṃ, na daḷhīkammakaraṇamattena atthataṃ hoti kathinaṃ, na anuvātakaraṇamattena atthataṃ hoti kathinaṃ, na paribhaṇḍakaraṇamattena atthataṃ hoti kathinaṃ, na ovaddheyyakaraṇamattena atthataṃ hoti kathinaṃ, na kambalamaddanamattena atthataṃ hoti kathinaṃ, na nimittakatena atthataṃ hoti kathinaṃ, na parikathākatena atthataṃ hoti kathinaṃ, na kukkukatena atthataṃ hoti kathinaṃ, na sannidhikatena atthataṃ hoti kathinaṃ, na nissaggiyena atthataṃ hoti kathinaṃ, na akappakatena atthataṃ hoti kathinaṃ, na aññatra saṅghāṭiyā atthataṃ hoti kathinaṃ, na aññatra uttarāsaṅgena atthataṃ hoti kathinaṃ, na aññatra antaravāsakena atthataṃ hoti kathinaṃ, na aññatra pañcakena vā atirekapañcakena vā tadaheva sañchinnena samaṇḍalīkatena atthataṃ hoti kathinaṃ, na aññatra puggalassa atthārā atthataṃ hoti kathinaṃ; sammā ceva atthataṃ hoti kathinaṃ, tañce nissīmaṭṭho anumodati, evampi anattataṃ hoti kathinaṃ. Evaṃ kho, bhikkhave, anattataṃ hoti kathinaṃ.

309. “Kathaṅca, bhikkhave, atthataṃ hoti kathinaṃ? Ahatena atthataṃ hoti kathinaṃ, ahatakappena atthataṃ hoti kathinaṃ, pilotikāya atthataṃ hoti kathinaṃ, paṃsukūlena atthataṃ hoti kathinaṃ, pāpaṇikena atthataṃ hoti kathinaṃ, animittakatena atthataṃ hoti kathinaṃ, aparikathākatena atthataṃ hoti kathinaṃ, akukkukatena atthataṃ hoti kathinaṃ, asannidhikatena atthataṃ hoti kathinaṃ, anissaggiyena atthataṃ hoti kathinaṃ, kappakatena atthataṃ hoti kathinaṃ, saṅghāṭiyā atthataṃ hoti kathinaṃ, uttarāsaṅgena atthataṃ hoti kathinaṃ, antaravāsakena atthataṃ hoti kathinaṃ, pañcakena vā atirekapañcakena vā tadaheva sañchinnena samaṇḍalīkatena atthataṃ hoti kathinaṃ, puggalassa atthārā atthataṃ hoti kathinaṃ; sammā ce atthataṃ hoti kathinaṃ, tañce sīmaṭṭho anumodati, evampi atthataṃ hoti kathinaṃ. Evaṃ kho, bhikkhave, atthataṃ hoti kathinaṃ.

310. “Kathaṅca, bhikkhave, ubbhataṃ hoti kathinaṃ? Aṭṭhimā, bhikkhave, mātikā kathinassa ubbhārāya – pakkamanantikā, niṭṭhānantikā, sannīṭṭhānantikā, nāsanantikā, savanantikā, āsāvachedikā, sīmātikantikā, sahubbhārā”ti [saubbhārāti (ka.)].

Kathinānujānāni niṭṭhitā.

188. Ādāyasattakaṃ

311. Bhikkhu atthatakathino katacīvaraṃ ādāya pakkamati – “na paccassa”nti. Tassa bhikkhuno pakkamanantiko kathinuddhāro.

Bhikkhu atthatakathino cīvaraṃ ādāya pakkamati. Tassa bahisīmagatassa evaṃ hoti – “idhevimaṃ cīvaraṃ kāressaṃ, na paccassa”nti. So taṃ cīvaraṃ kāreti. Tassa bhikkhuno niṭṭhānantiko kathinuddhāro.

Bhikkhu atthatakathino cīvaraṃ ādāya pakkamati. Tassa bahisīmagatassa evaṃ hoti – “nevimaṃ cīvaraṃ kāressaṃ, na paccassa”nti. Tassa bhikkhuno sannīṭṭhānantiko kathinuddhāro.

Bhikkhu atthatakathino cīvaraṃ ādāya pakkamati. Tassa bahisīmagatassa evaṃ hoti – “idhevimaṃ cīvaraṃ kāressaṃ, na paccassa”nti. So taṃ cīvaraṃ kāreti. Tassa taṃ cīvaraṃ kayiramānaṃ nassati. Tassa bhikkhuno nāsanantiko kathinuddhāro.

Bhikkhu atthatakathino cīvaraṃ ādāya pakkamati – “paccassa”nti. So bahisīmagato taṃ cīvaraṃ kāreti. So katacīvaro suṇāti “ubbhataṃ kira tasmim āvāse kathina”nti. Tassa bhikkhuno savanantiko kathinuddhāro.

Bhikkhu atthatakathino cīvaraṃ ādāya pakkamati – “paccassa”nti. So bahisīmagato taṃ cīvaraṃ kāreti. So katacīvaro – “paccassaṃ paccassa”nti – bahiddhā kathinuddhāraṃ vītināmeti. Tassa bhikkhuno sīmātikantiko kathinuddhāro.

Bhikkhu atthatakathino cīvaraṃ ādāya pakkamati – “paccassa”nti. So bahisīmagato taṃ cīvaraṃ kāreti. So katacīvaro – “paccassaṃ paccassa”nti – sambhuṇāti kathinuddhāraṃ. Tassa bhikkhuno saha bhikkhūhi kathinuddhāro.

Ādāyasattakaṃ niṭṭhitaṃ [...dutiyaṃ niṭṭhitaṃ (ka.)].

189. Samādāyasattakaṃ

312. Bhikkhu atthatakathino katacīvaraṃ samādāya pakkamati “na paccassa”nti. Tassa bhikkhuno pakkamanantiko kathinuddhāro.

Bhikkhu atthatakathino cīvaraṃ samādāya pakkamati. Tassa bahisīmagatassa evaṃ hoti – “idhevimaṃ cīvaraṃ kāressaṃ, na paccassa”nti. So taṃ cīvaraṃ kāreti. Tassa bhikkhuno niṭṭhānantiko kathinuddhāro.

Bhikkhu atthatakathino cīvaraṃ samādāya pakkamati. Tassa bahisīmagatassa evaṃ hoti – “idhevimaṃ cīvaraṃ kāressaṃ, na paccassa”nti. Tassa bhikkhuno sannīṭṭhānantiko kathinuddhāro.

Bhikkhu atthatakathino cīvaraṃ samādāya pakkamati. Tassa bahisīmagatassa evaṃ hoti – “idhevimaṃ cīvaraṃ kāressaṃ, na paccassa”nti. So taṃ cīvaraṃ kāreti. Tassa taṃ cīvaraṃ kayiramānaṃ nassati. Tassa bhikkhuno nāsanantiko kathinuddhāro.

Bhikkhu atthatakathino cīvaraṃ samādāya pakkamati – “paccassa”nti. So bahisīmagato taṃ cīvaraṃ kāreti. So katacīvaro suṇāti – “ubbhataṃ kira tasmim āvāse kathina”nti. Tassa bhikkhuno

savanantiko kathinuddhāro.

Bhikkhu atthatakathino cīvaraṃ samādāya pakkamati – “paccessa”nti. So bahisīmagato taṃ cīvaraṃ kāreti. So katacīvaro – “paccessaṃ paccessa”nti – bahiddhā kathinuddhāraṃ vītināmeti. Tassa bhikkhuno sīmātikantiko kathinuddhāro.

Bhikkhu atthatakathino cīvaraṃ samādāya pakkamati – “paccessa”nti. So bahisīmagato taṃ cīvaraṃ kāreti. So katacīvaro – “paccessaṃ paccessa”nti – sambhuṇāti kathinuddhāraṃ. Tassa bhikkhuno saha bhikkhūhi kathinuddhāro.

Samādāyasattakaṃ niṭṭhitam.

190. Ādāyachakkaṃ

313. Bhikkhu atthatakathino vipakatacīvaraṃ ādāya pakkamati. Tassa bahisīmagatassa evaṃ hoti – “idhevimaṃ cīvaraṃ kāressaṃ, na paccessa”nti. So taṃ cīvaraṃ kāreti. Tassa bhikkhuno niṭṭhānantiko kathinuddhāro.

Bhikkhu atthatakathino vipakatacīvaraṃ ādāya pakkamati. Tassa bahisīmagatassa evaṃ hoti – “nevimaṃ cīvaraṃ kāressaṃ, na paccessa”nti. Tassa bhikkhuno sanniṭṭhānantiko kathinuddhāro.

Bhikkhu atthatakathino vipakatacīvaraṃ ādāya pakkamati. Tassa bahisīmagatassa evaṃ hoti – “idhevimaṃ cīvaraṃ kāressaṃ na paccessa”nti. So taṃ cīvaraṃ kāreti. Tassaṃ taṃ cīvaraṃ kayiramānaṃ nassati. Tassa bhikkhuno nāsanantiko kathinuddhāro.

Bhikkhu atthatakathino vipakatacīvaraṃ ādāya pakkamati “paccessa”nti. So bahisīmagato taṃ cīvaraṃ kāreti. So katacīvaro suṇāti – “ubbhataṃ kira tasmim āvāse kathina”nti. Tassa bhikkhuno savanantiko kathinuddhāro.

Bhikkhu atthatakathino vipakatacīvaraṃ ādāya pakkamati “paccessa”nti. So bahisīmagato taṃ cīvaraṃ kāreti. So katacīvaro “paccessaṃ paccessa”nti bahiddhā kathinuddhāraṃ vītināmeti. Tassa bhikkhuno sīmātikantiko kathinuddhāro.

Bhikkhu atthatakathino vipakatacīvaraṃ ādāya pakkamati “paccessa”nti. So bahisīmagato taṃ cīvaraṃ kāreti. So katacīvaro “paccessaṃ paccessa”nti sambhuṇāti kathinuddhāraṃ. Tassa bhikkhuno saha bhikkhūhi kathinuddhāro.

Ādāyachakkaṃ niṭṭhitam.

191. Samādāyachakkaṃ

314. Bhikkhu atthatakathino vipakatacīvaraṃ samādāya pakkamati. Tassa bahisīmagatassa evaṃ hoti – “idhevimaṃ cīvaraṃ kāressaṃ, na paccessa”nti. So taṃ cīvaraṃ kāreti. Tassa bhikkhuno niṭṭhānantiko kathinuddhāro.

Bhikkhu atthatakathino vipakatacīvaraṃ samādāya pakkamati. Tassa bahisīmagatassa evaṃ hoti – “nevimaṃ cīvaraṃ kāressaṃ, na paccessa”nti. Tassa bhikkhuno sanniṭṭhānantiko kathinuddhāro.

Bhikkhu atthatakathino vipakatacīvaraṃ samādāya pakkamati. Tassa bahisīmagatassa evaṃ hoti – “idhevimaṃ cīvaraṃ kāressaṃ, na paccessa”nti. So taṃ cīvaraṃ kāreti. Tassa taṃ cīvaraṃ

kayiramānaṃ nassati. Tassa bhikkhuno nāsanantiko kathinuddhāro.

Bhikkhu atthatakathino vipakatacīvaraṃ samādāya pakkamati “paccessa”nti. So bahisīmagato taṃ cīvaraṃ kāreti. So katacīvaro suṇāti – “ubbhataṃ kira tasmiṃ āvāse kathina”nti. Tassa bhikkhuno savanantiko kathinuddhāro.

Bhikkhu atthatakathino vipakatacīvaraṃ samādāya pakkamati “paccessa”nti. So bahisīmagato taṃ cīvaraṃ kāreti. So katacīvaro “paccessaṃ paccessa”nti bahiddhā kathinuddhāraṃ vītināmeti. Tassa bhikkhuno sīmātikantiko kathinuddhāro.

Bhikkhu atthatakathino vipakatacīvaraṃ samādāya pakkamati “paccessa”nti. So bahisīmagato taṃ cīvaraṃ kāreti. So katacīvaro “paccessaṃ paccessa”nti sambhuṇāti kathinuddhāraṃ. Tassa bhikkhuno saha bhikkhūhi kathinuddhāro.

Samādāyachakkaṃ niṭṭhitaṃ.

192. Ādāyapannarasakaṃ

315. Bhikkhu atthatakathino cīvaraṃ ādāya pakkamati. Tassa bahisīmagatassa evaṃ hoti – “idhevimaṃ cīvaraṃ kāressaṃ, na paccessa”nti. So taṃ cīvaraṃ kāreti. Tassa bhikkhuno niṭṭhānantiko kathinuddhāro.

Bhikkhu atthatakathino cīvaraṃ ādāya pakkamati. Tassa bahisīmagatassa evaṃ hoti – “nevimaṃ cīvaraṃ kāressaṃ, na paccessa”nti. Tassa bhikkhuno sannīṭṭhānantiko kathinuddhāro.

Bhikkhu atthatakathino cīvaraṃ ādāya pakkamati. Tassa bahisīmagatassa evaṃ hoti –

“Idhevimaṃ cīvaraṃ kāressaṃ, na paccessa”nti. So taṃ cīvaraṃ kāreti. Tassa taṃ cīvaraṃ kayiramānaṃ nassati. Tassa bhikkhuno nāsanantiko kathinuddhāro.

Tikaṃ.

Bhikkhu atthatakathino cīvaraṃ ādāya pakkamati “na paccessa”nti. Tassa bahisīmagatassa evaṃ hoti – “idhevimaṃ cīvaraṃ kāressa”nti. So taṃ cīvaraṃ kāreti. Tassa bhikkhuno niṭṭhānantiko kathinuddhāro.

Bhikkhu atthatakathino cīvaraṃ ādāya pakkamati “na paccessa”nti. Tassa bahisīmagatassa evaṃ hoti – “nevimaṃ cīvaraṃ kāressa”nti. Tassa bhikkhuno sannīṭṭhānantiko kathinuddhāro.

Bhikkhu atthatakathino cīvaraṃ ādāya pakkamati “na paccessa”nti. Tassa bahisīmagatassa evaṃ hoti – “idhevimaṃ cīvaraṃ kāressa”nti. So taṃ cīvaraṃ kāreti. Tassa taṃ cīvaraṃ kayiramānaṃ nassati. Tassa bhikkhuno nāsanantiko kathinuddhāro.

Tikaṃ.

Bhikkhu atthatakathino cīvaraṃ ādāya pakkamati anadhiṭṭhitena; nevassa hoti “paccessa”nti, na panassa hoti “na paccessa”nti. Tassa bahisīmagatassa evaṃ hoti – “idhevimaṃ cīvaraṃ kāressaṃ, na paccessa”nti. So taṃ cīvaraṃ kāreti. Tassa bhikkhuno niṭṭhānantiko kathinuddhāro.

Bhikkhu atthatakathino cīvaraṃ ādāya pakkamati anadhiṭṭhitena; nevassa hoti “paccessa”nti, na

panassa hoti “na paccessa”nti. Tassa bahisīmagatassa evaṃ hoti – “nevimaṃ cīvaraṃ kāressaṃ, na paccessa”nti. Tassa bhikkhuno sanniṭṭhānantiko kathinuddhāro.

Bhikkhu atthatakathino cīvaraṃ ādāya pakkamati anadhiṭṭhitena; nevassa hoti “paccessa”nti, na panassa hoti “na paccessa”nti. Tassa bahisīmagatassa evaṃ hoti – “idhevimaṃ cīvaraṃ kāressaṃ, na paccessa”nti. So taṃ cīvaraṃ kāreti. Tassa taṃ cīvaraṃ kayiramānaṃ nassati. Tassa bhikkhuno nāsanantiko kathinuddhāro.

Tikaṃ.

Bhikkhu atthatakathino cīvaraṃ ādāya pakkamati “paccessa”nti. Tassa bahisīmagatassa evaṃ hoti – “idhevimaṃ cīvaraṃ kāressaṃ, na paccessa”nti. So taṃ cīvaraṃ kāreti. Tassa bhikkhuno niṭṭhānantiko kathinuddhāro.

Bhikkhu atthatakathino cīvaraṃ ādāya pakkamati “paccessa”nti. Tassa bahisīmagatassa evaṃ hoti – “nevimaṃ cīvaraṃ kāressaṃ, na paccessa”nti. Tassa bhikkhuno sanniṭṭhānantiko kathinuddhāro.

Bhikkhu atthatakathino cīvaraṃ ādāya pakkamati “paccessa”nti. Tassa bahisīmagatassa evaṃ hoti – “idhevimaṃ cīvaraṃ kāressaṃ, na paccessa”nti. So taṃ cīvaraṃ kāreti. Tassa taṃ cīvaraṃ kayiramānaṃ nassati. Tassa bhikkhuno nāsanantiko kathinuddhāro.

Bhikkhu atthatakathino cīvaraṃ ādāya pakkamati “paccessa”nti. So bahisīmagato taṃ cīvaraṃ kāreti. So katacīvaro suṇāti – “ubbhataṃ kira tasmiṃ āvāse kathina”nti. Tassa bhikkhuno savanantiko kathinuddhāro.

Bhikkhu atthatakathino cīvaraṃ ādāya pakkamati “paccessa”nti. So bahisīmagato taṃ cīvaraṃ kāreti. So katacīvaro “paccessaṃ paccessa”nti – bahiddhā kathinuddhāraṃ vītināmeti. Tassa bhikkhuno sīmātikantiko kathinuddhāro.

Bhikkhu atthatakathino cīvaraṃ ādāya pakkamati “paccessa”nti. So bahisīmagato taṃ cīvaraṃ kāreti. So katacīvaro – “paccessaṃ paccessa”nti sambhuṇāti kathinuddhāraṃ. Tassa bhikkhuno saha bhikkhūhi kathinuddhāro.

Chakkaṃ.

Ādāyapannarasakaṃ niṭṭhitaṃ.

193. Samādāyapannarasakādi

316. Bhikkhu atthatakathino cīvaraṃ samādāya pakkamati...pe....

(Ādāyavārasadisam evaṃ vitthāretabbaṃ.)

Bhikkhu atthatakathino vipakatacīvaraṃ ādāya pakkamati. Tassa bahisīmagatassa evaṃ hoti – “idhevimaṃ cīvaraṃ kāressaṃ, na paccessa”nti. So taṃ cīvaraṃ kāreti. Tassa bhikkhuno niṭṭhānantiko kathinuddhāro...pe....

(Samādāyavārasadisam evaṃ vitthāretabbaṃ.)

Samādāyapannarasakādi niṭṭhitā.

194. Vipakatasamādāyapannarasakam

317. Bhikkhu atthatakathino vipakatacīvaraṃ samādāya pakkamati. Tassa bahisīmagatassa evaṃ hoti – “idhevimaṃ cīvaraṃ kāressaṃ, na paccessa”nti. So taṃ cīvaraṃ kāreti. Tassa bhikkhuno niṭṭhānantiko kathinuddhāro.

Bhikkhu atthatakathino vipakatacīvaraṃ samādāya pakkamati. Tassa bahisīmagatassa evaṃ hoti – “nevimaṃ cīvaraṃ kāressaṃ, na paccessa”nti. Tassa bhikkhuno sanniṭṭhānantiko kathinuddhāro.

Bhikkhu atthatakathino vipakatacīvaraṃ samādāya pakkamati. Tassa bahisīmagatassa evaṃ hoti – “idhevimaṃ cīvaraṃ kāressaṃ, na paccessa”nti. So taṃ cīvaraṃ kāreti. Tassa taṃ cīvaraṃ kayiramānaṃ nassati. Tassa bhikkhuno nāsanantiko kathinuddhāro.

Tikaṃ.

Bhikkhu atthatakathino vipakatacīvaraṃ samādāya pakkamati “na paccessa”nti. Tassa bahisīmagatassa evaṃ hoti – “idhevimaṃ cīvaraṃ kāressa”nti. So taṃ cīvaraṃ kāreti. Tassa bhikkhuno niṭṭhānantiko kathinuddhāro.

Bhikkhu atthatakathino vipakatacīvaraṃ samādāya pakkamati “na paccessa”nti. Tassa bahisīmagatassa evaṃ hoti – “nevimaṃ cīvaraṃ kāressa”nti. Tassa bhikkhuno sanniṭṭhānantiko kathinuddhāro.

Bhikkhu atthatakathino vipakatacīvaraṃ samādāya pakkamati “na paccessa”nti. Tassa bahisīmagatassa evaṃ hoti – “idhevimaṃ cīvaraṃ kāressa”nti. So taṃ cīvaraṃ kāreti. Tassa taṃ cīvaraṃ kayiramānaṃ nassati. Tassa bhikkhuno nāsanantiko kathinuddhāro.

Tikaṃ.

Bhikkhu atthatakathino vipakatacīvaraṃ samādāya pakkamati anadhiṭṭhitena; nevassa hoti – “paccessa”nti, na panassa hoti – “na paccessa”nti. Tassa bahisīmagatassa evaṃ hoti – “idhevimaṃ cīvaraṃ kāressaṃ, na paccessa”nti. So taṃ cīvaraṃ kāreti. Tassa bhikkhuno niṭṭhānantiko kathinuddhāro.

Bhikkhu atthatakathino vipakatacīvaraṃ samādāya pakkamati anadhiṭṭhitena; nevassa hoti – “paccessa”nti, na panassa hoti – “na paccessa”nti. Tassa bahisīmagatassa evaṃ hoti – “nevimaṃ cīvaraṃ kāressaṃ, na paccessa”nti. Tassa bhikkhuno sanniṭṭhānantiko kathinuddhāro.

Bhikkhu atthatakathino vipakatacīvaraṃ samādāya pakkamati anadhiṭṭhitena; nevassa hoti – “paccessa”nti, na panassa hoti – “na paccessa”nti. Tassa bahisīmagatassa evaṃ hoti – “idhevimaṃ cīvaraṃ kāressaṃ, na paccessa”nti. So taṃ cīvaraṃ kāreti. Tassa taṃ cīvaraṃ kayiramānaṃ nassati. Tassa bhikkhuno nāsanantiko kathinuddhāro.

Tikaṃ.

Bhikkhu atthatakathino vipakatacīvaraṃ samādāya pakkamati “paccessa”nti. Tassa bahisīmagatassa evaṃ hoti – “idhevimaṃ cīvaraṃ kāressaṃ, na paccessa”nti. So taṃ cīvaraṃ kāreti. Tassa bhikkhuno niṭṭhānantiko kathinuddhāro.

Bhikkhu atthatakathino vipakatacīvaraṃ samādāya pakkamati “paccessa”nti. Tassa

bahisīmagatassa evaṃ hoti – “nevimaṃ cīvaraṃ kāressaṃ, na paccessa”nti. Tassa bhikkhuno sanniṭṭhānantiko kathinuddhāro.

Bhikkhu atthatakathino vip̄pakatacīvaraṃ samādāya pakkamati “paccessa”nti. Tassa bahisīmagatassa evaṃ hoti – “idhevimaṃ cīvaraṃ kāressaṃ, na paccessa”nti. So taṃ cīvaraṃ kāreti. Tassa taṃ cīvaraṃ kayiramānaṃ nassati. Tassa bhikkhuno nāsanantiko kathinuddhāro.

Bhikkhu atthatakathino vip̄pakatacīvaraṃ samādāya pakkamati “paccessa”nti. So bahisīmagato taṃ cīvaraṃ kāreti. So katacīvaro suṇāti – “ubbhataṃ kira tasmiṃ āvāse kathina”nti. Tassa bhikkhuno savanantiko kathinuddhāro.

Bhikkhu atthatakathino vip̄pakatacīvaraṃ samādāya pakkamati “paccessa”nti. So bahisīmagato taṃ cīvaraṃ kāreti. So katacīvaro – “paccessaṃ paccessa”nti bahiddhā kathinuddhāraṃ vītināmeti. Tassa bhikkhuno sīmātikantiko kathinuddhāro.

Bhikkhu atthatakathino vip̄pakatacīvaraṃ samādāya pakkamati “paccessa”nti. So bahisīmagato taṃ cīvaraṃ kāreti. So katacīvaro “paccessaṃ paccessa”nti sambhuṇāti kathinuddhāraṃ. Tassa bhikkhuno saha bhikkhūhi kathinuddhāro.

Chakkaṃ.

Vip̄pakatasamādāyapannarasakaṃ niṭṭhitaṃ.

Ādāyabhāṇavāro.

195. Anāsādoḷasakaṃ

318. Bhikkhu atthatakathino cīvarāsāya pakkamati. So bahisīmagato taṃ cīvarāsaṃ payirupāsati. Anāsāya labhati, āsāya na labhati. Tassa evaṃ hoti – “idhevimaṃ cīvaraṃ kāressaṃ, na paccessa”nti. So taṃ cīvaraṃ kāreti. Tassa bhikkhuno niṭṭhānantiko kathinuddhāro.

Bhikkhu atthatakathino cīvarāsāya pakkamati. So bahisīmagato taṃ cīvarāsaṃ payirupāsati. Anāsāya labhati, āsāya na labhati. Tassa evaṃ hoti – “nevimaṃ cīvaraṃ kāressaṃ, na paccessa”nti. Tassa bhikkhuno sanniṭṭhānantiko kathinuddhāro.

Bhikkhu atthatakathino cīvarāsāya pakkamati. So bahisīmagato taṃ cīvarāsaṃ payirupāsati. Anāsāya labhati, āsāya na labhati. Tassa evaṃ hoti – “idhevimaṃ cīvaraṃ kāressaṃ, na paccessa”nti. So taṃ cīvaraṃ kāreti. Tassa taṃ cīvaraṃ kayiramānaṃ nassati. Tassa bhikkhuno nāsanantiko kathinuddhāro.

Bhikkhu atthatakathino cīvarāsāya pakkamati. Tassa bahisīmagatassa evaṃ hoti – “idhevimaṃ cīvarāsaṃ payirupāsissaṃ, na paccessa”nti. So taṃ cīvarāsaṃ payirupāsati. Tassa sā cīvarāsā upacchijjati. Tassa bhikkhuno āsāvacchediko kathinuddhāro.

Bhikkhu atthatakathino cīvarāsāya pakkamati “na paccessa”nti. So bahisīmagato taṃ cīvarāsaṃ payirupāsati. Anāsāya labhati, āsāya na labhati. Tassa evaṃ hoti – “idhevimaṃ cīvaraṃ kāressa”nti. So taṃ cīvaraṃ kāreti. Tassa bhikkhuno niṭṭhānantiko kathinuddhāro.

Bhikkhu atthatakathino cīvarāsāya pakkamati “na paccessa”nti. So bahisīmagato taṃ cīvarāsaṃ payirupāsati. Anāsāya labhati, āsāya na labhati. Tassa evaṃ hoti – “nevimaṃ cīvaraṃ kāressa”nti.

Tassa bhikkhuno sanniṭṭhānantiko kathinuddhāro.

Bhikkhu atthatakathino cīvarāsāya pakkamati “na paccessa”nti. So bahisīmagato taṃ cīvarāsaṃ payirupāsati. Anāsāya labhati, āsāya na labhati. Tassa evaṃ hoti – “idhevimaṃ cīvaraṃ kāressa”nti. So taṃ cīvaraṃ kāreti. Tassa taṃ cīvaraṃ kayiramānaṃ nassati. Tassa bhikkhuno nāsanantiko kathinuddhāro.

Bhikkhu atthatakathino cīvarāsāya pakkamati “na paccessa”nti. Tassa bahisīmagatassa evaṃ hoti – “idhevimaṃ cīvarāsaṃ payirupāsissa”nti. So taṃ cīvarāsaṃ payirupāsati. Tassa sā cīvarāsā upacchijjati. Tassa bhikkhuno āsāvachediko kathinuddhāro.

Bhikkhu atthatakathino cīvarāsāya pakkamati anadhiṭṭhitena; nevassa hoti – “paccessanti, na panassa hoti – “na paccessa”nti. So bahisīmagato taṃ cīvarāsaṃ payirupāsati. Anāsāya labhati, āsāya na labhati. Tassa evaṃ hoti – “idhevimaṃ cīvaraṃ kāressaṃ, na paccessa”nti. So taṃ cīvaraṃ kāreti. Tassa bhikkhuno niṭṭhānantiko kathinuddhāro.

Bhikkhu atthatakathino cīvarāsāya pakkamati anadhiṭṭhitena; nevassa hoti – “paccessa”nti, na panassa hoti – “na paccessa”nti. So bahisīmagato taṃ cīvarāsaṃ payirupāsati. Anāsāya labhati, āsāya na labhati. Tassa evaṃ hoti – “nevimaṃ cīvaraṃ kāressaṃ, na paccessa”nti. Tassa bhikkhuno sanniṭṭhānantiko kathinuddhāro.

Bhikkhu atthatakathino cīvarāsāya pakkamati anadhiṭṭhitena; nevassa hoti – “paccessa”nti, na panassa hoti – “na paccessa”nti. So bahisīmagato taṃ cīvarāsaṃ payirupāsati. Anāsāya labhati, āsāya na labhati. Tassa evaṃ hoti – “idhevimaṃ cīvaraṃ kāressaṃ, na paccessa”nti. So taṃ cīvaraṃ kāreti. Tassa taṃ cīvaraṃ kayiramānaṃ nassati. Tassa bhikkhuno nāsanantiko kathinuddhāro.

Bhikkhu atthatakathino cīvarāsāya pakkamati anadhiṭṭhitena; nevassa hoti – “paccessa”nti, na panassa hoti – “na paccessa”nti. Tassa bahisīmagatassa evaṃ hoti – “idhevimaṃ cīvarāsaṃ payirupāsissaṃ, na paccessa”nti. So taṃ cīvarāsaṃ payirupāsati. Tassa sā cīvarāsā upacchijjati. Tassa bhikkhuno āsāvachediko kathinuddhāro.

Anāsādoḷasakaṃ [[anāsādvādasakaṃ \(sī.\)](#)] niṭṭhitam.

196. Āsādoḷasakaṃ

319. Bhikkhu atthatakathino cīvarāsāya pakkamati “paccessa”nti. So bahisīmagato taṃ cīvarāsaṃ payirupāsati. Āsāya labhati, anāsāya na labhati. Tassa evaṃ hoti – “idhevimaṃ cīvaraṃ kāressaṃ, na paccessa”nti. So taṃ cīvaraṃ kāreti. Tassa bhikkhuno niṭṭhānantiko kathinuddhāro.

Bhikkhu atthatakathino cīvarāsāya pakkamati “paccessa”nti. So bahisīmagato taṃ cīvarāsaṃ payirupāsati. Āsāya labhati, anāsāya na labhati. Tassa evaṃ hoti – “nevimaṃ cīvaraṃ kāressaṃ, na paccessa”nti. Tassa bhikkhuno sanniṭṭhānantiko kathinuddhāro.

Bhikkhu atthatakathino cīvarāsāya pakkamati “paccessa”nti. So bahisīmagato taṃ cīvarāsaṃ payirupāsati. Āsāya labhati, anāsāya na labhati. Tassa evaṃ hoti – “idhevimaṃ cīvaraṃ kāressaṃ, na paccessa”nti. So taṃ cīvaraṃ kāreti. Tassa taṃ cīvaraṃ kayiramānaṃ nassati. Tassa bhikkhuno nāsanantiko kathinuddhāro.

Bhikkhu atthatakathino cīvarāsāya pakkamati “paccessa”nti. Tassa bahisīmagatassa evaṃ hoti – “idhevimaṃ cīvarāsaṃ payirupāsissaṃ, na paccessa”nti. So taṃ cīvarāsaṃ payirupāsati. Tassa sā cīvarāsā upacchijjati. Tassa bhikkhuno āsāvachediko kathinuddhāro.

Bhikkhu atthatakathino cīvarāsāya pakkamati “paccessa”nti. So bahisīmagato suṇāti – “ubbhataṃ kira tasmiṃ āvāse kathina”nti. Tassa evaṃ hoti – “yato tasmiṃ āvāse ubbhataṃ kathinaṃ, idhevimaṃ cīvarāsaṃ payirupāsissa”nti. So taṃ cīvarāsaṃ payirupāsati. Āsāya labhati, anāsāya na labhati. Tassa evaṃ hoti – “idhevimaṃ cīvaraṃ kāressaṃ, na paccessa”nti. So taṃ cīvaraṃ kāreti. Tassa bhikkhuno niṭṭhānantiko kathinuddhāro.

Bhikkhu atthatakathino cīvarāsāya pakkamati “paccessa”nti. So bahisīmagato suṇāti – “ubbhataṃ kira tasmiṃ āvāse kathina”nti. Tassa evaṃ hoti – “yato tasmiṃ āvāse ubbhataṃ kathinaṃ, idhevimaṃ cīvarāsaṃ payirupāsissa”nti. So taṃ cīvarāsaṃ payirupāsati. Āsāya labhati, anāsāya na labhati. Tassa evaṃ hoti – “nevimaṃ cīvaraṃ kāressaṃ, na paccessa”nti. Tassa bhikkhuno sannīṭṭhānantiko kathinuddhāro.

Bhikkhu atthatakathino cīvarāsāya pakkamati “paccessa”nti. So bahisīmagato suṇāti – “ubbhataṃ kira tasmiṃ āvāse kathina”nti. Tassa evaṃ hoti – “yato tasmiṃ āvāse ubbhataṃ kathinaṃ, idhevimaṃ cīvarāsaṃ payirupāsissa”nti. So taṃ cīvarāsaṃ payirupāsati. Āsāya labhati, anāsāya na labhati. Tassa evaṃ hoti – “idhevimaṃ cīvaraṃ kāressaṃ, na paccessa”nti. So taṃ cīvaraṃ kāreti. Tassa taṃ cīvaraṃ kayiramānaṃ nassati. Tassa bhikkhuno nāsanantiko kathinuddhāro.

Bhikkhu atthatakathino cīvarāsāya pakkamati “paccessa”nti. So bahisīmagato suṇāti – “ubbhataṃ kira tasmiṃ āvāse kathina”nti. Tassa evaṃ hoti – “yato tasmiṃ āvāse ubbhataṃ kathinaṃ, idhevimaṃ cīvarāsaṃ payirupāsissaṃ, na paccessa”nti. So taṃ cīvarāsaṃ payirupāsati. Tassa sā cīvarāsā upacchijjati. Tassa bhikkhuno āsāvachediko kathinuddhāro.

Bhikkhu atthatakathino cīvarāsāya pakkamati “paccessa”nti. So bahisīmagato taṃ cīvarāsaṃ payirupāsati. Āsāya labhati, anāsāya na labhati. So taṃ cīvaraṃ kāreti. So katacīvaro suṇāti – “ubbhataṃ kira tasmiṃ āvāse kathina”nti. Tassa bhikkhuno savanantiko kathinuddhāro.

Bhikkhu atthatakathino cīvarāsāya pakkamati “paccessa”nti. Tassa bahisīmagatassa evaṃ hoti – “idhevimaṃ cīvarāsaṃ payirupāsissaṃ, na paccessa”nti. So taṃ cīvarāsaṃ payirupāsati. Tassa sā cīvarāsā upacchijjati. Tassa bhikkhuno āsāvachediko kathinuddhāro.

Bhikkhu atthatakathino cīvarāsāya pakkamati “paccessa”nti. So bahisīmagato taṃ cīvarāsaṃ payirupāsati. Āsāya labhati, anāsāya na labhati. So taṃ cīvaraṃ kāreti. So katacīvaro “paccessaṃ paccessa”nti – bahiddhā kathinuddhāraṃ vītināmeti. Tassa bhikkhuno sīmātikantiko kathinuddhāro.

Bhikkhu atthatakathino cīvarāsāya pakkamati “paccessa”nti. So bahisīmagato taṃ cīvarāsaṃ payirupāsati. Āsāya labhati, anāsāya na labhati. So taṃ cīvaraṃ kāreti. So katacīvaro “paccessaṃ paccessa”nti – sambhuṇāti kathinuddhāraṃ. Tassa bhikkhuno saha bhikkhūhi kathinuddhāro.

Āsādoḷasakaṃ niṭṭhitam.

197. Karaṇīyadoḷasakaṃ

320. Bhikkhu atthatakathino kenacideva karaṇīyena pakkamati. Tassa bahisīmagatassa cīvarāsā uppajjati. So taṃ cīvarāsaṃ payirupāsati. Anāsāya labhati, āsāya na labhati. Tassa evaṃ hoti – “idhevimaṃ cīvaraṃ kāressaṃ, na paccessa”nti. So taṃ cīvaraṃ kāreti. Tassa bhikkhuno niṭṭhānantiko kathinuddhāro.

Bhikkhu atthatakathino kenacideva karaṇīyena pakkamati. Tassa bahisīmagatassa cīvarāsā uppajjati. So taṃ cīvarāsaṃ payirupāsati. Anāsāya labhati, āsāya na labhati. Tassa evaṃ hoti – “nevimaṃ cīvaraṃ kāressaṃ, na paccessa”nti. Tassa bhikkhuno sannīṭṭhānantiko kathinuddhāro.

Bhikkhu atthatakathino kenacideva karaṇīyena pakkamati. Tassa bahisīmagatassa cīvarāsā uppajjati. So taṃ cīvarāsaṃ payirupāsati. Anāsāya labhati, āsāya na labhati. Tassa evaṃ hoti – “idhevimaṃ cīvaraṃ kāressaṃ, na paccessa”nti. So taṃ cīvaraṃ kāreti. Tassa taṃ cīvaraṃ kayiramānaṃ nassati. Tassa bhikkhuno nāsanantiko kathinuddhāro.

Bhikkhu atthatakathino kenacideva karaṇīyena pakkamati. Tassa bahisīmagatassa cīvarāsā uppajjati. Tassa evaṃ hoti – “idhevimaṃ cīvarāsaṃ payirupāsissaṃ, na paccessa”nti. So taṃ cīvarāsaṃ payirupāsati. Tassa sā cīvarāsā upacchijjati. Tassa bhikkhuno āsāvachediko kathinuddhāro.

Bhikkhu atthatakathino kenacideva karaṇīyena pakkamati “na paccessa”nti. Tassa bahisīmagatassa cīvarāsā uppajjati. So taṃ cīvarāsaṃ payirupāsati. Anāsāya labhati, āsāya na labhati. Tassa evaṃ hoti – “idhevimaṃ cīvaraṃ kāressa”nti. So taṃ cīvaraṃ kāreti. Tassa bhikkhuno niṭṭhānantiko kathinuddhāro.

Bhikkhu atthatakathino kenacideva karaṇīyena pakkamati “na paccessa”nti. Tassa bahisīmagatassa cīvarāsā uppajjati. So taṃ cīvarāsaṃ payirupāsati. Anāsāya labhati, āsāya na labhati. Tassa evaṃ hoti – “nevimaṃ cīvaraṃ kāressa”nti. Tassa bhikkhuno sanniṭṭhānantiko kathinuddhāro.

Bhikkhu atthatakathino kenacideva karaṇīyena pakkamati “na paccessa”nti. Tassa bahisīmagatassa cīvarāsā uppajjati. So taṃ cīvarāsaṃ payirupāsati. Anāsāya labhati, āsāya na labhati. Tassa evaṃ hoti – “idhevimaṃ cīvaraṃ kāressa”nti. So taṃ cīvaraṃ kāreti. Tassa taṃ cīvaraṃ kayiramānaṃ nassati. Tassa bhikkhuno nāsanantiko kathinuddhāro.

Bhikkhu atthatakathino kenacideva karaṇīyena pakkamati “na paccessa”nti. Tassa bahisīmagatassa cīvarāsā uppajjati. Tassa evaṃ hoti – “idhevimaṃ cīvarāsaṃ payirupāsissa”nti. So taṃ cīvarāsaṃ payirupāsati. Tassa sā cīvarāsā upacchijjati. Tassa bhikkhuno āsāvachediko kathinuddhāro.

Bhikkhu atthatakathino kenacideva karaṇīyena pakkamati anadhiṭṭhitena; nevassa hoti – “paccessa”nti, na panassa hoti – “na paccessa”nti. Tassa bahisīmagatassa cīvarāsā uppajjati. So taṃ cīvarāsaṃ payirupāsati. Anāsāya labhati, āsāya na labhati. Tassa evaṃ hoti – “idhevimaṃ cīvaraṃ kāressaṃ, na paccessa”nti. So taṃ cīvaraṃ kāreti. Tassa bhikkhuno niṭṭhānantiko kathinuddhāro.

Bhikkhu atthatakathino kenacideva karaṇīyena pakkamati anadhiṭṭhitena; nevassa hoti – “paccessa”nti, na panassa hoti – “na paccessa”nti. Tassa bahisīmagatassa cīvarāsā uppajjati. So taṃ cīvarāsaṃ payirupāsati. Anāsāya labhati, āsāya na labhati. Tassa evaṃ hoti – “nevimaṃ cīvaraṃ kāressaṃ, na paccessa”nti. Tassa bhikkhuno sanniṭṭhānantiko kathinuddhāro.

Bhikkhu atthatakathino kenacideva karaṇīyena pakkamati anadhiṭṭhitena; nevassa hoti – “paccessa”nti, na panassa hoti – “na paccessa”nti. Tassa bahisīmagatassa cīvarāsā uppajjati. So taṃ cīvarāsaṃ payirupāsati. Anāsāya labhati, āsāya na labhati. Tassa evaṃ hoti – “idhevimaṃ cīvaraṃ kāressaṃ, na paccessa”nti. So taṃ cīvaraṃ kāreti. Tassa taṃ cīvaraṃ kayiramānaṃ nassati. Tassa bhikkhuno nāsanantiko kathinuddhāro.

Bhikkhu atthatakathino kenacideva karaṇīyena pakkamati anadhiṭṭhitena; nevassa hoti – “paccessa”nti, na panassa hoti – “na paccessa”nti. Tassa bahisīmagatassa cīvarāsā uppajjati. Tassa evaṃ hoti – “idhevimaṃ cīvarāsaṃ payirupāsissaṃ, na paccessa”nti. So taṃ cīvarāsaṃ payirupāsati. Tassa sā cīvarāsā upacchijjati. Tassa bhikkhuno āsāvachediko kathinuddhāro.

Karaṇīyadoḷasakaṃ niṭṭhitam.

198. Apavilāyananavakaṃ

321. Bhikkhu atthatakathino disaṃgamiko pakkamati cīvarapaṭivīsaṃ apavilāyamāno [apavinayamāno (sī.), apacinayamāno (ka.)]. Tamenam disaṅgataṃ bhikkhū pucchanti – “kahaṃ tvam, āvuso, vassaṃvuṭṭho, kattha ca te cīvarapaṭivīso”ti? So evaṃ vadeti – “amukasmim āvāse vassaṃvuṭṭhomhi. Tattha ca me cīvarapaṭivīso”ti. Te evaṃ vadanti – “gacchāvuso, taṃ cīvaraṃ āhara, mayaṃ te idha cīvaraṃ karissāmā”ti. So taṃ āvāsaṃ gantvā bhikkhū pucchati – “kahaṃ me, āvuso, cīvarapaṭivīso”ti? Te evaṃ vadanti – “ayaṃ te, āvuso, cīvarapaṭivīso; kahaṃ gamissasī”ti? So evaṃ vadeti – “amukaṃ nāma [amukañca (ka.)] āvāsaṃ gamissāmi, tattha me bhikkhū cīvaraṃ karissantī”ti. Te evaṃ vadanti – “alaṃ, āvuso, mā agamāsi. Mayaṃ te idha cīvaraṃ karissāmā”ti. Tassa evaṃ hoti – “idhevimaṃ cīvaraṃ kāressaṃ, na paccessa”nti. So taṃ cīvaraṃ kāreti. Tassa bhikkhuno niṭṭhānantiko kathinuddhāro.

Bhikkhu atthatakathino disaṃgamiko pakkamati...pe... “nevimaṃ cīvaraṃ kāressaṃ, na paccessa”nti. Tassa bhikkhuno sanniṭṭhānantiko kathinuddhāro.

Bhikkhu atthatakathino disaṃgamiko pakkamati...pe... “idhevimaṃ cīvaraṃ kāressaṃ, na paccessa”nti. So taṃ cīvaraṃ kāreti. Tassa taṃ cīvaraṃ kayiramānaṃ nassati. Tassa bhikkhuno nāsanantiko kathinuddhāro.

322. Bhikkhu atthatakathino disaṃgamiko pakkamati cīvarapaṭivīsaṃ apavilāyamāno. Tamenam disaṅgataṃ bhikkhū pucchanti – “kahaṃ tvam, āvuso, vassaṃvuṭṭho, kattha ca te cīvarapaṭivīso”ti? So evaṃ vadeti – “amukasmim āvāse vassaṃvuṭṭhomhi, tattha ca me cīvarapaṭivīso”ti. Te evaṃ vadanti – “gacchāvuso, taṃ cīvaraṃ āhara, mayaṃ te idha cīvaraṃ karissāmā”ti. So taṃ āvāsaṃ gantvā bhikkhū pucchati – “kahaṃ me, āvuso, cīvarapaṭivīso”ti? Te evaṃ vadanti – “ayaṃ te, āvuso, cīvarapaṭivīso”ti. So taṃ cīvaraṃ ādāya taṃ āvāsaṃ gacchati. Tamenam antarāmagge bhikkhū pucchanti – “āvuso, kahaṃ gamissasī”ti? So evaṃ vadeti – “amukaṃ nāma āvāsaṃ gamissāmi, tattha me bhikkhū cīvaraṃ karissantī”ti. Te evaṃ vadanti – “alaṃ, āvuso, mā agamāsi, mayaṃ te idha cīvaraṃ karissāmā”ti. Tassa evaṃ hoti – “idhevimaṃ cīvaraṃ kāressaṃ, na paccessa”nti. So taṃ cīvaraṃ kāreti. Tassa bhikkhuno niṭṭhānantiko kathinuddhāro.

Bhikkhu atthatakathino disaṃgamiko pakkamati cīvarapaṭivīsaṃ apavilāyamāno. Tamenam disaṅgataṃ bhikkhū pucchanti – “kahaṃ tvam, āvuso, vassaṃvuṭṭho, kattha ca te cīvarapaṭivīso”ti? So evaṃ vadeti – “amukasmim āvāse vassaṃvuṭṭhomhi, tattha ca me cīvarapaṭivīso”ti. Te evaṃ vadanti – “gacchāvuso, taṃ cīvaraṃ āhara, mayaṃ te idha cīvaraṃ karissāmā”ti. So taṃ āvāsaṃ gantvā bhikkhū pucchati – “kahaṃ me, āvuso, cīvarapaṭivīso”ti? Te evaṃ vadanti – “ayaṃ te, āvuso, cīvarapaṭivīso”ti. So taṃ cīvaraṃ ādāya taṃ āvāsaṃ gacchati. Tamenam antarāmagge bhikkhū pucchanti – “āvuso, kahaṃ gamissasī”ti? So evaṃ vadeti – “amukaṃ nāma āvāsaṃ gamissāmi, tattha me bhikkhū cīvaraṃ karissantī”ti. Te evaṃ vadanti – “alaṃ, āvuso, mā agamāsi, mayaṃ te idha cīvaraṃ karissāmā”ti. Tassa evaṃ hoti – “nevimaṃ cīvaraṃ kāressaṃ, na paccessa”nti. Tassa bhikkhuno sanniṭṭhānantiko kathinuddhāro.

Bhikkhu atthatakathino disaṃgamiko pakkamati...pe... “idhevimaṃ cīvaraṃ kāressaṃ, na paccessa”nti. So taṃ cīvaraṃ kāreti. Tassa taṃ cīvaraṃ kayiramānaṃ nassati. Tassa bhikkhuno nāsanantiko kathinuddhāro.

323. Bhikkhu atthatakathino disaṃgamiko pakkamati cīvarapaṭivīsaṃ apavilāyamāno. Tamenam disaṅgataṃ bhikkhū pucchanti – “kahaṃ tvam, āvuso, vassaṃvuṭṭho, kattha ca te cīvarapaṭivīso”ti? So evaṃ vadeti – “amukasmim āvāse vassaṃvuṭṭhomhi, tattha ca me cīvarapaṭivīso”ti. Te evaṃ vadanti – “gacchāvuso, taṃ cīvaraṃ āhara, mayaṃ te idha cīvaraṃ karissāmā”ti. So taṃ āvāsaṃ gantvā bhikkhū pucchati – “kahaṃ me, āvuso, cīvarapaṭivīso”ti? Te evaṃ vadanti – “ayaṃ te, āvuso, cīvarapaṭivīso”ti. So taṃ cīvaraṃ ādāya taṃ āvāsaṃ gacchati. Tassa taṃ āvāsaṃ gatassa evaṃ hoti – “idhevimaṃ cīvaraṃ kāressaṃ, na paccessa”nti. So taṃ cīvaraṃ kāreti. Tassa bhikkhuno niṭṭhānantiko

kathinuddhāro.

Bhikkhu atthatakathino disaṅgamiko pakkamati...pe... “nevimaṃ cīvaraṃ kāressaṃ, na paccessa”nti. Tassa bhikkhuno sanniṭṭhānantiko kathinuddhāro.

Bhikkhu atthatakathino disaṅgamiko pakkamati...pe... “idhevimaṃ cīvaraṃ kāressaṃ, na paccessa”nti. So taṃ cīvaraṃ kāreti. Tassa taṃ cīvaraṃ kayiramānaṃ nassati. Tassa bhikkhuno nāsanantiko kathinuddhāro.

Apavilāyananavakaṃ niṭṭhitaṃ.

199. Phāsuvihārapañcakaṃ

324. Bhikkhu atthatakathino phāsuvihāriko cīvaraṃ ādāya pakkamati – “amukaṃ nāma āvāsaṃ gamissāmi; tattha me phāsu bhavissati vasissāmi, no ce me phāsu bhavissati, amukaṃ nāma āvāsaṃ gamissāmi; tattha me phāsu bhavissati vasissāmi, no ce me phāsu bhavissati, amukaṃ nāma āvāsaṃ gamissāmi; tattha me phāsu bhavissati vasissāmi, no ce me phāsu bhavissati, paccessa”nti. Tassa bahisīmagatassa evaṃ hoti – “idhevimaṃ cīvaraṃ kāressaṃ, na paccessa”nti. So taṃ cīvaraṃ kāreti. Tassa bhikkhuno niṭṭhānantiko kathinuddhāro.

Bhikkhu atthatakathino phāsuvihāriko cīvaraṃ ādāya pakkamati – “amukaṃ nāma āvāsaṃ gamissāmi; tattha me phāsu bhavissati vasissāmi, no ce me phāsu bhavissati, amukaṃ nāma āvāsaṃ gamissāmi; tattha me phāsu bhavissati vasissāmi, no ce me phāsu bhavissati, amukaṃ nāma āvāsaṃ gamissāmi; tattha me phāsu bhavissati vasissāmi, no ce me phāsu bhavissati, paccessa”nti. Tassa bahisīmagatassa evaṃ hoti – “nevimaṃ cīvaraṃ kāressaṃ, na paccessa”nti. Tassa bhikkhuno sanniṭṭhānantiko kathinuddhāro.

Bhikkhu atthatakathino phāsuvihāriko cīvaraṃ ādāya pakkamati – “amukaṃ nāma āvāsaṃ gamissāmi; tattha me phāsu bhavissati vasissāmi, no ce me phāsu bhavissati, amukaṃ nāma āvāsaṃ gamissāmi; tattha me phāsu bhavissati vasissāmi, no ce me phāsu bhavissati, amukaṃ nāma āvāsaṃ gamissāmi; tattha me phāsu bhavissati vasissāmi, no ce me phāsu bhavissati, paccessa”nti. Tassa bahisīmagatassa evaṃ hoti – “idhevimaṃ cīvaraṃ kāressaṃ, na paccessa”nti. So taṃ cīvaraṃ kāreti. Tassa taṃ cīvaraṃ kayiramānaṃ nassati. Tassa bhikkhuno nāsanantiko kathinuddhāro.

Bhikkhu atthatakathino phāsuvihāriko cīvaraṃ ādāya pakkamati – “amukaṃ nāma āvāsaṃ gamissāmi; tattha me phāsu bhavissati vasissāmi, no ce me phāsu bhavissati, amukaṃ nāma āvāsaṃ gamissāmi; tattha me phāsu bhavissati vasissāmi, no ce me phāsu bhavissati, amukaṃ nāma āvāsaṃ gamissāmi; tattha me phāsu bhavissati vasissāmi, no ce me phāsu bhavissati, paccessa”nti. So bahisīmagato taṃ cīvaraṃ kāreti. So katacīvaro – “paccessaṃ paccessa”nti bahiddhā kathinuddhāraṃ vītināmeti. Tassa bhikkhuno sīmātikantiko kathinuddhāro.

Bhikkhu atthatakathino phāsuvihāriko cīvaraṃ ādāya pakkamati – “amukaṃ nāma āvāsaṃ gamissāmi; tattha me phāsu bhavissati vasissāmi, no ce me phāsu bhavissati, amukaṃ nāma āvāsaṃ gamissāmi; tattha me phāsu bhavissati vasissāmi, no ce me phāsu bhavissati, amukaṃ nāma āvāsaṃ gamissāmi; tattha me phāsu bhavissati vasissāmi, no ce me phāsu bhavissati, paccessa”nti. So bahisīmagato taṃ cīvaraṃ kāreti. So katacīvaro “paccessaṃ paccessa”nti sambhuṇāti kathinuddhāraṃ. Tassa bhikkhuno saha bhikkhūhi kathinuddhāro.

Phāsuvihārapañcakaṃ niṭṭhitaṃ.

200. Palibodhāpalibodhakathā

325. Dveme, bhikkhave, kathinassa palibodhā, dve apalibodhā. Katame ca, bhikkhave, dve kathinassa palibodhā? Āvāsapalibodho ca cīvarapalibodho ca. Kathañca, bhikkhave, āvāsapalibodho hoti? Idha, bhikkhave, bhikkhu vasati vā tasmim āvāse, sāpekkho vā pakkamati “paccassa”nti. Evaṃ kho, bhikkhave, āvāsapalibodho hoti. Kathañca, bhikkhave, cīvarapalibodho hoti? Idha, bhikkhave, bhikkhuno cīvaraṃ akataṃ vā hoti vippakataṃ vā, cīvarāsā vā anupacchinnā. Evaṃ kho, bhikkhave, cīvarapalibodho hoti. Ime kho, bhikkhave, dve kathinassa palibodhā.

Katame ca, bhikkhave, dve kathinassa apalibodhā? Āvāsaapalibodho ca cīvaraapalibodho ca. Kathañca, bhikkhave, āvāsaapalibodho hoti? Idha, bhikkhave, bhikkhu pakkamati tamhā āvāsā cattena vantena muttena anapekkho [anapekkhena (ka.)] “na paccassa”nti. Evaṃ kho, bhikkhave, āvāsaapalibodho hoti. Kathañca, bhikkhave, cīvaraapalibodho hoti? Idha, bhikkhave, bhikkhuno cīvaraṃ kataṃ vā hoti, naṭṭhaṃ vā vinaṭṭhaṃ vā daḍḍhaṃ vā, cīvarāsā vā upacchinnā. Evaṃ kho, bhikkhave, cīvaraapalibodho hoti. Ime kho, bhikkhave, dve kathinassa apalibodhāti.

Palibodhāpalibodhakathā niṭṭhitā.

Kathinakkhandhako niṭṭhito sattamo.

201. Tassuddānaṃ

Tiṃsa pāveyyakā bhikkhū, sāketukkaṇṭhitā vasuṃ;
Vassaṃvuṭṭhokapuṇṇehi, agamuṃ jinadassanaṃ.

Idaṃ vatthu kathinassa, kappissanti ca pañcakā;
Anāmantā asamācārā, tatheva gaṇabhojanaṃ.

Yāvadatthañca uppādo, atthatānaṃ bhavissati;
Ñatti evatthatañceva, evañceva anattataṃ.

Ullikhi dhovanā ceva, vicāraṇaṇca chedanāṃ;
Bandhano vaṭṭi kaṇḍusa, daḷhīkammānuvātīkā.

Paribhaṇḍaṃ ovaddheyyaṃ, maddanā nimittaṃ kathā;
Kukku sannidhi nissaggi, na kappaññaṭṭra te tayo.

Aññaṭṭra pañcātireke, sañchinnena samaṇḍalī;
Nāññaṭṭra puggalā sammā, nissīmaṭṭhonumodati.

Kathinānatthataṃ hoti, evaṃ buddhena desitaṃ;
Ahatākappapiloti, paṃsu pāpaṇikāya ca.

Animittāparikathā, akukku ca asannidhi;
Anissaggi kappakate, tathā ticīvarena ca.

Pañcake vātireke vā, chinne samaṇḍalīkate;
Puggalassatthārā sammā, sīmaṭṭho anumodati.

Evaṃ kathinattharaṇaṃ, ubbhārassatṭhamātīkā;
Pakkamananti niṭṭhānaṃ, sanniṭṭhānañca nāsanaṃ.

Savanaṃ āsāvacchedi, sīmā sahubbhāraṭṭhamī;
Katacīvaramādāya, “na paccessa”nti gacchati.

Tassa taṃ kathinuddhārā, e hoti pakkamanantiko;
Ādāya cīvaram yāti, nissīme idaṃ cintayī.

“Kāressaṃ na paccessa”nti, niṭṭhāne kathinuddhāro;
Ādāya nissīmaṃ neva, “na paccessa”nti mānaso.

Tassa taṃ kathinuddhāro, sannīṭṭhānantiko bhavē;
Ādāya cīvaram yāti, nissīme idaṃ cintayī.

“Kāressaṃ na paccessa”nti, kayiraṃ tassa nassati;
Tassa taṃ kathinuddhāro, bhavati nāsanantiko.

Ādāya yāti “paccessaṃ”, bahi kāreti cīvaram;
Katacīvaro suṇāti, ubbhatam kathinaṃ tahiṃ.

Tassa taṃ kathinuddhāro, bhavati savanantiko;
Ādāya yāti “paccessaṃ”, bahi kāreti cīvaram.

Katacīvaro bahiddhā, nāmeti kathinuddhāram;
Tassa taṃ kathinuddhāro, sīmātikantiko bhavē.

Ādāya yāti “paccessaṃ”, bahi kāreti cīvaram;
Katacīvaro paccessaṃ, sambhoti kathinuddhāram.

Tassa taṃ kathinuddhāro, saha bhikkhūhi jāyati;
Ādāya ca samādāya, satta-sattavidhā gati.

Pakkamanantikā natthi, chakke vipakate [[chaṭṭhe vipakatā \(sī.\)](#), [chaccā vipakathā \(ka.\)](#)]
gati;
Ādāya nissīmagataṃ, kāressaṃ iti jāyati.

Niṭṭhānaṃ sannīṭṭhānañca, nāsanañca ime tayo;
Ādāya “na paccessa”nti, bahisīme karomiti.

Niṭṭhānaṃ sannīṭṭhānampi, nāsanampi idaṃ tayo;
Anadhīṭṭhitena nevassa, heṭṭhā tīṇi nayāvidhi.

Ādāya yāti paccessaṃ, bahisīme karomiti;
“Na paccessa”nti kāreti, niṭṭhāne kathinuddhāro.

Sannīṭṭhānaṃ nāsanañca, savanasīmātikamā;
Saha bhikkhūhi jāyetha, evaṃ pannarasaṃ gati.

Samādāya vipakatā, samādāya punā tathā;
Ime te caturo vārā, sabbe pannarasavidhi.

Anāsāya ca āsāya, karaṇīyo ca te tayo;

Nayato taṃ vijāneyya, tayo dvādasa dvādasa.

Apavilānā navettha [apavilāyamāneva (syā.), apavinā nava cettha (sī.)], phāsu pañcavidhā
taḥiṃ;
Palibodhāpalibodhā, uddānaṃ nayato katanti.

Imamhi khandhake vatthū doḷasakaṭṭhālamukhāni ekasataṃ aṭṭhārasa.

Kathinakkhandhako niṭṭhito.

8. Cīvarakkhandhako

202. Jīvakavatthu

326. Tena samayena buddho bhagavā rājagahe viharati veḷuvane kalandakanivāpe. Tena kho pana samayena vesālī iddhā ceva hoti phitā [phītā (bahūsu)] ca bahujaṇā ca ākiṇṇamanussā ca subhikkhā ca; satta ca pāsādasahassāni satta ca pāsādasatāni satta ca pāsādā; satta ca kūṭāgārasahassāni satta ca kūṭāgārasatāni satta ca kūṭāgārāni; satta ca ārāmasahassāni satta ca ārāmasatāni satta ca ārāmā; satta ca pokkharāṇīśahassāni satta ca pokkharāṇīsatāni satta ca pokkharāṇīyo; ambapālī ca gaṇikā abhirūpā hoti dassanīyā pāsādikā paramāya vaṇṇapokkharatāya samannāgatā, padakkhiṇā [padakkhā (syā.)] nacce ca gīte ca vādite ca, abhisatā atthikānaṃ atthikānaṃ manussānaṃ paññāsāya ca rattim gacchati; tāya ca vesālī bhīyyosomattāya upasobhati. Atha kho rājagahako negamo vesālim agamāsi kenacideva karaṇīyena. Addasā kho rājagahako negamo vesālim iddhañceva phitaṇca bahujaṇaṇca ākiṇṇamanussaṇca subhikkhaṇca; satta ca pāsādasahassāni satta ca pāsādasatāni satta ca pāsāde; satta ca kūṭāgārasahassāni satta ca kūṭāgārasatāni satta ca kūṭāgārāni; satta ca ārāmasahassāni satta ca ārāmasatāni satta ca ārāme; satta ca pokkharāṇīśahassāni satta ca pokkharāṇīsatāni satta ca pokkharāṇīyo; ambapālīṇca gaṇikaṃ abhirūpaṃ dassanīyaṃ pāsādikaṃ paramāya vaṇṇapokkharatāya samannāgataṃ, padakkhiṇaṃ [padakkhaṃ (syā.)] nacce ca gīte ca vādite ca, abhisataṃ atthikānaṃ atthikānaṃ manussānaṃ paññāsāya ca rattim gacchantim, tāya ca vesālim bhīyyosomattāya upasobhanti.

327. Atha kho rājagahako negamo vesāliyaṃ taṃ karaṇīyaṃ tīretvā punadeva rājagahaṃ paccāgañchi. Yena rājā māgadho seniyo bimbisāro tenupasaṅkami, upasaṅkamitvā rājānaṃ māgadhaṃ seniyaṃ bimbisāraṃ etadavoca – “vesālī, deva, iddhā ceva phitā ca bahujaṇā ca ākiṇṇamanussā ca subhikkhā ca; satta ca pāsādasahassāni...pe... tāya ca vesālī bhīyyosomattāya upasobhati. Sādhu, deva, mayampi gaṇikaṃ vuṭṭhāpessāmā”ti [vuṭṭhāpeyyāma (ka.)]. “Tena hi, bhaṇe, tādisiṃ kumāriṃ jānātha yaṃ tumhe gaṇikaṃ vuṭṭhāpeyyāthā”ti. Tena kho pana samayena rājagahe sālavatī nāma kumārī abhirūpā hoti dassanīyā pāsādikā paramāya vaṇṇapokkharatāya samannāgatā. Atha kho rājagahako negamo sālavatim kumāriṃ gaṇikaṃ vuṭṭhāpesi. Atha kho sālavatī gaṇikā nacirasseva padakkhiṇā aho si nacce ca gīte ca vādite ca, abhisatā atthikānaṃ atthikānaṃ manussānaṃ paṭisatena ca rattim gacchati. Atha kho sālavatī gaṇikā nacirasseva gabbhinī aho si. Atha kho sālavatiyā gaṇikāya etadahosi – “itthī kho gabbhinī purisānaṃ amanāpā. Sace maṃ koci jānissati sālavatī gaṇikā gabbhinīti, sabbo me sakkāro bhañjissati [parihāyissati (sī. syā.)]. Yaṃnūnāhaṃ gilānaṃ paṭivedeyya”nti. Atha kho sālavatī gaṇikā dovārikaṃ āṇāpesi – “mā, bhaṇe dovārika, koci puriso pāvīsi. Yo ca maṃ pucchati, ‘gilānā’ti paṭivedehī”ti. “Evaṃ, ayye”ti kho so dovāriko sālavatiyā gaṇikāya paccassosi. Atha kho sālavatī gaṇikā tassa gabbhassa paripākamanvāya puttaṃ vijāyi. Atha kho sālavatī gaṇikā dāsīṃ āṇāpesi – “handā, je, imaṃ dāraṃ kattarasuppe pakkhipitvā nīharitvā saṅkārakūṭe chaḍḍehī”ti. “Evaṃ, ayye”ti kho sālavatīyā gaṇikāya paṭissutvā taṃ dāraṃ kattarasuppe pakkhipitvā nīharitvā saṅkārakūṭe chaḍḍesi.

328. Tena kho pana samayena abhayo nāma rājakumāro kālasseva rājupaṭṭhānaṃ gacchanto addasa taṃ dārakaṃ kākehi samparikiṇṇaṃ, disvāna manusse pucchi – “kiṃ etaṃ, bhaṇe, kākehi samparikiṇṇa”nti? “Dāraako, devā”ti. “Jīvati, bhaṇe”ti? “Jīvati, devā”ti. “Tena hi, bhaṇe, taṃ dārakaṃ amhākaṃ antepuraṃ netvā dhātīnaṃ detha posetu”nti. “Evaṃ, devā”ti kho te manussā abhayassa rājakumārassa paṭissutvā taṃ dārakaṃ abhayassa rājakumārassa antepuraṃ netvā dhātīnaṃ adamsu – “posethā”ti. Tassa jīvātīti ‘jīvako’ti nāmaṃ akaṃsu. Kumārena posāpitoti ‘komārabhacco’ti nāmaṃ akaṃsu. Atha kho jīvako komārabhacco nacirasseva viññutaṃ pāpuṇi. Atha kho jīvako komārabhacco yena abhayo rājakumāro tenupasaṅkama; upasaṅkamitvā abhayaṃ rājakumāraṃ etadavoca – “kā me, deva, mātā, ko pitā”ti? “Ahampi kho te, bhaṇe jīvaka, mātaraṃ na jānāmi; api cāhaṃ te pitā; mayāsi [mayāpi (ka.)] posāpito”ti. Atha kho jīvakassa komārabhaccassa etadahosi – “imāni kho rājakulāni na sukarāni asippena upajīvītuṃ. Yaṃnūnāhaṃ sippaṃ sikkheyya”nti.

329. Tena kho pana samayena takkasīlāyaṃ [takkasīlāyaṃ (ka.)] disāpāmokkko vejjo paṭivasati. Atha kho jīvako komārabhacco abhayaṃ rājakumāraṃ anāpucchā yena takkasīlā tena pakkāmi. Anupubbena yena takkasīlā, yena vejjo tenupasaṅkama; upasaṅkamitvā taṃ vejjaṃ etadavoca – “icchāmaṃ, ācariya, sippaṃ sikkhitu”nti. “Tena hi, bhaṇe jīvaka, sikkhassū”ti. Atha kho jīvako komārabhacco bahuṅca gaṇhāti lahuṅca gaṇhāti suṭṭhu ca upadhāreti, gahitaṅcassa na sammussati [na pamussati (sī. syā.)]. Atha kho jīvakassa komārabhaccassa sattanaṃ vassānaṃ accayena etadahosi – “ahaṃ, kho bahuṅca gaṇhāmi lahuṅca gaṇhāmi suṭṭhu ca upadhāremi, gahitaṅca me na sammussati, satta ca me vassāni adhīyantassa, nayimassa sippassa anto paññāyati. Kadā imassa sippassa anto paññāyissati”ti. Atha kho jīvako komārabhacco yena so vejjo tenupasaṅkama, upasaṅkamitvā taṃ vejjaṃ etadavoca – “ahaṃ kho, ācariya, bahuṅca gaṇhāmi lahuṅca gaṇhāmi suṭṭhu ca upadhāremi, gahitaṅca me na sammussati, satta ca me vassāni adhīyantassa, nayimassa sippassa anto paññāyati. Kadā imassa sippassa anto paññāyissati”ti? “Tena hi, bhaṇe jīvaka, khaṇittim ādāya takkasīlāya samantā yojanaṃ āhiṇḍitvā yaṃ kiñci abhesajjaṃ passeyyāsi taṃ āharā”ti. “Evaṃ, ācariyā”ti kho jīvako komārabhacco tassa vejjaṃ paṭissutvā khaṇittim ādāya takkasīlāya samantā yojanaṃ āhiṇḍanto na kiñci abhesajjaṃ addasa. Atha kho jīvako komārabhacco yena so vejjo tenupasaṅkama, upasaṅkamitvā taṃ vejjaṃ etadavoca – “āhiṇḍantomhi, ācariya, takkasīlāya samantā yojanaṃ, na kiñci [āhiṇḍanto na kiñci (ka.)] abhesajjaṃ addasa”nti. “Susikkhitosi, bhaṇe jīvaka. Alaṃ te ettakaṃ jīvikāyā”ti jīvakassa komārabhaccassa parittaṃ pātheyyaṃ pādāsi. Atha kho jīvako komārabhacco taṃ parittaṃ pātheyyaṃ ādāya yena rājagahaṃ tena pakkāmi. Atha kho jīvakassa komārabhaccassa taṃ parittaṃ pātheyyaṃ antarāmagge sākete parikkhayaṃ agamāsi. Atha kho jīvakassa komārabhaccassa etadahosi – “ime kho maggā kantārā appodakā appabhakkhā, na sukarā apātheyyena gantuṃ. Yaṃnūnāhaṃ pātheyyaṃ pariyeseyya”nti.

Jīvakavatthu niṭṭhitam.

203. Setṭhibhāriyāvattu

330. Tena kho pana samayena sākete setṭhibhāriyāya sattavassiko sīsābādho hoti. Bahū mahantā mahantā disāpāmokkhā vejja āgantvā nāsakkhimsu arogaṃ kātuṃ. Bahuṃ hiraññaṃ ādāya agamaṃsu. Atha kho jīvako komārabhacco sāketaṃ pavisitvā manusse pucchi – “ko, bhaṇe, gilāno, kaṃ tikicchāmi”ti? “Etissā, ācariya, setṭhibhāriyāya sattavassiko sīsābādho; gaccha, ācariya, setṭhibhāriyaṃ tikicchāhi”ti. Atha kho jīvako komārabhacco yena setṭhissa gahapatissa nivesanaṃ tenupasaṅkama; upasaṅkamitvā dovārikaṃ āṇāpesi – “gaccha, bhaṇe dovārika, setṭhibhāriyāya pāvada – ‘vejjo, ayye, āgato, so taṃ datṭhukāmo’”ti. “Evaṃ, ācariyā”ti kho so dovāriko jīvakassa komārabhaccassa paṭissutvā yena setṭhibhāriyā tenupasaṅkama, upasaṅkamitvā setṭhibhāriyaṃ etadavoca – “vejjo, ayye, āgato; so taṃ datṭhukāmo”ti. “Kīdiso, bhaṇe dovārika, vejjo”ti? “Daharako, ayye”ti. “Alaṃ, bhaṇe dovārika, kiṃ me daharako vejjo karissati? Bahū mahantā mahantā disāpāmokkhā vejja āgantvā nāsakkhimsu arogaṃ kātuṃ. Bahuṃ hiraññaṃ ādāya agamaṃsū”ti. Atha kho so dovāriko yena jīvako komārabhacco tenupasaṅkama; upasaṅkamitvā jīvakaṃ komārabhaccaṃ etadavoca – “setṭhibhāriyā,

ācariya, evamāha – ‘alaṃ, bhaṇe dovārika, kiṃ me daharako vejjo karissati? Bahū mahantā mahantā disāpāmokkhā vejjā āgantvā nāsakkhimsu arogaṃ kātuṃ. Bahuṃ hiraññaṃ ādāya agamaṃsū’’ti. ‘‘Gaccha, bhaṇe dovārika, seṭṭhibhāriyāya pāvada – ‘vejjo, ayye, evamāha – mā kira, ayye, pure kiñci adāsi. Yadā arogā ahoṣi tadā yaṃ iccheyyāsi taṃ dajjeyyāsi’’ti. ‘‘Evaṃ, ācariyā’’ti kho so dovāriko jīvakaṃsa komārabhaccassa paṭissutvā yena seṭṭhibhāriyā tenupasaṅkami; upasaṅkamitvā seṭṭhibhāriyaṃ etadavoca – ‘‘vejjo, ayye, evamāha – ‘mā kira, ayye, pure kiñci adāsi. Yadā arogā ahoṣi tadā yaṃ iccheyyāsi taṃ dajjeyyāsi’’ti. ‘‘Tena hi, bhaṇe dovārika, vejjo āgacchatū’’ti. ‘‘Evaṃ, ayye’’ti kho so dovāriko seṭṭhibhāriyāya paṭissutvā yena jīvako komārabhacco tenupasaṅkami, upasaṅkamitvā jīvakaṃsa komārabhaccaṃ etadavoca – ‘‘seṭṭhibhāriyā taṃ, ācariya, pakkosati’’ti.

Atha kho jīvako komārabhacco yena seṭṭhibhāriyā tenupasaṅkami, upasaṅkamitvā seṭṭhibhāriyāya vikāraṃ sallakkhetvā seṭṭhibhāriyaṃ etadavoca – ‘‘pasatena, ayye, sappinā attho’’ti. Atha kho seṭṭhibhāriyā jīvakaṃsa komārabhaccassa pasataṃ sappiṃ dāpesi. Atha kho jīvako komārabhacco taṃ pasataṃ sappiṃ nānābhessajjehi nippacitvā seṭṭhibhāriyaṃ mañcake uttānaṃ nipātetvā [nipajjāpetvā (sī. syā.)] natthuto adāsi. Atha kho taṃ sappiṃ natthuto dinnāṃ mukhato uggañchi. Atha kho seṭṭhibhāriyā paṭiggahe niṭṭhubhitvā dāsiṃ āṇāpesi – ‘‘handā, je, imaṃ sappiṃ picunā gaṇhāhi’’ti. Atha kho jīvakaṃsa komārabhaccassa etadahosi – ‘‘acchāriyaṃ [acchāriyaṃ vata bho (syā.)] yāva lūkhāyaṃ gharaṇī, yatra hi nāma imaṃ chaḍḍanīyadhammaṃ sappiṃ picunā gāhāpessati. Bahukāni ca me mahagghāni [mahagghāni mahagghāni (sī. syā.)] bhesajjāni upagatāni. Kimpi māyaṃ kiñci [kañci (syā.)] deyyadhammaṃ dassati’’ti. Atha kho seṭṭhibhāriyā jīvakaṃsa komārabhaccassa vikāraṃ sallakkhetvā jīvakaṃsa komārabhaccaṃ etadavoca – ‘‘kissa tvaṃ, ācariya, vimaṇosi’’ti? Idha me etadahosi – ‘‘acchāriyaṃ yāva lūkhāyaṃ dharaṇī, yatra hi nāma imaṃ chaḍḍanīyadhammaṃ sappiṃ picunā gāhāpessati. Bahukāni ca me mahagghāni sajjāni upagatāni. Kimpi māyaṃ kiñci deyyadhammaṃ dassati’’ti. ‘‘Mayaṃ kho, ācariya, āgārikā nāma upajānāmetassa saṃyamassa. Varametaṃ sappi dāsānaṃ vā kammaṅkāraṇaṃ vā pādabbhañjanaṃ vā paḍipakaṇaṃ vā āsittaṃ. Mā kho tvaṃ, ācariya, vimaṇo ahoṣi. Na te deyyadhammo hāyissati’’ti. Atha kho jīvako komārabhacco seṭṭhibhāriyāya sattavassikaṃ sīsābādhaṃ ekeneva natthukammaṃ apakaḍḍhi. Atha kho seṭṭhibhāriyā arogā samānā jīvakaṃsa komārabhaccassa cattāri saḥassāni pādāsi. Putto – mātā me arogā ṭhitāti cattāri saḥassāni pādāsi. Suṇisā – sassu me arogā ṭhitāti cattāri saḥassāni pādāsi. Seṭṭhi gahapati – bhāriyā me arogā ṭhitāti cattāri saḥassāni pādāsi dāsañca dāsiñca assarathañca.

Atha kho jīvako komārabhacco tāni soḷasasahassāni ādāya dāsañca dāsiñca assarathañca yena rājagahaṃ tena pakkāmi. Anupubbena yena rājagahaṃ yena abhaya rājakumāro tenupasaṅkami, upasaṅkamitvā abhayaṃ rājakumāraṃ etadavoca – ‘‘idaṃ me, deva, paṭhamakammaṃ soḷasasahassāni dāso ca dāsī ca assaratho ca. Paṭiggaṇhātu me devo posāvanika’’nti. ‘‘Alaṃ, bhaṇe jīvaka; tuyhameva hotu. Amhākaññeva antepure nivesanaṃ māpehi’’ti. ‘‘Evaṃ, devā’’ti kho jīvako komārabhacco abhayaṃsa rājakumārassa paṭissutvā abhayaṃsa rājakumārassa antepure nivesanaṃ māpesi.

Seṭṭhibhāriyāvatthu niṭṭhitāṃ.

204. Bimbisārārājavatthu

331. Tena kho pana samayena rañño māgadhasa seniyassa bimbisārassa bhagandalābādho hoti. Sātakā lohiteṇa makkhiyanti. Deviyo disvā uppaṇḍenti – ‘‘utunī dāni devo, pupphaṃ devassa uppannaṃ, na ciraṃ [nacirasseva (syā.)] devo vijāyissati’’ti. Tena rājā mañku hoti. Atha kho rājā māgadho seniyo bimbisāro abhayaṃ rājakumāraṃ etadavoca – ‘‘mayhaṃ kho, bhaṇe abhaya, tādiso ābādho, sātakā lohiteṇa makkhiyanti, deviyo maṃ disvā uppaṇḍenti – ‘utunī dāni devo, pupphaṃ devassa uppannaṃ, na ciraṃ devo vijāyissati’’ti. Ingha, bhaṇe abhaya, tādisaṃ vejjāṃ jānāhi yo maṃ tikiccheyyā’’ti. ‘‘Ayaṃ, deva, amhākaṃsa jīvako vejjo taruṇo bhadraṃ. So devaṃ tikicchissati’’ti. ‘‘Tena hi, bhaṇe abhaya, jīvakaṃsa vejjāṃ āṇāpehi; so maṃ tikicchissati’’ti. Atha kho abhaya rājakumāro jīvakaṃsa komārabhaccaṃ āṇāpesi – ‘‘gaccha, bhaṇe jīvaka, rājānaṃ tikicchāhi’’ti. ‘‘Evaṃ, devā’’ti kho

jīvako komārabhacco abhayassa rājakumārassa paṭissutvā nakhena bhesajjam ādāya yena rājā māgadho seniyo bimbisāro tenupasaṅkami, upasaṅkamitvā rājānaṃ māgadham seniyam bimbisāram etadavoca – “ābādham te, deva, passāmā”ti [passāmīti (syā.)]. Atha kho jīvako komārabhacco rañño māgadhasa seniyassa bimbisārassa bhagandalābādham ekeneva ālepena apakaḍḍhi. Atha kho rājā māgadho seniyo bimbisāro arogo samāno pañca itthisatāni sabbalāṅkāraṃ bhūṣāpetvā omuñcāpetvā puñjam kārapetvā jīvakaṃ komārabhaccaṃ etadavoca – “etaṃ, bhāṇe jīvaka, pañcannaṃ itthisatānaṃ sabbalāṅkāraṃ tuyham hotū”ti. “Alaṃ, deva, adhikāraṃ me devo saratū”ti. “Tena hi, bhāṇe jīvaka, maṃ upaṭṭhaha, itthāgārañca, buddhappamukhañca bhikkhusaṅgha”nti. “Evaṃ, devā”ti kho jīvako komārabhacco rañño māgadhasa seniyassa bimbisārassa paccassosi.

Bimbisārarājavatthu niṭṭhitam.

205. Rājagahaseṭṭhivatthu

332. Tena kho pana samayena rājagahakassa seṭṭhissa sattavassiko sīsābādho hoti. Bahū mahantā mahantā disāpāmokkhā vejjā āgantvā nāsakkhiṃsu arogaṃ kātuṃ. Bahum hiraññaṃ ādāya agamaṃsu. Api ca, vejjehi paccakkhāto hoti. Ekacce vejjā evamāhaṃsu – “pañcamaṃ divasaṃ seṭṭhi gahapati kālaṃ karissatī”ti. Ekacce vejjā evamāhaṃsu – “sattamaṃ divasaṃ seṭṭhi gahapati kālaṃ karissatī”ti. Atha kho rājagahakassa negamassa etadahosi – “ayaṃ kho seṭṭhi gahapati bahūpakāro rañño ceva negamassa ca. Api ca, vejjehi paccakkhāto. Ekacce vejjā evamāhaṃsu – “pañcamaṃ divasaṃ seṭṭhi gahapati kālaṃ karissatī”ti. Ekacce vejjā evamāhaṃsu – “sattamaṃ divasaṃ seṭṭhi gahapati kālaṃ karissatī”ti. Ayañca rañño jīvako vejjo taruṇo bhadraḥ. Yaṃnūna mayaṃ rājānaṃ jīvakaṃ vejjam yāceyyāma seṭṭhiṃ gahapatiṃ tikicchitū”nti. Atha kho rājagahako negamo yena rājā māgadho seniyo bimbisāro tenupasaṅkami; upasaṅkamitvā rājānaṃ māgadham seniyam bimbisāram etadavoca – “ayaṃ, deva, seṭṭhi gahapati bahūpakāro devassa ceva negamassa ca; api ca, vejjehi paccakkhāto. Ekacce vejjā evamāhaṃsu – pañcamaṃ divasaṃ seṭṭhi gahapati kālaṃ karissatīti. Ekacce vejjā evamāhaṃsu – sattamaṃ divasaṃ seṭṭhi gahapati kālaṃ karissatīti. Sādhu devo jīvakaṃ vejjam āṇāpetu seṭṭhiṃ gahapatiṃ tikicchitū”nti.

Atha kho rājā māgadho seniyo bimbisāro jīvakaṃ komārabhaccaṃ āṇāpesi – “gaccha, bhāṇe jīvaka, seṭṭhiṃ gahapatiṃ tikicchāhi”ti. “Evaṃ, devā”ti kho jīvako komārabhacco rañño māgadhasa seniyassa bimbisārassa paṭissutvā yena seṭṭhi gahapati tenupasaṅkami; upasaṅkamitvā seṭṭhissa gahapatissa vikāraṃ sallakkhetvā seṭṭhiṃ gahapatiṃ etadavoca – “sace tvam, gahapati, arogo bhaveyyāsi [sacāham taṃ gahapati arogāpeyyam (sī.), sacāham taṃ gahapati arogaṃ kareyyam (syā.)] kiṃ me assa deyyadhammo”ti? “Sabbam sāpateyyañca te, ācariya, hotu, ahañca te dāso”ti. “Sakkhissasi pana tvam, gahapati, ekena passena sattamāse nipajjitu”nti? “Sakkomahaṃ, ācariya, ekena passena sattamāse nipajjitu”nti. “Sakkhissasi pana tvam, gahapati, dutiyena passena sattamāse nipajjitu”nti? “Sakkomahaṃ, ācariya, dutiyena passena sattamāse nipajjitu”nti. “Sakkhissasi pana tvam, gahapati, uttāno sattamāse nipajjitu”nti? “Sakkomahaṃ, ācariya, uttāno sattamāse nipajjitu”nti.

Atha kho jīvako komārabhacco seṭṭhiṃ gahapatiṃ mañcake nipātetvā [nipajjāpetvā (sī. syā.)] mañcake [mañcakena (sī.)] sambandhitvā sīsacchaviṃ uppātetvā [phāletvā (sī.)] sibbinim vināmetvā dve pāṇake nīharitvā mahājanassa dassesi – “passathayye [passesyātha (sī.), passatha (syā.), passathayyo (ka.)], ime dve pāṇake, ekaṃ khuddakaṃ ekaṃ mahallakaṃ. Ye te ācariyā evamāhaṃsu – pañcamaṃ divasaṃ seṭṭhi gahapati kālaṃ karissatīti – tehāyaṃ mahallako pāṇako diṭṭho. Pañcamaṃ divasaṃ seṭṭhissa gahapatissa matthaluṅgaṃ pariyādiyissati. Matthaluṅgassa pariyādānā seṭṭhi gahapati kālaṃ karissatī. Sudiṭṭho tehi ācariyehi. Ye te ācariyā evamāhaṃsu – sattamaṃ divasaṃ seṭṭhi gahapati kālaṃ karissatīti – tehāyaṃ khuddako pāṇako diṭṭho. Sattamaṃ divasaṃ seṭṭhissa gahapatissa matthaluṅgaṃ pariyādiyissati. Matthaluṅgassa pariyādānā seṭṭhi gahapati kālaṃ karissatī. Sudiṭṭho tehi ācariyehi”ti. Sibbinim sampaṭipātetvā sīsacchaviṃ sibbitvā ālepaṃ adāsi. Atha kho seṭṭhi gahapati sattāhassa accayena jīvakaṃ komārabhaccaṃ etadavoca – “nāham, ācariya, sakkomi ekena passena sattamāse

nipajjitu’nti. “Nanu me tvam, gahapati, paṭissuṇi – sakkomahaṃ, ācariya, ekena passena sattamāse nipajjitu’nti? “Saccāhaṃ, ācariya, paṭissuṇiṃ, apāhaṃ marissāmi, nāhaṃ sakkomi ekena passena sattamāse nipajjitu’nti. “Tena hi tvam, gahapati, dutiyena passena sattamāse nipajjāhī’ti. Atha kho seṭṭhi gahapati sattāhassa accayena jīvakaṃ komārabhaccaṃ etadavoca – “nāhaṃ, ācariya, sakkomi dutiyena passena sattamāse nipajjitu’nti. “Nanu me tvam, gahapati, paṭissuṇi – sakkomahaṃ, ācariya, dutiyena passena sattamāse nipajjitu’nti? “Saccāhaṃ, ācariya, paṭissuṇiṃ, apāhaṃ marissāmi, nāhaṃ, ācariya, sakkomi dutiyena passena sattamāse nipajjitu’nti. “Tena hi tvam, gahapati, uttāno sattamāse nipajjāhī’ti. Atha kho seṭṭhi gahapati sattāhassa accayena jīvakaṃ komārabhaccaṃ etadavoca – “nāhaṃ, ācariya, sakkomi uttāno sattamāse nipajjitu’nti. “Nanu me tvam, gahapati, paṭissuṇi – sakkomahaṃ, ācariya, uttāno sattamāse nipajjitu’nti? “Saccāhaṃ, ācariya, paṭissuṇiṃ, apāhaṃ marissāmi, nāhaṃ sakkomi uttāno sattamāse nipajjitu’nti. “Ahaṃ ce taṃ, gahapati, na vadeyyaṃ, ettakampi tvam na nipajjeyyāsi, api ca paṭikacceva mayā ñāto – tīhi sattāhehi seṭṭhi gahapati arogo bhavissatīti. Uṭṭhehi, gahapati, arogosi. Jānāsi kiṃ me deyyadhammo’ti? “Sabbaṃ sāpateyyaṃca te, ācariya, hotu, ahaṃca te dāso’ti. “Alaṃ, gahapati, mā me tvam sabbaṃ sāpateyyaṃ adāsi, mā ca me dāso. Rañño satasahassaṃ dehi, mayhaṃ satasahassa’nti. Atha kho seṭṭhi gahapati arogo samāno rañño satasahassaṃ adāsi, jīvakassa komārabhaccassa satasahassaṃ.

Rājagahaseṭṭhivatthu niṭṭhitam.

206. Seṭṭhiputtavatthu

333. Tena kho pana samayena bārāṇaseyyakassa seṭṭhiputtassa mokkhacikāya kīḷantassa antagaṇṭhābādho hoti, yena yāgupi pītā na sammā pariṇāmaṃ gacchati, bhattampi bhuttaṃ na sammā pariṇāmaṃ gacchati, uccāropi passāvopi na paguṇo. So tena kiso hoti lūkho dubbaṇṇo uppaṇḍuppaṇḍukajāto dhamanisanthatagatto. Atha kho bārāṇaseyyakassa seṭṭhissa etadahosi – “mayhaṃ kho puttassa tādiso ābādho, yena yāgupi pītā na sammā pariṇāmaṃ gacchati, bhattampi bhuttaṃ na sammā pariṇāmaṃ gacchati, uccāropi passāvopi na paguṇo. So tena kiso lūkho dubbaṇṇo uppaṇḍuppaṇḍukajāto dhamanisanthatagatto. Yaṃnūnāhaṃ rājagahaṃ gantvā rājānaṃ jīvakaṃ vejjaṃ yāceyyaṃ puttaṃ me tikicchitu’nti. Atha kho bārāṇaseyyako seṭṭhi rājagahaṃ gantvā yena rājā māgadho seniyo bimbisāro tenupasaṅkami, upasaṅkamtivā rājānaṃ māgadhaṃ seniyaṃ bimbisāraṃ etadavoca – “mayhaṃ kho, deva, puttassa tādiso ābādho, yena yāgupi pītā na sammā pariṇāmaṃ gacchati, bhattampi bhuttaṃ na sammā pariṇāmaṃ gacchati, uccāropi passāvopi na paguṇo. So tena kiso lūkho dubbaṇṇo uppaṇḍuppaṇḍukajāto dhamanisanthatagatto. Sādhu devo jīvakaṃ vejjaṃ āṇāpetu puttaṃ me tikicchitu’nti.

Atha kho rājā māgadho seniyo bimbisāro jīvakaṃ komārabhaccaṃ āṇāpesi – “gaccha, bhaṇe jīvaka, bārāṇasiṃ gantvā bārāṇaseyyakaṃ seṭṭhiputtaṃ tikicchāhī’ti. “Evaṃ, devā’ti kho jīvako komārabhacco rañño māgadhaṃ seniyaṃ bimbisārassa paṭissutvā bārāṇasiṃ gantvā yena bārāṇaseyyako seṭṭhiputto tenupasaṅkami, upasaṅkamtivā bārāṇaseyyakassa seṭṭhiputtassa vikāraṃ sallakkhetvā janaṃ ussāretvā tirokaraṇiyaṃ parikkhipitvā thambhe ubbandhitvā [upanibandhitvā (sī. syā.)] bhariyaṃ purato ṭhapetvā udaracchaviṃ uppāṭetvā antagaṇṭhiṃ nīharitvā bhariyāya dassesi – “passa te sāmikassa ābādhaṃ, iminā yāgupi pītā na sammā pariṇāmaṃ gacchati, bhattampi bhuttaṃ na sammā pariṇāmaṃ gacchati, uccāropi passāvopi na paguṇo; imināyaṃ kiso lūkho dubbaṇṇo uppaṇḍuppaṇḍukajāto dhamanisanthatagatto’ti. Antagaṇṭhiṃ viniveṭhetvā antāni paṭipavesetvā udaracchaviṃ sibbitvā ālepaṃ adāsi. Atha kho bārāṇaseyyako seṭṭhiputto nacirasseva arogo ahosi. Atha kho bārāṇaseyyako seṭṭhi ‘putto me arogo ṭhito’ti [arogāpitoti (sī.)] jīvakassa komārabhaccassa soḷasasahassāni pādāsi. Atha kho jīvako komārabhacco tāni soḷasasahassāni ādāya punadeva rājagahaṃ paccāgañchi.

Seṭṭhiputtavatthu niṭṭhitam.

207. Pajjotarājavatthu

334. Tena kho pana samayena rañño [ujjeniyam rañño (syā.)] pajjotassa paṇḍurogābādho hoti. Bahū mahantā mahantā disāpāmokkhā vejjā āgantvā nāsakkhiṃsu arogaṃ kātuṃ. Bahuṃ hiraññaṃ ādāya agamaṃsu. Atha kho rājā pajjoto rañño māgadhaṃ seniyassa bimbisārassa santike dūtaṃ pāhesi – “mayhaṃ kho tādiso ābādho, sādhu devo jīvakaṃ vejjaṃ āṇāpetu, so maṃ tikicchissatī”ti. Atha kho rājā māgadho seniyo bimbisāro jīvakaṃ komārabhaccaṃ āṇāpesi – “gaccha, bhaṇe jīvaka; ujjeniṃ gantvā rājānaṃ pajjotaṃ tikicchāhī”ti. “Evaṃ, devā”ti kho jīvako komārabhacco rañño māgadhaṃ seniyassa bimbisārassa paṭissutvā ujjeniṃ gantvā yena rājā pajjoto tenupasaṅkami; upasaṅkamitvā rañño pajjotassa vikāraṃ sallakkhetvā rājānaṃ pajjotaṃ etadavoca – “sappiṃ dehi [idaṃ padadvayaṃ sī. syā. potthakesu natthi], sappiṃ deva, nippacissāmi. Taṃ devo pivissatī”ti. “Alaṃ, bhaṇe jīvaka, yaṃ te sakkā vinā sappinā arogaṃ kātuṃ taṃ karohi. Jegucchaṃ me sappi, paṭikūla”nti. Atha kho jīvakassa komārabhaccassa etadahosi – “imassa kho rañño tādiso ābādho, na sakkā vinā sappinā arogaṃ kātuṃ. Yaṃnūnāhaṃ sappiṃ nippaceyyaṃ kasāvavaṇṇaṃ kasāvagandhaṃ kasāvarasa”nti. Atha kho jīvako komārabhacco nānābhesajjehi sappiṃ nippaci kasāvavaṇṇaṃ kasāvagandhaṃ kasāvarasaṃ. Atha kho jīvakassa komārabhaccassa etadahosi – “imassa kho rañño sappi pītaṃ pariṇāmetaṃ uddekaṃ dassati. Caṇḍoyaṃ rājā ghātāpeyyāpi maṃ. Yaṃnūnāhaṃ paṭikacceva āpuccheyya”nti. Atha kho jīvako komārabhacco yena rājā pajjoto tenupasaṅkami, upasaṅkamitvā rājānaṃ pajjotaṃ etadavoca – “mayhaṃ kho, deva, vejjā nāma tādisena muhuttena mūlāni uddharāma bhesajjāni saṃharāma. Sādhu devo vāhanāgāresu ca dvāresu ca āṇāpetu – yena vāhanena jīvako icchatī tena vāhanena gacchatu, yena dvārena icchatī tena dvārena gacchatu, yaṃ kālaṃ icchatī taṃ kālaṃ gacchatu, yaṃ kālaṃ icchatī taṃ kālaṃ pavissatī”ti. Atha kho rājā pajjoto vāhanāgāresu ca dvāresu ca āṇāpesi – “yena vāhanena jīvako icchatī tena vāhanena gacchatu, yena dvārena icchatī tena dvārena gacchatu, yaṃ kālaṃ icchatī taṃ kālaṃ gacchatu, yaṃ kālaṃ icchatī taṃ kālaṃ pavissatī”ti.

Tena kho pana samayena rañño pajjotassa bhaddavatikā nāma hatthinikā paññāsayojanikā hoti. Atha kho jīvako komārabhacco rañño pajjotassa sappiṃ [taṃ sappiṃ (syā.)] upanāmesi – “kasāvaṃ devo pivatū”ti. Atha kho jīvako komārabhacco rājānaṃ pajjotaṃ sappiṃ pāyevā hatthisālaṃ gantvā bhaddavatikāya hatthinikāya nagaramhā nippati.

Atha kho rañño pajjotassa taṃ sappi pītaṃ pariṇāmetaṃ uddekaṃ adāsi. Atha kho rājā pajjoto manusse etadavoca – “duṭṭhena, bhaṇe, jīvakena sappiṃ pāyitoṃhi. Tena hi, bhaṇe, jīvakaṃ vejjaṃ vicinathā”ti. “Bhaddavatikāya, deva, hatthinikāya nagaramhā nippatīti”ti. Tena kho pana samayena rañño pajjotassa kāko nāma dāso saṭṭhiyojaniko hoti, amanussena paṭicca jāto. Atha kho rājā pajjoto kākaṃ dāsaṃ āṇāpesi – “gaccha, bhaṇe kāka, jīvakaṃ vejjaṃ nivattehi – rājā taṃ, ācariya, nivattāpetīti. Ete kho, bhaṇe kāka, vejjā nāma bahumāyā. Mā cassa kiñci paṭiggahesī”ti.

Atha kho kāko dāso jīvakaṃ komārabhaccaṃ antarāmagge kosambiyam sambhāvesi

Pātarāsaṃ karontaṃ. Atha kho kāko dāso jīvakaṃ komārabhaccaṃ etadavoca – “rājā taṃ, ācariya, nivattāpetī”ti. “Āgamehi, bhaṇe kāka, yāva bhuñjāma [bhuñjāmi (sī. syā.)]. Handa, bhaṇe kāka, bhuñjassū”ti. “Alaṃ, ācariya, raññāmi āṇatto – ete kho, bhaṇe kāka, vejjā nāma bahumāyā, mā cassa kiñci paṭiggahesī”ti. Tena kho pana samayena jīvako komārabhacco nakkena bhesajjaṃ olumpetvā āmalakaṇca khādati pānīyaṇca pivati. Atha kho jīvako komārabhacco kākaṃ dāsaṃ etadavoca – “handa, bhaṇe kāka, āmalakaṇca khāda pānīyaṇca pivassū”ti. Atha kho kāko dāso – ayaṃ kho vejjo āmalakaṇca khādati pānīyaṇca pivati, na arahati kiñci pāpakaṃ hotunti – upaḍḍhāmalakaṇca khādi pānīyaṇca apāyī. Tassa taṃ upaḍḍhāmalakaṃ khāditaṃ tattheva nicchāresi. Atha kho kāko dāso jīvakaṃ komārabhaccaṃ etadavoca – “atthi me, ācariya, jīvita”nti? “Mā, bhaṇe kāka, bhāyī, tvaṃ ceva aroga bhavissasi rājā ca. Caṇḍo so rājā ghātāpeyyāpi maṃ, tenāhaṃ na nivattāmi”ti bhaddavatikaṃ hatthinikaṃ kākassa niyyādetvā yena rājagahaṃ tena pakkāmi. Anupubbena yena rājā māgadho seniyo bimbisāro tenupasaṅkami; upasaṅkamitvā rañño māgadhaṃ seniyassa bimbisārassa etamatthaṃ

ārocesi. “Suṭṭhu, bhaṇe jīvaka, akāsi yampi na nivatto, caṇḍo so rājā ghātāpeyyāpi ta’nti. Atha kho rājā pajjoto arogo samāno jīvakassa komārabhaccassa santike dūtaṃ pāhesi – “āgacchatu jīvako, varam dassāmi”ti. “Alaṃ, ayyo [deva (syā.)], adhikāraṃ me devo saratū”ti.

Pajjotarājavatthu niṭṭhitam.

208. Siveyyakadussayugakathā

335. Tena kho pana samayena rañño pajjotassa siveyyakaṃ dussayugaṃ uppannaṃ hoti – bahūnaṃ [bahunnaṃ (sī. syā.)] dussānaṃ bahūnaṃ dussayugānaṃ bahūnaṃ dussayugasatānaṃ bahūnaṃ dussayugasahassānaṃ bahūnaṃ dussayugasatasahassānaṃ aggañca seṭṭhañca mokkhañca uttamañca pavarañca. Atha kho rājā pajjoto taṃ siveyyakaṃ dussayugaṃ jīvakassa komārabhaccassa pāhesi. Atha kho jīvakassa komārabhaccassa etadahosi – “idaṃ kho me siveyyakaṃ dussayugaṃ rañña pajjotena pahitaṃ – bahūnaṃ dussānaṃ bahūnaṃ dussayugānaṃ bahūnaṃ dussayugasatānaṃ bahūnaṃ dussayugasahassānaṃ bahūnaṃ dussayugasatasahassānaṃ aggañca seṭṭhañca mokkhañca uttamañca pavarañca. Nayidaṃ aṅño koci paccārahati aṅñatra tena bhagavatā arahatā sammāsambuddhena, rañña vā māgadhenā seniyena bimbisārenā”ti.

Siveyyakadussayugakathā niṭṭhitā.

209. Samattiṃsavirecanakathā

336. Tena kho pana samayena bhagavato kāyo dosābhisanno hoti. Atha kho bhagavā āyasmantaṃ ānandaṃ āmantesi – “dosābhisanno kho, ānanda, tathāgatassa kāyo. Icchati tathāgato virecanaṃ pātu”nti. Atha kho āyasmā ānando yena jīvako komārabhacco tenupasaṅkami; upasaṅkamitvā jīvakaṃ komārabhaccaṃ etadavoca – “dosābhisanno kho, āvuso jīvaka, tathāgatassa kāyo. Icchati tathāgato virecanaṃ pātu”nti. “Tena hi, bhante ānanda, bhagavato kāyaṃ katipāhaṃ sinehethā”ti. Atha kho āyasmā ānando bhagavato kāyaṃ katipāhaṃ sinehetvā yena jīvako komārabhacco tenupasaṅkami; upasaṅkamitvā jīvakaṃ komārabhaccaṃ etadavoca – “siniddho kho, āvuso jīvaka, tathāgatassa kāyo. Yassa dāni kālaṃ maññasi”ti. Atha kho jīvakassa komārabhaccassa etadahosi – “na kho metaṃ patirūpaṃ yohaṃ bhagavato oḷārikaṃ virecanaṃ dadeyya”nti. Tīṇi uppalahatthāni nānābhesajjehi paribhāvetvā yena bhagavā tenupasaṅkami, upasaṅkamitvā ekaṃ uppalahatthaṃ bhagavato upanāmesi – “imaṃ, bhante, bhagavā paṭhamaṃ uppalahatthaṃ upasiṅghatu. Idaṃ bhagavantaṃ dasakkhattuṃ virecessatī”ti. Dutiyaṃ uppalahatthaṃ bhagavato upanāmesi – “imaṃ, bhante, bhagavā dutiyaṃ uppalahatthaṃ upasiṅghatu. Idaṃ bhagavantaṃ dasakkhattuṃ virecessatī”ti. Tatiyaṃ uppalahatthaṃ bhagavato upanāmesi – “imaṃ, bhante, bhagavā tatiyaṃ uppalahatthaṃ upasiṅghatu. Idaṃ bhagavantaṃ dasakkhattuṃ virecessatī”ti. Evaṃ bhagavato samattiṃsāya virecanaṃ bhavissatīti. Atha kho jīvako komārabhacco bhagavato samattiṃsāya virecanaṃ datvā bhagavantaṃ abhivādetvā padakkhiṇaṃ katvā pakkāmi. Atha kho jīvakassa komārabhaccassa bahi dvārakoṭṭhakā nikkhantassa etadahosi – “mayā kho bhagavato samattiṃsāya virecanaṃ dinnam. Dosābhisanno tathāgatassa kāyo. Na bhagavantaṃ samattiṃsakkhattuṃ virecessati, ekūnattiṃsakkhattuṃ bhagavantaṃ virecessati. Api ca, bhagavā viritto nahāyissati. Nahātaṃ bhagavantaṃ sakim virecessati. Evaṃ bhagavato samattiṃsāya virecanaṃ bhavissatī”ti.

Atha kho bhagavā jīvakassa komārabhaccassa cetasā cetoparivitakkamaññāya āyasmantaṃ ānandaṃ āmantesi – “idhānanda, jīvakassa komārabhaccassa bahi dvārakoṭṭhakā nikkhantassa etadahosi – ‘mayā kho bhagavato samattiṃsāya virecanaṃ dinnam. Dosābhisanno tathāgatassa kāyo. Na bhagavantaṃ samattiṃsakkhattuṃ virecessati, ekūnattiṃsakkhattuṃ bhagavantaṃ virecessati. Api ca, bhagavā viritto nahāyissati. Nahātaṃ bhagavantaṃ sakim virecessati. Evaṃ bhagavato samattiṃsāya virecanaṃ bhavissatī”ti. Tena hānanda, uṇhodakaṃ paṭiyādehī”ti. “Evaṃ, bhante”ti kho āyasmā ānando bhagavato paṭissuṇitvā uṇhodakaṃ paṭiyādesi.

Atha kho jīvako komārabhacco yena bhagavā tenupasaṅkami, upasaṅkamitvā bhagavantam abhivādetvā ekamantaṃ nisīdi. Ekamantaṃ nisinno kho jīvako komārabhacco bhagavantam etadavoca – “viritto, bhante, bhagavā”ti? “Virittomhi, jīvaka”ti. Idha mayham, bhante, bahi dvārakoṭṭhakā nikkhantassa etadahosi – “mayā kho bhagavato samattiṃsāya virecanaṃ dinnam. Dosābhisanno tathāgatassa kāyo. Na bhagavantam samattiṃsakkhattum virecessati, ekūnattiṃsakkhattum bhagavantam virecessati. Api ca, bhagavā viritto nahāyissati. Nahātam bhagavantam sakim virecessati. Evaṃ bhagavato samattiṃsāya virecanaṃ bhavissati”ti. Nahāyatu, bhante, bhagavā, nahāyatu sugatoti. Atha kho bhagavā uṇhodakam nahāyi. Nahātam bhagavantam sakim virecesi. Evaṃ bhagavato samattiṃsāya virecanaṃ ahosi. Atha kho jīvako komārabhacco bhagavantam etadavoca – “yāva, bhante, bhagavato kāyo pakatatto hoti, alam [aham tāva yūsapiṇṇapātenāti (sī.), alam yūsapiṇṇakenāti (syā.)] yūsapiṇṇapātenā”ti.

Samattiṃsavirecanakathā niṭṭhitā.

210. Varayācanākathā

337. Atha kho bhagavato kāyo nacirasseva pakatatto ahosi. Atha kho jīvako komārabhacco tam siveyyakam dussayugam ādāya yena bhagavā tenupasaṅkami, upasaṅkamitvā bhagavantam abhivādetvā ekamantaṃ nisīdi. Ekamantaṃ nisinno kho jīvako komārabhacco bhagavantam etadavoca – “ekāham, bhante, bhagavantam varam yācāmi”ti. “Atikkantavarā kho, jīvaka, tathāgatā”ti. “Yāñca, bhante, kappati yañca anavajja”nti. “Vadehi, jīvaka”ti. “Bhagavā, bhante, paṃsukūliko, bhikkhusaṅgho ca. Idam me, bhante, siveyyakam dussayugam raññā pajjotena pahitam – bahūnam dussānam bahūnam dussayugānam bahūnam dussayugasatānam bahūnam dussayugasahassānam bahūnam dussayugasatasahassānam aggañca seṭṭhañca mokkhañca uttamañca pavarañca. Paṭiggaṇhātu me, bhante, bhagavā siveyyakam dussayugam; bhikkhusaṅghassa ca gahapaticivaram anujānātū”ti. Paṭiggahesi bhagavā siveyyakam dussayugam. Atha kho bhagavā jīvakaṃ komārabhaccaṃ dhammiyā kathāya sandassesī samādapesī samuttejesī sampahaṃsesī. Atha kho jīvako komārabhacco bhagavatā dhammiyā kathāya sandassito samādapito samuttejito sampahaṃsīto uṭṭhāyāsānā bhagavantam abhivādetvā padakkhiṇam katvā pakkāmi. Atha kho bhagavā etasmiṃ nidāne etasmiṃ pakaraṇe dhammiṃ katham katvā bhikkhū āmantesī – “anujānāmi, bhikkhave, gahapaticivaram. Yo icchati, paṃsukūliko hotu. Yo icchati, gahapaticivaram sādīyatu. Itarītarenapāham [paham (sī.), cāham (syā.)], bhikkhave, santuṭṭhim vaṇṇemī”ti.

Assosum kho rājagahe manussā – “bhagavatā kira bhikkhūnam gahapaticivaram anuññāta”nti. Te ca manussā haṭṭhā ahesum udaggā “idāni kho mayaṃ dānāni dassāma puññāni karissāma, yato bhagavatā bhikkhūnam gahapaticivaram anuññāta”nti. Ekāheneva rājagahe bahūni cīvarasahassāni uppajjimsu.

Assosum kho jānapadā manussā – “bhagavatā kira bhikkhūnam gahapaticivaram anuññāta”nti. Te ca manussā haṭṭhā ahesum udaggā – “idāni kho mayaṃ dānāni dassāma puññāni karissāma, yato bhagavatā bhikkhūnam gahapaticivaram anuññāta”nti. Janapadepi ekāheneva bahūni cīvarasahassāni uppajjimsu.

Tena kho pana samayena saṅghassa pāvāro uppanno hoti. Bhagavato etamattham ārocesum. Anujānāmi, bhikkhave, pāvāranti.

Koseyyapāvāro uppanno hoti. Bhagavato etamattham ārocesum. Anujānāmi, bhikkhave, koseyyapāvāranti.

Kojavam uppannam hoti. Bhagavato etamattham ārocesum. Anujānāmi, bhikkhave, kojavanti.

Varayācanākathā niṭṭhitā.

Paṭhamabhāṇavāro niṭṭhito.

211. Kambalānujānanādikathā

338. Tena kho pana samayena kāsirājā jīvakkassa komārabhaccassa aḍḍhakāsikaṃ kambalaṃ pāhesi upaḍḍhakāsinaṃ khamamānaṃ. Atha kho jīvako komārabhacco taṃ aḍḍhakāsikaṃ kambalaṃ ādāya yena bhagavā tenupasaṅkami, upasaṅkamtīvā bhagavantam abhivādetvā ekamantaṃ nisīdi. Ekamantaṃ nisinno kho jīvako komārabhacco bhagavantam etadavoca – “ayaṃ me, bhante, aḍḍhakāsiko kambalo kāsiraññā pahito upaḍḍhakāsinaṃ khamamāno. Paṭiggaṇhātu me, bhante, bhagavā kambalaṃ, yaṃ mamassa dīgharattaṃ hitāya sukhāyā”ti. Paṭiggahesi bhagavā kambalaṃ. Atha kho bhagavā jīvakaṃ komārabhaccaṃ dhammiyā kathāya sandassesī...pe... padakkhiṇaṃ katvā pakkāmi. Atha kho bhagavā etasmiṃ nidāne etasmiṃ pakaraṇe dhammiṃ kathaṃ katvā bhikkhū āmantesi – “anujānāmi, bhikkhave, kambala”nti.

339. Tena kho pana samayena saṅghassa uccāvacāni cīvarāni uppannāni honti. Atha kho bhikkhūnaṃ etadahosi – “kiṃ nu kho bhagavatā cīvaraṃ anuññātaṃ, kiṃ ananuññāta”nti? Bhagavato etamatthaṃ ārocesuṃ. Anujānāmi, bhikkhave, cha cīvarāni – khomaṃ kappāsikaṃ koseyyaṃ kambalaṃ sāṇaṃ bhaṅganti.

340. Tena kho pana samayena ye te bhikkhū gahapaticīvaraṃ sādīyanti te kukkuccāyantā paṃsukūlaṃ na sādīyanti – ekamyeva bhagavatā cīvaraṃ anuññātaṃ, na dveti. Bhagavato etamatthaṃ ārocesuṃ. Anujānāmi, bhikkhave, gahapaticīvaraṃ sādīyantena paṃsukūlampi sādīyituṃ; tadubhayenapāhaṃ, bhikkhave, santuṭṭhiṃ vaṇṇemīti.

Kambalānujānanādikathā niṭṭhitā.

212. Paṃsukūlapariyesanakathā

341. Tena kho pana samayena sambahulā bhikkhū kosalesu janapade addhānamaggappaṭipannā honti. Ekacce bhikkhū susānaṃ okkamīṃsu paṃsukūlāya, ekacce bhikkhū nāgamesuṃ. Ye te bhikkhū susānaṃ okkamīṃsu paṃsukūlāya te paṃsukūlāni labhiṃsu. Ye te bhikkhū nāgamesuṃ te evamāhaṃsu – “amhākampi, āvuso, bhāgaṃ dethā”ti. Te evamāhaṃsu – “na mayaṃ, āvuso, tumhākaṃ bhāgaṃ dassāma. Kissa tumhe nāgamitthā”ti? Bhagavato etamatthaṃ ārocesuṃ. Anujānāmi, bhikkhave, nāgantānaṃ nākāmā bhāgaṃ dātunti.

Tena kho pana samayena sambahulā bhikkhū kosalesu janapade addhānamaggappaṭipannā honti. Ekacce bhikkhū susānaṃ okkamīṃsu paṃsukūlāya, ekacce bhikkhū āgamesuṃ. Ye te bhikkhū susānaṃ okkamīṃsu paṃsukūlāya te paṃsukūlāni labhiṃsu. Ye te bhikkhū āgamesuṃ te evamāhaṃsu – “amhākampi, āvuso, bhāgaṃ dethā”ti. Te evamāhaṃsu – “na mayaṃ, āvuso, tumhākaṃ bhāgaṃ dassāma. Kissa tumhe na okkamitthā”ti? Bhagavato etamatthaṃ ārocesuṃ. Anujānāmi, bhikkhave, āgantānaṃ akāmā bhāgaṃ dātunti.

Tena kho pana samayena sambahulā bhikkhū kosalesu janapade addhānamaggappaṭipannā honti. Ekacce bhikkhū paṭhamaṃ susānaṃ okkamīṃsu paṃsukūlāya, ekacce bhikkhū pacchā okkamīṃsu. Ye te bhikkhū paṭhamaṃ susānaṃ okkamīṃsu paṃsukūlāya te paṃsukūlāni labhiṃsu. Ye te bhikkhū pacchā okkamīṃsu te na labhiṃsu. Te evamāhaṃsu – “amhākampi, āvuso, bhāgaṃ dethā”ti. Te evamāhaṃsu – “na mayaṃ, āvuso, tumhākaṃ bhāgaṃ dassāma. Kissa tumhe pacchā okkamitthā”ti? Bhagavato etamatthaṃ ārocesuṃ. Anujānāmi, bhikkhave, pacchā okkantānaṃ nākāmā bhāgaṃ dātunti.

Tena kho pana samayena sambahulā bhikkhū kosalesu janapade addhānamaggappaṭipannā honti. Te sadisā susānaṃ okkamiṃsu paṃsukūlāya. Ekacce bhikkhū paṃsukūlāni labhiṃsu, ekacce bhikkhū na labhiṃsu. Ye te bhikkhū na labhiṃsu, te evamāhaṃsu – “amhākampi, āvuso, bhāgaṃ dethā”’ti. Te evamāhaṃsu – “na mayaṃ, āvuso, tumhākaṃ bhāgaṃ dassāma. Kissa tumhe na labhitthā”’ti? Bhagavato etamatthaṃ ārocesuṃ. Anujānāmi, bhikkhave, sadisānaṃ okkantānaṃ akāmā bhāgaṃ dātunti.

Tena kho pana samayena sambahulā bhikkhū kosalesu janapade addhānamaggappaṭipannā honti. Te katikaṃ katvā susānaṃ okkamiṃsu paṃsukūlāya. Ekacce bhikkhū paṃsukūlāni labhiṃsu, ekacce bhikkhū na labhiṃsu. Ye te bhikkhū na labhiṃsu te evamāhaṃsu – “amhākampi, āvuso, bhāgaṃ dethā”’ti. Te evamāhaṃsu – “na mayaṃ, āvuso, tumhākaṃ bhāgaṃ dassāma. Kissa tumhe na labhitthā”’ti? Bhagavato etamatthaṃ ārocesuṃ. Anujānāmi, bhikkhave, katikaṃ katvā okkantānaṃ akāmā bhāgaṃ dātunti.

Paṃsukūlapariyesanakathā niṭṭhitā.

213. Cīvarapaṭiggāhakasammutikathā

342. Tena kho pana samayena manussā cīvaraṃ ādāya ārāmaṃ āgacchanti. Te paṭiggāhakaṃ alabhamānā paṭiharanti. Cīvaraṃ parittaṃ uppajjati. Bhagavato etamatthaṃ ārocesuṃ. Anujānāmi, bhikkhave, pañcahaṅgehi samannāgataṃ bhikkhuṃ cīvarapaṭiggāhakaṃ sammannituṃ – yo na chandāgatiṃ gaccheyya, na dosāgatiṃ gaccheyya, na mohāgatiṃ gaccheyya, na bhayāgatiṃ gaccheyya, gahitāgahitañca jāneyya. Evañca pana, bhikkhave, sammannitabbo. Paṭhamam bhikkhu yācitabbo; yācitvā byattena bhikkhunā paṭibalena saṅho ñāpetabbo –

“Suṇātu me, bhante, saṅho. Yadi saṅghassa pattakallaṃ saṅho itthannāmaṃ bhikkhuṃ cīvarapaṭiggāhakaṃ sammanneyya. Esā ñatti.

“Suṇātu me, bhante, saṅho. Saṅho itthannāmaṃ bhikkhuṃ cīvarapaṭiggāhakaṃ sammannati. Yassāyasmato khamati itthannāmassa bhikkhuno cīvarapaṭiggāhakassa sammuti, so tuṅhassa; yassa nakkhamati, so bhāseyya.

“Sammato saṅghena itthannāmo bhikkhu cīvarapaṭiggāhako. Khamati saṅghassa, tasmā tuṅhī, evametaṃ dhārayāmi”’ti.

Tena kho pana samayena cīvarapaṭiggāhakā bhikkhū cīvaraṃ paṭiggahetvā tattheva ujjhitvā pakkamanti. Cīvaraṃ nassati. Bhagavato etamatthaṃ ārocesuṃ. Anujānāmi, bhikkhave, pañcahaṅgehi samannāgataṃ bhikkhuṃ cīvaranidahakaṃ sammannituṃ – yo na chandāgatiṃ gaccheyya, na dosāgatiṃ gaccheyya, na mohāgatiṃ gaccheyya, na bhayāgatiṃ gaccheyya, nihitānihitañca jāneyya. Evañca pana, bhikkhave, sammannitabbo. Paṭhamam bhikkhu yācitabbo; yācitvā byattena bhikkhunā paṭibalena saṅho ñāpetabbo –

“Suṇātu me, bhante, saṅho. Yadi saṅghassa pattakallaṃ, saṅho itthannāmaṃ bhikkhuṃ cīvaranidahakaṃ sammanneyya. Esā ñatti. “Suṇātu me, bhante, saṅho. Saṅho itthannāmaṃ bhikkhuṃ cīvaranidahakaṃ sammannati. Yassāyasmato khamati itthannāmassa bhikkhuno cīvaranidahakassa sammuti, so tuṅhassa; yassa nakkhamati, so bhāseyya.

“Sammato saṅghena itthannāmo bhikkhu cīvaranidahako. Khamati saṅghassa, tasmā tuṅhī, evametaṃ dhārayāmi”’ti.

Cīvarapaṭiggāhakasammutikathā niṭṭhitā.

214. Bhaṇḍāgārasammutiādīkathā

343. Tena kho pana samayena cīvaranidahako bhikkhu maṇḍapepi rukkhamūlepi nibbakosepi cīvaraṃ nidahati, undūrehipi upacikāhipi khajjanti. Bhagavato etamatthaṃ ārocesuṃ. Anujānāmi, bhikkhave, bhaṇḍāgāraṃ sammannituṃ, yaṃ saṅgho ākaṅkhati vihāraṃ vā aḍḍhayogaṃ vā pāsādaṃ vā hammiyaṃ vā guhaṃ vā. Evañca pana, bhikkhave, sammannitabbo. Byattena bhikkhunā paṭibalena saṅgho ñāpetabbo –

“Suṇātu me, bhante, saṅgho. Yadi saṅghassa pattakallaṃ, saṅgho itthannāmaṃ vihāraṃ bhaṇḍāgāraṃ sammanneyya. Esā ñatti.

“Suṇātu me, bhante, saṅgho. Saṅgho itthannāmaṃ vihāraṃ bhaṇḍāgāraṃ sammannati. Yassāyasmato khamati itthannāmassa vihārassa bhaṇḍāgārassa sammuti, so tuṅhassa; yassa nakkhamati, so bhāseyya.

“Sammato saṅghena itthannāmo vihāro bhaṇḍāgāraṃ. Khamati saṅghassa, tasmā tuṅhī, evametaṃ dhārayāmi”’ti.

Tena kho pana samayena saṅghassa bhaṇḍāgāre cīvaraṃ aguttaṃ hoti. Bhagavato etamatthaṃ ārocesuṃ. Anujānāmi, bhikkhave, pañcahaṅgehi samannāgataṃ bhikkhuṃ bhaṇḍāgārikaṃ sammannituṃ – yo na chandāgatiṃ gaccheyya, na dosāgatiṃ gaccheyya, na mohāgatiṃ gaccheyya, na bhayāgatiṃ gaccheyya, guttāguttañca jāneyya. Evañca pana, bhikkhave, sammannitabbo. Paṭhamaṃ bhikkhu yācitabbo; yācitvā byattena bhikkhunā paṭibalena saṅgho ñāpetabbo –

“Suṇātu me, bhante, saṅgho. Yadi saṅghassa pattakallaṃ, saṅgho itthannāmaṃ bhikkhuṃ bhaṇḍāgārikaṃ sammanneyya. Esā ñatti.

“Suṇātu me, bhante, saṅgho. Saṅgho itthannāmaṃ bhikkhuṃ bhaṇḍāgārikaṃ sammannati. Yassāyasmato khamati itthannāmassa bhikkhuno bhaṇḍāgārikassa sammuti, so tuṅhassa; yassa nakkhamati, so bhāseyya.

“Sammato saṅghena itthannāmo bhikkhu bhaṇḍāgāriko. Khamati saṅghassa, tasmā tuṅhī, evametaṃ dhārayāmi”’ti.

Tena kho pana samayena chabbaggiyā bhikkhū bhaṇḍāgārikaṃ vuṭṭhāpentī. Bhagavato etamatthaṃ ārocesuṃ. Na, bhikkhave, bhaṇḍāgāriko vuṭṭhāpetabbo. Yo vuṭṭhāpeyya, āpatti dukkaṭassāti.

Tena kho pana samayena saṅghassa bhaṇḍāgāre cīvaraṃ ussannaṃ hoti. Bhagavato etamatthaṃ ārocesuṃ. Anujānāmi, bhikkhave, sammukhībhūtena saṅghena bhājetunti.

Tena kho pana samayena saṅgho cīvaraṃ bhājento kolāhalaṃ akāsi. Bhagavato etamatthaṃ ārocesuṃ. Anujānāmi, bhikkhave, pañcahaṅgehi samannāgataṃ bhikkhuṃ cīvarabhājakaṃ sammannituṃ – yo na chandāgatiṃ gaccheyya, na dosāgatiṃ gaccheyya, na mohāgatiṃ gaccheyya, na bhayāgatiṃ gaccheyya, bhājitābhājitañca jāneyya. Evañca pana, bhikkhave, sammannitabbo. Paṭhamaṃ bhikkhu yācitabbo; yācitvā byattena bhikkhunā paṭibalena saṅgho ñāpetabbo –

“Suṇātu me, bhante, saṅgho. Yadi saṅghassa pattakallaṃ, saṅgho itthannāmaṃ bhikkhuṃ cīvarabhājakaṃ sammanneyya. Esā ñatti.

“Suṇātu me, bhante, saṅgho. Saṅgho itthannāmaṃ bhikkhuṃ cīvarabhājakaṃ sammannati. Yassāyasmato khamati itthannāmassa bhikkhuno cīvarabhājakassa sammuti, so tuṅhassa; yassa

nakkhamati, so bhāseyya.

“Sammato saṅghena itthannāmo bhikkhu cīvarabhājako. Khamati saṅghassa, tasmā tuṅhī, evametaṃ dhārayāmī”’ti.

Atha kho cīvarabhājakānaṃ bhikkhūnaṃ etadahosi – “kathaṃ nu kho cīvaraṃ bhājetabba”’nti? Bhagavato etamatthaṃ ārocesuṃ. Anujānāmi, bhikkhave, paṭhamaṃ uccinitvā tulayitvā vaṇṇavaṇṇaṃ katvā bhikkhū gaṇetvā vaggamā bandhitvā cīvarapaṭivīsaṃ ṭhapetuntī.

Atha kho cīvarabhājakānaṃ bhikkhūnaṃ etadahosi – “kathaṃ nu kho sāmaṇerānaṃ cīvarapaṭivīso dātabbo”’ti? Bhagavato etamatthaṃ ārocesuṃ. Anujānāmi, bhikkhave, sāmaṇerānaṃ upaḍḍhapaṭivīsaṃ dātuntī.

Tena kho pana samayena aññataro bhikkhu sakena bhāgena uttaritukāmo hoti. Bhagavato etamatthaṃ ārocesuṃ. Anujānāmi, bhikkhave, uttarantassa sakaṃ bhāgaṃ dātuntī.

Tena kho pana samayena aññataro bhikkhu atirekabhāgena uttaritukāmo hoti. Bhagavato etamatthaṃ ārocesuṃ. Anujānāmi, bhikkhave, anukkhepe dinne atirekabhāgaṃ dātuntī.

Atha kho cīvarabhājakānaṃ bhikkhūnaṃ etadahosi – “kathaṃ nu kho cīvarapaṭivīso dātabbo, āgatapaṭipāṭiyā [āgatāgatapaṭipāṭiyā (ka.)] nu kho udāhu yathāvuḍḍha”’nti? Bhagavato etamatthaṃ ārocesuṃ. Anujānāmi, bhikkhave, vikalake tosetvā kusapātaṃ kātuntī.

Bhaṇḍāgārasammutiādīkathā niṭṭhitā.

215. Cīvararajanakathā

344. Tena kho pana samayena bhikkhū chakaṇenapī paṇḍumattikāyapī cīvaraṃ rajanti. Cīvaraṃ dubbaṇṇaṃ hoti. Bhagavato etamatthaṃ ārocesuṃ. Anujānāmi, bhikkhave, cha rajanāni – mūlarajanaṃ, khandharajanaṃ, tacarajanaṃ, pattarajanaṃ, puppharajanaṃ, phalarajanaṃ.

Tena kho pana samayena bhikkhū sītudakāya [sītundikāya (sī.), sītūdakāya (syā.)] cīvaraṃ rajanti. Cīvaraṃ duggandhaṃ hoti. Bhagavato etamatthaṃ ārocesuṃ. Anujānāmi, bhikkhave, rajanaṃ pacituṃ cullaṃ rajanakumbhanti. Rajanaṃ uttariyati. Bhagavato etamatthaṃ ārocesuṃ. Anujānāmi, bhikkhave, uttarālupamaṃ [uttarālupamaṃ (yojanā), uttarālupamaṃ (syā.)] bandhituntī.

Tena kho pana samayena bhikkhū na jānanti rajanaṃ pakkaṃ vā apakkaṃ vā. Bhagavato etamatthaṃ ārocesuṃ. Anujānāmi, bhikkhave, udake vā nakhapitṭhikāya vā thevakaṃ dātuntī.

Tena kho pana samayena bhikkhū rajanaṃ oropentā kumbhiṃ āviñchanti [āviñjanti (sī.), āvaṭṭanti (syā.)]. Kumbhī bhijjati. Bhagavato etamatthaṃ ārocesuṃ. Anujānāmi, bhikkhave, rajanulūnkaṃ [rajanāluṅkaṃ (yojanā)] daṇḍakathālakanti.

Tena kho pana samayena bhikkhūnaṃ rajanabhājanaṃ na saṃvijjati. Bhagavato etamatthaṃ ārocesuṃ. Anujānāmi, bhikkhave, rajanakolambaṃ rajanaghaṭanti.

Tena kho pana samayena bhikkhū pāṭiyāpī pattepi cīvaraṃ omaddanti. Cīvaraṃ paribhijjati. Bhagavato etamatthaṃ ārocesuṃ. Anujānāmi, bhikkhave, rajanadoṇikanti.

Tena kho pana samayena bhikkhū chamāya cīvaraṃ pattharanti. Cīvaraṃ paṃsukitaṃ hoti.

Bhagavato etamatthaṃ ārocesuṃ. Anujānāmi, bhikkhave, tiṇasantthārahakanti.

Tiṇasantthārahako upacikāhi khajjati. Bhagavato etamatthaṃ ārocesuṃ. Anujānāmi, bhikkhave, cīvaravaṃsaṃ cīvararajjuntī.

Majjhena laggenti. Rajanaṃ ubhato galati. Bhagavato etamatthaṃ ārocesuṃ. Anujānāmi, bhikkhave, kaṇṇe bandhituntī.

Kaṇṇo jīrati. Bhagavato etamatthaṃ ārocesuṃ. Anujānāmi, bhikkhave, kaṇṇasuttakanti.

Rajanaṃ ekato galati. Bhagavato etamatthaṃ ārocesuṃ. Anujānāmi, bhikkhave, samparivattakaṃ samparivattakaṃ rajetuṃ, na ca acchinne theve pakkamituntī.

Tena kho pana samayena cīvaraṃ patthinnaṃ hoti. Bhagavato etamatthaṃ ārocesuṃ. Anujānāmi, bhikkhave, udaye osāretuntī.

Tena kho pana samayena cīvaraṃ pharusaṃ hoti. Bhagavato etamatthaṃ ārocesuṃ. Anujānāmi, bhikkhave, paṇinā ākoṭetuntī.

Tena kho pana samayena bhikkhū acchinnakāni cīvarāni dhārenti dantakāsāvāni. Manussā ujjhāyanti khiyyanti vipācenti – seyyathāpi nāma [seyyathāpi (?)] gihī kāmabhoginoti. Bhagavato etamatthaṃ ārocesuṃ. Na, bhikkhave, acchinnakāni cīvarāni dhāretabbāni. Yo dhāreyya, āpatti dukkaṭṭassāti.

Cīvararajanakathā niṭṭhitā.

216. Chinnakacīvarānujānanā

345. Atha kho bhagavā rājagahe yathābhirantaṃ viharitvā yena dakkhiṇāgiri tena cārikaṃ pakkāmi. Addasā kho bhagavā magadhakhettaṃ acchibaddhaṃ [accibaddhaṃ (sī. syā.), acchibandhaṃ (ka.)] pāḷibaddhaṃ mariyādabaddhaṃ siṅghāṭakabaddhaṃ, disvāna āyasmantaṃ ānandaṃ āmantesi – “passasi no tvaṃ, ānanda, magadhakhettaṃ acchibaddhaṃ pāḷibaddhaṃ mariyādabaddhaṃ siṅghāṭakabaddha”nti? “Evaṃ, bhante”ti. “Ussahasi tvaṃ, ānanda, bhikkhūnaṃ evarūpāni cīvarāni saṃvidahitu”nti? “Ussahāmi, bhagavā”ti. Atha kho bhagavā dakkhiṇāgirismiṃ yathābhirantaṃ viharitvā punadeva rājagahaṃ paccāgañchi. Atha kho āyasmā ānando sambahulānaṃ bhikkhūnaṃ cīvarāni saṃvidahitvā yena bhagavā tenupasaṅkami; upasaṅkamitvā bhagavantaṃ etadavoca – “passatu me [passatha tumhe (ka.)], bhante, bhagavā cīvarāni saṃvidahitāni”ti. Atha kho bhagavā etasmimṃ nidāne etasmimṃ pakaraṇe dhammiṃ kathaṃ katvā bhikkhū āmantesi – “paṇḍito, bhikkhave, ānando; mahāpaṇḍito, bhikkhave, ānando; yatra hi nāma mayā saṃkhittena bhāsitaṃ vitthārena atthaṃ ājānissati, kusimpi nāma karissati, aḍḍhakusimpi nāma karissati, maṇḍalampi nāma karissati, aḍḍhamaṇḍalampi nāma karissati, vivaṭṭampi nāma karissati, anuvivaṭṭampi nāma karissati, gīveyyakampi nāma karissati, jaṅgheyyakampi nāma karissati, bāhantampi nāma karissati, chinnakaṃ bhavissati, satthalūkaṃ samaṇasārappaṃ paccatthikānaṃ anabhicchitaṃ. Anujānāmi, bhikkhave, chinnakaṃ saṅghāṭiṃ chinnakaṃ uttarāsaṅgaṃ chinnakaṃ antaravāsaka”nti.

Chinnakacīvarānujānanā niṭṭhitā.

217. Ticīvarānujānanā

346. Atha kho bhagavā rājagahe yathābhirantaṃ viharitvā yena vesālī tena cārikaṃ pakkāmi. Addasa kho bhagavā antarā ca rājagahaṃ antarā ca vesālīṃ addhānamaggappaṭipanno sambahule

bhikkhū cīvarehi ubbhaṇḍite [ubbhaṇḍīkate (syā.)] sīsepi cīvarabhisim̐ karitvā khandhepi cīvarabhisim̐ karitvā kaṭiyāpi cīvarabhisim̐ karitvā āgacchante, disvāna bhagavato etadahosi – “atilahum̐ kho ime moghapurisā cīvare bāhullāya āvattā. Yaṃnūnāhaṃ bhikkhūnaṃ cīvare sīmaṃ bandheyyaṃ, mariyādaṃ ṭhapeyya’nti. Atha kho bhagavā anupubbena cārikaṃ caramāno yena vesālī tadavasari. Tatra sudam̐ bhagavā vesāliyaṃ viharati gotamake cetiye. Tena kho pana samayena bhagavā sītāsu hemantikāsu rattīsu antarāṭṭhakāsu himapātasamaye rattim̐ ajjhokāse ekacīvaro nisīdī. Na bhagavantam̐ sītam̐ ahosi. Nikkhante paṭhame yāme sītam̐ bhagavantam̐ ahosi. Dutiyam̐ bhagavā cīvaram̐ pārupi. Na bhagavantam̐ sītam̐ ahosi. Nikkhante majjhime yāme sītam̐ bhagavantam̐ ahosi. Tatiyam̐ bhagavā cīvaram̐ pārupi. Na bhagavantam̐ sītam̐ ahosi. Nikkhante pacchime yāme uddhaste aruṇe nandimukhiyā rattiyā sītam̐ bhagavantam̐ ahosi. Catuttham̐ bhagavā cīvaram̐ pārupi. Na bhagavantam̐ sītam̐ ahosi. Atha kho bhagavato etadahosi – “yepi kho te kulaputtā imasmim̐ dhammavinaye sītālukā sītābhīrukā tepi sakkonti ticīvarena yāpetum̐. Yaṃnūnāhaṃ bhikkhūnaṃ cīvare sīmaṃ bandheyyaṃ, mariyādaṃ ṭhapeyyaṃ, ticīvaram̐ anujāneyya’nti. Atha kho bhagavā etasmim̐ nidāne etasmim̐ pakaraṇe dhammim̐ katham̐ katvā bhikkhū āmantesi – “idhāhaṃ, bhikkhave, antarā ca rājagahaṃ antarā ca vesālīm̐ addhānamaggappaṭipanno addasaṃ sambahule bhikkhū cīvarehi ubbhaṇḍite sīsepi cīvarabhisim̐ karitvā khandhepi cīvarabhisim̐ karitvā kaṭiyāpi cīvarabhisim̐ karitvā āgacchante, disvāna me etadahosi – ‘atilahum̐ kho ime moghapurisā cīvare bāhullāya āvattā. Yaṃnūnāhaṃ bhikkhūnaṃ cīvare sīmaṃ bandheyyaṃ, mariyādaṃ ṭhapeyya’nti. Idhāhaṃ, bhikkhave, sītāsu hemantikāsu rattīsu antarāṭṭhakāsu himapātasamaye rattim̐ ajjhokāse ekacīvaro nisīdim̐. Na maṃ sītam̐ ahosi. Nikkhante paṭhame yāme sītam̐ maṃ ahosi. Dutiyāhaṃ cīvaram̐ pārupim̐. Na maṃ sītam̐ ahosi. Nikkhante majjhime yāme sītam̐ maṃ ahosi. Tatiyāhaṃ cīvaram̐ pārupim̐. Na maṃ sītam̐ ahosi. Nikkhante pacchime yāme uddhaste aruṇe nandimukhiyā rattiyā sītam̐ maṃ ahosi. Catutthāhaṃ cīvaram̐ pārupim̐. Na maṃ sītam̐ ahosi. Tassa mayhaṃ, bhikkhave, etadahosi – “yepi kho te kulaputtā imasmim̐ dhammavinaye sītālukā sītābhīrukā tepi sakkonti ticīvarena yāpetum̐. Yaṃnūnāhaṃ bhikkhūnaṃ cīvare sīmaṃ bandheyyaṃ, mariyādaṃ ṭhapeyyaṃ, ticīvaram̐ anujāneyya’nti. Anujānāmi, bhikkhave, ticīvaram̐ – diguṇam̐ saṅghāṭim̐, ekacciyam̐ uttarāsaṅgam̐, ekacciyam̐ antaravāsaka’nti.

Ticīvarānujānanā niṭṭhitā.

218. Atirekacīvarakathā

347. [pārā. 461] Tena kho pana samayena chabbaggiyā bhikkhū bhagavatā ticīvaram̐ anuññātanti aññeneva ticīvarena gāmaṃ pavisanti, aññena ticīvarena ārāme acchanti, aññena ticīvarena nahānaṃ otaranti. Ye te bhikkhū appicchā te ujjhāyanti khiyyanti vipācenti – “kathañhi nāma chabbaggiyā bhikkhū atirekacīvaram̐ dhāressanti’nti. Atha kho te bhikkhū bhagavato etamattham̐ ārocesum̐. Atha kho bhagavā etasmim̐ nidāne etasmim̐ pakaraṇe dhammim̐ katham̐ katvā bhikkhū āmantesi – “na, bhikkhave, atirekacīvaram̐ dhāretabbaṃ. Yo dhāreyya, yathādhammo kāretabbo’nti.

[pārā. 461] Tena kho pana samayena āyasmato ānandassa atirekacīvaram̐ uppannaṃ hoti. Āyasmā ca ānando tam̐ cīvaram̐ āyasmato sārīputtassa dātukāmo hoti. Āyasmā ca sārīputto sākete viharati. Atha kho āyasmato ānandassa etadahosi – “bhagavatā sikkhāpadaṃ paññattaṃ ‘na atirekacīvaram̐ dhāretabba’nti. Idañca me atirekacīvaram̐ uppannaṃ. Ahañcimam̐ cīvaram̐ āyasmato sārīputtassa dātukāmo. Āyasmā ca sārīputto sākete viharati. Katham̐ nu kho mayā paṭipajjitabba’nti? Bhagavato etamattham̐ ārocesi. “Kīvacīram̐ panānanda, sārīputto āgacchissati’nti? “Navamaṃ vā, bhagavā, divasaṃ, dasamaṃ vā’nti. Atha kho bhagavā etasmim̐ nidāne etasmim̐ pakaraṇe dhammim̐ katham̐ katvā bhikkhū āmantesi – “anujānāmi, bhikkhave, dasāhaparamam̐ atirekacīvaram̐ dhāretu’nti.

Tena kho pana samayena bhikkhūnaṃ atirekacīvaram̐ uppannaṃ hoti. Atha kho bhikkhūnaṃ etadahosi – “katham̐ nu kho amhehi atirekacīvare paṭipajjitabba’nti? Bhagavato etamattham̐ ārocesum̐. Anujānāmi, bhikkhave, atirekacīvaram̐ vikappetunti.

348. Atha kho bhagavā vesāliyaṃ yathābhirantaṃ viharitvā yena bārāṇasī tena cārikaṃ pakkāmi. Anupubbena cārikaṃ caramāno yena bārāṇasī tadavasari. Tatra sudaṃ bhagavā bārāṇasiyaṃ viharati isipatane migadāye. Tena kho pana samayena aññatarassa bhikkhuno antaravāsako chiddo hoti. Atha kho tassa bhikkhuno etadahosi – “bhagavatā ticīvaraṃ anuññātaṃ – diguṇā saṅghāṭi, ekacciyo uttarāsaṅgo, ekacciyo antaravāsako. Ayañca me antaravāsako chiddo. Yaṃnūnāhaṃ aggaḷaṃ acchupeyyaṃ, samantato dupaṭṭaṃ bhavissati, majjhe ekacciya”’nti. Atha kho so bhikkhu aggaḷaṃ acchupesi. Addasā kho bhagavā senāsanacārikaṃ āhiṇḍanto taṃ bhikkhuṃ aggaḷaṃ acchupentaṃ [acchupantaṃ (ka.)], disvāna yena so bhikkhu tenupasaṅkamaṃ, upasaṅkamtivā taṃ bhikkhuṃ etadavoca – “kiṃ tvamaṃ, bhikkhu, karosī”’ti? “Aggaḷaṃ, bhagavā, acchupemī”’ti. “Sādhu sādhu, bhikkhu; sādhu kho tvamaṃ, bhikkhu, aggaḷaṃ acchupesi”’ti. Atha kho bhagavā etasmiṃ nidāne etasmiṃ pakaraṇe dhammiṃ kathaṃ katvā bhikkhū āmantesi – “anujānāmi, bhikkhave, ahatānaṃ dussānaṃ ahatakappānaṃ diguṇaṃ saṅghāṭiṃ, ekacciyaṃ uttarāsaṅgaṃ, ekacciyaṃ antaravāsakaṃ; utuddhaṭānaṃ dussānaṃ catugguṇaṃ saṅghāṭiṃ, diguṇaṃ uttarāsaṅgaṃ, diguṇaṃ antaravāsakaṃ; paṃsukūle yāvadatthaṃ; pāpaṇike ussāho karaṇīyo. Anujānāmi, bhikkhave, aggaḷaṃ tunnaṃ ovaṭṭikaṃ kaṇḍusakaṃ dalhīkamma”’nti.

Atirekacīvarakathā niṭṭhitā.

219. Visākhāvatthu

349. Atha kho bhagavā bārāṇasiyaṃ yathābhirantaṃ viharitvā yena sāvatti tena cārikaṃ pakkāmi. Anupubbena cārikaṃ caramāno yena sāvatti tadavasari. Tatra sudaṃ bhagavā sāvattiyaṃ viharati jetavane anāthapiṇḍikassa ārāme. Atha kho visākhā migāramātā yena bhagavā tenupasaṅkamaṃ; upasaṅkamtivā bhagavantaṃ abhivādetvā ekamantaṃ nisīdi. Ekamantaṃ nisinnaṃ kho visākhaṃ migāramātaraṃ bhagavā dhammiyā kathāya sandassesī samādapesī samuttejesī sampahaṃsesī. Atha kho visākhā migāramātā, bhagavatā dhammiyā kathāya sandassitā samādapitā samuttejitā sampahaṃsitā, bhagavantaṃ etadavoca – “adhivāsetu me, bhante, bhagavā svātanāya bhattaṃ saddhiṃ bhikkhusaṅghena”’ti. Adhivāsesī bhagavā tuṅhībhāvena. Atha kho visākhā migāramātā bhagavato adhivāsanaṃ viditvā utṭhāyāsanaṃ bhagavantaṃ abhivādetvā padakkhiṇaṃ katvā pakkāmi.

Tena kho pana samayena tassā rattiyā accayena cātuddīpiko mahāmegho pāvassi. Atha kho bhagavā bhikkhū āmantesi – “yathā, bhikkhave, jetavane vassati evaṃ catūsu dīpesu vassati. Ovassāpetha, bhikkhave, kāyaṃ. Ayaṃ pacchimako cātuddīpiko mahāmegho”’ti. “Evaṃ, bhante”’ti kho te bhikkhū bhagavato paṭissuṇitvā nikkhattacīvarā kāyaṃ ovassāpenti. Atha kho visākhā migāramātā paṇītaṃ khādanīyaṃ bhojanīyaṃ paṭiyādāpetvā dāsiṃ āṇāpesi – “gaccha, je. Ārāmaṃ gantvā kālaṃ ārocehi – kālo, bhante, niṭṭhitaṃ bhatta”’nti. “Evaṃ, ayye”’ti kho sā dāsī visākhāya migāramātuyā paṭissuṇitvā ārāmaṃ gantvā addasa bhikkhū nikkhattacīvare kāyaṃ ovassāpente, disvāna ‘natthi ārāme bhikkhū, ājīvakā kāyaṃ ovassāpenti’’ti yena visākhā migāramātā tenupasaṅkamaṃ; upasaṅkamtivā visākhaṃ migāramātaraṃ etadavoca – “natthayye, ārāme bhikkhū, ājīvakā kāyaṃ ovassāpenti”’ti. Atha kho visākhāya migāramātuyā paṇḍitāya viyattāya medhāviniyā etadahosi – “nissamaṃsayaṃ kho ayyā nikkhattacīvarā kāyaṃ ovassāpenti. Sāyaṃ bālā maññittha – natthi ārāme bhikkhū, ājīvakā kāyaṃ ovassāpenti”’ti, puna dāsiṃ āṇāpesi – “gaccha, je. Ārāmaṃ gantvā kālaṃ ārocehi – kālo, bhante, niṭṭhitaṃ bhatta”’nti. Atha kho te bhikkhū gattāni sītiṃ karitvā [sītīkaritvā (syā.)] kallakāyā cīvarāni gahetvā yathāvihāraṃ pavisaṃsu. Atha kho sā dāsī ārāmaṃ gantvā bhikkhū apassanti ‘natthi ārāme bhikkhū, suñño ārāmo’’ti yena visākhā migāramātā tenupasaṅkamaṃ; upasaṅkamtivā visākhaṃ migāramātaraṃ etadavoca – “natthayye, ārāme bhikkhū, suñño ārāmo”’ti. Atha kho visākhāya migāramātuyā paṇḍitāya viyattāya medhāviniyā etadahosi – “nissamaṃsayaṃ kho ayyā gattāni sītiṃ karitvā kallakāyā cīvarāni gahetvā yathāvihāraṃ paviṭṭhā. Sāyaṃ bālā maññittha – natthi ārāme bhikkhū, suñño ārāmo”’ti, puna dāsiṃ āṇāpesi – “gaccha, je. Ārāmaṃ gantvā kālaṃ ārocehi – kālo, bhante, niṭṭhitaṃ bhatta”’nti.

350. Atha kho bhagavā bhikkhū āmantesi – “sandahatha [sannahatha (sī. syā.)], bhikkhave, pattacīvaram; kālo bhattassā”ti. “Evaṃ, bhante”ti kho te bhikkhū bhagavato paccassosum. Atha kho bhagavā pubbaṅhasamayam nivāsetvā pattacīvaramādāya – seyyathāpi nāma balavā puriso sammiñjitaṃ vā bāhaṃ pasāreyya, pasāritaṃ vā bāhaṃ samiñjeyya, evameva – jetavane antarahito visākhāya migāramātuyā koṭṭhake pāturahosi. Nisīdi bhagavā paññatte āsane saddhiṃ bhikkhusaṅghena. Atha kho visākhā migāramātā – “acchariyaṃ vata bho! Abbhutaṃ vata bho! Tathāgatassa mahiddhikatā mahānubhāvātā, yatra hi nāma jaṅṅukamattesupi oghesu pavattamānesu, kaṭimattesupi oghesu pavattamānesu, na hi nāma ekabhikkhussapi [pavattamānesu na ekabhikkhussapi (?)] pādā vā cīvarāni vā allāni bhavissanti”ti – haṭṭhā udaggā buddhappamukhaṃ bhikkhusaṅghaṃ paṇītena khādanīyena bhojanīyena sahatthā santappetvā sampavāretvā bhagavantam bhuttāviṃ onītapattapāṇiṃ ekamantaṃ nisīdi. Ekamantaṃ nisinnā kho visākhā migāramātā bhagavantam etadavoca – “aṭṭhāhaṃ, bhante, bhagavantam varāni yācāmi”ti. “Atikkantavarā kho, visākhe, tathāgatā”ti. “Yāni ca, bhante, kappiyāni yāni ca anavajjāni”ti. “Vadehi, visākhe”ti. “Icchāmaṃ, bhante, saṅghassa yāvajjivaṃ vassikasāṭikaṃ dātuṃ, āgantukabhattaṃ dātuṃ, gamikabhattaṃ dātuṃ, gilānabhattaṃ dātuṃ, gilānupaṭṭhākabhattaṃ dātuṃ, gilānabhesajjaṃ dātuṃ, dhuvayāguṃ dātuṃ, bhikkhunisaṅghassa udakasāṭikaṃ dātu”nti. “Kiṃ pana tvaṃ, visākhe, atthavaṣaṃ sampassamānā tathāgataṃ aṭṭha varāni yācasi”ti?

“Idhāhaṃ, bhante, dāsiṃ āṇāpesiṃ – ‘gaccha, je. Ārāmaṃ gantvā kālaṃ ārocehi – kālo, bhante, niṭṭhitaṃ bhatta’”nti. Atha kho sā, bhante, dāsī ārāmaṃ gantvā addasa bhikkhū nikkhattacīvare kāyaṃ ovassāpente, disvāna “natthi ārāme bhikkhū, ājīvaka kāyaṃ ovassāpentī”ti yenāhaṃ tenupasaṅkami; upasaṅkamitvā maṃ etadavoca – “natthayye, ārāme bhikkhū, ājīvaka kāyaṃ ovassāpentī”ti. Asuci, bhante, naggiyaṃ jegucchaṃ paṭikūlaṃ. Imāhaṃ, bhante, atthavaṣaṃ sampassamānā icchāmi saṅghassa yāvajjivaṃ vassikasāṭikaṃ dātuṃ.

“Puna caparaṃ, bhante, āgantuko bhikkhu na vīthikusalo na gocarakusalo kilanto piṇḍāya carati. So me āgantukabhattaṃ bhujjivā vīthikusalo gocarakusalo akilanto piṇḍāya carissati. Imāhaṃ, bhante, atthavaṣaṃ sampassamānā icchāmi saṅghassa yāvajjivaṃ āgantukabhattaṃ dātuṃ.

“Puna caparaṃ, bhante, gamiko bhikkhu attano bhattaṃ pariyesamāno satthā vā vihāyissati, yattha vā vāsaṃ gantukāmo bhavissati tattha vikāle upagacchissati, kilanto addhānaṃ gamissati. So me gamikabhattaṃ bhujjivā satthā na vihāyissati, yattha vāsaṃ gantukāmo bhavissati tattha kāle upagacchissati, akilanto addhānaṃ gamissati. Imāhaṃ, bhante, atthavaṣaṃ sampassamānā icchāmi saṅghassa yāvajjivaṃ gamikabhattaṃ dātuṃ.

“Puna caparaṃ, bhante, gilānassa bhikkhuno sappāyāni bhojanāni alabhantassa ābādho vā abhivaḍḍhissati, kālaṃkiriyā vā bhavissati. Tassa me gilānabhattaṃ bhuttassa ābādho na abhivaḍḍhissati, kālaṃkiriyā na bhavissati. Imāhaṃ, bhante, atthavaṣaṃ sampassamānā icchāmi saṅghassa yāvajjivaṃ gilānabhattaṃ dātuṃ. “Puna caparaṃ, bhante, gilānupaṭṭhāko bhikkhu attano bhattaṃ pariyesamāno gilānassa ussūre bhattaṃ nīharissati, bhattacchedaṃ karissati. So me gilānupaṭṭhākabhattaṃ bhujjivā gilānassa kālena bhattaṃ nīharissati, bhattacchedaṃ na karissati. Imāhaṃ, bhante, atthavaṣaṃ sampassamānā icchāmi saṅghassa yāvajjivaṃ gilānupaṭṭhākabhattaṃ dātuṃ.

“Puna caparaṃ, bhante, gilānassa bhikkhuno sappāyāni bhesajjāni alabhantassa ābādho vā abhivaḍḍhissati, kālaṃkiriyā vā bhavissati. Tassa me gilānabhesajjaṃ paribhuttassa ābādho na abhivaḍḍhissati, kālaṃkiriyā na bhavissati. Imāhaṃ, bhante, atthavaṣaṃ sampassamānā icchāmi saṅghassa yāvajjivaṃ gilānabhesajjaṃ dātuṃ.

“Puna caparaṃ, bhante, bhagavatā andhakavinde dasānisaṃse sampassamānena yāgu anuññātā. Tyāhaṃ, bhante, ānisaṃse sampassamānā icchāmi saṅghassa yāvajjivaṃ dhuvayāguṃ dātuṃ.

“Idha, bhante, bhikkhuniyo aciravatiyā nadiyā vesiyāhi saddhiṃ naggā ekatitthe nahāyanti. Tā, bhante, vesiyā bhikkhuniyo uppaṇḍesum – ‘kiṃ nu kho nāma tumhākaṃ, ayye, daharānaṃ [daharānaṃ daharānaṃ (sī.)] brahmacariyaṃ ciñṇena, nanu nāma kāmā paribhuñjitabbā; yadā jiṇṇā bhavissatha tadā brahmacariyaṃ carissatha. Evaṃ tumhākaṃ ubho atthā pariggahitā bhavissanti’ ti. Tā, bhante, bhikkhuniyo vesiyāhi uppaṇḍiyamānā maṅkū ahesum. Asuci, bhante, mātugāmassa naggiyaṃ jegucchaṃ paṭikūlaṃ. Imāhaṃ, bhante, atthavasam sampassamānā icchāmi bhikkhunisaṅghassa yāvajīvaṃ udakasāṭikaṃ dātu’ nti.

351. “Kiṃ pana tvaṃ, visākhe, ānisaṃsaṃ sampassamānā tathāgataṃ aṭṭha varāni yācasi’ ti? “Idha, bhante, disāsu vassaṃvuṭṭhā bhikkhū sāvatthiṃ āgacchissanti bhagavantaṃ dassanāya. Te bhagavantaṃ upasaṅkamitvā pucchissanti – ‘itthannāmo, bhante, bhikkhu kālānkato, tassa kā gati ko abhisamparāyo’ ti? Taṃ bhagavā byākarissati sotāpattiphale vā sakadāgāmiphale vā anāgāmiphale vā arahatte vā. Tyāhaṃ upasaṅkamitvā pucchissāmi – ‘āgatapubbā nu kho, bhante, tena ayyena sāvattihī’ ti? Sace me vakkhanti – ‘āgatapubbā tena bhikkhunā sāvattihī’ ti niṭṭhamettha gacchissāmi – nissaṃsayam me paribhuttaṃ tena ayyena vassikasāṭikā vā āgantukabhattaṃ vā gamikabhattaṃ vā gilānabhattaṃ vā gilānupaṭṭhākabhattaṃ vā gilānabhesajjaṃ vā dhuvayāgu vāti. Tassā me tadanussarantiyā pāmujjaṃ jāyissati, pamuditāya pīti jāyissati, pītimanāya kāyo passambhissati, passaddhakāyā sukhaṃ vediyissāmi, sukhiniyā cittaṃ samādhiyissati. Sā me bhavissati indriyabhāvanā balabhāvanā bojjhaṅgabhāvanā. Imāhaṃ, bhante, ānisaṃsaṃ sampassamānā tathāgataṃ aṭṭha varāni yācāmi’ ti. “Sādhu sādhu, visākhe; sādhu kho tvaṃ, visākhe, imaṃ ānisaṃsaṃ sampassamānā tathāgataṃ aṭṭha varāni yācasi. Anujānāmi te, visākhe, aṭṭha varāni’ ti. Atha kho bhagavā visākhaṃ migāramātaraṃ imāhi gāthāhi anumodi –

“Yā annapānaṃ datatippamoditā;
Sīlūpapannā sugatassa sāvikā;
Dadāti dānaṃ abhibhuyya maccharaṃ;
Sovaggikaṃ sokanudaṃ sukhāvahaṃ.

“Dibbaṃ sā labhate āyumaṃ [dibbaṃ balaṃ sā labhate ca āyumaṃ (sī. syā.)];
Āgamma maggaṃ virajaṃ anaṅgaṇaṃ;
Sā puññakāmā sukhinī anāmayā;
Saggamhi kāyamhi ciraṃ pamodatī’ ti.

352. Atha kho bhagavā visākhaṃ migāramātaraṃ imāhi gāthāhi anumoditvā uṭṭhāyāsanaṃ pakkāmi. Atha kho bhagavā etasmiṃ nidāne etasmiṃ pakaraṇe dhammiṃ kathaṃ katvā bhikkhū āmantesi – “anujānāmi, bhikkhave, vassikasāṭikaṃ, āgantukabhattaṃ, gamikabhattaṃ, gilānabhattaṃ, gilānupaṭṭhākabhattaṃ, gilānabhesajjaṃ, dhuvayāgumaṃ, bhikkhunisaṅghassa udakasāṭika’ nti.

Visākhāvatthu niṭṭhitaṃ.

Visākhābhānavāro niṭṭhito.

220. Nisīdanādiānujānanā

353. Tena kho pana samayena bhikkhū paṇītāni bhojanāni bhuñjitvā muṭṭhassatī asampajānā niddaṃ okkamanti. Tesam muṭṭhassatīnaṃ asampajānānaṃ niddaṃ okkamantānaṃ supinantaṃ asuci muccati, senāsanaṃ asucinā makkhiyati. Atha kho bhagavā āyasmatā ānandena pacchāsamaṇena senāsanaṃ cārikaṃ āhiṇḍanto addasa senāsanaṃ asucinā makkhitaṃ, disvāna āyasmantaṃ ānandaṃ āmantesi – “kiṃ etaṃ, ānanda, senāsanaṃ makkhita’ nti? “Etarahi, bhante, bhikkhū paṇītāni bhojanāni bhuñjitvā muṭṭhassatī asampajānā niddaṃ okkamanti. Tesam muṭṭhassatīnaṃ asampajānānaṃ niddaṃ okkamantānaṃ supinantaṃ asuci muccati; tayidaṃ, bhagavā, senāsanaṃ asucinā makkhita’ nti.

“Evametaṃ, ānanda, evametaṃ, ānanda. Muccati hi, ānanda, muṭṭhassatīnaṃ asampajānānaṃ niddaṃ okkamantānaṃ supinantena asuci. Ye te, ānanda, bhikkhū upaṭṭhitassatī sampajānā niddaṃ okkamanti, tesam asuci na muccati. Yepi te, ānanda, puthujjanā kāmesu vītarāgā, tesampi asuci na muccati. Aṭṭhānametaṃ, ānanda, anavakāso yaṃ arahato asuci mucceyyā”ti. Atha kho bhagavā etasmiṃ nidāne etasmiṃ pakaraṇe dhammiṃ kathaṃ katvā bhikkhū āmantesi – “idhāhaṃ, bhikkhave, ānandena pacchāsamaṇena senāsanacārikaṃ āhiṇḍanto addasaṃ senāsaṇaṃ asucinā makkhitaṃ, disvāna ānandaṃ āmantesiṃ ‘kiṃ etaṃ, ānanda, senāsaṇaṃ makkhita’nti? ‘Etarahi, bhante, bhikkhū paṇīṭāni bhojanāni bhujjivā muṭṭhassatī asampajānā niddaṃ okkamanti. Tesam muṭṭhassatīnaṃ asampajānānaṃ niddaṃ okkamantānaṃ supinantena asuci muccati; tayidaṃ, bhagavā, senāsaṇaṃ asucinā makkhita’nti. ‘Evametaṃ, ānanda, evametaṃ, ānanda, muccati hi, ānanda, muṭṭhassatīnaṃ asampajānānaṃ niddaṃ okkamantānaṃ supinantena asuci. Ye te, ānanda, bhikkhū upaṭṭhitassatī sampajānā niddaṃ okkamanti, tesam asuci na muccati. Yepi te, ānanda, puthujjanā kāmesu vītarāgā tesampi asuci na muccati. Aṭṭhānametaṃ, ānanda, anavakāso yaṃ arahato asuci mucceyyā”ti.

“Pañcime, bhikkhave, ādīnavā muṭṭhassatissa asampajānassa niddaṃ okkamato – dukkhaṃ supati, dukkhaṃ paṭibujjhati, pāpakaṃ supinaṃ passati, devatā na rakkhanti, asuci muccati. Ime kho, bhikkhave, pañca ādīnavā muṭṭhassatissa asampajānassa niddaṃ okkamato.

“Pañcime, bhikkhave, ānisaṃsā upaṭṭhitassatissa sampajānassa niddaṃ okkamato – sukhaṃ supati, sukhaṃ paṭibujjhati, na pāpakaṃ supinaṃ passati, devatā rakkhanti, asuci na muccati. Ime kho, bhikkhave, pañca ānisaṃsā upaṭṭhitassatissa sampajānassa niddaṃ okkamato.

“Anujānāmi, bhikkhave, kāyaguttiyā cīvaraguttiyā senāsanaguttiyā nisīdana”nti.

Tena kho pana samayena atikhuddakaṃ nisīdanaṃ na sabbam senāsaṇaṃ saṃgopeti. Bhagavato etamatthaṃ ārocesuṃ. Anujānāmi, bhikkhave, yāvamahantaṃ paccattharaṇaṃ ākaṅkhati tāvamahantaṃ paccattharaṇaṃ kātunti.

354. Tena kho pana samayena āyasmato ānandassa upajjhāyassa āyasmato belatṭhasīsassa thullakacchābādho hoti. Tassa lasikāya cīvarāni kāye lagganti. Tāni bhikkhū udakena temevā temevā apakaḍḍhanti. Addasā kho bhagavā senāsanacārikaṃ āhiṇḍanto te bhikkhū tāni cīvarāni udakena temevā temevā apakaḍḍhante, disvāna yena te bhikkhū tenupasaṅkami, upaṅkamitvā te bhikkhū etadavoca – “kiṃ imassa, bhikkhave, bhikkhuno ābādho”ti? “Imassa, bhante, āyasmato thullakacchābādho. Lasikāya cīvarāni kāye lagganti. Tāni mayaṃ udakena temevā temevā apakaḍḍhāmā”ti. Atha kho bhagavā etasmiṃ nidāne etasmiṃ pakaraṇe dhammiṃ kathaṃ katvā bhikkhū āmantesi – “anujānāmi, bhikkhave, yassa kaṇḍu vā piḷakā vā assāvo vā thullakacchu vā ābādho kaṇḍuppaṭicchādi”nti.

355. Atha kho visākhā migāramātā mukhapuñchanacoḷaṃ [[mukhapuñjanacoḷaṃ \(ka.\)](#)] ādāya yena bhagavā tenupasaṅkami; upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinnā kho visākhā migāramātā bhagavantaṃ etadavoca – “paṭiggaṇhātu me, bhante, bhagavā mukhapuñchanacoḷaṃ, yaṃ mamassa dīgharattaṃ hitāya sukhāyā”ti. Paṭiggahesi bhagavā mukhapuñchanacoḷaṃ. Atha kho bhagavā visākhā migāramātaraṃ dhammiyā kathāya sandassesi samādapesi samuttejesi sampahaṃsesi. Atha kho visākhā migāramātā bhagavatā dhammiyā kathāya sandassitā samādapitā samuttejitā sampahaṃsitā uṭṭhāyāsanaṃ bhagavantaṃ abhivādetvā padakkhiṇaṃ katvā pakkāmi. Atha kho bhagavā etasmiṃ nidāne etasmiṃ pakaraṇe dhammiṃ kathaṃ katvā bhikkhū āmantesi – “anujānāmi, bhikkhave, mukhapuñchanacoḷaka”nti [[mukhapuñchanacolanti \(syā.\)](#)].

356. Tena kho pana samayena rojo mallo āyasmato ānandassa sahāyo hoti. Rojassa mallassa khomapilotikā āyasmato ānandassa hatthe nikkhittā hoti. Āyasmato ca ānandassa khomapilotikāya attho hoti. Bhagavato etamatthaṃ ārocesuṃ. Anujānāmi, bhikkhave, pañcahaṅgehi samannāgatassa vissāsaṃ

gahetuṃ – sandiṭṭho ca hoti, sambhatto ca, ālapito ca, jīvati ca, jānāti ca, gahite me attamano bhavissatīti. Anujānāmi, bhikkhave, imehi pañcahaṅgehi samannāgatassa vissāsaṃ gahetunti.

357. Tena kho pana samayena bhikkhūnaṃ paripuṇṇaṃ hoti ticīvaraṃ. Attho ca hoti parissāvanehipi thavikāhipi. Bhagavato etamatthaṃ ārocesuṃ. Anujānāmi, bhikkhave, parikkhāraṇaṃ.

Nisīdanādi-anujānanā niṭṭhitā.

221. Pacchimavikappanupagacīvarādīkathā

358. Atha kho bhikkhūnaṃ etadahosi – ‘yāni tāni bhagavatā anuññātāni ticīvaranti vā vassikasāṭīkātī vā nisīdananti vā paccattharaṇanti vā kaṇḍuppaṭicchādīti vā mukhapuñchanacoḷanti vā parikkhāraṇanti vā, sabbāni tāni adhiṭṭhātabbāni nu kho, udāhu, vikappetabbāni’? Bhagavato etamatthaṃ ārocesuṃ. Anujānāmi, bhikkhave, ticīvaraṃ adhiṭṭhātuṃ na vikappetuṃ; vassikasāṭīkaṃ vassānaṃ cātumāsaṃ adhiṭṭhātuṃ, tato paraṃ vikappetuṃ; nisīdanaṃ adhiṭṭhātuṃ na vikappetuṃ; paccattharaṇaṃ adhiṭṭhātuṃ na vikappetuṃ; kaṇḍuppaṭicchādiṃ yāvaābādhā adhiṭṭhātuṃ tato paraṃ vikappetuṃ; mukhapuñchanacoḷaṃ adhiṭṭhātuṃ na vikappetuṃ; parikkhāraṇaṃ adhiṭṭhātuṃ na vikappetunti.

Atha kho bhikkhūnaṃ etadahosi – ‘kittakaṃ pacchimaṃ nu kho cīvaraṃ vikappetabba’? Bhagavato etamatthaṃ ārocesuṃ. Anujānāmi, bhikkhave, āyāmena aṭṭhaṅgulaṃ sugataṅgulena caturāṅgulavittathaṃ pacchimaṃ cīvaraṃ vikappetunti.

359. Tena kho pana samayena āyasmato mahākassapassa paṃsukūlakato garuko hoti. Bhagavato etamatthaṃ ārocesuṃ. Anujānāmi, bhikkhave, suttalūkaṃ kātunti. Vikaṇṇo hoti. Bhagavato etamatthaṃ ārocesuṃ. Anujānāmi, bhikkhave, vikaṇṇaṃ uddharitunti. Suttā okiriyanti. Bhagavato etamatthaṃ ārocesuṃ. Anujānāmi, bhikkhave, anuvātaṃ paribhaṇḍaṃ āropetunti.

Tena kho pana samayena saṅghāṭiyā pattā lujjanti. Bhagavato etamatthaṃ ārocesuṃ. Anujānāmi, bhikkhave, aṭṭhapadakaṃ kātunti.

360. Tena kho pana samayena aññatarassa bhikkhuno ticīvare kayiramāne sabbaṃ chinnakaṃ nappahoti. Bhagavato etamatthaṃ ārocesuṃ. Anujānāmi, bhikkhave, dve chinnakāni ekaṃ acchinnakanti.

Dve chinnakāni ekaṃ acchinnakaṃ nappahoti. Bhagavato etamatthaṃ ārocesuṃ. Anujānāmi, bhikkhave, dve acchinnakāni ekaṃ chinnakanti.

Dve acchinnakāni ekaṃ chinnakaṃ nappahoti. Bhagavato etamatthaṃ ārocesuṃ. Anujānāmi, bhikkhave, anvādhikampi āropetuṃ, na ca, bhikkhave, sabbaṃ acchinnakaṃ dhāretabbaṃ. Yo dhāreyya, āpatti dukkaṭassāti.

361. Tena kho pana samayena aññatarassa bhikkhuno bahuṃ cīvaraṃ uppannaṃ hoti. So ca taṃ cīvaraṃ mātāpitūnaṃ dātukāmo hoti. Bhagavato etamatthaṃ ārocesuṃ. Mātāpitaroti [mātāpitūnaṃ kho (sī.)] kho, bhikkhave, dadamāne [vadamāno (ka.), vadamāne (?)] kiṃ vadeyyāma? Anujānāmi, bhikkhave, mātāpitūnaṃ dātuṃ. Na ca, bhikkhave, saddhādeyyaṃ vinipātetabbaṃ. Yo vinipāteyya, āpatti dukkaṭassāti.

362. Tena kho pana samayena aññataro bhikkhu andhavane cīvaraṃ nikkhipitvā santaruttarena gāmaṃ piṇḍāya pāvisi. Corā taṃ cīvaraṃ avahariṃsu. So bhikkhu duccho hoti lūkhacīvaro. Bhikkhū

evamāhaṃsu – “kissa tvaṃ, āvuso, ducchoḷo lūkhacīvarosī”ti? “Idhāhaṃ [so ahaṃ (katthaci)], āvuso, andhavane cīvaraṃ nikkhipitvā santaruttarena gāmaṃ piṇḍāya pāvisiṃ. Corā taṃ cīvaraṃ avahariṃsu. Tenāhaṃ ducchoḷo lūkhacīvaro”ti. Bhagavato etamatthaṃ ārocesuṃ. Na, bhikkhave, santaruttarena gāmo pavisitabbo. Yo paviseyya, āpatti dukkaṭassāti.

Tena kho pana samayena āyasmā ānando assatiyā santaruttarena gāmaṃ piṇḍāya pāvīsi. Bhikkhū āyasmantaṃ ānandaṃ etadavocuṃ – “nanu, āvuso ānanda, bhagavatā paññattaṃ – ‘na santaruttarena gāmo pavisitabbo’ti? Kissa tvaṃ, āvuso ānanda, santaruttarena gāmaṃ pavittṭho”ti? “Saccaṃ, āvuso, bhagavatā paññattaṃ – ‘na santaruttarena gāmo pavisitabbo’ti. Api cāhaṃ assatiyā pavittṭho”ti. Bhagavato etamatthaṃ ārocesuṃ.

Pañcime, bhikkhave, paccayā saṅghāṭiyā nikkhepāya – gilāno vā hoti, vassikaṣaṅketā vā hoti, nadīpāraṃ gantuṃ vā hoti, aggaḷaguttivihāro vā hoti, atthatakathinaṃ vā hoti. Ime kho, bhikkhave, pañca paccayā saṅghāṭiyā nikkhepāya.

Pañcime, bhikkhave, paccayā uttarāsaṅgassa nikkhepāya...pe... antaravāsakassa nikkhepāya – gilāno vā hoti, vassikaṣaṅketā vā hoti, nadīpāraṃ gantuṃ vā hoti, aggaḷaguttivihāro vā hoti, atthatakathinaṃ vā hoti. Ime kho, bhikkhave, pañca paccayā uttarāsaṅgassa antaravāsakassa nikkhepāya.

Pañcime, bhikkhave, paccayā vassikaṣāṭikāya nikkhepāya – gilāno vā hoti, nissīmaṃ gantuṃ vā hoti, nadīpāraṃ gantuṃ vā hoti, aggaḷaguttivihāro vā hoti, vassikaṣāṭikā akatā vā hoti vippakatā vā. Ime kho, bhikkhave, pañca paccayā vassikaṣāṭikāya nikkhepāyāti.

Pacchimavikappanupagacīvarādikathā niṭṭhitā.

222. Saṅghikacīvaruppādakathā

363. Tena kho pana samayena aññataro bhikkhu eko vassaṃ vasi. Tattha manussā saṅghassa demāti cīvarāni adaṃsu. Atha kho tassa bhikkhuno etadahosi – “bhagavatā paññattaṃ ‘catuvaggo pacchimo saṅgho’ti. Ahañcamhi ekako. Ime ca manussā saṅghassa demāti cīvarāni adaṃsu. Yaṃnūnāhaṃ imāni saṅghikāni cīvarāni sāvatthiṃ hareyya”nti. Atha kho so bhikkhu tāni cīvarāni ādāya sāvatthiṃ gantvā bhagavato etamatthaṃ ārocesi. “Tuyheva, bhikkhu, tāni cīvarāni yāva kathinassa ubbhārāyā”ti. Idha pana, bhikkhave, bhikkhu eko vassaṃ vasati. Tattha manussā saṅghassa demāti cīvarāni denti. Anujānāmi, bhikkhave, tasseva tāni cīvarāni yāva kathinassa ubbhārāyāti.

Tena kho pana samayena aññataro bhikkhu utukālaṃ eko vasi. Tattha manussā saṅghassa demāti cīvarāni adaṃsu. Atha kho tassa bhikkhuno etadahosi – “bhagavatā paññattaṃ ‘catuvaggo pacchimo saṅgho’ti. Ahañcamhi ekako. Ime ca manussā saṅghassa demāti cīvarāni adaṃsu. Yaṃnūnāhaṃ imāni saṅghikāni cīvarāni sāvatthiṃ hareyya”nti. Atha kho so bhikkhu tāni cīvarāni ādāya sāvatthiṃ gantvā bhikkhūnaṃ etamatthaṃ ārocesi. Bhikkhū bhagavato etamatthaṃ ārocesuṃ. Anujānāmi, bhikkhave, sammukhībhūtena saṅghena bhājetuṃ. Idha pana, bhikkhave, bhikkhu utukālaṃ eko vasati. Tattha manussā saṅghassa demāti cīvarāni denti. Anujānāmi, bhikkhave, tena bhikkhunā tāni cīvarāni adhiṭṭhātuṃ – “mayhimāni cīvarāni”ti. Tassa ce, bhikkhave, bhikkhuno taṃ cīvaraṃ anadhiṭṭhite añño bhikkhu āgacchati, samako dātabbo bhāgo. Tehi ce, bhikkhave, bhikkhūhi taṃ cīvaraṃ bhājijamāne, apātite kuse, añño bhikkhu āgacchati, samako dātabbo bhāgo. Tehi ce, bhikkhave, bhikkhūhi taṃ cīvaraṃ bhājijamāne, pātite kuse, añño bhikkhu āgacchati, nākāmā dātabbo bhāgoti.

Tena kho pana samayena dve bhātikā therā, āyasmā ca isidāso āyasmā ca isibhaṭṭo, sāvatthiyaṃ vassaṃvuṭṭhā aññatarāṃ gāmakāvāsaṃ agamaṃsu. Manussā cirassāpi therā āgatāti sacīvarāni bhattāni adaṃsu. Āvāsikā bhikkhū there pucchīṃsu – “imāni, bhante, saṅghikāni cīvarāni there āgamma uppannāni, sādīyissanti therā bhāga”nti. Therā evamāhaṃsu – “yathā kho mayaṃ, āvuso, bhagavatā

dhammaṃ desitaṃ ājānāma, tumhākaṃyeva tāni cīvarāni yāva kathinassa ubbhārāyā”ti.

Tena kho pana samayena tayo bhikkhū rājagahe vassaṃ vasanti. Tattha manussā saṅghassa

Demāti cīvarāni denti. Atha kho tesam bhikkhūnaṃ etadahosi – “bhagavatā paññattaṃ ‘catuvaggo pacchimo saṅho’ti. Mayañcambhā tayo janā. Ime ca manussā saṅghassa demāti cīvarāni denti. Kathaṃ nu kho amhehi paṭipajjitabba”nti? Tena kho pana samayena sambahulā therā, āyasmā ca nilavāsī āyasmā ca sānavāsī āyasmā ca gotako āyasmā ca bhagu āyasmā ca phalīkasantāno, pāṭaliputte viharanti kukkuṭārāme. Atha kho te bhikkhū pāṭaliputtaṃ gantvā there pucchimsu. Therā evamāhaṃsu – “yathā kho mayaṃ āvuso bhagavatā dhammaṃ desitaṃ ājānāma, tumhākaṃyeva tāni cīvarāni yāva kathinassa ubbhārāyā”ti.

Saṅghikacīvaruppādakathā niṭṭhitā.

223. Upanandasakyaputtavattu

364. Tena kho pana samayena āyasmā upanando sakyaputto sāvattiyam vassaṃvuṭṭho aññataram gāmakāvāsaṃ agamāsi. Tattha ca bhikkhū cīvaraṃ bhājetukāmā sannipatiṃsu. Te evamāhaṃsu – “imāni kho, āvuso, saṅghikāni cīvarāni bhājiyissanti, sādiyissasi bhāga”nti? “Āmāvuso, sādiyissamī”ti. Tato cīvarabhāgaṃ gahetvā aññaṃ āvāsaṃ agamāsi. Tatthapi bhikkhū cīvaraṃ bhājetukāmā sannipatiṃsu. Tepi evamāhaṃsu – “imāni kho, āvuso, saṅghikāni cīvarāni bhājiyissanti, sādiyissasi bhāga”nti? “Āmāvuso, sādiyissamī”ti. Tatopi cīvarabhāgaṃ gahetvā aññaṃ āvāsaṃ agamāsi. Tatthapi bhikkhū cīvaraṃ bhājetukāmā sannipatiṃsu. Tepi evamāhaṃsu – “imāni kho, āvuso, saṅghikāni cīvarāni bhājiyissanti, sādiyissasi bhāga”nti? “Āmāvuso, sādiyissamī”ti. Tatopi cīvarabhāgaṃ gahetvā mahantaṃ cīvarabhaṇḍikaṃ ādāya punadeva sāvattim paccāgañchi. Bhikkhū evamāhaṃsu – “mahāpuññosi tvaṃ, āvuso upananda, bahuṃ te cīvaraṃ uppanna”nti. “Kuto me, āvuso, puññaṃ? Idhāhaṃ, āvuso, sāvattiyam vassaṃvuṭṭho aññataram gāmakāvāsaṃ agamāsim. Tattha bhikkhū cīvaraṃ bhājetukāmā sannipatiṃsu. Te maṃ evamāhaṃsu – ‘imāni kho, āvuso, saṅghikāni cīvarāni bhājiyissanti, sādiyissasi bhāga’nti? ‘Āmāvuso, sādiyissamī’ti. Tato cīvarabhāgaṃ gahetvā aññaṃ āvāsaṃ agamāsim. Tatthapi bhikkhū cīvaraṃ bhājetukāmā sannipatiṃsu. Tepi maṃ evamāhaṃsu – ‘imāni kho, āvuso, saṅghikāni cīvarāni bhājiyissanti, sādiyissasi bhāga’nti? ‘Āmāvuso, sādiyissamī’nti? ‘Āmāvuso, sādiyissamī’ti. Tatopi cīvarabhāgaṃ gahetvā aññaṃ āvāsaṃ agamāsim. Tatthapi bhikkhū cīvaraṃ bhājetukāmā sannipatiṃsu. Tepi maṃ evamāhaṃsu – ‘imāni kho, āvuso, saṅghikāni cīvarāni bhājiyissanti, sādiyissasi bhāga’nti? ‘Āmāvuso, sādiyissamī’ti. Tatopi cīvarabhāgaṃ aggahesim. Evaṃ me bahuṃ cīvaraṃ uppananti. “Kiṃ pana tvaṃ, āvuso upananda, aññatra vassaṃvuṭṭho aññatra cīvarabhāgaṃ sādiyī”ti? “Evamāvuso”ti. Ye te bhikkhū appicchā...pe... te ujjhāyanti khiyyanti vipācenti – “kathañhi nāma āyasmā upanando sakyaputto aññatra vassaṃvuṭṭho aññatra cīvarabhāgaṃ sādiyissati”ti. Bhagavato etamatthaṃ ārocesuṃ...pe... “saccaṃ kira tvaṃ, upananda, aññatra vassaṃvuṭṭho aññatra cīvarabhāgaṃ sādiyī”ti? “Saccaṃ bhagavā”ti. Vigarahi buddho bhagavā...pe... kathañhi nāma tvaṃ, moghapurisa, aññatra vassaṃvuṭṭho aññatra cīvarabhāgaṃ sādiyissasi. Netam, moghapurisa, appasannānaṃ vā pasādāya...pe... vigarahitvā...pe... dhammiṃ kathaṃ katvā bhikkhū āmantesi – “na, bhikkhave, aññatra vassaṃvuṭṭhena aññatra cīvarabhāgo sādītabbo. Yo sādiyeyya, āpatti dukkaṭassā”ti.

Tena kho pana samayena āyasmā upanando sakyaputto eko dvīsu āvāsesu vassaṃ vasi – “evaṃ me bahuṃ cīvaraṃ uppajjissati”ti. Atha kho tesam bhikkhūnaṃ etadahosi – “kathaṃ nu kho āyasmato upanandassa sakyaputtassa cīvarapaṭivīso dātabbo”ti? Bhagavato etamatthaṃ ārocesuṃ. Detha, bhikkhave, moghapurissassa ekādhippāyaṃ. Idha pana, bhikkhave, bhikkhu eko dvīsu āvāsesu vassaṃ vasati – “evaṃ me bahuṃ cīvaraṃ uppajjissati”ti. Sace amutra upaḍḍhaṃ amutra upaḍḍhaṃ vasati, amutra upaḍḍho amutra upaḍḍho cīvarapaṭivīso dātabbo. Yattha vā pana bahutaram vasati, tato cīvarapaṭivīso dātabboti.

Upanandasakyaputtavattu niṭṭhitam.

224. Gilānavatthukathā

365. Tena kho pana samayena aññatarassa bhikkhuno kucchivikārābādho hoti. So sake muttakarīse palipanno seti. Atha kho bhagavā āyasmata ānandena pacchāsamaṇena senāsanacārikaṃ ahiṇḍanto yena tassa bhikkhuno vihāro tenupasaṅkami. Addasā kho bhagavā taṃ bhikkhuṃ sake muttakarīse palipannaṃ sayamānaṃ, disvāna yena so bhikkhu tenupasaṅkami, upasaṅkamitvā taṃ bhikkhuṃ etadavoca – “kiṃ te, bhikkhu, ābādho”ti? “Kucchivikāro me, bhagavā”ti. “Atthi pana te, bhikkhu, upatthāko”ti? “Natthi, bhagavā”ti. “Kissa taṃ bhikkhū na upatthenti”ti? “Ahaṃ kho, bhante, bhikkhūnaṃ akārako; tena maṃ bhikkhū na upatthenti”ti. Atha kho bhagavā āyasmantaṃ ānandaṃ āmantesi – “gacchānanda, udakaṃ āhara, imaṃ bhikkhuṃ nahāpessāma”ti. “Evaṃ, bhante”ti kho āyasmā ānando bhagavato paṭissuṇitvā udakaṃ āhari. Bhagavā udakaṃ āsiñci. Āyasmā ānando paridhovi. Bhagavā sīsato aggahesi. Āyasmā ānando pādato uccāretvā mañcake nipātesuṃ. Atha kho bhagavā etasmiṃ nidāne etasmiṃ pakaraṇe bhikkhusaṅghaṃ sannipātāpetvā bhikkhū paṭipucchi – “atthi, bhikkhave, amukasmīṃ vihāre bhikkhu gilāno”ti? “Atthi, bhagavā”ti. “Kiṃ tassa, bhikkhave, bhikkhuno ābādho”ti? “Tassa, bhante, āyasmato kucchivikārābādho”ti. “Atthi pana, bhikkhave, tassa bhikkhuno upatthāko”ti? “Natthi, bhagavā”ti. “Kissa taṃ bhikkhū na upatthenti”ti? “Eso, bhante, bhikkhu bhikkhūnaṃ akārako; tena taṃ bhikkhū na upatthenti”ti. “Natthi vo, bhikkhave, mātā, natthi pitā, ye vo upatthaheyyuṃ. Tumhe ce, bhikkhave, aññamaññaṃ na upatthahissatha, atha ko carahi upatthahissati? Yo, bhikkhave, maṃ upatthaheyya so gilānaṃ upatthaheyya. Sace upajjhāyo hoti, upajjhāyena yāvajīvaṃ upatthātabbo; vuṭṭhānamassa āgametabbam. Sace ācariyo hoti, ācariyena yāvajīvaṃ upatthātabbo; vuṭṭhānamassa āgametabbam. Sace saddhivihāriko hoti, saddhivihārikena yāvajīvaṃ upatthātabbo; vuṭṭhānamassa āgametabbam. Sace antevāsiko hoti, antevāsikena yāvajīvaṃ upatthātabbo; vuṭṭhānamassa āgametabbam. Sace samānupajjhāyako hoti, samānupajjhāyakena yāvajīvaṃ upatthātabbo; vuṭṭhānamassa āgametabbam. Sace samānācariyako hoti, samānācariyakena yāvajīvaṃ upatthātabbo; vuṭṭhānamassa āgametabbam. Sace na hoti upajjhāyo vā ācariyo vā saddhivihāriko vā antevāsiko vā samānupajjhāyako vā samānācariyako vā saṅghena upatthātabbo. No ce upatthaheyya, āpatti dukkaṭassa”.

366. Pañcahi, bhikkhave, aṅgehi samannāgato gilāno dūpaṭṭho hoti – asappāyakārī hoti, sappāye mattaṃ na jānāti, bhesajjaṃ na paṭisevitā hoti, atthakāmassa gilānupaṭṭhākassa yathābhūtaṃ ābādhaṃ nāvikkatā hoti ‘abhikkamantaṃ vā abhikkamatīti, paṭikkamantaṃ vā paṭikkamatīti, ṭhitaṃ vā ṭhito’ti, uppannānaṃ sārīrikānaṃ vedanānaṃ dukkhānaṃ tikkhānaṃ kharānaṃ kaṭukānaṃ asātānaṃ amanāpānaṃ pañaharānaṃ anadhivāsakajātiko hoti. Imehi kho, bhikkhave, pañcahaṅgehi samannāgato gilāno dūpaṭṭho hoti.

Pañcahi, bhikkhave, aṅgehi samannāgato gilāno sūpaṭṭho hoti – sappāyakārī hoti, sappāye mattaṃ jānāti, bhesajjaṃ paṭisevitā hoti, atthakāmassa gilānupaṭṭhākassa yathābhūtaṃ ābādhaṃ āvikattā hoti ‘abhikkamantaṃ vā abhikkamatīti, paṭikkamantaṃ vā paṭikkamatīti, ṭhitaṃ vā ṭhito’ti, uppannānaṃ sārīrikānaṃ vedanānaṃ dukkhānaṃ tikkhānaṃ kharānaṃ kaṭukānaṃ asātānaṃ amanāpānaṃ pañaharānaṃ adhvāsakajātiko hoti. Imehi kho, bhikkhave, pañcahaṅgehi samannāgato gilāno sūpaṭṭho hoti.

Pañcahi, bhikkhave, aṅgehi samannāgato gilānupaṭṭhāko nālaṃ gilānaṃ upatthātuṃ – na paṭibalo hoti bhesajjaṃ saṃvidhātuṃ, sappāyāsappāyaṃ na jānāti, asappāyaṃ upanāmeti sappāyaṃ apanāmeti, āmisantaro gilānaṃ upatthāti no mettacitto, jegucchī hoti uccāraṃ vā passāvaṃ vā khelaṃ vā vantaṃ vā nīhātuṃ, na paṭibalo hoti gilānaṃ kālena kālaṃ dhammiyā kathāya sandassetuṃ samādapetuṃ samuttejetuṃ sampahaṃsetuṃ. Imehi kho, bhikkhave, pañcahaṅgehi samannāgato gilānupaṭṭhāko nālaṃ gilānaṃ upatthātuṃ.

Pañcahi, bhikkhave, aṅgehi samannāgato gilānupaṭṭhāko alaṃ gilānaṃ upaṭṭhātuṃ – paṭibalo hoti bhesajjaṃ samvidhātuṃ, sappāyāsappāyaṃ jānāti, asappāyaṃ apanāmeti sappāyaṃ upanāmeti, mettacitto gilānaṃ upaṭṭhāti no āmisantaro, ajegucchī hoti uccāraṃ vā passāvaṃ vā kheḷaṃ vā vantaṃ vā nīhātuṃ, paṭibalo hoti gilānaṃ kālena kālaṃ dhammiyā kathāya sandassetuṃ samādapetuṃ samuttejetuṃ sampahaṃsetuṃ. Imehi kho, bhikkhave, pañcahaṅgehi samannāgato gilānupaṭṭhāko alaṃ gilānaṃ upaṭṭhātunti.

Gilānavatthukathā niṭṭhitā.

225. Matasantakakathā

367. Tena kho pana samayena dve bhikkhū kosalesu janapade addhānamaggappaṭipannā honti. Te aññataraṃ āvāsaṃ upagacchiṃsu. Tattha aññataro bhikkhu gilāno hoti. Atha kho tesam bhikkhūnaṃ etadahosi – “bhagavatā kho, āvuso, gilānupaṭṭhānaṃ vaṇṇitaṃ. Handa, mayaṃ, āvuso, imaṃ bhikkhuṃ upaṭṭhahemā”ti. Te taṃ upaṭṭhahiṃsu. So tehi upaṭṭhahiyamāno kālamakāsi. Atha kho te bhikkhū tassa bhikkhuno pattacīvaramādāya sāvattiṃ gantvā bhagavato etamatthaṃ ārocesuṃ. “Bhikkhusa, bhikkhave, kālaṅkate saṅgho sāmī pattacīvare, apica gilānupaṭṭhākā bahūpakārā. Anujānāmi, bhikkhave, saṅghena ticīvaraṅca pattaṅca gilānupaṭṭhākānaṃ dātuṃ. Evaṅca pana, bhikkhave, dātabbaṃ. Tena gilānupaṭṭhākena bhikkhunā saṅghaṃ upasaṅkamitvā evamassa vacanīyo – ‘itthannāmo, bhante, bhikkhu kālaṅkato. Idaṃ tassa ticīvaraṅca patto cā’”ti. Byattena bhikkhunā paṭibalena saṅgho ñāpetabbo –

“Suṇātu me, bhante, saṅgho. Itthannāmo bhikkhu kālaṅkato. Idaṃ tassa ticīvaraṅca patto ca. Yadi saṅghassa pattakallaṃ, saṅgho imaṃ ticīvaraṅca pattaṅca gilānupaṭṭhākānaṃ dadeyya. Esā ñatti.

“Suṇātu me, bhante, saṅgho. Itthannāmo bhikkhu kālaṅkato. Idaṃ tassa ticīvaraṅca patto ca. Saṅgho imaṃ ticīvaraṅca pattaṅca gilānupaṭṭhākānaṃ deti. Yassāyasmato khamati imassa ticīvarassa ca pattassa ca gilānupaṭṭhākānaṃ dānaṃ, so tuṅhassa; yassa nakkhamati, so bhāseyya.

“Dinnaṃ idaṃ saṅghena ticīvaraṅca patto ca gilānupaṭṭhākānaṃ. Khamati saṅghassa, tasmā tuṅhī, evametaṃ dhārayāmi”ti.

368. Tena kho pana samayena aññataro sāmaṇero kālaṅkato hoti. Bhagavato etamatthaṃ ārocesuṃ. Sāmaṇerassa, bhikkhave, kālaṅkate saṅgho sāmī pattacīvare, api ca gilānupaṭṭhākā bahūpakārā. Anujānāmi, bhikkhave, saṅghena cīvaraṅca pattaṅca gilānupaṭṭhākānaṃ dātuṃ. Evaṅca pana, bhikkhave, dātabbaṃ. Tena gilānupaṭṭhākena bhikkhunā saṅghaṃ upasaṅkamitvā evamassa vacanīyo – “itthannāmo, bhante, sāmaṇero kālaṅkato, idaṃ tassa cīvaraṅca patto cā”ti. Byattena bhikkhunā paṭibalena saṅgho ñāpetabbo –

“Suṇātu me, bhante, saṅgho. Itthannāmo sāmaṇero kālaṅkato. Idaṃ tassa cīvaraṅca patto ca. Yadi saṅghassa pattakallaṃ, saṅgho imaṃ cīvaraṅca pattaṅca gilānupaṭṭhākānaṃ dadeyya. Esā ñatti.

“Suṇātu me, bhante, saṅgho. Itthannāmo sāmaṇero kālaṅkato. Idaṃ tassa cīvaraṅca patto ca. Saṅgho imaṃ cīvaraṅca pattaṅca gilānupaṭṭhākānaṃ deti. Yassāyasmato khamati imassa cīvarassa ca pattassa ca gilānupaṭṭhākānaṃ dānaṃ, so tuṅhassa; yassa nakkhamati, so bhāseyya.

“Dinnaṃ idaṃ saṅghena cīvaraṅca patto ca gilānupaṭṭhākānaṃ. Khamati saṅghassa, tasmā tuṅhī, evametaṃ dhārayāmi”ti.

369. Tena kho pana samayena aññataro bhikkhu ca sāmaṇero ca gilānaṃ upaṭṭhahiṃsu. So tehi upaṭṭhahiyamāno kālamakāsi. Atha kho tassa gilānupaṭṭhākassa bhikkhuno etadahosi – “kathaṃ nu kho

gilānupaṭṭhākassa sāmaṇerassa cīvarapaṭivīso dātabbo’’ti? Bhagavato etamatthaṃ ārocesuṃ. Anujānāmi, bhikkhave, gilānupaṭṭhākassa sāmaṇerassa samakaṃ paṭivīsaṃ dātunti.

Tena kho pana samayena aññataro bhikkhu bahubhaṇḍo bahuparikkhāro kālaṅkato hoti. Bhagavato etamatthaṃ ārocesuṃ. Bhikkhussa, bhikkhave, kālaṅkate saṅgho sāmī pattacīvare, api ca gilānupaṭṭhākā bahūpakārā. Anujānāmi, bhikkhave, saṅghena ticīvaraṅca pattaṅca gilānupaṭṭhākānaṃ dātuṃ. Yaṃ tattha lahubhaṇḍaṃ lahubhāraṃ taṃ sammukhībhūtena saṅghena bhājetuṃ. Yaṃ tattha garubhaṇḍaṃ garuparikkhāraṃ taṃ āgatānāgatassa cātuddisassa saṅghassa avissajjikaṃ avebhaṅgikanti.

Matasantakakathā niṭṭhitā.

226. Naggiyapaṭikkhepakathā

370. Tena kho pana samayena aññataro bhikkhu naggo hutvā yena bhagavā tenupasaṅkami, upasaṅkamitvā bhagavantaṃ etadavoca – “bhagavā, bhante, anekapariyāyena appicchassa santuṭṭhassa sallekhasa dhutassa pāsādikassa apacayassa vīriyārambhassa vaṇṇavādī. Idaṃ, bhante, naggiyaṃ anekapariyāyena appicchatāya santuṭṭhitāya sallekhyā dhutatāya [dhutattāya (ka.)] pāsādikatāya apacayāya vīriyārambhāya saṃvattati. Sādhu, bhante, bhagavā bhikkhūnaṃ naggiyaṃ anujānātū’’ti. Vigarahi buddho bhagavā – “ananucchavikaṃ, moghapurisa, ananulomikaṃ appatirūpaṃ assāmaṇakaṃ akappiyaṃ akaraṇīyaṃ. Kathaṅhi nāma tvam, moghapurisa, naggiyaṃ titthiyasamādānaṃ samādiyissasi. Netam, moghapurisa, appasannānaṃ vā pasādāya...pe...” vigarahitvā dhammiṃ kathaṃ katvā bhikkhū āmantesi – “na, bhikkhave, naggiyaṃ titthiyasamādānaṃ samādiyitabbaṃ. Yo samādiyeyya, āpatti thullaccayassā’’ti.

Naggiyapaṭikkhepakathā niṭṭhitā.

227. Kusacīrādipaṭikkhepakathā

371. Tena kho pana samayena aññataro bhikkhu kusacīraṃ nivāsetvā...pe... vākacīraṃ nivāsetvā...pe... phalakacīraṃ nivāsetvā...pe... kesakambalaṃ nivāsetvā...pe... vālakambalaṃ nivāsetvā...pe... ulūkapakkaṃ nivāsetvā...pe... ajinakkhipaṃ nivāsetvā yena bhagavā tenupasaṅkami; upasaṅkamitvā bhagavantaṃ etadavoca – “bhagavā, bhante, anekapariyāyena appicchassa santuṭṭhassa sallekhasa dhutassa pāsādikassa apacayassa vīriyārambhassa vaṇṇavādī. Idaṃ, bhante, ajinakkhipaṃ anekapariyāyena appicchatāya santuṭṭhitāya sallekhyā dhutatāya pāsādikatāya apacayāya vīriyārambhāya saṃvattati. Sādhu, bhante, bhagavā bhikkhūnaṃ ajinakkhipaṃ anujānātū’’ti. Vigarahi buddho bhagavā – “ananucchavikaṃ, moghapurisa, ananulomikaṃ appatirūpaṃ assāmaṇakaṃ akappiyaṃ akaraṇīyaṃ. Kathaṅhi nāma tvam, moghapurisa, ajinakkhipaṃ titthiyadhajaṃ dhāressasi. Netam, moghapurisa, appasannānaṃ vā pasādāya...pe... vigarahitvā...pe... dhammiṃ kathaṃ katvā bhikkhū āmantesi – “na, bhikkhave, ajinakkhipaṃ titthiyadhajaṃ dhāretabbaṃ. Yo dhāreyya, āpatti thullaccayassā’’ti.

Tena kho pana samayena aññataro bhikkhu akkanāḷaṃ nivāsetvā...pe... potthakaṃ nivāsetvā yena bhagavā tenupasaṅkami, upasaṅkamitvā bhagavantaṃ etadavoca – “bhagavā, bhante, anekapariyāyena appicchassa santuṭṭhassa sallekhasa dhutassa pāsādikassa apacayassa vīriyārambhassa, vaṇṇavādī. Ayaṃ, bhante, potthako anekapariyāyena appicchatāya santuṭṭhitāya sallekhyā dhutatāya pāsādikatāya apacayāya vīriyārambhāya saṃvattati. Sādhu, bhante, bhagavā bhikkhūnaṃ potthakaṃ anujānātū’’ti. Vigarahi buddho bhagavā – “ananucchavikaṃ, moghapurisa, ananulomikaṃ appatirūpaṃ assāmaṇakaṃ akappiyaṃ akaraṇīyaṃ. Kathaṅhi nāma tvam, moghapurisa, potthakaṃ nivāsessasi. Netam, moghapurisa, appasannānaṃ vā pasādāya...pe... vigarahitvā...pe... dhammiṃ kathaṃ katvā bhikkhū āmantesi – “na, bhikkhave, potthako nivāsetabbo. Yo nivāseyya, āpatti dukkaṭassā’’ti.

Kusacīrādipaṭikkhepakathā niṭṭhitā.

228. Sabbanīlakādipaṭikkhepakathā

372. Tena kho pana samayena chabbaggiyā bhikkhū sabbanīlakāni cīvarāni dhārenti...pe... sabbapītakāni cīvarāni dhārenti...pe... sabbalohitakāni cīvarāni dhārenti...pe... sabbamañjīṭṭhakāni [sabbamañjēṭṭhakāni (sī. syā.)] cīvarāni dhārenti...pe... sabbakaṇhāni cīvarāni dhārenti...pe... sabbamahāraṅgarattāni cīvarāni dhārenti...pe... sabbamahānāmarattāni cīvarāni dhārenti...pe... acchinnadasāni cīvarāni dhārenti...pe... dīghadasāni cīvarāni dhārenti...pe... pupphadasāni cīvarāni dhārenti...pe... phaṇadasāni [phaladasāni (ka.)] cīvarāni dhārenti...pe... kañcukaṃ dhārenti...pe... tirīṭṭakaṃ dhārenti...pe... veṭṭhanaṃ dhārenti. Manussā ujjhāyanti khiyyanti vipācenti – “kathaṇhi nāma samaṇā sakyaputtīyā veṭṭhanaṃ dhāressanti, seyyathāpi gihī kāmabhogino”ti. Bhagavato etamatthaṃ ārocesuṃ. Na, bhikkhave, sabbanīlakāni cīvarāni dhāretabbāni, na sabbapītakāni cīvarāni dhāretabbāni, na sabbalohitakāni cīvarāni dhāretabbāni, na sabbamañjīṭṭhakāni cīvarāni dhāretabbāni, na sabbakaṇhāni cīvarāni dhāretabbāni, na sabbamahāraṅgarattāni cīvarāni dhāretabbāni, na sabbamahānāmarattāni cīvarāni dhāretabbāni, na acchinnadasāni cīvarāni dhāretabbāni, na dīghadasāni cīvarāni dhāretabbāni, na pupphadasāni cīvarāni dhāretabbāni, na phaṇadasāni cīvarāni dhāretabbāni, na kañcukaṃ dhāretabbāṃ, na tirīṭṭakaṃ dhāretabbāṃ, na veṭṭhanaṃ dhāretabbāṃ. Yo dhāreyya, āpatti dukkaṭassāti.

Sabbanīlakādipaṭikkhepakathā niṭṭhitā.

229. Vassaṃvuṭṭhānaṃ anuppannacīvarakathā

373. Tena kho pana samayena vassaṃvuṭṭhā bhikkhū anuppanne cīvare pakkamantipi, vibbhamantipi, kālampi karontī, sāmaṇerāpi paṭijānanti, sikkhaṃ paccakkhātakāpi paṭijānanti, antimavatthum ajjhāpannakāpi paṭijānanti, ummattakāpi paṭijānanti, khittacittāpi paṭijānanti, vedanāṭṭāpi paṭijānanti, āpattiyā adassane ukkhittakāpi paṭijānanti, āpattiyā appaṭikamme ukkhittakāpi paṭijānanti, pāpikāya ditṭhiyā appaṭinissagge ukkhittakāpi paṭijānanti, paṇḍakāpi paṭijānanti, theyyasaṃvāsakāpi paṭijānanti, titṭhiyapakkantakāpi paṭijānanti, tiracchānagatāpi paṭijānanti, mātughātakāpi paṭijānanti, pitughātakāpi paṭijānanti, arahantaghātakāpi paṭijānanti, bhikkhunidūsakāpi paṭijānanti, saṅghabhedakāpi paṭijānanti, lohituppādakāpi paṭijānanti, ubhatobyañjanakāpi paṭijānanti. Bhagavato etamatthaṃ ārocesuṃ.

374. Idha pana, bhikkhave, vassaṃvuṭṭho bhikkhu anuppanne cīvare pakkamati, sante patirūpe gāhake dātabbāṃ.

Idha pana, bhikkhave, vassaṃvuṭṭho bhikkhu anuppanne cīvare vibbhamati, kālaṃ karoti, sāmaṇero paṭijānāti, sikkhaṃ paccakkhātako paṭijānāti, antimavatthum ajjhāpannako paṭijānāti, saṅgho sāmī.

Idha pana, bhikkhave, vassaṃvuṭṭho bhikkhu anuppanne cīvare ummattako paṭijānāti, khittacitto paṭijānāti, vedanāṭṭo paṭijānāti, āpattiyā adassane ukkhittako paṭijānāti, āpattiyā appaṭikamme ukkhittako paṭijānāti, pāpikāya ditṭhiyā appaṭinissagge ukkhittako paṭijānāti, sante patirūpe gāhake dātabbāṃ.

Idha pana, bhikkhave, vassaṃvuṭṭho bhikkhu anuppanne cīvare paṇḍako paṭijānāti, theyyasaṃvāsako paṭijānāti, titṭhiyapakkantako paṭijānāti, tiracchānagato paṭijānāti, mātughātako paṭijānāti, pitughātako paṭijānāti, arahantaghātako paṭijānāti, bhikkhunidūsako paṭijānāti, saṅghabhedako paṭijānāti, lohituppādako paṭijānāti, ubhatobyañjanako paṭijānāti, saṅgho sāmī.

375. Idha pana, bhikkhave, vassaṃvuṭṭho bhikkhu uppanne cīvare abhājite pakkamati, sante patirūpe gāhake dātabbāṃ.

Idha pana, bhikkhave, vassaṃvuṭṭho bhikkhu uppanne cīvare abhājite vibbhamati, kālaṃ karoti, sāmaṇero paṭijānāti, sikkhaṃ paccakkhātaḥ paṭijānāti, antimavatthum ajjhāpannako paṭijānāti, saṅgho sāmī.

Idha pana, bhikkhave, vassaṃvuṭṭho bhikkhu uppanne cīvare abhājite ummattako paṭijānāti. Khittacitto paṭijānāti, vedanāṭṭo paṭijānāti, āpattiyā adassane ukkhittako paṭijānāti, āpattiyā appaṭikamme ukkhittako paṭijānāti, pāpikāya diṭṭhiyā appaṭinissagge ukkhittako paṭijānāti, sante patirūpe gāhake dātabbaṃ.

Idha pana, bhikkhave, vassaṃvuṭṭho bhikkhu uppanne cīvare abhājite paṇḍako paṭijānāti, theyyasaṃvāsako paṭijānāti, titthiyapakkantako paṭijānāti, tiracchānagato paṭijānāti, mātughātaḥ paṭijānāti, pitughātaḥ paṭijānāti, arahantaghātaḥ paṭijānāti, bhikkhunidūsaḥ paṭijānāti, saṅghabhedako paṭijānāti, lohituppādaḥ paṭijānāti, ubhatobyañjanako paṭijānāti, saṅgho sāmī.

Vassaṃ vuṭṭhānaṃ anuppannacīvarakathā niṭṭhitā.

230. Saṅghe bhinne cīvaruppādakathā

376. Idha pana, bhikkhave, vassaṃvuṭṭhānaṃ bhikkhūnaṃ anuppanne cīvare saṅgho bhijjati. Tattha manussā ekasmiṃ pakkhe udakaṃ denti, ekasmiṃ pakkhe cīvaraṃ denti – saṅghassa demāti. Saṅghassevetamaṃ.

Idha pana, bhikkhave, vassaṃvuṭṭhānaṃ bhikkhūnaṃ anuppanne cīvare saṅgho bhijjati. Tattha manussā ekasmiṃ pakkhe udakaṃ denti, tasmimyeva pakkhe cīvaraṃ denti – saṅghassa demāti. Saṅghassevetamaṃ.

Idha pana, bhikkhave, vassaṃvuṭṭhānaṃ bhikkhūnaṃ anuppanne cīvare saṅgho bhijjati. Tattha manussā ekasmiṃ pakkhe udakaṃ denti, ekasmiṃ pakkhe cīvaraṃ denti – pakkhassa demāti. Pakkhassevetamaṃ.

Idha pana, bhikkhave, vassaṃvuṭṭhānaṃ bhikkhūnaṃ anuppanne cīvare saṅgho bhijjati. Tattha manussā ekasmiṃ pakkhe udakaṃ denti, tasmimyeva pakkhe cīvaraṃ denti – pakkhassa demāti. Pakkhassevetamaṃ.

Idha pana, bhikkhave, vassaṃvuṭṭhānaṃ bhikkhūnaṃ uppanne cīvare abhājite saṅgho bhijjati. Sabbesaṃ samakaṃ bhājetabbanti.

Saṅghe bhinne cīvaruppādakathā niṭṭhitā.

231. Duggahitasuggahitādikathā

377. Tena kho pana samayena āyasmā revato aññatarassa bhikkhuno hatthe āyasmato sārīputtassa cīvaraṃ pāhesi – “imaṃ cīvaraṃ therassa dehi”ti. Atha kho so bhikkhu antarāmagge āyasmato revatassa vissāsā taṃ cīvaraṃ aggahesi. Atha kho āyasmā revato āyasmatā sārīputtena samāgantvā pucchi – “ahaṃ, bhante, therassa cīvaraṃ pāhesiṃ. Sampattaṃ taṃ cīvara”nti? “Nāhaṃ taṃ, āvuso, cīvaraṃ passāmi”ti. Atha kho āyasmā revato taṃ bhikkhuṃ etadavoca – “ahaṃ, āvuso, āyasmato hatthe therassa cīvaraṃ pāhesiṃ. Kahaṃ taṃ cīvara”nti? “Ahaṃ, bhante, āyasmato vissāsā taṃ cīvaraṃ aggahesi”nti. Bhagavato etamatthaṃ ārocesuṃ.

378. Idha pana, bhikkhave, bhikkhu bhikkhussa hatthe cīvaraṃ paṇḍati – “imaṃ cīvaraṃ itthannāmassa dehi”ti. So antarāmagge yo paṇḍati tassa vissāsā gaṇhāti. Suggahitaṃ. Yassa paṇḍati

tassa vissāsā gaṇhāti. Duggahitaṃ.

Idha pana, bhikkhave, bhikkhu bhikkhussa hatthe cīvaraṃ paṇiṇati – “imaṃ cīvaraṃ itthannāmassa dehi”’ti. So antarāmagge yassa paṇiyyati tassa vissāsā gaṇhāti. Duggahitaṃ. Yo paṇiṇati tassa vissāsā gaṇhāti. Suggahitaṃ.

Idha pana, bhikkhave, bhikkhu bhikkhussa hatthe cīvaraṃ paṇiṇati – “imaṃ cīvaraṃ itthannāmassa dehi”’ti. So antarāmagge suṇāti – yo paṇiṇati so kālaṅkatoti. Tassa matakacīvaraṃ adhiṭṭhāti. Svādhiṭṭhitaṃ. Yassa paṇiyyati tassa vissāsā gaṇhāti. Duggahitaṃ.

Idha pana, bhikkhave, bhikkhu bhikkhussa hatthe cīvaraṃ paṇiṇati – “imaṃ cīvaraṃ itthannāmassa dehi”’ti. So antarāmagge suṇāti – yassa paṇiyyati so kālaṅkatoti. Tassa matakacīvaraṃ adhiṭṭhāti. Dvādhiṭṭhitaṃ. Yo paṇiṇati tassa vissāsā gaṇhāti. Suggahitaṃ.

Idha pana, bhikkhave, bhikkhu bhikkhussa hatthe cīvaraṃ paṇiṇati – “imaṃ cīvaraṃ itthannāmassa dehi”’ti. So antarāmagge suṇāti – ubho kālaṅkatāti. Yo paṇiṇati tassa matakacīvaraṃ adhiṭṭhāti. Svādhiṭṭhitaṃ. Yassa paṇiyyati tassa matakacīvaraṃ adhiṭṭhāti. Dvādhiṭṭhitaṃ.

Idha pana, bhikkhave, bhikkhu bhikkhussa hatthe cīvaraṃ paṇiṇati – “imaṃ cīvaraṃ itthannāmassa dammi”’ti. So antarāmagge yo paṇiṇati tassa vissāsā gaṇhāti. Duggahitaṃ. Yassa paṇiyyati tassa vissāsā gaṇhāti. Suggahitaṃ.

Idha pana, bhikkhave, bhikkhu bhikkhussa hatthe cīvaraṃ paṇiṇati – “imaṃ cīvaraṃ itthannāmassa dammi”’ti. So antarāmagge yassa paṇiyyati tassa vissāsā gaṇhāti. Suggahitaṃ. Yo paṇiṇati tassa vissāsā gaṇhāti. Duggahitaṃ.

Idha pana, bhikkhave, bhikkhu bhikkhussa hatthe cīvaraṃ paṇiṇati – “imaṃ cīvaraṃ itthannāmassa dammi”’ti. So antarāmagge suṇāti – “yo paṇiṇati so kālaṅkato”’ti. Tassa matakacīvaraṃ adhiṭṭhāti. Dvādhiṭṭhitaṃ. Yassa paṇiyyati tassa vissāsā gaṇhāti. Suggahitaṃ.

Idha pana, bhikkhave, bhikkhu bhikkhussa hatthe cīvaraṃ paṇiṇati – “imaṃ cīvaraṃ itthannāmassa dammi”’ti. So antarāmagge suṇāti – “yassa paṇiyyati so kālaṅkato”’ti. Tassa matakacīvaraṃ adhiṭṭhāti. Svādhiṭṭhitaṃ. Yo paṇiṇati tassa vissāsā gaṇhāti. Duggahitaṃ.

Idha pana, bhikkhave, bhikkhu bhikkhussa hatthe cīvaraṃ paṇiṇati – “imaṃ cīvaraṃ itthannāmassa dammi”’ti. So antarāmagge suṇāti “ubho kālaṅkatā”’ti. Yo paṇiṇati tassa matakacīvaraṃ adhiṭṭhāti. Dvādhiṭṭhitaṃ. Yassa paṇiyyati tassa matakacīvaraṃ adhiṭṭhāti. Svādhiṭṭhitaṃ.

Duggahitasuggahitādikathā niṭṭhitā.

232. Aṭṭhacīvaramātikā

379. Aṭṭhimā, bhikkhave, mātikā cīvarassa uppādāya – sīmāya deti, katikāya deti, bhikkhāpaññattiyā deti, saṅghassa deti, ubhatosaṅghassa deti, vassaṃvuṭṭhasaṅghassa deti, ādissa deti, puggalassa deti.

Sīmāya deti – yāvatikā bhikkhū antosīmagatā tehi bhājetabbaṃ. Katikāya deti – sambahulā āvāsā samānalābhā honti ekasmiṃ āvāse dinne sabbattha dinnam hoti. Bhikkhāpaññattiyā deti, yattha saṅghassa dhuvakārā kariyyanti, tattha deti. Saṅghassa deti, sammukhībhūtena saṅghena bhājetabbaṃ. Ubhatosaṅghassa deti, bahukāpi bhikkhū honti, ekā bhikkhunī hoti, upaḍḍham dātābbaṃ, bahukāpi bhikkhuniyo honti, eko bhikkhu hoti, upaḍḍham dātābbaṃ. Vassaṃvuṭṭhasaṅghassa deti, yāvatikā

bhikkhū tasmim āvāse vassaṃvuṭṭhā, tehi bhājetabbaṃ. Ādissa deti, yāguyā vā bhatte vā khādanīye vā cīvare vā senāsane vā bhesajje vā. Puggalassa deti, “imaṃ cīvaraṃ itthannāmassa dammi”’ti.

Aṭṭhacīvaramātikā niṭṭhitā.

Cīvarakkhandhako aṭṭhamo.

233. Tassuddānaṃ

Rājagahako negamo, disvā vesāliyaṃ gaṇiṃ;
Puna rājagahaṃ gantvā, rañño taṃ paṭivedayi.

Putto sālavatikāya, abhayassa hi atrajo;
Jīvatīti kumārena, saṅkhāto jīvako iti.

So hi takkasīlaṃ gantvā, uggahetvā mahābhiso;
Sattavassikaābādhaṃ, natthukammena nāsayi.

Rañño bhagandalābādhaṃ, ālepena apākaḍḍhi;
Mamañca itthāgārañca, buddhasaṅghaṃ cupaṭṭhahi.

Rājagahako ca seṭṭhi, antagaṇṭhi tikicchitaṃ;
Pajjotassa mahārogaṃ, ghatapānena nāsayi.

Adhikārañca siveyyaṃ, abhisannaṃ sinehati;
Tīhi uppalahatthehi, samattiṃsavirecanaṃ.

Pakatattaṃ varaṃ yāci, siveyyañca paṭiggahi;
Cīvarañca gihidānaṃ, anuññāsi tathāgato.

Rājagahe janapade bahuṃ, uppajji cīvaraṃ;
Pāvāro kosiyañceva, kojavo aḍḍhakāsikaṃ.

Uccāvacā ca santuṭṭhi, nāgamesāgamesuṃ ca;
Paṭhamaṃ pacchā sadisā, katikā ca paṭiharuṃ.

Bhaṇḍāgāraṃ aguttañca, vuṭṭhāpentī tatheva ca;
Ussannaṃ kolāhalañca, kathaṃ bhāje kathaṃ dade.

Sakātirekabhāgena, paṭivīso kathaṃ dade;
Chakaṇena sītudakā [sītundī ca (sī.), sītunhi ca (katthaci)], uttaritu na jānare.

Āropentā bhājanañca, pātiyā ca chamāya ca;
Upacikāmajjhe jīranti, ekato patthinnena ca.

Pharusācchinnacchibandhā, addasāsi ubbhaṇḍite;
Vīmaṃsitvā sakyamuni, anuññāsi ticīvaraṃ.

Aññena atirekena, uppajji chiddameva ca;
Cātuddīpo varaṃ yāci, dātuṃ vassikasāṭikaṃ.

Āgantugamigilānaṃ, upatṭhākañca bhesajjaṃ;
Dhuvamaṃ udakasāṭiñca, paṇītaṃ atikhuddakaṃ.

Thullakacchumukhaṃ khomaṃ, paripuṇṇaṃ adhiṭṭhānaṃ;
Pacchimaṃ kato garuko, vikaṇṇo suttamokiri.

Lujjanti nappahonti, ca anvādhikaṃ bahūni ca;
Andhavane assatiyā, eko vassaṃ utumhi ca.

Dve bhātukā rājagahe, upanando puna dvisu;
Kucchivikāro gilāno, ubho ceva gilānakā [gilāyanā (ka.)].

Naggā kusā vākacīraṃ, phalako kesakambalaṃ;
Vāḷaulūkapakkhañca, ajinaṃ akkanāḷakaṃ.

Potthakaṃ nīlapītañca, lohitaṃ mañjiṭṭhena ca;
Kaṇhā mahāraṅganāma, acchinnadasikā tathā.

Dīghapuppaphaṇadasā, kañcutirīṭaveṭhanaṃ;
Anuppane pakkamati, saṅgho bhijjati tāvade.

Pakkhe dadanti saṅghassa, āyasmā revato pahi;
Vissāsagāhādhiṭṭhāti, aṭṭha cīvaramātikāti.

Imamhi khandhake vatthū channavuti.

Cīvarakkhandhako niṭṭhito.

9. Campeyyakkhandhako

234. Kassapagottabhikkhuvatthu

380. Tena samayena buddho bhagavā campāyaṃ viharati gaggarāya pokkharāṇiyā tīre. Tena kho pana samayena kāsīsu janapade vāsabhagāmo nāma hoti. Tattha kassapagotto nāma bhikkhu āvāsiko hoti tantibaddho ussukkaṃ āpanno – kinti anāgatā ca pesalā bhikkhū āgaccheyyumaṃ, āgatā ca pesalā bhikkhū phāsū vihareyyumaṃ, ayañca āvāso vuddhiṃ virulhiṃ vepullaṃ āpajjeyyāti. Tena kho pana samayena sambahulā bhikkhū kāsīsu cārikaṃ caramānā yena vāsabhagāmo tadavasaruṃ. Addasā kho kassapagotto bhikkhu te bhikkhū dūratova āgacchante, disvāna āsanaṃ paññapesi, pādodakaṃ pādapīṭhaṃ pādakathalikaṃ upanikkhipi, paccuggantvā pattacīvaraṃ paṭiggahesi, pānīyena āpucchi, nahāne ussukkaṃ akāsi, ussukkampi akāsi yāguyā khādanīye bhattasmiṃ. Atha kho tesam āgantukānaṃ bhikkhūnaṃ etadahosi – “bhaddako kho ayaṃ, āvuso, āvāsiko bhikkhu nahāne ussukkaṃ karoti, ussukkampi karoti yāguyā khādanīye bhattasmiṃ. Handa, mayaṃ, āvuso, idheva vāsabhagāme nivāsaṃ kappemā’ ti. Atha kho te āgantukā bhikkhū tattheva vāsabhagāme nivāsaṃ kappesumaṃ.

Atha kho kassapagottassa bhikkhuno etadahosi – “yo kho imesaṃ āgantukānaṃ bhikkhūnaṃ āgantukakilamatho so paṭippassaddho. Yēpime gocare appakataññuno tedānime gocare pakataññuno. Dukkaraṃ kho pana parakulesu yāvajīvaṃ ussukkaṃ kātuṃ, viññatti ca manussānaṃ amanāpā. Yaṃnūnāhaṃ na ussukkaṃ kareyyaṃ yāguyā khādanīye bhattasmi’ nti. So na ussukkaṃ akāsi yāguyā khādanīye bhattasmiṃ. Atha kho tesam āgantukānaṃ bhikkhūnaṃ etadahosi – “pubbe khvāyaṃ, āvuso, āvāsiko bhikkhu nahāne ussukkaṃ akāsi, ussukkampi akāsi yāguyā khādanīye bhattasmiṃ. Sodānāyaṃ

na ussukkaṃ karoti yāguyā khādanīye bhattasmiṃ. Duṭṭhodānāyaṃ, āvuso, āvāsiko bhikkhu. Handa, mayaṃ, āvuso, āvāsikaṃ [imam āvāsikaṃ (syā.)] bhikkhuṃ ukkhipāma'ti. Atha kho te āgantukā bhikkhū sannipatitvā kassapagottaṃ bhikkhuṃ etadavocum – ‘pubbe kho tvaṃ, āvuso, nahāne ussukkaṃ karosi, ussukkampi karosi yāguyā khādanīye bhattasmiṃ. Sodāni tvaṃ na ussukkaṃ karosi yāguyā khādanīye bhattasmiṃ. Āpattiṃ tvaṃ, āvuso, āpanno. Passasetam āpatti'nti? ‘Natthi me, āvuso, āpatti, yamahaṃ passeyya'nti. Atha kho te āgantukā bhikkhū kassapagottaṃ bhikkhuṃ āpattiyā adassane ukkhipimsu.

Atha kho kassapagottassa bhikkhuno etadahosi – ‘ahaṃ kho etaṃ na jānāmi ‘āpatti vā esā anāpatti vā, āpanno camhi [vamhi (?)] anāpanno vā, ukkhitto camhi anukkhitto vā, dhammikenā vā adhammikenā vā, kuppēna vā akuppēna vā, ṭhānārahena vā aṭṭhānārahena vā'. Yaṃnūnāhaṃ campam gantvā bhagavantaṃ etamatthaṃ puccheyya'nti. Atha kho kassapagotto bhikkhu senāsanaṃ saṃsāmetvā pattacīvaramādāya yena campā tena pakkāmi. Anupubbena yena campā yena bhagavā tenupasaṅkami, upasaṅkamitvā bhagavantaṃ abhivādetvā ekamantaṃ nisīdi. Āciṇṇaṃ kho panetaṃ buddhānaṃ bhagavantaṃ āgantukehi bhikkhūhi saddhiṃ paṭisammoditum. Atha kho bhagavā kassapagottaṃ bhikkhuṃ etadavoca – ‘kacci, bhikkhu, khamaṇīyaṃ, kacci yāpanīyaṃ, kacci appakilamathena addhānaṃ āgato, kuto ca tvaṃ, bhikkhu, āgacchasi'ti? ‘Khamaṇīyaṃ, bhagavā; yāpanīyaṃ, bhagavā; appakilamathena cāhaṃ, bhante, addhānaṃ āgato. Atthi, bhante, kāsīsu janapade vāsabhaḡāmo nāma. Tatthāhaṃ, bhagavā, āvāsiko tantibaddho ussukkaṃ āpanno – ‘kinti anāgatā ca pesalā bhikkhū āgaccheyyum, āgatā ca pesalā bhikkhū phāsu vihareyyum, ayaṅca āvāso vuddhiṃ viruḡhiṃ vepullaṃ āpajjeyyā'ti. Atha kho, bhante, sambahulā bhikkhū kāsīsu cārikaṃ caramānā yena vāsabhaḡāmo tadavasaruṃ. Addasaṃ kho ahaṃ, bhante, te bhikkhū dūratova āgacchante, disvāna āsanaṃ paññapesiṃ, pādodakaṃ pādapīṭhaṃ pādakathalikaṃ upanikkhipiṃ, paccuggantvā pattacīvaram paṭiggahesiṃ, pānīyena apucchiṃ, nahāne ussukkaṃ akāsiṃ, ussukkampi akāsiṃ yāguyā khādanīye bhattasmiṃ. Atha kho tesam, bhante, āgantukānaṃ bhikkhūnaṃ etadahosi – ‘bhaddako kho ayaṃ āvuso āvāsiko bhikkhu nahāne ussukkaṃ karoti, ussukkampi karoti yāguyā khādanīye bhattasmiṃ. Handa, mayaṃ, āvuso, idheva vāsabhaḡāme nivāsaṃ kappemā'ti. Atha kho te, bhante, āgantukā bhikkhū tattheva vāsabhaḡāme nivāsaṃ kappesum. Tassa mayhaṃ, bhante, etadahosi – ‘yo kho imesaṃ āgantukānaṃ bhikkhūnaṃ āgantukakilamatho so paṭippassaddho. Yepime gocare appakataññuno tedānime gocare pakataññuno. Dukkaraṃ kho pana parakulesu yāvajīvaṃ ussukkaṃ kātuṃ, viññatti ca manussānaṃ amanāpā. Yaṃnūnāhaṃ na ussukkaṃ kareyyaṃ yāguyā khādanīye bhattasmi'nti. So kho ahaṃ, bhante, na ussukkaṃ akāsiṃ yāguyā khādanīye bhattasmiṃ. Atha kho tesam, bhante, āgantukānaṃ bhikkhūnaṃ etadahosi – ‘pubbe khvāyaṃ, āvuso, āvāsiko bhikkhu nahāne ussukkaṃ karoti, ussukkampi karoti yāguyā khādanīye bhattasmiṃ. Sodānāyaṃ na ussukkaṃ karoti yāguyā khādanīye bhattasmiṃ. Duṭṭhodānāyaṃ, āvuso, āvāsiko bhikkhu. Handa, mayaṃ, āvuso, āvāsikaṃ bhikkhuṃ ukkhipāma'ti. Atha kho te, bhante, āgantukā bhikkhū sannipatitvā maṃ etadavocum – ‘pubbe kho tvaṃ, āvuso, nahāne ussukkaṃ karosi, ussukkampi karosi yāguyā khādanīye bhattasmiṃ. Sodāni tvaṃ na ussukkaṃ karosi yāguyā khādanīye bhattasmiṃ. Āpattiṃ tvaṃ, āvuso, āpanno. Passasetam āpatti'nti? ‘Natthi me, āvuso, āpatti yamahaṃ passeyya'nti. Atha kho te, bhante, āgantukā bhikkhū maṃ āpattiyā adassane ukkhipimsu. Tassa mayhaṃ, bhante, etadahosi – ‘ahaṃ kho etaṃ na jānāmi ‘āpatti vā esā anāpatti vā, āpanno camhi anāpanno vā, ukkhitto camhi anukkhitto vā, dhammikenā vā adhammikenā vā, kuppēna vā akuppēna vā, ṭhānārahena vā aṭṭhānārahena vā'. Yaṃnūnāhaṃ campam gantvā bhagavantaṃ etamatthaṃ puccheyya'nti. Tato ahaṃ, bhagavā, āgacchāmi'ti. ‘Anāpatti esā, bhikkhu, nesā āpatti. Anāpannosi, nasi āpanno. Anukkhitto, nasi ukkhitto. Adhammikenāsi kammaṇa ukkhitto kuppēna aṭṭhānārahena. Gaccha tvaṃ, bhikkhu, tattheva vāsabhaḡāme nivāsaṃ kappēhi'ti. ‘Evaṃ, bhante'ti kho kassapagotto bhikkhu bhagavato paṭissuṇitvā utṭhāyāsanaṃ bhagavantaṃ abhivādetvā padakkhiṇaṃ katvā yena vāsabhaḡāmo tena pakkāmi.

381. Atha kho tesam āgantukānaṃ bhikkhūnaṃ ahudeva kukkucam, ahu vippaṭisāro – ‘alābhā vata no, na vata no lābhā, dulladdhaṃ vata no, na vata no suladdhaṃ, ye mayaṃ suddhaṃ bhikkhuṃ anāpattikaṃ avatthusmiṃ akāraṇe ukkhipimhā. Handa, mayaṃ, āvuso, campam gantvā bhagavato

santike accayaṃ accayato desema’’ti. Atha kho te āgantukā bhikkhū senāsanam saṃsāmetvā pattacīvaramādāya yena campā tena pakkamiṃsu. Anupubbena yena campā yena bhagavā tenupasaṅkamiṃsu, upasaṅkamtivā bhagavantam abhivādetvā ekamantaṃ nisīdiṃsu. Āciṇṇam kho panetaṃ buddhānam bhagavantānam āgantukehi bhikkhūhi saddhiṃ paṭisammodiṃsu. Atha kho bhagavā te bhikkhū etadavoca – ‘‘kacci, bhikkhave, khamanīyaṃ, kacci yāpanīyaṃ, kaccittha appakilamathena addhānam āgatā, kuto ca tumhe, bhikkhave, āgacchathā’’ti? ‘‘Khamanīyaṃ, bhagavā; yāpanīyaṃ, bhagavā; appakilamathena ca mayaṃ, bhante, addhānam āgatā. Atthi, bhante, kāsīsu janapade vāsabhagāmo nāma. Tato mayaṃ, bhagavā, āgacchāma’’ti. ‘‘Tumhe, bhikkhave, āvāsikaṃ bhikkhum ukkhipitthā’’ti? ‘‘Evaṃ, bhante’’ti. ‘‘Kismiṃ, bhikkhave, vatthusmiṃ kāraṇe’’ti? ‘‘Avatthusmiṃ, bhagavā, akāraṇe’’ti. Vigarahi buddho bhagavā – ‘‘ananucchavikaṃ, moghapurisā, ananulomikaṃ appatirūpaṃ assāmaṇakaṃ akappiyaṃ akaraṇīyaṃ. Kathaṅhi nāma tumhe, moghapurisā, suddham bhikkhum anāpattikaṃ avatthusmiṃ akāraṇe ukkhipissatha. Netam, moghapurisā, appasannānam vā pasādāya...pe...’’ vigarahitvā dhammiṃ katham katvā bhikkhū āmantesi – ‘‘na, bhikkhave, suddho bhikkhu anāpattiko avatthusmiṃ akāraṇe ukkhipitabbo. Yo ukkhipeyya, āpatti dukkaṭassā’’ti.

Atha kho te bhikkhū utthāyāsanaṃ ekamsaṃ uttarāsaṅgaṃ karitvā bhagavato pādesu sirasā nipatitvā bhagavantam etadavocum – ‘‘accayo no, bhante, accagamā yathābāle yathāmūlhe yathākusale, ye mayaṃ suddham bhikkhum anāpattikaṃ avatthusmiṃ akāraṇe ukkhipimhā. Tesam no, bhante, bhagavā accayaṃ accayato paṭiggaṇhātu āyatiṃ saṃvarāyā’’ti. ‘‘Taggha, tumhe, bhikkhave, accayo accagamā yathābāle yathāmūlhe yathākusale, ye tumhe suddham bhikkhum anāpattikaṃ avatthusmiṃ akāraṇe ukkhipittha. Yato ca kho tumhe, bhikkhave, accayaṃ accayato disvā yathādhammam paṭikarotha, tam vo mayaṃ paṭiggaṇhāma. Vuddhihesā, bhikkhave, ariyassa vinaye yo accayaṃ accayato disvā yathādhammam paṭikaroti, āyatiṃ [āyatiṃ ca (sī.)] saṃvaram āpajjati’’ti.

Kassapagottabhikkhuvatthu niṭṭhitam.

235. Adhammena vaggādikammakathā

382. Tena kho pana samayena campāyaṃ bhikkhū evarūpāni kammāni karonti – adhammena vaggakammaṃ karonti, adhammena samaggakammaṃ karonti; dhammena vaggakammaṃ karonti, dhammapatirūpakena vaggakammaṃ karonti; dhammapatirūpakena samaggakammaṃ karonti; ekopi ekaṃ ukkhipati, ekopi dve ukkhipati, ekopi sambahule ukkhipati, ekopi saṅgham ukkhipati; dvepi ekaṃ ukkhipanti, dvepi dve ukkhipanti, dvepi sambahule ukkhipanti, dvepi saṅgham ukkhipanti; sambahulāpi ekaṃ ukkhipanti; sambahulāpi dve ukkhipanti, sambahulāpi sambahule ukkhipanti, sambahulāpi saṅgham ukkhipanti; saṅghopi saṅgham ukkhipati. Ye te bhikkhū appicchā...pe... te ujjhāyanti khiyyanti vipācenti – ‘‘kathaṅhi nāma campāyaṃ bhikkhū evarūpāni kammāni karissanti – adhammena vaggakammaṃ karissanti, adhammena samaggakammaṃ karissanti, dhammena vaggakammaṃ karissanti, dhammapatirūpakena vaggakammaṃ karissanti, dhammapatirūpakena samaggakammaṃ karissanti, ekopi ekaṃ ukkhipissati, ekopi dve ukkhipissati, ekopi sambahule ukkhipissati, ekopi saṅgham ukkhipissati, dvepi ekaṃ ukkhipissanti, dvepi dve ukkhipissanti, dvepi sambahule ukkhipissanti, dvepi saṅgham ukkhipissanti, sambahulāpi ekaṃ ukkhipissanti, sambahulāpi dve ukkhipissanti, sambahulāpi sambahule ukkhipissanti, sambahulāpi saṅgham ukkhipissanti, saṅghopi saṅgham ukkhipissati’’ti. Atha kho te bhikkhū bhagavato etamattham ārocesum...pe... ‘‘saccaṃ kira, bhikkhave, campāyaṃ bhikkhū evarūpāni kammāni karonti – adhammena vaggakammaṃ karonti...pe... saṅghopi saṅgham ukkhipati’’ti? ‘‘Saccaṃ, bhagavā’’ti. Vigarahi buddho bhagavā – ‘‘ananucchavikaṃ, bhikkhave, tesam moghapurisānam ananulomikaṃ appatirūpaṃ assāmaṇakaṃ akappiyaṃ akaraṇīyaṃ. Kathaṅhi nāma te, bhikkhave, moghapurisā evarūpāni kammāni karissanti – adhammena vaggakammaṃ karissanti...pe... saṅghopi saṅgham ukkhipissati. Netam, bhikkhave, appasannānam vā pasādāya...pe... vigarahitvā...pe... dhammiṃ katham katvā bhikkhū āmantesi –

383. “Adhammena ce, bhikkhave, vaggakammaṃ akammaṃ na ca karaṇīyaṃ, adhammena [adhammena ce bhikkhave (syā.)] samaggakammaṃ akammaṃ na ca karaṇīyaṃ, dhammena vaggakammaṃ akammaṃ na ca karaṇīyaṃ; dhammapatirūpakena vaggakammaṃ akammaṃ na ca karaṇīyaṃ, dhammapatirūpakena samaggakammaṃ akammaṃ na ca karaṇīyaṃ; ekopi ekaṃ ukkhipati akammaṃ na ca karaṇīyaṃ, ekopi dve ukkhipati akammaṃ na ca karaṇīyaṃ, ekopi sambahule ukkhipati akammaṃ na ca karaṇīyaṃ, ekopi saṅghaṃ ukkhipati akammaṃ na ca karaṇīyaṃ; dvepi ekaṃ ukkhipanti akammaṃ na ca karaṇīyaṃ, dvepi dve ukkhipanti akammaṃ na ca karaṇīyaṃ, dvepi sambahule ukkhipanti akammaṃ na ca karaṇīyaṃ, dvepi saṅghaṃ ukkhipanti akammaṃ na ca karaṇīyaṃ; sambahulāpi ekaṃ ukkhipanti akammaṃ na ca karaṇīyaṃ, sambahulāpi dve ukkhipanti akammaṃ na ca karaṇīyaṃ, sambahulāpi sambahule ukkhipanti akammaṃ na ca karaṇīyaṃ, sambahulāpi saṅghaṃ ukkhipanti akammaṃ na ca karaṇīyaṃ; saṅghopi saṅghaṃ ukkhipati akammaṃ na ca karaṇīyaṃ.

384. “Cattārimāni, bhikkhave, kammāni – adhammena vaggakammaṃ, adhammena samaggakammaṃ, dhammena vaggakammaṃ, dhammena samaggakammaṃ. Tatra, bhikkhave, yadidaṃ adhammena vaggakammaṃ, idaṃ, bhikkhave, kammaṃ adhammattā vaggattā kuppam aṭṭhānārahaṃ; na, bhikkhave, evarūpaṃ kammaṃ kātabbaṃ, na ca mayā evarūpaṃ kammaṃ anuññātaṃ. Tatra, bhikkhave, yadidaṃ adhammena samaggakammaṃ, idaṃ, bhikkhave, kammaṃ adhammattā kuppam aṭṭhānārahaṃ; na, bhikkhave, evarūpaṃ kammaṃ kātabbaṃ, na ca mayā evarūpaṃ kammaṃ anuññātaṃ. Tatra, bhikkhave, yadidaṃ dhammena vaggakammaṃ, idaṃ, bhikkhave, kammaṃ vaggattā kuppam aṭṭhānārahaṃ; na, bhikkhave, evarūpaṃ kammaṃ kātabbaṃ, na ca mayā evarūpaṃ kammaṃ anuññātaṃ. Tatra, bhikkhave, yadidaṃ dhammena samaggakammaṃ, idaṃ, bhikkhave, kammaṃ dhammattā samaggattā akuppam aṭṭhānārahaṃ; evarūpaṃ, bhikkhave, kammaṃ kātabbaṃ, evarūpaṃ mayā kammaṃ anuññātaṃ. Tasmātiha, bhikkhave, evarūpaṃ kammaṃ karissāma yadidaṃ dhammena samagganti – evañhi vo, bhikkhave, sikkhitabba’nti.

Adhammena vaggādikammakathā niṭṭhitā.

236. Ānattivipannakammādikathā

385. Tena kho pana samayena chabbaggiyā bhikkhū evarūpāni kammāni karonti – adhammena vaggakammaṃ karonti, adhammena samaggakammaṃ karonti; dhammena vaggakammaṃ karonti, dhammapatirūpakena vaggakammaṃ karonti, dhammapatirūpakena samaggakammaṃ karonti; ānattivipannampi kammaṃ karonti anussāvanasampannaṃ, anussāvanavipannampi kammaṃ karonti ānattisampannaṃ, ānattivipannampi anussāvanavipannampi kammaṃ karonti; aññatrāpi dhammā kammaṃ karonti, aññatrāpi vinayā kammaṃ karonti, aññatrāpi satthusāsanā kammaṃ karonti; paṭikuṭṭhakatampi kammaṃ karonti adhammikaṃ kuppam aṭṭhānārahaṃ. Ye te bhikkhū appicchā...pe... te ujjhāyanti khiyyanti vipācenti – ‘kathañhi nāma chabbaggiyā bhikkhū evarūpāni kammāni karissanti – adhammena vaggakammaṃ karissanti, adhammena samaggakammaṃ karissanti; dhammena vaggakammaṃ karissanti, dhammapatirūpakena vaggakammaṃ karissanti, dhammapatirūpakena samaggakammaṃ karissanti; ānattivipannampi kammaṃ karissanti anussāvanasampannaṃ, anussāvanavipannampi kammaṃ karissanti ānattisampannaṃ, ānattivipannampi anussāvanavipannampi kammaṃ karissanti; aññatrāpi dhammā kammaṃ karissanti, aññatrāpi vinayā kammaṃ karissanti, aññatrāpi satthusāsanā kammaṃ karissanti; paṭikuṭṭhakatampi kammaṃ karissanti adhammikaṃ kuppam aṭṭhānāraha’nti. Atha kho te bhikkhū bhagavato etamatthaṃ ārocesuṃ...pe... ‘saccaṃ kira, bhikkhave, chabbaggiyā bhikkhū evarūpāni kammāni karonti – adhammena vaggakammaṃ karonti...pe... paṭikuṭṭhakatampi kammaṃ karonti adhammikaṃ kuppam aṭṭhānāraha’nti? ‘Saccaṃ, bhagavā’nti. Vigarahi buddho bhagavā...pe... vigarahitvā dhammiṃ kathaṃ katvā bhikkhū āmantesi –

386. “Adhammena ce, bhikkhave, vaggakammaṃ akammaṃ na ca karaṇīyaṃ; adhammena samaggakammaṃ akammaṃ na ca karaṇīyaṃ; dhammena vaggakammaṃ akammaṃ na ca karaṇīyaṃ;

dhammapatirūpakena vaggakammaṃ akammaṃ na ca karaṇīyaṃ; dhammapatirūpakena samaggakammaṃ akammaṃ na ca karaṇīyaṃ. Ñattivipannañce, bhikkhave, kammaṃ anussāvanasampannaṃ akammaṃ na ca karaṇīyaṃ; anussāvanavipannañce, bhikkhave, kammaṃ ñattisampannaṃ akammaṃ na ca karaṇīyaṃ; ñattivipannañce, bhikkhave, kammaṃ anussāvanavipannaṃ akammaṃ na ca karaṇīyaṃ; aññatrāpi dhammā kammaṃ akammaṃ na ca karaṇīyaṃ; aññatrāpi vinayā kammaṃ akammaṃ na ca karaṇīyaṃ; aññatrāpi satthusāsanā kammaṃ akammaṃ na ca karaṇīyaṃ; paṭikuṭṭhakatañce, bhikkhave, kammaṃ adhammikam kuppam aṭṭhānārahaṃ akammaṃ na ca karaṇīyaṃ.

387. Chayimāni, bhikkhave, kammāni – adhammakammaṃ, vaggakammaṃ, samaggakammaṃ, dhammapatirūpakena vaggakammaṃ, dhammapatirūpakena samaggakammaṃ, dhammena samaggakammaṃ.

Katamañca, bhikkhave, adhammakammaṃ? Ñattidutiye ce, bhikkhave, kamme ekāya ñattiyā kammaṃ karoti, na ca kammavācaṃ anussāveti – adhammakammaṃ. Ñattidutiye ce, bhikkhave, kamme dvīhi ñattīhi kammaṃ karoti, na ca kammavācaṃ anussāveti – adhammakammaṃ. Ñattidutiye ce, bhikkhave, kamme ekāya kammavācāya kammaṃ karoti, na ca ñattiṃ ṭhapeti – adhammakammaṃ. Ñattidutiye ce, bhikkhave, kamme dvīhi kammavācāhi kammaṃ karoti, na ca ñattiṃ ṭhapeti – adhammakammaṃ. Ñatticatutthe ce, bhikkhave, kamme ekāya ñattiyā kammaṃ karoti, na ca kammavācaṃ anussāveti – adhammakammaṃ. Ñatticatutthe ce, bhikkhave, kamme dvīhi ñattīhi kammaṃ karoti, na ca kammavācaṃ anussāveti – adhammakammaṃ. Ñatticatutthe ce, bhikkhave, kamme tīhi ñattīhi kammaṃ karoti, na ca kammavācaṃ anussāveti – adhammakammaṃ. Ñatticatutthe ce, bhikkhave, kamme catūhi ñattīhi kammaṃ karoti, na ca kammavācaṃ anussāveti – adhammakammaṃ. Ñatticatutthe ce, bhikkhave, kamme ekāya kammavācāya kammaṃ karoti, na ca ñattiṃ ṭhapeti – adhammakammaṃ. Ñatticatutthe ce, bhikkhave, kamme dvīhi kammavācāhi kammaṃ karoti, na ca ñattiṃ ṭhapeti – adhammakammaṃ. Ñatticatutthe ce, bhikkhave, kamme tīhi kammavācāhi kammaṃ karoti, na ca ñattiṃ ṭhapeti – adhammakammaṃ. Ñatticatutthe ce, bhikkhave, kamme catūhi kammavācāhi kammaṃ karoti, na ca ñattiṃ ṭhapeti – adhammakammaṃ. Idaṃ vuccati, bhikkhave, adhammakammaṃ.

Katamañca, bhikkhave, vaggakammaṃ? Ñattidutiye ce, bhikkhave, kamme yāvatikā bhikkhū kammappattā te anāgatā honti, chandārahānaṃ chando anāhaṭo hoti, sammukhībhūtā paṭikkosanti – vaggakammaṃ. Ñattidutiye ce, bhikkhave, kamme yāvatikā bhikkhū kammappattā te āgatā honti, chandārahānaṃ chando anāhaṭo hoti, sammukhībhūtā paṭikkosanti – vaggakammaṃ. Ñattidutiye ce, bhikkhave, kamme yāvatikā bhikkhū kammappattā te āgatā honti, chandārahānaṃ chando āhaṭo hoti, sammukhībhūtā paṭikkosanti – vaggakammaṃ. Ñatticatutthe ce, bhikkhave, kamme yāvatikā bhikkhū kammappattā te āgatā honti, chandārahānaṃ chando anāhaṭo hoti, sammukhībhūtā paṭikkosanti – vaggakammaṃ. Ñatticatutthe ce, bhikkhave, kamme yāvatikā bhikkhū kammappattā te āgatā honti, chandārahānaṃ chando āhaṭo hoti, sammukhībhūtā paṭikkosanti – vaggakammaṃ. Ñatticatutthe ce, bhikkhave, kamme yāvatikā bhikkhū kammappattā te āgatā honti, chandārahānaṃ chando āhaṭo hoti, sammukhībhūtā paṭikkosanti – vaggakammaṃ. Idaṃ vuccati, bhikkhave, vaggakammaṃ.

Katamañca, bhikkhave, samaggakammaṃ? Ñattidutiye ce, bhikkhave, kamme yāvatikā bhikkhū kammappattā, te āgatā honti, chandārahānaṃ chando āhaṭo hoti, sammukhībhūtā na paṭikkosanti – samaggakammaṃ. Ñatticatutthe ce, bhikkhave, kamme yāvatikā bhikkhū kammappattā, te āgatā honti, chandārahānaṃ chando āhaṭo hoti, sammukhībhūtā na paṭikkosanti – samaggakammaṃ. Idaṃ vuccati, bhikkhave, samaggakammaṃ.

Katamañca, bhikkhave, dhammapatirūpakena vaggakammaṃ? Ñattidutiye ce, bhikkhave, kamme paṭhamam kammavācaṃ anussāveti, pacchā ñattiṃ ṭhapeti, yāvatikā bhikkhū kammappattā te anāgatā honti, chandārahānaṃ chando anāhaṭo hoti, sammukhībhūtā paṭikkosanti – dhammapatirūpakena

vaggakammaṃ. Ñattidutiye ce, bhikkhave, kamme paṭhamam kammavācam anussāveti, pacchā ñattim ṭhpeti, yāvatikā bhikkhū kammappattā te āgatā honti, chandārahānam chando anāhaṭo hoti, sammukhībhūtā paṭikkosanti – dhammapatirūpakena vaggakammaṃ. Ñattidutiye ce, bhikkhave, kamme paṭhamam kammavācam anussāveti, pacchā ñattim ṭhpeti, yāvatikā bhikkhū kammappattā te āgatā honti, chandārahānam chando āhaṭo hoti, sammukhībhūtā paṭikkosanti – dhammapatirūpakena vaggakammaṃ. Ñatticatutthe ce, bhikkhave, kamme paṭhamam kammavācam anussāveti, pacchā ñattim ṭhpeti, yāvatikā bhikkhū kammappattā te anāgatā honti, chandārahānam chando anāhaṭo hoti, sammukhībhūtā paṭikkosanti – dhammapatirūpakena vaggakammaṃ. Ñatticatutthe ce, bhikkhave, kamme paṭhamam kammavācam anussāveti, pacchā ñattim ṭhpeti, yāvatikā bhikkhū kammappattā te āgatā honti, chandārahānam chando anāhaṭo hoti, sammukhībhūtā paṭikkosanti – dhammapatirūpakena vaggakammaṃ. Ñatticatutthe ce, bhikkhave, kamme paṭhamam kammavācam anussāveti, pacchā ñattim ṭhpeti, yāvatikā bhikkhū kammappattā te āgatā honti, chandārahānam chando āhaṭo hoti, sammukhībhūtā paṭikkosanti – dhammapatirūpakena vaggakammaṃ. Idaṃ vuccati, bhikkhave, dhammapatirūpakena vaggakammaṃ.

Katamañca, bhikkhave, dhammapatirūpakena samaggakammaṃ? Ñattidutiye ce, bhikkhave, kamme paṭhamam kammavācam anussāveti, pacchā ñattim ṭhpeti, yāvatikā bhikkhū kammappattā, te āgatā honti, chandārahānam chando āhaṭo hoti, sammukhībhūtā na paṭikkosanti – dhammapatirūpakena samaggakammaṃ. Ñatticatutthe ce, bhikkhave, kamme paṭhamam kammavācam anussāveti, pacchā ñattim ṭhpeti, yāvatikā bhikkhū kammappattā te āgatā honti, chandārahānam chando āhaṭo hoti, sammukhībhūtā na paṭikkosanti – dhammapatirūpakena samaggakammaṃ. Idaṃ vuccati, bhikkhave, dhammapatirūpakena samaggakammaṃ.

Katamañca, bhikkhave, dhammena samaggakammaṃ? Ñattidutiye ce, bhikkhave, kamme paṭhamam ñattim ṭhpeti, pacchā ekāya kammavācāya kammaṃ karoti, yāvatikā bhikkhū kammappattā te āgatā honti, chandārahānam chando āhaṭo hoti, sammukhībhūtā na paṭikkosanti – dhammena samaggakammaṃ. Ñatticatutthe ce, bhikkhave, kamme paṭhamam ñattim ṭhpeti, pacchā tīhi kammavācāhi kammaṃ karoti, yāvatikā bhikkhū kammappattā, te āgatā honti, chandārahānam chando āhaṭo hoti, sammukhībhūtā na paṭikkosanti, dhammena samaggakammaṃ. Idaṃ vuccati, bhikkhave, dhammena samaggakammaṃ.

Ñattivipannakammādikathā niṭṭhitā.

237. Catuvaggakaraṇādikathā

388. Pañca saṅghā – catuvaggo bhikkhusaṅgho pañcavaggo bhikkhusaṅgho, dasavaggo bhikkhusaṅgho, vīsativaggo bhikkhusaṅgho, atirekavīsativaggo bhikkhusaṅgho. Tatra, bhikkhave, yvāyaṃ catuvaggo bhikkhusaṅgho, ṭhpetvā tīṇi kammāni – upasampadam pavāraṇam abbhānam, dhammena samaggo sabbakammesu kammappatto. Tatra, bhikkhave, yvāyaṃ pañcavaggo bhikkhusaṅgho, ṭhpetvā dve kammāni – majjhimesu janapadesu upasampadam abbhānam, dhammena samaggo sabbakammesu kammappatto. Tatra, bhikkhave, yvāyaṃ dasavaggo bhikkhusaṅgho, ṭhpetvā ekaṃ kammaṃ – abbhānam, dhammena samaggo sabbakammesu kammappatto. Tatra, bhikkhave, yvāyaṃ vīsativaggo bhikkhusaṅgho dhammena samaggo sabbakammesu kammappatto. Tatra, bhikkhave, yvāyaṃ atirekavīsativaggo bhikkhusaṅgho dhammena samaggo sabbakammesu kammappatto.

389. Catuvaggakaraṇaṅce, bhikkhave, kammaṃ bhikkhunicatuttho kammaṃ kareyya – akammaṃ na ca karaṇīyaṃ. Catuvaggakaraṇaṅce, bhikkhave, kammaṃ sikkhamānacatuttho kammaṃ kareyya... akammaṃ na ca karaṇīyaṃ...pe.... Sāmaṇeracatuttho kammaṃ kareyya... akammaṃ na ca karaṇīyaṃ. Sāmaṇericatuttho kammaṃ kareyya... akammaṃ na ca karaṇīyaṃ. Sikkham paccakkhātakacatuttho kammaṃ kareyya... akammaṃ na ca karaṇīyaṃ. Antimavatthum ajjhāpannakacatuttho kammaṃ

kareyya... akammaṃ na ca karaṇīyaṃ. Āpattiyā adassane ukkhittakacatuṭṭho kammaṃ kareyya... akammaṃ na ca karaṇīyaṃ. Āpattiyā appaṭīkamme ukkhittakacatuṭṭho kammaṃ kareyya... akammaṃ na ca karaṇīyaṃ. Pāpikāya diṭṭhiyā appaṭinissagge ukkhittakacatuṭṭho kammaṃ kareyya... akammaṃ na ca karaṇīyaṃ. Paṇḍakacatuṭṭho kammaṃ kareyya... akammaṃ na ca karaṇīyaṃ. Theyyasaṃvāsakacatuṭṭho kammaṃ kareyya... akammaṃ na ca karaṇīyaṃ. Titthiyapakkantakacatuṭṭho kammaṃ kareyya... akammaṃ na ca karaṇīyaṃ. Tiracchānagatacatuṭṭho kammaṃ kareyya... akammaṃ na ca karaṇīyaṃ. Mātughātakacatuṭṭho kammaṃ kareyya... akammaṃ na ca karaṇīyaṃ. Pitughātakacatuṭṭho kammaṃ kareyya... akammaṃ na ca karaṇīyaṃ. Arahantaghātakacatuṭṭho kammaṃ kareyya... akammaṃ na ca karaṇīyaṃ. Bhikkhunidūsakacatuṭṭho kammaṃ kareyya... akammaṃ na ca karaṇīyaṃ. Saṅghabhedakacatuṭṭho kammaṃ kareyya... akammaṃ na ca karaṇīyaṃ. Lohituppādakacatuṭṭho kammaṃ kareyya... akammaṃ na ca karaṇīyaṃ. Ubhatobyañjanakacatuṭṭho kammaṃ kareyya... akammaṃ na ca karaṇīyaṃ. Nānāsaṃvāsakacatuṭṭho kammaṃ kareyya... akammaṃ na ca karaṇīyaṃ. Nānāsīmāya ṭhitacatuṭṭho kammaṃ kareyya... akammaṃ na ca karaṇīyaṃ. Iddhiyā vehāse ṭhitacatuṭṭho kammaṃ kareyya... akammaṃ na ca karaṇīyaṃ. Yassa saṅgho kammaṃ karoti, taṃcatuṭṭho kammaṃ kareyya ... akammaṃ na ca karaṇīyaṃ.

Catuvaraṇaṃ.

390. Pañcavaggakaraṇaṇce, bhikkhave, kammaṃ bhikkhunipaṇcāmo kammaṃ kareyya... akammaṃ na ca karaṇīyaṃ. Pañcavaggakaraṇaṇce, bhikkhave, kammaṃ sikkhamānāpaṇcāmo kammaṃ kareyya...pe... Sāmaṇerapaṇcāmo kammaṃ kareyya... sāmaṇeripaṇcāmo kammaṃ kareyya ... sikkhaṃ paccakkhātakapaṇcāmo kammaṃ kareyya... antimavatthuṃ ajjhāpannakapaṇcāmo kammaṃ kareyya... āpattiyā adassane ukkhittakapaṇcāmo kammaṃ kareyya... āpattiyā appaṭīkamme ukkhittakapaṇcāmo kammaṃ kareyya... pāpikāya diṭṭhiyā appaṭinissagge ukkhittakapaṇcāmo kammaṃ kareyya... paṇḍakapaṇcāmo kammaṃ kareyya... theyyasaṃvāsakapaṇcāmo kammaṃ kareyya... titthiyapakkantakapaṇcāmo kammaṃ kareyya... tiracchānagatapaṇcāmo kammaṃ kareyya... mātughātakapaṇcāmo kammaṃ kareyya... pitughātakapaṇcāmo kammaṃ kareyya... arahantaghātakapaṇcāmo kammaṃ kareyya... bhikkhunidūsakapaṇcāmo kammaṃ kareyya... saṅghabhedakapaṇcāmo kammaṃ kareyya... lohituppādakapaṇcāmo kammaṃ kareyya... ubhatobyañjanakapaṇcāmo kammaṃ kareyya... nānāsaṃvāsakapaṇcāmo kammaṃ kareyya... nānāsīmāya ṭhitapaṇcāmo kammaṃ kareyya... iddhiyā vehāse ṭhitapaṇcāmo kammaṃ kareyya... yassa saṅgho kammaṃ karoti, taṃpaṇcāmo kammaṃ kareyya – akammaṃ na ca karaṇīyaṃ.

Pañcavaggakaraṇaṃ.

391. Dasavaggakaraṇaṇce, bhikkhave, kammaṃ bhikkhunidasāmo kammaṃ kareyya, akammaṃ na ca karaṇīyaṃ. Dasavaggakaraṇaṇce, bhikkhave, kammaṃ sikkhamānadasāmo kammaṃ kareyya, akammaṃ na ca karaṇīyaṃ...pe... Dasavaggakaraṇaṇce, bhikkhave, kammaṃ yassa saṅgho kammaṃ karoti, taṃdasāmo kammaṃ kareyya – akammaṃ na ca karaṇīyaṃ.

Dasavaggakaraṇaṃ.

392. Vīsativaggakaraṇaṇce, bhikkhave, kammaṃ bhikkhunivīso kammaṃ kareyya – akammaṃ na ca karaṇīyaṃ. Vīsativaggakaraṇaṇce, bhikkhave, kammaṃ sikkhamānavīso kammaṃ kareyya ...pe... sāmaṇeravīso kammaṃ kareyya... sāmaṇerivīso kammaṃ kareyya... sikkhaṃ paccakkhātakavīso kammaṃ kareyya... antimavatthuṃ ajjhāpannakavīso kammaṃ kareyya... āpattiyā adassane ukkhittakavīso kammaṃ kareyya... āpattiyā appaṭīkamme ukkhittakavīso kammaṃ kareyya... pāpikāya diṭṭhiyā appaṭinissagge ukkhittakavīso kammaṃ kareyya... paṇḍakavīso kammaṃ kareyya... theyyasaṃvāsakavīso kammaṃ kareyya... titthiyapakkantakavīso kammaṃ kareyya... tiracchānagatavīso kammaṃ kareyya... mātughātakavīso kammaṃ kareyya... pitughātakavīso kammaṃ kareyya... arahantaghātakavīso kammaṃ kareyya... bhikkhunidūsakavīso kammaṃ kareyya...

saṅghabhedakavīso kammaṃ kareyya... lohituppādakavīso kammaṃ kareyya...
 ubhatobyañjanakavīso kammaṃ kareyya... nānāsaṃvāsakavīso kammaṃ kareyya... nānāsīmāya
 ʈhitavīso kammaṃ kareyya... iddhiyā vehāse ʈhitavīso kammaṃ kareyya... yassa saṅgho kammaṃ
 karoti, taṃvīso kammaṃ kareyya – akammaṃ na ca karaṇīyaṃ.

Vīsativaggakaraṇaṃ.

Catuvaggakaraṇādīkathā niṭṭhitā.

238. Pārivāsikādīkathā

393. Pārivāsikacattuttho ce, bhikkhave, parivāsaṃ dadeyya, mūlāya paṭikasseyya, mānattaṃ
 dadeyya, taṃvīso abbhēyya – akammaṃ na ca karaṇīyaṃ. Mūlāya paṭikassanārahacattuttho ce,
 bhikkhave, parivāsaṃ dadeyya, mūlāya paṭikasseyya, mānattaṃ dadeyya, taṃvīso abbhēyya –
 akammaṃ na ca karaṇīyaṃ. Mānattārahacattuttho ce, bhikkhave, parivāsaṃ dadeyya, mūlāya
 paṭikasseyya, mānattaṃ dadeyya, taṃvīso abbhēyya – akammaṃ na ca karaṇīyaṃ.
 Mānattacārikacattuttho ce, bhikkhave, parivāsaṃ dadeyya, mūlāya paṭikasseyya, mānattaṃ dadeyya,
 taṃvīso abbhēyya – akammaṃ na ca karaṇīyaṃ. Abbhānārahacattuttho ce, bhikkhave, parivāsaṃ
 dadeyya, mūlāya paṭikasseyya, mānattaṃ dadeyya, taṃvīso abbhēyya – akammaṃ na ca karaṇīyaṃ.

394. Ekaccassa, bhikkhave, saṅghamajjhe paṭikkosāna ruhati, ekaccassa na ruhati. Kassa ca,
 bhikkhave, saṅghamajjhe paṭikkosāna na ruhati? Bhikkhuniyā, bhikkhave, saṅghamajjhe paṭikkosāna na
 ruhati. Sikkhamānāya, bhikkhave...pe... sāmaṇerassa, bhikkhave... sāmaṇeriyā, bhikkhave...
 sikkhāpaccakkhātakassa bhikkhave... antimavatthum ajjhāpannakassa, bhikkhave ... ummattakassa,
 bhikkhave... khittacittassa, bhikkhave... vedanāṭṭassa, bhikkhave... āpattiyā adassane ukkhittakassa,
 bhikkhave... āpattiyā appaṭikamme ukkhittakassa, bhikkhave... pāpikāya diṭṭhiyā appaṭinissagge
 ukkhittakassa, bhikkhave... paṇḍakassa, bhikkhave... theyyasaṃvāsakassa, bhikkhave...
 titthiyapakantakassa, bhikkhave ... tiracchānagatassa bhikkhave... mātughātakassa, bhikkhave...
 pitughātakassa, bhikkhave... arahantaghātakassa, bhikkhave... bhikkhunidūsakassa, bhikkhave...
 saṅghabhedakassa, bhikkhave... lohituppādakassa, bhikkhave... ubhatobyañjanakassa, bhikkhave...
 nānāsaṃvāsakassa, bhikkhave... nānāsīmāya ʈhitassa, bhikkhave... iddhiyā vehāse ʈhitassa, bhikkhave,
 yassa saṅgho kammaṃ karoti, tassa ca [tassa (syā.)], bhikkhave, saṅghamajjhe paṭikkosāna na ruhati.
 Imesaṃ kho, bhikkhave, saṅghamajjhe paṭikkosāna na ruhati.

Kassa ca, bhikkhave, saṅghamajjhe paṭikkosāna ruhati? Bhikkhussa, bhikkhave, pakatattassa

Samānasaṃvāsakassa samānasīmāya ʈhitassa antamaso ānantarikassāpi [anantarikassāpi (syā.)]
 bhikkhuno viññāpentassa saṅghamajjhe paṭikkosāna ruhati. Imassa kho, bhikkhave, saṅghamajjhe
 paṭikkosāna ruhati.

Pārivāsikādīkathā niṭṭhitā.

239. Dvenissāraṇādīkathā

395. Dvemā, bhikkhave, nissāraṇā. Atthi, bhikkhave, puggalo appatto nissāraṇaṃ. Tañce saṅgho
 nissāreti, ekacco sunissārito, ekacco dunnissārito. Katamo ca, bhikkhave, puggalo appatto nissāraṇaṃ,
 tañce saṅgho nissāreti – dunnissārito? Idha pana, bhikkhave, bhikkhu suddho hoti anāpattiko. Tañce
 saṅgho nissāreti – dunnissārito. Ayaṃ vuccati, bhikkhave, puggalo appatto nissāraṇaṃ, tañce saṅgho
 nissāreti – dunnissārito.

Katamo ca, bhikkhave, puggalo appatto nissāraṇaṃ, tañce saṅgho nissāreti – sunissārito? Idha

pana, bhikkhave, bhikkhu bālo hoti abyatto āpattibahulo anapadāno, gihisaṃsaṭṭho viharati ananulomikehi gihisaṃsaggehi, tañce saṅgho nissāreti – sunissārito. Ayaṃ vuccati, bhikkhave, puggalo appatto nissāraṇaṃ, tañce saṅgho nissāreti – sunissārito.

396. Dvemā, bhikkhave, osāraṇā. Atthi, bhikkhave, puggalo appatto osāraṇaṃ tañce saṅgho osāreti, ekacco sosārito, ekacco dosārito. Katamo ca, bhikkhave, puggalo appatto osāraṇaṃ, tañce saṅgho osāreti – dosārito? Paṇḍako, bhikkhave, appatto osāraṇaṃ, tañce saṅgho osāreti – dosārito. Theyyasaṃvāsako, bhikkhave, appatto osāraṇaṃ, tañce saṅgho osāreti – dosārito. Titthiyapakkantako, bhikkhave...pe... tiracchānagato, bhikkhave... mātughātakako, bhikkhave... pitughātakako, bhikkhave... arahantaghātakako, bhikkhave... bhikkhunidūsako, bhikkhave... saṅghabhedako, bhikkhave... lohituppādako, bhikkhave... ubhatobyañjanako, bhikkhave, appatto, osāraṇaṃ, tañce saṅgho osāreti – dosārito. Ayaṃ vuccati, bhikkhave, puggalo appatto osāraṇaṃ, tañce saṅgho osāreti – dosārito. Ime vuccanti, bhikkhave, puggalā appattā osāraṇaṃ, te ce saṅgho osāreti – dosāritā.

Katamo ca, bhikkhave, puggalo appatto osāraṇaṃ, tañce saṅgho osāreti – sosārito? Hatthacchinno, bhikkhave, appatto osāraṇaṃ, tañce saṅgho osāreti, sosārito. Pādacchinno, bhikkhave...pe... hatthapādacchinno, bhikkhave... kaṇṇacchinno, bhikkhave... nāsacchinno, bhikkhave... kaṇṇanāsacchinno, bhikkhave... aṅgulicchinno, bhikkhave... aḷacchinno, bhikkhave... kaṇḍaracchinno, bhikkhave... phaṇahatthako, bhikkhave... khujjo, bhikkhave... vāmano, bhikkhave... galagaṇḍī, bhikkhave... lakkhaṇāhato, bhikkhave... kasāhato, bhikkhave... likhitako, bhikkhave... sīpadiko, bhikkhave... pāparogī, bhikkhave... parisadūsako, bhikkhave... kāṇo, bhikkhave... kuṇī, bhikkhave... khañjo, bhikkhave... pakkhahato, bhikkhave... chinniriyāpatho, bhikkhave... jarādubbalo, bhikkhave... andho, bhikkhave... mūgo, bhikkhave... badhiro, bhikkhave... andhamūgo, bhikkhave... andhabadhiro, bhikkhave... mūgabadhiro, bhikkhave... andhamūgabadhiro, bhikkhave, appatto osāraṇaṃ, tañce saṅgho osāreti – sosārito. Ayaṃ vuccati, bhikkhave, puggalo appatto osāraṇaṃ, tañce saṅgho osāreti – sosārito. Ime vuccanti, bhikkhave, puggalā appattā osāraṇaṃ, te ce saṅgho osāreti – sosāritā.

Dvenissāraṇādikathā niṭṭhitā.

Vāsabhaḡāmahānavāro niṭṭhito paṭhamo.

240. Adhammakammādikathā

397. Idha pana, bhikkhave, bhikkhussa na hoti āpatti daṭṭhabbā. Tameṇaṃ codeti saṅgho vā sambahulā vā ekapuggalo vā – “āpattiṃ tvam, āvuso, āpanno, passasetam āpatti”nti? So evaṃ vadeti – “natthi me, āvuso, āpatti, yamaḡaṃ passeyya”nti. Taṃ saṅgho āpattiyā adassane ukkhipati – adhammakammaṃ.

Idha pana, bhikkhave, bhikkhussa na hoti āpatti paṭikātabbā. Tameṇaṃ codeti saṅgho vā sambahulā vā ekapuggalo vā – “āpattiṃ tvam, āvuso, āpanno, paṭikarohi taṃ āpatti”nti. So evaṃ vadeti – “natthi me, āvuso, āpatti, yamaḡaṃ paṭikareyya”nti. Taṃ saṅgho āpattiyā appaṭikamme ukkhipati – adhammakammaṃ.

Idha pana, bhikkhave, bhikkhussa na hoti pāpikā diṭṭhi paṭinissajjetā. Tameṇaṃ codeti saṅgho vā sambahulā vā ekapuggalo vā – “pāpikā te, āvuso, diṭṭhi, paṭinissajjetam pāpikaṃ diṭṭhi”nti. So evaṃ vadeti – “natthi me, āvuso, pāpikā diṭṭhi, yamaḡaṃ paṭinissajjeyya”nti. Taṃ saṅgho pāpikāya diṭṭhiyā appaṭinissagge ukkhipati – adhammakammaṃ.

Idha pana, bhikkhave, bhikkhussa na hoti āpatti daṭṭhabbā, na hoti āpatti paṭikātabbā. Tameṇaṃ codeti saṅgho vā sambahulā vā ekapuggalo vā – “āpattiṃ tvam, āvuso, āpanno, passasetam āpatti? Paṭikarohi taṃ āpatti”nti. So evaṃ vadeti – “natthi me, āvuso, āpatti, yamaḡaṃ passeyyam. Natthi me,

āvuso, āpatti, yamahaṃ paṭikareyya’’nti. Taṃ saṅgho adassane vā appaṭikamme vā ukkhipati – adhammakammaṃ.

Idha pana, bhikkhave, bhikkhussa na hoti āpatti daṭṭhabbā, na hoti pāpikā diṭṭhi paṭinissajjetā. Tamenam codeti saṅgho vā sambahulā vā ekapuggalo vā – ‘‘āpattiṃ tvaṃ, āvuso, āpanno, passasetam āpattiṃ? Pāpikā te diṭṭhi, paṭinissajjetam pāpikam diṭṭhi’’nti. So evaṃ vadeti – ‘‘natthi me, āvuso, āpatti, yamahaṃ passeyyam; natthi me, āvuso, pāpikā diṭṭhi, yamahaṃ paṭinissajjeyya’’nti. Taṃ saṅgho adassane vā appaṭinissagge vā ukkhipati – adhammakammaṃ.

Idha pana, bhikkhave, bhikkhussa na hoti āpatti paṭikātabbā, na hoti pāpikā diṭṭhi paṭinissajjetā. Tamenam codeti saṅgho vā sambahulā vā ekapuggalo vā – ‘‘āpattiṃ tvaṃ, āvuso, āpanno, paṭikarohi taṃ āpattiṃ; pāpikā te diṭṭhi, paṭinissajjetam pāpikam diṭṭhi’’nti. So evaṃ vadeti – ‘‘natthi me, āvuso, āpatti, yamahaṃ paṭikareyyam. Natthi me, āvuso, pāpikā diṭṭhi, yamahaṃ paṭinissajjeyya’’nti. Taṃ saṅgho appaṭikamme vā appaṭinissagge vā ukkhipati – adhammakammaṃ.

Idha pana, bhikkhave, bhikkhussa na hoti āpatti daṭṭhabbā, na hoti āpatti paṭikātabbā, na hoti pāpikā diṭṭhi paṭinissajjetā. Tamenam codeti saṅgho vā sambahulā vā ekapuggalo vā – ‘‘āpattiṃ tvaṃ, āvuso, āpanno, passasetam āpattiṃ? Paṭikarohi taṃ āpattiṃ; pāpikā te diṭṭhi, paṭinissajjetam pāpikam diṭṭhi’’nti. So evaṃ vadeti – ‘‘natthi me, āvuso, āpatti, yamahaṃ passeyyam. Natthi me, āvuso, āpatti, yamahaṃ paṭikareyyam. Natthi me, āvuso, pāpikā diṭṭhi, yamahaṃ paṭinissajjeyya’’nti. Taṃ saṅgho adassane vā appaṭikamme vā appaṭinissagge vā ukkhipati – adhammakammaṃ.

398. Idha pana, bhikkhave, bhikkhussa hoti āpatti daṭṭhabbā. Tamenam codeti. Saṅgho vā sambahulā vā ekapuggalo vā – ‘‘āpattiṃ tvaṃ, āvuso, āpanno, passasetam āpatti’’nti? So evaṃ vadeti – ‘‘āmāvuso, passāmi’’ti. Taṃ saṅgho āpattiyā adassane ukkhipati – adhammakammaṃ.

Idha pana, bhikkhave, bhikkhussa hoti āpatti paṭikātabbā. Tamenam codeti saṅgho vā sambahulā vā ekapuggalo vā – ‘‘āpattiṃ tvaṃ, āvuso, āpanno, paṭikarohi taṃ āpatti’’nti. So evaṃ vadeti – ‘‘āmāvuso, paṭikarissāmi’’ti. Taṃ saṅgho āpattiyā appaṭikamme ukkhipati – adhammakammaṃ.

Idha pana, bhikkhave, bhikkhussa hoti pāpikā diṭṭhi paṭinissajjetā. Tamenam codeti saṅgho vā sambahulā vā ekapuggalo vā – ‘‘pāpikā te, āvuso, diṭṭhi; paṭinissajjetam pāpikam diṭṭhi’’nti. So evaṃ vadeti – ‘‘āmāvuso, paṭinissajjissāmi’’ti. Taṃ saṅgho pāpikāya diṭṭhiyā appaṭinissagge ukkhipati – adhammakammaṃ.

Idha pana, bhikkhave, bhikkhussa hoti āpatti daṭṭhabbā, hoti āpatti paṭikātabbā...pe... hoti āpatti daṭṭhabbā, hoti pāpikā diṭṭhi paṭinissajjetā...pe... hoti āpatti paṭikātabbā, hoti pāpikā diṭṭhi paṭinissajjetā...pe... hoti āpatti daṭṭhabbā, hoti āpatti paṭikātabbā, hoti pāpikā diṭṭhi paṭinissajjetā. Tamenam codeti saṅgho vā sambahulā vā ekapuggalo vā – ‘‘āpattiṃ tvaṃ, āvuso, āpanno, passasetam āpattiṃ? Paṭikarohi taṃ āpattiṃ; pāpikā te diṭṭhi, paṭinissajjetam pāpikam diṭṭhi’’nti. So evaṃ vadeti – ‘‘āmāvuso, passāmi, āma paṭikarissāmi, āma paṭinissajjissāmi’’ti. Taṃ saṅgho adassane vā appaṭikamme vā appaṭinissagge vā ukkhipati – adhammakammaṃ.

399. Idha pana, bhikkhave, bhikkhussa hoti āpatti daṭṭhabbā. Tamenam codeti saṅgho vā sambahulā vā ekapuggalo vā – ‘‘āpattiṃ tvaṃ, āvuso, āpanno, passasetam āpatti’’nti? So evaṃ vadeti – ‘‘natthi me, āvuso, āpatti, yamahaṃ passeyya’’nti. Taṃ saṅgho āpattiyā adassane ukkhipati – dhammakammaṃ.

Idha pana, bhikkhave, bhikkhussa hoti āpatti paṭikātabbā. Tamenam codeti saṅgho vā sambahulā vā ekapuggalo vā – ‘‘āpattiṃ tvaṃ, āvuso, āpanno, paṭikarohi taṃ āpatti’’nti. So evaṃ vadeti – ‘‘natthi me, āvuso, āpatti, yamahaṃ paṭikareyya’’nti. Taṃ saṅgho āpattiyā appaṭikamme ukkhipati – dhammakammaṃ.

Idha pana, bhikkhave, bhikkhussa hoti pāpikā diṭṭhi paṭinissajjetā. Tamenam codeti saṅgho vā sambahulā vā ekapuggalo vā – “pāpikā te, āvuso, diṭṭhi, paṭinissajjetam pāpikam diṭṭhi”nti. So evam vadeti – “natthi me, āvuso, pāpikā diṭṭhi, yamaham paṭinissajjeyya”nti. Tam saṅgho pāpikāya diṭṭhiyā appaṭinissagge ukkhipati – dhammakammaṃ.

Idha pana, bhikkhave, bhikkhussa hoti āpatti daṭṭhabbā, hoti āpatti paṭikātabbā...pe...

Hoti āpatti daṭṭhabbā, hoti pāpikā diṭṭhi paṭinissajjetā...pe... hoti āpatti paṭikātabbā, hoti pāpikā diṭṭhi paṭinissajjetā ...pe... hoti āpatti daṭṭhabbā, hoti āpatti paṭikātabbā, hoti pāpikā diṭṭhi paṭinissajjetā. Tamenam codeti saṅgho vā sambahulā vā ekapuggalo vā – “āpattim tvam, āvuso, āpanno, passasetam āpattim? Paṭikarohi tam āpattim. Pāpikā te diṭṭhi, paṭinissajjetam pāpikam diṭṭhi”nti. So evam vadeti – “natthi me, āvuso, āpatti, yamaham passeyyam. Natthi me, āvuso, āpatti yamaham paṭikareyyam. Natthi me, āvuso, pāpikā diṭṭhi, yamaham paṭinissajjeyya”nti. Tam saṅgho adassane vā appaṭikamme vā appaṭinissagge vā ukkhipati – dhammakammanti.

Adhammakammādikathā niṭṭhitā.

241. Upālipucchākathā

400. Atha kho āyasmā upāli yena bhagavā tenupasaṅkami, upasaṅkamitvā bhagavantam abhivādetvā ekamantaṃ nisīdi. Ekamantaṃ nisinno kho āyasmā upāli bhagavantam etadavoca – “yo nu kho, bhante, samaggo saṅgho sammukhākaraṇīyam kammaṃ asamukhā karoti, dhammakammaṃ nu kho tam, bhante, vinayakamma”nti? “Adhammakammaṃ tam, upāli, avinayakamma”nti. “Yo nu kho, bhante, samaggo saṅgho paṭipucchākaraṇīyam kammaṃ appaṭipucchā karoti...pe... paṭiññāyakaṇīyam kammaṃ apaṭiññāya karoti... sativinayārahassa amūḷhavinayam deti... amūḷhavinayārahassa tassapāpiyasikākammaṃ karoti... tassapāpiyasikākammārahassa tajjanīyakammaṃ karoti... tajjanīyakammārahassa niyassakammaṃ karoti ... niyassakammārahassa pabbājanīyakammaṃ karoti... pabbājanīyakammārahassa paṭisāraṇīyakammaṃ karoti... paṭisāraṇīyakammārahassa ukkhepanīyakammaṃ karoti... ukkhepanīyakammārahassa parivāsam deti... parivāsārahamaṃ mūlāya paṭikassati... mūlāyapaṭikassanārahassa mānattaṃ deti... mānattārahamaṃ abbheti... abbhānārahamaṃ upasampādeti, dhammakammaṃ nu kho tam, bhante, vinayakamma”nti? “Adhammakammaṃ tam, upāli, avinayakammaṃ”.

“Yo kho, upāli, samaggo saṅgho sammukhākaraṇīyam kammaṃ asamukhā karoti, evam kho, upāli, adhammakammaṃ hoti avinayakammaṃ, evaṅca pana saṅgho sātisāro hoti. Yo kho, upāli, samaggo saṅgho paṭipucchākaraṇīyam kammaṃ appaṭipucchā karoti...pe... paṭiññāyakaṇīyam kammaṃ apaṭiññāya karoti... sativinayārahassa amūḷhavinayam deti... amūḷhavinayārahassa tassapāpiyasikākammaṃ karoti... tassapāpiyasikākammārahassa tajjanīyakammaṃ karoti... tajjanīyakammārahassa niyassakammaṃ karoti... niyassakammārahassa pabbājanīyakammaṃ karoti... pabbājanīyakammārahassa paṭisāraṇīyakammaṃ karoti... paṭisāraṇīyakammārahassa ukkhepanīyakammaṃ karoti... ukkhepanīyakammārahassa parivāsam deti... parivāsārahamaṃ mūlāya paṭikassati... mūlāyapaṭikassanārahassa mānattaṃ deti... mānattārahamaṃ abbheti... abbhānārahamaṃ upasampādeti, evam kho, upāli, adhammakammaṃ hoti avinayakammaṃ. Evaṅca pana saṅgho sātisāro hoti”ti.

401. “Yo nu kho, bhante, samaggo saṅgho sammukhākaraṇīyam kammaṃ sammukhā karoti, dhammakammaṃ nu kho tam, bhante, vinayakamma”nti? “Dhammakammaṃ tam, upāli, vinayakamma”nti. “Yo nu kho, bhante, samaggo saṅgho paṭipucchākaraṇīyam kammaṃ paṭipucchā karoti...pe... paṭiññāyakaṇīyam kammaṃ paṭiññāya karoti... sativinayārahassa sativinayam deti... amūḷhavinayārahassa amūḷhavinayam deti... tassapāpiyasikākammārahassa tassapāpiyasikākammaṃ karoti... tajjanīyakammārahassa tajjanīyakammaṃ karoti... niyassakammārahassa niyassakammaṃ

karoti... pabbājanīyakammārahassa pabbājanīyakammaṃ karoti... paṭisāraṇīyakammārahassa paṭisāraṇīyakammaṃ karoti... ukkhepanīyakammārahassa ukkhepanīyakammaṃ karoti... parivāsārahassa parivāsaṃ deti mūlāyapaṭikassanārahaṃ mūlāya paṭikassati... mānattārahassa mānattaṃ deti... abbhānārahaṃ abbheti... upasampadārahaṃ upasampādeti, dhammakammaṃ nu kho taṃ, bhante, vinayakamma’nti? ‘‘Dhammakammaṃ taṃ, upāli, vinayakammaṃ.

‘‘Yo kho, upāli, samaggo saṅgho sammukhākaraṇīyaṃ kammaṃ sammukhā karoti, evaṃ kho, upāli, dhammakammaṃ hoti vinayakammaṃ. Evañca pana saṅgho anatisāro hoti. Yo kho, upāli, samaggo saṅgho paṭipucchākaraṇīyaṃ kammaṃ paṭipucchā karoti... paṭiññāyakaṇīyaṃ kammaṃ paṭiññāya karoti... sativinayārahassa sativinayaṃ deti... amūlḥavinayārahassa amūlḥavinayaṃ deti... tassapāpiyasikākammārahassa tassapāpiyasikākammaṃ karoti... tajjanīyakammārahassa tajjanīyakammaṃ karoti... niyassakammārahassa niyassakammaṃ karoti... pabbājanīyakammārahassa pabbājanīyakammaṃ karoti ... paṭisāraṇīyakammārahassa paṭisāraṇīyakammaṃ karoti... ukkhepanīyakammārahassa ukkhepanīyakammaṃ karoti... parivāsārahassa parivāsaṃ deti... mūlāyapaṭikassanārahaṃ mūlāya paṭikassati... mānattārahassa mānattaṃ deti... abbhānārahaṃ abbheti... upasampadārahaṃ upasampādeti, evaṃ kho, upāli, dhammakammaṃ hoti vinayakammaṃ. Evañca pana saṅgho anatisāro hoti’’ti.

402. ‘‘Yo nu kho, bhante, samaggo saṅgho sativinayārahassa amūlḥavinayaṃ deti, amūlḥavinayārahassa sativinayaṃ deti, dhammakammaṃ nu kho taṃ, bhante, vinayakamma’nti? ‘‘Adhammakammaṃ taṃ, upāli, avinayakamma’nti. ‘‘Yo nu kho, bhante, samaggo saṅgho amūlḥavinayārahassa tassapāpiyasikākammaṃ karoti, tassapāpiyasikākammārahassa amūlḥavinayaṃ deti...pe... tassapāpiyasikākammārahassa tajjanīyakammaṃ karoti, tajjanīyakammārahassa tassapāpiyasikākammaṃ karoti... tajjanīyakammārahassa niyassakammaṃ karoti, niyassakammārahassa tajjanīyakammaṃ karoti... niyassakammārahassa pabbājanīyakammaṃ karoti, pabbājanīyakammārahassa niyassakammaṃ karoti... pabbājanīyakammārahassa paṭisāraṇīyakammaṃ karoti, paṭisāraṇīyakammārahassa pabbājanīyakammaṃ karoti... paṭisāraṇīyakammārahassa ukkhepanīyakammaṃ karoti, ukkhepanīyakammārahassa paṭisāraṇīyakammaṃ karoti... ukkhepanīyakammārahassa parivāsaṃ deti, parivāsārahassa ukkhepanīyakammaṃ karoti... parivāsārahaṃ mūlāya paṭikassati, mūlāyapaṭikassanārahaṃ parivāsaṃ deti... mūlāyapaṭikassanārahaṃ mānattaṃ deti, mānattārahaṃ mūlāya paṭikassati... mānattārahaṃ abbheti, abbhānārahaṃ mānattaṃ deti... abbhānārahaṃ upasampādeti, upasampadārahaṃ abbheti, dhammakammaṃ nu kho taṃ, bhante, vinayakamma’nti? ‘‘Adhammakammaṃ taṃ, upāli, avinayakamma’nti.

‘‘Yo kho, upāli, samaggo saṅgho sativinayārahassa amūlḥavinayaṃ deti, amūlḥavinayārahassa sativinayaṃ deti, evaṃ kho, upāli, adhammakammaṃ hoti avinayakammaṃ. Evañca pana saṅgho sātisāro hoti. Yo kho, upāli, samaggo saṅgho amūlḥavinayārahassa tassapāpiyasikākammaṃ karoti, tassapāpiyasikākammārahassa amūlḥavinayaṃ deti...pe... tassapāpiyasikākammārahassa tajjanīyakammaṃ karoti, tajjanīyakammārahassa tassapāpiyasikākammaṃ karoti... tajjanīyakammārahassa niyassakammaṃ karoti, niyassakammārahassa tajjanīyakammaṃ karoti... niyassakammārahassa pabbājanīyakammaṃ karoti, pabbājanīyakammārahassa niyassakammaṃ karoti... pabbājanīyakammārahassa paṭisāraṇīyakammaṃ karoti, paṭisāraṇīyakammārahassa pabbājanīyakammaṃ karoti... paṭisāraṇīyakammārahassa ukkhepanīyakammaṃ karoti, ukkhepanīyakammārahassa paṭisāraṇīyakammaṃ karoti... ukkhepanīyakammārahassa parivāsaṃ deti, parivāsārahassa ukkhepanīyakammaṃ karoti... parivāsārahaṃ mūlāya paṭikassati, mūlāyapaṭikassanārahaṃ parivāsaṃ deti... mūlāyapaṭikassanārahaṃ mānattaṃ deti, mānattārahaṃ mūlāya paṭikassati – mānattārahaṃ abbheti, abbhānārahaṃ mānattaṃ deti... abbhānārahaṃ upasampādeti, upasampadārahaṃ abbheti, evaṃ kho, upāli, adhammakammaṃ hoti avinayakammaṃ. Evañca pana saṅgho sātisāro hoti’’ti.

403. “Yo nu kho, bhante, samaggo saṅgho sativinayārahassa sativinayaṃ deti, amūḷhavinayārahassa amūḷhavinayaṃ deti, dhammakammaṃ nu kho taṃ, bhante, vinayakamma’nti? “Dhammakammaṃ taṃ, upāli, vinayakamma’nti. “Yo nu kho, bhante, samaggo saṅgho amūḷhavinayārahassa amūḷhavinayaṃ deti...pe... tassapāpiyasikākammārahassa tassapāpiyasikākammaṃ karoti...pe... tajjanīyakammārahassa tajjanīyakammaṃ karoti...pe... niyassakammārahassa niyassakammaṃ karoti...pe... pabbājanīyakammārahassa pabbājanīyakammaṃ karoti...pe... paṭisāraṇīyakammārahassa paṭisāraṇīyakammaṃ karoti...pe... ukkhepanīyakammārahassa ukkhepanīyakammaṃ karoti...pe... parivāsārahassa parivāsaṃ deti...pe... mūlāyapaṭikassanārahaṃ mūlāya paṭikassati...pe... mānattārahassa mānattaṃ deti...pe... abbhānārahaṃ abbheti, upasampadārahaṃ upasampādeti, dhammakammaṃ nu kho taṃ, bhante, vinayakamma’nti? “Dhammakammaṃ taṃ, upāli, vinayakammaṃ”.

“Yo kho, upāli, samaggo saṅgho sativinayārahassa sativinayaṃ deti, amūḷhavinayārahassa amūḷhavinayaṃ deti, evaṃ kho, upāli, dhammakammaṃ hoti vinayakammaṃ. Evañca pana saṅgho anatisāro hoti. Yo kho, upāli, samaggo saṅgho amūḷhavinayārahassa amūḷhavinayaṃ deti ...pe... tassapāpiyasikākammārahassa tassapāpiyasikākammaṃ karoti...pe... tajjanīyakammārahassa tajjanīyakammaṃ karoti...pe... niyassakammārahassa niyassakammaṃ karoti...pe... pabbājanīyakammārahassa pabbājanīyakammaṃ karoti...pe... paṭisāraṇīyakammārahassa paṭisāraṇīyakammaṃ karoti...pe... ukkhepanīyakammārahassa ukkhepanīyakammaṃ karoti...pe... parivāsārahassa parivāsaṃ deti...pe... mūlāya paṭikassanārahaṃ mūlāya paṭikassati...pe... mānattārahassa mānattaṃ deti...pe... abbhānārahaṃ abbheti, upasampadārahaṃ upasampādeti, evaṃ kho, upāli, dhammakammaṃ hoti vinayakammaṃ. Evañca pana saṅgho anatisāro hoti’”ti.

404. Atha kho bhagavā bhikkhū āmantesi – yo kho, bhikkhave, samaggo saṅgho sativinayārahassa amūḷhavinayaṃ deti, evaṃ kho, bhikkhave, adhammakammaṃ hoti avinayakammaṃ. Evañca pana saṅgho sātisāro hoti. Yo kho, bhikkhave, samaggo saṅgho sativinayārahassa tassapāpiyasikākammaṃ karoti...pe... sativinayārahassa tajjanīyakammaṃ karoti... sativinayārahassa niyassakammaṃ karoti... sativinayārahassa pabbājanīyakammaṃ karoti... sativinayārahassa paṭisāraṇīyakammaṃ karoti... sativinayārahassa ukkhepanīyakammaṃ karoti ... sativinayārahassa parivāsaṃ deti... sativinayārahaṃ mūlāya paṭikassati... sativinayārahassa mānattaṃ deti... sativinayārahaṃ abbheti... sativinayārahaṃ upasampādeti, evaṃ kho, bhikkhave, adhammakammaṃ hoti avinayakammaṃ. Evañca pana saṅgho sātisāro hoti.

405. Yo kho, bhikkhave, samaggo saṅgho amūḷhavinayārahassa tassapāpiyasikākammaṃ karoti, evaṃ kho, bhikkhave, adhammakammaṃ hoti avinayakammaṃ. Evañca pana saṅgho sātisāro hoti. Yo kho, bhikkhave, samaggo saṅgho amūḷhavinayārahassa tajjanīyakammaṃ karoti...pe... amūḷhavinayārahassa niyassakammaṃ karoti... amūḷhavinayārahassa pabbājanīyakammaṃ karoti... amūḷhavinayārahassa paṭisāraṇīyakammaṃ karoti... amūḷhavinayārahassa ukkhepanīyakammaṃ karoti... amūḷhavinayārahassa parivāsaṃ deti... amūḷhavinayārahaṃ mūlāya paṭikassati... amūḷhavinayārahassa mānattaṃ deti... amūḷhavinayārahaṃ abbheti... amūḷhavinayārahaṃ upasampādeti... amūḷhavinayārahassa sativinayaṃ deti, evaṃ kho, bhikkhave, adhammakammaṃ hoti avinayakammaṃ. Evañca pana saṅgho sātisāro hoti.

406. Yo kho, bhikkhave, samaggo saṅgho tassapāpiyasikākammārahassa tajjanīyakammaṃ karoti...pe... tajjanīyakammārahassa... niyassakammārahassa... pabbājanīyakammārahassa... paṭisāraṇīyakammārahassa... ukkhepanīyakammārahassa... parivāsārahaṃ... mūlāyapaṭikassanārahassa... mānattārahaṃ... abbhānārahaṃ... upasampadārahassa sativinayaṃ deti, evaṃ kho, bhikkhave, adhammakammaṃ hoti avinayakammaṃ. Evañca pana saṅgho sātisāro hoti. Yo kho, bhikkhave, samaggo saṅgho upasampadārahassa amūḷhavinayaṃ deti...pe... upasampadārahassa tassapāpiyasikākammaṃ karoti... upasampadārahassa tajjanīyakammaṃ karoti... upasampadārahassa niyassakammaṃ karoti... upasampadārahassa pabbājanīyakammaṃ karoti... upasampadārahassa

paṭisāraṇīyakammaṃ karoti... upasampadārahassa ukkhepanīyakammaṃ karoti...
 upasampadārahassa parivāsaṃ deti... upasampadārahaṃ mūlāya paṭikassati... upasampadārahassa
 mānattaṃ deti... upasampadārahaṃ abbheti, evaṃ kho, bhikkhave, adhammakammaṃ hoti
 avinayakammaṃ. Evañca pana saṅgho sātisāro hotīti.

Upālipucchākathā niṭṭhitā.

Upālipucchābhāṇavāro niṭṭhito dutiyo.

242. Tajjanīyakammakathā

407. Idha pana, bhikkhave, bhikkhu bhaṇḍanakāraḥko hoti kalahakāraḥko vivādakāraḥko bhassakāraḥko saṅghe adhikaraṇakāraḥko. Tatra ce bhikkhūnaṃ evaṃ hoti – “ayaṃ kho, āvuso, bhikkhu bhaṇḍanakāraḥko kalahakāraḥko vivādakāraḥko bhassakāraḥko saṅghe adhikaraṇakāraḥko. Handassa mayaṃ tajjanīyakammaṃ karomā”ti. Te tassa tajjanīyakammaṃ karonti – adhammena vaggā. So tamhā āvāsā aññaṃ āvāsaṃ gacchati. Tatthapi bhikkhūnaṃ evaṃ hoti – “ayaṃ kho, āvuso, bhikkhu saṅghena tajjanīyakammakato adhammena vaggehi. Handassa mayaṃ tajjanīyakammaṃ karomā”ti. Te tassa tajjanīyakammaṃ karonti – adhammena samaggā. So tamhāpi āvāsā aññaṃ āvāsaṃ gacchati. Tatthapi bhikkhūnaṃ evaṃ hoti – “ayaṃ kho, āvuso, bhikkhu saṅghena tajjanīyakammakato adhammena samaggehi. Handassa mayaṃ tajjanīyakammaṃ karomā”ti. Te tassa tajjanīyakammaṃ karonti – dhammena vaggā. So tamhāpi āvāsā aññaṃ āvāsaṃ gacchati. Tatthapi bhikkhūnaṃ evaṃ hoti – “ayaṃ kho, āvuso, bhikkhu saṅghena tajjanīyakammakato dhammena vaggehi. Handassa mayaṃ tajjanīyakammaṃ karomā”ti. Te tassa tajjanīyakammaṃ karonti – dhammapatirūpakena vaggā. So tamhāpi āvāsā aññaṃ āvāsaṃ gacchati. Tatthapi bhikkhūnaṃ evaṃ hoti – “ayaṃ kho, āvuso, bhikkhu saṅghena tajjanīyakammakato dhammapatirūpakena vaggehi. Handassa mayaṃ tajjanīyakammaṃ karomā”ti. Te tassa tajjanīyakammaṃ karonti – dhammapatirūpakena samaggā.

408. Idha pana, bhikkhave, bhikkhu bhaṇḍanakāraḥko hoti kalahakāraḥko vivādakāraḥko bhassakāraḥko saṅghe adhikaraṇakāraḥko. Tatra ce bhikkhūnaṃ evaṃ hoti – “ayaṃ kho, āvuso, bhikkhu bhaṇḍanakāraḥko kalahakāraḥko vivādakāraḥko bhassakāraḥko saṅghe adhikaraṇakāraḥko. Handassa mayaṃ tajjanīyakammaṃ karomā”ti. Te tassa tajjanīyakammaṃ karonti – adhammena samaggā. So tamhā āvāsā aññaṃ āvāsaṃ gacchati. Tatthapi bhikkhūnaṃ evaṃ hoti – “ayaṃ kho, āvuso, bhikkhu saṅghena tajjanīyakammakato adhammena samaggehi. Handassa mayaṃ tajjanīyakammaṃ karomā”ti. Te tassa tajjanīyakammaṃ karonti – dhammena vaggā. So tamhāpi āvāsā aññaṃ āvāsaṃ gacchati. Tatthapi bhikkhūnaṃ evaṃ hoti – “ayaṃ kho, āvuso, bhikkhu saṅghena tajjanīyakammakato dhammena vaggehi. Handassa mayaṃ tajjanīyakammaṃ karomā”ti. Te tassa tajjanīyakammaṃ karonti – dhammapatirūpakena vaggā. So tamhāpi āvāsā aññaṃ āvāsaṃ gacchati. Tatthapi bhikkhūnaṃ evaṃ hoti – “ayaṃ kho, āvuso, bhikkhu saṅghena tajjanīyakammakato dhammapatirūpakena vaggehi. Handassa mayaṃ tajjanīyakammaṃ karomā”ti. Te tassa tajjanīyakammaṃ karonti – dhammapatirūpakena samaggā. So tamhāpi āvāsā aññaṃ āvāsaṃ gacchati. Tatthapi bhikkhūnaṃ evaṃ hoti – “ayaṃ kho, āvuso, bhikkhu saṅghena tajjanīyakammakato dhammapatirūpakena samaggehi. Handassa mayaṃ tajjanīyakammaṃ karomā”ti. Te tassa tajjanīyakammaṃ karonti – adhammena vaggā.

409. Idha pana, bhikkhave, bhikkhu bhaṇḍanakāraḥko hoti kalahakāraḥko vivādakāraḥko bhassakāraḥko saṅghe adhikaraṇakāraḥko. Tatra ce bhikkhūnaṃ evaṃ hoti – “ayaṃ kho, āvuso, bhikkhu bhaṇḍanakāraḥko kalahakāraḥko vivādakāraḥko bhassakāraḥko saṅghe adhikaraṇakāraḥko. Handassa mayaṃ tajjanīyakammaṃ karomā”ti. Te tassa tajjanīyakammaṃ karonti – dhammena vaggā. So tamhā āvāsā aññaṃ āvāsaṃ gacchati. Tatthapi bhikkhūnaṃ evaṃ hoti – “ayaṃ kho, āvuso, bhikkhu saṅghena tajjanīyakammakato dhammena vaggehi. Handassa mayaṃ tajjanīyakammaṃ karomā”ti. Te tassa tajjanīyakammaṃ karonti – dhammapatirūpakena vaggā. So tamhāpi āvāsā aññaṃ āvāsaṃ gacchati. Tatthapi bhikkhūnaṃ evaṃ hoti – “ayaṃ kho, āvuso, bhikkhu saṅghena tajjanīyakammakato

dhammapatirūpakena vaggehi. Handassa mayaṃ tajjanīyakammaṃ karomā’’ti. Te tassa tajjanīyakammaṃ karonti – dhammapatirūpakena samaggā. So tamhāpi āvāsā aññaṃ āvāsaṃ gacchati. Tatthapi bhikkhūnaṃ evaṃ hoti – ‘‘ayaṃ kho, āvuso, bhikkhu saṅghena tajjanīyakammakato dhammapatirūpakena samaggehi. Handassa mayaṃ tajjanīyakammaṃ karomā’’ti. Te tassa tajjanīyakammaṃ karonti – adhammena vaggā. So tamhāpi āvāsā aññaṃ āvāsaṃ gacchati. Tatthapi bhikkhūnaṃ evaṃ hoti – ‘‘ayaṃ kho, āvuso, bhikkhu saṅghena tajjanīyakammakato adhammena vaggehi. Handassa mayaṃ tajjanīyakammaṃ karomā’’ti. Te tassa tajjanīyakammaṃ karonti – adhammena samaggā.

410. Idha pana, bhikkhave, bhikkhu bhaṇḍanakāraḥ hoti kalahakāraḥ vivādakāraḥ bhassakāraḥ saṅghe adhikaraṇakāraḥ. Tatra ce bhikkhūnaṃ evaṃ hoti – ‘‘ayaṃ kho, āvuso, bhikkhu bhaṇḍanakāraḥ kalahakāraḥ vivādakāraḥ bhassakāraḥ saṅghe adhikaraṇakāraḥ. Handassa mayaṃ tajjanīyakammaṃ karomā’’ti. Te tassa tajjanīyakammaṃ karonti – dhammapatirūpakena vaggā. So tamhā āvāsā aññaṃ āvāsaṃ gacchati. Tatthapi bhikkhūnaṃ evaṃ hoti – ‘‘ayaṃ kho, āvuso, bhikkhu saṅghena tajjanīyakammakato dhammapatirūpakena vaggehi. Handassa mayaṃ tajjanīyakammaṃ karomā’’ti. Te tassa tajjanīyakammaṃ karonti – dhammapatirūpakena samaggā. So tamhāpi āvāsā aññaṃ āvāsaṃ gacchati. Tatthapi bhikkhūnaṃ evaṃ hoti – ‘‘ayaṃ kho, āvuso, bhikkhu saṅghena tajjanīyakammakato dhammapatirūpakena samaggehi. Handassa mayaṃ tajjanīyakammaṃ karomā’’ti. Te tassa tajjanīyakammaṃ karonti – adhammena vaggā. So tamhāpi āvāsā aññaṃ āvāsaṃ gacchati. Tatthapi bhikkhūnaṃ evaṃ hoti – ‘‘ayaṃ kho, āvuso, bhikkhu saṅghena tajjanīyakammakato adhammena vaggehi. Handassa mayaṃ tajjanīyakammaṃ karomā’’ti. Te tassa tajjanīyakammaṃ karonti – adhammena samaggā. So tamhāpi āvāsā aññaṃ āvāsaṃ gacchati. Tatthapi bhikkhūnaṃ evaṃ hoti – ‘‘ayaṃ kho, āvuso, bhikkhu saṅghena tajjanīyakammakato adhammena samaggehi. Handassa mayaṃ tajjanīyakammaṃ karomā’’ti. Te tassa tajjanīyakammaṃ karonti – dhammena vaggā.

411. Idha pana, bhikkhave, bhikkhu bhaṇḍanakāraḥ hoti kalahakāraḥ vivādakāraḥ bhassakāraḥ saṅghe adhikaraṇakāraḥ. Tatra ce bhikkhūnaṃ evaṃ hoti – ‘‘ayaṃ kho, āvuso, bhikkhu bhaṇḍanakāraḥ kalahakāraḥ vivādakāraḥ bhassakāraḥ saṅghe adhikaraṇakāraḥ. Handassa mayaṃ tajjanīyakammaṃ karomā’’ti. Te tassa tajjanīyakammaṃ karonti – dhammapatirūpakena samaggā. So tamhā āvāsā aññaṃ āvāsaṃ gacchati. Tatthapi bhikkhūnaṃ evaṃ hoti – ‘‘ayaṃ kho, āvuso, bhikkhu saṅghena tajjanīyakammakato dhammapatirūpakena samaggehi. Handassa mayaṃ tajjanīyakammaṃ karomā’’ti. Te tassa tajjanīyakammaṃ karonti – adhammena vaggā. So tamhāpi āvāsā aññaṃ āvāsaṃ gacchati. Tatthapi bhikkhūnaṃ evaṃ hoti – ‘‘ayaṃ kho, āvuso, bhikkhu saṅghena tajjanīyakammakato adhammena samaggehi. Handassa mayaṃ tajjanīyakammaṃ karomā’’ti. Te tassa tajjanīyakammaṃ karonti – adhammena samaggā. So tamhāpi āvāsā aññaṃ āvāsaṃ gacchati. Tatthapi bhikkhūnaṃ evaṃ hoti – ‘‘ayaṃ kho, āvuso, bhikkhu saṅghena tajjanīyakammakato adhammena samaggehi. Handassa mayaṃ tajjanīyakammaṃ karomā’’ti. Te tassa tajjanīyakammaṃ karonti – dhammena vaggā. So tamhāpi āvāsā aññaṃ āvāsaṃ gacchati. Tatthapi bhikkhūnaṃ evaṃ hoti – ‘‘ayaṃ kho, āvuso, bhikkhu saṅghena tajjanīyakammakato dhammena vaggehi. Handassa mayaṃ tajjanīyakammaṃ karomā’’ti. Te tassa tajjanīyakammaṃ karonti – dhammapatirūpakena vaggā.

Tajjanīyakammakathā niṭṭhitā.

243. Niyassakammakathā

412. Idha pana, bhikkhave, bhikkhu bālo hoti abyatto āpattibahulo anapadāno, gihisaṃsaṭṭho viharati ananulomikehi gihisaṃsaggehi. Tatra ce bhikkhūnaṃ evaṃ hoti – ‘‘ayaṃ kho, āvuso, bhikkhu bālo abyatto āpattibahulo anapadāno, gihisaṃsaṭṭho viharati ananulomikehi gihisaṃsaggehi. Handassa mayaṃ niyassakammaṃ karomā’’ti. Te tassa niyassakammaṃ karonti – adhammena vaggā. So tamhā āvāsā aññaṃ āvāsaṃ gacchati. Tatthapi bhikkhūnaṃ evaṃ hoti – ‘‘ayaṃ kho, āvuso, bhikkhu saṅghena niyassakammakato adhammena vaggehi. Handassa mayaṃ niyassakammaṃ karomā’’ti. Te tassa

niyassakammaṃ karonti – adhammena samaggā...pe... dhammena vaggā... dhammapatirūpakena vaggā... dhammapatirūpakena samaggā...pe....

Yathā heṭṭhā, tathā cakkaṃ kātappaṃ.

Niyassakammakathā niṭṭhitā.

244. Pabbājanīyakammakathā

413. Idha pana, bhikkhave, bhikkhu kuladūsako hoti pāpasamācāro. Tatra ce bhikkhūnaṃ evaṃ hoti – “ayaṃ kho, āvuso, bhikkhu kuladūsako pāpasamācāro. Handassa mayaṃ pabbājanīyakammaṃ karomā”’ti. Te tassa pabbājanīyakammaṃ karonti – adhammena vaggā. So tamhā āvāsā aññaṃ āvāsaṃ gacchati. Tatthapi bhikkhūnaṃ evaṃ hoti – “ayaṃ kho, āvuso, bhikkhu saṅghena pabbājanīyakammakato adhammena vaggehi. Handassa mayaṃ pabbājanīyakammaṃ karomā”’ti. Te tassa pabbājanīyakammaṃ karonti – adhammena samaggā...pe... dhammena vaggā... dhammapatirūpakena vaggā... dhammapatirūpakena samaggā...pe....

Cakkaṃ kātappaṃ.

Pabbājanīyakammakathā niṭṭhitā.

245. Paṭisāraṇīyakammakathā

414. Idha pana, bhikkhave, bhikkhu gihī akkosati paribhāsati. Tatra ce bhikkhūnaṃ evaṃ hoti – “ayaṃ kho, āvuso, bhikkhu gihī akkosati paribhāsati. Handassa mayaṃ paṭisāraṇīyakammaṃ karomā”’ti. Te tassa paṭisāraṇīyakammaṃ karonti – adhammena vaggā. So tamhā āvāsā aññaṃ āvāsaṃ gacchati. Tatthapi bhikkhūnaṃ evaṃ hoti – “ayaṃ kho, āvuso, bhikkhu saṅghena paṭisāraṇīyakammakato adhammena vaggehi. Handassa mayaṃ paṭisāraṇīyakammaṃ karomā”’ti. Te tassa paṭisāraṇīyakammaṃ karonti – adhammena samaggā...pe... dhammena vaggā... dhammapatirūpakena vaggā... dhammapatirūpakena samaggā...pe....

Cakkaṃ kātappaṃ.

Paṭisāraṇīyakammakathā niṭṭhitā.

246. Adassane ukkhepanīyakammakathā

415. Idha pana, bhikkhave, bhikkhu āpattiṃ āpajjitvā na icchati āpattiṃ passituṃ. Tatra ce bhikkhūnaṃ evaṃ hoti – “ayaṃ kho, āvuso, bhikkhu āpattiṃ āpajjitvā na icchati āpattiṃ passituṃ. Handassa mayaṃ āpattiyā adassane ukkhepanīyakammaṃ karomā”’ti. Te tassa āpattiyā adassane ukkhepanīyakammaṃ karonti – adhammena vaggā. So tamhā āvāsā aññaṃ āvāsaṃ gacchati. Tatthapi bhikkhūnaṃ evaṃ hoti – “ayaṃ kho, āvuso, bhikkhu saṅghena āpattiyā adassane ukkhepanīyakammakato adhammena vaggehi. Handassa mayaṃ āpattiyā adassane ukkhepanīyakammaṃ karomā”’ti. Te tassa āpattiyā adassane ukkhepanīyakammaṃ karonti – adhammena samaggā...pe... dhammena vaggā... dhammapatirūpakena vaggā... dhammapatirūpakena samaggā...pe....

Cakkaṃ kātappaṃ.

Adassane ukkhepanīyakammakathā niṭṭhitā.

247. Appaṭīkamme ukkhepanīyakammakathā

416. Idha pana, bhikkhave, bhikkhu āpattiṃ āpajjitvā na icchati āpattiṃ paṭikātuṃ. Tatra ce bhikkhūnaṃ evaṃ hoti – “ayaṃ kho, āvuso, bhikkhu āpattiṃ āpajjitvā na icchati āpattiṃ paṭikātuṃ. Handassa mayaṃ āpattiyā appaṭīkamme ukkhepanīyakammaṃ karomā”ti. Te tassa āpattiyā appaṭīkamme ukkhepanīyakammaṃ karonti – adhammena vaggā. So tamhā āvāsā aññaṃ āvāsaṃ gacchati. Tatthapi bhikkhūnaṃ evaṃ hoti – “ayaṃ kho, āvuso, bhikkhu saṅghena āpattiyā appaṭīkamme ukkhepanīyakammakato adhammena vaggehi. Handassa mayaṃ āpattiyā appaṭīkamme ukkhepanīyakammaṃ karomā”ti. Te tassa āpattiyā appaṭīkamme ukkhepanīyakammaṃ karonti – adhammena samaggā...pe... dhammena vaggā... dhammapatirūpakena vaggā... dhammapatirūpakena samaggā...pe....

Cakkaṃ kātabbaṃ.

Appaṭīkamme ukkhepanīyakammakathā niṭṭhitā.

248. Appaṭinissagge ukkhepanīyakammakathā

417. Idha pana, bhikkhave, bhikkhu na icchati pāpikaṃ diṭṭhiṃ paṭinissajjitūṃ. Tatra ce bhikkhūnaṃ evaṃ hoti – “ayaṃ kho, āvuso, bhikkhu na icchati pāpikaṃ diṭṭhiṃ paṭinissajjitūṃ. Handassa mayaṃ pāpikāya diṭṭhiyā appaṭinissagge ukkhepanīyakammaṃ karomā”ti. Te tassa pāpikāya diṭṭhiyā appaṭinissagge ukkhepanīyakammaṃ karonti – adhammena vaggā. So tamhā āvāsā aññaṃ āvāsaṃ gacchati. Tatthapi bhikkhūnaṃ evaṃ hoti – “ayaṃ kho, āvuso, bhikkhu saṅghena pāpikāya diṭṭhiyā appaṭinissagge ukkhepanīyakammakato adhammena vaggehi. Handassa mayaṃ pāpikāya diṭṭhiyā appaṭinissagge ukkhepanīyakammaṃ karomā”ti. Te tassa pāpikāya diṭṭhiyā appaṭinissagge ukkhepanīyakammaṃ karonti – adhammena samaggā...pe... dhammena vaggā... dhammapatirūpakena vaggā... dhammapatirūpakena samaggā...pe....

Cakkaṃ kātabbaṃ.

Appaṭinissagge ukkhepanīyakammakathā niṭṭhitā.

249. Tajjanīyakammaṭippassaddhikathā

418. Idha pana, bhikkhave, bhikkhu saṅghena tajjanīyakammakato sammā vattati, lomaṃ pāṭeti, netthāraṃ vattati, tajjanīyassa kammassa ṭippassaddhiṃ yācati. Tatra ce bhikkhūnaṃ evaṃ hoti – “ayaṃ kho, āvuso, bhikkhu saṅghena tajjanīyakammakato sammā vattati, lomaṃ pāṭeti, netthāraṃ vattati, tajjanīyassa kammassa ṭippassaddhiṃ yācati. Handassa mayaṃ tajjanīyakammaṃ ṭippassambhemā”ti. Te tassa tajjanīyakammaṃ ṭippassambhenti – adhammena vaggā. So tamhā āvāsā aññaṃ āvāsaṃ gacchati. Tatthapi bhikkhūnaṃ evaṃ hoti – “imassa kho, āvuso, bhikkhuno saṅghena tajjanīyakammaṃ ṭippassaddhaṃ adhammena samaggehi. Handassa mayaṃ tajjanīyakammaṃ ṭippassambhemā”ti. Te tassa tajjanīyakammaṃ ṭippassambhenti – adhammena samaggā. So tamhāpi āvāsā aññaṃ āvāsaṃ gacchati. Tatthapi bhikkhūnaṃ evaṃ hoti – “imassa kho, āvuso, bhikkhuno saṅghena tajjanīyakammaṃ ṭippassaddhaṃ adhammena vaggehi. Handassa mayaṃ tajjanīyakammaṃ ṭippassambhemā”ti. Te tassa tajjanīyakammaṃ ṭippassambhenti – dhammena vaggā. So tamhāpi āvāsā aññaṃ āvāsaṃ gacchati. Tatthapi bhikkhūnaṃ evaṃ hoti – “imassa kho, āvuso, bhikkhuno saṅghena tajjanīyakammaṃ ṭippassaddhaṃ dhammena vaggehi. Handassa mayaṃ tajjanīyakammaṃ ṭippassambhemā”ti. Te tassa tajjanīyakammaṃ ṭippassambhenti – dhammapatirūpakena vaggā. So tamhāpi āvāsā aññaṃ āvāsaṃ gacchati. Tatthapi bhikkhūnaṃ evaṃ hoti – “imassa kho, āvuso, bhikkhuno saṅghena tajjanīyakammaṃ ṭippassaddhaṃ dhammapatirūpakena vaggehi. Handassa mayaṃ tajjanīyakammaṃ ṭippassambhemā”ti. Te tassa tajjanīyakammaṃ

tajjanīyakammaṃ paṭippassambhenti – adhammena vaggā. So tamhāpi āvāsā aññaṃ āvāsaṃ gacchati. Tathapi bhikkhūnaṃ evaṃ hoti – “imassa kho, āvuso, bhikkhuno saṅghena tajjanīyakammaṃ paṭippassaddhaṃ adhammena vaggehi. Handassa mayaṃ tajjanīyakammaṃ paṭippassambhemā”ti. Te tassa tajjanīyakammaṃ paṭippassambhenti – adhammena samaggā. So tamhāpi āvāsā aññaṃ āvāsaṃ gacchati. Tathapi bhikkhūnaṃ evaṃ hoti – “imassa kho, āvuso, bhikkhuno saṅghena tajjanīyakammaṃ paṭippassaddhaṃ adhammena samaggehi. Handassa mayaṃ tajjanīyakammaṃ paṭippassambhemā”ti. Te tassa tajjanīyakammaṃ paṭippassambhenti – dhammena vaggā.

422. Idha pana, bhikkhave, bhikkhu saṅghena tajjanīyakammakato sammā vattati, lomaṃ pāpeti, netthāraṃ vattati, tajjanīyassa kammaṃ paṭippassaddhiṃ yāceti. Tatra ce bhikkhūnaṃ evaṃ hoti – “ayaṃ kho, āvuso, bhikkhu saṅghena tajjanīyakammakato sammā vattati, lomaṃ pāpeti, netthāraṃ vattati, tajjanīyassa kammaṃ paṭippassaddhiṃ yāceti. Handassa mayaṃ tajjanīyakammaṃ paṭippassambhemā”ti. Te tassa tajjanīyakammaṃ paṭippassambhenti – dhammapatirūpakena samaggā. So tamhā āvāsā aññaṃ āvāsaṃ gacchati. Tathapi bhikkhūnaṃ evaṃ hoti – “imassa kho, āvuso, bhikkhuno saṅghena tajjanīyakammaṃ paṭippassaddhaṃ dhammapatirūpakena samaggehi. Handassa mayaṃ tajjanīyakammaṃ paṭippassambhemā”ti. Te tassa tajjanīyakammaṃ paṭippassambhenti – adhammena vaggā. So tamhāpi āvāsā aññaṃ āvāsaṃ gacchati. Tathapi bhikkhūnaṃ evaṃ hoti – “imassa kho, āvuso, bhikkhuno saṅghena tajjanīyakammaṃ paṭippassaddhaṃ adhammena vaggehi. Handassa mayaṃ tajjanīyakammaṃ paṭippassambhemā”ti. Te tassa tajjanīyakammaṃ paṭippassambhenti – adhammena samaggā. So tamhāpi āvāsā aññaṃ āvāsaṃ gacchati. Tathapi bhikkhūnaṃ evaṃ hoti – “imassa kho, āvuso, bhikkhuno saṅghena tajjanīyakammaṃ paṭippassaddhaṃ adhammena samaggehi. Handassa mayaṃ tajjanīyakammaṃ paṭippassambhemā”ti. Te tassa tajjanīyakammaṃ paṭippassambhenti – dhammena vaggā. So tamhāpi āvāsā aññaṃ āvāsaṃ gacchati. Tathapi bhikkhūnaṃ evaṃ hoti – “imassa kho, āvuso, bhikkhuno saṅghena tajjanīyakammaṃ paṭippassaddhaṃ dhammena vaggehi. Handassa mayaṃ tajjanīyakammaṃ paṭippassambhemā”ti. Te tassa tajjanīyakammaṃ paṭippassambhenti – dhammapatirūpakena vaggā.

Tajjanīyakammaṃ paṭippassaddhikathā niṭṭhitā.

250. Niyassakammaṃ paṭippassaddhikathā

423. Idha pana, bhikkhave, bhikkhu saṅghena niyassakammakato sammā vattati, lomaṃ pāpeti, netthāraṃ vattati, niyassassa kammaṃ paṭippassaddhiṃ yāceti. Tatra ce bhikkhūnaṃ evaṃ hoti – “ayaṃ kho, āvuso, bhikkhu saṅghena niyassakammakato sammā vattati, lomaṃ pāpeti, netthāraṃ vattati, niyassassa kammaṃ paṭippassaddhiṃ yāceti. Handassa mayaṃ niyassakammaṃ paṭippassambhemā”ti. Te tassa niyassakammaṃ paṭippassambhenti – adhammena vaggā. So tamhā āvāsā aññaṃ āvāsaṃ gacchati. Tathapi bhikkhūnaṃ evaṃ hoti – “imassa kho, āvuso, bhikkhuno saṅghena niyassakammaṃ paṭippassaddhaṃ adhammena vaggehi. Handassa mayaṃ niyassakammaṃ paṭippassambhemā”ti. Te tassa niyassakammaṃ paṭippassambhenti – adhammena samaggā...pe... dhammena vaggā... dhammapatirūpakena vaggā... dhammapatirūpakena samaggā...pe....

Cakkaṃ kātabbaṃ.

Niyassakammaṃ paṭippassaddhikathā niṭṭhitā.

251. Pabbājanīyakammaṃ paṭippassaddhikathā

424. Idha pana, bhikkhave, bhikkhu saṅghena pabbājanīyakammakato sammā vattati, lomaṃ pāpeti, netthāraṃ vattati, pabbājanīyassa kammaṃ paṭippassaddhiṃ yāceti. Tatra ce bhikkhūnaṃ evaṃ hoti – “ayaṃ kho, āvuso, bhikkhu saṅghena pabbājanīyakammakato sammā vattati, lomaṃ pāpeti, netthāraṃ vattati, pabbājanīyassa kammaṃ paṭippassaddhiṃ yāceti. Handassa mayaṃ pabbājanīyakammaṃ

paṭippassambhemā’’ti. Te tassa pabbājanīyakammaṃ paṭippassambhenti – adhammena vaggā. So tamhā āvāsā aññaṃ āvāsaṃ gacchati. Tattthapi bhikkhūnaṃ evaṃ hoti – ‘‘imassa kho, āvuso, bhikkhuno saṅghena pabbājanīyakammaṃ paṭippassaddhaṃ adhammena vaggehi. Handassa mayaṃ pabbājanīyakammaṃ paṭippassambhemā’’ti. Te tassa pabbājanīyakammaṃ paṭippassambhenti – adhammena samaggā...pe... dhammena vaggā... dhammapatirūpakena vaggā... dhammapatirūpakena samaggā...pe....

Cakkaṃ kātappaṃ.

Pabbājanīyakammaṃ paṭippassaddhikathā niṭṭhitā.

252. Paṭisāraṇīyakammaṃ paṭippassaddhikathā

425. Idha pana, bhikkhave, bhikkhu saṅghena paṭisāraṇīyakammakato sammā vattati, lomaṃ pāpeti, netthāraṃ vattati, paṭisāraṇīyassa kammaṃ paṭippassaddhiṃ yācati. Tatra ce bhikkhūnaṃ evaṃ hoti – ‘‘ayaṃ kho, āvuso, bhikkhu saṅghena paṭisāraṇīyakammakato sammā vattati, lomaṃ pāpeti, netthāraṃ vattati, paṭisāraṇīyassa kammaṃ paṭippassaddhiṃ yācati. Handassa mayaṃ paṭisāraṇīyakammaṃ paṭippassambhemā’’ti. Te tassa paṭisāraṇīyakammaṃ paṭippassambhenti – adhammena vaggā. So tamhā āvāsā aññaṃ āvāsaṃ gacchati. Tattthapi bhikkhūnaṃ evaṃ hoti – ‘‘imassa kho, āvuso, bhikkhuno saṅghena paṭisāraṇīyakammaṃ paṭippassaddhaṃ adhammena vaggehi. Handassa mayaṃ paṭisāraṇīyakammaṃ paṭippassambhemā’’ti. Te tassa paṭisāraṇīyakammaṃ paṭippassambhenti – adhammena samaggā...pe... dhammena vaggā... dhammapatirūpakena vaggā... dhammapatirūpakena samaggā...pe....

Cakkaṃ kātappaṃ.

Paṭisāraṇīyakammaṃ paṭippassaddhikathā niṭṭhitā.

253. Adassane ukkhepanīyakammaṃ paṭippassaddhikathā

426. Idha pana, bhikkhave, bhikkhu saṅghena āpattiyā adassane ukkhepanīyakammakato sammā vattati, lomaṃ pāpeti, netthāraṃ vattati, āpattiyā adassane ukkhepanīyassa kammaṃ paṭippassaddhiṃ yācati. Tatra ce bhikkhūnaṃ evaṃ hoti – ‘‘ayaṃ kho, āvuso, bhikkhu saṅghena āpattiyā adassane ukkhepanīyakammakato sammā vattati, lomaṃ pāpeti, netthāraṃ vattati, āpattiyā adassane ukkhepanīyassa kammaṃ paṭippassaddhiṃ yācati. Handassa mayaṃ āpattiyā adassane ukkhepanīyakammaṃ paṭippassambhemā’’ti. Te tassa āpattiyā adassane ukkhepanīyakammaṃ paṭippassambhenti – adhammena vaggā. So tamhā āvāsā aññaṃ āvāsaṃ gacchati. Tattthapi bhikkhūnaṃ evaṃ hoti – ‘‘imassa kho, āvuso, bhikkhuno saṅghena āpattiyā adassane ukkhepanīyakammaṃ paṭippassaddhaṃ adhammena vaggehi. Handassa mayaṃ āpattiyā adassane ukkhepanīyakammaṃ paṭippassambhemā’’ti. Te tassa āpattiyā adassane ukkhepanīyakammaṃ paṭippassambhenti – adhammena samaggā...pe... dhammena vaggā... dhammapatirūpakena vaggā... dhammapatirūpakena samaggā...pe....

Cakkaṃ kātappaṃ.

Adassane ukkhepanīyakammaṃ paṭippassaddhikathā niṭṭhitā.

254. Appaṭikamme ukkhepanīyakammaṃ paṭippassaddhikathā

427. Idha pana, bhikkhave, bhikkhu saṅghena āpattiyā appaṭikamme ukkhepanīyakammakato sammā vattati, lomaṃ pāpeti, netthāraṃ vattati, āpattiyā appaṭikamme ukkhepanīyassa kammaṃ

paṭippassaddhiṃ yācati. Tatra ce bhikkhūnaṃ evaṃ hoti – “ayaṃ kho, āvuso, bhikkhu saṅghena āpattiyā appaṭikamme ukkhepanīyakammakato sammā vattati, lomāṃ pātetī, netthāraṃ vattati, āpattiyā appaṭikamme ukkhepanīyassa kammassa paṭippassaddhiṃ yācati. Handassa mayaṃ āpattiyā appaṭikamme ukkhepanīyakammaṃ paṭippassambhemā”ti. Te tassa āpattiyā appaṭikamme ukkhepanīyakammaṃ paṭippassambhenti – adhammena vaggā. So tamhā āvāsā aññaṃ āvāsaṃ gacchati. Tatthapi bhikkhūnaṃ evaṃ hoti – “imassa kho, āvuso, bhikkhuno saṅghena āpattiyā appaṭikamme ukkhepanīyakammaṃ paṭippassaddhaṃ – adhammena vaggehi. Handassa mayaṃ āpattiyā appaṭikamme ukkhepanīyakammaṃ paṭippassambhemā”ti. Te tassa āpattiyā appaṭikamme ukkhepanīyakammaṃ paṭippassambhenti – adhammena samaggā...pe... dhammena vaggā... dhammapatirūpakena vaggā... dhammapatirūpakena samaggā...pe....

Cakkaṃ kātappaṃ.

Appaṭikamme ukkhepanīyakammaṃ paṭippassaddhikathā niṭṭhitā.

255. Appaṭinissagge ukkhepanīyakammaṃ paṭippassaddhikathā

428. Idha pana, bhikkhave, bhikkhu saṅghena pāpikāya diṭṭhiyā appaṭinissagge ukkhepanīyakammakato sammā vattati, lomāṃ pātetī, netthāraṃ vattati, pāpikāya diṭṭhiyā appaṭinissagge ukkhepanīyassa kammassa paṭippassaddhiṃ yācati. Tatra ce bhikkhūnaṃ evaṃ hoti – “ayaṃ kho, āvuso, bhikkhu saṅghena pāpikāya diṭṭhiyā appaṭinissagge ukkhepanīyakammakato sammā vattati, lomāṃ pātetī, netthāraṃ vattati, pāpikāya diṭṭhiyā appaṭinissagge ukkhepanīyassa kammassa paṭippassaddhiṃ yācati. Handassa mayaṃ pāpikāya diṭṭhiyā appaṭinissagge ukkhepanīyakammaṃ paṭippassambhemā”ti. Te tassa pāpikāya diṭṭhiyā appaṭinissagge ukkhepanīyakammaṃ paṭippassambhenti – adhammena vaggā. So tamhā āvāsā aññaṃ āvāsaṃ gacchati. Tatthapi bhikkhūnaṃ evaṃ hoti – “imassa kho, āvuso, bhikkhuno saṅghena pāpikāya diṭṭhiyā appaṭinissagge ukkhepanīyakammaṃ paṭippassaddhaṃ – adhammena vaggehi. Handassa mayaṃ pāpikāya diṭṭhiyā appaṭinissagge ukkhepanīyakammaṃ paṭippassambhemā”ti. Te tassa pāpikāya diṭṭhiyā appaṭinissagge ukkhepanīyakammaṃ paṭippassambhenti... adhammena samaggā...pe... dhammena vaggā... dhammapatirūpakena vaggā... dhammapatirūpakena samaggā...pe....

Cakkaṃ kātappaṃ.

Appaṭinissagge ukkhepanīyakammaṃ paṭippassaddhikathā niṭṭhitā.

256. Tajjanīyakammavivādakathā

429. Idha pana, bhikkhave, bhikkhu bhaṇḍanakāraṃ hoti kalahakāraṃ vivādakāraṃ bhassakāraṃ saṅghe adhikaraṇakāraṃ. Tatra ce bhikkhūnaṃ evaṃ hoti – “ayaṃ kho, āvuso, bhikkhu bhaṇḍanakāraṃ...pe... saṅghe adhikaraṇakāraṃ. Handassa mayaṃ tajjanīyakammaṃ karomā”ti. Te tassa tajjanīyakammaṃ karonti – adhammena vaggā. Tatraṭṭho saṅgho vivadati – “adhammena vaggakammaṃ, adhammena samaggakammaṃ, dhammena vaggakammaṃ, dhammapatirūpakena vaggakammaṃ, dhammapatirūpakena samaggakammaṃ, akataṃ kammaṃ dukkaṭaṃ kammaṃ puna kātappaṃ kamma”nti. Tatra, bhikkhave, ye te bhikkhū evamāhaṃsu – “adhammena vaggakamma”nti, ye ca te bhikkhū evamāhaṃsu – “akataṃ kammaṃ dukkaṭaṃ kammaṃ puna kātappaṃ kamma”nti, ime tattha bhikkhū dhammavādino.

430. Idha pana, bhikkhave, bhikkhu bhaṇḍanakāraṃ hoti...pe... saṅghe adhikaraṇakāraṃ. Tatra ce bhikkhūnaṃ evaṃ hoti – “ayaṃ kho, āvuso, bhikkhu bhaṇḍanakāraṃ...pe... saṅghe adhikaraṇakāraṃ. Handassa mayaṃ tajjanīyakammaṃ karomā”ti. Te tassa tajjanīyakammaṃ karonti – adhammena samaggā. Tatraṭṭho saṅgho vivadati – “adhammena vaggakammaṃ, adhammena

samaggakammaṃ, dhammena vaggakammaṃ, dhammapatirūpakena vaggakammaṃ, dhammapatirūpakena samaggakammaṃ, akataṃ kammaṃ dukkaṭaṃ kammaṃ puna kātappaṃ kammaṃ”nti. Tatra, bhikkhave, ye te bhikkhū evamāhaṃsu – “adhammena samaggakammaṃ”nti, ye ca te bhikkhū evamāhaṃsu – “akataṃ kammaṃ dukkaṭaṃ kammaṃ puna kātappaṃ kammaṃ”nti, ime tattha bhikkhū dhammavādino.

431. Idha pana, bhikkhave, bhikkhu bhaṇḍanakāraṅko hoti...pe... saṅghe adhikaraṇakāraṅko. Tatra ce bhikkhūnaṃ evaṃ hoti – “ayaṃ kho, āvuso, bhikkhu bhaṇḍanakāraṅko...pe... saṅghe adhikaraṇakāraṅko handassa mayaṃ tajjanīyakammaṃ karomā”ti. Te tassa tajjanīyakammaṃ karonti – dhammena vaggā. Tatraṭṭho saṅgho vivadati – “adhammena vaggakammaṃ, adhammena samaggakammaṃ, dhammena vaggakammaṃ, dhammapatirūpakena vaggakammaṃ, dhammapatirūpakena samaggakammaṃ, akataṃ kammaṃ dukkaṭaṃ kammaṃ puna kātappaṃ kammaṃ”nti. Tatra, bhikkhave, ye te bhikkhū evamāhaṃsu – “dhammena vaggakammaṃ”nti, ye ca te bhikkhū evamāhaṃsu – “akataṃ kammaṃ dukkaṭaṃ kammaṃ puna kātappaṃ kammaṃ”nti, ime tattha bhikkhū dhammavādino.

432. Idha pana, bhikkhave, bhikkhu bhaṇḍanakāraṅko hoti...pe... saṅghe adhikaraṇakāraṅko. Tatra ce bhikkhūnaṃ evaṃ hoti – “ayaṃ kho, āvuso, bhikkhu bhaṇḍanakāraṅko...pe... saṅghe adhikaraṇakāraṅko. Handassa mayaṃ tajjanīyakammaṃ karomā”ti. Te tassa tajjanīyakammaṃ karonti – dhammapatirūpakena vaggā. Tatraṭṭho saṅgho vivadati – “adhammena vaggakammaṃ, adhammena samaggakammaṃ, dhammena vaggakammaṃ, dhammapatirūpakena vaggakammaṃ, dhammapatirūpakena samaggakammaṃ, akataṃ kammaṃ dukkaṭaṃ kammaṃ puna kātappaṃ kammaṃ”nti. Tatra, bhikkhave, ye te bhikkhū evamāhaṃsu – “dhammapatirūpakena samaggakammaṃ”nti, ye ca te bhikkhū evamāhaṃsu – “akataṃ kammaṃ dukkaṭaṃ kammaṃ puna kātappaṃ kammaṃ”nti, ime tattha bhikkhū dhammavādino.

433. Idha pana, bhikkhave, bhikkhu bhaṇḍanakāraṅko hoti...pe... saṅghe adhikaraṇakāraṅko. Tatra ce bhikkhūnaṃ evaṃ hoti – “ayaṃ kho, āvuso, bhikkhu bhaṇḍanakāraṅko hoti...pe... saṅghe adhikaraṇakāraṅko. Handassa mayaṃ tajjanīyakammaṃ karomā”ti. Te tassa tajjanīyakammaṃ karonti – dhammapatirūpakena samaggā. Tatraṭṭho saṅgho vivadati – “adhammena vaggakammaṃ, adhammena samaggakammaṃ, dhammena vaggakammaṃ, dhammapatirūpakena vaggakammaṃ, dhammapatirūpakena samaggakammaṃ, akataṃ kammaṃ dukkaṭaṃ kammaṃ puna kātappaṃ kammaṃ”nti. Tatra, bhikkhave, ye te bhikkhū evamāhaṃsu – “dhammapatirūpakena samaggakammaṃ”nti, ye ca te bhikkhū evamāhaṃsu – “akataṃ kammaṃ dukkaṭaṃ kammaṃ puna kātappaṃ kammaṃ”nti, ime tattha bhikkhū dhammavādino.

Tajjanīyakammavivādakathā niṭṭhitā.

257. Niyassakammavivādakathā

434. Idha pana, bhikkhave, bhikkhu bālo hoti abyatto āpattibahulo anapadāno, gihisaṃsaṭṭho viharati ananulomikehi gihisaṃsaggehi. Tatra ce bhikkhūnaṃ evaṃ hoti – “ayaṃ kho, āvuso, bhikkhu bālo abyatto āpattibahulo anapadāno, gihisaṃsaṭṭho viharati ananulomikehi gihisaṃsaggehi. Handassa mayaṃ niyassakammaṃ karomā”ti. Te tassa niyassakammaṃ karonti – adhammena vaggā...pe... adhammena samaggā... dhammena vaggā... dhammapatirūpakena vaggā... dhammapatirūpakena samaggā. Tatraṭṭho saṅgho vivadati – “adhammena vaggakammaṃ, adhammena samaggakammaṃ, dhammena vaggakammaṃ, dhammapatirūpakena vaggakammaṃ, dhammapatirūpakena samaggakammaṃ, akataṃ kammaṃ dukkaṭaṃ kammaṃ puna kātappaṃ kammaṃ”nti. Tatra, bhikkhave, ye te bhikkhū evamāhaṃsu – “dhammapatirūpakena samaggakammaṃ”nti, ye ca te bhikkhū evamāhaṃsu – “akataṃ kammaṃ dukkaṭaṃ kammaṃ puna kātappaṃ kammaṃ”nti, ime tattha bhikkhū dhammavādino. Ime pañca vārā saṃkhittā.

Niyassakammavivādakathā niṭṭhitā.

258. Pabbājanīyakammavivādakathā

435. Idha pana, bhikkhave, bhikkhu kuladūsako hoti pāpasamācāro. Tatra ce bhikkhūnaṃ evaṃ hoti – “ayaṃ kho, āvuso, bhikkhu kuladūsako pāpasamācāro. Handassa mayaṃ pabbājanīyakammaṃ karomā”ti. Te tassa pabbājanīyakammaṃ karonti – adhammena vaggā...pe... adhammena samaggā... dhammena vaggā... dhammapatirūpakena vaggā... dhammapatirūpakena samaggā. Tatraṭṭho saṅgho vivadati – “adhammena vaggakammaṃ, adhammena samaggakammaṃ, dhammena vaggakammaṃ, dhammapatirūpakena vaggakammaṃ, dhammapatirūpakena samaggakammaṃ, akataṃ kammaṃ dukkaṭaṃ kammaṃ puna kātappaṃ kamma”nti. Tatra, bhikkhave, ye te bhikkhū evamāhaṃsu – “dhammapatirūpakena samaggakamma”nti ye ca te bhikkhū evamāhaṃsu – “akataṃ kammaṃ dukkaṭaṃ kammaṃ puna kātappaṃ kamma”nti, ime tattha bhikkhū dhammavādino. Ime pañca vārā saṃkhittā.

Pabbājanīyakammavivādakathā niṭṭhitā.

259. Paṭisāraṇīyakammavivādakathā

436. Idha pana, bhikkhave, bhikkhu gihī akkosati paribhāsati. Tatra ce bhikkhūnaṃ evaṃ hoti – “ayaṃ kho, āvuso, bhikkhu gihī akkosati paribhāsati. Handassa mayaṃ paṭisāraṇīyakammaṃ karomā”ti. Te tassa paṭisāraṇīyakammaṃ karonti – adhammena vaggā...pe... adhammena samaggā... dhammena vaggā... dhammapatirūpakena vaggā... dhammapatirūpakena samaggā. Tatraṭṭho saṅgho vivadati – “adhammena vaggakammaṃ, adhammena samaggakammaṃ, dhammena vaggakammaṃ, dhammapatirūpakena vaggakammaṃ, dhammapatirūpakena samaggakammaṃ, akataṃ kammaṃ dukkaṭaṃ kammaṃ puna kātappaṃ kamma”nti. Tatra, bhikkhave, ye te bhikkhū evamāhaṃsu – “dhammapatirūpakena samaggakamma”nti, ye ca te bhikkhū evamāhaṃsu – “akataṃ kammaṃ dukkaṭaṃ kammaṃ puna kātappaṃ kamma”nti, ime tattha bhikkhū dhammavādino. Ime pañca vārā saṃkhittā.

Paṭisāraṇīyakammavivādakathā niṭṭhitā.

260. Adassane ukkhepanīyakammavivādakathā

437. Idha pana, bhikkhave, bhikkhu āpattiṃ āpajjitvā na icchati āpattiṃ passituṃ. Tatra ce bhikkhūnaṃ evaṃ hoti – “ayaṃ kho, āvuso, bhikkhu āpattiṃ āpajjitvā na icchati āpattiṃ passituṃ. Handassa mayaṃ āpattiyā adassane ukkhepanīyakammaṃ karomā”ti. Te tassa āpattiyā adassane ukkhepanīyakammaṃ karonti – adhammena vaggā...pe... adhammena samaggā... dhammena vaggā... dhammapatirūpakena vaggā... dhammapatirūpakena samaggā. Tatraṭṭho saṅgho vivadati – “adhammena vaggakammaṃ, adhammena samaggakammaṃ, dhammena vaggakammaṃ, dhammapatirūpakena vaggakammaṃ, dhammapatirūpakena samaggakammaṃ, akataṃ kammaṃ dukkaṭaṃ kammaṃ puna kātappaṃ kamma”nti. Tatra, bhikkhave, ye te bhikkhū evamāhaṃsu – “dhammapatirūpakena samaggakamma”nti, ye ca te bhikkhū evamāhaṃsu – “akataṃ kammaṃ dukkaṭaṃ kammaṃ puna kātappaṃ kamma”nti, ime tattha bhikkhū dhammavādino. Ime pañca vārā saṃkhittā.

Adassane ukkhepanīyakammavivādakathā niṭṭhitā.

261. Appaṭikamme ukkhepanīyakammavivādakathā

438. Idha pana, bhikkhave, bhikkhu āpattiṃ āpajjitvā na icchati āpattiṃ paṭikātuṃ. Tatra ce

bhikkhūnaṃ evaṃ hoti – “ayaṃ kho, āvuso, bhikkhu āpattiṃ āpajjitvā na icchati āpattiṃ paṭikātuṃ. Handassa mayaṃ āpattiyā appaṭīkamme ukkhepanīyakammaṃ karomā”ti. Te tassa āpattiyā appaṭīkamme ukkhepanīyakammaṃ karonti – adhammena vaggā...pe... adhammena samaggā... dhammena vaggā... dhammapatirūpakena vaggā... dhammapatirūpakena samaggā. Tatraṭṭho saṅgho vivadati – “adhammena vaggakammaṃ, adhammena samaggakammaṃ, dhammena vaggakammaṃ, dhammapatirūpakena vaggakammaṃ, dhammapatirūpakena samaggakammaṃ, akataṃ kammaṃ dukkaṭaṃ kammaṃ puna kātabbaṃ kamma”nti. Tatra, bhikkhave, ye te bhikkhū evamāhaṃsu – “dhammapatirūpakena samaggakamma”nti; ye ca te bhikkhū evamāhaṃsu – “akataṃ kammaṃ dukkaṭaṃ kammaṃ puna kātabbaṃ kamma”nti, ime tattha bhikkhū dhammavādino. Ime pañca vārā saṃkhittā.

Appaṭīkamme ukkhepanīyakammavivādakathā niṭṭhitā.

262. Appaṭinissagge ukkhepanīyakammavivādakathā

439. Idha pana, bhikkhave, bhikkhu na icchati pāpikaṃ diṭṭhiṃ paṭinissajjitum. Tatra ce bhikkhūnaṃ evaṃ hoti – “ayaṃ kho, āvuso, bhikkhu na icchati pāpikaṃ diṭṭhiṃ paṭinissajjitum. Handassa mayaṃ pāpikāya diṭṭhiyā appaṭinissagge ukkhepanīyakammaṃ karomā”ti. Te tassa pāpikāya diṭṭhiyā appaṭinissagge ukkhepanīyakammaṃ karonti – adhammena vaggā...pe... adhammena samaggā... dhammena vaggā... dhammapatirūpakena vaggā... dhammapatirūpakena samaggā. Tatraṭṭho saṅgho vivadati – “adhammena vaggakammaṃ, adhammena samaggakammaṃ, dhammena vaggakammaṃ, dhammapatirūpakena vaggakammaṃ, dhammapatirūpakena samaggakammaṃ, akataṃ kammaṃ dukkaṭaṃ kammaṃ puna kātabbaṃ kamma”nti. Tatra, bhikkhave, ye te bhikkhū evamāhaṃsu – “dhammapatirūpakena samaggakamma”nti, ye ca te bhikkhū evamāhaṃsu – “akataṃ kammaṃ dukkaṭaṃ kammaṃ puna kātabbaṃ kamma”nti, ime tattha bhikkhū dhammavādino. Ime pañca vārā saṃkhittā.

Appaṭinissagge ukkhepanīyakammavivādakathā niṭṭhitā.

263. Tajjanīyakammaṭippassaddhikathā

440. Idha pana, bhikkhave, bhikkhu saṅghena tajjanīyakammakato sammā vattati, lomaṃ pāṭeti, netthāraṃ vattati, tajjanīyassa kammassa ṭippassaddhiṃ yācati. Tatra ce bhikkhūnaṃ evaṃ hoti – “ayaṃ kho, āvuso, bhikkhu saṅghena tajjanīyakammakato sammā vattati, lomaṃ pāṭeti, netthāraṃ vattati, tajjanīyassa kammassa ṭippassaddhiṃ yācati. Handassa mayaṃ tajjanīyakammaṃ ṭippassambhemā”ti. Te tassa tajjanīyakammaṃ ṭippassambhenti – adhammena vaggā. Tatraṭṭho saṅgho vivadati – “adhammena vaggakammaṃ, adhammena samaggakammaṃ, dhammena vaggakammaṃ, dhammapatirūpakena vaggakammaṃ, dhammapatirūpakena samaggakammaṃ, akataṃ kammaṃ dukkaṭaṃ kammaṃ puna kātabbaṃ kamma”nti. Tatra, bhikkhave, ye te bhikkhū evamāhaṃsu – “adhammena vaggakamma”nti, ye ca te bhikkhū evamāhaṃsu – “akataṃ kammaṃ dukkaṭaṃ kammaṃ puna kātabbaṃ kamma”nti, ime tattha bhikkhū dhammavādino.

441. Idha pana, bhikkhave, bhikkhu saṅghena tajjanīyakammakato sammā vattati, lomaṃ pāṭeti, netthāraṃ vattati, tajjanīyassa kammassa ṭippassaddhiṃ yācati. Tatra ce bhikkhūnaṃ evaṃ hoti – “ayaṃ kho, āvuso, bhikkhu saṅghena tajjanīyakammakato sammā vattati, lomaṃ pāṭeti, netthāraṃ vattati, tajjanīyassa kammassa ṭippassaddhiṃ yācati. Handassa mayaṃ tajjanīyakammaṃ ṭippassambhemā”ti. Te tassa tajjanīyakammaṃ ṭippassambhenti – adhammena samaggā. Tatraṭṭho saṅgho vivadati – “adhammena vaggakammaṃ, adhammena samaggakammaṃ, dhammena vaggakammaṃ, dhammapatirūpakena vaggakammaṃ, dhammapatirūpakena samaggakammaṃ, akataṃ kammaṃ dukkaṭaṃ kammaṃ puna kātabbaṃ kamma”nti. Tatra, bhikkhave, ye te bhikkhū evamāhaṃsu – “adhammena samaggakamma”nti, ye ca te bhikkhū evamāhaṃsu – “akataṃ kammaṃ dukkaṭaṃ

kammaṃ puna kātappaṃ kamma’’nti, ime tattha bhikkhū dhammavādino.

442. Idha pana, bhikkhave, bhikkhu saṅghena tajjanīyakammakato sammā vattati, lomaṃ pāṭeti, netthāraṃ vattati, tajjanīyassa kammaṃ paṭippassaddhiṃ yācati. Tatra ce bhikkhūnaṃ evaṃ hoti – ‘‘ayaṃ kho, āvuso, bhikkhu saṅghena tajjanīyakammakato sammā vattati, lomaṃ pāṭeti, netthāraṃ vattati, tajjanīyassa kammaṃ paṭippassaddhiṃ yācati. Handassa mayaṃ tajjanīyakammaṃ paṭippassambhemā’’ti. Te tassa tajjanīyakammaṃ paṭippassambhenti – dhammena vaggā. Tatraṭṭho saṅgho vivadati – ‘‘adhammena vaggakammaṃ, adhammena samaggakammaṃ, dhammena vaggakammaṃ, dhammapatirūpakena vaggakammaṃ, dhammapatirūpakena samaggakammaṃ, akataṃ kammaṃ dukkaṭaṃ kammaṃ puna kātappaṃ kamma’’nti. Tatra, bhikkhave, ye te bhikkhū evamāhaṃsu – ‘‘dhammena vaggakamma’’nti ye ca te bhikkhū evamāhaṃsu – ‘‘akataṃ kammaṃ dukkaṭaṃ kammaṃ puna kātappaṃ kamma’’nti, ime tattha bhikkhū dhammavādino.

443. Idha pana, bhikkhave, bhikkhu saṅghena tajjanīyakammakato sammā vattati, lomaṃ pāṭeti, netthāraṃ vattati, tajjanīyassa kammaṃ paṭippassaddhiṃ yācati. Tatra ce bhikkhūnaṃ evaṃ hoti – ‘‘ayaṃ kho, āvuso, bhikkhu saṅghena tajjanīyakammakato sammā vattati, lomaṃ pāṭeti, netthāraṃ vattati, tajjanīyassa kammaṃ paṭippassaddhiṃ yācati. Handassa mayaṃ tajjanīyakammaṃ paṭippassambhemā’’ti. Te tassa tajjanīyakammaṃ paṭippassambhenti – dhammapatirūpakena vaggā. Tatraṭṭho saṅgho vivadati – ‘‘adhammena vaggakammaṃ, adhammena samaggakammaṃ, dhammena vaggakammaṃ, dhammapatirūpakena vaggakammaṃ, dhammapatirūpakena samaggakammaṃ, akataṃ kammaṃ dukkaṭaṃ kammaṃ puna kātappaṃ kamma’’nti. Tatra, bhikkhave, ye te bhikkhū evamāhaṃsu – ‘‘dhammapatirūpakena vaggakamma’’nti, ye ca te bhikkhū evamāhaṃsu – ‘‘akataṃ kammaṃ dukkaṭaṃ kammaṃ puna kātappaṃ kamma’’nti, ime tattha bhikkhū dhammavādino.

444. Idha pana, bhikkhave, bhikkhu saṅghena tajjanīyakammakato sammā vattati, lomaṃ pāṭeti, netthāraṃ vattati, tajjanīyassa kammaṃ paṭippassaddhiṃ yācati. Tatra ce bhikkhūnaṃ evaṃ hoti – ‘‘ayaṃ kho, āvuso, bhikkhu saṅghena tajjanīyakammakato sammā vattati, lomaṃ pāṭeti, netthāraṃ vattati, tajjanīyassa kammaṃ paṭippassaddhiṃ yācati. Handassa mayaṃ tajjanīyakammaṃ paṭippassambhemā’’ti. Te tassa tajjanīyakammaṃ paṭippassambhenti – dhammapatirūpakena samaggā. Tatraṭṭho saṅgho vivadati – ‘‘adhammena vaggakammaṃ, adhammena samaggakammaṃ, dhammena vaggakammaṃ, dhammapatirūpakena vaggakammaṃ, dhammapatirūpakena samaggakammaṃ, akataṃ kammaṃ dukkaṭaṃ kammaṃ puna kātappaṃ kamma’’nti. Tatra, bhikkhave, ye te bhikkhū evamāhaṃsu – ‘‘dhammapatirūpakena samaggakamma’’nti, ye ca te bhikkhū evamāhaṃsu – ‘‘akataṃ kammaṃ dukkaṭaṃ kammaṃ puna kātappaṃ kamma’’nti, ime tattha bhikkhū dhammavādino.

Tajjanīyakammaṃ paṭippassaddhikathā niṭṭhitā.

264. Niyassakammaṃ paṭippassaddhikathā

445. Idha pana, bhikkhave, bhikkhu saṅghena niyassakammakato sammā vattati, lomaṃ pāṭeti, netthāraṃ vattati, niyassassa kammaṃ paṭippassaddhiṃ yācati. Tatra ce bhikkhūnaṃ evaṃ hoti – ‘‘ayaṃ kho, āvuso, bhikkhu saṅghena niyassakammakato sammā vattati, lomaṃ pāṭeti, netthāraṃ vattati, niyassassa kammaṃ paṭippassaddhiṃ yācati. Handassa mayaṃ niyassakammaṃ paṭippassambhemā’’ti. Te tassa niyassakammaṃ paṭippassambhenti – adhammena vaggā...pe... adhammena samaggā... dhammena vaggā... dhammapatirūpakena vaggā... dhammapatirūpakena samaggā. Tatraṭṭho saṅgho vivadati – ‘‘adhammena vaggakammaṃ, adhammena samaggakammaṃ, dhammena vaggakammaṃ, dhammapatirūpakena vaggakammaṃ, dhammapatirūpakena samaggakammaṃ, akataṃ kammaṃ dukkaṭaṃ kammaṃ puna kātappaṃ kamma’’nti. Tatra, bhikkhave, ye te bhikkhū evamāhaṃsu – ‘‘dhammapatirūpakena samaggakamma’’nti, ye ca te bhikkhū evamāhaṃsu – ‘‘akataṃ kammaṃ dukkaṭaṃ kammaṃ puna kātappaṃ kamma’’nti, ime tattha bhikkhū dhammavādino. Imepi [ime (sī. syā. evamuparipi)] pañca vārā saṃkhittā.

Niyassakammaṭṭippassaddhikathā niṭṭhitā.

265. Pabbājanīyakammaṭṭippassaddhikathā

446. Idha pana, bhikkhave, bhikkhu saṅghena pabbājanīyakammakato sammā vattati, lomaṃ pāṭeti, netthāraṃ vattati, pabbājanīyassa kammaṣṣa ṭṭippassaddhiṃ yācati. Tatra ce bhikkhūnaṃ evaṃ hoti – “ayaṃ kho, āvuso, bhikkhu saṅghena pabbājanīyakammakato sammā vattati, lomaṃ pāṭeti, netthāraṃ vattati, pabbājanīyassa kammaṣṣa ṭṭippassaddhiṃ yācati. Handassa mayaṃ pabbājanīyakammaṃ ṭṭippassambhemā”ti. Te tassa pabbājanīyakammaṃ ṭṭippassambhenti – adhammena vaggā...pe... adhammena samaggā... dhammena vaggā... dhammapatirūpakena vaggā... dhammapatirūpakena samaggā. Tatraṭṭho saṅgho vivadati – “adhammena vaggakammaṃ, adhammena samaggakammaṃ, dhammena vaggakammaṃ, dhammapatirūpakena vaggakammaṃ, dhammapatirūpakena samaggakammaṃ, akataṃ kammaṃ dukkaṭaṃ kammaṃ puna kātabbaṃ kamma”nti. Tatra, bhikkhave, ye te bhikkhū evamāhaṃsu – “dhammapatirūpakena samaggakamma”nti, ye ca te bhikkhū evamāhaṃsu – “akataṃ kammaṃ dukkaṭaṃ kammaṃ puna kātabbaṃ kamma”nti, ime tattha bhikkhū dhammavādino. Imepi pañca vārā saṃkhittā.

Pabbājanīyakammaṭṭippassaddhikathā niṭṭhitā.

266. Paṭisāraṇīyakammaṭṭippassaddhikathā

447. Idha pana, bhikkhave, bhikkhu saṅghena paṭisāraṇīyakammakato sammā vattati, lomaṃ pāṭeti, netthāraṃ vattati, paṭisāraṇīyassa kammaṣṣa ṭṭippassaddhiṃ yācati. Tatra ce bhikkhūnaṃ evaṃ hoti – “ayaṃ kho, āvuso, bhikkhu saṅghena paṭisāraṇīyakammakato sammā vattati, lomaṃ pāṭeti, netthāraṃ vattati, paṭisāraṇīyassa kammaṣṣa ṭṭippassaddhiṃ yācati. Handassa mayaṃ paṭisāraṇīyakammaṃ ṭṭippassambhemā”ti. Te tassa paṭisāraṇīyakammaṃ ṭṭippassambhenti – adhammena vaggā...pe... adhammena samaggā... dhammena vaggā... dhammapatirūpakena vaggā... dhammapatirūpakena samaggā. Tatraṭṭho saṅgho vivadati – “adhammena vaggakammaṃ, adhammena samaggakammaṃ, dhammena vaggakammaṃ, dhammapatirūpakena vaggakammaṃ, dhammapatirūpakena samaggakammaṃ, akataṃ kammaṃ dukkaṭaṃ kammaṃ puna kātabbaṃ kamma”nti. Tatra, bhikkhave, ye te bhikkhū evamāhaṃsu – “dhammapatirūpakena samaggakamma”nti, ye ca te bhikkhū evamāhaṃsu – “akataṃ kammaṃ dukkaṭaṃ kammaṃ puna kātabbaṃ kamma”nti. Ime tattha bhikkhū dhammavādino. Imepi pañca vārā saṃkhittā.

Paṭisāraṇīyakammaṭṭippassaddhikathā niṭṭhitā.

267. Adassane ukkhepanīyakammaṭṭippassaddhikathā

448. Idha pana, bhikkhave, bhikkhu saṅghena āpattiyā adassane ukkhepanīyakammakato sammā vattati, lomaṃ pāṭeti, netthāraṃ vattati, āpattiyā adassane ukkhepanīyassa kammaṣṣa ṭṭippassaddhiṃ yācati. Tatra ce bhikkhūnaṃ evaṃ hoti – “ayaṃ kho, āvuso, bhikkhu saṅghena āpattiyā adassane ukkhepanīyakammakato sammā vattati, lomaṃ pāṭeti, netthāraṃ vattati, āpattiyā adassane ukkhepanīyassa kammaṣṣa ṭṭippassaddhiṃ yācati. Handassa mayaṃ āpattiyā adassane ukkhepanīyakammaṃ ṭṭippassambhemā”ti. Te tassa āpattiyā adassane ukkhepanīyakammaṃ ṭṭippassambhenti – adhammena vaggā...pe... adhammena samaggā... dhammena vaggā... dhammapatirūpakena vaggā... dhammapatirūpakena samaggā. Tatraṭṭho saṅgho vivadati – “adhammena vaggakammaṃ, adhammena samaggakammaṃ, dhammena vaggakammaṃ, dhammapatirūpakena vaggakammaṃ, dhammapatirūpakena samaggakammaṃ, akataṃ kammaṃ dukkaṭaṃ kammaṃ puna kātabbaṃ kamma”nti. Tatra, bhikkhave, ye te bhikkhū evamāhaṃsu – “dhammapatirūpakena samaggakamma”nti, ye ca te bhikkhū evamāhaṃsu – “akataṃ kammaṃ dukkaṭaṃ kammaṃ puna kātabbaṃ kamma”nti, ime tattha bhikkhū dhammavādino. Imepi pañca vārā

saṃkhittā.

Adassane ukkhepanīyakammaṭṭippassaddhikathā niṭṭhitā.

268. Appaṭīkamme ukkhepanīyakammaṭṭippassaddhikathā

449. Idha pana, bhikkhave, bhikkhu saṅghena āpattiyā appaṭīkamme ukkhepanīyakammakato sammā vattati, lomaṃ pāṭeti, netthāraṃ vattati, āpattiyā appaṭīkamme ukkhepanīyassa kammaṣṣa ṭṭippassaddhiṃ yācati. Tatra ce bhikkhūnaṃ evaṃ hoti – “ayaṃ kho, āvuso, bhikkhu saṅghena āpattiyā appaṭīkamme ukkhepanīyakammakato sammā vattati, lomaṃ pāṭeti, netthāraṃ vattati, āpattiyā appaṭīkamme ukkhepanīyassa kammaṣṣa ṭṭippassaddhiṃ yācati. Handassa mayaṃ āpattiyā appaṭīkamme ukkhepanīyakammaṃ ṭṭippassambhemā”ti. Te tassa āpattiyā appaṭīkamme ukkhepanīyakammaṃ ṭṭippassambhenti – adhammena vaggā...pe... adhammena samaggā... dhammena vaggā... dhammapatirūpakena vaggā... dhammapatirūpakena samaggā. Tatraṭṭho saṅgho vivadati – “adhammena vaggakammaṃ, adhammena samaggakammaṃ, dhammena vaggakammaṃ, dhammapatirūpakena vaggakammaṃ, dhammapatirūpakena samaggakammaṃ, akataṃ kammaṃ dukkaṭaṃ kammaṃ puna kātabbaṃ kamma”nti. Tatra, bhikkhave, ye te bhikkhū evamāhaṃsu – “dhammapatirūpakena samaggakamma”nti, ye ca te bhikkhū evamāhaṃsu – “akataṃ kammaṃ dukkaṭaṃ kammaṃ puna kātabbaṃ kamma”nti, ime tattha bhikkhū dhammavādino. Imepi pañca vārā saṃkhittā.

Appaṭīkamme ukkhepanīyakammaṭṭippassaddhikathā niṭṭhitā.

269. Appaṭinissagge ukkhepanīyakammaṭṭippassaddhikathā

450. Idha pana, bhikkhave, bhikkhu saṅghena pāpikāya diṭṭhiyā appaṭinissagge ukkhepanīyakammakato sammā vattati, lomaṃ pāṭeti, netthāraṃ vattati, pāpikāya diṭṭhiyā appaṭinissagge ukkhepanīyassa kammaṣṣa ṭṭippassaddhiṃ yācati. Tatra ce bhikkhūnaṃ evaṃ hoti – “ayaṃ kho, āvuso, bhikkhu saṅghena pāpikāya diṭṭhiyā appaṭinissagge ukkhepanīyakammakato sammā vattati, lomaṃ pāṭeti, netthāraṃ vattati, pāpikāya diṭṭhiyā appaṭinissagge ukkhepanīyassa kammaṣṣa ṭṭippassaddhiṃ yācati. Handassa mayaṃ pāpikāya diṭṭhiyā appaṭinissagge ukkhepanīyakammaṃ ṭṭippassambhemā”ti. Te tassa pāpikāya diṭṭhiyā appaṭinissagge ukkhepanīyakammaṃ ṭṭippassambhenti – adhammena vaggā...pe... adhammena samaggā... dhammena vaggā... dhammapatirūpakena vaggā... dhammapatirūpakena samaggā. Tatraṭṭho saṅgho vivadati – “adhammena vaggakammaṃ, adhammena samaggakammaṃ, dhammena vaggakammaṃ, dhammapatirūpakena vaggakammaṃ, dhammapatirūpakena samaggakammaṃ, akataṃ kammaṃ dukkaṭaṃ kammaṃ puna kātabbaṃ kamma”nti. Tatra, bhikkhave, ye te bhikkhū evamāhaṃsu – “dhammapatirūpakena samaggakamma”nti, ye ca te bhikkhū evamāhaṃsu – “akataṃ kammaṃ dukkaṭaṃ kammaṃ puna kātabbaṃ kamma”nti, ime tattha bhikkhū dhammavādino. Imepi pañca vārā saṃkhittā.

Appaṭinissagge ukkhepanīyakammaṭṭippassaddhikathā niṭṭhitā.

Campeyyakkhandhako navamo.

270. Tassuddānaṃ

Campāyaṃ bhagavā āsi, vatthu vāsabhagāmake;
Āgantukānamussukkaṃ, akāsi icchitabbake [[icchitabbako \(ka.\)](#)].

Pakataññunoti ñatvā, ussukkaṃ na karī tadā;

Ukkhitto na karotīti, sāgamā jinasantike.

Adhammena vaggakammaṃ, samaggaṃ adhammena ca;
Dhammena vaggakammañca, patirūpakena vaggikaṃ.

Patirūpakena samaggaṃ, eko ukkhipatekakaṃ;
Eko ca dve sambahule, saṅghaṃ ukkhipatekako.

Duvepi sambahulāpi, saṅgho saṅghañca ukkhipi;
Sabbaññupavaro sutvā, adhammanti paṭikkhipi.

Ñattivipannaṃ yaṃ kammaṃ, sampannaṃ anusāvanaṃ;
Anussāvanavipannaṃ, sampannaṃ ñattiyā ca yaṃ.

Ubhayena vipannañca, aññatra dhammameva ca;
Vinayā satthu paṭikuṭṭhaṃ, kuppaṃ aṭṭhānārahikaṃ.

Adhammavaggaṃ samaggaṃ, dhamma patirūpāni ye duve;
Dhammeneva ca sāmaggim, anuññāsi tathāgato.

Catuvaggo pañcavaggo, dasavaggo ca vīsati;
Parovīsativaggo ca [atirekavīsativaggo (syā.)], saṅgho pañcavidho tathā.

Ṭhapetvā upasampadaṃ, yañca kammaṃ pavāraṇaṃ;
Abbhānakamma saha, catuvaggehi kammiko.

Duve kamme ṭhapetvāna, majjhadesūpasampadaṃ;
Abbhānaṃ pañcavaggiko, sabbakammesu kammiko.

Abbhānekamaṃ ṭhapetvāna, ye bhikkhū dasavaggikā;
Sabbakammakaro saṅgho, vīso sabbattha kammiko.

Bhikkhunī sikkhamānā, ca sāmaṇero sāmaṇerī;
Paccakkhātantimavatthū, ukkhittāpattidassane.

Appaṭikamme diṭṭhiyā, paṇḍako theyyasaṃvāsakaṃ;
Titthiyā tiracchānagataṃ, mātu pitu ca ghātakaṃ.

Arahaṃ bhikkhunīdūsi, bhedakaṃ lohituppādaṃ;
Byañjanaṃ nānāsaṃvāsaṃ, nānāsīmāya iddhiyā.

Yassa saṅgho kare kammaṃ, hontete catuvīsati;
Sambuddhena paṭikkhittā, na hete gaṇapūrakā.

Pārivāsikacattuttho, parivāsaṃ dadeyya vā;
Mūlā mānattamabbheyya, akammaṃ na ca karaṇaṃ.

Mūlā arahamānattā, abbhānārahameva ca;
Na kammakāraṃ pañca, sambuddhena pakāsītā.

Bhikkhunī sikkhamānā ca, sāmaṇero sāmaṇerikā;
Paccakkhantimaummattā, khittāvedanadassane.

Appaṭikamme diṭṭhiyā, paṇḍakāpi ca byañjanā [[ito paraṃ syāmamūle diyaḍḍhagāthāhi abhabbapuggalā samattaṃ dassitā](#)];
Nānāsaṃvāsakā sīmā, vehāsaṃ yassa kamma ca.

Aṭṭhārasannametesam, paṭikkosam na ruhati;
Bhikkhussa pakatattassa, ruhati paṭikkosanā.

Suddhassa dunnisārito, bālo hi sunissārito;
Paṇḍako theyyasaṃvāso, pakkanto tiracchānagato.

Mātu pitu arahanta, dūsako saṅghabhedako;
Lohituppādako ceva, ubhatobyañjano ca yo.

Ekādasannaṃ etesaṃ, osāraṇaṃ na yujjati;
Hatthapādaṃ tadubhayaṃ, kaṇṇanāsaṃ tadūbhayaṃ.

Aṅguli aḷakaṇḍaraṃ, phaṇaṃ khujjo ca vāmano;
Gaṇḍī lakkhaṇakasā, ca likhitako ca sīpadī.

Pāpā parisakāṇo ca, kuṇī khañjo hatopi ca;
Iriyāpathadubbalo, andho mūgo ca badhiro.

Andhamūgandhabadhiro mūgabadhrameva ca;
Andhamūgabadhiro ca, dvattiṃsete anūnakā.

Tesaṃ osāraṇaṃ hoti, sambuddhena pakāsitaṃ;
Daṭṭhabbā paṭikātabbā, nissajjetā na vijjati.

Tassa ukkhepanā kammā, satta honti adhammikā;
Āpannaṃ anuvattantaṃ, satta tepi adhammikā.

Āpannaṃ nānuvattantaṃ, satta kammā sudhammikā;
Sammukhā paṭipucchā ca, paṭiññāya ca kāraṇā.

Sati amūḷhapāpikā, tajjanīniyassena ca;
Pabbājanīya paṭisāro, ukkheparivāsa ca.

Mūlā mānattaabbhānā, tatheva upasampadā;
Aññaṃ kareyya aññaṃ, soḷasete adhammikā.

Taṃ taṃ kareyya taṃ tassa, soḷasete sudhammikā;
Paccāropeyya aññaññaṃ, soḷasete adhammikā.

Dve dve tammūlakaṃ tassa [[dve dve mūlā katā kassa \(syā.\)](#), [dodotammūlakantassa \(ka.\)](#)], tepi
soḷasa dhammikā;
Ekekammūlakaṃ cakkam, ‘‘adhamma’’nti jinobrvi.

Akāsi tajjanīyaṃ kammaṃ, saṅgho bhaṇḍanakāraḷo;
Adhammena vaggakammaṃ, aññaṃ āvāsaṃ gacchi so.

Tatthādhammena samaggā, tassa tajjanīyaṃ karuṃ;
Aññaṭṭha vaggādhammena, tassa tajjanīyaṃ karuṃ.

Patirūpena vaggāpi, samaggāpi tathā karuṃ;
Adhammena samaggā ca, dhammena vaggameva ca.

Patirūpakena vaggā ca, samaggā ca ime padā;
Ekekamūlakaṃ katvā, cakkamaṃ bandhe vicakkaṇa.

Bālā byattassa niyassaṃ, pabbāje kuladūsakaṃ;
Paṭisāraṇīyaṃ kammaṃ, kare akkosakassa ca.

Adassanāppatikamme, yo ca diṭṭhiṃ na nissajje;
Tesaṃ ukkhepanīyakammaṃ, satthavāhena bhāsitaṃ.

Upari nayakammānaṃ [upavinayakammānaṃ (syā.), ukkhepanīyakammānaṃ (ka.)] pañño
tajjanīyaṃ naye;
Tesaṃyeva anulomaṃ, sammā vattati yācite [yācati (syā.), yācito (sī.)].

Passaddhi tesamaṃ kammānaṃ, heṭṭhā kammanayena ca;
Tasmiṃ tasmiṃ tu kammesu, tatraṭṭho ca vivadati.

Akataṃ dukkaṭaṅgeva, punakātabbakanti ca;
Kamme passaddhiyā cāpi, te bhikkhū dhammavādino.

VipattibyādHITE disvā, kammappatte mahāmuni;
Paṭippassaddhimakkhāsi, sallakattova osadhanti.

Imamhi khandhake vatthūni chatṭimsāti.

Campeyyakkhandhako niṭṭhito.

10. Kosambakakkhandhako

271. Kosambakavivādakathā

451. Tena samayena buddho bhagavā kosambiyaṃ viharati ghoṣitārāme. Tena kho pana samayena aññataro bhikkhu āpattiṃ āpanno hoti. So tassā āpattiyā āpattidiṭṭhi [āpattidiṭṭhī (sī.)] hoti; aññe bhikkhū tassā āpattiyā anāpattidiṭṭhino honti. So aparena samayena tassā āpattiyā anā pattiṭṭhi hoti; aññe bhikkhū tassā āpattiyā āpattidiṭṭhino honti. Atha kho te bhikkhū taṃ bhikkhuṃ etadavocuṃ – “āpattiṃ tvamaṃ, āvuso, āpanno, passasetamaṃ āpatti”nti? “Natthi me, āvuso, āpatti yamaṃ passeyya”nti. Atha kho te bhikkhū sāmaggimaṃ labhitvā taṃ bhikkhuṃ āpattiyā adassane ukkhipiṃsu. So ca bhikkhu bahussuto hoti āgatāgamo dhammadharo vinayadharo mātikāddharo paṇḍito byatto medhāvī lajjī kukkucako sikkhākāmo. Atha kho so bhikkhu sandiṭṭhe sambhatte bhikkhū upasaṅkamitvā etadavoca – “anāpatti esā, āvuso, nesā āpatti. Anāpannomhi, namhi āpanno. Anukkhitomhi, namhi ukkhitto. Adhammikenamhi kammena ukkhitto kuppenna aṭṭhānārahena. Hotha me āyasmanto dhammato vinayato pakkhā”ti. Alabhi kho so bhikkhu sandiṭṭhe sambhatte bhikkhū pakkhe. Jānapadānampi sandiṭṭhānaṃ

sambhattānaṃ bhikkhūnaṃ santike dūtaṃ pāhesi – anāpatti esā, āvuso, nesā āpatti. Anāpannomhi, namhi āpanno. Anukkhittomhi, namhi ukkhitto. Adhammikenamhi kammaena ukkhitto kuppena aṭṭhānārahena. Hontu me āyasmanto dhammato vinayato pakkhā”ti. Alabhi kho so bhikkhu jānapadepi sandiṭṭhe sambhatte bhikkhū pakkhe. Atha kho te ukkhittānuvattakā bhikkhū yena ukkhepakā bhikkhū tenupasaṅkamimṣu, upasaṅkamitvā ukkhepake bhikkhū etadavocum – “anāpatti esā, āvuso, nesā āpatti. Anāpanno eso bhikkhu, neso bhikkhu āpanno. Anukkhitto eso bhikkhu, neso bhikkhu ukkhitto. Adhammikenā kammaena ukkhitto kuppena aṭṭhānārahena”ti. Evaṃ vutte ukkhepakā bhikkhū ukkhittānuvattake bhikkhū etadavocum – “āpatti esā āvuso, nesā anāpatti. Āpanno eso bhikkhu, neso bhikkhu anāpanno. Ukkhitto eso bhikkhu, neso bhikkhu anukkhitto. Dhammikenā kammaena ukkhitto akuppēna ṭhānārahena. Mā kho tumhe āyasmanto etaṃ ukkhittakaṃ bhikkhum anuvattittha anuparivārethā”ti. Evampi kho te ukkhittānuvattakā bhikkhū ukkhepakehi bhikkhūhi vuccamānā tatheva taṃ ukkhittakaṃ bhikkhum anuvattimṣu anuparivāresum.

452. Atha kho aññataro bhikkhu yena bhagavā tenupasaṅkamī, upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinno kho so bhikkhu bhagavantaṃ etadavoca – “idha, bhante, aññataro bhikkhu āpattiṃ āpanno ahosi. So tassā āpattiyā āpattidiṭṭhi ahosi, aññe bhikkhū tassā āpattiyā anāpattidiṭṭhino ahesum. So aparena samayena tassā āpattiyā anāpattidiṭṭhi ahosi, aññe bhikkhū tassā āpattiyā āpattidiṭṭhino ahesum. Atha kho te, bhante, bhikkhū taṃ bhikkhum etadavocum – “āpattiṃ tvam, āvuso, āpanno, passasetam āpatti”nti? “Natthi me, āvuso, āpatti yamahaṃ passeyya”nti. Atha kho te, bhante, bhikkhū sāmaggiṃ labhitvā taṃ bhikkhum āpattiyā adassane ukkhipimṣu. So ca, bhante, bhikkhu bahussuto āgatāgamo dhammadharo vinayadharo mātikādharo paṇḍito byatto medhāvī lajjī kukkucako sikkhākāmo. Atha kho so, bhante, bhikkhu sandiṭṭhe sambhatte bhikkhū upasaṅkamitvā etadavoca – “anāpatti esā, āvuso; nesā āpatti. Anāpannomhi, namhi āpanno. Anukkhittomhi, namhi ukkhitto. Adhammikenamhi kammaena ukkhitto kuppēna aṭṭhānārahena. Hotha me āyasmanto dhammato vinayato pakkhā”ti. Alabhi kho so, bhante, bhikkhu sandiṭṭhe sambhatte bhikkhū pakkhe. Jānapadānampi sandiṭṭhānaṃ sambhattānaṃ bhikkhūnaṃ santike dūtaṃ pāhesi – “anāpatti esā, āvuso; nesā āpatti. Anāpannomhi, namhi āpanno. Anukkhittomhi, namhi ukkhitto. Adhammikenamhi kammaena ukkhitto kuppēna aṭṭhānārahena. Hontu me āyasmanto dhammato vinayato pakkhā”ti. Alabhi kho so, bhante, bhikkhu jānapadepi sandiṭṭhe sambhatte bhikkhū pakkhe. Atha kho te, bhante, ukkhittānuvattakā bhikkhū yena ukkhepakā bhikkhū tenupasaṅkamimṣu, upasaṅkamitvā ukkhepake bhikkhū etadavocum – “anāpatti esā, āvuso; nesā āpatti. Anāpanno eso bhikkhu, neso bhikkhu āpanno. Anukkhitto eso bhikkhu, neso bhikkhu ukkhitto. Adhammikenā kammaena ukkhitto kuppēna aṭṭhānārahena”ti. Evaṃ vutte te, bhante, ukkhepakā bhikkhū ukkhittānuvattake bhikkhū etadavocum – “āpatti esā, āvuso; nesā anāpatti. Āpanno eso bhikkhu, neso bhikkhu anāpanno. Ukkhitto eso bhikkhu, neso bhikkhu anukkhitto. Dhammikenā kammaena ukkhitto akuppēna ṭhānārahena. Mā kho tumhe āyasmanto etaṃ ukkhittakaṃ bhikkhum anuvattittha anuparivārethā”ti. Evampi kho te, bhante, ukkhittānuvattakā bhikkhū ukkhepakehi bhikkhūhi vuccamānā tatheva taṃ ukkhittakaṃ bhikkhum anuvattanti anuparivārenti”ti.

453. Atha kho bhagavā ‘bhinno bhikkhusaṅgho, bhinno bhikkhusaṅgho’ti – uṭṭhāyāsana yena ukkhepakā bhikkhū tenupasaṅkamī, upasaṅkamitvā paññatte āsane nisīdi, nisajja kho bhagavā ukkhepake bhikkhū etadavoca – “mā kho tumhe, bhikkhave, ‘paṭibhāti no, paṭibhāti no’ti yasmim vā tasmim vā bhikkhum ukkhipitabbaṃ maññittha”.

“Idha pana, bhikkhave, bhikkhu āpattiṃ āpanno hoti. So tassā āpattiyā anāpattidiṭṭhi hoti, aññe bhikkhū tassā āpattiyā āpattidiṭṭhino honti. Te ce, bhikkhave, bhikkhū taṃ bhikkhum evaṃ jānanti – ‘ayaṃ kho āyasmā bahussuto āgatāgamo dhammadharo vinayadharo mātikādharo paṇḍito byatto medhāvī lajjī kukkucako sikkhākāmo. Sace mayaṃ imaṃ bhikkhum āpattiyā adassane ukkhipissāma, na mayaṃ iminā bhikkhunā saddhiṃ uposathaṃ karissāma, vinā iminā bhikkhunā uposathaṃ karissāma, bhavissati saṅghassa tatonidānaṃ bhaṇḍanaṃ kalaho viggaho vivādo saṅghabhedo saṅgharāji saṅghavavattānaṃ saṅghanānākaraṇa’nti, bhedagarukehi, bhikkhave, bhikkhūhi na so bhikkhu āpattiyā adassane ukkhipitabbo.

“Idha pana, bhikkhave, bhikkhu āpattiṃ āpanno hoti. So tassā āpattiyā anāpattidiṭṭhi hoti, aññe bhikkhū tassā āpattiyā āpattidiṭṭhino honti. Te ce, bhikkhave, bhikkhū taṃ bhikkhuṃ evaṃ jānanti – ‘ayaṃ kho āyasmā bahussuto āgatāgamo dhammadharo vinayadharo mātikādharo paṇḍito byatto medhāvī lajjī kukkucako sikkhākāmo. Sace mayaṃ imaṃ bhikkhuṃ āpattiyā adassane ukkhipissāma, na mayaṃ iminā bhikkhunā saddhiṃ pavāressāma, vinā iminā bhikkhunā pavāressāma. Na mayaṃ iminā bhikkhunā saddhiṃ saṅghakammaṃ karissāma, vinā iminā bhikkhunā saṅghakammaṃ karissāma. Na mayaṃ iminā bhikkhunā saddhiṃ āsane nisīdissāma, vinā iminā bhikkhunā āsane nisīdissāma. Na mayaṃ iminā bhikkhunā saddhiṃ yāgupāne nisīdissāma, vinā iminā bhikkhunā yāgupāne nisīdissāma. Na mayaṃ iminā bhikkhunā saddhiṃ bhattachge nisīdissāma, vinā iminā bhikkhunā bhattachge nisīdissāma. Na mayaṃ iminā bhikkhunā saddhiṃ ekacchanne vasissāma, vinā iminā bhikkhunā ekacchanne vasissāma. Na mayaṃ iminā bhikkhunā saddhiṃ yathāvuḍḍhaṃ abhivādanam paccuṭṭhānam añjalikammaṃ sāmīcikammaṃ karissāma, vinā iminā bhikkhunā yathāvuḍḍhaṃ abhivādanam paccuṭṭhānam añjalikammaṃ sāmīcikammaṃ karissāma. Bhavissati saṅghassa tatonidānam bhaṇḍanam kalaho viggaho vivādo saṅghabhedo saṅgharāji saṅghavavattānam saṅghanānākaraṇa’nti, bhedagarukehi, bhikkhave, bhikkhūhi na so bhikkhu āpattiyā adassane ukkhipitabbo’”ti.

454. Atha kho bhagavā ukkhepakānam bhikkhūnam etamatthaṃ bhāsivā uṭṭhāyāsanā yena ukkhittānuvattakā bhikkhū tenupasaṅkami, upasaṅkamitvā paññatte āsane nisīdi, nisajja kho bhagavā ukkhittānuvattake bhikkhū etadavoca – “mā kho tumhe, bhikkhave, āpattiṃ āpajjitvā ‘nāmha āpannā, nāmha āpannā’”ti āpattiṃ na paṭikātabbamaṃ maññittha’”.

“Idha pana, bhikkhave, bhikkhu āpattiṃ āpanno hoti. So tassā āpattiyā anāpattidiṭṭhi hoti, aññe bhikkhū tassā āpattiyā āpattidiṭṭhino honti. So ce, bhikkhave, bhikkhu te bhikkhū evaṃ jānāti – ‘ime kho āyasmanto [āyasmantā (ka.)] bahussutā āgatāgamā dhammadharā vinayadharā mātikādharā paṇḍitā byattā medhāvino lajjino kukkucakā sikkhākāmā, nālaṃ mamaṃ vā kāraṇā aññesaṃ vā kāraṇā chandā dosā mohā bhayā agatiṃ gantuṃ. Sace maṃ ime bhikkhū āpattiyā adassane ukkhipissanti, na mayā saddhiṃ uposathaṃ karissanti, vinā mayā uposathaṃ karissanti, bhavissati saṅghassa tatonidānam bhaṇḍanam kalaho viggaho vivādo saṅghabhedo saṅgharāji saṅghavavattānam saṅghanānākaraṇa’nti, bhedagarukena, bhikkhave, bhikkhunā paresampi saddhāya sā āpatti desetabbā.

“Idha pana, bhikkhave, bhikkhu āpattiṃ āpanno hoti. So tassā āpattiyā anāpattidiṭṭhi hoti, aññe bhikkhū tassā āpattiyā āpattidiṭṭhino honti. So ce, bhikkhave, bhikkhu te bhikkhū evaṃ jānāti – ‘ime kho āyasmanto bahussutā āgatāgamā dhammadharā vinayadharā mātikādharā paṇḍitā byattā medhāvino lajjino kukkucakā sikkhākāmā, nālaṃ mamaṃ vā kāraṇā aññesaṃ vā kāraṇā chandā dosā mohā bhayā agatiṃ gantuṃ. Sace maṃ ime bhikkhū āpattiyā adassane ukkhipissanti, na mayā saddhiṃ pavāressanti, vinā mayā pavāressanti. Na mayā saddhiṃ saṅghakammaṃ karissanti, vinā mayā saṅghakammaṃ karissanti. Na mayā saddhiṃ āsane nisīdissanti, vinā mayā āsane nisīdissanti. Na mayā saddhiṃ yāgupāne nisīdissanti, vinā mayā yāgupāne nisīdissanti. Na mayā saddhiṃ bhattachge nisīdissanti vinā mayā bhattachge nisīdissanti. Na mayā saddhiṃ ekacchanne vasissanti, vinā mayā ekacchanne vasissanti. Na mayā saddhiṃ yathāvuḍḍhaṃ abhivādanam paccuṭṭhānam añjalikammaṃ sāmīcikammaṃ karissanti, vinā mayā yathāvuḍḍhaṃ abhivādanam paccuṭṭhānam añjalikammaṃ sāmīcikammaṃ karissanti, bhavissati saṅghassa tatonidānam bhaṇḍanam kalaho viggaho vivādo saṅghabhedo saṅgharāji saṅghavavattānam saṅghanānākaraṇa’nti, bhedagarukena, bhikkhave, bhikkhunā paresampi saddhāya sā āpatti desetabbā’”ti. Atha kho bhagavā ukkhittānuvattakānam bhikkhūnam etamatthaṃ bhāsivā uṭṭhāyāsanā pakkāmi.

455. Tena kho pana समयena ukkhittānuvattakā bhikkhū tattheva antosīmāya uposathaṃ karonti, saṅghakammaṃ karonti. Ukkhepakā pana bhikkhū nissīmaṃ gantvā uposathaṃ karonti, saṅghakammaṃ karonti. Atha kho aññataro ukkhepako bhikkhu yena bhagavā tenupasaṅkami, upasaṅkamitvā bhagavantam abhivādetvā ekamantaṃ nisīdi. Ekamantaṃ nisinno kho so bhikkhu bhagavantam etadavoca – “te, bhante, ukkhittānuvattakā bhikkhū tattheva antosīmāya uposathaṃ karonti,

saṅghakammaṃ karonti. Mayaṃ pana ukkhepakā bhikkhū nissīmaṃ gantvā uposathaṃ karoma, saṅghakammaṃ karomā”ti. “Te ce, bhikkhu, ukkhittānūvattakā bhikkhū tattheva antosīmāya uposathaṃ karissanti, saṅghakammaṃ karissanti, yathā mayā ñatti ca anussāvanā ca paññattā, tesam tāni kammāni dhammikāni kammāni bhavissa”nti akuppāni tñānārahāni. Tumhe ce, bhikkhu, ukkhepakā bhikkhū tattheva antosīmāya uposathaṃ karissatha, saṅghakammaṃ karissatha, yathā mayā ñatti ca anussāvanā ca paññattā, tumhākampi tāni kammāni dhammikāni kammāni bhavissanti akuppāni tñānārahāni. Taṃ kissa hetu? Nānāsaṃvāsakā ete [te (syā.)] bhikkhū [bhikkhu (sī. syā.)] tumhehi, tumhe ca tehi nānāsaṃvāsakā.

“Dvemā, bhikkhu, nānāsaṃvāsakabhūmiyo – attanā vā attānaṃ nānāsaṃvāsakaṃ karoti, samaggo vā naṃ saṅgho ukkhipati adassane vā appaṭīkamme vā appaṭīnissagge vā. Imā kho, bhikkhu, dve nānāsaṃvāsakabhūmiyo. Dvemā, bhikkhu, samānasaṃvāsakabhūmiyo – attanā vā attānaṃ samānasaṃvāsaṃ karoti, samaggo vā naṃ saṅgho ukkhittānaṃ osāreti adassane vā appaṭīkamme vā appaṭīnissagge vā. Imā kho, bhikkhu, dve samānasaṃvāsakabhūmiyo”ti.

456. Tena kho pana samayena bhikkhū bhattagge antaraghare bhaṇḍanaajātā kalahajātā vivādāpannā aññamaññaṃ ananulomikaṃ kāyakammaṃ vacīkammaṃ upadaṃsenti, hatthaparāmāsaṃ karonti. Manussā ujjhāyanti khiyyanti vipācenti – “kathañhi nāma samaṇā sakyaputtiyā bhattagge antaraghare bhaṇḍanaajātā kalahajātā vivādāpannā aññamaññaṃ ananulomikaṃ kāyakammaṃ vacīkammaṃ upadaṃsessanti, hatthaparāmāsaṃ karissanti”ti. Assosum kho bhikkhū tesam manussānaṃ ujjhāyantānaṃ khiyyantānaṃ vipācentānaṃ. Ye te bhikkhū appicchā te ujjhāyanti khiyyanti vipācenti – “kathañhi nāma bhikkhū bhattagge antaraghare bhaṇḍanaajātā kalahajātā vivādāpannā aññamaññaṃ ananulomikaṃ kāyakammaṃ vacīkammaṃ upadaṃsessanti, hatthaparāmāsaṃ karissanti”ti. Atha kho te bhikkhū bhagavato etamatthaṃ ārocesum...pe... “saccaṃ kira, bhikkhave, bhikkhū bhattagge antaraghare bhaṇḍanaajātā...pe... hatthaparāmāsaṃ karonti”ti? “Saccaṃ, bhagavā”ti. Vigarahi buddho bhagavā...pe... vigarahitvā dhammiṃ kathaṃ katvā bhikkhū āmantesi – “bhinne, bhikkhave, saṅhe adhammiyāyamāne [adhammiyamāne (sī. syā. katthaci) adhammīyamāne (ka.)] asammodikāya vattamānāya [-“asammodikāvattamānāya” itī aṭṭhakathāyaṃ saṃvaṇṇetabbapāṭho] ‘ettāvātā na aññamaññaṃ ananulomikaṃ kāyakammaṃ vacīkammaṃ upadaṃsessāma, hatthaparāmāsaṃ karissāmā’ti āsane nisīditabbaṃ. Bhinne, bhikkhave, saṅhe dhammiyāyamāne sammodikāya vattamānāya āsanantarikāya nisīditabba”nti.

457. [ma. ni. 3.236 thokaṃ visadisam] Tena kho pana samayena bhikkhū saṅghamajjhe bhaṇḍanaajātā kalahajātā vivādāpannā aññamaññaṃ mukhasattīhi vitudentā viharanti. Te na sakkonti taṃ adhikaraṇaṃ vūpasametum. Atha kho aññataro bhikkhu yena bhagavā tenupasaṅkami, upasaṅkamitvā bhagavantaṃ abhivādetvā ekamantaṃ aṭṭhāsi. Ekamantaṃ tīto kho so bhikkhu bhagavantaṃ etadavoca – “idha, bhante, bhikkhū saṅghamajjhe bhaṇḍanaajātā kalahajātā vivādāpannā aññamaññaṃ mukhasattīhi vitudentā viharanti. Te na sakkonti taṃ adhikaraṇaṃ vūpasametum. Sādhu, bhante, bhagavā yena te bhikkhū tenupasaṅkamatū anukampaṃ upādāyā”ti. Adhivāsesi bhagavā tuṅhībhāvena. Atha kho bhagavā yena te bhikkhū tenupasaṅkami, upasaṅkamitvā paññatte āsane nisīdi, nisajja kho bhagavā te bhikkhū etadavoca – “alaṃ, bhikkhave, mā bhaṇḍanaṃ mā kalahaṃ mā viggahaṃ mā vivāda”nti. Evaṃ vutte aññataro adhammavādī bhikkhu bhagavantaṃ etadavoca – “āgametu, bhante, bhagavā dhammassāmī; apposukko, bhante, bhagavā diṭṭhadhammasukhavihāraṃ manuyutto viharatu. Mayametaṃ bhaṇḍanaṃ kalahena viggahena vivādena paññāyissāmā”ti. Dutiyampi kho bhagavā te bhikkhū etadavoca – “alaṃ, bhikkhave, mā bhaṇḍanaṃ mā kalahaṃ mā viggahaṃ mā vivāda”nti. Dutiyampi kho so adhammavādī bhikkhu bhagavantaṃ etadavoca – “āgametu, bhante, bhagavā dhammassāmī; apposukko, bhante, bhagavā diṭṭhadhammasukhavihāraṃ manuyutto viharatu. Mayametaṃ bhaṇḍanaṃ kalahena viggahena vivādena paññāyissāmā”ti.

Kosambakavivādakathā niṭṭhitā.

272. Dīghāvuvatthu

458. Atha kho bhagavā bhikkhū āmantesi – “bhūtapubbaṃ, bhikkhave, bārāṇasiyaṃ [vajirabuddhiṭkā oloketabbā] brahmadatto nāma kāsirājā ahosi aḍḍho mahaddhano mahābhogo mahabbalo mahāvāhano mahāvijito paripuṇṇakosakoṭṭhāgāro. Dīghīti nāma kosalarājā ahosi daliddo appadhano appabhogo appabalo appavāhano appavijito aparipuṇṇakosakoṭṭhāgāro. Atha kho, bhikkhave, brahmadatto kāsirājā caturaṅginim senaṃ sannayhitvā dīghītim kosalarājānaṃ abbhuyyāsi. Assosi kho, bhikkhave, dīghīti kosalarājā – “brahmadatto kira kāsirājā caturaṅginim senaṃ sannayhitvā mamaṃ abbhuyyāto”ti. Atha kho, bhikkhave, dīghītissa kosalarāṇño etadahosi – “brahmadatto kho kāsirājā aḍḍho mahaddhano mahābhogo mahabbalo mahāvāhano mahāvijito paripuṇṇakosakoṭṭhāgāro, ahaṃ panamhi daliddo appadhano appabhogo appabalo appavāhano appavijito aparipuṇṇakosakoṭṭhāgāro, nāhaṃ paṭibalo brahmadattena kāsiraṇṇā ekasaṅghātampi sahituṃ. Yaṃnūnāhaṃ paṭikacceva nagaramhā nippateyya”nti.

Atha kho, bhikkhave, dīghīti kosalarājā mahesim ādāya paṭikacceva nagaramhā nippati. Atha kho, bhikkhave, brahmadatto kāsirājā dīghītissa kosalarāṇño balaṅca vāhanaṅca janapadaṅca kosaṅca koṭṭhāgāraṅca abhivijjiya ajjhāvasati. Atha kho, bhikkhave, dīghīti kosalarājā sapajāpatiko yena vārāṇasī tena pakkāmi. Anupubbena yena bārāṇasī tadavasari. Tatra sudaṃ, bhikkhave, dīghīti kosalarājā sapajāpatiko bārāṇasiyaṃ aññatarasim paccantime okāse kumbhakāranivesane aññatakavesena paribbājakacchannena paṭivasati. Atha kho, bhikkhave, dīghītissa kosalarāṇño mahesī nacirasseva gabbhinī ahosi. Tassā evarūpo dohaḷo uppanno hoti – “icchatī sūriyassa uggamanakāle caturaṅginim senaṃ sannaddhaṃ vammikaṃ subhūme ṭhitāṃ passituṃ, khaggānaṅca dhovanaṃ pātuṃ”. Atha kho, bhikkhave, dīghītissa kosalarāṇño mahesī dīghītim kosalarājānaṃ etadavoca – “gabbhinimhi, deva. Tassā me evarūpo dohaḷo uppanno – icchāmi sūriyassa uggamanakāle caturaṅginim senaṃ sannaddhaṃ vammikaṃ [vammitaṃ (sī.)] subhūme ṭhitāṃ passituṃ, khaggānaṅca dhovanaṃ pātu”nti. “Kuto, devī, amhākaṃ duggatānaṃ caturaṅginī senā sannaddhā vammikā subhūme ṭhitā, khaggānaṅca dhovanaṃ pātu”nti [khaggānaṅca dhovananti (sī. syā.)] “sacāhaṃ, deva, na labhissāmi, marissāmi”ti.

459. Tena kho pana samayena, brahmadattassa kāsiraṇṇo purohito brāhmaṇo dīghītissa kosalarāṇño sahāyo hoti. Atha kho, bhikkhave, dīghīti kosalarājā yena brahmadattassa kāsiraṇṇo purohito brāhmaṇo tenupasaṅkami, upasaṅkamitvā brahmadattassa kāsiraṇṇo purohitāṃ brāhmaṇaṃ etadavoca – “sakhī te, samma, gabbhinī. Tassā evarūpo dohaḷo uppanno – icchatī sūriyassa uggamanakāle caturaṅginim senaṃ sannaddhaṃ vammikaṃ subhūme ṭhitāṃ passituṃ, khaggānaṅca dhovanaṃ pātu”nti. “Tena hi, deva, mayampi devim passāmā”ti. Atha kho, bhikkhave, dīghītissa kosalarāṇño mahesī yena brahmadattassa kāsiraṇṇo purohito brāhmaṇo tenupasaṅkami. Addasā kho, bhikkhave, brahmadattassa kāsiraṇṇo purohito brāhmaṇo dīghītissa kosalarāṇño mahesim dūratova āgacchantim, disvāna utṭhāyāsanaṃ ekamsaṃ uttarāsaṅgaṃ karitvā yena dīghītissa kosalarāṇño mahesī tenañjaliṃ paṇāmetvā tikkhattuṃ udānaṃ udānesi – “kosalarājā vata bho kucchigato, kosalarājā vata bho kucchigato”ti. Attamaṇā [avimaṇā (sī. syā. katthaci)], devī, hohi. Lacchasi sūriyassa uggamanakāle caturaṅginim senaṃ sannaddhaṃ vammikaṃ subhūme ṭhitāṃ passituṃ, khaggānaṅca dhovanaṃ pātunti.

Atha kho, bhikkhave, brahmadattassa kāsiraṇṇo purohito brāhmaṇo yena brahmadatto kāsirājā tenupasaṅkami, upasaṅkamitvā brahmadattaṃ kāsirājānaṃ etadavoca – “tathā, deva, nimittāni dissanti, sve sūriyuggamanakāle caturaṅginī senā sannaddhā vammikā subhūme tiṭṭhatu, khaggā ca dhoviyantū”ti. Atha kho, bhikkhave, brahmadatto kāsirājā manusse āṇāpesi – “yathā, bhaṇe, purohito brāhmaṇo āha tathā karothā”ti. Alabhi kho, bhikkhave, dīghītissa kosalarāṇño mahesī sūriyassa uggamanakāle caturaṅginim senaṃ sannaddhaṃ vammikaṃ subhūme ṭhitāṃ passituṃ, khaggānaṅca dhovanaṃ pātuṃ. Atha kho, bhikkhave, dīghītissa kosalarāṇño mahesī tassa gabbhassa paripākamanāvāya puttaṃ vijāyi. Tassa dīghāvūti nāmaṃ akaṃsu. Atha kho, bhikkhave, dīghāvu kumāro nacirasseva viññutaṃ pāpuṇi. Atha kho, bhikkhave, dīghītissa kosalarāṇño etadahosi – “ayaṃ kho brahmadatto kāsirājā bahuno amhākaṃ anattassa kārako, iminā amhākaṃ balaṅca vāhanaṅca janapado

ca koso ca koṭṭhāgārañca acchinnaṃ, sacāyaṃ amhe jānissati, sabbeva tayo ghātāpessati, yaṃnūnāhaṃ dīghāvuṃ kumāraṃ bahinagare vāseyya”nti. Atha kho bhikkhave dīghīti kosalarājā dīghāvuṃ kumāraṃ bahinagare vāsesi. Atha kho bhikkhave dīghāvu kumāro bahinagare paṭivasanto nacirasseva sabbasippāni sikkhi.

460. Tena kho pana samayena dīghītissa kosalarāñño kappako brahmadatte kāsiraññe paṭivasati. Addasā kho, bhikkhave, dīghītissa kosalarāñño kappako dīghītiṃ kosalarājānaṃ sapajāpatikaṃ bārāṇasiyaṃ aññatarasmiṃ paccantime okāse kumbhakāranivesane aññātakavesena paribbājakacchannena paṭivasantaṃ, disvāna yena brahmadatto kāsirājā tenupasaṅkami, upasaṅkamtivā brahmadattaṃ kāsirājānaṃ etadavoca – “dīghīti, deva, kosalarājā sapajāpatiko bārāṇasiyaṃ aññatarasmiṃ paccantime okāse kumbhakāranivesane aññātakavesena paribbājakacchannena paṭivasatī”ti. Atha kho, bhikkhave, brahmadatto kāsirājā manusse āṇāpesi – “tena hi, bhaṇe, dīghītiṃ kosalarājānaṃ sapajāpatikaṃ ānethā”ti. “Evaṃ, devā”ti kho, bhikkhave, te manussā brahmadattassa kāsirañño paṭissutvā dīghītiṃ kosalarājānaṃ sapajāpatikaṃ ānesuṃ. Atha kho, bhikkhave, brahmadatto kāsirājā manusse āṇāpesi – “tena hi, bhaṇe, dīghītiṃ kosalarājānaṃ sapajāpatikaṃ dalhāya rajjuyā pacchābāhaṃ gāḷhabandhanaṃ bandhitvā khuramuṇḍaṃ karitvā kharassarena paṇavena rathikāya rathikaṃ siṅghātakena siṅghātakam parinetvā dakkhiṇena dvārena nikkhāmetvā dakkhiṇato nagarassa catudhā chinditvā catuddisā bilāni nikkhipathā”ti. “Evaṃ, devā”ti kho, bhikkhave, te manussā brahmadattassa kāsirañño paṭissutvā dīghītiṃ kosalarājānaṃ sapajāpatikaṃ dalhāya rajjuyā pacchābāhaṃ gāḷhabandhanaṃ bandhitvā khuramuṇḍaṃ karitvā kharassarena paṇavena rathikāya rathikaṃ siṅghātakena siṅghātakam parinenti.

Atha kho, bhikkhave, dīghāvussa kumārassa etadahosi – “ciraṃdiṭṭhā kho me mātāpitaro. Yaṃnūnāhaṃ mātāpitaro passeyya”nti. Atha kho, bhikkhave, dīghāvu kumāro bārāṇasiṃ pavisitvā addasa mātāpitaro dalhāya rajjuyā pacchābāhaṃ gāḷhabandhanaṃ bandhitvā khuramuṇḍaṃ karitvā kharassarena paṇavena rathikāya rathikaṃ siṅghātakena siṅghātakam parinente, disvāna yena mātāpitaro tenupasaṅkami. Addasā kho, bhikkhave, dīghīti kosalarājā dīghāvuṃ kumāraṃ dūratova āgacchantaṃ; disvāna dīghāvuṃ kumāraṃ etadavoca – “mā kho tvam, tāta dīghāvu, dīghaṃ passa, mā rassaṃ. Na hi, tāta dīghāvu, verena verā sammanti; averena hi, tāta dīghāvu, verā sammantī”ti. Evaṃ vutte, bhikkhave, te manussā dīghītiṃ kosalarājānaṃ etadavocuṃ – “ummattako ayaṃ dīghīti kosalarājā vipalapati. Ko imassa dīghāvu? Kaṃ ayaṃ evamāha – ‘mā kho tvam, tāta dīghāvu, dīghaṃ passa, mā rassaṃ. Na hi, tāta dīghāvu, verena verā sammanti; averena hi, tāta dīghāvu, verā sammantī’ti. “Nāhaṃ, bhaṇe, ummattako vipalapāmi, api ca yo viññū so vibhāvesatī”ti. Dutiyampi kho, bhikkhave...pe... tatiyampi kho, bhikkhave, dīghīti kosalarājā dīghāvuṃ kumāraṃ etadavoca – “mā kho tvam, tāta dīghāvu, dīghaṃ passa, mā rassaṃ. Na hi, tāta dīghāvu, verena verā sammanti; averena hi, tāta dīghāvu, verā sammantī”ti. Tatiyampi kho, bhikkhave, te manussā dīghītiṃ kosalarājānaṃ etadavocuṃ – “ummattako ayaṃ dīghīti kosalarājā vipalapati. Ko imassa dīghāvu? Kaṃ ayaṃ evamāha – mā kho tvam, tāta dīghāvu, dīghaṃ passa, mā rassaṃ. Na hi, tāta dīghāvu, verena verā sammanti; averena hi, tāta dīghāvu, verā sammantī”ti. “Nāhaṃ, bhaṇe, ummattako vipalapāmi, api ca yo viññū so vibhāvesatī”ti. Atha kho, bhikkhave, te manussā dīghītiṃ kosalarājānaṃ sapajāpatikaṃ rathikāya rathikaṃ siṅghātakena siṅghātakam parinetvā dakkhiṇena dvārena nikkhāmetvā dakkhiṇato nagarassa catudhā chinditvā catuddisā bilāni nikkhipitvā gumbaṃ ṭhapetvā pakkamiṃsu. Atha kho, bhikkhave, dīghāvu kumāro bārāṇasiṃ pavisitvā suraṃ nīharitvā gumbiye pāyesi. Yadā te mattā ahesuṃ patitā, atha kaṭṭhāni saṃkaḍḍhitvā citakaṃ karitvā mātāpitūnaṃ sarīraṃ citakaṃ āropetvā aggimā datvā pañjaliko tikkhattuṃ citakaṃ padakkhiṇaṃ akāsi.

461. Tena kho pana samayena brahmadatto kāsirājā uparipāsādaragato hoti. Addasā kho, bhikkhave, brahmadatto kāsirājā dīghāvuṃ kumāraṃ pañjalikaṃ tikkhattuṃ citakaṃ padakkhiṇaṃ karontaṃ, disvānassa etadahosi – “nissamsayaṃ kho so manusso dīghītissa kosalarāñño ñāti vā sālohito vā, aho me anattatho, na hi nāma me koci ārocassatī”ti. Atha kho, bhikkhave, dīghāvu kumāro araṇṇaṃ gantvā yāvadattaṃ kanditvā roditvā khappaṃ [bappam (sī. syā.)] puñchitvā bārāṇasiṃ pavisitvā

antepurassa sāmāntā hatthisālāṃ gantvā hatthācariyaṃ etadavoca – “icchāmahāṃ, ācariya, sippaṃ sikkhita”nti. “Tena hi, bhāṇe māṇavaka, sikkhassū”ti. Atha kho, bhikkhave, dīghāvu kumāro rattiyā paccūsasamayaṃ paccuṭṭhāya hatthisālāyaṃ mañjunā sarena gāyi, vīṇaṇca vādesi. Assosi kho, bhikkhave, brahmadatto kāsirājā rattiyā paccūsasamayaṃ paccuṭṭhāya hatthisālāyaṃ mañjunā sarena gītāṃ vīṇaṇca vāditaṃ, sutvāna manusse pucchi – “ko, bhāṇe, rattiyā paccūsasamayaṃ paccuṭṭhāya hatthisālāyaṃ mañjunā sarena gāyi, vīṇaṇca vādesi”ti? “Amukassa, deva, hatthācariyassa antevāsī māṇavako rattiyā paccūsasamayaṃ paccuṭṭhāya hatthisālāyaṃ mañjunā sarena gāyi, vīṇaṇca vādesi”ti. “Tena hi, bhāṇe, taṃ māṇavakaṃ ānethā”ti. “Evaṃ, devā”ti kho, bhikkhave, te manussa brahmadattassa kāsirañño paṭissutvā dīghāvuṃ kumāraṃ ānesuṃ. “Tvāṃ bhāṇe māṇavaka, rattiyā paccūsasamayaṃ paccuṭṭhāya hatthisālāyaṃ mañjunā sarena gāyi, vīṇaṇca vādesi”ti? “Evaṃ, devā”ti. “Tena hi tvāṃ, bhāṇe māṇavaka, gāyassu, vīṇaṇca vādehi”ti. “Evaṃ, devā”ti kho, bhikkhave, dīghāvu kumāro brahmadattassa kāsirañño paṭissutvā ārādhāpekkho mañjunā sarena gāyi, vīṇaṇca vādesi. “Tvāṃ, bhāṇe māṇavaka, maṃ upaṭṭhahā”ti. “Evaṃ, devā”ti kho, bhikkhave, dīghāvu kumāro brahmadattassa kāsirañño paccassosi. Atha kho, bhikkhave, dīghāvu kumāro brahmadattassa kāsirañño pubbuṭṭhāyī ahoṣi pacchānipātī kīṅkarapaṭissāvī manāpacārī piyavādī. Atha kho, bhikkhave, brahmadatto kāsirājā dīghāvuṃ kumāraṃ nacirasseva abhantarime vissāsikaṭṭhāne ṭhapesi.

462. Atha kho, bhikkhave, brahmadatto kāsirājā dīghāvuṃ kumāraṃ etadavoca – “tena hi, bhāṇe māṇavaka, rathaṃ yojehi, migavaṃ gamissāmā”ti. “Evaṃ, devā”ti kho, bhikkhave, dīghāvu kumāro brahmadattassa kāsirañño paṭissutvā rathaṃ yojetvā brahmadattaṃ kāsirājānaṃ etadavoca – “yutto kho te, deva, ratho, yassa dāni kālaṃ maññasi”ti. Atha kho, bhikkhave, brahmadatto kāsirājā rathaṃ abhiruhi. Dīghāvu kumāro rathaṃ pesesi. Tathā tathā rathaṃ pesesi yathā yathā aññeneva senā agamāsi aññeneva ratho. Atha kho, bhikkhave, brahmadatto kāsirājā dūraṃ gantvā dīghāvuṃ kumāraṃ etadavoca – “tena hi, bhāṇe māṇavaka, rathaṃ muñcassu, kilantomhi, nipajjissāmi”ti. “Evaṃ, devā”ti kho, bhikkhave, dīghāvu kumāro brahmadattassa kāsirañño paṭissutvā rathaṃ muñcivā pathaviyaṃ pallaṅkena nisīdi. Atha kho, bhikkhave, brahmadatto kāsirājā dīghāvussa kumārassa ucchaṅge sīsaṃ katvā seyyaṃ kappesi. Tassa kilantassa muhuttakeneva niddā okkami. Atha kho, bhikkhave, dīghāvussa kumārassa etadahosi – “ayaṃ kho brahmadatto kāsirājā bahuno amhākaṃ anathassa kāraṅko. Iminā amhākaṃ balaṅca vāhanaṅca janapado ca koso ca koṭṭhāgāraṅca acchinnaṃ. Iminā ca me mātāpitaro hatā. Ayaṃ khvassa kālo yoḥaṃ veraṃ appeyya”nti kosiyā khaggaṃ nibbāhi. Atha kho, bhikkhave, dīghāvussa kumārassa etadahosi – “pitā kho maṃ maraṇakāle avaca ‘mā kho tvāṃ, tāta dīghāvu, dīghaṃ passa, mā rassaṃ. Na hi, tāta dīghāvu, verena verā sammanti; averena hi, tāta dīghāvu, verā sammanti”ti. Na kho metaṃ patirūpaṃ, yvāhaṃ pituvacanaṃ atikkameyya”nti kosiyā khaggaṃ pavesesi. Dutiyampi kho, bhikkhave, dīghāvussa kumārassa etadahosi – “ayaṃ kho brahmadatto kāsirājā bahuno amhākaṃ anathassa kāraṅko, imino amhākaṃ balaṅca vāhanaṅca janapado ca koso ca koṭṭhāgāraṅca acchinnaṃ, iminā ca me mātāpitaro hatā, ayaṃ khvassa kālo yoḥaṃ veraṃ appeyya”nti kosiyā khaggaṃ nibbāhi. Dutiyampi kho, bhikkhave, dīghāvussa kumārassa etadahosi – “pitā kho maṃ maraṇakāle avaca ‘mā kho tvāṃ, tāta dīghāvu, dīghaṃ passa, mā rassaṃ, na hi tāta dīghāvu verena verā sammanti; averena hi, tāta dīghāvu, verā sammanti”ti. Na kho metaṃ patirūpaṃ, yvāhaṃ pituvacanaṃ atikkameyya”nti. Punadeva kosiyā khaggaṃ pavesesi. Tatiyampi kho, bhikkhave, dīghāvussa kumārassa etadahosi – “ayaṃ kho brahmadatto kāsirājā bahuno amhākaṃ anathassa kāraṅko. Iminā amhākaṃ balaṅca vāhanaṅca janapado ca koso ca koṭṭhāgāraṅca acchinnaṃ. Iminā ca me mātāpitaro hatā. Ayaṃ khvassa kālo yoḥaṃ veraṃ appeyya”nti kosiyā khaggaṃ nibbāhi. Tatiyampi kho, bhikkhave, dīghāvussa kumārassa etadahosi – “pitā kho maṃ maraṇakāle avaca ‘mā kho tvāṃ, tāta dīghāvu, dīghaṃ passa, mā rassaṃ. Na hi, tāta dīghāvu, verena verā sammanti; averena hi, tāta dīghāvu, verā sammanti”ti. Na kho metaṃ patirūpaṃ, yvāhaṃ pituvacanaṃ atikkameyya”nti punadeva kosiyā khaggaṃ pavesesi. Atha kho, bhikkhave, brahmadatto kāsirājā bhīto ubbiggo ussāṅkī utrasto sahasā vuṭṭhāsī. Atha kho, bhikkhave, dīghāvu kumāro brahmadattaṃ kāsirājānaṃ etadavoca – “kissa tvāṃ, deva, bhīto ubbiggo ussāṅkī utrasto sahasā vuṭṭhāsī”ti? Idha maṃ, bhāṇe māṇavaka, dīghītissa kosalarañño putto dīghāvu kumāro supinantena khaggena paripātesī. Tenāhaṃ bhīto ubbiggo ussāṅkī utrasto sahasā vuṭṭhāsīnti. Atha kho, bhikkhave, dīghāvu kumāro vāmena hatthena brahmadattassa kāsirañño sīsaṃ parāmasitvā dakkhiṇena hatthena khaggaṃ nibbāhetvā brahmadattaṃ kāsirājānaṃ

etadavoca – “ahaṃ kho so, deva, dīghītissa kosalarañño putto dīghāvu kumāro. Bahuno tvam amhākaṃ anattassa kāraṃ. Tayā amhākaṃ balañca vāhanañca janapado ca koso ca koṭṭhāgārañca acchinnaṃ. Tayā ca me mātāpitaro hatā. Ayaṃ khvassa kālo yvāhaṃ veraṃ appeyya”nti. Atha kho, bhikkhave, brahmadatto kāsirājā dīghāvussa kumārassa pādesu sirasā nipatitvā dīghāvum kumāraṃ etadavoca – “jīvitam me, tāta dīghāvu, dehi. Jīvitam me, tāta dīghāvu, dehi”ti. “Kyāhaṃ ussahāmi devassa jīvitam dātum? Devo kho me jīvitam dadeyyā”ti. “Tena hi, tāta dīghāvu, tvañceva me jīvitam dehi, ahañca te jīvitam dammi”ti. Atha kho, bhikkhave, brahmadatto ca kāsirājā dīghāvu ca kumāro aññamaññassa jīvitam adamsu, pañiñca aggahesum, sapathañca akamsu addūbhāya [adrūbhāya, adubbhāya (ka.)].

Atha kho, bhikkhave, brahmadatto kāsirājā dīghāvum kumāraṃ etadavoca – “tena hi, tāta dīghāvu, ratham yojehi, gamissāmā”ti. “Evaṃ, devā”ti kho, bhikkhave, dīghāvu kumāro brahmadattassa kāsirañño paṭissutvā ratham yojetvā brahmadattam kāsirājānaṃ etadavoca – “yutto kho te, deva, ratho, yassa dāni kālam maññasī”ti. Atha kho, bhikkhave, brahmadatto kāsirājā ratham abhiruhi. Dīghāvu kumāro ratham pesesi. Tathā tathā ratham pesesi yathā yathā nacirasseva senāya samāgañchi. Atha kho, bhikkhave, brahmadatto kāsirājā bārānasim pavisitvā amacce pārisajje sannipātāpetvā etadavoca – “sace, bhāṇe, dīghītissa kosalarañño puttam dīghāvum kumāraṃ passeyyātha, kinti naṃ kareyyāthā”ti? Ekacce evamaṃsu – “mayam, deva, hatthe chindeyyāma. Mayam, deva, pāde chindeyyāma. Mayam, deva, hatthapāde chindeyyāma. Mayam, deva, kaṇṇe chindeyyāma. Mayam, deva, nāsam chindeyyāma. Mayam, deva, kaṇṇanāsam chindeyyāma. Mayam, deva, sīsam chindeyyāmā”ti. “Ayaṃ kho, bhāṇe, dīghītissa kosalarañño putto dīghāvu kumāro. Nāyam labbhā kiñci kātum. Iminā ca me jīvitam dinnaṃ, mayā ca imassa jīvitam dinna”nti.

463. Atha kho, bhikkhave, brahmadatto kāsirājā dīghāvum kumāraṃ etadavoca – “yaṃ kho te, tāta dīghāvu, pitā maraṇakāle avaca ‘mā kho tvam, tāta dīghāvu, dīgham passa, mā rassaṃ. Na hi, tāta dīghāvu, verena verā sammanti; averena hi, tāta dīghāvu, verā sammanti”ti, kiṃ te pitā sandhāya avacā”ti? “Yaṃ kho me, deva, pitā maraṇakāle avaca ‘mā dīgha’nti mā ciram veraṃ akāsīti. Imaṃ kho me, deva, pitā maraṇakāle avaca mā dīghanti. Yaṃ kho me, deva, pitā maraṇakāle avaca ‘mā rassa’nti mā khippam mittehi bhijjitthā”ti. Imaṃ kho me, deva, pitā maraṇakāle avaca mā rassanti. Yaṃ kho me, deva, pitā maraṇakāle avaca ‘na hi, tāta dīghāvu, verena verā sammanti, averena hi, tāta dīghāvu, verā sammanti”ti devena me mātāpitaro hatāti. Sacāhaṃ devam jīvitā voropeyyam, ye devassa atthakāmā te maṃ jīvitā voropeyyum, ye me atthakāmā te te jīvitā voropeyyum – evaṃ taṃ veraṃ verena na vūpasameyya. Idāni ca pana me devena jīvitam dinnaṃ, mayā ca devassa jīvitam dinnaṃ. Evaṃ taṃ veraṃ averena vūpasantaṃ. Imaṃ kho me, deva, pitā maraṇakāle avaca – na hi, tāta dīghāvu, verena verā sammanti; averena hi, tāta dīghāvu, verā sammanti”ti. Atha kho, bhikkhave, brahmadatto kāsirājā – “acchariyam vata bho! Abbhutam vata bho! Yāva paṇḍito ayaṃ dīghāvu kumāro, yatra hi nāma pituno samkhittena bhāsītassa vitthārena attham ājānissatī”ti pettikaṃ balañca vāhanañca janapadañca kosañca koṭṭhāgārañca paṭipādesi, dhītarañca adāsī. Tesañhi nāma, bhikkhave, rājūnaṃ ādinnadaṇḍanaṃ ādinnasatthānaṃ evarūpaṃ khantisoraccaṃ bhavissati. Idha kho pana taṃ, bhikkhave, sobhetha yaṃ tumhe evaṃ svākkhāte dhammavinaye pabbajitā samānā khamā ca bhavyeyātha soratā cāti? Tatiyampi kho bhagavā te bhikkhū etadavoca – “alam, bhikkhave, mā bhaṇḍanaṃ mā kalahaṃ mā viggahaṃ mā vivāda”nti. Tatiyampi kho so adhammavādī bhikkhu bhagavantaṃ etadavoca – “āgametu, bhante, bhagavā dhammassāmī; appossukko, bhante, bhagavā diṭṭhadhammasukhavihāraṃ anuyutto viharatu. Mayamena bhaṇḍanena kalahena viggahena vivādena paññāyissāmā”ti. Atha kho bhagavā – pariyaḍinnarūpā kho ime moghapurisā, nayime sukarā saññāpetunti – uṭṭhāyāsanā pakkāmi.

Dīghāvubhānavāro niṭṭhito paṭhamo.

464. [ma. ni. 3.236] Atha kho bhagavā pubbaṇhasamayaṃ nivāsetvā pattacīvaramādāya kosambim piṇḍāya pāvisi. Kosambiyam piṇḍāya caritvā pacchābhattaṃ piṇḍapātaṭikkanto senāsanam saṃsāmetvā pattacīvaramādāya saṅghamajjhe ṭhitakova imā gāthāyo abhāsī –

[ma. ni. 3.237] “Puthusaddo samajano, na bālo koci maññatha;
Saṅghasmiṃ bhijjamānasmim, nāññaṃ bhiyyo amaññaruṃ.

[ma. ni. 3.237] “Parimuṭṭhā paṇḍitābhāsā, vācāgocarabhāṇino;
Yāvicchanti mukhāyāmaṃ, yena nītā na taṃ vidū.

[ma. ni. 3.237] “Akkocchi maṃ avadhi maṃ, ajini maṃ ahāsi me;
Ye ca taṃ upanayhanti, veraṃ tesam na sammati.

[ma. ni. 3.237] “Akkocchi maṃ avadhi maṃ, ajini maṃ ahāsi me;
Ye ca taṃ nupanayhanti, veraṃ tesūpasammati.

[ma. ni. 3.237] “Na hi verena verāni, sammantīdha kudācanaṃ;
Averena ca sammanti, esadhammo sanantano.

[ma. ni. 3.237] “Pare ca na vijānanti, mayamettha yamāmaṃ;
Ye ca tattha vijānanti, tato sammanti medhagā.

[ma. ni. 3.237] “Aṭṭhicchinnā pāṇaharā, gavāssadhanahārino;
Raṭṭhaṃ vilumpamānānaṃ, tesampi hoti saṅgati.

“Kasmā tumhāka no siyā;

[ma. ni. 3.237] “Sace labhetha nipakaṃ saḥāyaṃ;
Saddhiṃcaraṃ sādhuviḥārī dhīraṃ;
Abhibhuyya sabbāni pariṣsayāni;
Careyya tenattamano satīmā.

[ma. ni. 3.237] “No ce labhetha nipakaṃ saḥāyaṃ;
Saddhiṃ caraṃ sādhuviḥārī dhīraṃ;
Rājāva raṭṭhaṃ vijitaṃ pahāya;
Eko care mātaṅgaraññeva nāgo.

[ma. ni. 3.237] “Ekassa caritaṃ seyyo;
Natthi bāle saḥāyatā;
Eko care na ca pāpāni kayirā;
Apposukko mātaṅgaraññeva nāgo’’ti.

Dīghāvuvatthu niṭṭhitaṃ.

273. Bālakaloṇakagamanakathā

465. Atha kho bhagavā saṅghamajjhe ṭhitakova imā gāthāyo bhāsivā yena bālakaloṇakagāmo [bālakaloṇakāragāmo (sī. syā.)] tenupasaṅkami. Tena kho pana samayena āyasmā bhagu bālakaloṇakagāme viharati. Addasā kho āyasmā bhagu bhagavantam dūratova āgacchantaṃ, disvāna āsanaṃ paññapesi, pādodakaṃ pādapīṭhaṃ pādakathalikam upanikkhipi, paccuggantvā pattacīvaraṃ paṭiggahesi. Nisīdi bhagavā paññatte āsane, nisajja kho bhagavā pāde pakkhālesi. Āyasmāpi kho bhagu bhagavantam abhivādetvā ekamantaṃ nisīdi. Ekamantaṃ nisinnaṃ kho āyasmantaṃ bhagum bhagavā etadavoca – ‘‘kacci, bhikkhu, khamanīyaṃ; kacci yāpanīyaṃ, kacci piṇḍakena na kilamasī’’ti? ‘‘Khamanīyaṃ, bhagavā, yāpanīyaṃ, bhagavā; na cāhaṃ, bhante, piṇḍakena kilamāmi’’ti. Atha kho bhagavā āyasmantaṃ bhagum dhammiyā kathāya sandassetvā samādapetvā samuttejetvā sampahaṃsetvā utṭhāyāsanaṃ yena pācīnavamsadāyo tenupasaṅkami.

Bālakaloṇakagamanakathā niṭṭhitā.

274. Pācīnavamsadāyagamanakathā

466. [ma. ni. 1.325 ādayo passitabbaṃ] Tena kho pana samayena āyasmā ca anuruddho āyasmā ca nandiyo āyasmā ca kimilo [kimbilo (sī. syā.)] pācīnavamsadāye viharanti. Addasā kho dāyapālo bhagavantam dūratova āgacchantam, disvāna bhagavantam etadavoca – “mā, samaṇa, etaṃ dāyaṃ pāvīsi. Santettha tayo kulaputtā attakāmarūpā viharanti. Mā tesam aphāsumakāsī”ti. Assosi kho āyasmā anuruddho dāyapālassa bhagavatā saddhiṃ mantayamānassa, sutvāna dāyapālam etadavoca – “māvuso, dāyapāla, bhagavantam vāresi. Sathā no bhagavā anuppatto”ti. Atha kho āyasmā anuruddho yenāyasmā ca nandiyo āyasmā ca kimilo tenupasaṅkami, upasaṅkamitvā āyasmantaṅca nandiyaṃ āyasmantaṅca kimilaṃ etadavoca – “abhikkamathāyasmanto abhikkamathāyasmanto, sathā no bhagavā anuppatto”ti. Atha kho āyasmā ca anuruddho āyasmā ca nandiyo āyasmā ca kimilo bhagavantam paccuggantvā eko bhagavato pattacīvaraṃ paṭiggahesi, eko āsanaṃ paññapesi, eko pādodakaṃ pādapīṭham pādakathalikaṃ upanikkhipi. Nisīdi bhagavā paññatte āsane, nisajja kho bhagavā pāde pakkhālesi. Tepi kho āyasmanto bhagavantam abhivādetvā ekamantaṃ nisīdimsu. Ekamantaṃ nisinnaṃ kho āyasmantaṃ anuruddham bhagavā etadavoca – “kacci vo, anuruddhā, khamaṇīyaṃ, kacci yāpaṇīyaṃ; kacci piṇḍakena na kilamathā”ti? “Khamaṇīyaṃ bhagavā, yāpaṇīyaṃ bhagavā; na ca mayaṃ, bhante, piṇḍakena kilamāmā”ti.

“Kacci pana vo anuruddhā samaggā sammodamānā avivadamānā khīrodakībhūtā aññamaññaṃ piyacakkhūhi sampassantā viharathā”ti? “Taggha mayaṃ, bhante, samaggā sammodamānā avivadamānā khīrodakībhūtā aññamaññaṃ piyacakkhūhi sampassantā viharāmā”ti. “Yathā kathaṃ pana tumhe, anuruddhā, samaggā sammodamānā avivadamānā khīrodakībhūtā aññamaññaṃ piyacakkhūhi sampassantā viharathā”ti? “Idha mayhaṃ, bhante, evaṃ hoti – ‘lābhā vata me, suladdhaṃ vata me, yohaṃ evarūpehi sabrahmacārīhi saddhiṃ viharāmi’”ti. Tassa mayhaṃ, bhante, imesu āyasmantesu mettaṃ kāyakammaṃ paccupaṭṭhitaṃ āvi ceva raho ca; mettaṃ vacīkammaṃ... mettaṃ manokammaṃ paccupaṭṭhitaṃ āvi ceva raho ca. Tassa mayhaṃ, bhante, evaṃ hoti – “yaṃnūnāhaṃ sakaṃ cittaṃ nikkhipitvā imesaṃyeva āyasmantānaṃ cittassa vasena vatteyya’nti. So kho ahaṃ, bhante, sakaṃ cittaṃ nikkhipitvā imesaṃyeva āyasmantānaṃ cittassa vasena vattāmi. Nānā hi kho no, bhante, kāyā, ekaṅca pana mañña citta’nti.

Āyasmāpi kho nandiyo...pe... āyasmāpi kho kimilo bhagavantam etadavoca – “mayhampi kho, bhante, evaṃ hoti – ‘lābhā vata me, suladdhaṃ vata me, yohaṃ evarūpehi sabrahmacārīhi saddhiṃ viharāmi’”ti. Tassa mayhaṃ, bhante, imesu āyasmantesu mettaṃ kāyakammaṃ paccupaṭṭhitaṃ āvi ceva raho ca; mettaṃ vacīkammaṃ mettaṃ manokammaṃ paccupaṭṭhitaṃ āvi ceva raho ca. Tassa mayhaṃ, bhante, evaṃ hoti ‘yaṃnūnāhaṃ sakaṃ cittaṃ nikkhipitvā imesaṃyeva āyasmantānaṃ cittassa vasena vatteyya’nti. So kho ahaṃ, bhante, sakaṃ cittaṃ nikkhipitvā imesaṃyeva āyasmantānaṃ cittassa vasena vattāmi. Nānā hi kho no, bhante, kāyā, ekaṅca pana mañña cittaṃ. Evaṃ kho mayaṃ, bhante, samaggā sammodamānā avivadamānā khīrodakībhūtā aññamaññaṃ piyacakkhūhi sampassantā viharāmā”ti.

“Kacci pana vo, anuruddhā, appamattā ātāpino pahitattā viharathā”ti? “Taggha mayaṃ, bhante, appamattā ātāpino pahitattā viharāmā”ti. “Yathā kathaṃ pana tumhe, anuruddhā, appamattā ātāpino pahitattā viharathā”ti? “Idha, bhante, amhākaṃ yo paṭhamam gāmato piṇḍāya paṭikkamati so āsanaṃ paññapeti, pādodakaṃ pādapīṭham pādakathalikaṃ upanikkhipati, avakkārapātiṃ dhovitvā upaṭṭhāpeti, pāṇīyaṃ paribhojanīyaṃ upaṭṭhāpeti. Yo pacchā gāmato piṇḍāya paṭikkamati, sace hoti bhuttāvaseso, sace ākaṅkhati bhuñjati, no ce ākaṅkhati appaharite vā chaḍḍeti. Appāṇake vā uduke opilāpeti. So āsanaṃ uddharati, pādodakaṃ pādapīṭham pādakathalikaṃ paṭisāmeti, avakkārapātiṃ dhovitvā paṭisāmeti, pāṇīyaṃ paribhojanīyaṃ paṭisāmeti, bhattaggaṃ sammajjati. Yo passati pāṇīyaghaṭam vā paribhojanīyaghaṭam vā vaccaghaṭam vā rittaṃ tucchaṃ so upaṭṭhāpeti. Sacassa hoti avisayhaṃ, hatthavikārena dutiyaṃ āmantetvā hatthavilāṅghakena upaṭṭhāpema, na tveva mayaṃ, bhante,

tappaccayā vācam bhindāma. Pañcāhikaṃ kho pana mayaṃ, bhante, sabbarattim dhammiyā kathāya sannisīdāma. Evaṃ kho mayaṃ, bhante, appamattā ātāpino pahitattā viharāmā’’ti.

Pācinavaṃsadāyagamanakathā niṭṭhitā.

275. Pālileyyakagamanakathā

467. [udā. 35 ādayo thokaṃ visadisam] Atha kho bhagavā āyasmantañca anuruddhaṃ āyasmantañca nandiyam āyasmantañca kimilaṃ dhammiyā kathāya sandassetvā samādapetvā samuttejetvā sampahaṃsetvā utṭhāyāsanaṃ yena pālileyyakaṃ [pārileyyakaṃ (sī. syā.)] tena cārikaṃ pakkāmi. Anupubbena cārikaṃ caramāno yena pālileyyakaṃ tadavasari. Tatra sudaṃ bhagavā pālileyyake viharati rakkhitavanasaṅḍe bhaddasālamūle. Atha kho bhagavato rahogatassa paṭisallīnassa evaṃ cetaso parivitaṅko udapādi – ‘‘ahaṃ kho pubbe ākiṅṇo na phāsu vihāsiṃ tehi kosambakehi [kosabbhikehi (syā.)] bhikkhūhi bhaṇḍanakārakehi kalahakārakehi vivādakārakehi bhassakārakehi saṅghe adhikaraṇakārakehi. Somhi etarahi eko adutiyo sukhaṃ phāsu viharāmi aññatreva tehi kosambakehi bhikkhūhi bhaṇḍanakārakehi kalahakārakehi vivādakārakehi bhassakārakehi saṅghe adhikaraṇakārakehi’’ti.

Aññataropi kho hatthināgo ākiṅṇo viharati hatthīhi hatthinīhi hatthikaḷabhehi hatthicchāpehi, chinnaggāni ceva tiṇāni khādanti, obhaggobhaggañcassa sākḥābhaṅgaṃ khādanti, āvilāni ca pānīyāni pivati, ogāhā cassa otiṇṇassa hatthiniyo kāyaṃ upanighaṃsantiyo gacchanti. Atha kho tassa hatthināgassa etadahosi – ‘‘ahaṃ kho ākiṅṇo viharāmi hatthīhi hatthinīhi hatthikaḷabhehi hatthicchāpehi, chinnaggāni ceva tiṇāni khādāmi, obhaggobhaggañca me sākḥābhaṅgaṃ khādanti, āvilāni ca pānīyāni pivāmi, ogāhā ca me otiṇṇassa hatthiniyo kāyaṃ upanighaṃsantiyo gacchanti. Yaṃnūnāhaṃ ekova gaṇasmā vūpakaṭṭho vihareyya’’nti. Atha kho so hatthināgo yūthā apakkamma yena pālileyyakaṃ rakkhitavanasaṅḍo bhaddasālamūlaṃ yena bhagavā tenupasaṅkami, upasaṅkamitvā soṇḍāya bhagavato pānīyaṃ paribhojanīyaṃ upaṭṭhāpeti, appaharitañca karoti. Atha kho tassa hatthināgassa etadahosi – ‘‘ahaṃ kho pubbe ākiṅṇo na phāsu vihāsiṃ hatthīhi hatthinīhi hatthikaḷabhehi hatthicchāpehi, chinnaggāni ceva tiṇāni khādiṃ, obhaggobhaggañca me sākḥābhaṅgaṃ khādiṃsu, āvilāni ca pānīyāni apāyim ogāhā ca me otiṇṇassa [ogāhañcassa otiṇṇassa (syā.), ogāhā cassa uttiṇṇassa (sī.)] hatthiniyo kāyaṃ upanighaṃsantiyo agamaṃsu. Somhi etarahi eko adutiyo sukhaṃ phāsu viharāmi aññatreva hatthīhi hatthinīhi hatthikaḷabhehi hatthicchāpehi’’ti.

Atha kho bhagavā attano ca pavivekaṃ viditvā tassa ca hatthināgassa cetasā cetoparivitaṅkamaññāya tāyaṃ velāyaṃ imaṃ udānaṃ udānesi –

[udā. 35] ‘‘Etaṃ [evaṃ (ka.)] nāgassa nāgena, īsādantassa hatthino; Sameti cittam cittena, yadeko ramatī vane’’ti.

Atha kho bhagavā pālileyyake yathābhirantaṃ viharitvā yena sāvatti tena cārikaṃ pakkāmi. Anupubbena cārikaṃ caramāno yena sāvatti tadavasari. Tatra sudaṃ bhagavā sāvattiyam viharati jetavane anāthapiṇḍikassa ārāme. Atha kho kosambakā upāsakā – ‘‘ime kho ayyā kosambakā bhikkhū bahuno amhākaṃ anattassa kārakā. Imehi ubbālho bhagavā pakkanto. Handa mayaṃ ayye kosambake bhikkhū neva abhivādeyyāma, na paccuṭṭheyyāma, na añjalikammaṃ sāmīcikammaṃ kareyyāma, na sakkareyyāma, na garuṃ kareyyāma, na māneyyāma, na bhajeyyāma, na pūjeyyāma, upagātānampi piṇḍakaṃ na dajjeyyāma – evaṃ ime amhehi asakkariyamānā agarukariyamānā amānīyamānā abhajiyamānā apūjīyamānā asakkārapakatā pakkamissanti vā vibbhamissanti vā bhagavantam vā pasādessanti’’ti. Atha kho kosambakā upāsakā kosambake bhikkhū neva abhivādesuṃ, na paccuṭṭhesuṃ, na añjalikammaṃ sāmīcikammaṃ akaṃsu, na sakkariṃsu, na garuṃ kariṃsu, na mānesuṃ, na bhajesuṃ na pūjesuṃ, upagātānampi piṇḍakaṃ na adāsu. Atha kho kosambakā bhikkhū kosambakehi upāsakehi asakkariyamānā agarukariyamānā amānīyamānā abhajiyamānā apūjīyamānā

asakkārapakatā evamāhaṃsu – “handa mayam, āvuso, sāvattim gantvā bhagavato santike imam adhikaraṇam vūpasameyyāma”ti.

Pāliyyakagamanakathā niṭṭhitā.

276. Aṭṭhārasavattukathā

468. Atha kho kosambakā bhikkhū senāsanam saṃsāmetvā pattacīvaramādāya yena sāvatti tenupasaṅkamiṃsu. Assosi kho āyasmā sārīputto – “te kira kosambakā bhikkhū bhaṇḍanakāraḷā kalahakāraḷā vivādakāraḷā bhassakāraḷā saṅghe adhikaraṇakāraḷā sāvattim āgacchanti”ti. Atha kho āyasmā sārīputto yena bhagavā tenupasaṅkami, upasaṅkamitvā bhagavantam abhivādetvā ekamantaṃ nisīdi. Ekamantaṃ nisīno kho āyasmā sārīputto bhagavantam etadavoca – “te kira, bhante, kosambakā bhikkhū bhaṇḍanakāraḷā kalahakāraḷā vivādakāraḷā bhassakāraḷā saṅghe adhikaraṇakāraḷā sāvattim āgacchanti. Kathāham, bhante, tesu bhikkhūsu paṭipajjāmi”ti? “Tena hi tvam, sārīputta, yathā dhammo tathā tiṭṭhāhi”ti. “Kathāham, bhante, jāneyyam dhammam vā adhammam vā”ti?

Aṭṭhārasahi kho, sārīputta, vatthūhi adhammavādī jānitabbo. Idha, sārīputta, bhikkhu adhammam dhammoti dīpeti, dhammam adhammoti dīpeti; avinayam vinayoti dīpeti, vinayam avinayoti dīpeti; abhāsitaṃ alapitaṃ tathāgatena bhāsitaṃ lapitaṃ tathāgatenāti dīpeti, bhāsitaṃ lapitaṃ tathāgatena abhāsitaṃ alapitaṃ tathāgatenāti dīpeti; anāciṇṇam tathāgatena āciṇṇam tathāgatenāti dīpeti, āciṇṇam tathāgatena anāciṇṇam tathāgatenāti dīpeti; apaññattaṃ tathāgatena paññattaṃ tathāgatenāti dīpeti, paññattaṃ tathāgatena apaññattaṃ tathāgatenāti dīpeti; anāpattim āpattīti dīpeti, āpattim anāpattīti dīpeti; lahukam āpattim garukā āpattīti dīpeti, garukam āpattim lahukā āpattīti dīpeti; sāvasesam āpattim anavasesā āpattīti dīpeti, anavasesam āpattim sāvasesā āpattīti dīpeti; duṭṭhullam āpattim aduṭṭhullā āpattīti dīpeti, aduṭṭhullam āpattim duṭṭhullā āpattīti dīpeti – imehi kho, sārīputta, aṭṭhārasahi vatthūhi adhammavādī jānitabbo.

Aṭṭhārasahi ca kho, sārīputta, vatthūhi dhammavādī jānitabbo. Idha, sārīputta, bhikkhu adhammam dhammoti dīpeti, dhammam dhammoti dīpeti; avinayam avinayoti dīpeti, vinayam vinayoti dīpeti; abhāsitaṃ alapitaṃ tathāgatena abhāsitaṃ alapitaṃ tathāgatenāti dīpeti, bhāsitaṃ lapitaṃ tathāgatena bhāsitaṃ lapitaṃ tathāgatenāti dīpeti; anāciṇṇam tathāgatena anāciṇṇam tathāgatenāti dīpeti, āciṇṇam tathāgatena āciṇṇam tathāgatenāti dīpeti; apaññattaṃ tathāgatena apaññattaṃ tathāgatenāti dīpeti, paññattaṃ tathāgatena paññattaṃ tathāgatenāti dīpeti; anāpattim anāpattīti dīpeti, āpattim āpattīti dīpeti; lahukam āpattim lahukā āpattīti dīpeti, garukam āpattim garukā āpattīti dīpeti; sāvasesam āpattim sāvasesā āpattīti dīpeti, anavasesam āpattim anavasesā āpattīti dīpeti; duṭṭhullam āpattim aduṭṭhullā āpattīti dīpeti, aduṭṭhullam āpattim aduṭṭhullā āpattīti dīpeti – imehi kho, sārīputta, aṭṭhārasahi vatthūhi dhammavādī jānitabboti.

469. Assosi kho āyasmā mahāmogallāno...pe... assosi kho āyasmā mahākassapo... assosi kho āyasmā mahākaccāno... assosi kho āyasmā mahākoṭṭhiko ... assosi kho āyasmā mahākappino... assosi kho āyasmā mahācundo... assosi kho āyasmā anuruddho... assosi kho āyasmā revato ... assosi kho āyasmā upāli... assosi kho āyasmā ānando... assosi kho āyasmā rāhulo – “te kira kosambakā bhikkhū bhaṇḍanakāraḷā kalahakāraḷā vivādakāraḷā bhassakāraḷā saṅghe adhikaraṇakāraḷā sāvattim āgacchanti”ti. Atha kho āyasmā rāhulo yena bhagavā tenupasaṅkami, upasaṅkamitvā bhagavantam abhivādetvā ekamantaṃ nisīdi. Ekamantaṃ nisīno kho āyasmā rāhulo bhagavantam etadavoca – “te kira, bhante, kosambakā bhikkhū bhaṇḍanakāraḷā kalahakāraḷā vivādakāraḷā bhassakāraḷā saṅghe adhikaraṇakāraḷā sāvattim āgacchanti. Kathāham, bhante, tesu bhikkhūsu paṭipajjāmi”ti? “Tena hi tvam, rāhula, yathā dhammo tathā tiṭṭhāhi”ti. “Kathāham, bhante, jāneyyam dhammam vā adhammam vā”ti?

Aṭṭhārasahi kho, rāhula, vatthūhi adhammavādī jānitabbo. Idha, rāhula, bhikkhu adhammam

dhammoti dīpeti, dhammaṃ adhammoti dīpeti; avinayaṃ vinayoti dīpeti, vinayaṃ avinayoti dīpeti; abhāsitaṃ alapitaṃ tathāgatena bhāsitaṃ lapitaṃ tathāgatenāti dīpeti, bhāsitaṃ lapitaṃ tathāgatena abhāsitaṃ alapitaṃ tathāgatenāti dīpeti; anāciṇṇaṃ tathāgatena āciṇṇaṃ tathāgatenāti dīpeti, āciṇṇaṃ tathāgatena anāciṇṇaṃ tathāgatenāti dīpeti; apaññattaṃ tathāgatena paññattaṃ tathāgatenāti dīpeti, paññattaṃ tathāgatena apaññattaṃ tathāgatenāti dīpeti; anāpattiṃ āpattīti dīpeti, āpattiṃ anāpattīti dīpeti; lahukaṃ āpattiṃ garukā āpattīti dīpeti, garukaṃ āpattiṃ lahukā āpattīti dīpeti; sāvasesaṃ āpattiṃ anavasesā āpattīti dīpeti, anavasesaṃ āpattiṃ sāvasesā āpattīti dīpeti; duṭṭhullaṃ āpattiṃ aduṭṭhullā āpattīti dīpeti, aduṭṭhullaṃ āpattiṃ duṭṭhullā āpattīti dīpeti – imehi kho, rāhula, aṭṭhārasahi vatthūhi adhammavādī jānitabbo.

Aṭṭhārasahi ca kho, rāhula, vatthūhi dhammavādī jānitabbo. Idha, rāhula, bhikkhu adhammaṃ adhammoti dīpeti, dhammaṃ dhammoti dīpeti; avinayaṃ avinayoti dīpeti, vinayaṃ vinayoti dīpeti; abhāsitaṃ alapitaṃ tathāgatena abhāsitaṃ alapitaṃ tathāgatenāti dīpeti, bhāsitaṃ lapitaṃ tathāgatena bhāsitaṃ lapitaṃ tathāgatenāti dīpeti; anāciṇṇaṃ tathāgatena anāciṇṇaṃ tathāgatenāti dīpeti, āciṇṇaṃ tathāgatena āciṇṇaṃ tathāgatenāti dīpeti; apaññattaṃ tathāgatena apaññattaṃ tathāgatenāti dīpeti, paññattaṃ tathāgatena paññattaṃ tathāgatenāti dīpeti; anāpattiṃ anāpattīti dīpeti, āpattiṃ āpattīti dīpeti; lahukaṃ āpattiṃ lahukā āpattīti dīpeti, garukaṃ āpattiṃ garukā āpattīti dīpeti; sāvasesaṃ āpattiṃ sāvasesā āpattīti dīpeti, anavasesaṃ āpattiṃ anavasesā āpattīti dīpeti; duṭṭhullaṃ āpattiṃ aduṭṭhullā āpattīti dīpeti, aduṭṭhullaṃ āpattiṃ duṭṭhullā āpattīti dīpeti – imehi kho, rāhula, aṭṭhārasahi vatthūhi dhammavādī jānitabboti.

470. Assosi kho mahāpajāpati [mahāpajāpati (sī. syā.)] gotamī – “te kira kosambakā bhikkhū bhaṇḍanakāraḥ kalahakāraḥ vivādakāraḥ bhassakāraḥ saṅghe adhikaraṇakāraḥ sāvattiṃ āgacchantī”ti. Atha kho mahāpajāpati gotamī yena bhagavā tenupasaṅkami, upasaṅkamitvā bhagavantaṃ abhivādetvā ekamantaṃ aṭṭhāsi. Ekamantaṃ ṭhitā kho mahāpajāpati gotamī bhagavantaṃ etadavoca – “te kira, bhante, kosambakā bhikkhū bhaṇḍanakāraḥ kalahakāraḥ vivādakāraḥ bhassakāraḥ saṅghe adhikaraṇakāraḥ sāvattiṃ āgacchanti. Kathāhaṃ, bhante, tesu bhikkhūsu paṭipajjāmi”ti? “Tena hi tvaṃ, gotami, ubhayattha dhammaṃ suṇa. Ubhayattha dhammaṃ sutvā ye tattha bhikkhū dhammavādino tesam diṭṭhiṅca khantiṅca ruciṅca ādāyaṅca rocehi. Yaṅca kiṅci bhikkhunisaṅghena bhikkhusaṅghato paccāsīsitabbaṃ sabbam taṃ dhammavāditova paccāsīsitabba”nti.

471. Assosi kho anāthapiṇḍiko gahapati – “te kira kosambakā bhikkhū bhaṇḍanakāraḥ kalahakāraḥ vivādakāraḥ bhassakāraḥ saṅghe adhikaraṇakāraḥ sāvattiṃ āgacchantī”ti. Atha kho anāthapiṇḍiko gahapati yena bhagavā tenupasaṅkami, upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinno kho anāthapiṇḍiko gahapati bhagavantaṃ etadavoca – “te kira, bhante, kosambakā bhikkhū bhaṇḍanakāraḥ kalahakāraḥ vivādakāraḥ bhassakāraḥ saṅghe adhikaraṇakāraḥ sāvattiṃ āgacchanti. Kathāhaṃ, bhante, tesu bhikkhūsu paṭipajjāmi”ti? “Tena hi tvaṃ, gahapati, ubhayattha dānaṃ dehi. Ubhayattha dānaṃ datvā ubhayattha dhammaṃ suṇa. Ubhayattha dhammaṃ sutvā ye tattha bhikkhū dhammavādino tesam diṭṭhiṅca khantiṅca ruciṅca ādāyaṅca rocehi”ti.

472. Assosi kho visākhā migāramātā – “te kira kosambakā bhikkhū bhaṇḍanakāraḥ kalahakāraḥ vivādakāraḥ bhassakāraḥ saṅghe adhikaraṇakāraḥ sāvattiṃ āgacchantī”ti. Atha kho visākhā migāramātā yena bhagavā tenupasaṅkami, upasaṅkamitvā bhagavantaṃ abhivādetvā ekamantaṃ nisīdi. Ekamantaṃ nisinnā kho visākhā migāramātā bhagavantaṃ etadavoca – “te kira, bhante, kosambakā bhikkhū bhaṇḍanakāraḥ kalahakāraḥ vivādakāraḥ bhassakāraḥ saṅghe adhikaraṇakāraḥ sāvattiṃ āgacchanti. Kathāhaṃ, bhante, tesu bhikkhūsu paṭipajjāmi”ti? “Tena hi tvaṃ, visākhe, ubhayattha dānaṃ dehi. Ubhayattha dānaṃ datvā ubhayattha dhammaṃ suṇa. Ubhayattha dhammaṃ sutvā ye tattha bhikkhū dhammavādino tesam diṭṭhiṅca khantiṅca ruciṅca ādāyaṅca rocehi”ti.

473. Atha kho kosambakā bhikkhū anupubbena yena sāvatti tadavasaruṃ. Atha kho āyasmā

sāriputto yena bhagavā tenupasaṅkami, upasaṅkamitvā bhagavantam abhivādetvā ekamantaṃ nisīdi. Ekamantaṃ nisinno kho āyasmā sāriputto bhagavantam etadavoca – “te kira, bhante, kosambakā bhikkhū bhaṇḍanakārakā kalahakārakā vivādakārakā bhassakārakā saṅghe adhikaraṇakārakā sāvattiṃ anuppattā. Kathaṃ nu kho, bhante, tesu bhikkhūsu senāsane [senāsanesu (ka.), senāsanam (syā.)] paṭipajjitabba”nti? “Tena hi, sāriputta, vivittaṃ senāsanam dātabba”nti. “Sace pana, bhante, vivittaṃ na hoti, kathaṃ paṭipajjitabba”nti? “Tena hi, sāriputta, vivittaṃ katvāpi dātabbam, na tvevāham, sāriputta, kenaci pariyaṇena vuḍḍhatarassa bhikkhuno senāsanam paṭibāhitabbanti vadāmi. Yo paṭibāheyya, āpatti dukkaṭassā”ti.

“Āmise pana, bhante, kathaṃ paṭipajjitabba”nti? “Āmisaṃ kho, sāriputta, sabbesaṃ samakaṃ bhājetabba”nti.

Atthārasavattukathā niṭṭhitā.

277. Osāraṇānujānanā

474. Atha kho tassa ukkhittakassa bhikkhuno dhammañca vinayañca paccavekkhantassa etadahosi – “āpatti esā, nesā anāpatti. Āpannomhi, namhi anāpanno. Ukkhittomhi, namhi anukkhitto. Dhammikenamhi kamma ukkhitto akuppena ṭhānārahena”ti. Atha kho so ukkhittako bhikkhu yena ukkhittānuvattakā bhikkhū tenupasaṅkami, upasaṅkamitvā ukkhittānuvattake bhikkhū etadavoca – “āpatti esā, āvuso; nesā anāpatti. Āpannomhi, namhi anāpanno. Ukkhittomhi, namhi anukkhitto. Dhammikenamhi kamma ukkhitto akuppena ṭhānārahena. Etha maṃ āyasmanto osārethā”ti. Atha kho te ukkhittānuvattakā bhikkhū taṃ ukkhittakaṃ bhikkhum ādāya yena bhagavā tenupasaṅkamimṃsu, upasaṅkamitvā bhagavantam abhivādetvā ekamantaṃ nisīdimṃsu. Ekamantaṃ nisinnā kho te bhikkhū bhagavantam etadavocum – “ayaṃ, bhante, ukkhittako bhikkhu evamāha – “āpatti esā, āvuso; nesā anāpatti. Āpannomhi, namhi anāpanno. Ukkhittomhi, namhi anukkhitto. Dhammikenamhi kamma ukkhitto akuppena ṭhānārahena. Etha maṃ āyasmanto osārethā”ti. Kathaṃ nu kho, bhante, paṭipajjitabba”nti? “Āpatti esā, bhikkhave; nesā anāpatti. Āpanno eso bhikkhu, neso bhikkhu anāpanno. Ukkhitto eso bhikkhu, neso bhikkhu anukkhitto. Dhammikenamhi kamma ukkhitto akuppena ṭhānārahena. Yato ca kho so, bhikkhave, bhikkhu āpanno ca ukkhitto ca passati ca, tena hi, bhikkhave, taṃ bhikkhum osārethā”ti.

Osāraṇānujānanā niṭṭhitā.

278. Saṅghasāmaggikathā

475. Atha kho te ukkhittānuvattakā bhikkhū taṃ ukkhittakaṃ bhikkhum osāretvā yena ukkhepakā bhikkhū tenupasaṅkamimṃsu, upasaṅkamitvā ukkhepakā bhikkhū etadavocum – “yasmim, āvuso, vatthusmim ahosi saṅghassa bhaṇḍanaṃ kalaho viggaho vivādo saṅghabhedo saṅgharāji saṅghavavattānaṃ saṅghanānākaraṇaṃ, so eso bhikkhu āpanno ca ukkhitto ca passi [passī (itipi)] ca osārito ca. Handa mayaṃ, āvuso, tassa vatthussa vūpasamāya saṅghasāmaggim karomā”ti.

Atha kho te ukkhepakā bhikkhū yena bhagavā tenupasaṅkamimṃsu, upasaṅkamitvā bhagavantam abhivādetvā ekamantaṃ nisīdimṃsu. Ekamantaṃ nisinnā kho te bhikkhū bhagavantam etadavocum – “te, bhante, ukkhittānuvattakā bhikkhū evamāhamṃsu – ‘yasmim, āvuso, vatthusmim ahosi saṅghassa bhaṇḍanaṃ kalaho viggaho vivādo saṅghabhedo saṅgharāji saṅghavavattānaṃ saṅghanānākaraṇaṃ, so eso bhikkhu āpanno ca ukkhitto ca passi ca osārito ca. Handa mayaṃ, āvuso, tassa vatthussa vūpasamāya saṅghasāmaggim karomā”ti. Kathaṃ nu kho, bhante, paṭipajjitabba”nti? Yato ca kho so, bhikkhave, bhikkhu āpanno ca ukkhitto ca passi ca osārito ca, tena hi, bhikkhave, saṅgho tassa vatthussa vūpasamāya saṅghasāmaggim karotu. Evañca pana, bhikkhave, kātabbā. Sabbeheva ekajjham sannipatitabbaṃ gilānehi ca agilānehi ca. Na kehici chando dātabbo. Sannipatitvā byattena bhikkhunā

paṭibalena saṅgho ñāpetabbo –

“Suṇātu me, bhante, saṅgho. Yasmiṃ vatthusmiṃ ahosi saṅghassa bhaṇḍanaṃ kalaho viggaho vivādo saṅghabhedo saṅgharāji saṅghavavatthānaṃ saṅghanānākaraṇaṃ, so eso bhikkhu āpanno ca ukkhitto ca passi ca osārito ca. Yadi saṅghassa pattakallaṃ, saṅgho tassa vatthussa vūpasamāya saṅghasāmaggiṃ kareyya. Esā ñatti.

“Suṇātu me, bhante, saṅgho. Yasmiṃ vatthusmiṃ ahosi saṅghassa bhaṇḍanaṃ kalaho viggaho vivādo saṅghabhedo saṅgharāji saṅghavavatthānaṃ saṅghanānākaraṇaṃ, so eso bhikkhu āpanno ca ukkhitto ca passi ca osārito ca. Saṅgho tassa vatthussa vūpasamāya saṅghasāmaggiṃ karoti. Yassāyasmato khamati tassa vatthussa vūpasamāya saṅghasāmaggiyā karaṇaṃ, so tuṅhassa, yassa nakkhamati so bhāseyya.

“Katā saṅghena tassa vatthussa vūpasamāya saṅghasāmaggi. Nihato saṅghabhedo, nihata saṅgharāji, nihataṃ saṅghavavatthānaṃ, nihataṃ saṅghanānākaraṇaṃ. Khamati saṅghassa, tasmā tuṅhī, evametaṃ dhārayāmi”’ti.

Tāvadeva uposatho kātabbo, pātimokkhaṃ uddisitabbanti.

Saṅghasāmaggikathā niṭṭhitā.

279. Upālisāṅghasāmaggīpucchā

476. Atha kho āyasmā upāli yena bhagavā tenupasaṅkami, upasaṅkamtvā bhagavantaṃ abhivādetvā ekamantaṃ nisīdi. Ekamantaṃ nisinno kho āyasmā upāli bhagavantaṃ etadavoca – “yasmim, bhante, vatthusmiṃ hoti saṅghassa bhaṇḍanaṃ kalaho viggaho vivādo saṅghabhedo saṅgharāji saṅghavavatthānaṃ saṅghanānākaraṇaṃ, saṅgho taṃ vatthuṃ avinicchinitvā amulā mūlaṃ gantvā saṅghasāmaggiṃ karoti, dhammikā nu kho sā, bhante, saṅghasāmaggi”’ti? “Yasmim, upāli, vatthusmiṃ hoti saṅghassa bhaṇḍanaṃ kalaho viggaho vivādo saṅghabhedo saṅgharāji saṅghavavatthānaṃ saṅghanānākaraṇaṃ, saṅgho taṃ vatthuṃ avinicchinitvā amulā mūlaṃ gantvā saṅghasāmaggiṃ karoti, adhammikā sā, upāli, saṅghasāmaggi”’ti.

“Yasmim pana, bhante, vatthusmiṃ hoti saṅghassa bhaṇḍanaṃ kalaho viggaho vivādo saṅghabhedo saṅgharāji saṅghavavatthānaṃ saṅghanānākaraṇaṃ, saṅgho taṃ vatthuṃ vinicchinitvā mūlā mūlaṃ gantvā saṅghasāmaggiṃ karoti, dhammikā nu kho sā, bhante, saṅghasāmaggi”’ti? “Yasmim, upāli, vatthusmiṃ hoti saṅghassa bhaṇḍanaṃ kalaho viggaho vivādo saṅghabhedo saṅgharāji saṅghavavatthānaṃ saṅghanānākaraṇaṃ, saṅgho taṃ vatthuṃ vinicchinitvā mūlā mūlaṃ gantvā saṅghasāmaggiṃ karoti, dhammikā sā, upāli, saṅghasāmaggi”’ti.

“Kati nu kho, bhante, saṅghasāmaggiyo”’ti? “Dvemā, upāli, saṅghasāmaggiyo – atthupāli, saṅghasāmaggi atthāpetā byañjanupetā; atthupāli, saṅghasāmaggi atthupetā ca byañjanupetā ca. Katamā ca, upāli, saṅghasāmaggi atthāpetā byañjanupetā? Yasmiṃ, upāli, vatthusmiṃ hoti saṅghassa bhaṇḍanaṃ kalaho viggaho vivādo saṅghabhedo saṅgharāji saṅghavavatthānaṃ saṅghanānākaraṇaṃ, saṅgho taṃ vatthuṃ avinicchinitvā amulā mūlaṃ gantvā saṅghasāmaggiṃ karoti, ayaṃ vuccati, upāli, saṅghasāmaggi atthāpetā byañjanupetā. Katamā ca, upāli, saṅghasāmaggi atthupetā ca byañjanupetā ca? Yasmiṃ, upāli, vatthusmiṃ hoti saṅghassa bhaṇḍanaṃ kalaho viggaho vivādo saṅghabhedo saṅgharāji saṅghavavatthānaṃ saṅghanānākaraṇaṃ, saṅgho taṃ vatthuṃ vinicchinitvā mūlā mūlaṃ gantvā saṅghasāmaggiṃ karoti, ayaṃ vuccati, upāli, saṅghasāmaggi atthupetā ca byañjanupetā ca. Imā kho, upāli, dve saṅghasāmaggiyo”’ti.

477. Atha kho āyasmā upāli utṭhāyāsanaṃ ekamsaṃ uttarāsaṅgaṃ karitvā yena bhagavā tenañjalim

paṇāmetvā bhagavantam gāthāya ajjhabhāsi –

“Saṅghassa kiccesu ca mantanāsu ca;
Atthesu jātesu vinicchayesu ca;
Kathampakārodha naro mahatthiko;
Bhikkhu katham hotidha paggahārahoti.

“Anānuvajjo paṭhamena sīlato;
Avekkhitācāro susaṃvutindriyo;
Paccatthikā nūpavadanti dhammato;
Na hissa taṃ hoti vadeyyu yena naṃ.

“So tādiso sīlavisuddhiyā ṭhito;
Visārado hoti visayha bhāsati;
Nacchambhati parisagato na vedhati;
Atthaṃ na hāpeti anuyyutaṃ bhaṇaṃ.

“Tatheva pañhaṃ parisāsu pucchito;
Na ceva pajjhāyati na mañku hoti;
So kālāgataṃ byākaraṇārahaṃ vaco;
Rañjeti viññūparisaṃ vicakkhaṇo.

“Sagāravo vuḍḍhataresu bhikkhusu;
Ācerakamhi ca sake visārado;
Alaṃ pametuṃ paguṇo kathetave;
Paccatthikānañca viraddhikovidō.

“Paccatthikā yena vajanti niggahaṃ;
Mahājano saññapanañca gacchati;
Sakañca ādāyamayaṃ na riñcati;
Viyākaraṃ [so byākaraṃ (sī.), veyyākaraṃ (syā.)] pañhamanūpaghātikaṃ.

“Dūteyyakammesu alaṃ samuggaho;
Saṅghassa kiccesu ca āhu naṃ yathā;
Karaṃ vaco bhikkhugaṇena pesito;
Ahaṃ karomīti na tena maññati.

“Āpajjati yāvatakesu vatthusu;
Āpattiyā hoti yathā ca vuṭṭhiti;
Ete vibhaṅgā ubhayassa svāgatā;
Āpatti vuṭṭhānapadassa kovido.

“Nissāraṇaṃ gacchati yāni cācaraṃ;
Nissārīto hoti yathā ca vattanā [vatthunā (sī. syā.)];
Osāraṇaṃ taṃvusitassa jantuno;
Etampi jānāti vibhaṅgakovidō.

“Sagāravo vuḍḍhataresu bhikkhusu;
Navesu theresu ca majjhimesu ca;
Mahājanassatthacarodha paṇḍito;
So tādiso bhikkhu idha paggahāraho’ ’ti.

Upāliśaṅghasāmaggīpucchā niṭṭhitā.

Kosambakakkhandhako dasamo.

280. Tassuddānaṃ

Kosambiyaṃ jīnavaro, vivādāpattidassane;
Nukkhipeyya yasmiṃ tasmīṃ, saddhāyāpatti desaye.

Antosīmāyaṃ tattheva, bālakañceva vaṃsadā;
Pālīeyyā ca sāvatti, sārīputto ca kolito.

Mahākassapakaccānā, koṭṭhiko kappinena ca;
Mahācundo ca anuruddho, revato upāli cubho.

Ānando rāhulo ceva, gotamīnāthapiṇḍiko;
Senāsaṇaṃ vivittañca, āmiṣaṃ samakampi ca.

Na kehi chando dātabbo, upāliparipucchito;
Anānuvajjo sīlena, sāmaggī jīnasāsaneti.

Kosambakakkhandhako niṭṭhito.

Mahāvaggapāli niṭṭhitā.